



四庫全書存目叢書編纂委員會編

齊魯書社

# 四庫全書存目叢書

集部  
第二六二冊





責任編輯：孫言誠 賀 偉

ISBN 7-5333-0615-5




EB5/03

## 四庫全書存目叢書·集部二六二

(大陸版·限中國大陸發行)

四庫全書存目叢書編纂委員會編



齊魯書社出版發行

(濟南經九路勝利大街)

◆金壇古籍精裝印務有限公司印製

787×1093毫米 16開本 53.25印張

1997年7月第1版 1997年7月第1次印刷

印數1-100

ISBN 7-5333-0615-5

Z·60 集部定價：127800圓

# 集部第二六二冊目次

## 集部·別集類

樸學齋詩稿十卷補編一卷

〔清〕林佶撰  
北京圖書館分館藏清乾隆九年家刻本

一

柳塘詩集十二卷

〔清〕吳祖修撰  
蘇州市圖書館藏清康熙四十四年刻本

一五七

澄懷園文存十五卷載賡集六卷詩選十二卷澄懷園語四卷自訂年譜六卷

〔清〕張廷玉撰  
北京圖書館分館安徽省圖書館藏清乾隆刻澄懷園全集本（詩選年譜光緒張氏重刻本）

二四三

秋江集六卷

〔清〕黃任撰  
吉林大學圖書館藏清乾隆刻本

七五九

樸學齋詩稿十卷補編一卷

〔清〕林佶撰

北京圖書館分館藏清乾隆九年家刻本

附《四庫全書總目·樸學齋詩

集十卷》提要

序

卷一

詩言志志高而處卑不能  
強為高也非是亦徒為夸  
而已余濩落廿年來所為  
詩止此其卑已甚猶幸其  
氣之昌也倘易地處之志  
帥氣氣輔志豈惟詩其  
於道也覲有進焉不敢不  
勉也

康熙乙酉八月鹿原林佶  
書於陳州之柳湖





樓學齋詩藁目錄

一卷 古體五言

二卷 古體七言

三卷 古體七言

四卷 今體五言律

五卷 今體七言律

六卷 今體七言律

七卷 今體七言律

八卷 今體五言截句

九卷 今體七言截句

目錄

十卷 今體七言截句

受業甥謝道承

陳治滋

男 正青

在衡

在義

王衡

孫 姓

肇天全校字

乾隆九年甲子刻於維揚

樓學齋詩藁卷一

古體五言

建溪

建溪如建甌一瀉八百里夾岸列層巖中流橫巨  
砥孤舟蕩滴波折旋若磨蟻蓬短卷三窩舫輕薄  
半指篙師四五輩操縱若控駛脰腕互呈勞心目  
各奏技偏從急湍投遙向危磯抵上下偶失勢觸  
石見立靡吾方汗漫遊曠懷似條鯉異境滌煩襟  
惟石幻衆美穩者如平甌枉者若注矢峻或摩昂  
霄高乃蔽日晷堆聚儼累棋破碎等散蔦狂駭兇  
牛奔秀瞻鸞鵠峙及茲冬涸辰澄澈直到底鬼斧  
無遁形神工失所恃日暮邨煙合引纜溪灣穢薄  
飲敵霜嚴明朝達柘水

仙霞嶺

造化孕陰陽鑪冶呈物表項脊屬中原吭嗑乃素  
趙甌閭居尾閭一泄恐遂了包絡遞岡嶺匝極  
茫淼豈但挺奇靈實能割昏曉彼豎蓄狂謀稱兵  
霧自挑欲以九泥封致使王師勦至今一紀餘殘  
黎心猶掉我來值窮冬郵符適紛擾只有官役趨  
絕無行旅遶筇輿不得御芒鞋行木杪風雪方載

途跋履心已悄仰睇浮雲齊俯觀飛鳶小茫茫身世交何日謝紛糾吾將就堯夫觀物窮幽渺

### 江山道中雪

苦寒地多雪積素每盈丈萬室舉煙沉千門披月朗此物南方稀亦由陽氣還無復撤庭院那見螢書幌昨者度仙霞殘冬及蜡饗暖可祛春衫氣如蒸瓦盜玄冥欲閉藏失令不得養何意晚霖霖忽復風蒼莽平地江濤翻深林虎豹往逆旅弗堪留出門殊勉強油幕與毳衣決裂無足仗沾帽若綴旒撲面直過顙僕夫已告瘁川原覺深廣敗絮不

樓學齋集卷一

二

### 蘭溪

蘭溪山蜿蜒遠近各有情蘭溪水流駛澄波涵空明未至廿里餘遙望心先迎左林橫積翠松影連雲平疑有仙人車乘鶴奏鸞笙右岸挺寒枝槎枒森萬荆木葉既已脫羣鴉時飛鳴中流帆影散落日蒸霞晴浦淑藏樹底泉聲激琤琮洄伏沙嘴露籬落秋樹坪我思此卜居荷鋤來偶耕前疇八九

畝後屋二三楹出作而入息無年亦無榮又思爲漁父波面集魚兵月明罷釣去白鷗締素盟只要吾生足無之山水清此地可長往安用利名撓

### 贈顧嘉穎

絹力五百載紙力八百年未若貞珉堅千古猶流傳所以善書人必藉名手鐫獻之保母碑李邕戒壇篇宛轉自刻畫骨勁而肉圓錫山顧嘉穎文雅殊翩翩雙鉤窮毫秒運刀追風旋垂露與屋溜倒雄及針懸書家具三昧一一探其玄吾哀金石富不亞集古編見子鈞與劉用意極精專方今右文史宸翰灑龍箋下迨卿大夫碑版筆如椽子雖善刀藏定遇乘韋先煌煌照四裔豈曰雕蟲妍

樓學齋集卷一

三

### 送供奉宋廣平入都

碧梧倚高岡崇蘭生澗曲託根既非允標格自不俗卓哉供奉賢令德風所沃承學溯淵源束身範金玉致位始清華主恩若朝旭九萬瞻鵬搏千里展驥足

我居閩海濱抱書汨塵埃所志在四方微情寄高曠出遊來亮峯托交附末行霞嶺雲芊綿太湖光蕩漾飲和酌醇醪心醉不可量

當今王路廣彙征固多賢雅詣臺閣事孰有如君  
先君雖抱璞藏文采日昭宣簪筆丹螭側荷橐籥  
洲前駸駸登崇階世掌絲綸篇

春江如鳥綠春草逐波青馳驅騁上苑高閣遙聞  
鈴昔日論思地延賓戶不扃君方紹父風慎哉答  
明廷

寓齋感興廿一首 有序

每希古人詠懷感遇諸篇結情欲吐才薄不逮  
寓居抱寂走筆輒得廿餘首觸緒敷衍質浮於  
文觀者宜有以諒焉 辛未七月二十日

樓學齋集卷一 詩 四

天道貴自然人事尚明作動靜互爲根推盪若橐  
籥皇王已云徂淳風日以削汲汲魯中叟倨起荷  
絕學剛定在六經往聖得所託雖以木鐸驅何異  
秦韶獲近士鮮躬行智巧以臆鑿茫茫三千載此  
道竟寥廓有志既不立宜爲識者薄

學士貴聞道致身苦不早如何滋玩愒展轉頭已  
皓中夜披帷立明月照霜縞蟋蟀鳴窗牖秋風凋  
蔓草失時不努力何以慰親老

文章雖一藝載道以爲質才氣競驅馳何嘗不超  
軼惜未探其源致遠將恐尼不如滋本根根茂花

自實區區誠願學恒患未專一庭訓與師承服膺  
良已悉敢復踴浮器悠悠負白日

大義存六經炳如日星懸誦說相纂述古今非一  
賢好學以深思白首猶茫然豈伊咕嗶者乃能得  
真詮帖括乖其體制裂滋目眩自非不世才安能  
改其絃何況榮利名得魚旋忘筌

性道不可聞心學幾終闕致知與格物明善以誠  
治啓鑰且開闢寧不見真義蔽銅日以深訓詁日  
以離不如收放心萌蘖自培植老佛抵間隙朱陸  
別同異紛紛千載中竟忘所有事我生在汙泥豈

樓學齋集卷一 詩 五

能自拔致但希夜氣存庶無陷匪類  
玉韞山含輝珠藏澤自媚道德被厥躬氣象應光  
賁鄉黨一篇書聖容難擬議泰山負嶽嶺私淑有  
餘企嘆彼虛憍者色莊以爲僞失聲破釜間見色  
豆羹類所以君子徒寧不在集義不愧亦不怍浩  
氣塞天地不疾亦不遽三十年不貳霽月與光風  
此言良堪思

星漢麗中天江河有歸宿古人重授受衆輻會一  
轂伊洛暢其風闕閤亦繼躅紫陽有功臣乃在葵  
州麓仁山與白雲文獻及文肅經術既已醇文章



更絕俗後先仰重光學者飮膏馥沾被潛溪翁用  
先彼邦族煌煌典冊文清廟頌於穆巍巍開國臣  
車服照巖谷不敢忘師傳遺編仍纂錄景行惟高  
山辭香自此祝

國有所與立寧不在文獻相承賴名賢古今同一  
券學識窮小大綜括恢典憲上探印墳書下採草  
澤論此豈拘牽儒孤陋所能逮昔惟東萊翁淹貫  
追雅健後起宋潛溪百年餘繆繆人未云遙撫  
已有深願潛溪有思人詞  
為呂成公作也

我愛百泉山上有安樂叟不扇亦不爐其中何所

樓學齋集卷一

下

有月窟與天根攝持若樞紐出處不驚俗乾坤亦  
儕偶至今伊雒間元氣猶亘厚近者孫夏峰遐邇  
推耆耆問學有淵源被服安田畝豈不願守鞭惜  
哉生已後

在昔沂水游春風遍寰海近者天泉橋此樂亦千  
載我嘗希其風誰云古不逮昨日趨邱南山光吐  
煙靄中有讀書翁雪鬚白皚皚挾杖偶行藥梅花  
正蓓蕾列坐石子岡靜領思有在此意難爲傳此  
遊翼不改何期反掌間脩爾彤文采

敝褐對狐貉誰能不跼踖鳳凰同雞食未有不脫

橙如何混齊俗愛身不若璧矯彼玉遠翁孤析能  
自頌聲名致青雲簪校竟一擲迹跡入蓬蒿精心  
禮與易九年不出山擬與塵網隔明詔忽來徵官  
吏相逼迫勉強拂征衣豈爲腐鼠嚇氣直道自孤  
族甚劍相射束身翻復歸跡隱名逾白不滿忌者  
心浮論恣毒螫焉知鵠在天雲表振六翮嘆彼舍  
沙人憫惻何所獲

我生十年時芻豢困驕穉十五知讀書門外琴鼓  
亟數掾不安棲支撐見勞動始知入世難愈信紛  
囂累學殖恐無成中夜頻自歧折節事吟嘯恥與

樓學齋集卷一

七

庸庸比令德不早立聞見煩譏議發憤自激昂負  
笈不辭費乃有尸居徒尊杏以爲異

當寒振襦裳當饑煮梁肉飽煖一心知非爲人鹿  
鹿汎舟迷中流驅車味峻谷長揖問征夫庶免窮  
途哭先覺原有聞我躬應自穀但當憑心思莫仍  
廢耳目此中有精意悟者不須復

驪龍護明珠深淵長自匿家雞當伏雛寧寧抱一  
息少壯富精神愛養宜用耆多言損三焦好動傷  
勿力何況伐性資往往多迷惑自非明達賢沉溺  
此克相彼合抱材亦由毫末殖和氏璧萬金不

珍當誰識篤哉君子身努力崇明德

父子本同氣兄弟若連枝相厥有生初保抱相游  
嬉一日不相見何異渴與饑乃至有知識各復營  
其私借鋤有德色閭牆動見嗤至性誰不然轉瞬  
成澆漓父恩有時盡兄愛有時離寄語世上人毋  
使後時悲

天合洽以恩義合教以情古人重緇衣鼓瑟復吹  
笙真意既已浹至道從茲萌相叶不相比間隙何  
由生今人好苟合多爲利名傾下者趨邪昵微逐  
事逢迎威儀不相攝德義安能成須辨損益徒宜

樓學齋集卷一

抒彼我誠割席者誰子慎交全永貞

原憲衣捉衿顏回飯蔬水得聖爲依歸自能祛物  
累退之亦聖徒乃爲貧所使號呼數上書禿豁悲  
髮齒是知困窮術此境未易擬我生值艱難兵寇  
充斥井里瘡未全消蕭然困食指上有垂白親下  
有牽衣子無計禦寒饑長物餘書史慷慨歌金石  
哀音欲變徵况當羈愁中秋氣微肌髓

立國自有經居家亦有紀苟恃富強資未有不縱  
侈從俗恣奢淫未有不敗地所以節儉風家國同  
一理良馬行修途蹶足九十里百金惜露室和樂

被休社量入以爲出尚恐致傾否財源只此數盈  
此必縮彼縱可致力求所傷亦倍蓰澹泊儒者事  
禮義躬率履敢希浮薄徒料飾用觀美

古樂愛澹泊今樂事淫靡但得絃中趣自具至和  
理古書崇簡樸今書尚軟美但得書中規心敬學  
在是喧俗苦浮囂一食念百起辟如捲秋箒旋掃  
紛階圯不如去學琴調心復調指不如去學書畫  
畫見心失

人固不易知知人亦不易橄欖回餘甘良玉韞金  
匿有識不終湮久爵味乃異傾蓋如白頭杯酒結

樓學齋集卷一

九

心意歡始以凶終不如不相比今日宴巨羅明日  
馳驛騎分手即途人冷落同棄置不見君子交久  
要能不二止水澄鑒明洞燭辨物類不希炙手熱  
也無失足累

古有感遇詞伯玉稱獨步金碧與空青磅礴莽回  
互晦翁更有詩齊居寫幽晤切近探真實學足理  
尤裕吾生千載後踪跡比涸鮒安能以蠅聲不揣  
當詒謾颯颯秋風來蕭蕭日景暮志氣無時平焉  
情旋復吐聊作候蟲鳴往復有餘慕

贈于東園

昔未見君時常愛讀君詩清真復微有想見塵外  
姿今日來見君爲君牀下拜敗帷不蔽席老屋僅  
支壞半卷楞嚴經悠然出清嘖不受塵網羈超出  
如破械靜聽生滅緣是身等一芥君探天地根我  
墮意識界願君爲我陳孰爲穀與稗爲我撒藩籬  
令我掃瘡疥傾心聆至言似護菩薩戒三沐南海  
濱壯納通沆瀣

送姚東只還揚州

維揚一老翁年已六十九魁壘雅好奇埋頭只好  
酒酒後寫新詞寸紙蟠龍虬開口一笑足不計及

樓學齊集卷一

十

不朽昔曾遊燕秦近亦客柳柳不啻楓亭荔老葵  
負此口竭來叩我門脫畧破窠臼拈韻每藏闔圍  
棋敢縮手忽復告我歸秋風趁清剡無計可留君  
勸君酌大斗明月照邪溝正是君歸後不知君此  
時能復重聚首聚散本難期高懷實不偶再有武  
葵綠策杖隨君走

重陽後集許氏石林得佳字

身繫塵鞅中安得具好懷前山有幽逕茲登多層  
崖不及當令節登臨與君偕循幸遲日來從容躡  
芒鞋上下陟危磴汲雲吞江涯汲雲吞江涯皆佳字朋侶既

俞集詠譎襟優俳寓目騁高曠超然外形骸秋風  
方朝肅山氣尤夕佳更有當空月脩然照山齋緒  
言須拮擊餘興待安排長嘯下山去吾心良已諧

大司成汪公東川賦甘泉宮瓦詩爲贈賦答

我有一漢瓦規圓質殊美文列長生樣畫開八分  
始肇造武皇年沉埋甘泉址幾度臨秋風明月照  
渭水代去踪無留神護器不毀叔獲迹頗奇撫觀  
字可喜今之友類泓底用注經史高度茅齋中掩  
映烏皮几家珍差足尚衆賞未云侈何意國子師  
覽圖披幅紙煌煌瀉高詞朗朗發妙旨排弄絕陳  
言卓犖越恒軌頓令聲價張氣與終南峙我喜誦  
新詩欣如得御李重枉高軒過窮巷迎倒屣自顧  
亦瓦缶敢混黃鐘耳物理屈必伸化權泰消否巨  
細等齊觀顯晦道如此逝將勒鴻篇傳示昭遠邇  
庶配石鼓歌同耀圖橋裏

入新河泊桃源界夢歸有感

明月照大河夜靜波聲息四顧無邨墟惟聞鼙鼓  
亟百憂從中來羈魂轉凄切展席尋夢境夢覩高  
堂色牽衣情宛然忍別淚盈臆二親八十年遊子  
乃離側傷哉貧所驅微名悔不匿不如在夢中猶



得供子職

上新城王阮亭師

倒掛生窮島不能耀羽翰荔支貢上林暫得充大  
官同處朱方城升沉等殊難彼物終無言居違實  
可歎

山澤產物華希世乃一觀分布宇宙間落落只此  
數羅列陳五都豈不希良賈世無波斯胡寧藏不  
顧沽

黃河從天來泰山拔地出王畿宮闕麗冠蓋車超  
軼靈胸無此奇徒如禪處龜所以有志士欲近長

安日

樓學齋集卷一

羣卉值春陽含華各爭媚氣候歷三時根株務涪  
溉緬彼至道人晚欲刊文字而我猶區區莫爲達  
者棄

吾聞東泰山上有丈人峰轉爲魯邦望巍然衆岳  
宗蒸變以化物雲龍實相從區區上壤微詎不荷  
含容

輕盈伴玉人

阮亭師席上分賦  
襄陽冰雪人皜皜固無匹壯闊休上書南山長自  
逸何意賦瓊姿謂宜伴玉質精白神可通淄湮能

不失素心長如此持之質皎日

說餅

阮亭師席上分賦  
曾讀說餅詩摘詞五百字蒼藻綴成章硬語各拔  
萃信知風雅才別具點染致不襲吳均說只與諸  
生議大足補食經兼可資本事何意余後來亦荷  
公飲食既飽固已欣有言敢辭費朶頤噉噉占枯  
腸芒角出權輿愧此承據覈嗟徒爲惟公鹽梅手  
能調鼎器欲士飫聞道皆欲齊其裁舉類而知  
通聊以規衆志略大識厥小雖後何足異拙詩獨  
晚成願公一笑置

放鵬圖

樓學齋集卷一

爲阮亭師作  
先生天人姿標表與俗異雅抱匡濟懷尤饒山水  
致漁洋萬頃青蠶尾數峰翠遐託良在茲未嘗一  
飯置昨宵卷書坐悠然涼風至對月念逍遙感物  
增秋思頗憶雍陶詩千載有同契

雪後詩思圖

爲阮亭師作  
高山望嶙峋白雪飄然下瓊瑤散作花迸向溪流  
瀉庭前數竿幽竹外一枝亞東風律已轉餘寒氣  
猶射卷簾擁褐居蕭然忘却舍緬想冰雪安神思  
何清暇

書土慢亭結綠研圖後

昔聞結綠研蔚爲蘇氏寶何意三槐家亦具此美好相其瑯琊工不知何年造埋沒槐根中幾同秋葉掃無心獲此奇洗刷照晴吳熊熊紫虹光宛結一片藻登度友頴泓磨研著立草昭示傳子孫庶令永相保奚期暫然失慢藏戒不早楚弓遺可忘魯玉歸用禱片言納汶田那須偏師討神物有護呵祖澤頻潔滌瓶欵形可模詩城堅難搗三槐昔有銘異代足徵考欲借此研濡秉筆愧坡老願同青瑣藏守如頭目腦

樸學齋集卷一

題梅耦長畫并送其歸宣城

我昔買片颿遠浮大江濶遙望敬亭山雲氣自卷舒泉澗何委折樹石何蕭疎茫茫煙靄中知有人讀書欲從徒溯洄忽已三年餘每見君毫素客懷時一據蹴踏無荆關董巨何足譽自矜不苟作獨與朋相于今朝風日晴同集民部居君獨寫片幅遠心寄歸與我歸疑君先於計亦未虛想應移贈我恍掛及秋初洞庭歌木葉遲君來樵漁

七夕前三日集一畝園今賦紫薇花得瓊字  
肅肅一園秋茲花獨婀娜綴英吐未歇垂紅色欲

輝葩擬駐朱顏名久借青瑣微思相對人不知誰者可聊復傾一觴試藉落茵坐

集王樓邨修撰寓齋賦忍冬花即送其歸寶

應得春字

芸生動與植貴自全其真凌霜傲風雪時絀道益伸詎松柏有心與竹箭有筠不觀弱植藤亦能忍冬辰纏枝尚左紐敷葉含光新叢葩聚一穗長鬚款半唇色白俄變黃似雜金與銀其性最溫和久服能輕身復宜綴短籬俯與木槿鄰盈盈巖阿側蕭蕭讀書晨幽香祇自媚不染艷與塵蒸露露縹緲

樸學齋集卷一

五

潔釀酒酒益醇以此列本單品與參著倫是當伴君子什襲環珮親奚與當門蘭鋤伐比荆榛不知物尚忍含芳以濟屯惟人能尚忍鍊性以通神敢因忍冬花酌君歸淮濱祝君貞晚節同受天地春

爲陳坦園題日角硯冊

我有龍尾石寶之若拱璧爲君巧奪去至今念猶惜君復誇日角屬我銘素冊我未見此硯如何以意逆若以龍尾規舉一可繫百定在季孟間光恠動精魄資君揮灑奇佐君龍蛇迹雅知一麟角要敵千狐白他日論兩勲未知定誰策因思百年內

能者幾兩役揮毫掣兩肘能書幾尺帛好研不可  
無食研莫成癖保無好事者按圖來求索我言非  
游戲須慎防豪客

李黃齋食瓜不賦得浮字

初晴雨氣歇移午炎歊柔隔巷偶相招忽聚數朋  
傳竿懸飲或怯瓜剖食如流博徵及疏譜默識恣  
冥搜乃知其種別疎的綿田疇名始豳風載候從  
月令收滋生竄易衍削之皆有由禮記爲天子削  
瓜至于庶人皆  
有賦推劉陸麗格挹張傳道西方負金體夏日嚴  
冰鏤巨負形類斜小握圓同球懷丹間被素絃蒂

棋學齋集卷一

十六

珍括姜傳聞嫩煌產其美潤沁喉迄今哈密貢香  
脆味殊優不識東陵生昔曾甘此否我近患腰劇  
戒冷忌腥羞對此不敢啖任彼沉與浮因嘆胡不  
歸荔子負三秋繁瓠古所歎抱蔓今方憂只願去  
荷鋤種瓜還吾邱倘或逢谿父登陟凌瀛洲

黃齋種竹分賦得不字

移書來古巷種竹傍牆頭風聲與竹影頓令小牕  
幽現借清陰潤觴飛翠靄浮于猷高興發還應似  
君不

分賦得韓退之納涼聯句即用其韻

天方降炎威地不分南朔廣城一洪爐備椒諸凡  
濁火鬱金氣柔離燦陽光攢身欲浮三江志思凌  
五嶽更羨赤鱗遊臨淵騁漫漶又慕斯場潛深巖  
挾冰雹調息數吸呼洗心習靜慈纔解一鉤涼未  
得終朝樂況我魚肆枯豈能比鶯鶯汨汨混京華  
棲棲逐塵逸雖云遊帝鄉詎比去天握每臨視日  
影最苦是午卓炙若艾灼身磨焚鋸礪角况欲謀  
稻梁時用資飲啄經營念方焦造請顏已渥豈容  
桃笙卧安得塵尾捉局促居兩楹偃仄仰尺桷容  
膝審易安執熱倦思濯水巖潏霏微山石行鳴犂  
小隱宜深山大材貴完璞此志既不就石田荒禾  
穉昨過招提遊無異鳥脫殼地勢挾陰森勝情滌  
齷齪自有甘泉汲不須藏水斲快如馬脫銜豪類  
舟橫梨涼颺集煩襟清夢得一覺攢壁饒古畫變  
相幻容貌面壁儼縛禪入定悟參學清露葵葉新  
香風棗花撲念謝利名韞戒斷貪迷銀蓮座擁曇  
華蘭若叢芳葯瓜從龍井浮笑想雞頭刺桑門謝  
塵囂箭鋒絕謠詠老僧八十餘戒律頽而皓方外  
交味長經過不嫌數昔遊輒或迷新詞筆恒擲閑  
知晝日長靜領太古樸議論雜俳諧風雅資揚推



牆頭布鵲翻離畔午雞喔新茗戰方酣芳醪盛共  
勅日轡迴金輪雲屏垂翠幃欲較虎豹辭愧乏瓊  
瑤琢

新竹用白香山韻爲韻秀堃賦

渡江別此君半年違舊識何意到君齋覲此幾竿  
直孤根本自危朔風吹何極艱難挺青篠空庭爲  
君得比者新雨餘綠滋好顏色對客哦其間惟賞  
窮日力而我亦來過樽前道相憶此君顧我笑醉  
舞欲吾側似共南山南不忘北山北我欲移此君  
無力轉淒側

樸學齋集卷一

十

垂釣圖爲程萬亭賦

萬亭真奇士嗜奇固無匹曾問幔亭津欲守楓亭  
驛相逢在維揚論議挺萃澤日欲空古人手仍理  
散帙上下古今間奇情貯一室箋註及蟲魚博采  
徵刪還飛走卵胎濕一一詳記述持之獻天子識  
小固其實詎意金在冶精采鬱未溢且復託歌呼  
旅懷寄抱膝莫羨釣竿欲擲禿毫筆莫羨長袖  
舞徒咎未工瑟壯夫勇有時逢年豐可必不觀千  
金駿萬里騁奇逸應易釣師圖破浪乘風出

贈宋山言

曩獲緯蕭集細讀匡廬詩歎息果傑構知言真吾  
師比來十年餘著述聞益奇思願從君遊雲龍上  
下馳相去幾千里遠道輒參差去秋大比年網羅  
搜熊羆人各堅壁壘競欲拔螭旗君遂張北軍余  
亦綴南枝頗謂及春明對策趨形埒蠅翼附驥尾  
絕足因風施何意各垂翅中途復相岐君先還江  
南子舍猶西陂子獨困于殘冬尚奔波問津楊  
子渡停棹胥江湄清風鈴閣下滄浪水連漪龍門  
詎易泝東閣乃容窺退因獲對君杯酒歡相持頗  
然豁胸臆幾復忘窮羈緬思君家學淵源何逶迤

樸學齋集卷一

九

文名振江左上達九重知斲甃何足云會當決藩  
籬下視燕雀儔得無劣凡嗤人生在不朽三立稱  
男兒願君崇明德努力樹芳規接武繩世業應運  
恢明時

武使君贈秋露白作此酬之

海陵武使君贈我秋露白不復羨蘭陵更與惠泉  
別瓶罍源源來還期用不竭暴富類貧兒私心自  
怡悅賞盡三春花遊幾九秋月一飲一懷君君寧  
不耳然

紅蓮米

昔聞吳都賦，粟美海陵紅。一飽嘗燒及，餘甘香更充。色殷占種美，致遠驗年豐。聞入天庖供，何因飽野翁。

贈福州顏太守

道山在蓬壺，奚來自閩壤。記從南豐傳跡，因光祿賞中峰。峙欽峯影，切霄漢。上仙史，憑熊車，高明愜亢爽。

于山集九仙，靈境固無匹。層巒紫雲清，泉落朝日行。印度花間放，街理湘帙。千載姚端明，風微仰萃祥。

棋學齋書卷一

丰

贈范別駕

幽居屏人事，委懷在詩書。冥觀大化運，靜閱盈昫除。歎茲渺爾躬，俯仰乃茫如。

側聞有淑姿，皎皎臨風立。鳴玉以為佩，采芰以為蓂。襲東閣，依官梅，清風冷然入。

遂遵海濱來，問奇探幽討。日月歷晦明，川原辨濕燥。熊魚知難無，榮名以為寶。

作宦如作客，蕭然長閑闕。庭虛來雨雀，遲靜長苔斑。霜餘萬木落，拄笏看龍山。

登道山

蒼莽郊原平，青翠衆山立。誰擬一拳奇，雅致羣賢集。斐然各會心，競秀在篇什。

爲查查浦題宋揭黃庭經後

憶昔在湖上，君傳示此帖。如遇絳宮仙，琴聲奏三疊。跋尾寫兩行，匆匆意未愜。次年聚京華，羣彦相步。標各出所有，奇如會岐陽。獵君仍出此，本未皆氣已。厭諱觀紛衆，手各以臆。嚆嚈或云會稽摹倪，怒驥蹀躞或云通微書院體。無弗協于篆，五無容默以神相攝。緬其出塵姿，真具行空鬣。徐或竭蹶超吳，恐揮掃怯奇絕。細雕鏤妙處存，拓振下真蹟。

棋學齋書卷一

丰

一等足評非爲殲，歸來復五年。百憂疲薾，多病養健忘。萬事付秋葉，惟願誦黃庭。養生修淨業，何意君南來。芝城忽相接，動詢帖亡恙。無暇語相怡，君索于再題。貂續豈容輒，况復病腕弱，力不任一篋。那可步諸公，聚訟紛投牒。子藏有穆序，古香凝秘笈。當日懷仁師，妙蹟此摺牒。蘭亭無下榻，對此總勝妾。君許互題識，相賞欣目睫。此語予所樂，已復忘喋喋。

金雞橋落成于遊筍江來觀次東坡新橋韻

昔趨萬安橋，詫彼跨海寬。今過高士峯，壯觀復茲

溪夾岍兩山秀中流亂石低何年鼓洪漲壞此百  
尺堤鰲首一頓蹙寒涉相推擠即用乘與濟不足  
給日西大道荒百年行旅絕攸躋賢侯岐陽裔春  
風騁馬蹄念此欲鞭石豈待旬日稽扁舟來相度  
不驚鳧與鷺遂成橫波梁竟似凌空梯詎煩動鑿  
鼓靡金若沙泥大工一朝集鴻名遠金閨我來就  
山水書劍相提攜春遊到荀江囚來度金雞坐觀  
安磐石不用鑄牛犀賢侯有妙筆讀書常燃藜作  
記追君謨刷字磨煤臍

舟發長淮趨亳州

樓學齋集卷一 五

扁舟沂濠梁清風遙相控千年古蹟遙極目聊一  
送荆塗歎色聲淮渦河勢動壽春堰已湮滁陽事  
堪痛長閑潛溪文慨然一微詠欲弔長空月誰鉤  
白墮甕

乙酉生日客莘城縉坡公集得所爲東坡詩

八首按其年譜正公四十六時作也予何  
人敢與公同年而語特向服膺公詩因是  
以寫其佗際無聊之聚故爲之次韻云

未能登廟廊復難返蓬蒿進退兩無據僕僕徒爲  
勞非不思息肩願影誰能逃竭有涎白澗蟹有匡

藏膏二蟲我不如嗟此兩鬢毛撫躬生此口安得  
獨自高

中原眺蒼茫驅車安所適炎日爍肌膚烈於寒起  
栗蔭從莘野憇泉向空門乞甃偷忙裏閒敢厭勞  
即逸晨雨忽東來涼颺集一室將復理遊裝整轡  
夷門出鞭短馬腹長行行安可必

疾病鎮縈身頗苦倭腰背乞得一七葉不及三年  
父行住總支離貧困方交會總因創巨後輟轉在  
苦塊心枯俯仰中慮隔形骸外舊學日以荒新聞  
誰能嘗嘗恐考德者問我業安在散碎補遺忘何

樓學齋集卷一 五

異攝腥膻

海內號英賢靜中屈指數或工雕龍文或擅揆天  
語才堪八斗量筆容九鼎舉彙征拔連茹彌縫揭  
針縷氣象俱崢嶸名位互撐拄都已騰雲霄各有  
致風雨偏我獨向隅如脩脯失筭途窮昧東西人  
賤離鄉土虎鼠成異形相觀乃如許

少年好涉獵中歲道未荒頗謂致身易可以企踵  
望誰知惜命達假易靳彼蒼太息右文世詩書氣  
蕃昌而我獨岐路兩目徒望羊揣摩愧未成養嗣  
固難忘

廿年抱一璞思就大匠斲獻之羞自媒銜之損吾  
慙憑依乃自爲龍鱗挾冰雹材大斲而小母乃負  
幼學不觀元凱賢亦舉自四岳當今盛變龍位望  
羣卓犖薦口不噬寒枯魚澤誰涯養晦顛需時莫  
競爭頭角

殘月三更吐曖曖籠達村涼夜思關山萬里隔短  
垣明河曙耿耿徘徊仰天孫懷時傷逝水感物念  
出門故交三五人誰能枉相存珍重進杯酒勉強  
加盤飧今誼且自篤報施勿復論古人重俠節四  
海皆弟兄

樓學齋集卷一 詩

東坡享盛名迢迢數百年當時困遷謫乏食無一  
錢吾窮獨類公守賤安園田快心有敝帚長物餘  
舊種虛名籠今昔身後誰愚賢只宜埋中山美酒  
賒十千

以先狀寄鄧令溫岸先并述鄙懷

嗟峨堯門山蕩涵白渠水周爲焦獲區漢屬馮翊  
理地勢趨廣原風俗風淳美子真既高寄衛公自  
疎峙間氣鬱輪囷名儒相踵企端毅篤剛方恭毅  
端學起至今兩太宰流風子孫被冠纓紹前哲學  
術接後趾君爲端教支英聲少鵬起先君早握符

樓學齋集卷一 詩

作宰鳴珂里庚子吾以降官舍懸弧矢未辨菽與  
麥已長髮與齒莫英逢七更繞向瀟湘徒回首兒  
嬉地猶在心目裡山河邈以遠日月如奔馳彈指  
四十年忽忽如夢耳讀書久不達寒門愧衰圯勉  
從園橋趨徵錄蘭臺史初得策微名薄遊長安市  
烏府數經過斗酒爲娛意與君會須吏執手念先  
子同車不同驛內顧實汗泚已復六七年吾忽遭  
哀毀支離欲無生寧更計身累無如有高堂負米  
亟甘旨擇術萬事違只宜鑽故紙再渡桑乾曲耶  
愁羊城址聞君近製錦名陵召父比雅欲觀雅化  
且願親道履恐以風塵軀爲君累行李特遣一介  
來求錫先人誄知君篤淵源誼不忘桑梓况吾視  
池陽尤嚴如畏壘桐鄉遺愛存扶風椽筆似倘獲  
微寵靈殊樂陳終始士食舊德名農服先疇起蒼  
蒼薰葭風溯洄誠仰止他日繩大業定當恢先軌  
闕學日正中庶其樹律呂

述愁三十四韻效昌黎體

朝遊結深愁暮宿抱虛警我亦澹蕩人靈臺奚自  
梗莫復涉患途或自溺愁奔不知我所懷別自具  
耿耿日中常苦羨月盈必虧景人生壯歲年那得

常幾幸况我邁四十昨非頗知憬非不冀仕宦枘  
鑿非所秉非不志讀書汲古之修綆非不樂躬耕  
負郭無二頃慈親登耄耄白髮垂素領阿兄亦古  
希志雄目已青下逮妻與孥食指百十井向我索  
饑哺對我號寒冷且適遭外艱大事苦力澠世途  
本狹隘我質復頑愒安能奉駟僮徇然延項頸豈  
無素心交各自負隄埂何可以遠遊爲家室託請  
僕然帶病軀千里事馳騁進寸退且尺年餘距淮  
潁超超自憎形踣踣常惜影行行達京華遠遶謁  
臺省五年判雲泥形骸隔幽屏不訝驚戀棧必朝

懷學齋集卷一

辛

蛙處井孰憐食蓼蟲螫口自咽哽大類觸藩飛束  
縛不得逞受命甘久貧趨愚悼前猛俯仰各背廢  
前却失眠整固應日咄咄忽迷數乙丙惟寐或忘  
之冥醉長勿惺朝來秋風冽寒氣透骨髓殘書空  
復繙孤燈聊自炳歎茲寥廓區竟有跼蹐境

旅齋雅集

客子是秋風矧滯長安久迹類歲星留寓乏細君  
守同心復離居常隔重門右何以解我憂印須望  
我友昨遷宣武東古巷饒榆柳頗迴故人車晨夕  
訂聚首雅復得瑯琊好客如恐後指數名輩流恰

只得八九折簡開書堂盍簪挹卮酒列席潔盤盂  
借庖庖瀝滌痛飲到沉冥險韵爭揭鈕一洗暑餘  
馱祇覺懽情厚借問河朔會有此風流否星霜易  
變遷賢豪聚不偶願各保金石不希易所有

題山水圖爲玉山沈使君作

我家道山麓中頗饒松桂謾設風晚吹冉冉香搖  
曳時挾一編書披襟見光霽自落塵網羈一被緇  
塵翳回首望鄉園雲山勞夢寐何來見此畫深林  
蔚迤邐老龍盤扶疎小山森叢翳三間瓦屋幽萬  
卷牙籤麗借問圖者誰母乃與愚例不知善讀人

懷學齋集卷一

壬

早已具夙慧託物非無因寓意有深計巨幹棟梁  
需繁枝金粟綴梅檀薄允材薌鄙蘭蕙行行烹  
尚鮮濯濯錦方製詎如迂疎人拘牽守文藝此圖  
能繪心豈止形弗離明年我還山孤舟爲君訪看  
取甘棠陰又爲衢民蔽

上商邱宋冢宰公

憶昔初至吳公方理藩政春風綠牡丹薇省聯高  
咏爾時東南士仰公如斗柄嗣聞撫西江威名邁  
李晟潛消反側心深契湖山性及再移吳會坐鎮  
崇清靜文教事昭宣繁華黜俗屏節鉞十三年心

比滄浪淨近者陟春官候舌與申命人才羅夾袋  
銓序懸明鏡素絲退食餘風雅資涵泳開尊集名  
流守歲協家慶簋陳方錯物饒挈醪醑進良會既  
歡駢新詩絕幽復鼓吹揚休明激揚崇雅正承平  
前輩韻故事遙相映懷新念舊歡慰感忽交併年  
華如轉轂歲月易馳騁非公嗣芳徽誰爲煦冬清  
翻因雅集全轉憶流風盛玉河清車下半莞爲壽  
竟西涯有佳話傳聞生肅敬惟公追昔賢廢廳獨  
明聖燮調玉燭光頓起蒼生病愛古豈薄今且道  
還孤行走澁與僂籍哲手得王竝序當小除前論  
體敢辭盤空硬

樓學齋集卷一

夫

題藍采飲歸山圖

采飲策蹇馳來京未匝月遽欲別我行言將返閩  
越我雖送君歸興逐征鞍發君出一軸畫青山蔚  
林樾孤邨煙火深茅屋山泉滑中有人讀書忍棄  
簪與笏而我復何爲塵鞅甘汨沒素筆趨金門舂  
稜上丹闕頓愧舊學疎那得故書揭長望懷古人  
高風想突兀安得共此翁鴻冥共超忽

送龔叔度之官竹溪

皎潔冰雪安卓犖瑚璉器十載遊京華青雲乃立  
致文采本資身經術足飾治云胡剖竹符頗得竹  
溪吏矧碑山谷深蒙茸簞菁選古稱庸漢臣秦豫  
犬牙地蠶叢舊萌蘖幾欲脫弃前代倍綢繆規  
恢始縣置鴈鴻莫斯集磨廉擾而至宛若雞豚墟  
居然民社寄曉旆風林紅晨炊濕煙翠行印花繞  
牀鳴琴泉激吹妙絕山水都何妨簿書委況具淹  
雅才搜奇乃職志隨車輒拊循勸農勤撫字終歲  
無將迎匝月少庭質種木展芸籤饋食進修精當  
借捧檄馳用申白華志人生樂事多逮養得祿賜  
且已侯百里惠政廣錫類即事賦新詩因行動離  
思勿以士元才案牘薄不視勿以武城小牛刀惜  
不試望君速最聞前言聊用戲

樓學齋集卷一

夫

題畫爲巢司空作

冬曹事頗稀秋日氣自逸堂飯會寮采笑言展藹  
吉巢公有道人氣宇尤萃律偶出一圖卷繪事殊  
精密初見波盪天扶桑能浴日又見奇峯開膚寸  
雲嵐出此松鬱干盤礫硯具沈栗叢桂四五幹奇  
省益浮溢似遊蓬島間如入蛟鼉室何處得此本

却是仙人筆或寫公所歷混同帛綠匹維公貴近

臣臺閣舒望實中流砥柱才大厦棟樑實直氣森  
噴薄卓犖明撰述閒情托豪素餘事寄超軼只恐  
動旁求審象從君詰他時莫披圖補袞寫亮弼

春暉堂讌集分賦得張志和送查查田南歸

煙波滿天地何人是釣徒頗懷方具子清標揭冰  
壺仕宦偶然耳卷懷期從吾決去辭金馬肥遁還  
江湖一茅隔流水十載栖窮廬豹席躡樓櫺隱几  
咏軒虞著書三萬言樂志良不渝名成動天子樵  
漁賜婢奴至今茗雪間泛宅傳畫圖悠悠西塞遠  
雨簑笠同歸途

題宮紫玄先生春雨草堂圖

我曾遊海陵涉冬鄰歲暮兀坐霜蓬中不及問春  
雨側聞名園勝四面渌水注臺榭曲徑幽嘉植小  
山聚中有避世翁履道守貞素甲第家聲華宵使  
裘馬誤乃知巨室傳不以喬木故矧茲卜代興玉  
珏相比附孝友誼益敦詩書道彌固瑞應和氣鍾  
木聯畜互乳此理信有徵詎用術推布披圖迹若  
新策遊興已作會當扁舟南直闔雲林路飯煮紅

樓學齋叢卷一

三

蓮米酒傾秋口露某水及其卯一一爲君賦

題求志圖

君繪求志圖我賦求志詩各求各不應中心翻復  
疑毋乃望過奢或由行希奇造物不靳惜顛倒趨  
途迷或田一二頃或屋八九椽負陽踞山坂面水  
臨清池牆頭圍薜荔籬角編茶蘼榆柳蔭衡宇杞  
菊被堦墀牛則耕於隴雞乃鳴於埭間或持釣具  
撥棹波中移得魚且換酒聊盡手中卮膝撫無絃  
琴醉哦有韻詞此事非所難顧亦勞夢思信知清  
閑福具有物操持君抱用世才博古窮軒義倦遊  
志歸隱欲老傍茅茨竊恐巢由輩未許君追隨不  
如卷畫來一博勝者誰且得冰純素聊洗爾塵縈

題吳東巖洛迦觀海圖

魏武一代雄志欲凌滄海東坡百世士浮海願忘  
殆乃知豪俊人胸次定奇磊我亦海濱居秉桴勇  
嘗倍四十曾一遊層波望澆澆雖未汎瀛洲頗已  
窮巖隈吳君黃海奇博學富文采好勇過我甚買  
筏棹欵乃初潮蛟門濤繼觀扶桑彩法相靜可參  
需音喧不改溜雨樹幾圍濺澗珠聯琲修迦咏可  
傳白華圖斯在儼如萬頃中極遊到雲綾年徂興

樓學齋叢卷一

三



猶素境隘過益瘠彌思馳域外望洋驂九垓何嘗  
從君後題詩澆塊壘

爲許雪邨題高房山雲山圖次卷中韻

僦居長安市臨水數間屋餘酒嘗寫券銅鶴虛糜  
祿雖擁一牀書詎忘三逕菊春茲却整情每飯嘗  
三復許郎知我者遠來慰幽獨示我雲山圖滄然  
在深谷依依墟里煙翳翳溪旁木袖身尚迷沈沈  
覽已娛目人生勞形役萬事苦不足何時息長生  
容我圖中卜

七夕偕任齋舍人同員次韻

樓學齋集卷一

七

蕭爽塬金殿長空暮雲斷今夕復何夕明星熒河  
岸玉階蟲響切宮樹螢光亂餘暑却青綾官燭燒  
夜半乞巧病未能拙宦功宜算君才十倍高賦出  
黃金換襟期邁今古職業修日旰異趨同功名相  
期池柔翰

題休寧江師秋澗濯足圖

天都鍾間氣挺生此英傑曾羅古墳典志希囊賢  
哲壯歲文譽騰魏科早探摠繼讀中秘書才望益  
超絕優游歷郎署督學僉閑臬廉操燒冰霜文章  
戒軋茁教澤被八州細不遺謫劣選拔貢國雍煥

露得上徹晚荷特奏名培植由根葉坐幸依春風  
侍獲追立雪憶惟庚辰冬河濡共停轍稍稍相過  
從依依親論說從此南北岐及今竟長別念之劇  
酸辛感歎裏內熱忽披此畫圖如廁撰屢利悠悠  
逝水波皎皎歲寒節安得起九京爲世樹標揭

途編修徐澄齋同年使琉球

島嶼環海中錯落如棋布職貢修中朝琉球最恭  
附親獻接踵來代襲必趨赴前明三百年舊事存  
典故使者十六輩祗席來槎渡我朝亦再舉慎擇  
公選注采望遺詞臣遣布振豐羽今年出乾斷簡

樓學齋集卷一

七

在由宸顧堂堂兩侍從卿材類能賦陞前受使指  
冊禮依例具祗憑風信行勿慮征程誤載令協律  
郎往彼測天步維時我徐君被命同囑付慷慨樂  
乘輅過家上冢基且欣拜萱堂稱觴展孺慕玉韉  
麒麟裳八駟擁軼駐丈夫志馳驅皇華稱殊遇况  
乃萬里遊萬頃凌煙霧豈無簡書懷事會違相忤  
不得同君歸相與驂鸞鷺送君出春明秋風吹邊  
暮帆揚揚子江旌抗楓橋路父老夾道觀兒童走  
僮仆紅葉照仙霞早梅綴柘園此時詩興發宜儲  
錦囊句淪茗建溪船探荔鳳岡樹嶺嵒道山亭綠

緲緲香炷芳前海濤風凶湧螺江怒此時興轉道  
編摩託素素明年至日臨東南溫風足三日抵中  
山那霸館前駐閱冬至夜長好把帆牆固破浪挾  
濤飛自有神靈護忠信久堪涉聲靈况憑寓入境  
宣恩威概用柔懷諭日本與暹羅皆令聞置措皇  
圖恢八紘蠻荒微雨露鯨浪波不揚蚤樓釋兵戎  
澎湖一髮浮鷺島半規吐歸來徵使錄豈特廣觀  
樓

青兒得麓峯徐興公遺書五十餘種錄其目  
與跋寄至京邸喜而有作并示所兒

懷學齋集卷一 書

平生愛書癖垂老未能釋譬如餐餐人流涎嗜肥  
炙又如聚飲者銖鎰務摺撫自晒炳燭暮時光如  
驅隙何苦攢祭勞甘此蠹齧冊結習類難除把卷  
欣然適每嘗語兒輩胸次勿迫窄學當貫古今義  
須本經籍曠觀前輩賢孰不典墳索吾鄉海濱隅  
見聞終杆格若非事詩書何由長尋尺義哲謝與  
徐勤錄肆探頤精騎哀萬餘秘本購千百市期忽  
改移籤帙旋遠厄既覆周堪虞部今亦足惜予時  
丁歲年志欲奮六翮念惟富縹緲始足志論最適  
有宛羽遺許以十城易玉脫汝母劍估以古玩刺

煌煌二千本奕奕充余宅貧兒暴得富匹夫竟懷  
璧環堵古香叢插架文光射終藉此先資乃竟成  
麗澤廿年客京華不至迷阡陌策勲固在茲詒謀  
詎用教兒能繩父志好尚無頗僻所敦在芸編光  
陰恐虛擲每嘗寄書來老夫嘗啞啞昨復致二紙  
快意說新獲書是徐氏遺字是麓峯述圖印識收  
藏題跋詳抽繹四十七種書百十年間隔一旦歸  
書囊如揖重來客老夫聞之喜催酌浮雙白遺金  
縱滿簾何如萬卷積久官輒得窮穎禿不耐晝惟  
有教兒孫異永書香脉兒解藏書好自受讀書益

懷學齋集卷一 書

夕  
長林蔚松楸藤凋紛蘿薜老夫懷歸來展書樂晨

### 壽穎雲姪

己亥正月十七日爲穎雲姪五十生辰時姪客  
長洲予宦京邸未能合併姪寄扇索贈詩予即  
草二十韻答之先寄詩稿呈來齋大兄情見乎  
辭蓋欲歸而未能也未幾姪歸省又同洙兒來  
覲吾京師十年契闊乃復聚首今又將言別矣  
姪申前請因出付之予既倦遊不知何時能賦  
歸來尋對牀風雨之夢也

吾年邁六旬汝亦屆五十星髮各華碌碌異交  
戰一本共數榮纓短乃分汲汝貧離子舍客依長  
洲邑吾拙官西清微祿不充入使汝餬四方念之  
恒愧及差喜汝父健子孫繩緝耄尚哀金石囊  
不顧蕭澁吾家多壽耆孝友代所習雁行見汝輩  
羣從尤既翕吾嘗顧之喜轉復煩憂集羣居食指  
繁薄俗錐刀急世途日以隘門戶難撐立所願樸  
素敦一用雍睦輯山居半力田冬餘勤負笈魔畔  
荷耒鋤溪邊辦蓑笠刑竹縛雞栖和泥補豚並釀  
泉作邨醪炊稻蒸雲粒長林莊租完蕪葭堂稍葺

懷李齊素卷一 題詞 素

家屢杯相持堂壽杖互執頗較雨量晴亦奏韻編  
什庶幾春草夢共此對牀製骨肉聚首惟耕讀量  
力給期汝樂餘年逝同理歸穢

以水晶眼鏡贈方扶南承以十六韻見酬因

次爲答

五官勢竝用惟日不容替葆光同護珠防弱如禦  
寇年至昏花生大類困沈耐疑油就滅燈如箕燃  
及豆汲多泉或竭漏盡表時仆相隨歸盲途何術  
爲補救乃有波斯人妙理得天授割裂片水晶磨  
濾滓清漚攪光取魄斂筆速以近收玩字別毫芒

披圖辨皴皴隔膜得覓刮捉影用燈就暗室漏邇  
明重光豈嫌又持以贈知已和弓配垂緼賦物悟  
筆先策功劄肘後俳學毛頰體格在元和右頰毋  
歌長缺詎畏舞短袖

送李天山宰安仁

曩與君定交憶是丙戌冬時余待金馬君尚滯冬  
烘及子以艱歸君已捷北雍聯蜚登長榜忝附特  
奏重嗟不能共騁相逐如雲龍顧學退飛鵠予  
同驅蚤十年嘆禿穎溫飽不能充君亦疲奔走南  
北事飄蓬今夏君南來絕意忘花封宴期世不釋

懷李齊素卷一 題詞 素

謁遐膺遭逢安仁百里寄舊俗謝煩街君理以靜  
謐知愁彼喝喝此時得巖邑拊循展從容尚可爲  
生民補故事彌縫莫愁簿書束且免僕賃供經綸  
隨手展吟咏陶心胸倘諧歸田棹得遂還山筇  
將過君署對牀話高春賦詩慰勞苦杯酒叙離悰

鄭魚門侍講督學江南詩以送之

衡文士所宗作師帝是授稽古曩至榮長途今叢  
詬良由慈薰心致使塵迷蒼局外得掣肘事後竟  
遺臭每嘗歎顛波安得砥狂溜雍雍康成公孤起  
翔文固體立用彌弘才大學逾富世途隘熱籌閣

然退處後屹立蓬苑中公望作領袖江南需督學  
帝俞不須復特勅汝往哉其書升論秀君遂拜命  
行堅持矢屋漏律已執靜深待士藹寬厚務崇正  
學宗要洗前規陋三年駕輅車巡歷覽封守或文  
浮以器或質樸而造總歸洪鈞中華實竝美茂羣  
楷亦受裁衆良期輻輳賢裔與軼才廣求而慎收  
矩步律采齊元音叶節奏驪黃駱驂騶一一充天  
廡苦節甘安貞洗心祛雜糅潔能澄濁流仁自馴  
暴獸他年學政成棧樸或薪煥歸朝荷寵褒立躋  
冠朝古直使華峯巔露標貫後宿

樸學齋集卷一

美

樸學齋詩集卷一

樸學齋詩稿卷二

古體七言

甘泉宮瓦歌

文曰長生未央

甘泉漢宮遺古瓦落日飄零荒隴下風摧雨蝕不  
記年誰人物色求諸野阿兄隨宦入西秦探奇好  
古搜沉淪西京文字傳絕少何意四字留鱗岵堙  
山周刻此其亞五鳳魯甄筆態新非篆非隸攢古  
意不凋不琢含元淳歐陽集古見未到劉攽博雅  
辨誰真二千餘年始出土信有天意非關人乃知  
自古能不朽長生誰得如汝壽昨日草澤今席珍

樸學齋集卷二

寶鼎集

一

世間顯晦亦何有

已巳春三日侍家大人同黃處安謝青門陳

白巖三公飲梅花下

黃公汪如千頃湖青門百尺青珊瑚白巖老丈清  
且癯過從吾父索笑娛年皆杖國龐眉鬚魁壘不  
讓耆英圖庭前老梅紅吐珠獻歲恰及新開酤群  
公矍鑠列仙儒談鋒譁浪相揶揄新詩點筆絕雕  
鏤游戲太平嬉黃虞風致真與天爲徒躡足登樓  
騁望殊絳雲一朵暮庭隅述離冷艷香襲膚吾家  
孤山望不孤何羨羅浮三萬株命觴百巡樂愉愉

小子隸承執爵趨承惟行樂忘日晡但願有酒如  
澠日爲醕長侍數公綠髮游方壺

辛未初夏舟發困關

昨朝維解岳山麓今日舟泊困關宿輕舫飽受滿  
帆風兩岸好山青於沐困關受潮潮欲平上灘微  
聞濺濺聲煙鎖寒溪留一綫春歸疎柳隱孤鶯頻  
年屢作江南客於今四度關前驛壯心欲向九天  
搏側身未奮冲霄翮整因逐隊問征夫何處青山  
不可廬他年得遂扶搖志耻在關前說棄繻  
送蕭靜君之吳

樓學齋集卷二

鄧尉梅花銅井茶扁舟曾共宿僧家雲巖辛夷長  
蕩柳山樓嘗把杯中酒去年行樂惜無詩今日送  
君還此時平生最愛江南景一曲孤桐繫別思

許月溪松爲周蓮峰賦

高撐拔出青一叢左擎右攫如虬龍中涵萬壑來  
清風根底輪囷琥珀紅畫之者誰月溪翁索畫者  
誰周蓮峰兩人清興將無同去年聞上萬年宮指  
點道傍最古松依稀粉本藏腹中今年白嶽探遊  
踪黃山在望雲濛濛夾道無數蟠青紅移取一株  
斜照空蓮峰南裝截碧筒歸誇故入樂從容開襟

醉月浮千鍾與圖相對無終窮

遊西禪嗽露荔同潘稼堂先生周龍客陳虞

佐申昂青作

閩南六月荔子香筠簾萬顆留江鄉紅簾空傳從  
達致誰知露採枝頭嘗怡山古寺近城郭長林驕  
望心先涼周道有荔三百本老幹種植自前唐寺  
僧相邀來結夏裘屨雜還紛道傍郊行數里鬱蒼  
翠荷渠的歷穠極黃入門朝曦散雲錦到寺雨洗  
紺珠光快剪劈殘委丹珠輕綃裂盡含粍漿冰桃  
馬乳豈能匹雪橘楊梅烏可方天生此物留海表  
色香與味兼其長直頃一嗽盡三百快意可做諸  
侯王群公來遊知愛否縱不爲口計亦良坡詩我  
只爲我欲圖成行卷子作詩紀事留君囊他時解  
說閩中勝定數此會還嗟強

簷雀行

窮冬朔寒氣欲圻晶瑩斗室生虛白冷絮如冰眠  
不成時有暗香浮几格忽聞簷際雀飛鳴狸奴驕  
踏頭上行血肉狼籍羽毛化令我展轉生鼻憎點  
鼠能營三窟深嚙嚙終夜聞有聲豺狼不問問狐  
兔雀兮雀兮爾獨傾

羅浮看梅圖爲臧喟亭賦

臧君學道探月窟朝悲三山暮東粵去年人日江  
羅浮萬樹梅花逢君發巡簷索笑歌且吟山中老  
僧訝足音風塵瀕洞窟是安得如君高興來相  
尋咄哉此遊真不俗吾欲從之嘆爾足何幸翻從  
畫裏看翠羽啾嘈深山曲始知勝事本良緣靚面  
不逢亦何益君不見虎邱同住送春歸我在山南  
君山北

丙子正月望日過北林坊拜明僉都御史南

澗公畫像并成弘諸公題跡感而有述

懷學齋集卷二

四

我聞前朝成弘時正如皎日升中天朝廷清明四  
海謐百辟卿士羅俊賢大者磊落負奇偉小者敦  
素絕輕儇文章節操各挺立道德勲業相磨鐫維  
時吾鄉林一姓東西南北分馳駢南澗先生號北  
林丰采諫掖雙藤懸請誅妖僧縛亂卒南澗公有  
誅誅繼曉  
疏福州衛卒  
亂公定之定難濟變材具全望在朝端功在野  
敏達剛果舉非偏何當一去二百載時代變易苦  
奔川典型彫零文獻杳回邇如在黃農前昨過公  
廬觀公像長髯廣額樹雙鬚英風颯爽望可畏孝  
思縈縈情猶傳鳳山哀辭血淚迸鳳山南澗葬  
處求其墓不獲

爲文以自白寸草春暉思兼堅南澗集其父紀善  
墓志傳狀爲冊李

長沙題曰紀善輓章集前後輪囷大冊縹緗連西

崖樂府生薑辣長沙有兒食薑  
古詩爲南澗作公甫草聖蛟龍蟠

蒼萃妙筆百餘幅宗室勲舊胥聯當時一字已

足貴况乃異世瞻遺編門生姚江新會友陽明先  
生出公

門臭味針芥詎偶然人生遭逢在明滅龜麟芝草

令呈妍事業光前具史冊詩書錫後留雲煙摩挲

展玩三太息使我尚友心彌虔嗚呼九原如可作

忻然竊願爲執鞭

玉筍堂聽琴即送翁岸甫學博之尤溪

懷學齋集卷二

五

世人萬事皆背偏因陋就僂趨簡便一聞英古資  
笑噓豈獨聆琴目先暝緊君骨格何清奇疎髯長  
身眼如電久寓琴川善琴學淫哇真欲以耳瑱君  
才既逸心意超紆徐節奏業尤擅頎然而長黥然  
黑儼若先王與覲面我雖知好不能學亦祇臨淵  
徒嘆羨高山流水有知音且振鐸聲臨古縣筍堂  
主人幕指訣欲從君學陳春戀於今此道冷如冰  
何乃積陰頓見現維時跣坐厠堂中相對無言慮  
先遣惟聞天半松際鳴微風謖謖令然善欬如流  
泉滴空澗壘壘不絕成一串尔復斷續意悠揚紀

似銅壺激漏箭齊物自得與天遊遺世獨立絕凌  
援靜如處女守春閨猛如武夫當後殿寂如禪客  
坐空山淡如秋士鋤花旬藝極真能與道俱術精  
端歎斯人選曲高調絕非寂寥倡予和汝相後先  
我常嘆息知音難曾破羣疑遺俗諱看君守待定  
不孤令我豁然悟初眩君行勿厭教官卑定有好  
風樵上殺

題藍采飲畫

采飲胸中無點塵吟詩飲酒如有神有時興到寫  
山水筆法直逼倪黃真方春三日過我屋我坐困  
億方病目君謀爲我破寂寥一樹一石意亦足天  
下不羈誰似君大言怪語驚觀聞直當拉君入山  
去遜世只鋤山中雲

戊寅初夏游新安有囑榜書撫松居者并作

歌貽之

我家本在閩州南出入千峯與萬壑北行取道新  
安江冬衣已換春衫著所聞猶是水潺湲所見惟  
有山錯落一住秣田幾幾旬尤與溪山緣不惡鏡  
舟拂水波涵山遠齋寫蝶魂留幕更愛鄰園有一  
松矯矯龍姿倚修閣主人好客迂我登謾謾風鳴

如濤作牀頭有酒架有書過此一生寧不樂主人  
命我作榜書何憚解衣便磅礴但覬益恒無須更  
長揖別松作行脚波江北去山水稀那得此松相  
酬酢彼時定意撫松居何異遽然有夢悖

疊前韵贈姚廷士

人生樂事何者長朋友圖書與邱壑宿生結習在  
區區漫言此心無所着茲來兩月憊風塵意致頗  
異前落落幸從勝地過蓀田一洗胃中十日惡卧  
看雲山在鏡舟薰人書卷堆簾幕君无好事能娛  
賓訪致珍奇羅几閣閒從品斲第甲乙靜與論文  
辨述作一日如添兩日長我心云何而不樂祇恨  
握手又分襟漫把樽罍瀉磅礴勸君富有自日新  
咫尺青雲平着脚丈夫肝膽本相傾寸心萬里能  
酬酢詰朝有夢落齊雲山鳥驚回重一愕

附金陵貢舟北行入清江聞有巨魚躍入舟

詩以紀之

長淮斗落勢建瓴清江有隘啗嚴局水門激湍闊  
雷霆漣艘貢舫畫揚舠牽挽左右喧牖丁千鈞一  
駁心無寧忽有巨鱗躍青冥徑入拖樓氣作群萬  
師驚詫衆目曾不知此祥誰所令揚州歌謠定明

廷選莫瀆神來效靈小人有私殊不經祿榮逢傳  
雙鯉聞家庭

送顧月雨歸錢塘

去年讀君九秋詩蒼茫江上生秋思今年送君與  
君別慘淡秋色含離悲長安聚散條忽變眼見不  
定如奕棋獨憐君才未薦達還踏春橋歸茅茨母  
乃幾先占介石或厭塵世事韋脂超然要並昔賢  
軌讀書抱膝傲皇羲南屏鐘聲波外隱西湖柳浪  
盡船移此中風景自清絕宜君掉臂勿復疑只恐  
匡牀坐未穩槐花促折蟾宮枝重攜秋色上驢背

橫學齋集卷二 送別 八

北首燕絡風塵馳此時漁郎宜借我辨取釣具垂  
綸絲

已卯臘望遊武夷登一覽亭

吾聞武夷山乃是昇真元化之洞天中間溪流有  
九曲三十六峰巧攢細斲相排聯我家去山七百  
里迢然神往近十年雖未扶藜臨澗壑早有清夢  
來騰騫今冬載過雙溪口偶爾西指思回船舟人  
踴躍從人喜四日逕到仙宮前凌晨登筏沂霜瀨  
山容剗削風日鮮幔亭巍峙果特聳玉女秀出何  
其妍虹橋千載猶架壑接筍一線梯骨巔鳩然花

竹藏別塢小九曲內宜安禪隱屏精舍奧而宵想

見禮樂來群賢雍雍絃誦倡權曲景行千古心流

連當遊六曲望不極天際有亭凌空懸虛無縹緲

人跡絕疑是仙居之數椽因遂捨舟陟危磴孤棟

置身同飛鳶須臾竟達奇絕處天遊觀裡坐安便

俯視衆峰兒孫列欲遣人世挾登仙記稱一覽歎

觀止餘不盡往非難緣日斜趨舟赴歸湍回顧紫

岫鄮青煙瞬息佳境不可識惟見皎月當頭圓丹

山碧水如此勝恨不早拍洪崖肩會當買山傍雲

窩盡載羣籍來摩編山靈愛山欲得我定有招賦

橫學齋集卷二 歸來篇 九

歸來篇

鍾吾驛

夜宿鍾吾驛聞是項籍里當時遺恨失江東千載

怒教黃河徙滔滔濁浪排空浮此地如今等廢邱

若使拔山力氣在何難捧土塞中流

辛巳五月望前渡鷺島再疊前韻

七閩僻處在東南亘以翠山環巨壑海中門戶屬

二門金鎖二門也形勢大牙相錯着何時島客來田橫割

據洲瀛規虎落廿年枹鼓動干戈日月昏黃腥風

惡鏽壤千里長荊棘樓船十丈將軍幕幾聞烽火



微甘泉數見羽書檄鈴閣謀用開一戰平神武  
不教海波作坐收絕國入版圖炎方始識昇平樂  
書生抱膝欲釣奇域外縱觀恣磅礴鰲峰頂上踰  
遊遨極目無能望崖脚風雲變滅須臾耳杯酒且  
與清光酢掀髯唱徹大江詞百怪魚龍肝且愕

容溫陵三疊前韻贈施平原并追頌靖海公  
昨從鷺島望飛濤徑渡滄溟泛大壑回想當年靖  
海功樓船血戰爭勝着萬麗山川入版圖招來既  
脫成邨落時平不見烽烟起波澄已遠鯨鯢惡鐵  
券天家錫上公錦衣故里開軍幕策勳固火列雲

樓學齋集卷二 慶豐集 十

臺象賢應卜嗣麟閣唐室西平有後奇愿尤超羣  
能述作已辭宿衛簿簪裾盤谷山中尋真樂筆峰  
橫出鬱崱嶭墨汁驚翻瀉磅礴置身直欲出人頭  
千仞峰尖高駐脚我來倒屣荷歡迎杯竿詩篇日  
酬酢欲書一序比昌黎筆鈍無能徒自愕

四疊韻贈阮輪山

群山合沓必宗岳衆水縈迴總歸壑射工妙技擅  
穿楊欲變鼓率無一着大雅宇宙久寥寥作者鄉  
邦冷落落蛙蛙競噪衆耳塞鄭衛雜奏繁聲惡誰  
能廓清比武功一整鼓旗建大幕君才如海學如

山聞道早年事館閣播遷百變隻身存竈竅無煙  
金石作逃禪悟徹到真空疏滯能尋得極樂輪山  
一片夕陽寮紫氣虹光相迴礴昨來一詣刺桐城  
不免為君屈兩脚步月尋閑偶然耳膠粘乳化心  
相酢願於末法鐺鍾鏞大振凡聾謝衆愕

五疊韻贈陳桐臯使君

薄俗陋識競錐刀志士曠懷在溝壑生平不狃亦  
不狂宿物胸中無留著獨愁親老養未能踪跡年  
來歎復落款客雅愛茅容真絕裾忍蹈溫嶠惡待  
詔難留金馬門依荆敢戀蓮華幕天涯交契得君

樓學齋集卷二 慶豐集 十一

親曾助風歸滕王閣決起初望九霄搏戰翼又待  
培風作看君出政製錦才羨君迎養花間樂人生  
萬事總浮漚何似綵衣舞磅礴因君彌念省庭闈  
老景侵尋西日脚刺桐城裏荔酒香猶可相致歸  
用酢為親口腹累使君安邑行人莫錯愕

澄園散荔六疊韻酬輪山

長安逆旅思鄉客夢魂夜夜歸林壑徘徊舊業荔  
水莊恍觀虬珠累累著今年真得渡江回有夢不  
待空中落南行況過刺桐城品類繁滋尤不惡迷  
離古幹紫帽擁閃爍朝曦紅雲幕侯家池館更清

幽雅稱流丹映飛閣十錢可致一筠藍旋論新泉  
轆轤作沁脾朵口百顆嘗快意足傲王公樂輪山  
詩老時叩門臭味與我同盤礴堆盤不許君住口  
揮毫那容吾縮脚詩城已拉尚交綬筆陣幾窮強  
用酢旁觀童子掃殘紅目笑兩人真恠愕

憎蚊七疊韻

生人嗜慾重邱山腹壑難填如豁壑那須攻取蚊  
蚋微責令容身無處着祇憎聚聚聚輒成雷小了飛  
揚升還落潛軀暗室每相攻利口鑽膚大肆惡嘯  
爾成羣負如山麾之不去窺入幕醜類亦有蠅營

樸學齋集卷二 龔弘景 士

營營聲非無蛙閣閣二蟲并案此象長露筋貞女  
不可作安得金風為掃除不攻自滅真大樂平心  
靜念物與人總閑一氣相回礪強處禪中號鈍賊  
蚤擲牀上矜捷脚白蛉無質蠶蠅具有生總與此  
輩酢且置不較企足眠東方漸白一夢愕

苦熱八疊韻

清源青翠撲人來倒浸嵐光入池壑烏衣燕子舞  
雕簷似識朱門欲傍着我來借此飽看山圓景已  
見三回落日長惟愛鳥語幽夜靜不厭扃聲惡寺  
鄰榕樹鬱陰森似建十丈清油幕舩稜鐘磬韻稀

微恍見天花墜佛閣遠公杖屨時往還險語長詞  
相疊作前年河朔文字飲今年此地吟味樂但覺  
風林致爽疎那識炎敲氣蒸礪溫陵焦土能懣客  
赤日何曾停兩脚詎能知我霜雪腸冷淡生涯日  
酬酢此樂莫使兒輩知正恐冰炭相嗜愕

集萬爾言水涿園九疊韻

如君自是瀛洲客莫戀花間與雲壑一泓綠水淨  
無波萬卷書城坐擁着上下千古藝苑中眼須崢  
嶸胸磊落且須揮取如椽筆一洗統緒氣習惡大  
言滾滾浪排山小言颼颼風生幙他年執此典絲

樸學齋集卷二 龔弘景 士

綸體格應須號臺閣我嘗愛誦青蓮詩每歎大雅  
久不作為君標舉領針芥把杯深識論文樂况兼  
高柳映深塘曲岸迴風足磅礴小舫擊楫泛中流  
欲斗吳歌歌兩脚洛陽橋上月初生清源山中泉  
堪酌與君水滌共徘徊清夢飛歸猶懣懣

十疊韻酬鄭子俊

九仞成山由一簣萬頃納流自衆壑世間義理如  
牛毛滿屋散錢須貫着天下讀書有幾人眼底晨  
星殊落落氣習已鈍識見卑詞章相習格調惡縱  
能放出一道光大抵障却燈上幕晉江自昔文獻

那書卷未容東高閣虛齋經義遵嚴文三百年來  
少此作絕學於古得頗艱師資未遠求偏樂我嘗  
希此志區區何意於君解磅礴萬里風雲足下生  
發軔只在初踏脚千言萬語屬支離輸運只要心  
中醉勿驚河漢怖吾言門外有人從駭愕

十一疊韻酬丁韜汝

天下談詩何紛紛誰能載流斷衆壑問山先生早  
有聞一變浮靡為沉着君稱難弟才亦雄麗詞妙  
句人間落我初到此強解吟談虎未知色變惡輪  
公箭鋒不可當抽身欲去空焚幕那堪勁旅君復

棟學齋集卷二 題詩 中

來鵬盤空中虎卧閣危峰直壓培塿失鼉聲敢泥  
鯨鼇作怯敵雖愧不能軍憑軾且快臨戎樂獨懷  
旅客亟東歸不得此間人盤礴燈前把酒讀君詩  
倏見雲頭垂兩脚清涼助我清興發急草新詩為  
君醉自笑頗如隔日瘧譴語惟言動羣愕

題王石谷春山圖為桐臯使君十二疊韻

王暈畫手今第一妙絕雲煙與邱壑宋元粉本滿  
腹筭筆下纖塵無染著此幅乃寫早春圖幾疊山  
川幾壑落樹上飛飛喚伯勞田間穀穀鳴姑惡溪  
前深柳護書堂山後長松圍畫幕漁灣曲折橫略

約古寺隣响聳高閣不知添淡幾經營衆斂橫皴  
筆端作我思浮家汎汎歸深茗清霄人間樂世途  
日隘塵網促牽緣那得去磅礴何意君携袖裡來  
信道陽春原在脚泉山晉水極幽奇一琴一鶴堪  
相酢行春一卷伴行旌烏化為鳬童叟愕

題應真渡海圖為桐臯使君十三疊韻

阿羅合得人天供不問窮荒與絕壑看他十八渡  
海來一無依傍何所着飀濤巨浪高拍山萬頃恍  
惚銀河落蛟龍蜃龜雜蚌蛤百怪銜奇關獐惡不  
仗彼力為舟航不資我法樹檣幕靈山法會凌虛

棟學齋集卷二 題詩 五

空歷盡龍宮與蜃閣華亦可折鉞可渡前者趨迎  
後者作意態各自具舒徐身心總然得安樂想其  
拙思手腕靈目擊群真意磅礴世人平地起風波  
觸處遊行輒礙脚獨憑狡獪作生涯不道忠信堪  
酬酢若能解此畫中機始悟嶮巖無足愕

遊清源山十四疊韻

高峰特郭簇千巖石罅溜泉瑩一壑三年遙望數  
經過何曾為蠟雙屐看今年春早寒食早柳已青  
青梨已落東園勝友約嬉春無那顛風昨日惡旅  
人擁被聽鷄鳴倏見曦光透紙幕急命筇與上雲

關旋臨樹杪憑佛閣泉山本此得佳名問源詎信  
一縷作俯仰同知天地寬談諧真覺朋從樂山高  
咫尺迫仙靈海近呼吸通磅礴下山遍歷洞巖幽  
暝色已隨西日脚歸從晝被述追遊陳語譚言總  
難酢不如仍作黔驢鳴付與東園一嗜嘯

送許月溪入都十五疊韻

不希簪組驚華軒不誘松桂欺雲壑介於清和可  
否間此中消息超超着君年長我弟畜子臭味與  
俗殊歷落三日不見恠且吁不止鄙吝心中惡寫  
竹能衍洋州派畫松直入韋僊幕幽明都寄水明

樓學齋集卷二

樓樂事相鄰清閣閣牆垂薜荔車馬多座擁圖書  
金石作一生結客孟嘗貧一縣栽花安仁樂行行  
謁選上京華棹鼓浪花噴磅礴任過楚尾及吳頭  
憑轉桅梢與蓬脚鏡光不動止水清一靜能應千  
酬酢功成白首好歸來莫待移文北山謬

禱雨用東坡祈雪韻

小民含哺樂鼓腹望歲惟願倉庾足三春無雨亢  
陽和千邇萬邇罷犁哭藥師不滴馬鬣水義輪播  
燄焚地軸茫茫海國斤鹵焦誰賦勞人及禾菽我  
來桐城兩閱月田疇無水滋新綠祇見蝦蟆涸起

潢何處桔槔來斷續閩南土膏資源泉潤下江湖  
與流淵雨澤愆期病農稼老歲不免先踣顛坐籌  
國計長郡邑蒿目時艱噢咻急當此嗷嗷澤雁呼  
忍視瑣尾流離泣濟變權宜賑乏貧移粟鄰封差  
可及吳粵蜀連疆進直閩蛟宮驚龍蟄未雨綢  
繆誠至計滂沱何暇求蓑笠況今 聖主問俗疲  
新封玉璫啓金匙

題溫陵 文簡公像即和公韻

科名代出真如寄天挺英豪來必異振振前輩擅  
風流富貴功名等遊戲溫陵宗伯文簡公對策春

樓學齋集卷二

官言無忌當時拔致第三人探花上苑誰茲轡回  
翔跋歷亞卿班優遊兩踐成均地遠榮正決異時  
趨愛日非關與世棄便辭鼎鉉甘避賢親奉版輿  
歸衡泌嗜退中年歲月長堅卧力辭召書至持身  
常凜佩符三教家祇學策馬四當時鄉國已承平  
閒居賦擅遂初智廊廟山林仗此翁譬如巨靈伸  
一臂我來已是百年後慕公丰采願瞻覲捧來圖  
像見儀型展讀題詩知公思一生大節具一詩煌煌  
大書三百字雖經易代變滄桑五世相傳龜玉視  
墨香浮動自岷嶽籤軸焜耀具逸致聞君初典春

官卿忠肅名議易位置夢寐關心有宿緣忠正幽  
明同一氣今日拜像和公詩如箕釋菜 薦羹倘  
與國史重編摩敢傳公碑書第二

題藍采飲畫

江上數峰翠欲滴江中一舟輕於葉世人爭欲買  
山居不道好山在者暇君看此幅精神流南邨北  
垞紛田疇我將荷鋤帶經入棹頭一去真吾邱

桑溪懷古

東郊十里登雲路春谷茫茫暗煙霧桑溪一水曲  
如鉤昔人流觴此中數當時文采照山邱風流何

樓學齋叢書卷二 藝文 六

減永和遊只今寂寞同流水綠蘚青苔古篆留

化城寺雅集分賦秋水篇得苑字

洞庭微波落日晩銀漢初明雁聲遠盈盈一水瀉  
如油爲洗山容淨雲歟姑射仙人冰雪姿目送飛  
鴻手摘阮閑臨秋水賦秋懷愁聽暮砧出秋苑

弄次苑韻酬蘇綸笑

秋水潏潏以時至輸川灌河流混混東趨海若嘆  
汪洋抽身辭舌廢然返邱山毫末原有分觸筆蠻  
關徒偃蹇我誦南華久欲仙何處山尚容吾捷虛  
懷求友近十年北至燕臺南茂苑師心未敢蒙是

非量物詎得迷近迹常思泥飲吸長鯨不羨臨流  
羅尺鯢年來斷梗逐飛蓬羝羊觸藩羸居園天籟  
誰同聽倡于不才自甘鬱輪茵何意翩翩得蘇君  
妙筆排空秋鶻健時用鐘鼓鐸我聲念此荒畬加  
蕪墾昨來招我往看山一幅晴嵐浮翠嶽雄談驚  
座集肆筵各張壁壘擁螯肴我獨逡巡未敢言顏  
唐久覺懽情損火攻趨促來致師如迫賓人貢紀  
甌秋風蕭瑟秋日暉競唱秋聲滋楚曉我是悲秋  
落拓人候蟲切切意悽婉實非金石誰能固運逐  
年華忽已晚即因遣興賦新詩那異塵羹羅土飯

樓學齋叢書卷二 藝文 九

君能恕我井蛙拘三舍避君勿吝嘲

題陳梅谷畫菊

今年菊花開何遲十月猶未綻東籬我將遠行意  
惆悵插髻那暇窺圍爲朝來何意見此卷千花萬  
朵紛繁枝誰能點染寫生意梅谷妙筆真雄奇丈  
夫要須重晚節凌霜挺秀傲兀安穠桃妖杏不足  
數何況朝槿與夕葵寄聲梅谷剪生絹將拉子畫  
學補之

錢塘胡君死事於閩將五十年矣令子遊閩

追揚先烈敬賦

我皇初服健伐張版圖萬國來相將閩南一島鯨  
波揚械車以臂咄咄卿當年誰寄封疆乃使氣  
殺侵膠庠德化山城僅堵牆教官殺賊如驅羊力  
窮巷戰血裹瘡矢死不回真昂藏五十年來俎豆  
光錢塘江濤流湯湯鬱與閩海爭排浪英風不泯  
乘雲翔千秋萬古姓名香

南薰樓燕集次韻酬王適菴明府

翊善扶良苗除惡去害馬使君十載治巖疆名山  
真得賢主者小邑何足煩牛刀盤錯時亦逢波濤  
豁自不言成桃李苦心補救曾辭勞每念故人損

樓學齋書卷二 龔鼎震 主

良惠厚意於我尤切切握別臨岐重執手慢亭山  
下還相遭使君手綰青銅印河流九里同生潤定  
教枯木產菌芝寧使枯桐付灰燼武夷仙境舊茶  
場遠觀如廩復如倉南薰有樓可攬取招客對飲  
歌相羊停雲夕照漏秋光機絲織女成報章明春  
待君歸巖廊好將政績奏雲間彼時南望更回首  
追溯今日勝會寧渠忘

寓崇安六旬有傳子死者作詩寄家人

天公不放三日晴千山迸作奔雷聲有時迴風倒  
吹却水勢欲撼崇陽城崇陽小邑千家室我來傳

撓六十日坐臥一榻手一編頗覺沉疴去六七旬  
鄉信忽驚傳云我化去慢亭巔我於世人無纖  
芥胡為訛死同坡仙世間萬事皆尋常彭未墓  
殤非傷惟有親年自愛愛日願共春暉長非不  
思歸暫省侍舉家甘口常乏匱乞米長安計未荒  
倚闌又恐為親累人生七尺不庇軀倘然深愧為  
丈夫撐腸萬卷知何用折腰五斗緩難圖牢騷撫  
早長太息俯仰惟覺天地仄無聊取醉託酣眠濤  
聲春枕搖月色

遊西湖次東坡韻

樓學齋書卷二 龔鼎震 主

登孤山泛西湖杭人誇說天下無誰知此地經  
宸賞六移警蹕來傳呼貸租蠲賦赦罪孽時清遊  
豫民歡娛邦溝屢邀六轡顧吳苑亦枉旌旄紆獨  
將湖上列周廬孤山殿閣觚稜孤六橋花柳爭妍  
好欣欣榮向及菰蒲隨鑒簪筆卿大夫揮毫染翰  
作朝脯黼黻山川爛雲錦追媿王帛王會圖我來  
翠華歸句餘杭人望幸猶遙遠更欲求歲捐以通  
黃封 御筆家家摹

贈吳寶崖

史家三長才學識著書三者難闕一茫茫四海作

者誰芋町先生傳無匹先生有才今屈賈腹笥便  
便汗牛馬妙諸體例工裁剪博采叢殘入陶冶書  
成見者誰不愛彷彿齊諧惟志恠不嫌歲月此消  
磨但使心靈得陶汰集賢學士登金坡北堂西邸  
羣編摩高才貴士各有適所著與君誠孰多仰面  
屋樑心獨苦閑居畏客如畏虎柴荆雖設少開時  
滿徑蓬蒿深沒股似我衰遲那足論繩牀藥裹送  
朝昏著書有意材力薄花落花開空閉門

題吳寶崖閉戶著書圖

芋町居士真人豪汲古抗志窮風騷著書直是等

樓學齋集卷二 題書圖 主

身富種樹已作龍鱗高五十獻詩見 天子親第

甲乙冠羣髦行行待詔金門去始知閉戶未為牢

人生讀書用世耳豈必跼蹐甘蓬蒿會須看君簪

筆瀛洲上坐與東枚嚴馬扈從東西南北隨旌旄

壽王石谷

吾聞華山之高四千仞上有玉女洗頭盆何時拄  
杖君來此下視日月莽昆崙又聞吳山秀麗甲吳  
苑大癡仙人跡未遠君家傍在拂水莊鹿車共挽  
遊雲嶽二山神仙之窟宅君居其一遊其一浮漚  
世事等波流變幻煙雲比飈疾坐擁圖書自嘯吟

環視兒孫行繞膝榮途不顧合衆趨天民自可長  
稱逸年華甲子閱初週胸羅八索與九邱會當從  
君撰杖屨蓬瀛戲作逍遙遊

再贈王石谷

世盡喜翁畫未知翁爲人翁能傳人貌無人傳翁  
神前身宿世徒漫許不知好義心懷仁傾囊救人  
兵戈裏子女贖與歸其親盡憑硯田作生計濟世  
利物忘其身設翁得時達所志真使萬物皆生春  
惜乎垂老無一遇徒寫海岳圖江岷相逢吳門重  
握手蒼鬚訝變星星銀勸君痛飲三白酒天道自

樓學齋集卷二 題書圖 主

要親天民願翁歸種三槐樹崢嶸早占獨角麟

題海陵武刺史相馬圖

海陵使君千里駒顧影蹀躞遊天衢竭來借籌典  
牧芻戶外五馬靜不呼公餘寫作相馬圖託興詎  
無支公孤五花雲錦周身鋪銜勒不飾神采殊昂  
然上駟天閑需昔年憶與身斧俱歷塊振簾巡皇  
都使君繩武念勞勛以身許國効馳驅會當騎此  
擎龜狐人傳驄馬君家須頗似西臺府中烏世世  
爲君充德符君其攬轡清當途孫湯一顧空駘驚

清流閣

夾馬營西紅光起趙家檢點作天子分符遣將略  
清流十五萬人關前死太平開基興國餘百年中  
土會車書無端俯仰感今昔書生匹馬立躊躇關  
門不辨與與蹶關樹不知風與月年年竿碣度行  
人前若推蓬後轉轂汴梁跡往濠泗空何處鵲聲  
來絕谷

客莘城遊西來菴次阮亭師題畫竹韻

盛夏入伏陽方剛炎歊蒸爍如負銍中州風氣縱  
和會官舍安得攜冰霜陳留長官高且曠政成期  
月綱目張偏於冷處味淡薄不從熱裏競軒昂花

樓學齋集卷二 詩

間行印染毫素琴室搖筆調清商下視錐刀管硯  
碌傲吏那肯規尋常吾輩一二素心侶寒梢磊節  
同蒼筤竭來坳堂聊漿芥也如癡公宜叢簪何妨  
小隊出郊去西入野寺登禪堂開籠論茗辨韻渚  
汲泉潑乳嘗流湘回顧古道臨大梁夕陽車馬馳  
茫茫世路紅塵無匿景但願半榻依空王

許真意有攝守陳州之行與予馬上極論身

世因次東坡戲贈子由韻以貽之

至人學道宗軻丘辟操快楫御輕舟長江大河縱  
所適平穩已自達津頭陳留使君識此意一生自

信無貽羞五十拜官不爲早百里從政知兼優期  
年政聲冠豫土迎刃已見恢恢遊公府遴才操法  
律欲藉文吏飾經術識君機警疾如風知君苦節  
甘似蜜假君攝守古陳州一振摧頹直枉屈君將  
成命不辭勞斲乘五馬建旌旄并欲故人來觀化  
推廣禮治崇風騷洗心挽俗務格耻寧事煩苛用  
鞭箠坐令封內登衽席且使堂前悉諾唯頽瀆學  
舍孝肅祠宛邱遺蹟今餘幾亮哉志古慕先程簿  
書何必厭刑名會看直道能堅守方信文人望不  
輕

樓學齋集卷二 詩

再次坡公韻以自嘲

鹿原居士來宛邱自哂如駕逆風舟用盡氣力爭  
上流忽復退轉泊灘頭主人夢客固不厭一燈對  
影殊含羞寶刀須用及鋒試良駿爭誇捷足優胡  
乃南北疲津梁半年歲月擲行遊詩書有道徒自  
律功名欲速終無術空梁燕自結成巢百花蜂竟  
釀成蜜奚爲鵬碍向天飛漫說螻善將身屈積薪  
資格困塵勞何日前騶擁丈旄空在車前聞歷碌  
厭從蓬底聽蕭蕭貧賤久甘絕不耻頗畏當官事  
鞭箠且從客裏度流光猶勝堦前畫諾唯窮達遲



速總由天事事求羸身餘幾長安尚有半月程中  
原弔古詢知名當前不空杯中物莫計升沉與重  
輕

樸學齋詩彙卷二

樸學齋詩彙卷二 題詞 去

樸學齋詩彙卷三 題詞 去

古體七言

帝京篇

禹甸推雄服堯封首冥都千年推王氣萬禩羣皇  
圖皇圖王氣方恢廓虎踞龍蟠奠城郭 宸居應  
斗直天垣 絳闕嚮離朝六幕萬歲山從厚載躋  
九重門向正陽拓右社左祖鬱菁蔥後宮前寢森  
丹雘崇鏞萬堞擁峻闕九門修湟水天潢遠甘泉  
御井收冠蓋通南北梯航遍驛郵物華天寶麗文  
治日精浮物華文治冠今古 帝德崇竑邁三五只

樸學齋詩彙卷三 題詞 去

求富足藏閭閻不煩力役動鼙鼓黃屋無增前代道  
茅茨不剪堯堦土太液池上波粼粼金鰲玉螭還  
居民遊人指點垂楊處盡歌 聖德頌 皇仁  
皇心尚淳穆樂就郊祠宿民隱徹窮簷農情達達  
瞻銀泉山下海澄平壁沼璇波的礫明暢春苑裏  
春長在玉乳清流流逾清文石砌爲牆香茅覆爲  
宇拂水錦帆遊生花雲昇吐垂楊絲樹萬千條邸  
第相聯映碧霄鳥向鏡中和翠管人從花下按瓊  
簫邵枚終賈同時集玉堂金馬紛相揖佩文韻府萬  
籟垂秘殿新書十牀襲輦輸車載日驅馳趨朝趨

市若爲期應知 帝德弘無外始信垂裳無所爲  
五十一年銘功德燭租赦罪揚微側輦下初無游  
俠兒民風詎有酣歌慝九衢車馬任喧闐萬國人  
文挺英特西京詞賦尚繁華洛下才人誇翰墨校  
獵三驅彰國威獮苗千里蒐軍實旌旗八隊列平  
原貂珥千騎馳漠北幕南諸部奉朝請海外殊邦  
納貢職職貢王會聚京師春分恰度萬年枝酒賜  
如澠歡大酺人熏化日樂雍熙小臣漫附東方朔  
囊趨金門直殿燭今年幸又賜官花忝竊科名慚  
素學吁都哉嗟朔來從來詞賦比優俳不見官多

懷學齋彙卷三

集

二

題王石谷水邨圖

積薪材安身且飽大官養快意樂得師儒裁一編  
長吟嘯十笏鎮徘徊泰谷陽春屆梅桃次第開  
平江江水平如掌家家結廬臨江上魚租儘可辦  
輸官鶴俸不須謀結網藏舟於壑挂帆稀素心南  
邨足還往高樓一榻書萬籤雞犬閑閑人朗朗豈  
有塵全到此間絕無利名紫夢想我疑此畫誰能  
爲遮莫高人寫心賞六如已去白石逝要只耕煙  
能貌仿丈夫縱領八州督須帶頭銜五湖長

題唐六如紈扇美人圖

六如跌蕩失意時寫此風流得意筆當時紈扇棄  
秋涼誰知尺幅垂今日人生何必歎飄蓬落花恩  
怨訴東風我愛髣髴絲桿榻畔美人環佩伴詩翁

題花前翁畫卷

造化小兒自簸弄騰擲不出須彌中梅是丈人杏  
少女廿四花信馳東風堦前小草欣得意承乏偃  
蹇爭白紅妍姪荃莖有定價一笑端可浮千鍾羨  
君花前對游女可許酒伴來舞翁

李贊齋招遊聖安寺納涼

城南西隅湖柳邨中有古寺臨高原恠栢長楸已  
不見尚有老槐餘金源長安炎夏無避暑多借此  
地避曦暄前月午日節端午尚書招我來層軒指  
點手植數株樹拱把今已踰墉垣物猶如此人不  
樂毋乃韁鎖縛籠樊我友簪簪豁達者招遊再至  
給孤園素心朋好十餘輩到寺衣衫雜諧言論詩  
真能辨閭閻監義直欲排籬藩摩挲古壁佛畫好  
談說曩劫煙塵昏問對老僧綴清茗靜披冰颯搖  
風簷此時意已無畝畝心地一洗飯空門況有美  
酒澆磊塊邨傾日昃傾崑崙須臾倒景臨樹杪暮  
雲催雨歸鴉翻殿簷鈴鐸微風響四座客共車騎

懷學齋彙卷三

集

三

奔回顧清景恐一失急須寫此留墨痕試觀當日  
黨蔡輩至今碑版誰長存後之視今猶視昔不如  
再卜浮金鐫

吳寶崖以十六疊韻贈予即次答之

長安好友圖銷夏月約看花浮杯竿初伏我忽病  
經旬李園使者勞空迂西山雨後戰新詩未知晉  
楚誰雄霸聞君驚足出偏師一字懸出千金價更  
番十六關未休縱有健者趨風謝何況我憊不能  
軍惟有斂手避退舍戰則不足守有餘閑關從他  
嘲與罵忽持片紙來致師見獵心動氣不下近來

樓學齋集卷三

廣玉齋

四

作者局古法徒守廓邪堅未化君才八斗手七襄  
老大惜爲他人嫁去年纔得與君親瞥見空堂來  
舞簾一鳴便結九重知應識逢年宜力稼編詞詎  
容一曲候檢書不用一紙借會看蹤取到清華寧  
復湖干養閑暇今朝且作文字飲筆陣挑君爭三  
駕

疊前韻再酬寶崖

遊京已復冬徂夏朝飯一盂暮一竿貧窮有肯鎮  
相親富貴無錢可邀迓消磨暗驚年運促促強敢  
爭文字霸鳳凰在茲燕雀飛月旦何人爲定價繡

書每按前後忘看花漸覺懽情謝幸有西第能留  
賓頗得歌呼供同舍昨日家書萬里來激聒又遭  
妻孥罵饑寒迫人情無聊號呼上書風斯下不觀  
時至候蟲情且學吞字蟲魚化我已落落窮依人  
君亦茫茫老未嫁姑爲鴛鴦瀉新詞要味世人真  
嚼蔗何當同君乞鑑湖百頃漁莊耦耕稼三間茅  
屋一長饒半領蓑衣雙不借曲肱有夢到羲皇樂  
志無憂消清暇極知世願更難酬北山漫請回俗  
駕

題成過邨空山獨往圖

樓學齋集卷三

廣玉齋

五

我留長安九閱月久旱風埃無時歇比來暑雨復  
淋漓九衢溝涂泥滑滑上書無足再供刑責賦不  
飽一糠藪當年幸托柱下居曾校魯魚窺斧鉞往  
事依稀三百載賢佞忠邪昭若揭重來還復借蔡  
光勝會鉅釘搬櫓拙早時鴛鴦憑胸臆老大隨人  
展趨謁擇術何如審所便猶曰吾及史之闕廡下  
儘可容疎狂名揚無足當齟齬過邨不邨過我談  
檢出新詩高突兀人邪詩邪俱瘦生大異北學產  
高閣頤洞塵中有此人疑自其身有仙骨須臾更  
出一畫圖旋渦貫涌崖峰崢嶸盤松卧檜雜蛟虬枯

桄長杉巢鴉鵲中有流水落花深絕無津逮漁人  
筏何來飄飄此仙客棹頭一往神飛越會心似得  
在遠時遺世獨立殊咄咄我得君詩已解吟復覽  
此圖神煥發知從悟裏淪空靈非關紙上守枯槩  
渴思從君空山遊辦取芒鞋與布襪秋風路水理  
歸蓬極目家山青一髮

遂安鄒廣文紀事

妖星墮閭摧閭郭燎及衢嚴氛侵惡倉皇變起無  
堅城紛紛竄降如振箠遂安一邑彈丸耳廣文先  
生尤其弱鱗然怒奮激義旅訖復孤城完邨落師

樸學齋集卷三

儒鳴鼓勝赴桓父子剝牀危鋒鏑雖未露布寫旂  
常幸祀警宗薦秋藿天地乍晦旋清明忠毅沉淪  
老邱壑卅年翠羽出南巡有子陳情呈述作齒雖  
雙折舌長存屢承清問達芳躅不日鸞誥下九  
重應表孤忠異常格千羊不勝一狐白百鳥豈如  
一鵬搏疾風勁草識忠臣泮水香芹藏毅魄會看  
令子侍承明重賦采萁揚世澤

題圖月坡畫舫

川坡君以秦川貴公子南筮仕即乞身閒居雖  
在長安嗜好筆墨予久交於君近寓借山堂即

君之別墅晨夕過從君間寫生紙為贈皆可傳  
者王右軍畫頭九帖真蹟君所藏弄子欲從君  
借觀聊先識於此

月坡寫生得古法圖寫春波藏兩鼻浮者拍翼作  
兩雲後者尻高恣唼喋荇藻交橫滿溪峽意態生  
動不落夾我欲從借鼻頭九晴窗鈎取縫間押

丙戌生日和昌黎公韻

丙戌客京師欲得韓文公四十七年所為詩而  
年譜所載元和九年公之詩獨缺獨短蔡歌一  
首附五卷後因憶康辰與綱菴錢四兄同下第

樸學齋集卷三

綱菴邀諸同人和此歌於永寧寺余以他事未  
與今補為之蓋自傷其不遇而又不甘降志消  
磨也

昌黎文章光燄長較量長短燈檠光得時則行廢  
則棄譬如團扇當秋涼颺輪只爭前後穀人品孰  
分上下牀不觀金馬玉堂客當日春風同射策也  
曾相對泣燈紅而今誰念頭將白太山滄海墜我  
前三墳五典合枕眠長鯨百川欽自恣憑他綴紅  
與鋪翠人生自立九鼎如莫綠燈檠隨人棄

題程偕柳擁書圖

擁書萬卷敵百城讀書半部勝五車多多益善固  
所貴精騎百抵千屯遞或多或寡隨縱操用精用  
博從梳爬少年最喜事涉獵插架蒼萃叢百家三  
間老屋一柴八瓊祭往往窮日斜中年孺僑燕南  
北不能捆載浮空槎保殘守陋宿學弄更效兒語  
伊啜啜不免掩卷三太息少尚未得寧多誇見君  
此圖觸芒角亟欲往就覩一賒君在圖中不我應  
得意似在莊南華我悟君言在圖表亦如解處拈  
天花卷圖還君對虛景一庭晴雪澄明霞

爲顧秀楚題嗽荔第二圖

樓學齋叢書卷三

北牕高卧乘風涼夢魂先已馳江鄉頗似故人同  
握手清陰樹下荔支香荔支閩產真第一景景側  
生離離實雨餘古榦列千章縹緲絳囊晁雲日涉  
世爲口是良圖况色香味俱清都當年與君游歷  
處畫圖過眼成模糊嶺南之荔亦不惡紛披黑葉  
頗珠灼東坡已去君復來飽嗽作圖資大噉問君  
荔品孰最奇蘇詩蔡譜供俳諧君摹此圖乞題句  
但述遊跡窮芒屨人生行樂偶然耳聚散合離等  
雲駛區區口腹勿較量且博尊前浮綠蟻

題采芝圖

白雲滄滄起空谷淩翠浮嵐瀉飛瀑洞天蓬島咫尺間  
神芝圖經松根讀長饒攜來解佩招采芝歌  
能聞風飄便當控鶴尋仙去長嘯山中種玉苗

忠孝圖爲總憲巢公壽

馬慎齋筆乃一幅三

栢臺巍巍號烏府上有慈烏來哺母忠能納誨孝  
無虧此物有神能兩爲方今王氣勝烏集喬木葱  
蔥多望闕逐鸛驅雀噪鳴鴉高岡鳴鳳同超越南  
枝孤處霜月高老烏啞啞枝上號乳鴉三足能識  
養萬里層霄長羽毛偉哉厥賦秉靈瑞全棲借汝  
承君賜遠猷辰告無不言未雨綢繆皆至計君不

樓學齋叢書卷三

九

見星中朱鳥日中烏助離贊化光八都長年乃與  
龜鶴符祥徵請祝神烏圖

題畫

霜臺栢府颯秋氣磊磊冰雪堆玉盤乾坤鍾奇景  
運轉輪菌鬱積森清寒猗娜挺生此巨榦支撐梁  
棟奠石磐壘塢刷羽整毛片不務搏擊務勝殘同  
遊靈園集貞木勁正自爾資丸九栢舟苦節世所  
難畫秋之教崇以寬高門者于與者潘是母是子  
宜秋官請君橐筆東家觀

題畫爲盤山和尚作

南來未登滄浪亭北遊未上田盤山歲月勞勞彈  
指過惟有緇土封塵顏頗聞好事作吳語高話昔  
落滄浪間一衲跌坐二老飲清談一夕驚愚頑入  
世出世語未了水光山色相迴環詩篇淋漓傳達  
過畫圖彷彿追荆關只今韻事猶在眼莫以陳迹  
辭難攀會當掬泉青澗底借取禪榻聽綿蠻添重  
公案作麼語欲染松杉繪煙鬟作詩火急報二老  
盤山豈讓滄浪灣

題秋江晚棹圖

積鐵嶄巖峭千尺澄江淡拖霜練白扁舟短棹晚

樓學齋集卷三

十

夷猶若破秋煙漾秋石洞簫一曲大江詞長嘯半  
空蘇門客縱目晴雲凌太虛夕陽無限涵空碧我  
欲橫江跨鶴來翩躚問訊仙人籍

烏獬豸歌爲冢宰宋商邱公賦

烏獬豸何權奇 天子特賜令公騎令公撫吳十  
三載艸木亦戴公恩私保釐西江楚氛惡靜鎮不  
令一矢遺以此簡在帝心久候舌命領春官司進  
退人才無頗僻愛惜名檢堅操持望重一身繫朝  
野台鼎正藉來調劑胡然引年遽請告幅巾逕欲  
歸西陂 天子重公惜公去遣使存問還遲疑惟

公陳情最懇切聖世完人臣自知亡身須及強健  
早歌咏亮舜樂軒義再三堅留情愈亟優禮數下  
殊常俄賜衣錫燕導遊苑更重褒賜賚新詩且將  
名馬載蕃錫云最馴習服鞍轡天步太平公等致  
用以優老誠爲宜公感殊恩頻拜舞歸園其色貌  
其姿作歌紀寵誇後世人間忽見真龍驥應思富  
年親射虎十萬天旣列星馳何如今日騁絕足安  
翔容與遊中逵會看公歸席未煖且將乘此朝玉  
蟠中原父老環聚看天人天馬雲龍追

桃枝杖歌爲查初白編修作

樓學齋集卷三

十

桃枝竹杖非凡材先生挾之歸去來上界仙人足  
官府先生奚忍離蓬萊達人見幾苦不早乞身強  
健應更好楓亭荔子慢亭茶知紫先生素懷抱我  
家桃竹鬱茸茸先生應話舊遊踪他時會撰一竿  
待徵逐上下雲從龍

題王樓邨修撰十三本梅花書屋圖即送其

歸

樓邨先生玉堂仙清夢亦與仙人連梅花十三本  
遙授勝餐香嚙神安便先生畫圖袖歸去巡簷索  
笑汜湖邊瓊葩玉樹爭秀發亞枝疎影侵書籤先

生顧之益大樂好夢久已符幾先我是孤山老道  
客鄉思頗厭牽塵緣何當乘此辭東下僕被穩款  
揚州舫

題達履中西郊尋梅圖

昔年南歸憶別君念君讀易東窗下今年北來復  
見君逢君尋梅西郊舍雖然相對畫圖中挹君神  
爽彌奕射君才十倍凌古人筆擅鍾王詩鮑謝少  
年隨侍宦遊秦幕府籌邊著常借比復綠衣趨鄂  
渚階前舞千庭舞簾三苗窮髮悉來庭德柔不用  
彎弓靶韓范功名接武奇將相有種如農稼正須

樓學齋卷三

黃玉璫

十一

資君出濟時邠客凌寂就閑暇西郊縱橫千樹梅  
天公留與幽人駕畫師易地宜畫余吟蒞芳樽容  
枕藉富爲君家勒韓碑袖取圖歸不須假

爲許雪邨題元高房山真蹟

抵掌詡爲列仙癯要卜雲山占一隅自到京師墮  
塵土徒瞻黛色凌虛無盧溝橋西紅螺北房山一  
塢堪長通昔年尚書山水徒菟裘灣水留懽娛而  
今代去五百載寧使山翠遂凋枯我來弔古聽泉  
響殘霞暮靄落平蕪況有代興尚書履匡山一老  
茅堂俱留連不覺窮日夕游踪行且教遲濡每遇

一奇叫一絕前後歌咏遙相呼上岑躋攀停驂足  
下坂縱獵射於菟誰料去京未百里幽境頓覺塵  
凡粗欲追遊踪不可摹尚書墨妙寧當孤因思元  
氣淋漓筆彷彿房山潑墨圖

已亥嘉平抱病不能出承巢房山公枉過存  
慰賦謝

我我疊嶂大房山金庭玉室不容攀藏入地肺還  
仙窟羊頭岡左丁家灣尚書卜築灣之曲手掬清  
瀨聽瀑潺湲書真欲窮宛委挹翠無數叢煙鬢西  
溪幽邃洞窈窕東峪峭削石欄斑醒歌醉舞取自

樓學齋卷三

黃玉璫

十一

適淋漓墨汁題回環年來頗患波能展轉復自喜  
天教閑比到長安遊藥市回車曲巷問衰孱知櫻  
困阮爍肺腑欲沃清露資丹還歡樂相見勤致祝  
青山黃髮駐朱顏頻年頗追文字飲新歲要撥利  
名關便從煨芋丹爐側追隨杖履超塵寰已教鶴  
巢松樹適定許麋鹿遊其間會拍洪崖浮邱輩月  
中籠放雙白鵬

卧病六旬餘日來少間緒新歷喜春將至因  
作長歌以自慰

我生今年週甲子游戲人間班內史繫袍自笑中

書禿荷囊恒被侏儒哆一寓梁園邁八年咄咄書  
空送日替比來卧病六旬餘嘔血無端頓形委客  
來驚咤論安危我亦然疑聽生死忽然一七竟回  
春日久加餐厭多言或者天憐磊砢人不教鵬賦  
長安市繡屑迴看庚子新譬如墮地初生齒未辨  
芒鞋縱嶽遊且杜荆叢探經指雖然炳燭費功多  
猶勝從前不學耻更蓄青蚨待故人湯餅會訂來  
春始莫笑兒爲白髮翁由來荒老成童駭不觀老  
子騎青牛身隱書猶遺尹喜

醉後戲書示僕輩

樓學齋集卷三 詩

仕宦不達車生耳僮輩動咎宅相否豪奴按月來  
徵租又恠貪嗔虎狼似禿翁大笑語僮輩汝何咎  
人不咎已乃公速化本無術晚得一官差足喜若  
論一歲富九遷疾走幾人越恒軌或咎門闌未爲  
住此地屢貼泥金紙丈夫一飯亦須酬割宅安可  
望諸彼俸錢月給率二千祿米僅足供百指拙宦  
既無才點金縮食安能却甘旨固應窮餒日相尋  
莫怨催逋急如矢江湖不見信天翁子子何嘗終  
餓死炎炎不見東家鄰昨夕朝衣決西市由來富  
貴輸貧賤苦節艱貞應須砥得過且過莫安排窮

乏泉刀富書史酒券雖多倘可賒且磨渝麋塗側  
理

日食行

元正日食晝已偏九重濯板深宮乾 特詔盈廷  
罷蹈舞且申有位省尤愆微臣無能効碌碌歸自  
杜門展書讀新年未卜是何如且荷清閑一日福  
曹石倉先生藏墨歌

石倉先生方墨一鋌四周俱有款識纂次十二  
代詩人爵里姓氏曰墨磨人曰稽古堂墨爲桐  
城方子扶南所藏其出示余之久則已亥臘望

樓學齋集卷三 詩

前之一日也

石倉先生振世奇崛起吾閩張鼓旗著述刊傳百  
十種節義不使分毫虧我生後公八十載景慕風  
概生涕洟殘山剩水漫憑弔餘膏腴誰留貽窮  
冬長夜客窗冷鄰翁相過談聲詩因言家藏墨一  
鋌石倉款識猶離離纂次詩人十二代爵里姓氏  
搜紛披當時惟恐人或朽孰知異世同傷悲浮山  
堂屋已銷毀清池寒藻徒漣漪幸留此墨傳好事  
猶使稽古人嗟咨不特磨人還閱世白髮那及烏  
髭縻乃知先生早窺破楷長茵短何須疑還君墨



九三太息霜月皎皎吹寒颼

鷲峯寺雅集

朔風翔來白翎雀驚鳥靈峯向天戾法宮大內崇  
帝師集賢學士耽禪悅旃檀真相何處來身毒印  
度精靈開依稀不記幾千載曾超漢劫度秦灰雪  
樓居士還有記佛像端嚴淤泥寺未知碑刻定誰  
存猶見舊聞刊石字南人北人徒紛紛洛學蜀學  
分其羣辨香一派於何供頂禮金華頂上雲

同鄉玉堂諸君倡和東坡聚星堂雪中詩老  
夫繼作愧難嗣響

樓學齋集卷三

六

上元元夕占莫葉帝城忽降連朝雪梁園曠覽稱  
最宜九載今朝歎奇絕隔岸堂閣望模糊數畝塘  
坳藏曲折紙窗竹屋愈晶瑩遠樹酒帘互明滅出  
塞橐駝鳴成羣背郭饑鳥噪驚掣老夫病後靜杜  
門炳燭觀書暗生顚持杯徐進邸西釀藝爐頻添  
海南屑漫天徒誇六出奇萬事都歸一眼瞥惟欣  
好景樂豐年太平佳話從頭說更快玉堂三四公  
筆扛龍文勁如鐵

連朝陰雪上元夜再疊前韻

止酒呼童開竹葉爲賞東風飄瑞雪祥占豐歲兆

有徵節屆上元景殊絕家家燈火樂昇平處處清  
光映幽折帝城宮闕對崢嶸繞郭山峯望明滅  
縱觀大地散天花欲聳孤身九霄掣日華不見似  
理輪雲陰常幙如蒙纓亂飛石磴影迷離暗入紙  
窗聲悉肩骨寒欲透吟肩聳目瞽平欺老眼瞥可  
惜孤山咏暗香逋仙妙句無嗣說深喜諸公舉禁  
體常把真金點頑鐵

感遇

國士遭逢不可期豫讓售知千載奇當時曾從橋  
上過感激弔古生嗟咨垂老風塵無一遇乃識志  
士心相爲趙家襄子亦雄快授衣使擊劒三揮鳴  
手燭腔熱血何處灑人生感遇是何時

送同年家鳳溪之官平湖

前年送君令薪水知君雄才堪百里曾未期歲忽  
告歸求仁內斷行其是去冬君復到京華公卿動  
色相咨嗟不特頌君行義篤且稱茂宰出政遐技  
牒又授平湖邑天顏頓霽咨詢及詳明奏對稱  
宸衷眷念先臣彌感泣君銜寵命亟南征單車還  
指分湖城東柳水邊桑葉滿長谷龍畔秧疇盈行  
春乍浦潮聲長海不揚波漁結網自緣保障關絲

樓學齋集卷三

七

勞也本化行風自上逢君三載再朝 天治行應  
推第一仙錦句珊瑚充素底霜毫豸繡侍班前

秋日城西雅集

玉露宵飛金颺緊碧紗窗外桐葉墮欲憑遠眺送  
歸鴻撫絃倦作秋風引良朋佳宴城西亭續賦登  
高結車軫菊花插鬢興疎狂竹葉開懷略畦畛惟  
須關取辦嚴軍筆陣墨車嚴韞鞘我因病目却回  
燈迫促新詩意逾窘排空硬語潦草書真縮春蛇  
結秋蚓刺賭題糕半幅綾劇與諸公一笑輟

方扶南以玉印易余瑪瑙小刀長篇索和次

樓學齋集卷三

韻答之

絕潢憐涸鱗長途念老馬奈何豪奪與氣凌薄我  
於險如君昔當年自許亦善刀寶匣自闕同秋濤  
詎意鉛刀不中割甘載奔走嗟徒勞富沙江前與  
君遇傾蓋即別心切切一人豈足冠閩嶠都下忽  
復來相遭各出所攜相印証我有古益尤奇潤斑  
爛鮮剝繡雲錦神物寧得埋灰燼自然登几伴頽  
泓遭君攫去餘空倉今年又來賺金錯恨牢不固  
差亡羊更以炬火燭末光煌煌投我索報章我祇  
繞柱旋空廊窘急直欲排天閭旗鼓豈足相方當

玉帛馳獻干戈幸相忘

集陳平野農部齋分賦程門立雪

光風霽月庭草翠圖演太極宣妙義伊維從此接  
薪傳絕學千年揭天地當時立雪在程門誰肩道  
統膺重寄及紹羅李嗣新安道南一脉儒風萃至  
今鄒魯被海濱發軔門前僵立次悠悠風雪滿皇  
都大道非遙趨向異試從杯酒溯淵源景行高山  
深仰企

分賦鄴侯籤

煨芋爐邊桴拙紅白衣相對舊神童與人家國調

樓學齋集卷三

官闈何論運籌帷幄功心耽載籍薄珪組牙籤絢  
爛堆山中想其上下規千古踪跡可比留侯公岷  
上投書二三策何似鄴架三萬充自是仙骨身珊  
珊冥飛絕類冲霄鴻緬思伊人不再見抗言在昔  
懷英風

樓學齋詩集卷三

今體五言

壽陳白巖先生

乾坤留一老講授海之濱隱德能埋照高情祇任  
真衣冠存古朴矩矱守先民攬勝耽山水稱詩絕  
埃塵倦歸依舊宅篤誼屬交親翟翟河干竹悠悠  
樓上春青山如屋裏流水在西鄰作計每常拙生  
涯定得貧有書消靜晝無字達通津問業知無倦  
談文貴得新筆行恒折節風雨幾昏晨螢檠溪邊  
集小車花外巡披懷同朗月成物載秋旻八十年

樓學齋集卷四

終至文章老益醇黃花英約燦烏石峙嶙峋載酒  
芭譚侶歌詩澆籍倫瓊瑤方憂擊藻續各紛陳景  
物重陽屈誦絃永夜頻相將諸子意願祝百年身  
插鬢欣強健扶藜忘苦辛共疑仙是謫孰解壽爲  
仁愧我才尤謏於翁晚受甄伏生遺魯國鄭氏重  
西秦知挽閩風者耆英有此人

上按察江都汪公

景運隆 昭代昌期挺巨儒星分自牛女望系出  
天都文燄標千丈芳型播八區經綸隨手展著述  
等身腴點染皆風雅鈞稽足典模學能從性究道

樓學齋集卷四

二

自得心符異數遭逢偶賢人出處殊寧由鄉國薦  
貞向 帝廷趨 詔侍金鑾直班聯玉笋俱同時  
推兩傑一姓得連珠燕許名齊重鄒枚駕並驅十  
年看侍從四海仰都俞鳳冊曾親捧鯨波獨遠踰  
梯航雖累譯德化自揚鋪積水程難易辭金史有  
無曹開蛾子學 宸喜遠人乎地望中州切承宣  
牧伯需清銜分大郎 特簡藉宏模威早消奸慝  
恩能起瘠瘠嵩峯增截葉伊水總沾濡東洛咏棠  
陰南閩仰日照擢仍邀不次望已慰來蘇瀕海瞻  
威鳳憑城走黔狐祥刑歸上理徽典式弘敷鄒魯  
風希古詩書道力扶俗恬爲暇豫化速頌須臾  
藥秋臺署稜稜霜簡祇射堂垂絳荔鈴閣蔭青梧  
不廢琴書適偏軌典籍娛自然超道妙豈但辟塵  
汗觀察雄推袞宗風遠邇朱名終歸館閣勛轉耀  
雲衢自感生偏遠深慚學尚蕪驅車因適越負笈  
遂從吳執業堯峰側橫經虎阜隅根源窮數典派  
衍辨錙銖期許今誰是稱揚幾獲愉惟公恒欵款  
式好共愉愉酬唱聯篇讀嚶鳴叶管等景行頌向  
往高望屢躊躇何幸清嚴迥相容禮法迂招邀先  
折東踞踏曳長纓雅論生春晝忘懷到日晡因茲

彌感激尤願効顯愚洗滌澄胃垢殷勤獻東脯斷  
稠依大匠烹煉就洪爐伊洛寧岐道淵源詎可誣  
舊原稱學子今更忝門徒靜理還歸樸真文戒絕  
縷悟徐求貫徹事不間精粗薪析容能荷玉攻應  
待沽未能齊逸駕敢厭守枯株生計書千卷晨昏  
水一盂窮踪殊落落涸轍失于于自假公餘引欣  
承德未孤側身瞻太華得筏到瀛壺湜籍安能匹  
芭譚或可呼先風回玉瑄黍谷動葭莩正是開陽  
泰運占運斗樞公才宜黼黻大業邁軒虞

上清漳觀察甘公

樸學齋集卷四

節使重清漳分符控海疆時咨方面寄妙選股肱  
良拜 命紆魚佩巡行衣豸裳岸花迎去憶山鳥  
和鳴柳旌旆樓船建簞壺戶將鼠狐城社竄鯨  
鱷渤溟藏村晚無危吠官清減鷄糧沙田輸芋紫  
園叟貢柑黃國藉刑書鑄民登衽席康遲君還北  
闕聽履上巖廊

賦得荷圓浮小葉

託根靈沼曲挺幹玉泉中久得元冥潤深資造化  
功娟娟新貼水濯濯出浮空萬選青錢竝孤懸綠  
鏡同笑葉擎早蓋菡萏颺飛蓬珠迸初過雨波翻

欲曉風綵舟非礙楫錦鯉不驚筒穉飲流觴近車  
填太液東

壽閩中丞梅公

碩德推山斗威儀識鳳麟家聲從宋啓 恩眷自  
天申俊乂隆三德功施暨八閩階崇開府貴官領  
外臺尊地控山兼海俗疲瘠與貧仰資長鎖鑰上  
賴展經綸三載明膏潤干城澤沛均荔香垂滿座  
蓮雨洗無塵鎮靜琴書適痼痼節屋親雅知仁是  
壽更識道爲鄰令節欣長受清風拂達人梯航依  
節鉞旗鼓望麟旬遇合歌天保韶華祝大椿萬年

樸學齋集卷四

開景運社櫻倚元臣

祝馬母覺羅一品夫人七袞

壺範垂光遠坤儀應地長翟瑜膺早貴彤管播年  
芳姆訓嫻氷雪閨型佩玉璫貂璫頒 御府筭緯  
錫 天潢出閣如雲從承箕在斗傍征蠻開幕府  
上將鎮炎方挾纊資縫紉調羹倚奩糧虎牙接錦  
緞麟閣對紅粧座列八駟擁旗翻六詔楊村家尤  
通屯裕後自堂堂玉樹連枝秀瓊華五葉香翰鈴  
道正永禮樂氣彌昌姻婭聯三黨講恭晉一觴萱  
華並欣茂綵舞互翺翔泛醴杯叩玉開筵曲奏黃

鶯歌來綺席燕喜坐雕梁發宿星芒吐瑤池宴樂  
張鷟絃彈蜀女象板拍吳娘只願登耆耄相於祝  
吉康薰風二十度期獻白雲章

壽閩制府

碩德推元老清修達 紫宸家聲鐵嶺著茂績岷  
川神心力方將寄簿書豈久親蘭臺標蹇諤黃閣  
展絲綸四海喁恩切 九重眷命申綏來原有道  
寬猛總稱仁浙水和風久閩南化雨新賑饑連海  
艘移粟撤關津政肅咸知德官清不計貧梅香飄  
滿座榕蔭淨無塵令節欣長至飛花度遠人雅知  
仁是壽更識道爲鄰遇合歌天保韶華祝大椿萬  
年開景運社稷倚良臣

壽詩

族望秦中舊聲稱江左傳高才藏不試厚德隱彌  
宣志欲恢經史言惟則古先範家敦孝友式俗戒  
輕儇有子群皆秀仲兮譽最賢遠遊京國上遙欲  
壽親前造請辭文謹敷陳行實全疇應備福履道  
自享遐年鼎鼎青芝貴雍雍玉樹聯邦家光寵盛  
閭黨頌聲駢月滿邛溝道花飛詩席筵知君頻引  
滿一笑舞仙仙

夢西溪作

夢到西溪路春風第一番滿園花暗吐連夜雪輕  
翻影傍籬邊屋香聯竹外邨水昏雲有態山曉月  
無痕高士清留骨佳人邈近魂仙居須拄杖詞壘  
欲開尊未得游湖曲惟應坐樹根畫中身獨倚飲  
後客同論蠶蟄經時凍禽喧得氣溫幾年倚玉闕  
何日返柴門自看梳邊白空聞笛裏繁陰溟雙跨  
翼於此謝塵樊

恭賦

御製野靜知民樂

樓學齋集卷四

萬國車書成干邨景物佳綏柔由愷澤撫馭藉安  
懷屯戍消烽火耕桑遍水涯風花增錦繡麥穎秀  
根荻秋葉盈篝載春醪野老偕牛羊閑畜牧雞犬  
樂荆柴紫塞清宵月黃雲悉捲霏歡歌見擊壤

聖壽祝堯階

送友入京

宰邑近神京趨庭曉問程桃花春又暮瓠子築初  
成落日河梁夢疎星朔塞行因君含遠思幾欲賦  
長征

宿因關

江關百里遠落日駐懸旌忍惜高堂別誰憐遊子情白沙春水闊綠樹夏雲陰回首家山月離人已半程

抵浦城書家信後

去家幾半月猶未易行舟鄉語漸分判灘聲去不留自然繁客夢何以解離憂爲報雙親道平安過建州寄親

最念慈親瘦持家百慮煎強須進杯酒慎勿減衣棉甘旨慙吾缺晨昏賴女賢異時旌孝節彤管爾堪傳寄女兄

小湖

境幻情仍適吾生久泰然湖光明永夜山勢矗當天十日離鄉土三年在客船擬同鷗鷺侶去住水雲邊

長水鄭幾亭學署中同許月溪作

秋風來水國清暑當幽居檢點心中過披尋篋裏書分庭竹栢影得趣惠莊魚近有尊生訣忘懷學太虛

捫腹

飯罷頻捫腹花前步屢移未能通古學總不合時

宜磨斂氣能忍飲河量自知行休短榻上坦坦納涼颺

酬毛會侯先生

東浙推風雅如君望最優幾年從吏隱何處逐雲丘著述窮能富文章老更道桐江深百尺吾意欲沿流

遊蘄江玉泉寺贈木鷗上人

百里山城近郊符適玉泉春從今日暮僧是舊時禪谷樹舒寒蕊幽崖瀉碧絃蓮心都洗盡不厭百流連

輓張太夫人

翟弗朱軒盛山河象服明兩宮傳奉引一品拜恩榮縫紵頒屯戍蘋蘩潔祀祔茂先歲女史未易悉芳聲

有子丐裘繼侯封帶礪垂開藩觀日近御母看花遲祿養方餘慶朝天祇暫時何期哀訃到慟絕路人悲

孝治隆 昭代 宸恩錫賚頻 賜衣歸拜母

溫語慰思親忠孝無殊道哀榮萃一身千秋耀彤史珥筆有詞臣

內史書形管芳徽百代留并承唐制府箕捧漢通  
侯厚德貽謀遠殊榮 帝賚優渭川高塚卜素旒  
返丹邱

愛士將軍節宜家母教成自從聞計日知餘孝思  
情慰藉聆 天語悲號達海城願公進膳食移孝  
作忠貞

福履全身備 恩榮兩世聯起居原八座花甲過  
周天泰地川原迫閭山物候妍雕軒歆永御詎意  
隔重泉

寶婺星光隕宵昏慘不晨夢我悲孝子湛露慰忠

樸學齋集卷四 四 九

臣蔡戟陳鐘鼓盤匱莫藻蘋東園給秘器高塚祔  
麒麟

壽劉母

將母情何切承家任獨難始知求養志不在日承  
歡矻矻長安道我我章甫冠會當拾青紫歸壽話  
團圓

東崇安王適菴明府

山齋真爽塏羣岫擁青來榻許窮樓借門爲仙令  
開袖華香浸席燭影泛流杯高論彰文采慚予穢  
線才

鳴琴當暇日拄笏看山來不惜花間駐真令暮色  
開論詩宗哲匠談契引深杯儀式同清獻寧淹百  
里才

清和望後過王適庵齋讀李劬菴谷口山房  
集題後

暮色凝清暑新荷颺晚風放衙行緩帶對客出詩  
筒眼炬明如燭談鋒勇却熊辨香別有托不與  
雷同

不薄今人句獨憐大雅微悅聲競藻來機線綴珠  
幾何與性情事其如風尚遠因君推老輩彌見古

樸學齋集卷四 四 十

音稀

谷口吾生地池陽望欲歸典型嗟未達遭遇嘆同  
遠久客因人熱長遊趁鳥飛何當憑紙筆也擬賦  
無衣

題許月溪書屋圖

宣武坊東路棉花古巷深三間靜寄地一室歲寒  
心高士留圖書詩人來賦吟便令宅券肯片紙比  
兼金

曩亦曾同寓看君此地歸十年幾聚散今日復因  
依追話景如昔溯遊人半非雞豚脩近局泉石願

母違

五日施平原澄園觀魚限韻

鳴蜩令節候落日午風餘勝侶同簪虎方塘共矢  
魚詩篇爭弄元水木湛清虛屢醉澄波上狂歌不  
厭疎

萬爾言水淥園限韻

脩廊移素簾冷澗瀉吟絃荔翠侵堦積萍光映榻  
懸書牀留是癖鐘籟響爲禪更極蒼茫興重來載  
月圓

太史徐忍齋以詩見酬次韻答之

樸學齋集卷四  
詩  
十一

五字城堅甚連篇律轉嚴操觚追石鼎染翰闕牙  
籤磅礴疑觀海雕鐫想步簷乞君書側理兼取不  
辭廉

秋聲涼夜至燭跋吐虬鬚攬物增新思學詩媿失  
愚高吟同賞激極望不睽孤良候蟾光近賡酬倒  
玉壺

送程翼山歸新安

俯仰蒼茫甚如君婉古人抗懷獨行傳樂志一家  
春遵養時同晦歸田德日新黃精還可採持獻壽  
雙親

漁樵天地寵若箇稱閒人難假如流景堪娛最好  
春鶯花雖已謝鱸膾又生新即此歸云樂承歡况  
有親

行文真大雅矩矱則前人再別荆山璞三過上苑  
春須知窮是達要自舊圖新細咀書腴境惟茲味  
最親

人日次韻

人日題詩好三年又帝京一枝棲苑樹同伴結鶯  
鳴柳眼春風早蛾眉月色盈相期頻載酒聘望玉  
堤平

樸學齋集卷四  
詩  
十二

周孝深索咏蟬句書示之

亢陽遇夏至日昨始聞蟬本是孤高質聊乘物候  
遷一鳴詎得意雙翼解高懸旦暮還山蛻應知爾  
自仙

述愁

天地愁中窄關山望裏遙何時理歸棹復爾度秋  
宵夜靜蟲聲切風乾木葉凋行藏都未穩輾轉似  
芭蕉

寓軒即事

冬日閒居課鑪香一室清哀書堆滿架暴皆偃常



熈暖借杯三酌寒消棋一枰歲行將盡矣兀坐短

燈檠

萬壽詩

瑞霽開元旦金枝繞玉皇周星綿甲子 聖治邁

軒黃律轉三陽泰嵩呼 萬歲長孫曾歡致祝行

歷慶無疆

北禪結夏

癸卯中元日陳甥德泉招渭雲姪及諸兒結夏

於北禪有至有不至者因分韻賦詩予未往乃

各次其韻以當家塾之閒課而已不盡爲北禪

咏也

雙厓樓幽寺經年悶見聞蘭孟方勝會竹塢快論

文錢暑方更伏新秋已屆分塵埃與萍跡不必似

行軍

久宦吾殊倦親喪念爾殷死生同逝水聚散類浮

雲中道牽連累歸途經術分從今遂初服畢力事

耕耘 次德泉甥韻

憶昔曾遊處依稀念北禪半泉知更始一紀判相

懸歎逝馳駒影驚心過眼煙梅花還有約霜月待

憚娟

退閒由素志休去樂吾天計穩非緣病懷歸不問

田一杯聊自遣終食敢謀鮮頗憶陶江隱相期傍

釣船 右次渭雲姪韻

藤間謀終隱草堂望卜幽有懷期龜勉爲計且寬

柔和氣盈天壤春風貯一樓不須問漁父鼓棹任

遨遊

出處乘時運行藏趁卷收那爲希世計枉作畢生

愁謀道須終畝力田必有秋勿如無柁楫泛泛逐

波遊 右次沫兒韻

全家歸去穩抵舍自歡娛食指資無賴詩書道不

孤仕雖窮宦達志自快西湖況有南山卜巢居或

可圖

歸來將五月孫子繞庭隅腹果豐年粟懽招樂歲

酤優游差自適隱退得安殊何必分涼燠憑人牛

馬呼 右次湘兒韻

進取非吾望斥去幸相連車適途頻遇 陸行一遇

揚州舟行別亦捐 自揚以南庭闈欣聚首詩句快

聯編况有佳孫子合貽笑作綠

畫筆兼詩筆熟諳久自便大家宜法古老手要虛

懸適與期超悟傍搜務透禪策勲期實勝耕硯勝

鋤田 右次浩兒韻

耽書由性拙餐勝不容慳况欲秋逃暑偏宜湖漫  
山烹茶嘗苦茗結夏樂清閒不是耽禪悅自然喜  
閒閒

別爾十年外吾衰歎老顏幸逢文網闊還得遂初  
還家累豐年釋官休故土還從今願鼓腹歌咏太  
平間 右次涇兒韻

樸學齋詩葉卷四

樸學齋詩葉卷四 續前集 五

樸學齋詩葉卷五

今體七言

延平晤余三田生

負笈真爲千里遊殘冬兩雪泊鍾州劍光射斗猶  
存否維學來南定孰優不我足時從世怪有人知  
已大難酬他年抗跡青雲上務使人標第一流

旅中漫興

一榻還容堅坐心故山梧竹幾蕭森依人總愧平  
生願逢閨懸知秋氣侵須識讀書專療俗要知得  
志不行吟淒然旅夢三更覺隱隱吳歌聽不禁

樸學齋詩葉卷五 續前集 一

暗室能明賴一燈卑身也擬奮騫騰造車未便稱  
同轍祛慮應須斬亂藤何處青山容小隱盡拾黃  
卷當良朋奉親樂志吾謀足佩紫紵金夢未曾

已巳除夜侍汪堯峰夫子端清堂宴

迢迢嶺外自閩川立雪吳門遠浙沿破臘迎春還  
昨日嫩寒清景欲除年同堂師友天涯聚結穗燈  
花座上懸料得金闈千萬戶應輸此夕話尊前

書事

玉泉山水泉多玉輦時聞此地過迴出樓臺高  
突兀綿連甲第鬱嵯峨山禽巧學宮鶯轉北曲齊

湖南部歌多少詞臣思獻賦論思端不負恩波  
每傳警蹕出丹墀雨露天恩屢下施薊北山川欣  
草木江南父老望旌旗時巡連繼千年盛宸翰羣  
驚百代奇文德武功俱赫濯可無擊壤一篇詩  
聞道三秦近阻饑當年歌舞地全非千艘玉粒飛  
漕輓萬里朱提出旬幾涇渭川流何日別穀函風  
雨幾人歸天心早憫殘黎困况廬深宮禱祀祈  
龍門平準有成書崇論於今祇緒餘馭富何辭仁  
者粟算緡仍假賈人車聞風捧檄馳千里結綬登  
朝遍左間我愧周身無一策此生只合老樵漁

樓學齋集卷五

二

秋懷

江外列峰黛色沉危樓獨倚薄寒侵清霜早已飄  
梧葉落日還看噪暮禽世盡貌求圖上駿人誰惜  
取譽餘琴躬耕南畝英雄事不敢希風梁父吟  
玉璞持衡各有真何當貴賤屬他人轆轤相軋機  
方巧黑白分途局自新爛熳天真寧作我周旋有  
道豈無鄰由來骯髒憑孤往絕勝拘牽步後塵

鴻飛豈爲稻梁謀烏哺能忘啄粟求年運易徂三  
嘆息心身無補一浮沉南園買菊招棋史北寺尋  
僧問酒樓天半廬山真面目不隨湘轉九回頭  
曾歷霜寒與雪威蒼松勁栢異芳菲菜羹餅餌三  
兵害菊酒能消一日饑廢得慳名供世笑差強陸  
格傍人飛迂疎有癖真成癖愛買新書典故衣  
三年兩度作吳遊一瓣香還在此收歌嘯春生茂  
苑月講論燈燼虎山樓始知詞賦真無益方信淵  
源近可求若箇蚍蜉能撼樹也曾門外問支流  
寂寂秋宵不可晨退之詩句最清新自非絕足九  
千里已負浮生三十春涉世未能便作達論文亟  
欲去陳因湛深樸學真風味未許粗豪得問津

樓學齋集卷五

三

長物

長物應知損道懷閒心寄興亦悠哉苔痕潤浸甘  
泉瓦瓜綠斑瑩父乙罍篆隸手追秦漢體詩文心  
學宋元裁蕭蕭門巷無車馬只有藤花滿地開  
過黃勉齋先生墓道

先賢遺塚草芊芊五尺殘碑枕墓田離郭未能餘  
一舍景行已是近千年南來道統從闕洛北望神  
州委澗瀾我欲挑燈論往事碧簾山外有啼鵲

春日漫興

物換星移又判年，粗頑宿習只依然。好書差已累  
千卷，作計都無剩一錢。故態畏同流俗，潤新詩難  
得解人傳。終朝閉戶，耽枯坐自笑，多生似縛禪。  
紛紅駭綠滿庭前，勝景無如三月天。每向花間成  
小咏，時臨池上寫長箋。新瑞溪研朝朝滌，舊藏經  
讀日日然。曲巷衙門希到，啄誰爲相賀，得閒權  
詩一門深掩得閒權。

送閣學陸義山先生歸平湖并致朱竹垞先

生求騰笑集

樓學齋集卷五 四

廿載文章侍從臣，驟登黃閣自恩頻。搞文正爾資  
詞賦，投老惟甘托隱淪。胃次不牽名利夢，遊行真  
得退閒身。當湖蠙紫橙邨綠，林下逍遙第一人。  
掄才曾亦到閩南，猶憶奇書秘未探。博采宋金元  
製作，撮抄陳蔡鄭詩函一瓶。那有還仍借三昧，惟  
期証共參此意。誰人能識取，獨餘孤月照寒潭。  
竹垞文章大雅林，數過攜里未披襟。比來著述聞  
尤富，獨悵河山迥莫尋。君去正參九老社，我窮欲  
賦四愁吟。何當雙鴈雲中寄，騰笑詩篇一醉心。

酬周雪客

謾聞樓學竟何如，抱病經春祇索居。倦對鶯花消

永日，連承軒騎過窮廬。文章賞激時流外，雪客以

名宦傳及南行，還往相忘禮法餘。無可慰君珍重

詩集序見屬，意自甘讀破兔園書。

聞君傳說中丞語，宋牧仲先生謂周公道著微名

便見稱，豈有獨行傳達邇。却慚樓學得師承，辦香

欲供心徒在歲月，空多過亦憎。好去爲傳寒士態

鈍，瘕恰似凍時蠅。

輓司寇徐東海公

甲戌季春崑山徐藝初侍御賁東海公書命予

樓學齋集卷五 五

訪遺書予搜家藏得數十種附傳是樓書目內

侍御謂此行不虛可報命於公矣。閱月公齒問

至侍御遽歸嗚乎，予荷公知已既不得謁公於

生前，又不得哭公於身後。茲師魯過閩述前事

爲唏噓久之。因製輓章三首寄焚公墓并致慰

侍御時丙子冬月十三日

昭代儒林邁昔賢，文章魁柄屬誰專。應知東海先

生在定，使遺經絕學傳柱下於今。疇掌故館中何

日辛，編年興哀黃鳥西風暮。棟折榱傾歎逝川

閩南有士在泥塗，踪跡何曾騁九衢。祇愛抄書消

駭淺詎緣下問及顛愚殘編疊博公來借懸榻將  
教我與俱墨潘未乾哀問至冥濛那處弔清都  
臨風淚灑玉峯旁太息如公那遽亡天下士流誰  
接引百年公論付蒼茫功名未了驚臺史經籍空  
留宛委藏御李識韓無復日虎賁誰可觀中郎

丁丑元日

曉日春回萬瓦霜開門遙占好風光樓居未便神  
仙樂目肯聊修導引方時偶病日獻歲忽驚新曆換娛  
親獨喜閨年長枝頭乾鵲頻頻噪應有音書慰雁  
行伯兄時遊皖江

樸學齋集卷五

六

臘底人傳二曲書依依勉學勵修爲閨閨地迥途  
萬里鴻雁書遲歷四時天下有誰能此語後生何  
意得斯奇開械元日重披對如在河汾執策趨時得  
閨中李二曲先生書

紙薦

豐滿何須假羽毛飛揚陡竝九霄高卷舒總藉他  
人力遠近無能自我操籬下檜榆驚雀鷄門前線  
索走兒曹何如脚底無絲掛貼地安身也復牢  
材質真如紙樣輕難將搏擊負虛名飄空架起原  
無力跋扈來時亦有聲直上豈堪承雨露引還難

白琳鮑庭道人笑說全真好莫羨鯉鵬變化成  
憑假吹噓不到天三三五五牽聯紫鈴巧作笙  
簧響附火光分星宿躔野外梨花寒食節城頭菊  
蕊夕陽邊一年得氣飛騰候只在春秋早晚前外嶺  
故鳥多在九月以春雨多也

壽梅中丞公

簡命新傳出建章特頒節鉞鎮南疆烏臺陟歷丰  
裁肅牙府尊嚴保障長位望自承常袞匹聲名早  
繼宛陵芳八閩環海蓬瀛近共識南山進一觴  
壽分司周君

樸學齋集卷五

七

遼陽望閩似南陽紫綬金章滿廟廊大器孰能逾  
少府分司新復到閩疆堂前花樹三春種簾外笙  
歌一曲揚爲政風流知近物躋堂那惜醉霞觴  
壽閩邑郭吏君

壽鄧廣文

花封百里盡閩疆茂宰分符出建章未到羣情惟  
恐後新來仁聞慰相望琴堂遠振九仙秀春酒初  
開四月香頌獻使君歌一曲幽風風化賴循良  
東山竹嶼望綿連文獻相承二百年戴氏一經專  
絳帳王家兩世隱青蓮花明銀水平秋氣孤指奎

坦映斗懸蘭誼泰從諸子姓願將卮酒獻錢鏐

壽家思讓子野先生令子

聞道幽居寄永陽居然避世友義皇滄桑異代新  
亭恨庚甲周回漢臘光千尺松風憑偃蹇一溪流  
水自倘佯桃源不類人間世添得書聲到草堂

題候官馬兆陽使君

銅符分治古閩州政及期餘德化流接壤洲瀛滄  
海靖平村橘柚綠雲稠魚徵蛋戶輸微稅稻熟畝  
田省薄收端藉使君能撫字春城何處不歌謳  
昆明舊是漢時封南詔風煙景物同間氣精英翔

樸學齋集卷五

八

劍外循良清譽冠閩中琴磚月映梅花碧判朱燈  
輝荔子紅詎有鳳麟淹百里會看奏最達皇宮

蓮蓬軒即事

蓮蓬軒中春事幽青山平對俯清流溪光夜夜如  
月上花氣朝朝在水浮綠樹參差迷澗壑白雲舒  
卷護書樓此身比鷺全賓雁那意裏句汗漫遊

戊寅子月九日雪後集新城王公第賦謝

名德高標四十年儒林一代屬公專自緣禮樂逢  
明主獨攬文章邁昔賢峻望已無前筆底虛懷欲  
引後生傳雙簾倚戶門如水惟有芭譚相後先

立雪門前樂沂浴况逢雪後手箋傳溜湏願辨短

流派無兔真應聽蹄筌身坐春風忘歲晚心緣愛  
日望歸便兩情牽繫如鈎月一寸清光百倍懸

部次州居萬卷陳典衣縮食每忘貧原非騏驎天  
閑選合與譚魚憲簡親欠困豈能無達志雙遊已  
自厭風塵幸從門下傳經義屢借牙籤不評類

選詩傳寫自黃州私淑今朝願始酬如聽雲韶驚  
遠響似臨碣石望滄流開樽對雪神倚王促席談  
經論未休莫謂龍門容易過此身疑在夢中遊

上司成孫樹峯先生

樸學齋集卷五

九

辟雍鐘鼓日於論六館爭看禮樂新感世人文由  
國學聖朝模楷重儒臣文章軌範窮秦漢學術風  
規振洛閩獻納不須傳筆諫廿年端笏侍楓宸

題朱晦人冊次王野航韻

攻堅無當玉爲卮彈缺深嗟負壯時急辦治生二  
頃去勿傷知已十年遷卜居宜傍東西漢論世憑  
分大小兒此意天涯誰與共樽前只欲與君知

半柳亭觀奕在清江浦爲華亭王司空公作

半柳亭前爽氣清恭逢休暇縱談兵謝安鎮物原  
無競裴度臨戎久不驚覽令頓新舊壁壘集思須

藉衆公卿由來國手爭先着只是當幾布局明  
淮浦風高雁陣呼茫茫澤國久爲濤全憑隻手廻  
關勢不使殘棋敗局輸白浪翻天爭倚角黃流匝  
地障東趨知公順水行無事賭墅聊供一笑娛  
方圓動靜合坤乾紀數應如象小年坐隱爛柯忘  
歲月入山負局訪神仙須因黑白爲分却縱有輸  
贏總快然此術非閩人授受類疑得力有先天  
雙枝銀燭吐紅光子落丁丁接漏長天上縱橫回  
雁陣斗中錯落列星芒濤聲漸息馮夷窟虹影平  
鋪同象鄉取次漫攜玉局筆廢歌正擬築宣房

題沈石田山水

片紙閒將筆墨施千巖萬壑各爭奇想渠慘淡追  
前輩頓爾風神逼大癡輸運何嘗無我法揣摩固  
合在多師淮濡讀畫消清晝十日留連未忍移  
夏夜與梅耦長查夏仲集陳香泉宅次韻  
長安好事如君少對客哦詩更寫賤逸興不妨曹  
務冗高懷常共酒人傳諸賢數過詩無敵盡日清  
言暑亦捐街鼓已喧官燭返歸蹊蹊蹊夜涼天  
齋中雜咏四首應司徒陳澤州公命作

明山

此登鸞陀數寸中天然印鑿玉玲瓏墨雲欲起  
浮影現沼初平翠掃空位置何曾離几格嶢嶢  
似對華嵩生來歷落嶽峯瘁海岳風流許我同

法帖

舞鳳翔鸞迹最奇蘭亭墨妙真吾師硬黃響榻千  
金帖飛白雙鉤百衲碑索靖縱觀停去騎蔡邕橫  
讀漫題詞未妨東觀編餘論且就南榮映日披

筆牀

毛穎中山類不羣銀鏤班管此間分許身未遇終  
須學報國平生只有文辭掃氣能搖五嶽夢飛花

欲吐層雲回思昔日圭牀上虎卧江南是右軍

宣爐

冶銅十二鍊爲精鑄就彝爐小樣成久閱風塵光  
自孕頻加摩洗面重生將留宿火消長夜持供丹  
經注淨名更取龍涎招舞鶴引吭側聽九皋聲

人日集韻十一秀野春樹草堂得江字

瞳瞳朝旭耀南窗門帖新題戶外雙令節人方逢  
七日望歸家已隔重江摩挲春樹吹瑤笛跌蕩詞  
場倒玉缸消耗壯心慙未盡酒鎗戶小不甘降

再集春樹草堂

客中對酒便當歌，况共名流舊雨多。畫憶故園慈  
董巨詩成秀句，壓陰何竹光。醉圍雲影月，魏州  
圓耀玉波他。口草堂追雅集，記將春樹撫婆娑。

次韻題顧秀野雙井書屋

敝帚如何說似椽，暑題也擬挂楮邊。愛身畏溺同  
窺井，處世危波似泛船。燕市酒多常寫卷，吳儂癡  
極好吟篇。與君潦倒金臺側，莫問城南尺五天。  
西山一抹翠煙嵐，遙借雲光入坐龕。得失塞翁憑  
放馬，豐荒家計占新蠶。風霜傲兀君能慣，途路欽  
嗟我久諸總。有把茅權蓋頂，任居薊北與江南。

樓學齋集卷五

六月八日集秀野晚翠閣用東坡白鶴峯新

居韻

長愛樽前酒不乾，每從君飲歛柴關。闌閒還是愁  
王侶，清論居然晉宋間。書借鉛丹羅北庫，窗分晚  
翠對西山。辟疆到處題詩滿，又乞羅浮一集還。  
孤踪閱世如浮梗，倦眼看書漸隔燈。隨分不波疑  
晉井，安心就冷類凝冰。斯須酌我年差長，昏黑同  
歸客。亦僧除却吟風興，弄月紛吾懷抱亦何曾。

六月二十四日再集晚翠閣予不至仍和前

韻

長安客舍了無事，朋友聚散輒相關。月從文字二  
四飲地擇爽塏，八九間君家雅擅南烹味。衆喜得  
見西來山，快絕長鯨吸川趺。凌絨怪發題詩還，  
傳聞今日荷生日。好事設醴還張燈，我生之旦與  
花同。聊復切藕簍調冰，壺觴漫擬從先輩。粥飯祇  
求學老僧自笑，藏身人海裏。遍尋花伴向來曾，每  
必以藏花爲戲。

聞張匠門笛分賦得絃字

燕市悲歌自昔然，相逢俱是酒中仙。何當笛裡關  
山月，恰值秋來欲暮天。江上魚龍誰變化，尊前景  
物且流連。要知鼓吹真風雅，不必無端五十絃。

樓學齋集卷五

午日破研齋宴集即事

園林秀色倍堪餐，雨後微添漠漠寒。滿室浮香紅  
藥艷，隔籬清蔭綠陰繁。流光又度天中節，靜境真  
知日下難。相對嗒然齊物我，雪泥鴻爪總同觀。  
淑景端陽節候新，深蒲角黍雜前陳。楚歌何敢稱  
名士，燕市惟應托酒人。漫引綵絲纏戲偶，試將羯  
鼓賽靈神。從遊芳序歎何極，只有歸心繫老親。

上江蘇中丞宋漫堂公

商邱自昔人才地，昭代英賢盛莫當。相國開天



垂竹帛中丞經世有文章 宸衷倚毗東南寄士  
望歸依嵩洛長間氣輪囷占代起騷騷又見躍龍  
驤

節鉞風高轄百城肅持綱紀靖吳氓星臨次舍皆  
牛女民載歌思總父兄靜閑煙雲頻過眼夢遊山  
水未忘情滄浪亭下盈盈色堪比公心一樣清  
詩雅公宗代有聞主持壇坫執超羣山當嵩岱高  
無敵水到江河派不分方駕只餘摩詰輩知言雅  
稱士安文玉杯繁露多奇麗願惠歸裝一辦薰

閩南有士在泥塗樸學無能愧丈夫詎意虛聲塵

樸學齋集卷五

十四

遠聽猥承雅問到微軀十年梁苑心長望一歲龍  
門喜再趨公府緇衣能汲引虛懷猶有似公無

上巡醴御史靳公

九重宵旰瞻南閩 特簡臺班法從臣持斧本爲  
資國計下車便復煦陽春經綸碩壺甦疲俗黼黻  
鴻裁迥絕塵務使海隅連出日盡沾 聖化答

楓宸

憶昔趨庭卅角時獲從珂里邇風規大河禹迹煙  
雲渺舊史天書鎖鑰垂千載山川留間氣八閩膏  
雨慰來思願因鈴閣焚香暇扶策雲亭載問奇

集烏石山陪

登范公祠次韻

玉堂飛蓋到閩邦蓮幕移樽叩竹窗山勢欹崑崙  
萬壑沙痕明滅俯雙江劫餘廬井悲生促醉裏乾  
坤見道龐晚際天風起蘋末濤聲欲戰老龍降

中山使者蔡子華來訪贈之

堯天舜日歲思翔久識溟波靜不揚萬國車書輸  
玉帛四時朝會達梯航中山職貢包茅謹使者卿  
書劔佩莊我讀象胥詢達俗彌知聲教暨無疆

遊輪山

輪山巖壑自幽奇捫陟層巔覽舊題石隕疑星瞻

樸學齋集卷五

五

有耀海寬接漢望都迷梵天古寺還新構靈湫甘  
泉祇暗滋深愧持身之苦節歸耕何日遂棲遲

御書樓爲施氏作

氣吞溟渤靖鯨波退食從容祇嘯歌百代功名標  
竹帛一生幽興寄煙蘿堂成綠野觀心足樓奉丹  
書 御墨多每挹下風思舊德清游瞻仰倍嗟峨

上巡海觀察甘公

六載雙旌駐海陬輟傳 新命領中州雒陽父老  
瞻飛蓋閩嶠山川戀去騶濟世有才持大體居官  
無愧列清流平生忠孝家聲舊尺五 天朝寵遇

優

希風久欲溯龍門無那顏唐困短轅費下桐枝幸  
不棄谿前桃李亦何言三年長共師資感一字難  
忘接引思安得側身隨去騎駸駸也復驛中原卯巳  
之役公監試信卷中有龍筆公正之

同安城驕望

銅魚城上步回環極目夕陽山外山亂後邨墟成  
聚落時平雞犬亦安閒炊煙遠接青冥島帆影平  
過綠鵝灣欲向遺菴尋畏壘芋溪流水潺湲

過廈門贈宗人武觀

樓學齋集卷五

七

浮槎遙渡鷺門津劫後山川氣象新煙火千家生  
聚樂舟航絕國往來頻也思卜築依安土長願昇  
平息戰塵況有本支稱棟蓼舉杯且快樂昏晨

酬黃天御方伯

東藩解組賦歸來畫錦堂從里第開賜履舊稱上  
衮重朝衫今易綵衣回仲生樂志真蕪得潘令閒  
居不易才泰岱登臨空八極直將屈宋作輿儻  
健筆新聲雅不群鳴金戛玉過行雲稱詩濟北高  
千古論派閩南振一軍絳日丹霞蒸曙色澄江秋  
水織波紋文心旖旎風颯颯或朗誦如焚百和薰

潞水秋風長綠波南歸猶滞在淮坡傳聞旌旆樓  
官渡未傍樓船候棹歌幸逐東風還故國敢將土  
鼓混雲和荔支釀熟從君醉洗筆應須挽玉河

僧輪山同登清源以詩索和次韻答之

繞說看山眼倍明况聞鐘鼓報新晴良朋都爲尋  
春至俗慮還因飲水輕欲卜層崖占小築誰能遺  
蛻謝浮名今朝了却清源興莫負三過客此城  
南臺秀色望中明極目登臨趁午晴俯瞰竈煙萬  
井聚連窺帆影數鷗輕千年霸業誰堪問一縷流  
泉竟得名取次春花開錦繡嬉遊踏遍刺桐城

樓學齋集卷五

七

大參陳樂公招同輪山丁滄霞小集以北行

草見示次韻謝之

清明物候扇和風小雨如酥濕麥融榮戟門前槐  
蔭綠笏牀堆上舞衫紅甕留吟興傳粉社何似耆  
英聚洛中來往風流偕二老朝朝唱和創詩筒  
飄零有似葉隨風誰煦陽和釋凍融汗簡難青瑩  
鬢白春原未莫泣鵲紅微名總聽浮沉外生計難  
供俯仰中何日澄江占一曲浮家泛宅理絲筒

疊韻再酬天御方伯

江江千頁范清風軼代才名事業融旌節粵江紆

佩紫備藩海岱御輪紅乘時鳳舉青霄上肥遯鴻  
冥大澤中滿腹經綸隨手展卷舒操縱足絲筒  
并州快剪落如風賦物鏤形寫象融句到工時憑  
眼白酒當酣處任顏紅蟲雞得失階除裡蕉鹿相  
尋夢覺中久以無機消幻境超超玄看滿詩筒  
客居炎土扇溫風纔看春衫已暖融幾望漸看月  
華白久晴真畏日車紅東山絲竹優游裏南國桑  
麻仰望中初服恐難成久戀荷衣且願罷竿筒  
滿座賓朋北海風未曾酌我亦心融况開舊醞蒲  
萄綠絕勝新芻荔子紅壯志還消棋局內雄談彌

樓學齋集卷五 五言 九

王酒杯中真成潦倒偏能恕可許重來醉碧筒

施平原遊筍園因乞分陳家紫疊韻

郊遊十里靜無風荔子抽華春氣融舊譜久傳陳  
氏紫新枝誰賽筍江紅極知消夏能忘暑無福沾  
唇解熱中援取浣花求橙例向君分種截雙筒

輪山率諸君和東坡送李邦直赴史館韻詩

爲別深感其意次韻答之

義娥相禪如梭急俯仰茫茫百端集每向良朋一  
杯傾輒下英雄數行泣真慚老大無所成回首少  
年豈堪憶今日別君作醉歌支離顏色坊人識

與李方叔書漸喜不爲人識

何意閒身向紫宸石渠詎易贊書辭小人有母賴  
懷賴壯士無金大類秦且去抽書翻秘籍不辭作  
客速依人知君愛我時相憶莫靳魚牋付雁臣

聞錢四亮工捷南宮有感疊前韻將以遺之

楊花滾滾麴塵急遙想黃金臺上集今年上苑看  
花人昔日短檠牆隅泣庚辰亮工下第同寓京邸和昌黎短檠歌者轍  
捷足競馳驅落絮沾泥偏愁憶窮廬嶺外望長安  
五色雲從日下識

待詔先來侍 玉宸早從草莽識祥麟三年燈火

樓學齋集卷五 五言 九

班馬一旦雲泥隔越秦費下勞薪餘有我殿中隨  
臚唱屬何人定知雁增題名字獨冠三千黼黻臣  
丁滄霞來別珍重以先傳爲托疊韻答之

山城宵柝傳籤急落落明星三五集誰云老驥犬  
聲鳴只似枯魚過河泣樽前驪唱不成歡別後郵  
聲定相憶政身有母未許人此意悠悠誰能識  
紛紛枚馬集 楓宸盡慕終軍對木麟有璞常懷  
宜獻楚無才著論漫過秦雖嘗讀史分藜火曾是  
操刀代斲人千載是非公論在未容草莽贊詞臣

別晉江陳桐壺使君

歲寒書屋獲交親猶憶相期迥絕塵萬里雲霄君  
鼓翼三年溝壑我摧鱗花枝綻處移欄共月色殘  
時洗盞頻總爲寂寥相慰藉買絲繡像定何人  
金門枚馬競馳驅况值桃花鼓浪時書案短檠餘  
我照蒨緜長缺俟誰知頻過石竺山應厭屢道楓  
亭吏亦疑今日判將知已別北溟鯢徒有深期

義溪寓樓和壁間韻

獨到花時倍自傷屢遭風雨攪花場亦知薄命同  
流水是處浮踪敢戀鄉欲賦登樓思愴恍每吟豪  
士氣賴唐諸公繼至間模索暗裏嗤予哆喙長

樸學齋叢書卷五 五言 辛

贈穆南谷

三年婁水憶曾遊風雪飄蕭滯去舟欲訪穆生陳  
楚醴那知伯長客閩州相思未便聯同調伏處何  
堪惟百憂詎意梅花芝澗畔春風芳氣得相求  
淑景欣當物候新天南佳氣肇初春超奇誰作羣  
山長登眺還留我輩人澹宕香煙浮一縷淋漓酒  
盞瀉千巡永和勝會應須記擲管慚非內史臣  
雄才直似簞春濤揮灑千言染翰勞骨氣欲凌鮑  
庾上風華直掩白元豪何當寶玉能藏璞定有青  
條欲染袍斲向琴堂調玉軫他年天半振雲璈

與若六月同庚長慙愧多生六日餘紆紫佩金知  
是幻持梁刺齒待何如相逢只合杯中醉爲壽宜  
商枕秘書莫說云亭纔咫尺已如塵界望仙居  
題陸鄴書送別冊

與君同上建溪舟君自言歸我遠遊聞地風煙共  
此別江南春色望中收行踪總似衝波鳥詩興還  
如竝駕騶且去前灘賒月色十干沽酒莫言愁

贈葉亮臣副戎

建牙吹角控專城榮戟霜寒一郡清緩帶常留花  
下醉錦衣真是畫中行好龍豪舉英雄事愛馬風  
流慷慨情我本書生喜談劍揚鞭直叩亞夫營

樸學齋叢書卷五 五言 辛

贈建寧程松舉太守

詩名散落在人間雅望清流玉笋班領郡故應資  
大府著書端合傍名山標細世澤藏宮綵舞鼎家  
聲有賜鏤咫尺芳規鄰宇下何當逸興得追攀

贈建安潘明府

海岱名家閥閱隆分符建水仰仁風製爲美錦先  
諸縣裁得春華似洛中經術總從庭訓授功名應  
繼史官崇今朝池上瞻丰采五色分輝照眼紅  
贈甌寧陳明府

芝城政績萬人傳治行真居百里先餘事看山留  
好句清風引水煮甘泉十年撫宇安窮宦一簞歸  
親不愧賢憶自拓溪瞻秀宇那堪歲序六回遷

嚴子常大以詩見招次韻答之

修途萬里路悠長雙愁芝城北講堂桑梓故人情  
好在溪山勝處意難忘將尋寒蕊巡簷笑得傍文  
星借斗光壯志登樓誰共賦虛承雅問誼彌彰  
仰觀千古俯同時遠隔天涯近一堂務使身心修  
共証須令人我見皆忘江天浩蕩原無盡暗室嘉  
微自有光先正紫陽遺緒在傳燈好去晦中彰

樓學齋集卷五

上高鏡湖方伯

尺五家聲輔相門新卸 恩命長闔藩春生海角  
來旌節望著薇星貫斗垣大厝詩人宗仲武高陽  
氏族重文孫他日青史編年表舊識調羹世業存  
道山施靖海侯祠作

左旗右鼓奠南陲誰擁貔貅建節旌相度謀成平  
蔡日征南功就伐吳時廿年舊德留閩嶠八郡遺  
思遍海濱有子墳箠看代起不須墮淚讀殘碑

華峯僧玉田出于廿年前遊水尾巖記命題

因係以詩

不到華峯二十年青山依舊鬢毛顛追尋遊蹟都  
非昔把讀言已愧前鶯轉竹窗驚曉夢月移茶竈  
颺輕煙山中清事縈懷抱好乞餘生再伴禪

別阮輪山即次其韻

方外神交只有君同牀合夢不曾分情緣相感沾  
泥絮聚散無心出岫雲三過清源頻話舊一來心  
鼓又離羣此行判別無他囑珍重加餐少作文

甲申九月余將北征得病支牀經月因葺一

室移卧其中漫成五首先寄長安諸君子  
忽滯繩牀藥鼎間淹旬涉月掩松關崢嶸瘦骨如

樓學齋集卷五

柴立踉蹌窮途似蹇艱命諗數奇違雁去愁經多  
病送秋還雄心作達都非故那免星星鬢漸斑  
支離仰屋嘆年餘又負今秋九月花黃酒何嘗沾  
一盞紙鷁只見闌三叉空階颯瑟孤桐響永夜悲  
涼漏鼓過欲遣無聊裁漫興誰知才盡病頻加  
風雨先人有敝廬數行老樹一牀書貧來無計能  
堅坐病起粗閒稍掃除白版小窗蘿月映青燈短  
榻竹煙虛中宵却起低回望愧立人間百不如  
夙願陳編故紙鑽欲將大業託鉛丹千秋簡冊持  
論易十畝桑麻作計難薊苑朔寒風自厲青州原

限雨我闌世間何地能高枕容膝希圖一日安  
小春風日最宜晴虛白能令小室明時爲變音新  
按節林花得氣頓抽萌炎方淑景天然麗穠事連  
年不負耕聞道諸公飽熊掌可曾憶我輟杯羹  
予北行病憊芝城歲杪思歸親母并展先墓  
將以新春就道魚門鄭子以次韻詩來道  
別輒和酬之

一月征程舟楫間高堂時有夢相闕偶因傍郡移  
荷便少緩長途去路艱片棹夷猶隨鳥度千山曉  
息破難還回燈錢歲屑蘇醉博取樽前舞袖斑

樓學齋集卷五

牆頭春酹幸容賒臘底寒梅正吐花開甕固應排  
弄當折枝聊復挿亞义家家爆竹桃符換戶戶燒  
燈羯鼓揭歲運一新人事改知非不待五年加  
北阡岡隴築精廬半掃松楸半讀書務使長林連  
澗壑更教秀野納庭除迨迨遠寺晨鐘遞灩灩流  
泉夜月虛我去闕心惟此地他年歸計定何如  
病後詞章不復鑽終朝和藥更丸丹欲趨遠道身  
須健冀得贏餘夢亦難世上奕棋爭勝負座中樽  
酒起波瀾我生久受忘機訣任運隨緣到處安  
新春授我歲新晴萬斛珠光潑眼明江海淵源能

壯闊根株蟠結老舍萌今朝得爾爲同調他日期  
予學耦耕翻盡晉安風雅派莫教臭腐嘆塵羹  
溪行有感再疊前韻

十載飄然南北間勞勞又復出困闕青山無恙入  
多病白髮旋添仕尚艱天下英賢遺幾輩意中山  
水久思還溪行不盡春光好綠葉成陰篠漸斑  
北望豐臺路尚賒沿途芳芷爛開花壑源茶好思  
新焙建水魚肥想下义嶺上煙雲簾笥度月中簫  
鼓畫船過人生適意傷遲暮趁取風光九十加  
蓬窗踟躕似蝸廬只好卸杯與枕書絕景奇時驚

樓學齋集卷五

浪過峭帆快處願風除功名有分終歸幻學道無  
成感不虛欲向溪頭問漁父簞簔生計謝他如  
峽險都忘破浪逆濤難春聞有相憑懸瀑筆夢生  
花藉狀瀾九曲有田稔可種不應西笑向長安  
曉山煙暗晚山晴溪水漣漪溪月明春色蕩然隨  
電滅蓬心縹緲逐波萌朽如驚骨何堪市儈似蛟  
牛不任耕且聽東塗西抹去讓他冷炙與殘羹  
曾沙縣大令

百里循聲冠劍州花間琴奏錦雲流靜綠經術吏

情迷坐滿菁華士望收韻語裁成今大雅口碑傳  
出古諸侯多年欲買金沙權御得龍門斗幾周

贈上杭翁林一大令

論交十載意如何每挹清風若飲和文字原宜歸  
館閣簿書楚復借賢科杭川景物天邊勝茂宰詩  
名嶺外多我去金臺先擁帚爲君除道聽鳴珂

贈范慎時司馬攝令寧洋

花駿鬃借駐山城臥閣斯旬政理清萬疊煙嵐開  
秀麗百年風物肇文明琴調東閣梅香早杯獻南  
山塋影橫先去金臺迎畫戟佇看最績奏咸京

樓學齋葉卷五

贈連城趙省齋大令

九載揮絃判案清製成美錦重連城應來身省黃  
封奏看取鸞書紫誥旌朱戟熊旂炫粵嶠繡衣馳  
馬覲承明 盛朝最簡農桑課渤海寧專漢史名  
大雅丰標風昔傾新詩獨擅倚樓名春臨官閣吟  
梅興月上琴臺夢鶴清六代煙花佳麗地一官苔  
書畫圖行南遷巖壑尤奇偉值得奚囊錦句盈

溪行次藍采飲韻

預唐病瘵頓年餘嘗作空中咄咄書引艾自攻具  
上策買山無地異懷居爲因負米尋同伴不是辭

親忍絕裾五斗可邀便捧檄那緣木上去求魚

十月微霜染樹丹久晴溪涸不成關山客瘦立唯

餘骨水面波澄迸作寒初喜西溪新得路何年社

轍問歸灘棹前且鼓滄州興歌嘯都忘上水難

落日邛酤貰一甌釣灣夜泊僅孤舫霜餘月色半

溪好暝入山頭萬疊青坐見蒼松盤峭壁卧聞獨

鶴嘯空庭此身已似登仙界不必誅茅大隱舁

迴風鼓殷亂濤聲蓬底高眠耳倍清未便止觀能

掩聽自緣習靜得虛明溪雲溪月皆爲主山鳥山

花總係情歷盡劔津西北境桃花洞口蜀將迎

樓學齋葉卷五

山深雲樹望迷濛雞犬桑麻散牧童是處邱樊皆  
入畫無邊風月總成公代過魏晉人無論俗近黃  
虞歲屢豐從此釣耕欣有托津頭漫復問漁翁  
蓬窗對坐忽經旬亂插繁花盛小春香稻軟炊嘗  
玉粒鸞刀細膾斫文鱗初無去住因緣念真得遊  
行自在身最愛溪頭危石聲激湍潑沫白如銀

贈邱獻齋

千峯萬壑擁龍巖餐勝何期到此看行波心如  
駛迅摩空天際似鵬盤每懷希範三年別且就平  
原一日歡姑舍名山留勝迹他年策杖再來觀

遊小桃源訪梁燦章使君

探奇忽沂劔津西片棹夷猶太史溪欲訪桃源尋  
赤葉致求仙令借丹梯人家處處桑麻長煙火依  
依雲樹齊許受一廬沾雅化便將琴劍此間攜

次韻酬魏蒼石太守

盛名久踞泰華巔遙數清光邁十年何意熊旌臨  
遠郡重來蠟屐問流泉追歡烏石秋將半回首燕  
臺路幾千莫怪當筵偏潦倒使君高誼與雲連

宿湖口憶藍采飲有遠夢欲尋湖口路句因

爲是詩

樓學齋集卷五

夢尋湖口就佳句身到真知勝若耶夾岬松蘿園  
聚落隔溪燈火隱人家高眠枕上傳清瀨倚檻窗  
前俯白沙莫怪詩翁生遠想我來痼疾亦煙霞

贈曹龍溪使君

曾向閩中問俗來手持美錦稱心裁祇期比戶登  
春盎不訝公庭長綠苔吏治原從經術遠科名具  
展濟匡才我因彈鋏清潭畔猶欲爲君市義回

寧化伊母張氏百有二歲予往見之類六七

十者子澤世亦年八十二

一正來登壽母堂百年過二見康強具知天子遐

於福彌使人思愛日長膝下失生能說學居鄰孟

氏久傳芳 歲朝方降高年詒人瑞端宜表一方

贈象峰心印和尚

衆岫崢嶸八曲中象峰高踞獨稱雄花開貝葉懸  
珠網雲起蒼屏護釋宮選勝應推中仿匹安禪要  
與扣氷同何年拂袖能歸隱折脚鐺邊作退翁

贈劉渭生

聞道高樓巖谷間武夷深處闢柴關座間曲宴張  
仙幔戶對排峯擁玉環未省何年能換骨此生終  
擬傍名山楚來願借茅亭坐一望雲中雞犬閑

樓學齋集卷五

寓湯長卿樓

層樓俯瞰萬家煙聘望南屏一抹妍自是神仙合  
隱几便令俗客也停船關心每話粉榆暮盛事爭  
詢警蹕前最是垂情向春草惠休詞賦古今傳

滁州懷古

駛車搖鐸過滁陽一片青山起道傍盛事咏觴懷  
醉守雄才戰伐感興王百年遺老於誰問半壑甘  
泉且駐嘗急雨送將關外去清流夕翠望蒼蒼

過真源寺

歲暮一壑傍山阿佳日常從此地過霜迴平林黃



葉滿秋光遠岫白雲多靜深頓覺塵襟滌解還  
須養念和最是一聲清磬發悠悠身世欲如何

壽程翁八十

欲從桑海問遺民磊落如君有幾人閱世已過三  
萬日鍊丹且度廿年春紅橋明月浮家在白岳歸  
雲入夢願我願相從學隱訣買舟進溯廣陵津

樸學齋詩集卷五

樸學齋詩集卷五 續編 五

樸學齋詩集卷六 續編 六

今體七言

集巢寄齋公東第

東第焚香與客俱西窗讀書話清娛山疑負嶠凌  
雲出水訝扶桑浴日趨叢桂晚香森幾樹老松勁  
節挺雙珠匠心知袖珊瑚管留寫他年補袞圖

贈查夏重編修

南內書房直禁中詞臣遭遇最優隆抽書頻得窺  
清秘視草常因達聖聰官近蓬瀛身愈顯名傳  
湖海望彌崇何當稽古承衣鉢願執鞭筌拜下風

樸學齋詩集卷六 續編 六

贈查查浦編修

人文今日數鹽官查浦分標各擅壇聚以星占還  
有象才憑斗計互稱難早登閭苑敷華藻獨步金  
閨振羽翰瞻岱臨滄虛有願茲來何幸接清歡

七夕雨中次吳寶崖韻

烏鵲橋邊一徑斜靈槎虹渚是誰家正思令節宜  
投轄恰到仙人共獻瓜薄暮雨來涼幾几新秋氣  
爽剪燈花金門知已晨昏聚那似星迴隔歲賒

二更雨霽次前韻

雨餘銀漢影橫斜借榻池亭便當家剪燭醉拈青

錢管擎盤渴剖綠沉瓜林間乍起雙棲鳥天上重  
開拉蒂花洗盞更爲牛女賀傾樽有酒不須賒

再登前韻

盈盈河漢隔雲斜乞巧朱樓十萬家欲度金針惟  
引線廣陳玉案僅酬瓜風來恰送模糊雨燭跋全  
消頃刻花金盡牀頭還有酒朋來倒甕不須賒

送王總憲出使秦晉

午夜天書下九霄命持臺憲帥群僚麻宣四  
海兒童喜戶倚雙藤冰雪饒丰度久儲公輔望清  
修母愧聖明朝懸知金鑑千秋業要待金鉉作

樓學齋詩集卷六

鼎調

執法西臺拜命初載卣鸞詔乘輅車九重自  
履苞桑計四海寧容戶牖疎表裏山河秦晉匹綱  
繆風雨華嵩如采薇天保傘圖盛更爲皇華賦露  
滑

送張鈞庭僉憲之閩中

大雅羣推博物宗清河譽望古今同纔懸玉鏡昆  
明麗旋擁熊旌嶺嶠崇海國軍儲資贊畫天南水  
驛仰流通春風竹馬行迎處榕碧蕉黃荔子紅  
當年鼓篋赴成均深愧科名擁積薪何意驚騎能

長價早從岐路許通津涓流總藉江河潤枯槩  
須造物春憑仗旌旌存老母傳言西第仍留賓

送陳漁菴之官建水

再縮銅符五馬行牂牁萬里抗熊旌拊循龍甸安  
荒徵通市實人定薄征行印花香沾綬濕揮絃月  
朗映書清相思萬里勤相祝奏最還來覲玉京

送成健夫之官南安

才名淮海久無雙制策傳頒九鼎扛利器不妨盤  
錯試洪鐘寧拒寸筵撞書生躍馬臨畿縣三日探  
囊剪通降綰綬重膺來晉水權迎竹馬具旂纓

樓學齋詩集卷六

三

閑遊曾憶渡金雞九日登山任杖藜郡邑炊烟閑  
井接吏衙蕭散卧牀攜雖因俗尚烹鮮易况藉才  
諳駕熟齊只恐鳳皇巢未穩要歸青禁碧梧棲  
取道娥江達劔津青山碧水鎮相親榕陰直接扶  
荔影鴻雁不來猿嘯頻通印子魚滂出水堆盤格  
磔炙前陳讀書判訟無他事坐使文風雅化臻  
洛陽碑古好釣摹耆舊清源半謝徂只有阮公堪  
設醴幸同李愿共吹嘘陳遵首荷盤無恙智永南  
袁筆健無更語惠安錢令長秋風遊子賦歸乎

題棉花衛衙寓驛

壯心磨耗逐春殘惟有談文興未闌正學世誰能  
辦派代耕計已左求官且將馬骨充群市莫使螢  
囊對案乾杯覆燈地芒角吐棉花誰道巷中寒

移居西苑

甃僦庄居太液旁僅容樂几與繩牀隔牆花樹能  
分翠對岸官雲半映黃剪燭擁書消永夜引裘添  
被禦嚴霜夢餘記得坡公語人海孤身正好藏

僦居苑東承陳澤州公以米蔬醢脯相餉賦

謝

待詔金門兩月餘策歲日上殿中虛持囊真羨侏

樓學齋詩集卷六 題到齋 四

儒粟彈鋏誰將馮煖魚忽賜盤飧分鼎鼎旋炊玉  
粒薦厨蔬欣然一飽懷歸思返哺何時慰倚閭  
甃僦庄牀半笏居右鄰太液左清渠欲捫星象瞻  
雲近願繪天文執筆徐顙影未能離蔬屬趨風真  
望拔茅茹頌揚吐哺緇衣笑都養今朝飽讀書

壽相國陳澤州公

色正芒寒位斗杓明良真慶協簫韶都俞贊治扶  
隆運啓沃興文翔 聖朝四紀班聯多內直一時  
丰采率群寮千秋相業伊誰匹元氣資公爲燮調  
海無波起塞無塵天象昭明兆去春五緯順聯珠

壯斗兩儀光耀壁重輪祥徵海宇蒸和氣瑞應元  
臣格壽身七十風光明歲祝 公生於 萬年天保即  
今陳

執經十載列門牆近溯淵源切景行經緯萬端歸  
自得貫穿百代集兼長數陳 黼座資金鏡論撰  
共編秘錦囊願假槩鉛行四遠粹文正學得津梁  
午亭山色峙堯都秀甲嵩恒華岱區宜與列仙伴  
勝覽漫容元老擅清娛先標靈異留詩卷徐待耆  
英集畫圖今日且斟添線酒消寒初會樂軒虞  
袞衣赤舄地行仙 恩眷殊榮錫子駢每撤 御

樓學齋詩集卷六 題到齋 五

筵井法醞常頌霞藻與雲牋東南美景教從幸典  
冊高文命代宣位業遭逢皆第一鳳毛雀起又翻  
翩

贈常虎臣

與君同作長安客寓邸過從話未休對榻敢分牀  
上下濟時莫逐世浮沉神京豐芑才華盛正學淵  
源麗澤優渥取青萍鋼百鍊千霄氣卜斗間收

九日雅集

吾家詩格復如何十子才名不啻過派衍晉安風  
雅盛節逢重九興懷多一樽幽賞悲陳迹異代登

臨憶嘯歌白鴈黃花屢回首滯留京國愧蹉跎

培風堂雅集

作客長安笑幾回綠尊思向故人開何當接席連  
清畫真得披襟豁素懷照座繁花翻日艷揮毫錦  
繡倚雲裁長途老馬詎能識六月鵬風望共培  
清和紅日正當中仰見承平四海風膠漆弟兄聯  
硯席東南才美待磨礪冠應效文章報仗樞寧  
爲豆棧蒙不見路回相贈處早從道義許心同

贈頓修上人省墓茗上

鹿門先生耳孫

盡道逃禪隱海涯誰知方內本無家當年野史知

樓學齋詩集卷六

誰信老去零丁絕可嗟遠鶴歸原是夢秋風荒  
隴暮飛鷗故應却後空諸有珍重遺書只白華  
樓有白華

述愁送友人假回

風吹草色散林垌直到天涯不斷青倦客尚留金  
殿直歸心長繞道山亭但能夢去常宜睡若破愁  
來不獨醒君表陳情詞更切總教遊子鬢成絲

丁亥四月姚松芷由粵西以公事來京相晤  
追叙別况并述近踪

長安忽復覩芝眉相對還同夢寐時廿載甘棠閭

地種三遷司馬柳州馳望資自應登方岳官况無

須計拙遲會見征行多好句天教粵士得多師

困關執手悵依然潦倒何堪踰廿年案筆內廷慚  
入直把鋤南畝負歸田浮沉待作圖南計喜懼交

并冀北天漫貫一壺便易酒剪燈閒話別離筵

壽日華亭王司空公嘉惠頌及因次坡公夜

坐韻爲謝

斗山望重鬱嶢嶢深幸從遊聽候聲造就有恩終  
莫達涓埃未報竟何情輪囷砥節期他日俯仰支  
離愧半生應嘆韓門能獎士牆隅偏惜短燈檠

樓學齋詩集卷六

詔修明史筆嶢嶢直道如聆斧鉞殷廿載裁成人  
物志千秋相命泰交情文中變化規班馬字裏褒  
譏定死生何幸許分宮燭照青瑩藜火上燈檠

每依函丈歲嶢嶢只有堂前誦讀聲公府本無熱  
客迹水曹真擅賦詩情榮迴筆陣看磅礴奇正概  
枰識代生與望總歸揆席拜台芒光耀不須檠

六月朔日相國澤州公以賜魚分餉賦謝

避暑宸遊出塞闕觀魚青海紫垣間分鮮特

遣鑾鈴騎受賜先沾玉筍班閣下調羹嘗不忝

野人饒口味初翫欣如曾侍曾孫宴乾菜叨沾漢

祀還

丁亥小除日太宰宋漫堂公招同諸子守歲  
合尊錢歲列賓筵文譙清娛踵昔賢都下名流羅  
俊及盤中方物品芳鮮臘殘纔換大寒節景淑先  
來小盡年滿室春花占得氣春風取次更留連  
圖書插架笏堆牀掃地焚香雅興長久識中原文  
獻在更占黃道斗杓光章門相業詩三世王氏通  
天帖一囊韓范功名燕許筆幾家閱閱敢論量  
十年踪跡等浮萍六載殘冬客帝京略見風流  
前輩韻猶聞京洛舊人情時當歲杪周星換運際

樓學齋詩集卷六

承平四海清東閣留賓守除夕楷模還仰昔儀型  
人中麟鳳文中虎霞蔚雲蒸聚此都歲序崢嶸忍  
已晚風塵荏苒孰相娛汾香滄辣頻開甕藥鯉菜  
雞更飭厨促席從公談舊事新詩傳與後人圖

春暮王樓村翰撰招飲白丁香花下限韻

白玉堂前花拂檐黃金臺上客懷添餘寒猶峭青  
春後新月初懸碧漢尖奏曲不辭頻洗盞燒燈且  
復下疎簾清詞麗句龍竿檀韻府猶傳風羽簫

送友人回漳州

三年萍聚長安邸接席論文捧酒卮每嘆賢聲同

此美如何官職至今遲漳南人物稱華秀濱海經  
書待教思好趁秋風理歸棹洛河已隔鳳凰池

送友還江南

朝來風雨捲寒煙數見花飛不復鮮作客那堪還  
判別牢愁真欲破諸天長懷歸計惟憑夢不待鐫  
書儘欲眠何日與君參計研扁舟同泛五湖邊

送友歸維揚

才華京洛蔚如林誰奏希聲鼓玉琴雅調廟廊能  
識取辨香千古自追尋瑞麟只合遊元圃倦鶴何  
妨返綠岑整向碧桃紅杏過憑將杯酒醉知音與

樓學齋詩集卷六

君皆以古文詞為注  
悔菴先生所推許

右安門外衆芳叢綺席高張坐客同曲唱渭城三  
疊奏人歸邇上一江風憑將綵筆描眉黛每卸荷  
衣映袖紅顏有高堂歡燕喜歸心我亦趁鴻濛

送友人之官

捧檄纔爲一命官拜恩遙自五雲端吏才久識安  
結易經術無虞製錦難遠勢荆江波浩淼滄懷巴  
樹鬱葱盤懸知盡入生花筆作賦題襟耀羽翰

寄張松南玉山大令

才華斗子早超倫十斛珠明不染塵總爲天工造

物巧偏留文士賦愁均一官中外皆如寄五斗豐  
羸總得貧何似無邊風與月歌吟浩蕩樂吾真  
嘗過太末策笻歌直下江船未斃跬三里山城游  
客少一條溪路野花多五年爲政知猶適兩地離  
居思若何想見勸農停隴畔遙知撫字寓催科  
鳴琴方罷種花疎簿領無煩俯仰如陶令風流惟  
載酒山公雅抱只耽書每憑問訊來龍驤欲寄音  
傳託鯉魚咫尺慢亭酌仙醴可能分餉一瓶餘

送郭羅洛夫子西征

國家承平至今日極盛矣爰自三藩削平臺灣

樓學齋詩集卷六 題詞十

歸附薄海已無風塵之警惟西鄙厄魯特一隅  
猶肆陸梁康熙三十有五年 皇上親統六師  
一舉而殲其醜其逃竄於徼外者以不治治之  
偃武息兵於今二十有二年矣乃遺孽恃其險  
遠肆其桀驁侵掠我哈密戕害我藏衆以至西  
番屬國皆遭蹂躪 皇上西顧怒然不寧於是  
特遣吏部尚書富公寧安佩征西將軍印往  
輯西陲翼其悔禍歸誠以甦與國而逆賊澤旺  
阿喇蒲坦怙惡不悛旁劫烏斯殺掠僧衆番人  
相繼控懇於邊吏 皇上赫然震怒乃調禁旅

具甲乘特鑄金印屬 皇十四子親王爲撫遠  
大將軍統之又擇諸 皇孫以爲之副諒吉徂  
征凡兵食駝馬令所司調度禡牙日 上親行  
授鉞之典皇哉唐哉真王者之師也惟時吾郭  
羅洛夫子以詞林宿望 特命從之將軍西行  
以爲師武臣力不若碩儒之在軍中有裨至計  
也於是吾師韜弓橐筆慨然就道顧謂其門人  
林信曰萬里之行經年之別何可無詩以壯吾  
行色信不揣輒屬筆成七律五首竊以班固從  
竇憲西征銘勒燕然之塞韓愈從裴度伐蔡文

樓學齋詩集卷六 題詞十

錫平西之碑至今史冊猶傳道之況吾師文章  
侔於班韓而大將軍憑仗 國威奉將 天討  
百倍於西征伐蔡之師他日銘功勒石有非燕  
然淮西所得並者信不敏尚欲載筆以紀其威  
豈徒效黃河遠上之什僅博旗亭歌者之詠咏  
也哉因序以矢於詩之簡端并獻卮酒以爲別  
海寓清寧久息兵忽傳羽檄到邊城雖由屬國頻  
多事總藉 天朝遠用征桐錫親藩躬秉鉞雲屯  
禁旅列長營懸知奏凱功成易頒牧儒臣出塞行  
千乘萬騎度居庸憑仗 天威馭肅從九伐 主

師征絕域三邊武衛肅軍容由來制勝資惟慳不  
在臨戎效折衝此去玉門關萬里還如禁掖對龍  
松

河西五郡首涼州控制西羌一望收龍虎新軍朱  
邱重牛羊散牧綠疇稠平戎務在蒐軍實伐間應  
須用壯謀昔日籌邊風未遠師中瑞藉丈人儔  
三年屯戍議西征廊廟訐謨重老成充國封章真  
碩畫班超投筆是書生遊魂雖變逃荒微巨醜終  
當繫組纓奎璧文光如月朗銷兵佳氣掃樓槍

簪筆承明侍從臣素弓髮出靖邊塵千旗曉度雲

樓學齋詩集卷六 三

中月萬幕寒消塞下春應製凱歌傳樂府且將綵  
筆記征輪他年銘勒燕然上知是培風筆陣新培風

師堂名也

### 壽詩

祥徵光岳叶昌辰瑞氣輪菌挺異人天子遐齡登  
上壽帝呼近輦降溫綸真知寶樹盈階盛行見華  
簪捧日新律轉應鐘傳雅奏滿堂佳氣小陽春

### 壽張謙齋戶部

海內才名第一流經營廿載在秦州轉輸天府憑  
良策衣被關中藉壯猷上計不教陳積奏濟時誰

許論功侔天教碩彥襄鴻業定卜箕圖叶九疇  
託交親契已多年蓮幕翩翩自得仙泥注便教河  
渭合兩風欲使華嵩聯高情位業赤松亞蓋世功  
名黃髮傳欲頌椿齡難載筆祇將台耀祝華筵

### 壽五峯

金門逋客相公孫八十高峯逸概存掌制昔遊鵠  
鵲觀遺榮晚卧柘桑園時還顧曲穿花徑每樂尋  
真過碧邨繞膝孫曾皆玉樹地仙人瑞醉芳樽

### 壽魯璠七十

點蒼山翠洱河清挺出英賢間氣生行已有子文

樓學齋詩集卷六 三

學美敦家無愧孝廉名即看蘭蕙聯翩起應卜松  
筠晚節榮共羨極星臨絳帳壽觴遙介祝蓬瀛

### 壽濟東道

葑水塘西舊草堂烏衣門第鄭君鄉門排榮戟清  
風在代襲簪纓惠澤長嶺外驂鸞初稅駕吳中瑞  
鶴正高翔懸知賦筆剛腸在東閣官梅早放香

### 壽羅璧長

祭戰相承閱閱高功留煮海著成勞當年淮甸垂  
棠蔭今日溜青沛雨膏萬石家風蓮馬策六州鰲  
運轉龍腴蓬萊仙島鄰鈴閣雪裏傳杯薦王桃

壽許元聲尊人七十

峯泖祥光擁彩霞南陔雅奏孝廉家娛親養志人  
生願祝嘏稀年樂事加莫以離懷紫綵好將壽  
酒薦黃花遙知引滿登高望日下雲間道未賒

壽章岵翁

仁風曩日扇滇吳眉壽今來殿閣趨調劑向欽醫  
國手翱翔自隱醉仙壺遐齡聖世稱人瑞盛德崇  
班仰巨儒應識秘囊饒利濟千秋寶鑑有新圖

壽項澹齋副憲

循聲佐郡著西秦憲節重膺昇紫宸雅望咸推

樸學齋詩集卷六

古

耆碩舊英年尚是黑頭新觥籌酬共鴻都客蓬矢  
陽生黍谷辰我欲從君問奇字玉杯繫露寄雙鱗

壽汪碧巢

遺榮勇退甌父均黃髮青山映碧巢唐代詩篇持  
論正中原文獻結神交曾親雅誨分鄰火共祖春  
明出旬郊將致一觴遙祝嘏願君頤壽整文旂

壽張瀛齋戶部

八載分司計部同丰裁真具漢臣風持衡經費歸  
平準轉給軍儲悉裕充官為才升名益達年因周  
曆養彌冲躋堂燕喜誇萱茂綵舞回看玉樹葱

壽詩

晴雲隱隱護龍沙閱閱咸推清白家能以里仁增  
宅貴還因德邵卜年遐校書藜照光千古奕葉經  
傳過五車簾捲西山堂戲綵何妨喜雨醉名花

壽友人七十

郊居宅竝神仙迥世祿膺同帶礪傳正及陽和小  
春景新躋七十古稀年尊開北海還投轄頌指南  
山獻壽篇我在五雲遙致祝柳堂深處極星懸

壽京兆

玉琯吹葭律轉陽洪鈞大化協垂裳聲名久識崇

樸學齋詩集卷六

主

京兆文治真應最帝鄉樂奏黃鐘占瑞霽曆周  
花甲慶恩光極星正共台星朗敢頌廣揚喜起章

壽訥拙庵

博望才名定遠功天山域外騁雄風幾回驚迅翔  
邊藏先生三使西十載鵬搏自混同先生還船廠  
歸禁閱尚遜天眷願先生前為理藩院主事  
經終藉譯言通小春佳氣墨華獻花兩續紛散綵

虹

壽九峯

依依何限渭陽情馳戀家山夢未成欲問與居憑



小札知增雅抱有新聲尋秋遠意扶筇去選勝多  
因載酒行應卜高風爲壽考九峰同時泖同清

壽母詩

寶婺星文映畫堂新恩沾得五雲光綠衣舞駢宮  
雲錦玉璫浮來御露香膝下承顏翔鸞駕堂前爲  
壽奏笙簧應知嶺上梅爭發畫錦筵前晝日長

壽西母

玉女峯前五井蓮花開十丈映瓊筵惟傳具慶稱  
觴日頌溢遐齡戲綵年鳳詒新恩頌日下龍門舊  
德重天邊應知瑞應符象紫氣瑤光到處傳

樓學齋詩集卷六 七

寶婺祥光映斗台黃堂家慶獻瓊杯華峰五井青  
蓮湧蓬島瑤池翠羽來人頌慈祥由母訓帝弘壽  
域後天開清和佳氣連三月日月升恒達八埏

壽張母

婺星光映海門東璧月秋暉淑景中堂上喜看萱  
草綠堦前惟見舞衫紅懸知檄捧迎蓮幕且葵開  
筵引桂叢會俟釣天來鳳詒年年燕喜頌清風

賀友人令子雙捷之喜

紅藥階前五樹明春風一萼耀蓬瀛早知三鳳皆  
文采又見雙珠得雋聲柳汁初沾衣竝染桂香聯

擬鳳同征華田自是鳴珂里中壘傳經甲此城

寄粵中明府

春明曉昔識荊州早卜經綸事業優叱馭遠持萬  
里檄分符雄長百蠻侯峒鄉蛋戶胥沾化瘴雨盲  
風悉捲收自是美人爲政異揮絃花際錦雲流  
雲牋遙壁寄閩南錦句傳來幕府看真見文章奇  
海外自知政績最當官鴻聲縹緲翔霄漢雁序參  
差耀羽翰 聖代求才如渴飲君家羣從總龍鸞  
書殉難武臣卷後

嚴疆氣稜起 嶺守土何曾見一人竟爾殉軀屬

樓學齋詩集卷六 七

武士真應壯氣識忠臣褒書特賜易名典錫祚還  
看繼起身瀚海濤濤驅毅魄松楸千古護麒麟

催粧詞

寶馬朱輪響鈿車祥徵賜第擁明霞鄰宵日下天  
孫駕莫鴈雲間碧漢槎筭總周官宗伯第箕承唐  
代副樞家明璫翠羽珊瑚筆共賦香奩待月華

樓學齋詩集卷六

樸學齋詩集卷七

今體七言

恭祝

萬壽詩八章 并頌恭以一人有慶萬壽無疆分爲起句

康熙五十有一年歲次壬辰四海昇平八方和

樂春光三月 聖壽萬年化日雍熙衍舒長之

淑景祥風駿馳溥茂育於芳辰庶物皆春兆民

同慶 臣估臣嗣立臣潛臣時鴻臣泰來臣王謨

臣葆光臣順臣祖楫等僻遠散材幸蒙採錄承

雨露於九天効涓埃於寸管身叨 教育歷有

樸學齋詩集卷七

多年才愧科名身艱一第戴 君師之 聖德

彌快遭逢值 文治之 盛朝尤欣際遇屆茲

聖壽共切 嵩呼帝典王謨莫登形容於萬一

陳詩獻頌祇申祝嘏於無疆謹廢四韻爰取八

言聊抒下里之謠竊比華封之祝云爾

一德同風景運隆八方歌舞樂時雍筭綿寶曆春

常溥福叶箕疇道益崇治統遠紹千聖緒鴻圖高

越百王功小臣自愧葑菲草也在春和化雨中

人文雅化萬年深 帝德精微不可尋象數妙通

河洛秘文章工見聖賢心花呈瑞色分金管春入

薰風和玉琴八載編摩恩寵渥自係天保奏長吟

有道當陽玉曆綿華封人共祝堯天西山翠嶺添

春色北渚雲流繞御筵萬國共球來遠驛九霄笙

鶴下羣仙小臣憶獻長揚日給札沾恩近十年

慶雲朝旭麗彤墀共仰璫樞降斗時五十一

久道百千萬國頌昌期金雞丹鳳恩波渥玉海珠

淵制作垂珥筆章逢同細草霖霖春岸露華滋

萬國共球集拜颺昇平壽節頌無疆體乾德合天

行健協律春回化宇長統數淵源歸理學義融經

樸學齋詩集卷七

傳蘊文章承恩歲附華封祝八載瞻依日月光

壽樽滿把捧堯卮燕喜欣逢麗景時瑞日舒光明

殿陞和風送暖徧郊圻兩行鵷鷺趨金闕萬國衣

冠拜玉墀自愧微臣同小草長霑雨露荷恩私

無私雨露萬方同壽域弘開 帝德隆應律八風

調舜瑟晉天三祝徹堯聰花明仙苑春長晝景候

瑤階日正中自忝青袍依輦下年年拜舞禁門東

疆宇呼嵩遐邇同萬年 天子紀流虹乾坤盡在

雍熙內民物均歸長養中精一獨傳千聖秘勲華

還總百王功巍巍至德天同運長見鴻麻公

躬身

一元統會人極永貞有秩斯祐慶叶頌聲萬年

天子壽世咸亨無遠不屆疆宇太平

臣郭

### 壽樂陵潘座師

海嶽鍾奇厚德涵家傳閨聚華簪朱輪謝去身

還健黃軾歸來興獨耽快見龍駒騰冀北欣收竹

箭到閩南青山黃髮從今始洛下耆英正共參

邢臺清暑接清筵逮侍春風又八年桃李成蹊應

竝茂驂驄得路定誰先將期風羽聯蟬翼長祝椿

樓學齋詩集卷七

三

齡竝鵲仙漫附金門託依隱願從東海受真詮

### 壽鏡亭高方伯

望如喬嶽氣如虹投綬歸來瀛海東政績久傳方

岳重家聲獨擅鼎鉉隆逍遙物外偕仙侶遊戲人

間得道冲千樹長松三徑菊真看晚節雪霜同

閩南徵省憶瞻嵩蕭灑渾忘暑舍中架上圖書唐

晉刻篋中環珮漢秦工雅人清致官如寄直道高

風壽更崇晚與文孫講蘭譜稱觴遙薦荔支紅

### 壽王樓郵翰撰

碧山學士玉堂仙游戲春風八百年對策昔曾蒙

錦字編書時復賜金蓮歸乘黃鶴邇溝市醉和紅

橋水調絃晚節梅花香更遠未臨官閣夢先傳

才華獨步擅江東老去詩篇晚更工原本詩騷存

古調寄情卽壑托鴻濛續紛藻思標高致追逐雲

龍拜下風行與文孫遥企望南山落在酒杯中

癸巳秋中九日從巢房山公遊瀑水上公以

### 一個閑人天地間屬分賦

一個閑人天地間到來真羨此中閑晨窺流水文

魚躍暮看孤雲野鶴還時倚繩牀歌古調每攜竹

杖上孱顏浣花溪叟鑑湖老位置知應列一班

樓學齋詩集卷七

四

一個閑人天地間天教管領大房山浪仙詩句供

吟肅彥敬雲山恣往還欲藉愁題觀霧瀑每瞻香

樹惜煙鬟調琴飼鶴皆餘事誰識先生閑外閑

一個閑人天地間清時有味是清閑挨身竟入雞

豚社遺世都忘鷁鷺班洗硯頻磨鵲鵲眼遜香嘗

點鷓鴣斑斑悠然愛誦唐人句自起開籠放白鵲

一個閑人天地間房山今日是香山青鞋白袂過

蕭寺翠竹紅蓮問荻灣酩酊三杯花下卧黑甜一

枕瀑中還便知玉室仙蹤近不必丹砂說駐顏

一個閑人天地間不期也到此偷閑抱嵐翠欲歸

節入聽瀑聲從曳履還凍水園林稱秀野平泉草  
木記清閒孰如一榻茅亭外縱目能遊百里山

一个閑人天地間堦前秋卉正爛斑何當小草承  
顏色孰許勞薪得放閒數日幽蹤親丈亭詰朝塵  
路隔重山莫言放浪雲深處清夢還留水一灣

癸巳九月初授中書紀事

五雲深處午門東秘省森嚴列禁中黃閣綸扉光  
近日紫薇藥署肅清風漏傳鐘鼓金階靜鈴引文  
書玉局崇慙愧七年留內直備員今始廁微躬

八日直西苑紀事

樓學齋詩集卷七 五

昨朝纔入中書直今日榮階上相行分紙便探承  
制草宣題與聽唱臚聲回思釋褐方經歲遙數升  
途始辦程寄語兒曹須努力讀書何負兔園生

廿三日同富繩武前輩夜直

寸燭論文值晝餘公然綾被對牀居身遊霄漢星  
辰近職典絲綸筦絳初吟藥可堪訓上客掩頭空  
自笑中書要斟杯酒聽宮漏應卜陽生一線舒

十月初九日 殿試武進士有事於傳臚同

劉李陳三前輩夜直

月掛西華素影纖禁城夜色引杯恬千門漏靜魚

闕閉萬柝宵傳虎旅嚴自愧渺躬無寸補相看老  
伴竝長髯霜侵貂帽都忘寐已見參移殿角簪

十一日捧黃榜入 乾清門用寶從中階升

三殿出而有紀

捧將黃榜入宮門 三殿中開 帝極尊玉砌璇  
臺雲繞闕龍盤黼座日臨軒趨承直在清霄上臚  
唱方知異數存記取田間誇父老昇平盛事述

君恩

冬至前三日夜直作

深宮齋戒蹕初回清禁森嚴漏暗催天上遙占爻

樓學齋詩集卷七 六

布復地中還驗氣吹灰 宸傳又草捐租 詔詞  
苑新掄選造才承乏西清班夜直祇將清夢寄江  
梅

色濟川初入中書忽與相見知已成進士蓋

別七年餘矣

曩年客邸讀鴻文早識凌雲氣象雄執意層波鱗  
鼓浪已聞萬里翅搏風西清侍直驚相見東閣談  
詩喜共逢總荷 聖朝新雨露墮儒何以答皇宮  
公餘剪燭便論文千古誰人擅筆雄起草應成臺  
閣體揮毫要得典謨講求定自心源貫爛習還從

光輦逢莫說職閑官冗從紫微黃閣通蒼宮

十二月十三日夜直即事

白玉瑤璣對月華參差黃屋五雲遮紫泥待印封  
草至紅燭占花鄉信賒舊憶勝遊山水夢新瞻氣  
象帝王家陽和似比人間早暖律吹回黍谷陰

廿三日再入直

朔風凜冽歲崢嶸東閣西清儼直行靜掩瑣窗藤  
紙潔細烹香茗雪甌輕喜黍新伴皆同調小隱花  
堦得宦情鈴索無聲寒夜永好憑歸夢到江城

甲午元正四日入直即事

樓學齋詩集卷七 雜詩 七

改歲旋看斗柄遷良宵四度入新年黃扉又倚金  
門直紫禁方偕玉署仙披對襟懷明似月歷追  
恩遇感同天從今簪筆聯知已長挹光儀在眼前  
跳丸日月任推遷次第春風又一年雲署應題香  
案吏冰行也附玉堂仙祇循職分長安命獨抱迂  
愚不愧天清禁清嚴清夜永尚儲椒醕話尊前  
歲杪家風谿移寓一畝居張旃悶唱還字韻  
詩得八疊余未得和入正元夕風谿招飲  
促和遂次其韻

聞君旅榻又東還回首名園憶曩年一畝初成園

雅集羣賢畢至賦遊仙鬢者彈指還今日勿黨驚

心已各天惟有平臺老槐樹婆娑生意尚如前

跳丸日月易推遷老我風塵半百年鈴閣燒除初

試吏金丹未轉漫言仙懷人惘惘難知己起世悠

悠只任天賴有旭顛工草翰相期醉話草堂前

噩夢憑渠夜壑遷山林清興自年年辦香欲供致

一老爽氣遙思集九仙子落榕陰聽夜月泉分石

上睜清天過君十載歸田計畢竟耽糠餼我前

寶馬香車隊隊還燈宵民樂太平年共言月是長

安好誰識人爲此地仙兩脚雲頭堂下石綠槐碧

樓學齋詩集卷七 雜詩 八

藻影中天跋奚莫怪吾來數也要閑人一个前

祈穀日記事

曠曠曉日麗東方翠旒蒼龍出建章紀事禮殷祈

穀盛帝心仁竝鑒親長齋宮濯被占爻象法采

森嚴肅裸將傳與侍臣詩載準熙朝鉅典萬年

揚

六月三日大雨三日夜不止南塘以詩索和

即次其韻

連宵卧聽雨聲長匝地濤翻洗作涼差快今朝無

客過應知清夏讀書強門前水面添三尺溢外波

光騁一望此意有誰同領取高吟絕倒撼鄰牆

初晴次南塘寄軒磊韻

池臺雨後綠垂垂碧月長空晚眺時人世幾回頻  
對盡天涯依舊一樓枝文章流別才難盡學術攻  
堅願不移慚愧對書如炳燭還將讀易與君期

十五夜同南塘軒磊坐月次南塘韻

雨洗郊原氣似秋長吟高閣任科頭從知宦拙除  
書後但愛花開酒盡浮水面波來涼冉冉城隅月  
上白悠悠與君濯魄冰壺裏何羨乘槎到碧洲

送程荅槎牧寧遠

樓學齋詩集卷七 題別集 九

君家七畧邁書倉最愛荅槎蠡說長閑覽同時師  
濟上明揚初命試遼陽繁縷五馬清秋騁畫隼雙  
旌出塞揚好把風謠資采擇柳邊吟咏續奚囊  
榆關東去大寧城形勝雄標拱盛京朔氣百年銷  
戰伐提封千頃事農耕行春應上桃花塢按部還  
過鐵嶺營領取籌邊紆吏績莫教韓范擅威名

送高位公同年之任餘姚

姚江舊是陽明里過化知從綰綬新務使閭閻追  
揖讓好傳官長樂清貪催科無術存寬假風俗堪  
書在朴淳期取三年來奏績矜聆褒寵下 楓宸

十七年前宴鹿鳴滿顛華髮我將盈當時意氣都  
稱或今日分雖又各程百里莫言容易寄一官要  
博好聲名亦知禿穎無堪策尚可爲君賦政成

送陳文端同年之官完縣

送君去作蒲陰長新政知能令縣完膏雨不因天  
布獲陽春白兔邑凋殘應敷慈惠從民望務尚寬  
容博士歡待取最成歸館閣好教蘭譜慶彈冠

送李容齋之官錦州

才望翩然重里閭新膺簡命擁熊車陪京北郡  
兼山海循吏安民子佃漁政暇放衙娛翰墨堂成

樓學齋詩集卷七 題別集 十

柱笏展琴書懸知宦績高門第行部春城似錦舒

送龍溪曹大令歸新建

棠思惠政遍龍溪不負科名榜上題早歲遺榮決  
清隱中朝雅望屬高棲徵書鳳引蒲車北歸計鴻  
飛彩舸西何日從遊鳧舄去相尋員嶠躡丹梯

寄洪秋山太守

雲中自昔推雄郡太守由來比建侯威望幾人光  
舊史才名今日冠諸州久知經術能爲政應卜功  
名起壯猷老我未能追騁足臨風遙賦鴈門秋

寄徐華齋參政

上谷巖闕使節頻弘開幕府時金湯時平墟落無  
傳警政洽閭閻有種桑經術原承家學遠楷模舊  
擅獻文彰玉峯高與嵩華匹那許培塿繁短長

送葉芸山之官江陰

載綰銅章泣暨陽江防形勝重江鄉民風大概猶  
存武吏治無他只用良勸課桑麻安阜俗剪除萑  
筆絕搶攘知君駕熱輕車路花遲何妨把一觴  
酒後論詩氣倍雄千篇灑翰氣如虹臨軒重荷垂  
裳顏得句羣推咏物工應卜調羹占異日雅知製  
錦策前功姓名已列丹宸上不待三年奏績中

樓學齋詩集卷七

送鄭若敏之任河內

西京賦就氣凌雲南國聲名早不羣應卜宏才非  
百里且煩卧治借神君覃懷底績堯封載河內雄  
風魏國聞看取栽花如錦簇定知褒詔動星文

送商邱之任湖廣

春風擁傳出都城稚柳夭桃映畫旌單騎昔開巴  
楚路雄才今寄武昌城軍儲平準資鹽筴門第殊  
榮聚笏纓此去過家真畫錦里閭羊酒遠來迎  
風流文采聚商邱位業都居第一流熊軾旆迎行  
部去銅鞮歌和探春遊登樓乘月向參佐醺酒橫

江蘺壯猷應卜威名起臺閣好將詩筆篋中收

巢房山公有弄璋慶詩以賀之

天教名德衍房山孤矢高懸玉鍊灣夜半呱呱聲  
抱送曉來真氣喜開顏琴書又得弓裘繼名字應  
將軾轍班談笑熊羆輸老子三峯天外不容攀

中秋雨後得洪秋崖贈句次韻答之

已負中秋看月期傳來新句故人詩蒼茫節物驚  
流水骭麟情懷感壯時有底蜩宮差自遠無多鷗  
俸尚堪支遲君更訂龍潭約不理茶囊理釣絲

諸葛子襄葺秋屋成賦詩見示答之

樓學齋詩集卷七

老去於人百不如浮生耶復計安居蓋頭賃得三  
間屋娛目閑消數卷書宦況拙成知有味世情閱  
盡較無餘小樓燈火熒熒夜何似當年舊草廬  
社鼓繁繁苦憶家春風猶斲一籬花長懷此日宜  
歸燕遙計山中已焙茶禿穎久攜從內直短檠當  
案散南衙輟紅塵土東華滿薪積紛紛聚聚沙  
誰從素壁寫松嵐不待扶筇遠處探萍聚片時忘  
旅况花拈一笑即禪菴解貂貫酒傳杯共瀹茗焚  
香接席談京洛風流規已逸後來何意起閩南

送黃一默還永陽

永陽山水冠閩都咫尺無能一問途客裏每嘗談  
竟日鄉思不禁落方壺君家正近花林塢我意將  
居傍鑑湖他日朱陳邨共卜好憑遊屐醉新醕

寄吳彤雲

聞君卜築在溪南萬樹梅花擁翠嵐不爲人間還  
有此居然仙界恣遊耽希風異日爲留榻長計何  
時得合簪願保歲寒貞晚節好盟泉石縱鄉談

送宋太守之官沅辰

才華門第世誰論佐尹新除守沅辰拜命之官  
張錢席將車御母錫安輪過家上壽驚龐叟渡漢

樸學齋詩集卷七 宣統三年

歌風見化淳他日史家圖世表代書方岳至衡鈞

送友之官晉中

同君閩海品蒞支重晤長安折柳枝捧檄竟然爲  
宰去抗旌遙指太行馳花封百里棲鸞地霧隱三  
年變豹姿且勸尊前一杯酒好來西掖再論詩

寄維揚孔太守

先生東魯神明胄出典維揚佳麗區州大號稱今  
太守循聲譽合古諸侯每因膏雨宣農課欲草罷  
風挽俗流竚見政成膺不次熊車應換八駟遊

送吳子敬之官湖州

延陵季子出清門輝映墳簾有玉昆憑軾俱爲黃

閣守書屏新拜紫宸恩水晶官畔懷承旨墨妙

亭中繼巨源待取三年歸報最爲君傾倒瀉金尊

送徐退園之官朝城

博平西去武陽城冠石東連馬頰清新綰竹符方  
製錦正資膏雨藉烹鮮德星堂廣資風化運道漕  
通賴底平會見玉臺新咏奏試簪彩筆賦朝京

送張芝城之官滕縣

綰綬初膺宰邑滕知君製錦裕才能家傳孝友知  
爲政毋訓貞慈久稟承文字早爲鄉國範政聲雅

樸學齋詩集卷七 宣統三年

協長官稱版輿迎養河陽志報宸書成指日陞

送吳道存督漕通州

星軺雙出督河漕潞水秋風瑞靄多白燕屢曾隨  
彩鷁黃花雙挺映千旄自綠和氣鍾靈異必迓天  
庥荷寵褒橐筆西清資載紀先將題咏譜風騷

送友之官郿城

送君重綰舊青緇西出京畿取道斜春布長岡燕  
作雨清敷沛水散成霞當年懷玉棠陰合此日郿  
城錦繡遮咫尺帝都易奏最期君領取建高牙

送婁敬思舉中司馬



相從秘殿事編摩，瓊寶群推是卞和。旋剖竹符臨  
粵嶠，沅收銅鼓靖千戈。書生奏最成奇蹟，幕府陳  
功叙凱歌。仍借冠來安嶺表，他年銘柱勒嵯峨。  
從來時論鄙儒生，進退無關世重輕。大抵設施無  
特操，遂令訾議是虛聲。看君綰綬紆籌策，坐使  
旗息戰爭。再調軍諮推祭酒，一恢絕學嗣文成。

贈鐵華和尚

三過武夷判月遊，上章堂上未停舟。自緣兀骨迷  
仙逕，幸對高人識靜修。杖錫曩聞杯渡海，簪毫今  
笑禿成邱。願公強健開彌覺，他日容歸待點頭。

樓學齋詩集卷七 五言 五

賦得爲有源頭活水來

一泓澄澈逐顏開，孰溯淵源來處來。汨汨暗從幽  
谷運，滔滔疑自巨川迴。循環晝夜無終始，盈縮流  
行有挽推。會得當前川上趣，涵濡萬彙藉成裁。

題溫文達公畫像

天生元老翊昇平，八載綸扉政治清。宸眷丹衷  
留再相，台垂紫耀忽中傾。五雲哀詠頌昇鼎，一道  
豐碑表賜瑩。劍佩冠裳猶奕奕，肅瞻遺像拜崢嶸。

憶昨西清侍直來，每隨星從近中台。漏傳猶草

軒策頽禿深荷擊節懷片語，榮衰均袞破漏句。計  
至痛山頽得從圖像抒哀感，愧乏延年作誄才。今  
借侍公辦事於西苑，夜書制策公親臨觀。  
荷承褒贊不三日，公病遽騎箕天上矣。

送馬四大鉢移居武清

移家聞且卜交河，歲月優游樂事多。世外煙霞供  
偃仰，眼前邱壑任婆娑。遺榮久已拋祿籍，遺興惟  
應託嘯歌。少種黍稷多種秫，與君沉醉理漁簑。

四月望前巢房山，公作喜雨之宴復深談至

夜分詩以紀之

小雨廉纖灑麴塵，快晴還見月痕新。淋漓酒後彈

樓學齋詩集卷七 五言 五

恭欽往復更殘剪燭頻，六籍真詮誰啟鑰。千秋大  
雅待扶輪，廿年憶侍邱南日。曾話天泉講道親。

宿清河

迎鑾北郭宿清河，時仍清秋候尚和。咫尺行

宮瞻御氣，追隨侍從話恩波。弘文載筆於今

盛，太史占星此地多。憑眺開原堪繪處，獵雉免

廩菌禾

冬至郊壇紀事

乍聞禋祀南郊徹，坐待初陽一綫來。晚歲節看霜  
後，栢幽情夢逐水邊梅。典衣慣去酬書券，索筆頻

將築禿煤上界仙人足官府恩叨散地着凡材

戊戌除夕

七年無改此居停春帖依然寫舊屏官拙固應居  
有耳官貧莫訝室如瓶且酌臘酒澆除夕自喜華  
年及歲星明日游春何處好策扶老去踏郊垌

己亥元旦

兩年不奏朝元曲 聖主精虔邁百王自應天心  
存降鑒故教日食只如常持盈願更甦民力制勝  
還須撫近羗獻納雖殷非職分仰瞻成算有巖廊  
寶曆周回甲子新新元長慶 聖皇親升平久衍

樓學齋詩集卷七 五言 七

唐虞盛福壽同登天地春瑞冀朝正來萬國祥雲  
捧日叶昌辰欣偕擊壤康衢叟綵舞踴隨祝 紫

七

二日方靈臯同年見過一二親朋亦來觴談

竟日有作

朝來何事恰宜春杯酒相銜情話新自古文章流  
派在有誰論說別裁真因知按劍柳榆鬼最碍揮  
毫龍麟人我亦飛揚增志氣拔薤竟欲躍文津  
天意殊憐客子孤特開令節假懽娛中庭絕少梅  
花供頃刻漫成雪色鋪知已尚餘四五輩濁醪還

剩兩三壺風流欲使兒曹識碩果於今有幾株

方五扶南出新詩見示次韻答之

豈是元龍百尺樓臨深聊當作仙遊雪來便礙玉  
山竝月出如同閨苑留禿筆久輸勁韻免借巢皆  
是喚晴鳩八年寥落誰相慰詩酒歌呼過白頭  
杜門謝客任嗔真自覺餘生已是陳拙宦固應寧  
作我吟官何處更爲人幸來遠餽過殘歲且喜新  
瘥話宿因高士比鄰邀祭竈相歡杯酒喜迎春  
牀頭無酒更無花也度元宵閱歲華賴有陳編娛  
我老且欣勝友聚鄰家香餘半餅供爐火篋檢殘

樓學齋詩集卷七 五言 十六

憤掛畫叉快意半生如此足讓他豪舉混泥沙

正月十九日 莊邸看牡丹應教

東風雪後釀輕寒滿室凝香護藥欄春早先開兩  
朶艷花前宜對一人看綠苞紅萼含輝麗國色天  
葩倚石安從此嬉遊三月好杖頭須辦醉顏丹

盆梅應教

瓊姿幾樹盎中開翠幙風輕早探梅含蕊暗香浮  
碧苑託根得氣傍春臺遙芳憶在孤山賞索笑如  
同杜叟來願侍桃枝親竹葉洞天深處醉新醅

上 莊邸

桐圭次錫啟藩封朱邸弘開殿拂雲天賦聰明紹  
衣德訓承詩禮述高文圖書經史衷淵海樂律音  
聲辦黍分總是 聖朝家法遠賢王樂善懿修聞  
聲教弘施訖海隅是人皆樂拱王都漫言縉線宜  
恩効縱是樗材亦待需雨露一天胥布簞春風萬  
里樂涵濡豈爛白雪歌巴里也願梁園執簡趨

題畫

數間水閣傍漁磯坐納涼風對翠微千箇琅玕侵  
綺席萬枝菡萏集荷衣常將小艇移溪曲每把芳  
樽對落暉自是羲皇人世上空於圖畫想依稀

樓學齋詩集卷十一 題畫 十九

蒼松聳翠對斜暉坐納涼風襲短衣靜把茶香供  
好伴閑留棋興賭長圍溪橋委折通樵徑山路迂  
迴傍釣磯笑傲應忘塵世景羲皇人代也依稀

五月八日過元祐寺次韞和尚韻

每過招提一灑然依遲又度泛蒲天靜觀歲月驚  
流水彈指風光感逝年早計應尋山澤伴袖身欲  
息利名緣巖棲最念閨中好十里松風幾疊泉

壽韞和尚

蘭若清暉歲月長每尋高隱叩禪房拈花自笑言  
詞拙揮毫却令色相忘松下風微過甲子梅邊香

綻小春陽知師靜解華嚴義不管紅塵門外揚

送常熟汪翰撰 予告省親

臚傳新被瀛洲選 予告榮從珂里歸四代孫曾  
勝舞綵滿堂袍笏晉官衣安流水作珠璣煥夾所  
山皆龍鳳飛甲第夙矜前將相 恩光尤慶耀春  
暉

新正欣得故書次方扶南韻

宦遊書癖老猶存不似花飛辭故根芸值陳編欣  
得友居爲數典笑遺孫叢殘還識原籤樣補綴重  
看舊墨痕且快病餘清興健卷開如熱返香魂

樓學齋詩集卷七 寄訊松江友人 二十

寄訊松江友人

浩蕩乾坤峯泖間清源曾共識芝顏應知雅興詩  
猶健遙憶清標髻未斑玉贈霜橙吟嘯適瑁湖煙  
艇棹歌閑何當鐵笛隨君後鷄 堆邊泛澱山

雞毛拂

錦毛鍛去簇猶新羽化還堪伴散人影照離衾疑  
起舞聲傳伊喔夢歸鄰冷侵玉塵稱同調淨拂芸  
籤悟風因何必西風障團扇朝朝欲避庚公塵

窗格

茫茫何處障紅塵一紙分來尺寸勻洞達光明渾

似我短長疎密總由人風前竹影留全幅月裏梅  
花現半身大地牢籠須破格賃來主賓莫疑真

文官集

綠苞紫茁隱含萌珍重文官果擅名候應桃黃春  
後熟香分蓮萼露中清耐咀饒有閑曹味餘韻堪  
資接藻情從此品題登陞楮頭銜新署記圖經

送同官鄧蓼懷使交趾

五雲卿 詔使南交專領皇華擁旆旆萬里堯封  
仍內屬九真漢郡再分茅八駟星捧歸持節千帳  
霞張祖近郊自笑乘槎虛有與常驂驥後愧懸瓠

樓學齋詩集卷七 主

入直即事

黃扉紫禁玉堂仙入直西清東序前簪筆每司章  
奏達票籤常代綽綸宣茗香汲自文華井黎照光  
分寶炬蓮萬析聲沉宮漏永青綾擁被曉鐘傳

贈武夷僧鐵華

夙生應領好林泉卓錫分占兩洞天  
師卜武夷虎  
嘯巖又主傳  
燈寺是陽明洞天  
也故云兩洞天  
嘯虎巖頭銷往劫  
區師易為清  
淨道瑞龍山上嗣初禪早就佛典超塵海久契

皇心廣法緣甘載欲依蓮社飲棹歌可許附歸船  
送僧還武夷

飛錫聞從九曲來五年京國共徘徊燕花寧似山  
中桂朔雪曾如溪上梅巖畔茶香春景麗竹間鶯  
囀晚峯開橫挑野栗東歸去爲語仙靈待我回

送僧還江南

空外高標一縷霞早起三乘證文迦印成天畔紅  
樓雪拈得江南白社花煙景五湖浮舴艋水田一  
衲振袈裟願尋杖屨隨師去不染緇塵十丈遮

庚子京闈棘院作

簪囊八載直西清敢望乘輅作遠行隨牒與名塵  
御覽分闈留點試神京親藩躬蒞監臨重侍從

樓學齋詩集卷七 主

羣沾錫燕榮承乏也隨麟鳳侶濯磨共訂矢心盟  
鎖院風高秋氣清聚奎堂上衆星明未忘昔日揮  
毫地又聽諸生食葉聲龍鼎扛文真有喜鳳毛綴  
羽亦闕情三兒皆以予  
故不得入闈低徊舊事不成夢窗外參  
差月色盈

試院示同輩

軒車冠蓋聚京華難得人同室未遐四面周垣皆  
列棘一庭閒話且烹茶角聲晨吹遠憑閣析夢宵  
俾劇到家應指文光射牛斗帝城東望蔚成霞  
文運昌期衡鑒平止憑冰雪片心清體歸雅健無

偏陂義取中庸有矩程南北轅崎導轍軌短長律  
異叶鑪笙扶輪六六驪珠朝共挽淳風答 聖明

九日試院偕同僚作

許多佳話寄秋天菊綻東籬个个圓有客攢眉過  
此日阿誰落帽羨當年填胸磊塊驅須盡照眼珠  
璣辨自懸雅共同僚施鐵網搜羅拜獻、至尊前  
五星昨夜聚中天渾似明珠顆顆圓落向人間光  
照乘羅諸席上價逢年芳時徒有登高興今日偏  
矜賞鑒懸寄語龍山諸勝友誤誇馳馬戲臺前  
御史柴公以和韻詩見示答之

樓學齋詩集卷七 寶鼎齋

鎖院追隨尺五天霜臺再見月重圓鴻篇北闕磨  
新寵雅望西陵重昔年坐鎮棘圍同月朗開標  
程式似秋懸景行便作龍山望傾倒先輸豸繡前  
辛丑元日

金甌鞏固玉衡平久識 皇圖得一清花甲周星  
頌 寶曆莫增新歲拜 王正天開玉帛車書會  
史紀文章禮樂成更有早朝朱邸筆廢屢傳出九  
重城

警露軒春日漫興

門前春水始生波社燕遲歸望若何世事推移咀

若蠟韶光荏苒去如梭論文老馬蹄曾識把卷疲  
斗鬚已暗但愧少年非努力讀書深負不曾多

遊豐臺次亦諳韻

新荷出水燕交飛桃杏方闌芳藥菲此地土京稱  
最勝十年拙宦到都稀竭來耳目皆生曠數去儔  
儔半式微我亦郎當在薇省祇吟謝句借光輝

再遊豐臺次韻

十里繁花紅嫣然豐臺遊賞競杯傳誰能選勝耽  
文飲相與樂群嬉遠天沂水襟期風未遠蘭亭觴  
詠致尤妍長安從昔城南勝况值昇平最盛年

樓學齋詩集卷七 寶鼎齋

一出郊坰致爽然豐臺選勝樂堪傳行隨麗澤臨  
泉地景屆清和近午天處處花枝生遠艷轉驂車  
騎襲芳妍頻誇金谷蘭亭集沂水春風想昔年

送亦諳和尚南歸

東南占斷好林泉杖錫行條亦灑然欲禮五臺參  
倡半終超三乘隔塵千倦遊早有歸田計蹇步今  
希策驚鞭遙想孤山梅應綻湖光山色最堪憐  
平生內典未曾窮遊戲紅塵執掌中自歎頭陀行  
似雪可堪歲月逝如風息機欲傍青山隱截過期  
將緇錫同願去南屏尋老宿往來酬咏繼坡公

哭友

山朝金埒重如蒿梁木驚顛涕淚同數歷都國社稷計經綸未盡廟廊功優遊徒向青山老凋謝何堪綠野空清德陽陵看代起遺思峴首漢江東

寄友人

別裁風雅邇神京蓋代文豪最得名早歲登朝唐執法萬方奏獻漢持平家門鼎盛雙旌擁詩卷縱橫一榻清鳳髓龍筋應待價可容問字論縱橫

送德清蔡宗伯假歸

寅清真足長春官八柱羣推奠石磐爲念松楸返

樸學齋詩集卷七 龔鼎鑑 主

茗雲甃辭宮闕離鸞驚南宮左席虛相待西第傳杯壽共惟寶曆周回台有耀榮光紫氣煥冬寒

示叟孫

稚孫惟汝好吟詩音節分明也自奇天上麒麟原有種我家騏驎會爭馳再傳門第伊誰寄萬卷書香好待披應憶老翁題句日正逢祈穀播鷺旂九齡孫子到京師纔識阿翁老面皮每倚案頭求寫字常牽衣畔索題詩適逢人日立春好無那東風解凍遲最畏囊中蕭澹甚門前空立賣錫兒

至夜雅集

紫菊近開圖畫裏孤舟不繫岸園中未尋枝一二更夢且刻尊前寸燭紅筆陣縱橫來我輩詩情爛熳仰宗工早知律轉生春管都把陽和變八風

送葉德光孝廉歸福唐

福廬餘慶啟文孫舊德相承相業存易代衣冠猶故閭數傳甲第仍清門遺書幸守蒼霞草世澤毋忘曙戒軒聚首金臺又分手送君歸棹返鄉園

城南雅集

勝遊雨裏度城南遙望西山霽後嵐地邇郊壇天宇曠園滋花樹井泉甘漫施几席消炎暑聊設杯

樸學齋詩集卷七 龔鼎鑑 主

壘佐劇談觴咏近時京雒少清狂且恣片時酣

李文惠寓齋雅集分賦得清如玉壺冰

良玉生煙自不群何來萬里貢燕雲璉瑚砥就明堂器沈澹滋承御澤芬寒沍要須堅意耐晶瑩莫倚謏聲聞清門清德君家擅苦節應酬策上勲

酬李汝懋同年

十年同榜復同官今日清談愜素歡交以心孚由漸合文因論細賞音難竿頭尚許年衰進炳燭無悲感晚寒聞道金昆談正派學宗南宋障顏彌

集農部陳平野寓

復長纓慶一陽生異地歡聯桑梓情先後班行皆  
玉筍短長雅奏悉金聲消寒盡醉沽來酒咏雪同  
廣古體行都下近稀文字飲晉安風雅續齊盟

癸卯罷官出都宿磐石菴

銀鑰纔釋放歸田願挈雞豚共上天郎意更遭嚴  
譴逐頓令盡室播顛連兒孫分析休官頃行李倉  
皇去國先雙借雲棲留信宿驚魂尚悸敢安眠  
綠深溪岸穩相宜指點迷途愜素期三宿豈能無  
繫戀一官長此賦歸辭鶯花故國繁新夢主組微  
程釋舊縻珍重故人分袂語北山猿鶴怨歸遲

贈龍游謝明府

銅符再綰尹龍游治行傳聞冠浙州經術早知為  
政易拊循真見濟時優將膺特剡荷新寵應識高  
才展壯猷我得閒身聆雅化中庭訪舊整停舟

金華道中贈汪明府

久識婺州文獻垂廿年南北夢魂馳幸因脫去簪  
纓累得與從容水石期中道回舟知不遠三春遊  
舫正相宜况聞賢宰絃歌盛治行真應繼我師

廿次舟次  
師官閣

憶昔當年侍紫垣論文設醴載鴻恩迢迢衣鉢真

難繼煒燁才華敢溯源有分功名歸噩夢無多福  
澤繼師門與君共剪西窗燭却話 先皇淚暗吞

贈浦城令徐瑞麟

憶昔相從直內廷早覩利器發新硎分符閩徼衝  
繁邑簿領郵籤長短亭雅化有歌雖盡拔淳風無  
訟草盈庭懸知不日超堂省應繪東南凋敝形

爲劉存菴運長題卷

鈴閣高閒退食餘蕭然萬卷擁藏書循聲舊績留  
遺愛煮海新功聽頌輿吏治科名冠鄒魯鈞衡臺  
閣待遷除廿年宇下承清樾仰見丰裁益展舒

讀葉文忠公紀遊篇感賦

昇平宰相引年辭拜闕承恩獨賦詩快意縱遊留  
好咏傷心異代起遐思山川風景依稀在感慨遭  
逢各有時太息吾生嗟晚晚不知何處可軒者

中秋前二日送楊吾三歸武進

憶昔 先皇特奏名十人與選幾人榮升沉聚散  
分南北勢闊存亡判死生不墜家聲江左筆能紹  
父訓接芳聲慙予潦倒顛連後喜見君才望不傾  
通家惟汝最關情一榻相留五日傾家學淵源期  
命世文章蒼萃証方成幾看玉署繩牘唱竹見金

階冠毀鳴遍歷閨疆山水窟盡教拚入夾囊盈

樸學齋詩藁卷七

樸學齋詩藁卷七  
題詞彙  
完

樸學齋詩稿卷八

今體五言

題墨竹

幽篁倚孤石簡淡含秋思世盡矜華姿那識蕭疎意

寫竹如寫字在意不在似免起鵲突時千尋生腕底

西樓當曉月微光拂霜繭欹枕若有聞秋色冷然善

題壁

樸學齋詩稿卷八  
題詞彙  
一

林堂廣盈丈易安審容膝焚膏以繼晷傳經在一室

林亭何太空修竹四五個正以此中虛欲邀明月坐

贈準彌和尚

閒步黃華麓遂入黃華谷流水破庵中竟有古天竺

出登五岳上歸臥二峰下誰知无首人可狎不可駕

起坐龍蛇盡揚波桑海還乾坤餘小劫猶憇一遺



賢

黃州今已矣稼叟尚能吟我意懷師友因君敦夙

心

芝城留十日抱病坐一室看山逢異人不虛此回

出

題畫蓮

蓮子畫蓮花亭亭姿不染我與蓮同生污泥塊鄙

弁

酌酒以壽蓮舉杯復自壽長慶蓮生日長進子厄

酒

樸學齋集卷八

題詩集

二

題阮亭師禪悅圖

身長秋官署心印秋月潭偶然思出世聊復學禪

叅

今體六言

題畫

嶺西茅堂畫掩江上扁舟暮歸此中豈無谿徑可

容我輩相依

竹葉亞父蒼翠梅枝瘦硬橫斜潑墨便生香韻揮

豪欲起煙霞

題畫

溪邊柳花鬢髮梢頭燕語呢喃不知長安春色只

疑歸夢江南

江頭人來賣水針師門立錫兒自是畫中有畫莫

樸學齋集卷八

題詩集

三

言詩外無詩

題阮亭師禪悅圖

空山流水響激孤雲野鶴翩跹試擬此間坐者執

定為佛為仙

樸學齋詩藁卷九

今體七言

樸學齋新成有作

當門有竹還無花新結茅齋倚樹斜  
廣設陳編淨掃地冬烘頗復稱貧家

肅客慚無地一弓暫留何異井天中  
出門未必都無礙漫說郊詩祇坐窮

未卜山隈與水涯奉親小隱稱幽懷  
靜中頗得悠然趣小鳥鳴簷草拂塔

墻東拳石繡蒼苔移得寒梅傍石栽  
待取東風回

樸學齋藁卷九

小徑依稀也有暗香來

戲書棲鶴巢壁

終日摒擋硯席間童心宿習不曾刪  
絕憐矮閣低簷下刮目能看百里山

偶作

浮雲世味何妨淡終日心齋頗守愚  
安得一郊臨遠谷十年抱膝讀藏書

別王露涪

每讀君詩嘆絕奇清新未許淺人窺  
近來一往情深句都在三山唱和詩

拂水言遊昔已賒望君歸去一驛斜  
遙知吾谷千楓樹有箇詩人對晚花

送查查浦歸海寧

五月閩江烟霧深三山榕樹鬱陰陰  
君來恰聽兼旬雨似助西窓剪燭吟

洛陽古跡屬誰傳賴有消寒第五編  
從此炎方無暑氣幾回清夢繞伊川

郵傳水遞進荔枝若個紅塵不係思  
那忍楓亭嘗一顆陳家辜負紫酣時

送陳士簡北上

樸學齋藁卷九

二

箬篷幾疊孝廉船容與山邊與水邊  
擷取菁華任研削那能綵筆不如椽

伏櫪寧無矯首思天公靳我數偏奇  
判將鼻息軍中卧排遣君先賺鼓旗

擬繪讀書圖戲題自警

欲倩高人作畫圖箇中著我事伊唔  
晚來相對青燈下一樣鬚眉愧此夫

飲酒

尋常一盞竟陶然不御經句意亦便  
自詫此中藏活潑是醒是醉孰能傳

小遊仙別申大昂青

丹房紫府擁雲霞閨闔門中第一家說盡洞天風景好何妨遊戲到天涯

蔡經宅上麒麟脯何氏山前碧柰華但使有花薰有酒故應到處駐雲車

星槎一紀一回周何似洪崖汗漫遊茂苑鶯聲閑嶠月君驂紫鶴我乘虬

名列丹臺最上班隔塵遙望可容攀枕中無限金丹訣鍊得功成却與還

送莊靜守入國學

樓學齋集卷九

三

閩南今日盛文章君去遨遊達上庠六館三千章甫士可知秀出是歐陽

送黃叔威入都

閩南才子重江東游俠偏多感慨風今日再從江上過廿年肝膽與誰同

走馬漁陽帶雪歸珠江一棹夜還飛天南漠北君皆到落落人間一布衣

題何劍石小影

九山獨占一屏顏擁坐琴書晝日閑恠底畫工無點染青山不假畫圖山

並巷鄰居接疊重鶴聲清夜中聞知君到處爲官况閑閑焚香雅不羣

廬山托鉢圖爲周耐齋作

優孟衣冠世有無汝南公子負薪徒如今廉吏真難問但看廬山托鉢圖

芒鞋柳杖過閩南十載今方識耐齋莫訝行裝新結束英雄退步即瞿曇

大風嶺

南北支分戒兩龍中條割斷大江東不知身出天都否足底蓬蓬起大風

樓學齋集卷九

四

酬錢塘夏鹵均

樓外湖山入畫圖樓中詩卷古人俱坡仙已去遁翁逝風緊還應見此無

三年兩過西湖上霜月無如昨夜明可惜西冷橋畔路中宵不共一人行

宿鹵均湖樓

六橋花柳今誰主遺韻都應屬此君一曲絃歌一盃酒樽前寒雪夜紛紛

霜華拂鬢照晨梳身擁紅氈坐讀書安得荆關供點染新來畫得隱君居

維揚拜卓氏先祠

曾從館閣窺前史，殺總傳騎黑虎來。今日祠前蔚松柏，森森還應挾風雷。

持忠入地已滄桑，接武英靈節烈長。太息一門鍾正氣，濤聲直射過雷塘。

為江都朱東白賦

紅橋歌板廣陵雲，畫舫琴尊笑語聞。羨殺仙人長不老，無邊風月與平分。

題伴花書屋

服著素絲風人美，退食之節花承委。佩杜陵述

集學齋集卷九

五

早朝之榮蓋，惟具鐵石之心腸。何妨廣平作賦，夫且兼風月之姿致。故應藹子題詩，是以大中丞琳望陳公。裏彼芳華，采茲逸韻。廿年作宦，特標伴花之人。六擢清卿，不改書屋之號。綴琴尊於左右，聯詩句於後先。務期滿室雲煙，總貯盈盃之色。一庭月影，惟留冉冉之香。因勒小言，爰存雅趣。

想自銀臺僦直歸，盈盈金屋鎖芳菲。紫泥封印香猶濕，清夢應同蛺蝶飛。

雙簾斜倚肅蘭臺，暖閣春回有早梅。明日朝天書

奏去五花花畔對花裁

苑中首籍萬雲屯，太師花刀五色勻。獨坐閒臺共一事，月明如水草如茵。

持平執法政常清，荆楚何須揷滿庭。惟應滋蘭與樹桂，羣芳譜上看分明。

曉日朝衣上紫墀，白雲秋暑步遲遲。侍郎不待含雞舌，經宿花香滿袖垂。

人事真能補化工，燮調端合藉元公。江南江北春何限，得氣先占一屋中。

伴花書屋久常新，人伴花耶花伴人。孰使伴花花

集學齋集卷九

六

伴者此中轉語更須真，幕府初開駐皖城。散衙便到水心亭，欲新花屋垂垂處。亭外波光一簇青。

題頤香幢

偶拈名筆傍幽窓，欲頤香風聚此幢。瓶供好花開箇箇，爐薰寶鴨列雙雙。

味似芝蘭氣似雲，花朝月夕總氤氲。祇因心迹能清甚，何處妙香不闌開。

欲將鼻觀此中參，臭味塵凡意不貪。曾向蓬萊問清淺，天香海外得奇楠。

憶別芝顏歷幾霜雲泥消息望茫茫怪來衣袂除  
酸氣新意經旬荀令香

題王阮亭師像

禪悅圖

詩卷右丞千載後風流玉局一人還瓣香自供無  
嗟晚只是衣傳魏後山

琴嘯圖

直節青筇自一叢悠悠明月照長空獨將古調和  
天籟務使南薰轉八風

倚蘭操罷有餘音天半蘓臺落鳳吟解到無聲聲

樓學齋集卷九

七

裡味門前熱客漫相尋

倚杖圖

夕陽野色明如錦柳外高蟬噪暮聲除却朝天出  
西直那容易到此間行

題陳香泉農部小影

芒鞋箬笠欲何之應是含香退食時我欲從君傳  
筆訣蘭亭好去寫新詩

宣武坊中月似霜與君論古話偏長獨憐藻影交  
橫恨不分圖上下牀

題松下清齋圖

遙望苕溪笠澤灣空濛平遠好雲山舊道清夢吾  
能記願傍長松結數間

題梅耦長小影

詩名廿載落人間燕市悲歌數往還恹底歸心長  
不厭擁書獨爲敬亭山

題陳眉公采蓴洞庭曲卷後

江南風物苦相思櫻筍鱸魚色色奇若較流匙甘  
滑甚作羨誰勝紫蓴絲

肯傳異種吳淞產那意新來自洞庭恹底春波千  
頃外又添蓴艇宿寒汀

樓學齋集卷九

八

采蓴山人本在山偶傳清事落人間竹枝遂譜采  
蓴曲唱入斜陽銷夏灣

佘山好事舊風流一紙歌傳異代收從此季鷹動  
秋思平分一半落蘓州

爲秦侍講題生春圖

金鞍散直鳳池頭把卷花間汗漫遊恹底蝶蜂隨  
蠟屐香風不斷此中收

鐵幹柔枝總是春染紅拖翠十分新螭頭最羨江  
詞賦那數駢花儷葉人

宿大通橋分司署

萬里歸程放溜初大通橋上暫停車追思酌絕塵  
峰叟壁上揮毫作記餘

祖夢岩以宋詩啜醕集見貽賦答

風雅流傳百代殊別裁須得解人扶誰能眼炬懸  
千丈直取驪龍領下珠

英靈才調選唐音汰擇真傳作者心有宋殊才高  
八代神奇須向此間尋

潞河西去邇神京爲政神明最有聲餘事何曾妨  
判決吏才原不減詩名

題姚雲東小史書勾曲外史詩卷

樓學齋集卷九

九

勾曲詩名抗范陽雲東妙墨祝文行百年巨蹟何  
由并那意收羊復得王

清江一曲滙黃流偶爾停舟訪舊遊一卷清詩二  
史筆冬殘值得半旬留

題王石谷畫爲王幔亭作

江南畫手數王翬點染真翁筆墨飛如此溪山樓  
半幅令人餐勝已忘歸

三十六峰九曲灣武夷端合權歌還山人似解君  
名號圖畫先爲占一山

憶鄉

遊子何人不憶卿青山一髮望茫茫雲巖得幾  
衣去也爲慈親舞北堂

偶作

雲中亦自有枝栖警夜常因夜半啼吞得蟬魚三  
萬字書成莫自厭家鷄

倦遊

謾謾風鳴巖竅間依稀夢裡識家山何時結伴南  
歸去倦鳥真如出岫還

爲查聲山編修題寫經圖

中朝文舉冠諸賢貝葉書經願力堅血染烏絲書

樓學齋集卷九

十

萬字墨衰清淚徹重泉

無邊風木總啣悲長借空王法力垂在處龍天長  
擁護誰人能廢蓼莪詩

曾捧坡公擘窠書金剛一卷薦親餘驚坡故事飛  
千古重展新圖感涕歔

有以古玩名帖見示者詩以紀之

宜和秘閣久成塵誰辨丹青質與真除是襄陽一  
流輩能將慧眼騁評論

十州妙筆迥無塵貌取衣冠妙入神淨几明窓開  
畫卷儼然如對畫中人

周爨漢鼎雜前陳晉帖唐箋品更新得此消閒纔  
一日便如世上幾千春

題曹廉讓雲起圖

最愛坐看雲起景儼然一幅右丞詩廿年擁膝巖  
頭望幾見無心出岫奇

君嘗與我話周旋取次觀圖意惘然莫嘆離羣殊  
面目舉頭都望碧雲天

題宋山言學詩圖

綿津家法緯蕭詞獨振布聲一派垂并寫學詩圖  
半卷金針要與解人知

樓學齋集卷九 題詩圖

名德山公啟事新詞頭蹄直待昏晨還知溫樹無  
他語也只論詩別雅馴  
庶依東第晨書檢光借西陂宵燭隣倘許異聞還  
共領便應留作掃門人

送友人遊南昌

滕王高閣俯南昌千古遊人感慨長孰與高才囊  
綵筆直將氣勢壓三王  
君從南浦問歸舟我亦疲驢返薊丘輸爾風流偶  
儻甚題詩作畫聚清流

舟過梅里簡友人

三載長安已倦遊東歸梅里賴停舟高風此地多  
君子塵世何期有若儔  
樽酒相傾連歲首梅花含笑在梢頭平生雅慕柴  
桑好欲傍南邨卜一邱

贈道者

品畫論詩發興新朝朝靜對絕纖塵因嘆世事稱  
疎爽無過看山見異人  
閱盡年華故與新山中習靜自無塵不須濯足滄  
浪上纔是清流一輩人

題許月溪畫松

樓學齋集卷九 題畫松

千霄聳壑不凡材誰向鵝溪絹上裁謾謾風來清  
韻絕徑須避暑此中來  
千年歲月人間壽百丈雲濤澗底身直是高標凌  
一切俯看梢尾舞龍鱗

集許氏石林次韻

麥秋天氣尚清涼雨後山中草木香正欲振衣千  
仞去因君還上最高岡  
一回登眺一回新俯仰居諸忽幾春名輩江南來  
翁集坐中惟我是陳人

爲許雪邨題其乃翁月溪歲寒清節圖

虛心貞絲宜同操勁節孤芳豈異趨玉樹君家種  
何限青箱猶欲寫斯圖

參天活勢虬龍象染翰行間蝌蚪文真使傳家如  
琰琬莫輕過眼比烟雲

三月廿七夜夢中忽得一絕末句未就而醒  
仙於滇南有宿緣遂足成之

欲訪碧鷄金馬事輶車又向夜即行昆明池水今  
深淺一夢何因有遠情

曹渭符待詔使閩歸詩以送之

閩南景物著圖經盡說楓亭與幔亭今日山川增

樸學齋集卷九

氣象新來占得使臣星

簪囊終日待蓬瀛不道鼇峰頂上行手捧丹書凌  
萬頃應知親切禁中榮

歸朝還直禁城隅寄訊諸郎視草餘頗念故人踪  
跡否短檠燈下半牀書

簡阮輪山

不向端明再乞靈品題荔譜及茶經平生快意圖  
兼取只在楓亭與幔亭

題唐六如白描達摩圖

袒胸不立文字說面壁惟堅趺坐心各証本來真

色相何須執象畫中尋

六如居士真神筆傳寫南來初祖身也是無聊作  
生活談禪不是解禪人

題樊東里小影

迴憶津亭秋日垂山村野店駐軍塵看君把卷松  
棚下猶似灘頭喚艇時

贈陳桐皋晉江明府

湖海真傳豪邁情廿年京國壓羣英種花飲比河  
陽罷叱馭先從閩橋行

白亥賦罷復鳴琴孝子兼傳康吏稱養志久甘存

樸學齋集卷九

澹泊何妨如水復如水

美人爲政自風流晉水泉山景物幽記得前人詩  
句好刺桐花外月如鉤

長安把酒憶過從屋寫梅花更寫松三載往來頻  
聚散只如空際逐雲龍

宋香陳紫以名傳纔說津津已墜涎若爲荔支蒙

口腹不醉安邑雙流連

蒲青艾綠泛杯香斟酌知君製錦方空說抱兒兼  
拔雄飲和彌覺劑詞良

題張北山林屋讀書圖



扁舟林屋結茅廬更踏名山訪異書我欲追君爲  
道伴肯容割宅作隣居  
誰能濯魄冰壺裡眼底惟聞震澤寬應鼓洪濤盪  
渣滓掃除文字障波瀾

題藕綸美臺江送別圖

曠代奇才不可誣須知大雅要人扶眼中英妙如  
君少合在人前說小蘇  
一把茅亭老樹圍君來輒復話依依舉杯每指藤  
梢月不到當頭不許歸

臺江同買上灘舟一望寒江遠樹愁安得如君高

棟學齋集卷九 靈壽 主

興往趨庭東郡上南樓

壽兖州蘇司馬

雄才整復佐東州雅望真居第一流掃地焚香了  
公事還同舉衆望尼丘

當年崇種木蘭陂君在閩中趨侍多昔日蘭芽今

玉樹可還回憶此間麼

榮戟名門擁節旄樂城間氣久彌高他年秉節來

閩土待澤應先沛雨膏

廿年渴仰若爲情今日停舟濟上行應傍長公藹

觴後躋堂也用壽杯傾

奇題雲起亭

草堂通結在巖隈俯視雙溪自疊迴莫但臨深  
一切須占射斗起風雷

平生最愛右丞詩坐看山雲欲起時我歷水窮源  
盡慣也思出岫望雲馳

東建寧程松阜太守

官爲好士都忘貴愛欲留民不厭貧共說名山臨  
大郡誰知太守是詩人

山雨鋪雲不出城連宵閑聽滴堦聲遙知黃閣燒

官燭人對梅花一樣清

棟學齋集卷九 靈壽 主

疏泉洗硯日臨文瘦硬通神迫右軍骨勝由來差  
肉勝唾渠堆墨似烏雲

題畫松爲鄭蕉溪壽

與君筆硯廿年俱俯仰如同過隙駒若論雲龍上  
下逐真當避舍望風趨

芸窓攻苦歷艱辛頗謂青雲可置身不擬雲頭難

着脚浮沉同是駕虛人

采山釣水樂吾生此願未應亦負盟倘得乘車還

戴笠固應結作洛陽英

月溪妙墨長安寄一幅癡龍矯天盤豈獨寫形骸

寫意吾生伸蠖以同觀

題文衡山畫

衡山畫法師文敏此軸偏饒梅道人一角溪山三  
兩樹腕中筆力具千鈞  
晚晴溪上納新涼旅夢何時不戀鄉今日偶瞻題  
畫句勞生真愧逐塵忙

題友人畫像

雨洗娟娟萬玉蒼清陰一片覆雲牀何當此地來  
仙客鷄舌含香粉署郎  
憶在京華拂玉鞭叩盃同醉玉堂邊那期故里今

標學齋集卷九

七

宵坐並畫圖中得兩賢

衣錦榮傳里巷誇翩翩請告出京華紫芝福地神

仙府黃綈恩光上將家

虎頭墨妙擅傳神并寫丹邱墨竹新我欲買絲將

畫繡此君端肯對斯人

為林螺江題小影

規矩重疊貌天真宋艷斑香點筆新應識茂林深  
竹裏悠然抱膝有斯人  
門外江山對案橫堂中書卷一簾清春風懷抱誰  
同趣童冠偕從覲晚聲

壽蔡絨三太母時蔡新登賢書

宣政門前擁曉霞發光遙映蔡經家歡逢令節重  
陽會共祝長年百歲加

天上麻姑持絳節回中王母駐香車新來好事傳  
尤劇看取兒郎折杜花

紫萸黃菊傲清霜競與爭妍闌晚芳何似天香垂  
滿院折將一朵奉萱堂

壽范司馬太翁

架上藏書萬卷攤庭前種竹報平安傳家有子能  
清白不羨人間說好官

標學齋集卷九

八

少伯高風未易攀五湖烟景自回環知君車馬嬉

春樂只在龍游九九灣

壽陳翁

西湖風月慢亭雲去住頻教一半分樂事天倫和  
美景誰能兼擅得如君

春三月朔朔清明細柳新蒲轉曉鶯高會稱觴宜

召客良辰泥飲也須兵

署齋高樹拂青雲來往風流只數君若援少陵歌

八飲管教仙令醉吾軍

許梅崖以荔枝酒詩見示輒次其韻

楓亭名品擅三長第一爭誇十八娘自嫁麴生空  
色相惟留一段紫霞香

平生嗜酒輒流涎常願如鯨吸百川若使紅塵來  
荔酒拚將笑口嚥邊眠

葡萄美醞醉人多磊磊楊梅浸玉醴總較荔枝皆  
下乘不爭成酒不如他

紅鹽入焙載圓經獨未將渠付麴餅想是端明私  
秘訣只教我醉任他醒

題葉士觀看泉圖

談經漢世推韋一守禮唐時重柳門逢振遺風章

樓學齋藁卷九 九

甫志如君不愧水心孫

憶昔登君讀史樓梅花修竹俯清流誰知年往琴  
聲滅徒結依人宛在愁

瓊花獨挺一枝開澗水流香不斷來料想九泉含  
笑坐也如空谷聽泉回

御碑亭元夕詞 在范忠貞公祠

忠貞節使騎箕去褒寵天書捧日來傑閣穹碑增  
氣象道山原自比蓬萊

笙歌萬戶梁堯天元夜熒光燭斗邊恠底龍鸞成

五采宸書輝映范祠前

再題元夕詞

承平四十四年春海不揚波頌聖人回憶狂瀾當  
日事伊誰砥柱答楓宸

盛朝褒寵顯忠貞紫綈龍文下玉京真使長虹能  
炳日更調玉燭照昇平

萬壽燈夕詞寓泉城作

祥煙燎繞出西湖旌騎巡河出帝都到處九天施  
雨露萬方何地不歡娛

負山襟海鬱蒼蒼此地曾聞似洛陽今日太平真  
有象縣栽花樹野栽桑

樓學齋藁卷九 辛

雙塔峻嶒號大城千家燈火徹宵明懽傳今夜如

元夕眼底春光分外生

春城望夕月微明瑞雨如酥慰物情昨夜美談添

一段笙歌懽擁使君行

時阜物和歲屢登九州萬國共歡騰書生擲管誇

詞賦跨馬趨班能不能

蘭花

叢蘭委佩自生芳九畹滋來歲月長不見千尋蒼  
壁上天風吹下幾莖香

垂柳

垂柳青青拂小樓手携紈扇暗凝眸柔條搖曳絲  
千縷不及相思一半愁

壽陳隱君

高人不與人間事只有樽罍伴歲年花甲一週顏  
未老山居端合駐神仙

削成萬仞翠芙蓉琪草瑤華自一叢應與仙人供  
賦吟石梁橋畔策扶筇

小遊仙

索丘二酉探應遍南北雙嶠踏欲穿滿眼烟雲彈  
指過不將耳食費言詮

樓學齋集卷九

圭

茫茫誰復得閒權老我孤山有逋仙莫恠隨身無  
一鶴放他歸去便千年

舟中雜咏

扁舟真在鏡中行綠樹蒼巖夾去程欲洗夢魂愁  
萬斛枕邊賴有遠灘聲

逆旅光陰去不停頻年踪跡總如萍人生那似春  
山好一度看來一度青

山爲波盪剗如削水以沙澄碧似油一幅簾篷風  
飽漲鷓鴣聲裡爲勾留

春筍如蓬滿地長春花如繡遍山香建溪潑乳玻

瓊水自淪香芽洗酸嘗

萬朵芙蓉千疊屏屢遊不厭建溪程篙師急向灘  
頭進我欲灘頭更緩行

急棹中流橫渡河如騎鯨背截龜鼉險熾費盡平  
生力路絕應尋彼岸過

一纜危牽千斛舟健如野犢捷如猱天風倏爾遙  
相假又羨蒲帆自在遊

用力腕疲上水槳快心目送下灘船往來彼此更  
相笑總愧山中宴坐禪

繡書欲倦蒙頭睡宿醒初醒煮茗嘗便坐蓬牕三  
十日比如塵世半年強

樓學齋集卷九

圭

歷盡溪灘險路長行人愁絕鬢毛霜羣峰挿漢青  
凌亂何處停舟對夕陽

垂紳直下噴鯨波解道源從山上多江海魚龍都  
洄盡望翻銀漢倒天河

潭深自得魚龍性山靜長閑草木春莫怪欽峯無  
輦路桃源原不要通津

遊歸宗巖

曲登四峰路百盤石門深鎖閉噴吼泉聲能稅商  
人駕竹翠偏生六月寒

幾載長安傍紫宸  
歸無計返迷津  
到山好訂烟霞  
待應識歸人是去人

崇安寓樓作

溪因雨驟添新漲  
山爲雲埋失舊容  
知是武夷君狡獪  
別開生面慰幽蹤

再過武夷簡王適菴明府

十年三過武夷宮  
碧水丹山依舊逢  
慚愧鬢毛都已綠  
使君還爲洗征蓬  
停舟更上綠荷亭  
並蒂雙蓮照眼青  
定應澤蘭懼有夢  
還占豐歲慶盈寧

樓學齋集卷九

重

巡簷東閣懷清獻  
拄笏西山對武夷  
十載使君薇蕨供  
今年纔獲飽荔枝  
鋒車獨去上長安  
乞米應須費大官  
釀取梨花香雪熟  
灞橋相待使君鞍

題張肯堂小影

問奇萬里到閩南  
弭櫂仙溪九曲潭  
自具滿身香雪艷  
畫圖猶寫一枝栢

玉山道中

懷玉山前水驛秋  
青莎淺瀨漾行舟  
數聲山磬溪雲暮  
不賦秋聲也自愁

爲顧月田題石谷山水

巖壑水迴瀾  
瀾靜煙雲集  
筆端繞向武夷山  
如今日畫圖看

鳥目山人畫有無  
眼中何異曙星孤  
今朝披卷留生面  
不羨浮巒煖翠圖

題吳寶崖畫像

觀濤圖

曾汎秋濤擁雪來  
奇懷壯氣若爲開  
又逢君話連朝夕  
再見韓潮蘊海才

踞坐吳山意慨然  
卷舒萬古等雲烟  
書生搦管當

樓學齋集卷九

重

强弩指却潮頭不敢前

采藥圖

采藥尋真到碧山  
壺中歲月久忘還  
桃花別有人間世  
引入彤雲玉笥班

竹溪書屋圖

坐拂千竿擁百城  
案頭真欲死秋螢  
誰知車幣緣稽古  
驚斷堂前夜讀聲

豪素赤心托畫圖  
竹溪書屋等蓬壺  
從今大隱金門去  
肯把幽棲借我無

萬軸樓圖

萬軸樓圖意頗奇我有書癖君應知願向畫圖分  
半屋借君一紙還一瓶

停舟觀鴈圖

去留不定雲邊鴈遠近模糊兩後山眼底奇觀指  
未得應須倩筆向荆關  
右丞仙去米顛還誰寫幽尋在世間清絕吳郎詩  
五字真如置我富春山

題曉岡小影

積鐵蒼崖白玉梅幽情高寄在莓苔君詩思含  
香發也似源泉湧浪來

樓學齋集卷九

五

題汪無已讀書圖

早年失學愧空疎欲懺無能再讀書展畫見君便  
太息誰云鬢鬢貌相如  
陳史眼光明十丈遊仙筆力邁千人讀書曠世如  
君少那許虞翻步後塵

題周層崖小影

名花傾國兩相宜貌取周郎顧盼姿好景杜陵曾  
咏得竹深荷淨納涼時  
行宮徵辟集嚴徐取次看君到石渠官燭兩條人  
半臂都疑圖是宋尚書

贈沈紫玉

錢唐紫玉妙無雙壓盡秦樓十二行引得鳳皇池  
上客都斜醉眼向紅粧  
張顛草聖自公孫內史書從衛氏論我弄墨香添  
嫵媚美人親授折釵痕

吳門顧氏以斷硯名且三世矣大家上承其

下教其子所製尤古雅渾成因贈以詩

分來天上支機石占取人間玉斧仙傳與金門待  
詔客好將玄象動星躔

遊寒山贈僧示三

樓學齋集卷九

美

支硎秀色佳如許曩蹟曾遊憶所聞欲語寒山分  
片石何時度却得超羣  
新泉冷浸梅梢月積雪光添嶺嶠雲彈指廿年真  
倏忽蒼茫獨立對斜曛

過懷遠城

好風送我過長淮撲面荆塗翠色佳兩岸鳴蟬方  
嘒嘒一帆劃水正潏潏

莘城大令許月溪邀郊行作

初爲讀法出城墉因憇田疇課稼穡父老莫驚知  
稼事風流大令舊花農

君別字  
花農

百里提封未易才天然美錦稱心裁競傳花福天  
中好也應潘郎一縣哉

陳留古邑漢名都詎道波流等廢蕪今日短塍高  
墘畔躬耕猶有有莘無

爭持瓜果使君嘗我亦分沾沁齒涼因識世人殊  
肉食何如一樹種甘棠

為鄭幾亭宮諭題洗硯圖

林泉幽致自婆娑一硯留餘已較多四十五年老  
詞苑清風若个得如他

風來落葉憑他舞湍激波流總自清畢竟未忘文

樣學齋集卷九

七

字障沙頭洗硯逐溪行

老聃知白猶守黑楊子談經更草玄那似先生毫  
不染携將硯瀟滌前川

偶成影硯鎮隨身東抹西塗積墨塵何日撥除文

字債相從去浣碧溪滑

聞大梁歌者

繁絃入破徵聲傷咽笙簫斷客腸不識憲王新  
樂刑汴京舊曲恁悲涼

都中移寓感懷

雪泥鴻爪久齊觀半歲三移旅思寬若比子猷頻

種竹只慮日日報平安

掛名金殿繪天文長樂鐘聲到便聞自詫幸隣霄  
漢切回頭終憶道山雲

宣武坊南簫確東數間瓦屋蔽房櫳南榮擁被攤  
書坐只似深冬隱蟄蟲

光風霽月懷先輩豐草長林志舊廬何日一瓢歸  
去也北阡阡畔一耒鋤

題阮亭師夫子亭圖

靜閑浮雲幻卷舒比來幽興托夫子青山黃髮依  
然好遙想清風坐讀書

樣學齋集卷九

天

大子山色雨餘妍紅滿疎籬綠滿田收入畫裏詩

卷裡風流付與後人傳

龍門掃迹九年多悵望雲山邈若何賴有新詩常

寄取精華錄後屬編摩

魯望徂徠與泰山久懸天半峙潁頰從今又得夫

子叟俯視齊州九點環

戲示友人

紅粘履齒杏花泥五載京華滯苑西未敢乘鞭先  
着足待君同騁看花蹄

題垂釣圖

十年簪筆鳳皇池載沐恩波結主知須信絲綸原  
在手江湖未許夢中思

鴈汊魚灣烟水長柳青竹翠護江鄉釣竿香結珊  
瑚經好把詩餘寄草堂

頻年踪跡尚沉淪感遇龍門未變鱗願借長竿垂  
釣具桃花春水躍天津

西塞山邊老釣絲直鉤長爲網人嗤即今柳岸滄  
江側始信持竿亦我師

獨釣寧應舞短簑半竿聊復坐林柯好將一樣絲  
綸手更掣長鯨出淥波

標學齋集卷九

无

曩遊閩海漫垂綸期釣連鰲網巨鱗誰信濫竿及  
涸鮒愧今十載尚潛身

送陳秋田之任長寧

纔從荔浦解銅符復向鹽泉叱馭驅天欲使君專  
製錦更教錦句遍荒區

弓衣解織宛陵詩好事傳來清井竒從此蠻人歌  
樂府新聲只唱使君詞

莫厭馳驅萬里行三年便奏政書成遲君共踏槐  
廳月好話川南紀驛程

爲河中馮碩人題先傳

心學於今得幾傳誰知天壤有斯賢遍遊海國尋  
芳躅識取真吾只寸田

英靈間氣屬河中學道宗風大小馮我欲相從談  
絕詣溯洄祇在析津東

送張成九濠城廣文

巍然七尺鬚鬚蒼憶共丘南敬業長千里驛驄且  
短馭不妨臯比擁山桑

盛朝文治重明經特詔師儒試大廷行與諸生話  
稽古新來載酒滿云亭

送僧遽然還江南

標學齋集卷九

平

能參篆筆孰爲先遠嗣三橋近百年我欲從師傳  
指訣自知凡骨未能仙

潞河幾曲水平流好趁歸帆過濟州鴻爪雪泥無  
定着渡江又近白蘋秋

送陳歸德還里

梁園風雅新才子江左文章舊大家珍重夢花江  
總筆明年重載上京華

匹馬西風叫鴈羣黃河古渡日斜曛遙知定有驚  
人句湖海樓中寫鍊羣

酬龔叔度即次其韻



天荒地老蠹書蟬際倒人間七不堪何處得營方寸宅漫言心有太平菴

三遊京國看花時空見神通幻偈師知借妄心堅道力蕭蕭秋鬢已成絲

過都歷塊儘嘗諳縱棹何如騁趁總歸思金未識迷離薊北與江南

雲山緒論引如繩誰續傳經斬亂藤君得味禪三昧訣我如禮佛一龕燈

### 題小谷口圖

菱湖移舸卜苕城魚計亭前葺數楹六十年來無

樸學齋叢書卷九

圭

一改烟霏林外讀書聲

小谷口成圖盡好大戴禮具撰述腴安有斯人老巖壑但令抱膝撻雙梧

昔年曾過鄭君鄉惜未探尋谷口莊今日幸從行卷子依稀識取舊池塘

### 送友人回溫陵

回望鄉園路幾千桃花溪水碧波連願君留取魚

竿在待我歸來上釣船

不見輪公又七年喜渠老筆更清妍憑君寄訊加餐飯好待他年結地仙

### 送僧西遊

閨觀落日向西方色相都空塔若忘我欲按圖來問訊西泠可許共斜陽

宣揚經論若懸河津筏愚盲解脫多要識大師會心處無言西向念彌陀

### 贈趙東籬

每因滾滾逐縑塵便覺歸心旁夢生何日梅花與修竹青山流水伴雙清

東籬何意屬君家海內傳來好句誇可要白衣來酒伴黃金臺畔賦黃花

樸學齋叢書卷九

圭

高騫最愛南山句日暮柴桑晚對時那忍就荒三徑菊不思歸去理東籬

### 爲金軒磊題杏花小鳥圖

惠風韶麗曲江隄十里紅芳映碧畦山鵲喜傳枝上信呼來高屐印香泥

畫取春風托素統一枝留與後人看祇今紅雨江南夢只博西清醉裏歡

### 題茗上人小影

朝耕暮讀古人書較量生涯計未疎長鏡易携田不易惟人未及帶經鋤

拾點行藏寄畫圖滿囊不羨飽休儒輸君一着拙  
身早若雪溪旁作釣徒

送友人出塞

霜寒木落亂山橫關塞迢迢驛路明  
匹馬遠憑琴劍去那能枯坐賦秋聲

題諸葛子襄梅溪釣艇圖

梅巖山下讀書廬唐代歐陽此著書千載有人希  
古蹟長吟抱膝意何如

我昔扁舟過筍江拂衣欲上釣魚磯  
何當共結天隨侶讀易梅邊卧雪窓

樓學齋集卷九

三

平生最愛虞山句風定梅花落釣船  
此意阿誰能領取讓他名士靜中傳

送查悔餘編修歸里

覽辭王署過西湖好趁秋風問膾鱸  
莫爲兩峰長久住高文典策待君敷

鴈字聯翩鴈塔旁黃綾爭說姓名香  
玉臺新咏知多少秀句應推春草塘

入直承明歷八春堵牆爭說腕中神  
偶然假作稽山去擁傳驚傳守邸人

同宋山言小集看花

中州誰譜洛陽枝花福還因雅集宜我愧對花傷  
禿鬢不曾携酒上西

對花有感

讀易窓前歷歲年養成羽翮自翩躚  
情知倍惜傾葵色向日迴身分外妍

送友人還江南

觴傳不減王堂煮茗無如蘭谷幽出岫雲歸還  
記取他年續作幔亭遊

去年共買木蘭舟何意相逢南劍州  
春水正同人汗漫名山合結伴淹留

樓學齋集卷九

三

湖海元龍氣自豪廿年吳苑擅風騷  
以傳花隊翻金縷常爲貧交解綈袍

紫驃連銜空北冀朱囊夾袋重南曹  
樂安舊雨扶疎甚手種棠陰幾尺高

我昔高歌燕市來蟠然徒抱甕餘才  
豈因柱下詢官禮敢向機中學剪裁

燕侶幸從春苑託鵬雲雙向北溟開  
詎知風樹無停甚片棹中流激浪回

樸學齋詩稿卷十

續集

今體七言

迎鑾曲

年年警蹕度居庸萬隊旌旗擁六龍地湧金蓮迎  
翠憶雲成五色罩高峰  
蒲梢宛馬來天廐錢勒黃羊貢大官應識聖朝  
弘遠畧包函中外德威寬  
因山架閣霞侵棟障水為波月映舳舻夏苗循  
故事柳風沐雨仰成勞

天閑萬騎出陰山手格飛熊哨鹿還堪笑漢朝誇

樸學齋集卷十

續集

一

校獵射聲只繞杜鄧間

旗分八隊列顏行塞外平沙萬幕張遙識至尊

駐輦地豹頭鎗裏御旌黃

殊恩沛澤下行宮宵旰憂勤仗聖躬獵去還救

赤羽箭歸來親佩玉珣弓

承恩曾命直承明六載簪囊侍武英猶憶曩時

迎翠輦密雲道上報新晴

蟒袍舊許宮前換錦黻新教殿上行五十一年新

進士幾人曾被此恩榮

琢磨樂就師資地養育惟遊聖世天拜望屬車

續集

迎馬首祇將嵩祝頌六祀年

時和物阜慶年豐萬四車書此日同且喜翠華巡  
幸處人人歌舞太平中

入直偶題

銀瓶素綆轆轤牀火庖東井玉冰涼第一泉聞清  
禁裡紫薇仙吏日教嘗

玉河一曲玉闌遮臺殿參差陞楯斜閑步層廊眺  
宮樹暮霞影裡噪歸鴉

晚春直廬即事

綠槐深覆玉墀西繞砌春陰碧草齊蓮漏響同棋

樸學齋集卷十

續集

二

子落驚翻雙燕墜鄧泥

午日直廬即事

簪囊入直五雲深乳燕鳴鳩度午陰閑對觚稜消  
永晝戲摹閣帖仿來禽

初收梅雨氣猶涼綠艾青蒲冉冉香天上漏高添  
晝永人間漫說五絲長

游仙句入直作

鄉環洞府鎖煙霞碧玉為枝錦作花晝永仙人閑  
縛帚自磨崖壁寫龍蛇

梁園燕集和查查田韻

出門崎嶇即有碍閉戶欲得天地寬幸傍梁園寄  
一閣縱目已到青雲端

行年將已周花甲作計惟餘數卷書已愧頭銜題  
進士敢求分外更遷除

門前水欲到平橋未沒沙隄隱一條且約諸公看  
新漲傳杯坐聽雨蕭蕭

秋日偶作

門前水添三尺平西風蹴浪乾紋明參差兩岸長  
蒲葦牽隻小船波心橫

蘆花淺水一葉舟波光浩蕩隨風浮曲肱半枕月

樸學齋集卷十

三

半落酣夢快適同白鷗

喜雨同巢房山公作

墨雲曉起罩意濃一派天街麴張容屈指入春一  
百六今朝纔得慰却農

誰為行雨出山來一滴羣瞻萬象回開却作霖真  
手段只誇神馬是龍媒

雨後川原水勢強懸知瀑上益淋浪還山第一誇  
清福手淪清泉煮茗嘗

歷碌車聲返舊磯閑看眠柳對鶯飛長安十日勾  
留處芍藥花開櫻筍肥

題董滄門移家圖

屏當書卷與茶籃遷徙無常祇雙堪畢竟移家在  
何處南山山北北山南

將賃廬下情何迫欲蠟屐遊意自寬三十六峰環  
九曲小紅幡作一匡看

辨香旋構道山前丙舍新廬卜北阡他日雞豚招  
近局為君布席傍流泉

題君閩海移家句酬我金臺僦屋圖點綴幽偏標  
好事禿翁尊畔一鸞雛

悼鶴

樸學齋集卷十

四

僦得堂名警露居便來一鶴侍庭除誰知六載紅  
塵客還送仙禽返碧虛

平生落落少人緣愛汝相依此數年中夜唼穀今  
絕響祇餘秋月伴孤圓

西清清俸耐人堪汝去還來見汝愁便謂相從成  
白髮誰知搖落滄江潭

冲霄湖海未能忘我亦低徊戀故鄉不信難償寥  
廓願奪吾仙侶爾倉皇

對紙常書瘞鶴銘訝他真逸未忘形而今我亦難  
排遣寒吟秋鴻不忍聽

題夢中捧硯圖

淡月微雲一夢餘，茫然猶捧古璠璣。他年執此題  
驚板，方信真能讀父書。

疊暈合彩壁，光圓漂黛凝。脂聚錦烟，恠底豪端生  
五色。早占夢裡有真傳。

為同年田慎齋題觀海圖時令惠安

特奏名從紫禁成，還膺檄捧指南行。清華博取圖  
觀海，惠績安民稱縣名。

政聲六載冠巖疆，京兆田郎重廟廊。增秩將來同  
漢代，封侯渤海寵循良。

樓學齋集卷十 五

黃榜同沾曠代恩，春風不共鶴乘軒。由來蓬島風  
難假，深淺何曾一槩論。

君南觀海頭猶黑，我老西清鬢已皤。畢竟襟期要  
空濶，乘風萬里定如何。

題松下閑吟圖

紅藥翻階久，擅名蓮花映幕有餘清。他年憑轍行  
青雨，松下清風得遠情。

為張雪樵太史題抱膝長吟圖

鐵幹瓊葩挺數枝，春風消息有誰知。知君抱膝長  
吟日，已卜騰身上玉墀。

竹岡妙筆老紛披，真意題詞意委蛇。太息故人漸  
消落，晚來索笑向阿誰。

題天香書屋

早探虎觀佩金魚，讀盡人間未見書。猶向秋園綴  
金粟，寧馨玉樹課三餘。

九龍蜿蜒鬱崢嶸，第二泉流決決鳴。看取仙人叅  
鼻觀，天香叢裡聚書聲。

席上偶作

絲竹原知肉不如，難教按拍滿庭除。恰逢兩部聽  
歌吹，願向清池閣署居。

樓學齋集卷十 六

胆瓶花插滿房香，蒲扇桃笙芥拍涼。清淨若能捐  
夏楚，便應傍作益公堂。

題郭于宮牛鳴雙村圖

雙村僅隔一牛鳴，小舸夷猶載鶴行。月下有人吹  
鐵笛，聽歌臨海待潮生。

著書日日對觚稜，欲覓歸休各未能。何日與君同  
泛艇，羽衣為伴共鶯騰。

再題牛鳴雙村圖

東郊駕犇田上耕，西村放犢原上鳴。那意短塋疎  
柳畔，却挂牛角來橫經。

蘆花荻葉映晴波雁以魚灣占綠簑儘說畫橋二

十四月明誰似此中多

### 送太史歸高郵

紺筆雄文世所稀鰲吐鯨擲落珠璣尋常弓冶何須問池上爭誇小鳳飛

荷衣便爾易朝衫平步瀛洲理玉函為憶鱸魚動

秋思翫湖珠月送歸駟

牧馬紛紛金馬門賢良端只屬公孫他年望取平

津印莫為烟霞戀故園

### 題負米圖

棟學齋集卷十 七

讀詩欲補南陔闕問字能窮東觀前名擅雕龍輕

幼婦圖將負米學先賢

金門大隱誰能飽石硯荒田未可耕力稼奉親真

上策秋風我亦決歸程

余供奉武英時曾為趙東籬賦詩今一紀餘

矣東籬命予續賦因再遣之

紅菊何如黃菊花蕭蕭禿鬢老京華而今秋思繁

尤甚回首南山歸路賒

北地寒花耐著霜一枝落筆貌孤芳悠然自得蕭

疎意想見東籬意興長

### 自題潘泉圖

誰云和王試洪鑪祇合同流混衆趨今日軒眉成一

笑新來貌得潘泉圖

鳳皇池上集群公有味無能是禿翁行已水窮圖

又換泉來兩後豁鴻濛

山水壺中孤笠穩乾坤亭內一鋤安平生愛取人

間棄特奏名來作散官

題桃枝杖

六千里外同窓友遙赴鳳池伴禿翁似說不如歸

去好荔枝相待晚來紅

棟學齋集卷十 八

渭雲姪寄德泉陳甥六截句離愁困苦之意

溢於言表因次其韻慰之以廣其意并勗

諸兒

少年壯志恥懷居老大成名亦自如畢竟是緣指

古力頭銜終博一中書

裘屨紛紛王謝居倏然凋落電光如吾宗世澤遺

忠厚只要安貧苦讀書

歲月堂堂不可居回頭已歎逝川如應須努力爭

駒隙一寸光陰一寸書

林塘未易賦閑居辛苦當甘集蓼如莫道經鋤為

左計逢年還是免園書

歲云暮矣旅邸蕭然再次前韻以寄來齋老

兄知子宦況也

紫薇鳳閣直廬居舊話清華了不如惟有絲綸仍  
執掌中堂調音舍人書

慨直長安傍水居杜門却掃老僧如自將粥飯供  
殘歲炳燭還攻篋裏書

千金奇貨競爭居巧宦何嘗得晏如鈍拙我選用  
我法禿來不過不中書

每從傑直退幽居身世尋思宛惘如畢竟九州難

樓學齋藁卷十 九

鑄錯治生未熟計然書

南望長懷藤磻居滿山松樹近何如十年重與山

靈約仕宦無成退著書

對床風雨幾離居世味都嘗只泊如白髮相望萬  
餘里但憑歸雁一封書

題宋北渚洗硯圖

北渚風清晝日長碧梧翠竹映滄浪湘簾捲起拋  
書坐自課奚童沈墨香

門第崔盧不足誇風流無愧嗣聞家傳來玉帶生

花研持向溪前浣白沙

驅車曾過宋城來不及西陂探早梅何意今朝盡  
閨裏也從北渚踏蒼苔

遊東臯應教

東臯遙望十年餘春日郊行輒造廬不信朱門芳  
草路只將紅雨潤琴書

東臯遙望十年餘今日纔過大隱廬流水半灣亭  
一角千株紅杏滿床書

浴象詞

傳聞伏日始今朝浴象迎來過彩橋未見騰波與  
鼓浪六街人湧已如潮

樓學齋藁卷十 十

屹立如山侍紫宸寶餅金絡錦經身終年幾度容  
休沐索垢吹癢已有入

漫傳有齒致焚身特賜恩波浣王津遭遇頓殊今  
古別可知人代要逢辰

蒸歊終日火雲高悵望清風無處逃只願朝朝牽  
象過碧潭渴裏舞銀濤

送表雪巖之任儀封

十年都下共過從卧雪襟懷對雪峰遍地栽花香  
滿縣風流入盡說儀封

送友之官洱海

銅符再綰列花封，徙吏寧為搏擊容。偶爾臨文思  
校獵，欲將河海淬詞鋒。

清河文陣冠清漳，奕世科名雅擅場。領取滕前班  
玉筍，還來射策上天閭。

### 題畫蓮

亭亭玉立不凡姿，濯出波心映水湄。位置固應清  
絕甚，西清西室自相宜。

露冷風清欲墜時，誰人解護此花枝。殷勤寫作瓶  
花供，端合平原繡作絲。

### 題東遊卷後

標學齋集卷十

詞集

十

廿年研旅久知名，今日相逢始識真。腰腹便便書  
萬卷，畫圖容易着斯人。

柳邊榆塞盡銷兵，長白山明鴨綠清。欲識興龍王  
業地，要將詞賦匹西京。

游踪南北盪奇胸，擬向東山識岱宗。直到夫子亭  
下拜，始知日觀是高峰。

### 小遊仙六十首

行年六袞難傳却老之，方試職一官聊作大隱  
之。想慚科名之是忝，荷祿廩之猶縻七載西清  
虛。說紫薇內史群趨東閣自嗤白首郎官風流

遠謝乎前修，才望敢夷千流輩。念宜引年求退

西疇，絕無可佃之田思。且混迹需時北山將有

移文之檄，乃屠維淵獻之歲，值立秋處暑之交

俗慶荷生，我嗟穎禿。顧兒曹不達父志，強欲承

歡，在老夫深悉生平以思，憾過欲莊言其未可

即解朝，亦奚從於是。借遊仙之汗漫，述鄙志之

荒唐，從降生之伊始，猶暮齒之及頽，荏苒風光

便已周乎甲子。盱衡身世，亦何取於浮沉堂堂

乎。既往之逝年思之何及，碌碌乎將來之短景

悔有可追，談評不免於後生。謬悠已負平壯志

標學齋集卷十

詞集

十

唾壺擊碎詎成縹緲之章，塵尾揮殘那得步虛  
之韻。庶幾聞者以為世外之敲音，空中之天籟

云爾

神仙多在海山間，洞壑幽深不易攀。若說真靈真

位業，斷無一箇是愚頑。

盡人欲得長生訣，若箇能留不朽身。閱盡年華雖

甲子，詎同魔外守庚申。

澄懷一往自逍遙，霽月光風萬念消。不用燃犀窮

水怪，何須鑄鏡索山妖。

欲耕瑤草鞭龍去，愛聽澗松馭鹿行。道上偶逢人



問訊何妨歷數舊生平

慢亭天半耀朱霞飄向華池湧瑞華十丈芙蓉紅  
似錦分明落在使君衙

少小嬰游佩紫囊花前竹馬學人忙吹簫秦女牽  
衣問便許他年拜侍郎

乘牛老子出函關帶挈兒童渡渭灣拍手向西直  
大笑七年真箇別華山

入獻天書出諷經鷄鳴山下月猶明遊仙曾記童  
遊地直上披雲樓上行

度嶺仙霞嶺路長仙源漸漸近家鄉道山亭下吟

樓學齋集卷十

東山集

圭

臺畔已卜丹爐置草堂

盲風恠雨翳晨昏牛鬼蛇神戶外喧鉛汞鼎爐都  
蕩盡光明幸有內丹存

六塘蟹舍事耕漁栖鶴巢中咏嘯餘占取槐檜氛  
侵息還來畫卦衍皇初

十年烟火事鉛丹消息真從靜處安慚愧本師傳  
授訣功成九轉可知難

瑤琴獨撫坐焚香一室危樓萬卷藏天際真人結  
遙思朱霞白鶴共翱翔

猛火攻時微火溫此中消息最難論焚爐欲就藏

金色因悟工夫積漸存

功到深時無過熟妙難傳處是真腴拈來句句都  
成道笑煞尋行數墨儒

一卷黃庭內景經吸嘔吐納葆元精須知斃戢冲  
霄翼正要扶搖天上行

靈魚食字自成仙醫俗無方只簡編腕底榴皮書  
百萬染香亦足典文淵

瑤臺玉室在遙空縹緲虛無那望通孰信蓬山三  
萬里只消到岸一驟風

踏遍千山萬水來旋登二酉小蓬萊人疑挾有飛

樓學齋集卷十

東山集

圭

騰歎不過料量數斗才

廣寒宮裡桂枝寒零落秋香幾陣殘恠殺吳剛修  
月斧守株待兔擣丸丹

川觀巖栖隱此身卑栖敢望上林春玉樓作記徵  
書名也躡鋒車到蕊宸

唱盡淨名千佛經修羅天上幾人行驟來海上騎  
鯨客姓字俄標注玉京

爭傳冀北好掄才馬骨千金也築臺不道仙家誇  
駉駉只稱按步絕塵埃

翱翔便欲到蓬池擬向瓊林借一枝青鳥使傳君

莫問此間深淺異當時

蜃樓海市擁崔嵬倏見瓊扉玉宇頽澄得秋懷如  
月朗人生何必上蓬萊

瑤池蓬島落花紅燕燕鶯鶯各一叢也化蝶來成  
半夢柳塘飛絮逐春風

風塵賺得歲星來特與瓊林宴賜杯位置他年煩  
史筆東方一傳付蘭臺

西清親切過鑾坡慎簡通儒拔制科從此玉皇香  
案吏鳳池澄澈水增波

絳宮紫闕列彤廷入直仙郎趁曉星朱筆搦來書  
標學齋藁卷十

王誥黃牋學就寫真經

收完封事分堂膳寫罷詞頭了奕棋除却修琴與  
調鶴借書沽酒外何為

邯鄲枕上徒成夢黃鶴樓中祇有詩傳與世人誇  
好事何如靜篤守吾雌

小山叢桂鎖盤桓山色飛來秀可餐龜息蛇蟠龍  
虎護牛眠鹿乳坎離安

長林幾曲護幽巒石室磨崖且勒銘屏當世緣都  
遣盡定歸此地鍊神形

手種青松一萬株九九清翠滿山隅千年留與曾

孫訣劇取霜苓作粥哺

烏柏霜飛錦作林青梅子熟綠陰森仙家妙訣傳  
人世大地何嘗不著金

羣誇鞭石盡成羊更羨麒麟作脯嘗若箇仙家不  
豈供空疑辟穀訝張良

鋤將白石分金井種却青芝布玉田耕鑿仙家原  
不廢只殊人費買山錢

巖扉礪戶好林泉邱壑天然付鹿眠出踏千山歸  
一穴何須白日羨昇天

三十六峯九曲中丹山碧水一帆通何時歸赴曾  
標學齋藁卷十

孫宴迭奏塤篪架絳虹

鐵笛橫吹近月明海山無際片帆輕遙空一鶴盤  
雲喚似和龍吟水調聲

閉戶焚香謝往還參同默契秘玄關蕭然數畝荒  
塘外一鶴梳翎占小山

一瓢一笠一葫蘆敝帚拈來便畫符市上兒童齊  
拍手分明是箇醉仙圖

囊中不剩一錢看萬里游行到處安邊莫此翁真  
狡獪果能擲米變金丹

長安潦倒市樓前泥迹嬉遊幾歲年到處畫符頻

寫券何嘗不是酒中仙

襖斗持齋事苦空鍊成筋骨謝樊籠憑誇世上榮  
枯事不滿仙翁一笑中

游戲人間拙與工仙翁自具大神通區區跡象從  
教問何處爲君答啞聾

玉華洞裏玉臺隈八尺東方曼倩來欲竊餘桃供  
齒頰三千年後待誰栽

百花釀就蜜成房正是仙家好糗糧無那野畦狂  
蛺蝶枝頭亂採損群芳

釣天廣樂奏新聲古調希微法曲清怪煞世人渾

標學齋集卷十

七

未解蘆花瓦在競爭鳴

黃石胸中數卷書婆心一片欲相於難逢世上張  
孺子納履鷄鳴屢待渠

爛柯山上頻磨斧鼉背磯頭理釣絲天上從無嫩  
仙客人間何處着閑人

紛紛爐火事鉛丹似識人間阿堵難安得九州都  
作冶頓教洞鮒轉清瀾

桃花洞口武陵源鵲大桑麻長子孫堪笑問津都  
不逮只疑漁父是夸言

人間實境都成幻浮世虛名都要真道是謫仙吾

未信靡儒或恐是斯人

楓亭荔子慢亭茶續譜圖經望未賒願得鶴來吾  
便駕不稱大隱戀京華

釣籃長把丹荔供荷飯頻兼綠筍嘗但願兒孫能  
養志老夫何日不稱觴

桑陽千年陳座右縹緲揮架列牀隅不沾一點塵  
凡氣恰是冰心映玉壺

雪外烟林草閣深門前流水碧沉沉小窓竹影悠  
然趣數卷丹經一素琴

荷花傳是碧波仙生日同吾共一天孰是亭亭都

標學齋集卷十

八

不染傳杯且結水邊緣

揮指風光六十年仙家小叔話生前我今欲赴瑤  
池宴小賦遊仙寫錦箋

四月朔日保直口號同任齋前輩賦

黃金為屋玉為除五鳳樓東是直廬上相散衙內  
省寂二三仙吏校文書

綠綈朱囊捧奏章紫泥封事墨花香抽籤書罷絲  
綸語鎖入金籊進玉闈

宵傳片子下楓宸奏事明朝上暢春且趁郊行玩  
韶景青山紅杏綠楊津

紫陌天衢張麴塵龍蔥苑樹綠交新當惜何必吟  
紅葉別有清陰禁禦春

九十春光昨夜闌起瞻紅日上闌干懸知晝永從  
今始係直携書倚枕看

凌晨簪筆過彤墀鈴索無聲晝寂時坐見花間雙  
蛺蝶翩翩飛上最高枝

晝閒無事寫新詩捉鼻撚鬚落筆遲堂下吏胥都  
竊笑中書君老興淋漓

步從青瑣出端門十載觚稜識主恩先後新除  
同內直閑將吟畧劃碑痕

樸學齋集卷十

青兒南歸詩以遣之

廿年為客老京華汝挈家來慶有加副及周期趣  
汝返一官雙髻仍天涯

讀書求志戒澆漓身外浮雲那及知且把研田勤  
藝壑好憑天運待逢時

六代先塋聚北阡數山松樹繞流泉欲成一壠埋  
吾骨先署菴名號鹿眠

白松絕少閩南種海舶浮來作意栽惟是禿翁愛  
奇特他年期作老龍材

曾過虞山明發堂山形磅礴似家鄉規模未便成

堂構且作長林山上莊

買田絕少膏腴產種樹羨憑瘠壤安萬个龍孫千  
烏臼隆中遺意好參觀

辛勤卅載聚書樓稽古春風占一籌應識服田秋  
有獲好將蠶簡再旁求

文字欲參言語外居奇須辨棄留間老莊指趣白  
圭術總勿寄人籬下灣

吟臺舊第須歸券藤澗新莊始治塋上繼祖遺成  
父志克家有荷任非輕

老農老圃終須學築室穿池亦藉謀不見虎山宗  
樸學齋集卷十

老子一生樂志百無憂

家有冲虛不老仙囊無儋石自安眠平生亦得烟  
霞養壽骨真如金石堅

樸學真受堯峰指書法原資石鼓承更有不傳堅  
苦志要參上乘老夫能

羣從皆良式好權浮澆易免獨行難要知家法存  
矜貴勿渾傭奴一例看

科名品望與文章接武相繩光祿坊也是老夫提  
唱力炳彪代起望諸郎

香嬰居士壽詩

高文典冊寶光融河嶽英靈間氣通上射斗垣旁  
曠壁天潢一派亘天中

風高氣爽九秋清篇什娛情壯物精千古賢王誰  
媲美河間禮樂嗣東平

雁還月在仍觀書秀句人間那得如想見桐花庭  
院落鈞天樂奏佩瓊琚

勝蹟楓亭與幔亭端明妙墨譜圖經馳來物外神  
仙品遠致清虛貫集靈

御園宋樹宋家紅不老人間是木公若擅兩奇兼  
最勝茶翁須讓我禿翁

樓學齋集卷十  
主

吳劍虹翰編以新集屬子評定予未敢承又  
未敢虛其承問之意因擬所聞緒論答之

魏科高擢薄青雲古調新聲張一軍好是西涯懷  
麓體主持臺閣挽斯文

絕無凡艷繞毫間雅有新奇染翰班味取昌黎清  
韻句曉携書卷對南山

文章不厭襲重規合轍端能騁九達哲匠凌雲紫  
叟最營成佛水悟多師

溯從文選逮全唐蘇陸朱楊總大方畢竟要從門  
裏入漫二詞賦有他腸

量才君是一流人家學淵源雅自珍莫厭晉安風  
雅派且從陳裡別生新

晟孫將歸娶討以勉之

二十年前喜抱孫而今遣汝返鄉園要知娶婦成  
人後責備持家立戶門

光祿坊派號多賢濟濟科名相後先要識開山吳  
爾祖好教接武繼新傳

習氣先須除却俗工夫惟在靜中求區區飲博污  
流俗不願孫曾輩此儔

遙見睽孫近課文崢嶸氣象頗殊羣讀書識字在  
樓學齋集卷十  
主

心悟麗澤觀摩務要勤

北阡是我歸藏地係念松楸二十年歸去好爲先  
種莠孫能念此即爲賢

視無形處聽無聲稟稟惟應念所生別汝臨歧無  
所屬小心到處堪堪行

題草廬圖示友人

縛郊終日對溪山坐拂松風聽水潺長卷便思消  
受得茫茫何苦墜塵寰

新疏藤磎引泉回十丈盤陀卧水隈他日也如圖  
結夏可能載得一壺來

書安藏碑成紀事

安藏功成絕域奇  
高文典冊勒豐碑  
書生何幸承  
簪筆麗翰親書御製詞

經綸芻粟皆輸輓  
秦蜀滇黔悉鼓輦  
七載鐵衣調  
萬騎莫輕容易說安西

紛紛廷議勸休兵  
廟算神謨斷乃成  
勒石紀功宣  
內外止戈初意始分明

俘擒突厥唐家盛  
銘勒燕然漢代雄  
那似親藩與  
公族仲威萬里奏膚公

書生志願踐疆場  
磨盾鼻書露布揚  
今日紀功留

樸學齋集卷十  
書

瀚海快如萬里事戎行

壽訥拙菴

兩載歸來慶壽筵  
因思家慶感由天  
譯經悟得拈  
花意只是無心聽自然

膝下兒郎玉樹強  
鳳池誇擅秘書郎  
諸生重譯來  
相訊果是縹緲世業長

西方文字浩如烟  
蒼萃誰能聚簡編  
君具迦陵賡  
長舌個中恭透許多禪

曾讀混同賞菊詩  
一時賢俊聚都奇  
誰能雪裏尋  
寒蕊豈羨賓王冒雨詞

九日登高有約來上方  
供饌失追陪從今願寫滕

王序一歲重過寫一四

幔亭仙壑萃仙芽  
烹淪真能蕩穢邪  
想見哦詩到  
清夜固應七椀問廬家

十載西清老禿翁  
鈍遲恥復說途窮  
平生只有凌  
雲筆尚欲為君賦降嵩

君年方艾我六三  
蘭足能誇說勝探  
那似君遊輕  
萬里西逾西海柳邊南

題畫壽許太翁

勾漏丹砂未寂寥  
紅雲一縷寫生綃  
分明似泛流

樸學齋集卷十  
書

霞酒看騎花驄下外橋

題力美公壽圖

迴風初唱火雲流  
嘒嘒吟露未收傳  
道鼎精初  
度至清商叶奏碧天秋

日月初過強仕年  
牙籤萬帙細鑽研  
舉頭咫尺青  
雲路豈獨成均姓氏鵷

丹青疊疊作烟鬟  
栢翠松蒼草闥斑  
領取洪崖修  
道意長髯拂拂半醺顏

仿佛坡公拄杖行  
山容卷霧水澄泓  
伊誰岸畔能  
吹笛散作穿雲裂石聲

一室墳荒述主賓  
觥傳同祝漆園椿  
相輝棟莖凝  
毫素映取雲霞潑墨新

文園久擅凌雲筆  
仕版初登經笥名  
早擬前途群  
說項流將文藻到燕京

却掃經年好著書  
折椽新構屋渠渠  
只緣人士微  
文筆聊許軒騎擁里閭

秋風初起雁南飛  
圖捲烟雲上翠微  
尚有一端難  
繪處青蓮口裏有珠玑

桃蟠棗熟獻瑤池  
蓬島羣真醉玉卮  
一派霓裳羽  
衣曲遙聽雲笛九天吹

樓學齋集卷十  
五

我在燕關滿鬢塵  
一函遙寄寫情真  
少年筆硯他  
年杖屨作香山會裡人

壽詞

安樂行窩讀易堂  
春風滿座淨琴張  
壺中遙識乾  
坤大畫裡從知日月長

桃蟠棗熟獻瑤臺  
蓬島羣真醉玉杯  
我是慢亭老  
仙客也將飛控鶴車來

壽榮陽

幽棲地下閭邱隱  
長德人推祭酒尊  
七十稀年傳  
好事送兒鼓篋上都門

桓場家學是傳經  
樂志何須世上名  
占盡人間好  
風景鶯花蝦菜園閭城

書新歷

書衡尚係西清老  
須曆新看雍正年  
自愧承恩屢  
月俸每懷閭嶺欲歸田

送許雪邨太史入都

里巷過從五十春  
論交三世締重姻  
羨君門第施  
行馬策足駸駸跨要津

涉世已周易序卦  
休官纔遂賦歸田  
容吾農圃垂  
垂老看爾雲衢步步前

樓學齋集卷十  
五

衝炎蒲幅上溪灘  
梅雨江深五月寒  
須趁南風吹  
五兩好教破浪度流端

同遊況得偕仙侶  
淪茗焚香度碧湍  
薄晚停舟對  
新月好憑新雁報平安

嶺路崎嶇溪路艱  
世途巖嶭不容攀  
知君閱世更  
嘗遍日暮鉤輅噪碧山

送黃莘田謁選入都

息機纔得賦歸兮  
又送君行上玉墀  
石室芒鞋如  
往探誰人爲我導雲梯

快心元度共遨遊  
仙侶何殊李郭舟  
試論花香酌

蒲酒回頭應念我疲牛

許身良契非吾事，嬾蹟冀黃望爾傳。寬得一分人

受賜，方稱百里牧民侯。

### 為王生題從戎圖

平沙淺處落菰蘆，木落霜清雁陣呼。欲賦秋聲無

著處，整鵲綵筆佩雕弧。

吟詩纔罷學從戎，結束鞍騎預盼雄。弓燥手柔飛

雁落，詞鋒筆陣畫圖中。

### 題畫像

鏡湖一曲碧玻璃，久屬君家秘監樓。出聘中原歸

樓學齋集卷十

三

片棹縱帆也似縱風蹄。

### 題畫

遠託襄陽寄幻期，一堂位置久相宜。今看直蹟留

珍賞，審定還須付虎兒。

岡巒迴複雲烟遠，蘭竹蕭森氣韻遐。筆陣輪囷關

後澤，可知傳世與傳家。

高踪遙識義皇上，晚輩慚稱鄉里兒。沾取新詩與

妙筆，真知風雅轉多師。

### 題溪山圖

如此溪山何處無，誰能板宅此中居。他年願種清

涼福，只去犁田不讀書。

### 題三石谷畫

拂水雲山深復深，王郎妙筆寫幽岑。桃花流水人

間世，不信仙源在此尋。

### 題耕讀圖

山陰道上山水佳，讀書力田樂無涯。他時刺船訪

君去，定非興盡非高懷。

隴上歌吟托隱淪，較量晴雨閒閑身。圖中可得留

餘地，着我鉏田荷耒人。

### 題純扇秋水圖

樓學齋集卷十

天

校書宜上天祿閣，論譔應登文選樓。何事蒹葭秋

水畔，獨將紈扇散清遊。

### 題讀書圖

松風水月比清華，博雅真應擅大家。要看白雲從

地起，便昇天半作丹霞。

幾曲銀塘碧澗深，蕭蕭寒玉響疎林。悠然真得讀

書趣，一卷能傳作者心。

傳家清德冠明時，祭戰門中自得師。要識高懷涵

冰壺，松風茶韻味書詩。

### 題梅花卷



爛熳春風放幾枝  
暗香新影映疎籬  
知君秀出何郎句  
都在巡簷索笑時

嶺上梅花信早開  
五年魂夢憶蓬萊  
今朝點筆如相遇  
也當家山歸去來

題畫三體之一

荷蘭有曲奏金徽  
古調橫彈意杳微  
更把梅花吹玉笛  
香風幾片落漁磯

題蘭竹卷

滋蘭種竹注蟲魚  
長願茲身老負鋤  
一染緇塵都謝却  
空於名畫寄相於

樓學齋集卷十

壬子

題撫琴圖

希聲疊奏托瑤琴  
一曲能傳靜者心  
更鼓高山與流水  
試同方外一追尋

石公畫筆去人間  
陳子傳神意自閑  
都向琴心留雅韻  
星梁落月夢中還

題王石谷畫

胸中邱壑應無數  
海內人稱老畫師  
筆底烟雲能供養  
故應墨妙晚尤奇

題梅雀圖

水波深淺月昏時  
鐵幹冰條翠玉姿  
占盡春光人

不識空餘寒雀噪高枝

題畫竹

千竿修竹稱吾盧  
兀坐焚香展異書  
消受清風過求日  
應知天地寵樵漁

題佳人錦瑟圖

回鴈秋風塞草黃  
數聲笳吹暮雲長  
丈夫未遂封侯志  
且醉佳人錦瑟傍

壯心豪氣未教刪  
劍佩跨驢擁玉顏  
談笑長歌衝落葉  
鮮貂貰酒度關山

題滄江泛舟圖

樓學齋集卷十

壬子

點筆何人寫此圖  
滄江浩蕩扁舟孤  
蘆中大有英雄在  
莫便伊啞過五湖

鷗鷄啁哳雁南征  
獨鶴橫江點戛鳴  
破浪看君凌萬頃  
不須枯坐賦秋聲

題千峯萬壑圖

橫成蒼嶺側成峯  
丘壑千重與萬重  
縱有夏雲多變態  
相看厭厭是吳儂

蟬鳴樹杪靜斜曛  
蛙噪池塘到夜分  
一洗塵囂與市閭  
烟林閣外有清聞

題竹卷

千竿翠色影蕭疎一派潺湲響石渠兀坐一編消  
永日真知修竹稱吾廬

平生絕有子猷癖愛竹吟詩俯碧端寄語虎頭重  
點染也為予寫入檀栾

題張大家羽仙牡丹

久教清門擅大家蒼松古柏絕鉛華間調朱粉圖  
凡艷也是人間第一花

題觀泉圖

懸泉十大瀉銀河激湍奔濤日夜波若箇會心能  
歎逝臨流獨立樹前坡

樸學齋彙卷十  
圭

國香自級無人識偏向巖前爛熳開知有天風能  
鼓盪不須九畹說栽培

題寒江獨釣圖

大地凝寒晝不開魚龍竄伏鳥鷺迴誰知風雪菰  
蘆裡早有伊人把釣來

我欲江湖學釣師久拚生計共天隨何當結伴偏  
舟去緹復無魚也有詩

題觀瀑圖

垂紳懸瀑落天河劈破石梁激湍過如此壯觀誰  
貌得秋晴落筆想婆娑

聞家風槩異尋常片幅相傳祖澤長歸去廬山對  
真本香爐峰下賦滄浪

題美人簪花圖

金粟巖中桂樹林香風十里杏花深美人纖手親  
持贈聽取黃鸝報好音

題簪筆圖

靜中偏得悠揚趣展卷拈毫意自幽豈獨生花成  
五色要將金鑑續千秋

題畫牡丹

點染微紅襯曉霞柔條嫩葉綠交加誰將淡墨輕

樸學齋彙卷十  
圭

清筆寫取人間富貴花  
珊珊玉骨素娥安台薦前人絕妙辭就使胭脂入  
眼慣也應叉手立移時

題趙文淑畫

寒山新婦倚山孫筆墨娛情染黛痕林下風流千  
尺雪至今小宛有生香

題牧牛圖

柳塘蒲短綠陰垂牧豎牽牛掛耒推欲及春時趁  
耕種秋成為醖壽龐眉

題沈御峯畫

清修雅望重詞林，染翰濡毫妙古今。半幅谿山數  
枝樹，風流猶足映文心。

源從文敏雲間出，派是雲林筆底來。世以有無分  
雅俗，尺蹠自足媲瓊瑰。

九畹滋蘭元圃來，國香根自玉臺培。願將紉采充  
瑤佩，常把春湑點碧苔。

題惲南田畫梅

自是江南雪後栽，誰携一幹過江來。客忘半枕羅  
浮夢，搖蕩春風鳥喚迴。

絕藝南田畫筆妍，淡描真有暗香傳。他時次第拈

花譜，萬紫千紅讓此先。

題畫

老樹疎林秋色明，瓊花瑤草滿溪生。何當策杖隨  
君去，看取霞標起赤城。

題蘭花如意圖

一年事事如意外，滿室蘭花撲鼻香。想見元人善  
寫意，好姑事倒也何妨。

題花福圖

洛陽花福屬誰家，痴蝶狂蜂漫自誇。我欲向君求  
綠筆，揮毫次第譜羣花。

淡粧濃抹總相宜，圖寫春風第一枝。莫怪按圖難  
索駿，天香高處少人知。

題江山半幅圖

叢殘舊畫暗塵中，潑墨江山半幅雄。似仿梅花卷  
主筆，重疑取法石田翁。

題秋聲圖

秋山萬木染成丹，秋水千源謝碧湍。靜坐磯頭遺  
世外，清音何似管絃繁。

題王石谷畫

近來畫手數王暉，不辨閭閻全蠅蚋。肥獨見龍文扛

九鼎，如君健筆故應稀。

鵲華秋色傳來好，閒道藍田雪更奇。攬取菁華供

染翰，天然一幅右丞詩。

題洗筆圖

送春猶憶在吳閭，芳草堂西曲曲塘。一隊游魚來  
唼水，只因洗筆有天香。

題黃山圖

曾從白岳望孱顏，縹緲天都不易攀。自是君身有  
仙骨，生來領得擅黃山。

奇峯劍拔據天外，老樹龍盤挺石湍。變滅任從雲

海幻澄懷只作畫圖觀

樸學齋詩卷十

五

補編

庚午除前三日題新得徐興公家藏禮經會元本

汲取新泉點碧芽焚香默坐憶年華  
流連去臘逢今日立雪吳門對晚花

不換鵝羣換斷編拙書何敢齒前賢  
破除執事蕭條甚賴有窪心一硯田

容有索余書於余今購此代

獨抱遺經世幾人故書鑽研味生新  
已拚世事甘鳩拙寧規生涯較寫貧

先生自題云此集焦弱侯經籍志失載近崑

樸學齋葉卷十

五

山徐氏刻五經諸傳疏有其目未知曾刊就否  
樸學齋記此本藏馮笏軒孝廉縉家今据補編

凡天下制作之事莫不有材焉有法焉梗楠杞梓竹石瓦甃宮室之材也規畫措置各得其宜者法也牲牢魚鳥蔬果稻粱飲饌之材也烹調劑量和其味而適於口者法也徒材不可以為美徒法不可以致用文章亦然經史百家天人理數章程典故草木蟲魚何一而非文之材剪裁運用起伏開合變化錯綜何一而非文之法古之作者未有不厚積其材深研其法而能以文辭名世者也明之末造學士大夫大率誇多鬪靡爭新尚異或矯而入於晦僻或放而趨於繆悠其中繩度者甚少迨

震雅堂

於今朝纂言君子頗覺其弊思救之以雅馴之文五十年來家誦歐曾人說歸王文體寢趨於正然而室疎淺薄之弊百出惟求波瀾意度彷彿古人而按其中枘然無有是以為古文乎明季之失在法不足譬之堂寢樓閣填塞錯襍而陳羹宿貲羶腥滿前也今人之短在材不足譬之竹籬茅舍位置清疎而一覽無餘烹熬燒筍鮮潔可口而說言天厨玉饌莫我若也二者交相非而不足以相尚苟封已而自足盡地而不前則過矣林子吉人閩士之傑出者少以才學鳴於其鄉飲然不自謙

負笈來吳從汪鈍翁遊講古文之法復之都門與諸賢公卿豪雋之士上下其議論見聞博而蘊蓄深故其文辭清醇典雅文質相宣矩矱有餘而精義不乏固不徒守其法而有意乎儲材者以林子之年力志尚誠能殫精研思窮高極遠貫天人以為學羅古今以為資譬若採木鄧林伐石南山以就僊般之繩削而千門萬戶無不可營出尚方之珍羅水陸之品以供易牙之烹飪而天下之至味具焉豈不高出時流萬萬哉林子自國門歸不鄙余而枉存之為極論文章得失之故因序其集以

震雅堂

廣其意焉康熙辛巳正月望前吳江潘耒

恭呈

御覽

日月合璧五星聯珠賦

有序

臣伏見康熙四十四年欽天監所頒七政經緯躔度時憲曆內載正月朔旦日月在斗牛之墟而木火土金水五星俱夕見於虛危婁畢之次謹按通鑑前編帝顓頊之世元旦日月起於牽牛五星會於營室帝本之作曆爲曆宗而太初曆推而用之謂是時日月如合璧五星如聯珠以爲瑞應之禎符著於至德

御覽賦

之世寥寥至今四千餘年遂未再見乃今元正之旦適逢此希有之祥且日東月西旣叶陰陽正位而木在畢十一度生火火在婁二度生土土在婁初度生金金在危十度生水水在虛四度與月夾輔乎太陽又得相生相扶之妙皆我

皇上功高德崇治盛化成格於

上天是以靈貺神庥萃來協應顧曆書臚其數未舉其義而朝野臣工亦未有頌言及之者仰見

皇上聖德謙冲但以敦寧四海爲祥以五風十雨爲瑞諸凡神靈昭應之事如茲之鑿鑿可據者悉未形於奏牘或且以日月合璧凡朔皆然而此五星雖同夕見不聚一宿之內不以聯珠目之不知昔之聚井聚奎者皆在漢高祖宋太宗未即位之前故占於其分野應在一方今我

御覽賦

續編卷二

皇上御極宅中合四海以爲家統內外皆受治則今日之觀乾象者誠宜存博達之識具曠遠之規而勿拘墟於方隅之見也夫陽開元旦日麗風和即爲景瑞況以五星同時昏見順序相生夾輔太陽凡在覆幬之中共仰照臨之象豈非蒼穹有意光昭以表我

皇上萬年無疆之慶者乎夫非常見者始謂之祥非常有者始謂之瑞則謂五星聚於營室以爲曆宗者始於帝顓頊之世五星順見於虛危婁畢以彰至德之盛者肇於我

皇上之朝耳目一新祥符再見天人交應臣庶同懽稽之卿雲之歌於聖世休徵之應於箕疇道有同揆理自一致誠宜宣之史館布之天

下以共昭太平之景象臣不揣固陋竊擬賦  
一通獻之

黼座草野狂愚不識進退誠不勝戰慄恐懼之  
至乃爲賦曰

繫乾元之廣運誠健行而不息炳二曜於中  
天煥五緯於周域環黃赤之二道占宿離之  
不忒應左旋於渾儀總憑樞於斗極則有義  
和乘御望舒秉輪或還周於匝歲或胥會於  
三旬成三至之長短定朏朏之相循爰有歲  
星東方協木規旋轉之一週輟踰紀而始復

御覽賦

卷一百一十五  
三

粵若熒惑司火主夏經寒暑之雨更乘南離  
以歷舍中爲鎮星土德重厚閱二十有八載  
或逆行而順受若金水之兩緯號太白與辰  
星秉秋冬之精氣實夾日而附行凡此三光  
號爲七政各分道而揚鑣自循候以揭柄雖  
躔次之不齊實正位而順令爰稽洪荒邃古  
當元朔之立春規營室之轂轸聚日月與星  
辰大者如合璧之映小者如聯珠之陳論者  
遂以爲此上瑞之一見蓋自帝顓頊之世歷  
數千載而無有匹其倫惟我

聖皇誕膺

天眷法巍巍以丕冒體蕩蕩以合撰修文德則奎  
壁爲之增輝廓武功則橈槍爲之息戰離明  
震繼瞻旭日之重光鼎調泰交煥卿月之碩  
彥夫且獄消貫索圜圖馴致空虛財出金雞  
府藏屢頒賚賞登老人於壽域南極光長拔  
處士於巖阿少微星晃總由萃箕畢以類輿  
情運攝提以安中夏五風十雨家慶盈寧之  
豐海晏河清戶樂歌絃之化是宜垂降格之  
天心昭福祿之多迓神符翕絕以駢臻靈貺

御覽賦

卷一百一十五  
四

宣昭而四射駟虞麟趾未足紀其禎祥甘露  
卿雲詎能盡其蘊藉蓋必極宇宙所希有之  
奇出古今不再見之事始足配唐虞而匹休  
婉軒黃而軼駕於時勾芒司令太簇協音蒼  
龍麗景賓雁來征凍冰悉皆消泮草木無不  
含萌迺開青陽居左个鸞路乘青旂播聚萬  
國以會冠裳輯五玉以受朝賀旋測璇圖載  
觀乾象仰陽德之方剛識陰儀之協兩景若  
木之昭華觀蟾光之炳朗貫經恒於諸垣散  
景瑞於天上則懸象之著明儼如尊卑定位

而震兌不易其方而衆緯之順列又恍若箕  
疇初演而相生各順其章躔度叶軌祥光吐  
芒誠有如五味之相調以劑於鼎鼐如五音  
之合奏以大其鏗鏘如五色之相輝以宣其  
錦繡如五事之互用以立其綱常斯其昭欽  
若之度表時幾之康爲

國家之景慶卜曆數之綿長有象可徵而見有  
書可察其詳豈若封禪之恣爲臆說天書之  
飾爲荒唐者哉是宜傳之於歌頌播之於金  
石

御覽賦

五

命學士以陳符

召太史以執冊使知

帝德旁敷於四遠

聖仁沾暨於九譯

太極運而元化總範於規模

皇極建而亭毒共順其恬適攬金鏡而彌凜危

微之旨調玉燭而徧沾仁壽之澤從此升恒

景慶益擴萬國之洪圖經緯昭明長衍億年

之寶曆

己卯科舉人揀選知縣臣林信恭進

康熙四十五年九月二十日

皇上北巡歸駐蹕密雲縣臣信恭以所爲日月浴

壁五星聯珠賦一冊并手書

御製詩集二函馳獻

行在是日宿王莊店離密雲十八里將以明晨

迎奏是晚忽大雨連夜廿一日有

旨暫駐行宮翌日又雨廿三日復雨途中水及

馬腹夜半

上傳旨修道詰朝將冒雨而發四鼓忽迴風雨止

晨起旭日朗耀明霞際天而西山諸峰稍有

獻賦策

積雪映徹若圖画辰刻

鑾駕啓行臣因道泥濘不可前進乃策騎返過牛

關山午刻天宇益澄霽

上於山北帳殿用膳未刻臣祇候於山南新除道

傍遙望

屬車將至旌旗甲仗黃氣如雲來臣俯伏道左

半里外忽有一騎從

御仗隊中迤運馳出至臣前問汝是何人進何物

臣對云臣是福建舉人林信進的是親手寫

的



御製集并自爲賦一冊騎者記姓名馳去回

旨而

上騎已至前矣遙問云你是福建舉人麼臣對云

是

上按轡回盼俞音褒許信仰瞻豹頭軍已到平身

起立騎者復飛馬來云頃有

旨與你一令箭著於三家店

行宮前進我是管乾清門尚大人也信遵

旨申刻抵

行宮前右廂侍衛班房內坐須臾隨

獻賦始末

二

駕翰林楊瑄蔡元查并查慎行錢名世汪灝蔣

廷錫至尚大人傳

旨云此是福建舉人林信所進的冊子著汝等看

過并帶去試他學問如何諸翰林隨將信帶

至查學士昇帳房中以

御集中野靜知民樂爲題命賦五言排律八韻時

已黃昏行幄中筆硯紙墨皆未具隨檢得一

摺子信伏地據鞍上起草諸公云恐宮漏下

便不敢啓奏幸成篇隨諸公至

行宮門是早

上於御座前得不知誰何片紙震怒欲根究此事

命

東宮於

行宮前左廂房中推問近侍皆悚慄屏息莫敢

奏及宮漏三刻

東宮復旨事少閒

天威稍霽諸翰林始回奏云頃考林信的诗好所

進寫的

御製集亦好

上隨遣內侍出問臣信你是福建那處人臣信對

獻賦始末

三

云是福州府候官縣人又問多少年紀了臣

信對云四十七歲了又問是那科中的臣

信對云是己卯科中的又問福建人朕認得

甚多如李如藍如林汝認得那個臣信對云

這皆

皇上重用的人作官在外久了所以皆認不得隨

問諸翰林汝等認得他麼諸翰林對云他是

福建名士臣都聞得他名查昇奏云他極善

楷書是學趙子昂一派的錢名世奏云他師

父是前翰林編修汪琬學問甚好古文極得

他傳授內侍一回奏

上喜云他替我寫的詩集煞乾淨留覽賦冊發與

掌院撥敘等再細看諸翰林因夜已深皆云

明晨回奏罷授掌院隨帶信至帳房歇宿次

早諸翰林復引至

行宮回

旨云賦好狠去得

內傳云賦冊交與南書房收好叫他回至京候

旨十月初十日

上在暢春園諭內務府監造員外郎張常壽舉人

獻賦始末

四

林信著在

武英殿辦事將朕的文集照詩集寫一部又諭翰

林院侍讀孫致彌再考他十二日入直廬謝

恩十三日早孫侍讀以氣逆乎其有成功二句

題考文一篇以

御製詩稼穡天工樂歲穰茂題考七律一首信文

就進呈孫侍讀回奏他詩文俱好

內傳云他比諸翰林何如孫侍讀奏云他的文與

諸翰林趕得上獨臣年老舉業荒疎還不及

他臣信伏思臣本海濱賤士以家貧親老冀

幸早沾

皇恩不意以荒鄙之文得塵

清覽荷蒙留直

內廷專理

御製文章其爲

榮寵真倍尋常謹誌始末以欣殊遇云爾

武英殿供奉臣林信謹記

獻賦始末

五

金石錄序

金石古文之有集錄也自宋歐陽公始也其裒聚之多則趙氏明誠稱最焉南渡後周益公朱文公皆據其所藏弁彙而敘之非惟以覽觀其文字蓋參稽史傳考論文物皆將有取焉固通人之所不廢也明代楊東里王弇州二公題語號詳確然所藏視歐趙之錄不及十一所謂陵谷變遷金石磨滅聚散之數亦其勢然爾予家君向爲令於秦秦多石刻家君旁搜而廣輯之得若干種積三十餘年共聚爲三百帙而海內之傳遺焉者寡矣家君歸田來閉戶閒居指斯帙示子孫曰吾宦囊盡在是矣然聚無不散不爲之記後之人亦安知吾集錄若斯之勤也於是家兄同人旣成爲漢隸考昭陵石刻考蘭話堂金石考諸書而予總錄其目爲二卷嗚呼今之人以金帛田宅多者爲豪耳法書古帖視之如長物贅餘而予一門中父子兄弟彼不之好而此之聚恐其見嗤於世而道之將窮也雖然家庭聚首談說詩書探藝事之精微考古今之得失如前宋明諸公所遇天倫之樂果能有勝於予之今日者乎苟未能有勝於予之今日則雖

見嗤於流俗之人亦安能以彼而易此也

宋李忠定公年譜序

宋之南也論者謂其失有三焉在宣和則謂其不宜先挑釁也在靖康則謂其不宜以城下盟也在建炎則謂其不宜以和議沮也吾獨以爲不然蓋宋惟一隴西公而不能用用而不能盡則固宜其事之敗壞決裂而終至於不可爲焉則已矣嘗竊跡其事而論之宣和時寇變未形公因大水陳言謂必有夸狄兵戎之禍即遭貶斥猶曰制治未亂昏愚之君不能省也及靖康之際強敵猝臨舉朝君臣望風思竄公以一介放逐之餘決議城守

樸學齋彙卷

三

挺然出身肩難國勢藉以少紓敵情賴以少怯能事頗已著見矣乃左右媒孽之徒牽制阻撓欽宗亦從而聽之旋用旋斥甚且欲縛以畀敵人必使公志不得伸而二聖不終於北狩不止此孰貽之感耶至於高宗亦宜少懲前事矣甫召公而相之僅七十五日而遽罷卒斥於外以死遂使宋室南渡不能復振嗚呼國家未嘗無緩急也所賴以弘濟者惟賢人耳然往往不能舉而先之於承平無事之日故倉卒有乏才之慮幸而有一人焉能以其身捍災禦患於呼吸存亡之秋此上天所憖遺

祖宗所降鑒也乃敵未靖而讒興功未成而賢退至破國亡身僅以殉一二闕茸與愼之小人甘心而不悔此自古衰亂之世莫不皆然而台於隴西公出處進退之始末尤不能不爲宋三宗三歎息也公昭武人其歿也葬於福州懷安桐口之大家山去會城四十里而遙歲久失祠祀有伐其隧道之石者予兄同人開而傷之康熙乙丑二月偕予與陳白巖先生徒步往拜於公之墓下榛莽摧殘傷心慘目會其事稍暴於有司幸不幸毀於是歸展公之集讀之家兄稍輯爲忠定公年譜二卷藏於家冀後有覽者知公一人係於宋室之安危如此讀其書尙想其爲人而況生公之鄉與守公之土者其忍不思所以女公之靈而保護愛惜之使公阨於生前復阨於身後也哉

樸學齋彙卷

四

壽臬憲汪公序

皇上御極之三十有二年春正月 上傳中旨特擢河南府知府江都汪公觀察八閩越明年春二月爲公誕生之辰於是公爲政於閩將及暮矣凡在公宇下者皆躋堂爲壽某公門下士也宜有詞爲一觴之侑乃再拜而昌言於衆曰我公固天子向所特簡爲侍從文學之臣也而今者擢憲吾閩爲一天子廉訪耳目其亦知所以不次用公之意與公所以結主之知也乎蓋國家之重詞臣也久矣其體貌甚崇其期待甚厚所以儲養賢俊爲異時綸閣之用至於久而選授遷除遂相襲爲故事而一代史才有缺然未舉者於是思得四方奇偉非常之士超常格而用之命廷臣薦所知召試太和殿下被其選者凡五十人公名在甲等特授清班而史事有託矣向入館選者簪筆荷橐自負從事於金匱石室中一切吏事民瘼例以職不得問故論者謂文學與政事異科不知前史所載富鄭公范文正公之流皆以侍從左右之臣數歷中外周諮世故建功名於無窮而聲施至今我皇上思得若范若富之臣而大用之而難其人一旦

樓學齋叢書

卷五

五

於旁求宵旰中而獨得公自公一出而公之重於詞臣與詞臣之重有公二者遂相得益彰矣是故冊海外重選也 天子曰惟公行守河南重任也天子曰惟公使今者八閩司憲又於公屬意焉公何以得此哉蓋嘗論之學術者其體而文章政事其用也未有體立而用不彰公天才曠軼問學邃深經綸大計早定於草茅抱膝之中故隨試輒應如萬斛泉流行地中挹注不窮嗚呼此豈人之所可及也哉雖然天之生才實難有才而獲遇爲尤難若公之文章在館閣風采表四夸惠澤周民社稷慎孚庶尹倘非 聖天子特拔而簡用之俾歷試諸艱亦何以見夫奇偉非常之才之不可以一格拘而向之稱侍從文學僅以優游養望號爲雅度者其相去爲何如也 某向嘗受業於堯峰先生門下先生於公爲同姓稱文章伯仲又同入史館爲同官先生嘗語某曰吾始欲以功名自奮未究其施晚於文章之職稍獲售而已晚廓吾志者其在江都乎某聞斯言熟焉而今乃復得請業於公夫而後知經營四方之槩凡有經術者類然顧遇合有時求欲如公屢膺特達之眷顧不十餘年

樓學齋叢書

卷六

六

而致身通顯大展其才猷則今日之遭逢豈不偉哉而某特著公出入侍從始末以申燕賀之情亦以誌明良之遇千載一時云爾

樸學齋彙卷

七

壽方伯汪公序

吾師江都汪公以詞林出使海外嘗取道閩中及晉臬由臬陟藩又皆在閩豈天特生公爲此邦造福耶公蒞政於閩於今四年門牆高峻不輕進一士獨以文行禮其部諸生林佶嘗召致門下受業焉佶不敢非時請見每於歲始及公誕辰進趨於庭奉手握衣不能無言而頌祝之詞非公所樂聞也請即以閩事妄言之而公妄聽之可乎閩自五代前荒遠無稽於唐惟宰相常公衮觀察茲州宦蹟最著然其可見者惟禮致歐陽詹一事宋閩風稱盛宦閩者衆惟蔡端明爲福州轉運使興水利禁游惰延則希孟禮陳烈陳襄數事特聞竊怪常公相業無大表見其治閩政績非韓文公牽連及之不能以傳端明於政事實所長而好談文章以自掩其僅見者如此而已豈賢人君子立言則易而措施則難歟抑經濟之學隨時爲用譬之春風和雨涵濡扇物而人不及見之歟將紀載之書先其大者而小小興革固不足以盡之與抑禮賢敬士其風果足以及遠與今之時與古異矣如詹如希孟者不數見從政之大夫果何所致其區區與

樸學齋彙卷

八

夫自唐而宋而元明吏茲土者不可指屈計其能繼常蔡二公聲績者已少矣豈其功止施於一時而不能必垂於後與抑時勢迴殊見以爲可爲而實有不得爲不及爲者與抑文章之道可以行遠其不盡傳者因無所托而遂無傳與信著其疑久矣及侍於公而渙然釋也人患不自立不患無所成學患不通方不患無濟物公讀書不依傍前人而能自名世立身務謹持大德而馴致顯融處乎波濤之中置乎盤錯之內而神定氣閒丰采愈著知公他日立朝堂措置置天下大事易耳且以公

樸學齋彙卷

涖閩之久聞被公澤之深即前此明刑弼教時其施設已足與常蔡二公竝矧自今以始宣政布化將施其功德於無窮也耶顧信不肖不能如詹如希孟足以當公之知然志竊慕乎古人亦欲公之跨越振拔於百世之上垂功名而耀史冊也昔歐陽公不言文章而喜談政事蔡端明不言政事而喜論文章二公不欲矜所長故各談其所短今公實兼一者之長且將相對忘言矣而信猶嘵嘵焉欲公安聽之其可幾乎願公一笑而置焉可也

稼堂潘先生壽序代

予與稼堂先生同己未召試同入詞林而先生於同館五十人中年最少方以高才博洽上爲朝廷所寵異次爲同館諸公所矜式當是時先生之意氣甚盛予於先生亦若葭琯之相應壘篴之和而車軫之相爲後先蓋匪獨性情之孚亦以遭逢隆盛右文之世纂禮序樂製爲文章詞臣之榮施固千載一時者也未幾先生班日講朝夕記注於承明之廬屢承恩眷壬戌會闈分試獲士十二皆一時選有知人之目聲望益大重然先生爲人果於自信好行其直是是非非無所回撓而忌者滋多予斯時方蒙天子特簡捧金冊出使海外進秩賜衣恩禮備至踰暮復命還直史局而先生遽被讒投劾歸矣方予之奉使也出入魚龍變幻之鄉備歷風濤波浪之恐竊意履險蹈難至斯爲極不意詞苑風波亦復如是念之悚然也先生既去予以讀禮言歸思從此投閒與先生汗漫作五岳游此志迄不得遂再返木天旋亦一麾出守矣勞吏風塵與知交久相疎濶近者復蒙天子簡畀司臬閩南而先生爲武夷九經之遊不期而會

樸學齋彙卷

予於此予與之敘累年離合之蹤翹螭頭簪筆之事意先生若有不釋然者而先生絕無幾微見於顏色示我鴻爪一集自天台鴈蕩以及羅浮諸勝無不探其幽遐挾其靈祕有揮斥八極凌厲萬古之曾懷而文章瑰麗又足以發之噫嘻先生之德量又何其越人遠甚乎予觀古來遷謫之士如退之樂天東坡皆能即其境遇狀其山川官愈左而文愈奇然鬱勃不平之氣亦往往見於其間蓋其於游非必其心之所樂而安於是者特以羈留其地而姑借山川以消其塊結而已若先生所處既

樸學齋彙卷

卷一

十一

之年之方艾者乎適先生閩中之門下士爲先生進壽觴命予先以文予特序先生廿年來出處之大略如此以爲先生之年尚未可爲壽而先生之爲人則足以壽也已矣

樸學齋彙卷

卷一

十二



壽雲南總督李公序

國家誕麟天令茲逢區夏先岳之氣上符休運一時從龍之彥雲蒸霞蔚皆遠左之望閩也當是時卞氏之功名稱尤盛而公以翩翩公子從王師入關即以練達世務特聞交典守郡牧晉秩臺省德政施於江淮之間遂偉然負公輔之望矣逮我皇上親政獨攬乾綱經營四方於大臣中特簡有威望才略者委以總督之權以彈壓直省而滇黔爲重任蓋洱海甫麗版宇藩臣旋萌尾掉欲寢淮南之謀者非公不可也公受命之日馳驅入境布

樸學齋彙卷

恩信於蠻獠詰訓練於戎兵嚴重有體士民協和而逆臣亦遂帖耳就命無生奸心成效甫著朝廷方倚公爲重公旋以病告且以引年上請矣上知公之勞神憊形以綢繆於此土也不得已聽公去公歸未三年而黔滇之難遂作賴天子神武因就蕩平成救寧之功向使非公保釐於前則滇變必亟變亟而備疎其患有不可勝言者故論者稱公有徙薪曲突之功爲社稷神靈之所眷佑也詎不信哉方滇事殷時上知公諳方略欲強起公贊畫車務公固孫謝而密規勝算於聚米借箸

樸學齋彙卷

之時訖奏膚功昇則滇方未亂之前公有弭亂術人所及知滇方既平之後公有運籌決策勞人或不知之也公自滇歸於今幾廿餘年公之壽已躋八十有三矣精神強固耳目聰明嘯咏自適於樽酒泉石間天下望之以爲神仙中人不可梯接皇上優崇耆舊不欲勞以職燕閒召見賜坐賜宴於瀛臺春苑間雍容杖几乞言論道歡然如家人父子自古人臣遭遇未有如公之隆者人知聖眷之殷而不知公自靖之忠忱其相孚於一德者蓋甚深而且久也公有男子五人其長君即閩撫軍中丞令之先生功名位望繼公而起次君季君皆以名進士起家爲郡守方岳其孫曾若干人玉森而蘭茁皆將顯庸於時人生福履之隆亦未有如公者公果何以得此哉予聞之功在社稷而澤流民生者天必錫之以期頤之年予之以熾昌之福詩歌天保書稱平格者是也然自古大臣奉公憂國進易而退難有願乞身於彊健而不可得者矣公獨能全功名於晚節享福祿於無疆出處進退之際綽然有餘裕焉豈不誠大丈夫也哉中丞公之在閩也每舉公治滇之政以勗諸庶寮均而布

之政和而民淑於是皆歸美於公將致頌焉以予  
爲習於公也者命先以言夫景星慶雲靈芝瑞草  
盛世之所謂祥也史猶後談之而況於大人長德  
爲黃髮爲壽考者乎然則公今日之爲壽固非僅  
一人一家之慶已也遂因諸大夫之請以獻於中  
丞公以壽於公公其舉一觴否乎

樸學齋集卷

第三

十五

重建閱武堂碑記并銘代

閩東南重鎮也山谷深阻江海渺茫易爲姦宄窟  
穴今天子神武聲靈赫濯向之孽芽者一舉而  
蕩平之列城置戍基布星羅可爲萬世永賴矣復  
特簡大臣一人建牙開府統制八郡兼轄兩浙於  
福州駐治何其綢繆之至也予不才忝被茲任下  
車之後每春秋蒐獮較閱軍實甲士十萬鐵騎千  
羣桓桓乎誠長城之寄哉惟是福州有南教塲周  
袤僅四五里地勢卑墊堂宇傾圯且其旁隙地侵  
爲民廬形勝愈偏無以騁步伐止齊之長壯車騎  
旌幢之色爲東南帥閫之望也於是亟謀於撫軍  
卞公及諸有司將廓而新之僉以爲然爲捐俸貲  
爰召徒作拓其外疆而阜其臺址共爲屋若干楹  
凡閱武之堂休燕之室庖廚牧圉之所無不堅完  
弘敞與左旗右鼓帶礪江山相爲照耀堂成之日  
將大合軍士椎牛醢酒以落之而予又蒙簡命  
督漕於淮將行矣予惟今日宇內承平窮徼絕島  
梯山航海咸輸貢職聲教所及遠邁百王然而長  
楊校獵上苑射生聖天子猶不以廣廈細旃  
忘風塵鞍馬之勞蓋安則慮危文不廢武此千古

樸學齋集卷

四

九

帝王經世之弘猷也予膺東南節鉞之寄保障一方又得撫軍卞公寅恭協同贊勦邳理敢不奮威武振刷軍戎以紓南顧之憂也耶故於茲堂之成伐石紀銘以告後之開府茲地者同履苞桑之慮焉銘曰

屹屹閩越東南重地包山絡海形勢完萃比壤浙川如指綴臂葉芽易生苞桑宜備爰立制府統臨轄治剖符千員帶甲萬騎震疊聲靈掃除醜類受命之日下車攬轡相此閩疆民安生遂文教誕敷武事宜誌顧臨郊垌軍屯之次卑隘傾頽不稱瞻

樓學齋臺卷

視乃咨大僚共襄厥事清俸捐飲經始孔亟鳩工庀材來者忘勤作堂厚基建牙正位翼翼義義遂弘廣庇以康南服用戢越志凡此區畫仰承德意安不忘危偉哉斯義我既作堂伐石勒記後之來者勿忘所自

游水尾巖記

石牌寺在過山中盤互如盞其溝涂巖壑之水循山南行而入於溪石巖當瀉入之處懸流數尺雨後聲尤殷動凡道此者如雷音之布於足下而不知夫流之奔騰激宕以出也予讀書寺中去此一牛鳴地以浴佛之旦乘興遊焉童子導於前紆徐於篁樾叢薄之間凡數百武從小松鳥道而入谷中蒙翳前履後履不得前因納屨從賤沫中飛渡兩石夾立可容五六人布席冰從石罅崩下三折而匯爲小潭使剪闢而葺之亦山中之勝槩也噫

樓學齋臺卷

吾郡北山琳宮梵刹亡慮三十餘區其爲勝也多矣而石牌以宋黃勉齋先生墓道獨得名華峰寺額又朱文公之筆存焉先輩曹石倉謝武林諸公數歌咏於此蓋事之可傳者固必藉夫人而後能久也不然溪局澗戶險怪崛奇什伯於此者豈少哉同遊者爲予甥治溥寺主僧則予族叔達明也

上御史某公書

自閣下補中書幾五載某不敢以尺一通候今擢西臺膺天子耳目之寄爲四方所瞻望某又安敢以寒暄不亟之語瀆尊聽哉唯是閣下抱不世之才行道好古慨然思立不朽於天下某曩窺閣下之志固將待時而後駕也今其時可矣然則紆廟謨定國是固必有出於尋常萬萬者宜乎人士引領而顙跂也然天下之事有綱有目未易毛舉以愚生無識讀書之暇盱衡當世之務最大而且急者莫如備西北之邊賑三秦之饑此患之易見者

樸學齋彙卷

當宁旣已側席而籌羣工旣已竭慮而陳消弭之方將見不遠矣其有一二事視之若不切而實須豫謀者如風俗之媿也人才之衰也此無形之患隱而未見自非深計者亦未識其所以然也某不敢遠引請即闕以爲喻閩地休兵革於今十餘年矣頗無水旱疾疫之災父子骨肉聚廬相保此天賜也然而風俗日益以靡閭閻日益以空爲士而知修身潔己者十不得一焉爲農而知安分守法者百不得一焉以省會一隅之地游手之徒不啻數千計而山谷之中賊虐鬪狠相屠殺如羊豕親

樸學齋彙卷

戚兄弟各不相顧甚者逞而爲盜今爰書之上於司寇者歲不啻百十人計其隱匿不聞與雖聞而即報罷者尚不知其幾設不幸而遇天時水旱之灾如三秦當何以策之由此而推則凡東南之區嶺海之間悖法梗化者殆爲不少矣夫有一鄉之善士則其化可以行於一鄉亦何至若是之紛紛也今之郡國守令惟催科緝盜二者爲兢兢耳風俗人才非其所亟即督學之官教導之職與夫頒講六諭之條率爲具文歲取生童數十員皆所用非所養所養非所用甚者捐納倒起人且視詩書爲贅旒以苞苴爲榮身之具財貨相高兼并愈起欲望民之興行成風俗之美也豈可得乎正本清源之術旣迂遠而不得施則姑從其偏以爲補救之法及今可施行也可不講乎嘗讀楓山章先生語錄謂宋元學校之外又有書院之設書院則無利祿之誘凡有志之士皆聽其就學有田以供給之延名師碩儒爲山長以主教之故出其中多有好人才諸老先生有不就仕而反就山長之聘樂爲之開講者今日朝廷須是復立書院庶幾作養得些人才出愚嘗反覆之竊疑其說謂誠今日之

急務也蓋書院無定址隨處皆可設立其事不關於有司無拘牽虛文之擾但須當事任者一爲倡率或歸田之老一二人主之擇德望者爲其鄉學師勸殷實者捐其貲爲學費晨夕講究明呂氏鄉約之規其秀良有志於學者法程氏進學工程之課父子相誠兄弟相規庶幾風俗少變而人才亦因之有興者矣近義倉積穀直省通行倘以其事隸於書院稽其斂散以爲備荒賑饑之資又誠策之善者其條目雖未暇細詳有其舉之當不患其無具也朝廷於興學崇文事事有加而獨此未行

樸學齋彙卷

卷二

五

非教治之本也昔天順間漳郡布衣陳剩夫上書闕下欲興正學識者不以爲譏其與閣下道義相與以區區管見陳讀左右夫豈涉出位之嫌哉倘閣下以爲然舉而獻之則斯世必有與被其休者名聲播於無窮德澤垂於奕世芻蕘之得寧不足爲高深之一助乎如以爲迂即閣下有不當言不得言者正多矣舍其大而舉其末尤非閣下所以自處也某海陬賤士荒學無狀年來過不自量購求儒先集錄毋慮數千卷幾復鰲峰徐氏之舊而家亦緣是愈貧荔水庄池半屬他姓家兄倚陋荒

藪托鉢西陲將一年矣至今未歸白首雙親奉養無策區區近况無足爲故人道者惟是讀書之志困而不衰更望閣下建功名於當世補袞之餘留心文獻收拾選輯俾成一書如有元赫御史伯修所著文類以續文粹文鑑之傳用昭聖代人文之盛非閣下之任而誰耶某竊有志樂觀厥成近有述作直陳鄙懷閣下倘賜覽觀當必有矜其志而發其愚者無任悚仄瞻仰之至月日某再拜

樸學齋彙卷

卷二

五

上李中孚先生書

閩中晚學林佶再拜致書二曲先生門下當今世運昌明名儒材立然道高望重無逾先生者凡四方有志之士孰不欲登先生之門牆而思沐其至教况佶曩生於秦而家君嘗爲令於三原六載當今上改元之初正先生開門授徒倡明正學之日耶顧以蒙穉不及與聞教澤嗣後稍長閩遭逆變佶且廢學然趨侍庭闈嘗聞家父稱說先生道德而愧於當時羈於吏事不能擁帚奉迎又以相隔萬里不及遣子弟侍從即佶有志亦不敢離八十

樓學齋彙卷

卷五

主

之老親而從師於萬里之外然慕望之心固未嘗一日去諸懷也頻年嘗出遊吳越得及於汪堯峰先生之門頗與聞夫因文見道之旨但嬰歷世網隱微深痼之病未易卒拔去歲從李立之兄借讀先生四書反身錄豁然醒發知先生學術皆從躬行實踐中來平易精切因歎夫橫渠宗風未墜於地而道南一脈陵夷有不可言者豈非今日無人紹述以至此耶佶志陋氣昏度無能自進於此但以當吾世有如此之大賢加以三十五年慕望愛悅不自達於左右邀其一言佩爲終身之符是果

於自棄亦非敢謂後此必有立也冀或不至於墜汨他年稍有發明見於語言文字上之足以闡正學次之足以明己志則雖未從於耳提面命之列獨非先生樂育之心之所欲亟爲引掖者乎路遠致書爲難茲因羽便附訊道履稍通問業之誠拙刻一帙俚鄙不文然區區之志略具於是并用求正倘賜觀覽勿吝惠教不勝景仰瞻望之至

附李先生復札

樓學齋彙卷

卷五

主

衰病積年閑闕養疴忽兒輩自門隙中遞一兩展閱知爲門下之貽閱未終幅喜溢於心更讀大章賦記古風諸刻文貫乎道且欣且羨忽不覺呻吟之去體也方今士汨帖括制舉之習且不暇及賈揚韓柳之業孰有以周程張朱遺緒是究是圖者門下獨毅然有紹明正學仔肩斯道之思可不謂空谷足音絕無而僅有耶此正不肖顓生平之所願得爲友而在今茲尤殷殷者獨恨天各一方地里阻闊無由一握手豁胸中積疑耳然道誼自在天壤苟得末路不息期以盡性至命爲歸而不徒以語言文字結裏其終身則雖四海同心萬里一堂初不間閩秦也長途寄言筆舌莫罄衷曲惟祝

門下尊聞行知紹堯峰令師衣鉢之傳而續紫陽先生之遺風於不墜重爲閩中山海增輝而已顯老且病此生會晤恐不可知敝門人王心敬爾緝鄆縣人志操士也關學之傳當在斯人門下友善天下如斯人者可與究極理要者也伏枕言不盡意希以意諒倘逢便風無吝德音臨池瞻馳

樸學齋彙卷

王

答蕭宗人又偁書

僕亦蕭宗也元末先世居三山於今三百餘年與蕭宗久相間閤矣然吾宗之賢者僕未嘗不心焉數之且願師之友之也况令祖先生與家君同受知於揭陽郭文宗之門而足下父子承家學負文章物望錚錚然號爲蕭中領袖者乎隔於雲山未得先通鄙意顧荷承函教錫以麗詞且褒獎過情瑛槭捧讀無異爰居之駭鼓鐘也雖然足下之知僕也由徐虹亭先生虹亭實知僕然不若僕之自知也有素僕少而芻蕘長而暴棄今幾幾將入見惡之年矣無能發憤激昂以有聞於世稍有識者莫不易而侮之而足下稱許之過當此僕之所懼也然當今風雅衰微不意數百里內有如足下者虛懷而樂道人之善又僕之所喜也雖然足下既有志於古之學矣古人之學淵源流派大綱密緒明明具在以足下之才學何難坐進乃來教似沾沾於填詞一道僕未盡窺足下詞不敢爲說即他時得盡讀之僕本未解亦必不敢爲足下強解也古之工詞者未暇論近世宜興之陳其年嘉興之朱錫鬯號爲宗工虹亭與之頡頏數君子皆以博

學宏詞科登詞林然原其入門之學未必以詞見也足下既登徐先生之門亦嘗聞徐先生之言乎其謂菊莊集爲少作已棄不復爲將返而肆力於古之文章矣若堯峰先生則從未拈一詞何損於大家是以僕不願足下專工於詞也且僕之說更有進詞之道比聲絜韻銖黍分判不容走作吾鄉之土音萬萬不能調停而叶於音律即命意極工選詞極雋間有一字之牴牾不免識者彈射僕非固以悠謬之見輕量足下然僕於是乎有罪矣交淺而言深識卑而語直足下雖長者亦安庸此狂妄之人爲但朋友之道直諒爲先未知足下待僕何如僕不敢不以古人待足下也虹亭真今之古人僕知其取友必非今人矣莆陽山水明秀又爲吾先世水源本本之鄉素欲往遊顧僕方侍親未遑他適不知何時能與足下相見敘兄弟之好展愛慕之私然自此遂與足下定交矣行人歸急未盡悃忱附呈拙刻就正大方庶幾悉僕之爲人或少逭其狂瞽之愚於萬一也

樓學齋彙卷

卷五

七

慶州老人傳

慶州老人武平字者不知其真氏名年七十餘矣康熙戊午後來福州寓居予西園東偏嘗步臨池上從予兄弟游爲予誦尚書禹貢甚熟予異而問之自言弱冠爲慶陽諸生任俠好酒嘗因醉殺所愛妓因亡命爲賊時天啓六七年也又言閩獻皆後起閩獻盛時已革心歸明弘光後隸興平伯高傑軍中腰玉矣本朝兵南下遂遁跡入河南入粵其門下人從新朝往往有至藩臬都帥者語未竟泣數行下自是數來予書室輒縑吳祭酒梅邨所著綏寇紀略案其語日月不失尺寸如孫督師傳庭出關敗師狀及四鎮爭揚州時事所語尤詳其狀貌不踰中人平居恂恂不妄發一語不知其爲武人者遇有所感觸輒奮袖起舞意氣激昂顧影自詡謂嬰鏢尚可一用燈地話寂則兩淚龍鍾問之復不肯自道也丁卯冬將送其女於汀州與予兄弟來道別形容枯槁云此行與君將永訣矣平生一腔熱血今灰心矣言畢涕下不可止予愈悲之亟挽問其姓名堅不肯應曰吾子尚不知君勿復問也明年果卒於汀其別時予兄爲詩贈之

樓學齋彙卷

卷五

七



而予特追爲之傳云

論曰予嘗讀宋潛溪所爲謝臯羽傳近更慟哭西臺至今有餘悲也雖然臯羽文士耳其志行宜如此卓卓若老人者失身爲賊乃能翻然守死而亡之後迹跡嶺海遇談勝國事煩促涕洟此豈有所強而然耶至并不肯以氏名畱人間其志則愈可哀矣予又嘗從容問其易代後迹迹如君輩者幾人則云癸丑甲寅間尚存百餘人今垂盡耳惜乎其皆毋從考而傳之矣

樸學齋彙卷

卷之三

元

名宦戶部右侍郎櫟園周公傳

康熙三十有五年夏四月閏八郡士大夫詣當事諸有司請崇祀故戶部右侍郎櫟園周公於郡學宮之名宦祠僉報可以七月二十五日奉主行事蓋距公涖閩時已四十有九年距公歿亦二十五年矣適公子在浚遊閩謂茲舉於國典家乘均有光宜大書以傳於後且屬佶文之佶生晚不及見公又愧學淺名微何足以傳公於不朽固辭不獲乃以嚮所聞諸父老者摭拾公全閩之大略務質核俾傳名宦者采焉公諱亮工字元亮先世有仕江西者因家金谿後遷江寧其自江寧再遷河南則自公大父始也故公遂爲祥符人以先世之常居櫟下也自號爲櫟園公爲人警敏負奇氣於古今之書無不讀於遠近知名之士無不交自爲諸生聲譽已著及舉崇禎庚辰進士授濰縣令堅城守殺賊才望益大重擢監察御史方入都而逆闖陷京師明亡公遂歸江寧養親不復有宦情矣順治二年王師南下特徵君以原官招撫兩淮尋授兩淮鹽運使改鹽法道三年擢布政司叅政淮揚海防兵備道政績皆可書四年陞福建按察使

樸學齋彙卷

卷之三

三

六年以按察使署理兵備海防督學三道事冬入  
觀轉福建右布政使七年還閩以右布政使署建  
南道事八年署左布政使事九年署漳南道十年  
署興南道陞左布政使公前後在閩凡八年所歷  
監司任殆徧皆從草昧荆棘中以扶士氣拯民瘼  
爲已任故功德之在人者深其初蒞按察也未入  
境而民亂公從杉關入據光澤城守破土寇李鳳  
毛念邵郡去會城數百里又東與建寧鄰倘閩上  
游不靖則頑民叛將勢相連合將與江右南昌應  
患大未可圖也乃即邵郡治蒞事率家人戍兵百

樸學齋叢書

卷一百一十五

三

餘備戰守以計誅叛將熊再法秦登虎等三千人  
凡在郡經理七閩月閩西境以安而福州自戊子  
兵荒流莠載道羣盜滿山公爬梳噢咻逐假令鉏  
豪強撫逃亡閩民始依公爲命大寮位公上者亦  
不得不倚公如左右手故委公署道員者七公靖  
大亂者六如永安之招曾省也建寧之馘陳和尚  
也延平之勦吳賽娘邵武之縛耿虎也而守清漳  
保泉州活十四寨功最鉅公功益顯忌公者亦益  
多十年上擢公爲都察院左副都御史即疏言  
閩事首論除降寇鄭芝龍又陳用兵機宜六事

世祖皇帝深嘉納而公禍基此矣尋陞戶部總督  
錢法右侍郎先是芝龍旣降其子成功猶據廈門  
屠漳州刺殺總督日以降愚我冀緩援兵朝廷  
亦羈縻芝龍以南安伯奉朝請公之以中丞入也  
極陳其逆狀世祖密下公疏於部遂執芝龍下  
獄芝龍知公發其事乃大恨揮金謀報公適督閩  
者方修怨憾公一二巨帥向與公齟齬者爭相媒  
孽飛章上告公遂聽勘再入閩當是時爲公訟冤  
者衆人情洶洶適成功以舟師數萬突至逗趨福  
州倉卒城守無備勢在呼吸巡撫宜公永貴知公  
爲人心所屬又長於殺賊乃便宜出公藉公率士  
民分守時賊焚掠四郊火光照耀城中且數日屢  
攻城不克乃尅期厲至急攻西南隅鉦鼓聲殷地  
公坐射烏樓盡以平日所善諸文士爲部曲指揮  
守禦復親發大砲擊賊殲其渠帥是日微公城幾  
陷賊更大治攻具乘雨夜潛師肉薄登公百方禦  
之士民皆踴躍殺賊無算賊知爲公也氣奪遁去  
巡撫乃疏公全城功舉朝爲動色然向獄終未解  
也及按察程公之璫至乃亟別公冤狀上請有  
旨并逮訊所牽引及千人閩民罷市號冤不可得

樸學齋叢書

卷一百一十五

三

焚香祝送出關千里不絕久之 廷訊事漸白會  
世祖賓天 今上即位推原 先帝意出公而芝  
龍遂論決矣已錄守閩功補公僉事青州海防道  
再遷江南江安督糧道未幾投劾歸遂歿公好讀  
書善爲文章雖干陬閭未嘗一日廢吟咏其獎  
引後進如不及博物好古其天性也惜乎已試輒  
蹶於平日抱負十未能展二三然其治閩之久功  
德昭然人知其功在於守城殺賊而不知其中朝  
殺賊之功爲尤大此真無愧於開國之名臣宜乎  
閩民愈久而思不忘也公所著書百餘卷晚年盡  
焚之其前行世者不可得而掩也

樸學齋彙卷

題詞

文學恒若汪君傳

君諱守衷字以言吾師悔齋公之長子也師以言  
語文章妙天下所交遊皆當世豪雋所議論皆古  
詩書六藝之遺故君之學得之庭訓者多君初學  
文從塾儒指不敢馳驟師謂之曰何跼蹐轅下乃  
爾因繙案上治安策繇分縷解反覆開導君曠然  
有會次日構二藝以進洋洋麗麗風格頓異觀者  
無不歎君之奇師亦深許之後師舉博學鴻儒官  
詞林君因侍遊京師就補太學生日從名卿巨公  
所學益進而詩尤工其古體所著紀將軍歌候閑  
行過朝市米灘食新粟諸作尤爲人傳誦謂無愧  
吾師之家學也師旣遭知遇位望日顯一守於洛  
再陟藩臬於閩皆有王事之勤一切家事遂委君  
董督君念三子且成立諸弟學術皆蔚起遂謝應  
舉業凡碎細勞苦咸以身任友愛諸弟無所間至  
於周人之急謀人之事慮無不得其意而後快親  
疎戚友皆以克家目之師嘗稱曰培養元氣賴有  
斯兒乃年四十二而遽歿彌留之際猶惓惓以不  
得侍親一訣爲憾是以識與不識無不感傷君善  
摹米海嶽書及他翰墨事有得輒棄去曰妙處止

樸學齋彙卷

題詞

此耳於性命何補向善病尋究心服氣之學已又不復爲師戒之謂一藝足不朽不恒奚可也因改字曰恒若君遂佩之終身云君貌豐偉生而端重如成人謹愿孝友其天性也惜年不永未彰厥施故師哭之慟而又恐其無傳也命佶文其略佶晚托師門於師諸公子慕好之深而皆未皇相見執意君之逝而不返乎然吾師所述君生平之大端如此已可傳矣夫子之稱閔子騫也曰人不問於其父母昆弟之言嗚呼使佶而能言亦安敢而有加也君三子可均儀真學歲貢生端木學生聲域

樸學齋彙卷

卷之三

三

儀真縣附學生孫二淑問召屏皆幼母爲戴夫人父則吾師今福建布政使學者所稱爲悔齋先生者也

陳烈婦傳

烈婦李姓父楚人從軍家閩既老貧困鬻女於洪塘林氏林故宦宅憐烈婦慧而少養爲己女稍長容色端好衆莫不賢之先是林有女婚於陳無子歿至是林以烈婦歸焉年二十矣陳素患羸與烈婦處五年僅生一女有姑嘗病刲股進不能活夫病亦如之家人莫知也夫垂歿語烈婦曰吾病度不能生所念者汝而已將若何烈婦泣曰夫何言亦惟有死而已夫領之及夫沒棺斂醫藥諸費負逋數十金又有幼女在度未可即死乃日夜勤女工取充饘粥以其餘償諸貸家又念父老無人養乃迎父於家父病歿爲喪葬皆從十指辦之不以累夫家也幼女得痼疾久之卒不愈時已逾祥烈婦欲殉之或勸之曰若夫未葬堂中柩數世塵封即若死骸骨當何時歸土也烈婦艱苦彌厲久之銖累黍積得廿餘金始辦身後事遂以四月二十五日治棺廿八日卜穴五月三日卜葬布告諸戚屬會送者咸集烈婦治酒食如平時夜既寂乃沐浴更衣謂其妯娌曰妾死期近特來相別執茲嗣孤更以爲託邵姑應曰諾烈婦出堂見家人皆熱

樸學齋彙卷

卷之三

三

寢帷燈焚然拈一香對夫靈前叩首徐曰時可  
乎步入房前小廳家人覺有聲起視竟縊絕矣時  
年三十康熙之三十三年五月三日子時也周身  
衣袂皆豫嚴辦家人因舉而納諸棺即日與其夫  
陳及前婦林氏合葬於西郊之洪塘山郡中聞者  
或拜於墓或弔於家無不歎息泣下

論曰嗚呼婦人死節難矣況能支撐窮困心瘁手  
痛襄夫之葬償夫之負而不食其言於數載之後  
卒以身殉者乎吾鄉近多節烈風如烈婦之爲者  
有幾耶況其出於妾媵者流耶然則世之號爲丈

樸學齋叢卷

卷五

夫有愧於烈婦者多矣

林安人傳代

安人林姓明桂林州知州天柱公之女而工部主  
事處安黃先生之配也先生貌奇偉負文武才壯  
年雅欲以功名自奮人亦以同甫稼軒目之林公  
素重先生因以女歸先生自以旣仕明不慕榮進  
好徜徉山水間因遷於劔之永安及南平獨行其  
志不以戚戚爲累安人亦以義命自安相敬如賓  
先生善爲文又旁通六書學每寸紙尺牘爲世珍  
重戶外問字者屢滿安人脫簪珥治酒脯以肅客  
無倦容時或不給從旁舍借貸不使先生知也以

樸學齋叢卷

卷五

故先生得專心於著述蓋安人內助之力居多晚  
年子姓繁衍備盡孝養迎先生歸於井上舊廬稍  
自適安人數曰久願以牛衣終矣今粗安集從君  
予以偕老無飄搖播遷之患復何求哉待諸子恩  
愛如一嘗曰汝父以和敬名其堂子孫所宜世世  
佩之也卒之日無疾而逝年七十六人以爲安人  
修德之報予嘗覽觀前史所載高人逸士身隱之  
非難而能刑於妻子甘心肥遯使室無交謫之聲  
入有自得之色如梁鴻朱百年劉凝之者代不能  
數人豈非衡門泌水棲遲樂飢未易結同心之侶

諧借隱之願哉今觀安人所以相先生者如此誠能行古人之所難足以媲德於先生而無媿者矣晚近文士好以文字諛揚人鋪張失實先生曩寓吳門予數過虎丘與先生晨夕論文先生實深病文風之不可挽故予傳安人一切膚詞瑣語不敢綴述而獨舉與先生偕隱之大者謂可以傳亦先生之志也然予有甚媿者以先生豪邁之雄姿上下古今之卓識所志不就慷慨猶存予行天下所見名人畸士多矣未有如先生者惜乎徒以文字掩而用不足以竟其才譽不足以彰其德予又不

樸學齋彙卷

卷一

手

能采其軼事而傳之千百年後誰定先生者於述

安人之行不禁輟簡慨然也

葉一山墓誌銘代

吾鄉有隱德君子曰一山葉先生文未酬於世祿弗逮其身獨其嘉言嫩行可以式嬀而敦薄者復且無述以傳於後是善人而終無所託也况吾祖母出於葉而先生又予諸外父行也自予少時游從外家即知敬仰先生及今五十餘年游宦四方未之或忘乃先生沒而不及與於含哀哭泣之列葬而得以銘詞爲先生傳不朽是予之願也其敢謝貧颺等之請而以不文辭按狀先生諱瑛字子尚號一山父諱履春世所稱素菴先生者也由

樸學齋彙卷

卷二

手

素菴而上爲在吾公在吾公之父曰屏公即予之外高祖也皆世有隱德至素菴公尤以明習三禮褒衣博帶爲學者師從游子弟歲嘗數十百人師道廢久矣素菴公以古道自處諸從游者皆恂恂守矩矱人望而知爲公之弟子其聞於時者亦莫不知爲公之所指授也先生幼旣濡染於素菴公之教質又穎敏日記數千言於六經子史以及唐宋諸大家無不精研背誦發爲制藝淹洽融貫素菴公門下多知名士一當先生皆自以爲不及也弱冠受知於學使半載何公日未中先生試卷

立就何公異之復面試兩藝先生伸紙疾書皆萃  
經史之粹以成文何公彌歎賞拔第一補弟子員  
繼督學政者爲諤齋吳公正夫郭公皆雅負人倫  
望至校試第甲乙終不能舍先生而他屬也先生  
既負文名凡觀風茲土者亦皆以得先生爲重先  
生方且謂科名可企足致矣凡屢困於場屋戊子  
始循資貢於學官時 本朝初定制其以貢入仕  
者上可得郡推次亦可守一縣而先生以侍親不  
忍去膝下其後終素菴公養亦竟不肯出也人莫  
不以先生爲難初先生入貴時署學政爲櫟園周

櫟園學齋彙卷

題詞

四

公雅重先生文後數年周公內遷去督閩者與周  
公忤推閩事論劾所牽引千人詞連先生當逮訊  
刑部溽暑中緹騎手銀鐐趣行見者泣下先生神  
氣自若事白後絕無幾微見於顏色櫟園公歎曰  
吾向知一山文今知一山之度矣嗚呼以先生之  
文行僅得選爲明經而又罹意外之羈紲雖不磷  
不涅然天之阮先生亦甚矣當素菴公抱遺經屏  
居寂寞授生徒以自給遭時承平人皆重學雖不  
遇道甚尊也中更世變兵荒潦仍晚年至不保其  
一畝之宮而園爲兵廢及其歿也旅殯於故人之

廬向非先生先意旨以承歡躬勞苦以服事則素  
菴公亦安能以歌詠先王之風樂其天年耶是先  
生以善養爲揀養父子一堂俯仰無愧易所謂素  
履之往獨行願者其不在斯人也乎先生性端嚴  
而外樂易與人交不翕翕熟而人亦無不愛重之  
即間有與先生忤者亦終無弗釋然也於族戚尤  
加敦睦有無推解終身行之不倦嘗於舍後闢一  
園終日栽花種樹玩其榮謝以寓其浩然之趣雖  
時讀書亦不見於著述迴視少年時風檣陣馬爭  
勝負技於筆墨之間一切刊落不知歸於何有斯

櫟園學齋彙卷

題詞

四

非所謂有道者邪先生七十六時手撰宗譜圖系  
楷書數本分授族人其辭古其意厚予嘗序之以  
爲胥山廬陵未能遠過亦足以見先生之老而嗜  
學而著述之不徒然也先生娶陳氏贈通議大夫  
陳諱文佳公女予館中前輩念蓼先生之妹賢明  
孝謹與先生白首相莊年逾耄耄而猶能臨窆以  
送先生世之所希有也先生生於萬曆丙辰十二  
月初四日卒於康熙乙亥二月廿二日享年八十  
子二長賁颺次鼎實皆閩縣學生女四人孫男三  
人曾孫一人賁颺將以康熙丙子十一月 日

奉先生柩葬於西郊某山嗚呼自先生亡而予祖母外家諸父輩愈落落晨星矣予方倦宦游思得典型有道如先生者追隨杖屨於里社間而已不可得矣此所以伸紙執筆不禁洩瀾之無從也乃爲之銘銘曰

文質之彬彬惟家學之淵源今名成望尊而不及大其門兮以邀以娶自適其適而遯於丘樊兮永矢不諉其道存兮幽人之貞尚啓佑其子孫兮

樸學齋集卷五

墓誌銘

里

矩室銘

方員之用以利天下顧世人皆好員而惡方見有矩士怒目怪張乃至蕩其檢而喪其良不知尼父志學之年止端其矩積五十餘年之久而始不踰其防蓋秩秩者倫理燦燦者文章有翼其軌有畔其疆吾能執其一而可以制天下之茫茫不禦於邇與遠不異於變與常不撓於窮與困不誘於利與彊端視矧矧檢束審詳寧從其迂且遠而勿徼幸苟且以自底於披猖名一敗而不可浣事一決而不可襄苟其懲此大用以彰學聖人之學心聖人之心惟此途爲康莊吾兄作室在水之旁顏之曰矩而命佶臚其義而挈其綱謹敷其所聞於純正之緒語庶幾晨夕共省從繩墨之所引而豈與模稜者絜彼短而我長

樸學齋集卷五

墓誌銘

里



磨兜堅箴

磨兜堅古之慎言人也昔李侍御敦立嘗揭此三字於坐隅而宋景濂爲之箴以自防予亦效之乃著箴曰

磨兜堅爾捫爾舌爾戒爾譟悔吝凶吉視爾言之言勿曰炎炎勿曰詹詹善應千里違斯則愆夫知爲之難斯其訓也專惟戲渝是戒鄙倍則捐苟其不戒是即於佞而棄於賢也嗚呼慎之乎磨兜堅

漢學齋書

卷

書宋潛溪續文粹後

宋文憲公所著潛溪前後集皆刻於元至正間其八明後作文粹爲劉誠意所選定續文粹爲其門人方正學輩所選定而續文粹尤貴於世者則以正學與同門劉剛林靜樓連手自繕寫以刊於浦江鄭氏義門書塾也錢虞山曰丙戌年於內殿見此集正學氏名皆用墨塗乙蓋猶遵革除舊禁也然則是集不特可貴而又難得矣信曩受業於汪堯峰先師之門先師以詩文囑信編錄信未見茲集也而家有宋文憲之師黃文獻公集字畫行款皆精細因倣其版式爲書以呈先師極喜復書鄭重委托而先師垂沒矣越二年書成每懷古人事師始終誠一之誼竊意義門之所刊必有傳於世者何時得寓目償所願焉今年夏吳江徐虹亭先生游閩數登信書樓見信所跋堯峰文鈔後語因云予行笈中有宋學士續文粹寧欲見之乎信爲踴躍不寐翌晨賁書至信盥手展觀恍見諸君子聚錄一堂而佩服欽承之意猶隱約毫楮間也其書字畫端謹與黃文獻集差相似版間有闕補者十之二三若正學父方愚菴先生墓版文及送方

漢學齋書

卷

生還寧海詩與鄭柏跋皆非舊其涉方氏者槩不  
書名第曰某某即內府本用墨塗乙之意也信肅  
觀卒業既喜夫得償素願又冀吾師之文久而必  
傳他日有讀其書而思其編錄之徒如予之流連  
而不忍舍者信將附以不朽詎非幸與因跋以歸  
於先生先生與吾師同己未召試入詞林未久而  
拂袖歸田放浪山水以數千里之遠而是書常攜  
行笈中則先生之好學可知矣

樸學齋彙卷

卷之三

書唐昭陵石蹟考後

家兄同人爲唐昭陵碑考略將三十年三易稿而  
成書客有私於予曰而兄而何爲沾沾於是也予  
曰是非客所知也夫有幽曠之思者多寄託之詞  
阿兄之考夫昭陵者夫亦以寫阿兄之所寄也阿  
兄曩日爲諸生出語驚人試輒冠其曹偶非其好  
也旣侍父宦秦出入燕趙齊魯及塞上數訪求古  
蹟與石刻文字盱衡評證以爲樂而獨於昭陵諸  
碑本之見聞參於史乘而論贊之者凡以昭陵之  
君臣爲千載之盛其陪葬爲非常之典虞諸諸公  
石蹟爲希有之觀也予嘗戲謂阿兄曰假令兄生  
當貞觀時何爲而可阿兄掀髯笑曰予之極願欲  
從太宗平東都繫兩降王於馬前前後部甲士數  
吹震動山谷次願從英衛二公逐利出塞建旆長  
驅而入關又次則願從瀛州學士後看歐虞諸公  
奉勅濡毫摹蘭亭而已予曰如前之云洵可願矣  
然今日者侍親之暇兄弟談論歡笑於一堂又安  
知非千載上諸公所極望而以爲不可及者耶客  
憮然歎曰而今而後予乃知爾兄弟之志矣因次  
第其語以爲跋

樸學齋彙卷

卷之三

樸學齋詩集十卷

福建巡撫  
採進本

國朝林佶撰佶有甘泉宮瓦記已著錄佶工於楷法  
文師汪琬詩師陳廷敬王士禎琬之堯峯文鈔廷  
敬之午亭文編士禎之精華錄皆其手書付雕廷  
敬士禎之集皆刻於名位烜耀之時而琬集則繕  
寫於身後故世以是稱之茲集古體詩三卷今體  
詩七卷淵源有自故體格猶爲近古特才分差弱  
出手微易耳

# 柳塘詩集十二卷

〔清〕吳祖修撰

蘇州市圖書館藏清康熙四十四年刻本

附《四庫全書總目·柳塘詩集

十二卷》提要

行狀

先生姓吳氏諱祖修字慎思柳塘其所居  
治七十里俗號廟頭村其先世在元時居梅堰明初燬於  
火乃徙柳塘與梅堰相去數里始遷祖可竹公七傳為念  
陽公化積學有聲庠序間念陽生三子次延仲公嗣昌贈  
文林郎廣東瓊州府澄邁縣知縣先生之祖也延仲公生  
五子長扶九公翽次振六公翽次羽三公翽崇禎壬午科  
舉人順治乙未科進士歷任廣東瓊州府澄邁縣令調江  
西豐城縣令又調湖廣漢川縣令又次子京公翽又次子  
鑑公翽先生漢川公次子九歲喪母沈孺人哀毀如成人  
是歲即能屬文姿穎異讀賈誼治安策終篇一夕而熟背  
誦如流時皆以聖童目之為世父扶九公所撫愛是時復  
社起扶九公暨婁東張天如吳趨楊維斗為復社首倡四  
方名士造訪無虛日先生方童穉嘗在座隅習聞緒論為  
文務法先輩恥為時下速得之習時論不之予年二十有  
七為邑庠生沉鬱無所遇癸丑會榜發文風丕變山左劉  
公山石田公相繼視學江南皆拔置第一是後學使者校  
士名率列前茅四方學者始知向慕語往師尊之先生又  
長於詩歌其學得之家庭為多蓋漢川公雅善詩歌有梅  
花草堂詩集十二卷行世方未第時嘗與嘉定黃蘊生先  
生同館於嘉定侯氏始為石交旋為同年友先又受業於  
虞山錢侍郎牧齋其師友淵源之學非世之競習聲詩者

所可擬也先生克世其傳又從漢川公宦遊與隱君陳伯璣胡悅之魏名閻錢鑒濤查韜荒諸賢辨析窮究晚又就正竟峰先生而先生詩學乃大成三十年來流風漸濡至今其邑人率多以能詩名則先生一人倡之矣其為詩若文尤工者馬子肇業周子龍藻陳子蓀陳子萇及猶子晉濤皆先生所造就而先生詩文之名熾甚名公鉅卿爭欲羅而致之先生性耿介不欲有所攀援丁卯江南副主考龔章漢川公莅粵東時庚子同考所取士先生絕不以科干報罷後始往見之偕入京兆留數月賦詩百餘篇不見一貴人而返其生平嚴介有守類如此先生生於明末歷從父兄交遊耳熟當時事所至之地皆能悉其風土人物

柳塘詩集行狀

二

故與人言俱有端緒至於成敗得失所關往往扼腕頓足或至於舞蹈而不能自己吳江學師蔣與同寮秦不協潛以事中蔣先生挺身率諸生詳辨於學使者前竟得解蓋先生雖文士有膽識人不取以書生易之既從漢川公里居家貧資館穀為養後授徒於郡城所與交唯汪武曹何杞瞻張日容顧俠君吳荆山與詰兄弟三四人議論往還晦明風雨無間以庚午歲居漢川公喪得疾屢愈屢瘳今年秋乃不起生於崇禎辛巳八月廿一日卒於康熙甲戌九月十五日得年五十有四配沈氏子三人長度庚學成而天次大庚次長庚女一人適同邑庠生王維祉而死著者有柳塘詩集十二卷行世又有讀左筆記三家詩話

及制藝千餘篇藏於家先生之沒也以挈其徒王志洽江三錫與子姪沈士赴試浙之湖州州故多先生交然不能忠先生之託且有因以為利者於是子姪沈士童試得而復失先生不勝憤憤疾遂革故詰兄弟於先生之沒尤不能無遺憾云於是先生猶子晉濤懼先生之事行久而失傳也屬詰為之狀詰不敢以不文辭為之序次如右吳門顧希詰有與謹狀

柳塘詩集行狀

三

柳塘詩集十二卷

卷一

三十二首

卷二

一百七首

卷三

五十二首

卷四

五十二首

卷五

五十八首

柳塘詩集目錄

卷六

七十七首

卷七

六十首

卷八

六十五首

卷九

八十五首

卷十

五十首

卷十一

一百四首

卷十二

六十四首

柳塘詩集目錄

二

柳塘詩集卷一

詩三十二首

古詩七首

我思天與地亦是陰陽爲元氣久渾淪乃復胚胎之當夫  
鴻蒙始其體真嬰兒細縕母萬物端倪不可窺渾沌擊既  
死靈蠢華以滋壯盛不須更搖落旋復隨吐哉昆明灰浩  
劫無窮期

元坐一室中澄觀若止水羣動既已息萬籟不到耳方寸  
涵靈臺光明曠與此比中無將迎安用愧與偶蒙莊曠達  
人亦未解斯旨如何迷虛空跼然足音喜

柳塘詩集卷一

一

詎芻狗詩書非蹄筌彼言實炎炎我腹堪便便天機忽自  
得神解無人傳

大火發涼燄寒泉成湯池石言聽茫昧神語音參差術士  
謂之有哆口談怪奇豎儒乃曰無詞窮將安施至人顧之  
笑焉用媿媿爲所以六合外不論但存之

苗不知晦朔姑不知春秋詎乏大鶴壽亦有貞松道質隨  
物化盡精與元氣遊服食說並誕委順理最幽顏淵與盜  
跖豈足窮浮休

陽窮在大夏一陰生猶微江河勢蕩潏無非涓涓爲達人  
貴早計愚者昧先幾博物慕張華綴文尚陸機穎實蘊禍  
胎賈曾煽危基劒光衝已滅鶴唳聞尚悲才能不用貴理

在無形推上下千載間此義誰知之

少陵薄文章謂非道所尊不讀破萬卷何由聞斯論經史  
足驅使今古堪胚渾寂若萬象滅燦如衆星繁根柢有至  
理刊落皆陳言以此爲詩史孰能窮其源

牛孌湖俗呼爲長漾周遭二十餘里余先世家梅塘  
自元季始宅於此湖之陰迄於今不遷因歷敘吾  
家盛衰之故終冀湖之靈有以相之焉

東南富山水其數曰具區導源自天目濫觴漸繁紆蒼  
其流一一引入湖復散作百川藉爲蓄洩資海若何灝  
灝無乃此尾閭牛孌未云廣方幅廿里餘煙火數十處聯  
綿成村墟物產足菱芡水族饒鱸魚笨箸即漁父耒耜還

柳塘詩集卷一

二

耕夫厥田誠下下竭蹶償官逋游惰變斥鹵辟賦爲膏腴  
時俗近澆漓古風其唐虞憶我之前人初于梅塘家去北  
兩牛鳴甲第連雲居趙宋丞相後氏族冠通都宅分南北  
院橋號東西吳今梅塘東吳西吳兩橋家君詩云雙橋別開澗蓋紀之也呼童算橋稅  
教客收漁租子弟竝修謹法網復闊疎杜門無俗事惟讀  
所賜書或時通賓客往來皆鴻儒弄笛有鐵老遣書聞倪  
迂先野塘公與鐵崖諸公往來具載諸牒翩翩在濁世差足窮歡娛天運不  
可知盛衰竟乘除鬼瞰高明室斯理良不誣咸陽付一炬  
夜半傳軍符元至正丙午完燬於兵性命幸得脫敢憂田園蕪宗族  
各散處無人問粉榆我祖有遠識一椽托菰蘆即今所居  
里州州成蝸廬瓦或後寢蓋茅猶前榮誅廚畜赤脚婢門

應長鬚奴曲港容舴艋小徑通樵蘇學種邵平瓜親牧孫  
弘緒一洗承平習庶幾垂令圖耕莫釋耒歎讀須帶經鋤  
但貽之以安初不掛賢愚至今三百年子孫守其模舊第  
斥漸廣歲獲僦石儲田逾洛陽頃桑過成都株大堤種楊  
柳水榭栽芙蓉其西蒼松楸兩兩開青鳥陰陽並迴抱風  
氣亦扶輿歲時每一視行列魚雅如兄弟各勸酬此禮猶  
古初其後四五楹倉琅交綺疏紫架貯圖籍秘玩羅瓊璫  
鼎色古斑駁琴紋斷模糊購書必宋雕展帖皆唐摹諸父  
雅愛客席門常停車榜舟竟訪戴置榻旋迎徐中有博雅  
者鑒賞爲歎吁澄懷便聯句高興仍挈壺忽思汎湖中張  
我十幅蒲雲樹景明滅水月光有無恍擊馮夷鼓疑吐驪

地壘書卷一

三

龍珠大船集賓朋乃是嵇阮徒中船客僉從共醉滿眼酤  
小船載家具咄嗟供百須飯炊長腰米鱸縷四腮鱸有時  
闌茶竈水脚旗槍呼有時揮筆牀腕底龍蛇趨金谷庶無  
媿西園良不殊是時諸羣從環珥傳瑤瑜少者爲羯末長  
者當封胡未許帶羅囊何妨竊珊瑚蠟鳳見雅量累基知  
名駒我幸黃犢健好弄不顧軀跳擲騎屋棟詰屈辯奴驢  
鳩車并竹馬其樂也只且胡復違不弔金石燔秦灰家道  
遂中落幾難具朝舖伏擬伯仲父先後薤露歌歲劫悼康  
成星象憂謝數家公宦減產小草甘莊樸我復不自振坐  
送白日徂茅患秋風捲交憐舊雨俱驚鴨不惱鄰雞犬各  
識途孝養師南陵潔白詠絳趺少年縱不達瑄操何爲平

倘不替舊德湖靈其相予

金陵

東海揚塵原廟灰觚稜城闕重徘徊一年王氣真如閨卅  
歲舊京不作陪豈有風流能創業空教詞賦每興哀月遊  
靈爽今何似不及昭陵石馬來

劍

只此爐錘力能令造化回工真爲妙手器果不凡才寶  
成龍去金精變虎來問誰稱識者萬古重張雷

過惜陰樓畱宿昔年讀書地也

昔年讀書地重憩此庭陰飲酒得真氣彈琴無俗心几絲  
銜尾鼠檐噪掉頭禽中夜微風入眼醒寒布衾

梅子

兩樹寒梅結子遲青青如豆綴高枝誰知他日調羹物尚  
在薰風長養時

風雨志異

頗怪蒼天漏真疑大地翻怒風吹浪立驟雨蹴溪潭庭似  
通泉脉牆俱塌水痕依稀神廟日故老尚能言萬曆戊申吳中大水  
去今甲子一週矣

荷葉

三月新荷滿池塘生綠煙浮錢綠水面擎蓋立風前盛酒  
心俱醉裁衣體欲仙若爲歌樂府愛殺是田田

荷花



芙蓉聞楚些，菡萏聽陳風。謝客詩能似，張郎貌不同。水光涵影碧，日氣抱花紅。寂寞採蓮處，猶開昔日業。

題歸文休畫竹

嘉隆以來號名宿，文章獨數歸太僕。東序金鐘竝大鏞，詞林項背公矚目。薰染家風有子孫，芝蘭寶樹庭芬郁。待詔高風不可攀，豐年爲玉凶年穀。歿後曾登啓事書，名高何用沾微祿。其餘諸孫皆絕奇，腕底煙霞起林麓。墨妙銀鉤勢蜿蜒，但學家雞勝野鷺。閒將粉繪潑生綃，襟材常得千尋竹。意在筆先妙莫傳，渭南千畝曾中熟。請君從容展此圖，坐覺蕭森生尺幅。中挺橫斜三四枝，歲報平安在淇澳。霜幹真疑癭似松，風姿應羨清于菊。石旁點綴又孫枝，玉

柳菴書畫一

五

立亭亭映茅屋，風裊新篁已鬱蔥。雷驚生意猶含蓄，却似公家貽厥時。兩世孤高媚幽獨，嗚呼好手真蹟難。長慶畫竹誰收錄，卷帙剛存白傳詩。裝潢不見蕭郎軸，清貧老可摹簣簣。簣簣本流傳，遍書簾何如此圖。真寫生一種清幽韻，空谷我欲將之張高堂。天然興會畱芳躅，風煖宜將濁酒傾。晴和定把殘棋覆，不妨便號此君亭。刪却閒房舊花木，

東洋史氏觀沈啓南雨中訪友圖

沈公寫圖能寫情，冥思運入天機精。裝潢曉掛高堂上，素壁不覺煙雲生。當日結交皆才伯，匏菴尚書神仙客。同時墨妙枝指生，最晚衡山竝莫逆。我鄉亦有史西村，興酣落筆才關翻。常與數公互主客，風雨間叩溪邊門。今看此圖

得真意訪戴船，牽閣平地中有風流。澹蕩人雨墊角巾，懷漫刺主人澆書正。頽放寧知好友來，相訪僮僮熟客倚殘籬。笑指船窗作喜狀，嗚呼好景公能探筆墨。真化爲煙嵐畫中之人識誰某，主乃西村客啓南。君不見李家將軍稱畫師，西園筆法人羽儀。何不更添宗伯與文祝，一時雅集此亦足。

晚過梅堰

晚過梅根渡，天寒雲漸停。到家無數里，望眼見丘亭。事曰野燒橫溪白，漁燈隔樹青。雖然鄉語慣，尚未近門庭。望古堂詩爲山年弟作。

柳菴書畫一

六

鼎革後歸隱於此堂，前植玉蘭海榴蠟梅數種。牆角木香一叢，東榮牡丹俱繚繞。可愛中庭瓷缸大者，栽芙蓉小者。詩蘭菊堂後植薔薇，天竹各數本。繚以垣牆隙地，梧桐二株，高數十尺，扶疎屋上。中藏有明一代文集數千卷，竹牀木榻位置楚楚。沒後十有六年，梧桐一爲大風所拔，玉蘭海榴芙蓉蘭菊先後摧殘。頃老梅亦復零落矣。庚戌春余與山年弟讀書堂中，因歷敘先生生平作詩示之，俾無替先業云爾。

讓王竄勾吳，梅里有芳躅。世家首表之，于今尚馥郁。代有潛確人不替，先王德嗚呼。孝靖翁天何奪之速，才大爲用

難斯人磬空谷光如燈在帷輝若玉韞璞少年觀羣書  
架手隨觸天然生知姿一覽不再讀援筆試屬文千言翻  
水熟曹劉可方駕命駢足奴僕小試于有司一見驚刮目  
謂當摩蒼天高舉振黃鵠韓愈勉大慙公孫憤曲學吹竿  
固不能歌郢祇自辱以茲不得意連年躡場屋唯喜交賢  
豪雲龍上下逐常置鄭莊驛時倒陳遵牘廣會必千人修  
刺每一束百金購名文郵筒走滇蜀甲乙雜丹黃一皆  
實錄西北喜雄剛東南苦繁縟去取有深意人人得所欲  
至今操觚家咸思受磨斲夫何來讒夫彌天布謠誣遂令  
英主朝幾置同文獄當其虐燄張顧視頸欲縮先生如平  
時意氣不戚戚及免刊章追雅量益自得肯效轅下駒日

柳塘詩集卷一

七

受世局趣行藏惟倭德終不自銜鬻乘時即雄飛不遇甘  
雌伏所悲國事非數歎邊境蹙至甲申間天運竟百六  
銅駝生荆棘蘇臺走麋鹿爰有祖劉交夜聽荒雞蹴身酬  
君父恩不復顧宗族思吹靈胥蕭擬擊漸離筑先生折簡  
辭我寶顏怙怙堂有衰年親晨昏供水菽君為文山死我  
堂畢羽哭擊碎竹如意悲歌振林麓從此長避世長鏡掘  
黃獨視却頭上巾裁成隱居服但得龜尾曳無嗟鳬頭續  
閉門如深山滄江詹尹卜艸堂歸靈光俯仰殊自足疊石  
未成山激水還似瀑堂陰百尺桐園放千竿竹夏初蒔蘭  
菊分時接露木荷沼灌疏泉藥欄覆輕幄玉蘭越檐高海  
榴粘牆活木香抽弱枝蠟梅挺桤貌不知霜雪欺焉記雨

靈冰堂後綠垣牆縱廣纔方幅叢桂體修直蒼翠勢緣曲  
山茶乃殘膏天竹直騰蘂花每冒春開葉多耐寒沃言樹  
在背襟點綴謝家壺中藏金石文磊落數千軸一代文與  
獻幸免秦灰酷雖非搜石室亦可上秘閣閒便展卷看倦  
即就經宿借此一寸書遣我愁萬斛賦詩宗少陵論文  
玉蜀蜀不肯妄作矜惜過片玉舊交如晨星相對必剪燭  
哭泣俱不可此意更推剝若許縱橫酒兵從往復魯  
竈堪攜淵明巾足漉好事客回佳致意物殊俗岸憤常  
遙拄杖時行于山橫洞庭青水導天目綠忽悲身世乖  
覺天地覆至行如元方閨門見雍睦每至伏臘時勸  
仲叔何父妾頗奇家公質太樸對若師友嚴見必衣冠肅

柳塘詩集卷一

十

一生喜施予阿堵羞障簾義感雍伯漿仁餽子皮粟如何  
乙未厄百身遂莫贖方過歲劫蛇竟嗟承塵鵬弔車及千  
乘友道一何篤易名彷彿貞曜孝靖表遺直公卒之明年秋  
四郡社友率其  
頭生計益蕭條世事日刺促衡中所遺書強半付回祿  
雙梧向背生一株瘁腹育荷榴與菊梅先後兒童漸頗覩  
鼠竄根恍疑蛇在腹舊時盍簪堂終歲少剝啄白日落蜩  
蟻黃昏飛蝙蝠今年邀我過鍵戶共磨琢苔階草漸除  
几塵重撲君屐不足矜經史疎可樂毋慕鄉曲名毋遂非  
望福母恃已錚錚毋因人碌碌庶我為他山將子亦員韜  
早之無高論日把前人品

簡村

皇帝九年夏六月十有二日颶風發太湖水挾雷雨飛擊蛟走出蒼下窟老龍夜奉妖李牒噴沫張牙復鼓鬣勢驅海若走天吳盡倒官堤與城堞江村地形真釜底一生衣食太湖水常攜箬笠犯風濤不信身軀還喪此東鄰覓子西尋耶前村又見悲無家雨師憑陵風伯怒可憐民盡爲蟲沙水晶宮中坐河伯有司歲歲沉圭璧此時掩耳胡不問前日效靈今助逆君不見皇家高官尊於帝不急災急租稅俸薪月費水衡錢日高鈴閣門還閉

陶九成輟耕錄載袁可潛檢田吏一篇去年吳中大水余身後踐更其事頗類感而賦此

柳塘詩集卷一

九

去年妖李亂玄冥天公夢夢醉不醒一兩百日船入市眼見官租沉水底六月颶風復作惡江湖併漲淹城郭府帖下縣催勘災竹簽連出風火雷縣官不肯下鄉去倉皇報得災分數文字盡出老吏牘遂把荒田批作熟煌煌黃紙免官糧戶戶燒香祝聖皇誰知我田不得上開倉不把毫釐放無米難教布春種况復冤喫公庭棒囊空拚不愛肌膚但恨無肉填爲鳥里長逃竄甲首死催檄雪片比不起何不當初災報全官民兩便民歡然

題洛神

飄裾翳袖自天人冉冉凌波想欲真只許思王爲後進何曾甄后作前身

蜜蜂二首

遲明小隊罷徘徊不是含英即咀華此日論功誰第一擒王先摘牡丹芽

玲瓏戶牖也成房旭日薨薨半向陽覓得主人公正在百花深處坐蜂王

聽雨詞

坐擁殘書氣未降夜深獨自倚寒缸何妨數點迎梅雨都入西風打紙窗

慈感寺友人夜話

慈感禪房酒半溫鉅根不復辨風旛青陵臺事誰能記行秘書傳王柏原

柳塘詩集卷一

十

過雙橋

繫馬雙橋古道邊俄驚明鏡吼奔泉題詩最憶青蓮也  
是銀河落九天

春日武陵却寄

春士女滿莊墟是處簫華惹夢思踏遍西泠舊遊地相花落盡緩歸時

撲蟲次鄴衣大兄韻

爾族來何處炎天縱復橫宵能爲黠賊晝已伏貪兵斂跡飛聲疾呼朋鼓翼輕此軀何太細遺種最難清入室耽耽俟登牀隱隱轟酸餘膚覺粟墳起肉遭黠覓縫將攻墨緣綃直薄城聲喧無定伍勢蔓似連營策豈忘驅滅軍須肅

鼓鉦海牛疎可按，紈扇掃難平。怙惡終當撲，逃歸許並生。  
薄號僅作炬，吹焰便能烹。法網今非密，軍容舊有聲。營藏  
思穴隙，突過駭心旌。歸路愁燃爆，當途拒火棚。如魚臨釜  
泣，似鳥望弓驚。全力爲搏免，乘風豈取鯨。虎嬰防後至，巖  
電早前偵。煙觸搜長喙，風迴燎怒聲。跳梁方妥帖，露殺續  
幪幪。罪在先聲討，師因以律貞。老饕宜暫息，殘孽莫輕爭。  
境外憑渠育，囊中即汝征。休教紅燧舉，長放黑甜寧。時極  
容酣睡，驅除感物情。

兒子度庚自川署歸惠疹幾死有起色志喜三首

自昨還家後，纏綿疹疾中。歲逢辛亥劫，生許甲辰雄。憂汝  
眉偏白，憐予眼尚紅。但須災難少，何必到三公。

柳塘詩集卷一

十一

毒自胎前種，方從肘後醫。怪容難識汝，錯語誤呼誰。官舍  
蒼黃日，客途風雪時。病緣良在此，童子不無知。  
爲此關情甚，遲遲向鄂州。做裝臨道左，牽袂坐牀頭。竹馬  
還須棄，羅囊莫再留。老親聞爾在不醉，可忘憂。

柳塘詩集卷一

柳塘詩集卷二

詩一百七首

辛亥夏之楚作四首

北風吹浮雲，波穀漸凌亂。遊子適異鄉，惻惻腸堪斷。前期  
戒僕夫，辦嚴赴江漢。病婦搜畫篋，補綻日至盱。中堂呼電  
婢，次第列杯案。邀我弟與兄，勸酬爵無算。臨岐重款款，丁  
寧語各半。勿復念藁砧，刀環指秋鴈。

大江日夜流，陰晴變氣候。波濤大于山，魚龍跋清晝。我昔  
下漢陽，煙艇帶傾覆。拚從靈均遊，只恨未丘首。驚定剪紙  
招客魂，尚難收從此。東南行誓不長江走，如何達息壤。鳴  
榔但仍舊。

柳塘詩集卷二

一

鳴榔亦何爲，吾親官漢渚。誤中考功法，事未難區處。誰憐  
杯中蛇，乃屬辟間弩。去國不潔名，此義聊可取。一官猶遺  
弓，得失何必楚。人其當見原，嚇莫用腐鼠。  
久欲爲此行，期定輒復改。有兒生八齡，狀貌甚傀儡。家公  
喜弄孫，膝前當菜綵。如何官舍歸，一病幾作鬼。每欲歌驢  
駒，念之殊不已。匪惟舐犢愛，亦恐傷親爾。刀圭蠲沈疴，遣  
愁賴此子。爲報白頭人，眉間黃色起。

初至西安

一棹陰晴，日四安。奚奴持炬理征鞍，少紆江路貪程近。初  
入山行，覺道難。驢背墨囊騎更穩，雞聲催曙起猶寒。平生  
素有煙霞癖，此日何爲眼倦看。

驢背

千巖春卉發華滋。义手能成畫裏詩。此日宣州驢背上。肯  
輸殘雪灞橋時。

宣州道中

風音慕微尚。厭彼城市塵。雙屐常自蠟。柴車有時中山必。  
履其巔。登頓忘昏晨。非不憚艱險。受之瑩心神。宣州富山水。  
茲行殊不貧。惜哉懷抱惡。何以愜我真。佳者領其要。愧此  
山中人。

與嚴宜之姻丈方舟話舊

屢作晴川客。江行未寂寥。隔船談往事。挂席又今朝。驚喜  
當流立。魚看映日跳。土風君已熟。何必復停橈。

柳塘詩集卷二

二

舟中小集

客裏成良會。船窓飲亦宜。食單鋪席窄。襍被坐人敲。玉粒  
慳偏美。却醪醉獨遲。萍蹤聊聚首。不必盡相知。

晚泊魯港

小市千家集滄江。一棹來亂雲。依晚樹。纖月映深杯。旅夢  
隨更短。鄉心逐水回。題詩須到日。此地早相催。

重過九江

小孤風勢轉青蘋。仄舵敲帆信有神。但使客途長利涉。何  
愁宦海尚沉淪。湓城約略如前日。廬阜分明似故人。復覺  
一重還一掩。盡忘機事樂吾真。

曉行

侵晨初捲幔。挂額且逍遙。日色將蒸暑。山光早放朝。憤因  
搔首岸。酒爲解愁澆。儘可生詩興。江天景物饒。

過馬當

馬當江路險難行。王勃曾于此問程。爲乞好風君莫靳。輕  
帆一夜達湓城。

賽神

大江源岷山。晝夜無停時。委折數千里。其勢實崎危。命爲  
瀆之長。秩祀崇其儀。帝曰爾效靈。圭鉞在有司。奈何荒  
江側。巍我蠡淫祠。亂茲玄冥職。瀆彼水府祇。迎神或簫鼓。  
視牲亦饒飢。篙師脚不羈。主人冠接羅。分獻庭廡間。跪起  
時參差。願乞捩柁靈。挂席愜所期。苦乏鄭樵風。蚩蚩亦何

柳塘詩集卷二

三

爲

田家鎮

放舟湓城浦。漸過蘄州界。潯陽何蒼茫。混一昔九派。緣江  
轟層巒。紆迴若圖畫。廬岳聳峻嶒。羣峰妙根蒂。依稀見遠  
邨。獨立山之隱。桓桓甘將軍。昔曾此築砦。社稷有興亡。江  
山無成壞。楚風殊輕佻。桔槔見機械。兒斫艾絮回。婦織桃  
笙賣。肘客算鐺銖。降神善狡獪。我欲解維行。波濤忽澎湃。  
山鳩先雨鳴。江豚望風拜。晦冥變魚龍。雷霆走精怪。須臾  
色少霽。襟期正瀟灑。晚飯坐於樓。纖月山頭掛。

小孤

小孤大于拳。獨立無依附。一柱砥江流。九派悉奔赴。疑是

鬼工爲渾沌所鎔鑄象形呼作鞵造物脫隻履孤又音諧  
姑曾否彭郎娶齊諧或寓言附會成掌故肖以女須形血  
食于道路目爲紫姑流山靈得無怒大孤凸湖中遙遙互  
回顧我詩告同行勿爲愚蒙誤神其一听然江天霽煙霧  
望匡廬  
煙艇輕帆過小孤香爐峰在望中紆船窗畫卧看山色此  
是宗家鉅上圖

辛亥五日舟次漢陽

江上纔行半月程却逢五日漢陽城遙遙漸見魚龍戲隱  
隱如聞鉦鼓聲可惜獨醒湘水客誰憐同調洛陽生篙師  
指點停舟處一往猶深懷古情

柳塘詩集卷二

謝查韻荒贈基

頻寫空函與所知感君先寄永昌碁礮同溫潤藍田玉燒  
似輕堅大邑甕寶井有珠輪幕府石屏如畫入曹司此鄉  
奇物真難報珍重荒齋落子時

武昌鐵牛廠

我行金沙洲道經鐵牛廠云是厭勝法此理殊愴悅杜陵  
有老人詩薄風騷上高詠石犀篇千載金石響楚風尚巫  
鬼頗訟李冰枉嗤點飯顆翁見聞猶未廣嗚呼宇宙間陰  
陽互消長王道無偏頗玄冥受形靈江湖行地中天地兩  
盆盞我思欬洪鈞鎔此雙牛像銷爲農夫器萬民得所養  
鐵亦得其職甫言誠不妄

張王磯

磯在漢陽府城南俗訛爲張睢陽家君定爲漢陽

王故作

仙李第四葉孤根實崎危鸚鵡孕雛鳳棄之於路岐奪彼  
琅玕實占彼梧桐枝斗南有老烏反哺母氏慈拳身高岡  
上長鳴何其悲欲塌鸚鵡翼以待鳳凰儀幸有五鷺鳥非  
種誓同治鳳乃歸丹山鵠亦守故雌百鳥各禮奉鳳羽重  
巖楚如何鳳不終旋歌德之衰逐彼鷺鳥去一在漢之濱  
胡食于此郡誰曰非其宜

詩魏名閣兼閩其飛白畫佛二首

土銼蘆簾卧榻穿客來如坐米家船雲箋十幅臨章草溪

柳塘詩集卷二

五

絹雙鉤類郭填牘有免毫堪作塚尚留鸚眼不須田世間  
樂事誰逾此相對還誇醉欲仙

江邊茅屋卷三重游戲丹青興未憊試貌胡僧形似鶴旋

添七樹偃如龍多聞今伯時自昔能描白元鎮從來不抹濃

每誦少陵題障句雲門深處問萍蹤

舊僑守何主洛自隨移家武昌折簡招飲醉後作此

解嘲

漢東公子儋州守不愛田園只愛酒薄宦常兼麪部銜投  
閒竟署高陽叟一從盡室去隨州幾載移家對夏口溫漿  
寧辭拜浪婆仰天直欲招酒母會我窮作漢陽遊感君邀  
向武昌走雅集須持畢卓盤華筵但剪林宗韭深媿纔能

蕉葉三連看酣飲巨羅九茗戰縱橫尚抗行酒兵往復難  
持久君嘗勸我我不辭我起避君君莫村罪狀難逃惡客  
名亦章先定釀王手頭項抽筋眩欲旋口涎流沫難成嘔  
如此狂奴亦可憐便呼俗物何嫌醜前生無復種酒因今  
日不妨殿人後

罷道人歌

道人昔住峨嵋峰手捫絕頂摩蒼穹閉門學煉文武火鉛  
思作龍汞爲虎更遇異人受真訣一年易氣兩年血吐納  
天池雙跳九坎離交濟功奇絕從此聊爲汗漫遊芒屨走  
過神歸州忽然放下蒲團坐正是當年跨鶴樓雙趺疊膝  
手持印却似山僧初入定定中心境兩忘機撼之不動口

神清詩集卷二

六

不應一坐九年功不輟渾身皮膚黑似鐵冬膚起粟不知  
寒夏背生鹽未云熱此身跳出寒暑外渾淪元氣真滂沛  
何須謹道解神通不羨麻姑善狡獪我昔誦習周孔言百  
家諸子皆旁門但就彼法論優劣此亦枝葉非本根豈有  
造化司晝夜而與口鼻爲吐吞吾聞生人身正如小天地  
雙睛懸日月照耀無傳轡血脉象江河流通不凝滯舌端  
妙言辭亦若大塊噫氣血乃水火是爲坎與離嗚呼有形  
之物無不毀地老天荒良有以一啼墮地幾何時久矣鑿  
破混沌死盡精葆真可長年世上神仙皆妄耳

讀黃鶴樓詩

晴樹芳洲自古今客來爭向此登臨司勳絕唱真難和供

奉虛懷雅更深雲裏有仙招鶴侶樓頭無笛作龍吟千秋  
遺跡成佳話又見撫贖費苦心

大別與國山房喜遇韓子遂先生

路熟緣江尚近郊僦居猶是蓋頭茅對君直欲研心相  
我還須載酒看過客每題長句贈借書隨付小胥鈔歸攜  
秘論兼佳什展讀惟燈未忍拋

辛亥中秋

坐聽西鄰咽管絃未知歸計是何年良辰半向愁中度  
初于客舍圓鶯脰三篙平似掌去我鄉二十里虎丘一點大  
如拳遙知此夕登臨處也爲羈人興索然

書即抄後呈家君

神清詩集卷二

七

大典何堪任愛憎考功法爲中廉能催科自署道州考戶  
口不如膠郡增李蔡下中誰復辨王尊賢佞總難憑劇憐  
鱸膾秋風味絆却牢籠尚未曾

與趙晟野對弈適韜荒姻丈自海昌至漢上喜而有

作

幾局楸枰斂子餘查驛云至語非虛迎門漸喜賢是入  
坐還思談笑初全於戊申初冬始識韜荒姻丈湖北風波今若此江  
東米價近何如眼前定算知誰勝只合與君讀異書

燈花時在漢上

玉蟲金粟影交加共道孤檠夜放花遣殺客愁曾不去有  
川喜事報儂家

送友還吳寄詠家孟

送汝還家意倍殷武昌官渡帶斜曛  
息息不及將書寄說與平安報卯君

家孟已卯生

同韜荒渡月湖過生生林訪王闇如徐初鄰因留花  
前晚集別歸奉寄

月湖一棹已高春剝啄禪房話近蹤  
是客看題誰作屬無人不數子為龍  
麤豪欲索瓶中酒願領同聽飯後鐘  
日暮恩恩君莫笑明朝招手敢辭從

秋晚代寄

歸時曾訂采芙蓉此日迢遙意倍慵  
鴈結陣來疑有字燕辭巢去竟無蹤  
愁蟻一葉思君瘦寒到三秋變妾容  
欲責

愆期難捉筆口傳音信話嗎啡

次韜荒見贈韻奉寄二首

歌駢曾記促離觴三載真同參與商  
顧我何時消傀儡喜君猶未減疎狂  
客懷敢望如前日詩思無非在故鄉  
幸得人來夢澤平吞八九看誰當

昨宵密坐共傳觴葉落秋聲恰奏商  
司馬縱逢遊亦倦次公何必酒纔狂  
余不飲酒來詩有醒狂之目無多芥子容人世不遠華胥是我  
今日得從牀下卧一時湖海果誰當

不寐

偶移衾枕過前榮展轉誰知此刻情  
每為思家宵便立縱然識路夢難成  
短檠定解憐孤影長夜何時殺五更  
獨怪

砌蟲吟切切故將哀怨到天明

韜荒烹岫峯遲予賦示

羨爾新從岫頂旋旗槍初試折鐃邊  
數堆枯葉風微吹一縷輕煙火活煎  
香入妙時清更老味堪回處澹逾妍  
自來桑芽翁成癡可許能知廟後賢

漢陽懷古

愧我還同汗漫遊每於陵谷起深憂  
千家闌闌郎官水一望波濤處士洲  
當日舉杯真曠達何人作賦最牢愁  
兩公姓氏俱千古屈指猶為第一流

重九前一日韜荒攜尊招予過生生林適山陰潘六

奇在坐六奇自蜀宰罷官家於大別山之陽因賦

柳塘詩集卷二

九

此贈之

重陽節近一樽開人世萍踪得幾回  
我自煙波鄉裏至君從山水窟中來  
宦情甚愛安仁拙詩思頻將邠老催  
風雨句成閒賦就一時傾蓋樂銜杯

侍家君渡江時有風濤之恐

日斜問渡漢陽門雙槳中流浪忽翻  
人世孰能容李白風波寧不繫章惇  
驚心欲灑窮途淚剪紙難招定後魂  
還是故鄉風景好鱸魚蓴菜那須論

贈徐初鄰

千里逢君漢水濱茲遊汗漫黯傷神  
也聞劉表非知己須識常何能薦人  
性到不堪纔是累交歸平淡始為真  
何妨



共發秋風棹繡水吳江互問津

贈錢鑒濤

吟罷撚斷不曾開才大如君未可攀日暮旗亭同一醉獨將斷句賭雙鬟

答晟野贈硯

負郭從無二頃田爲君鸚鵡眼倍淒然篋中剩有蟾蜍在獨少名園與米顛

次韜荒韻贈名閨

此日何來高士風芒屨竹杖篠冠翁滿園自得忘營營  
人○等○遊○世○工○詩○意○半○生○山○曉○後○酒○魂○常○喚○鳥○聲○中○襄○陽○  
老○人○逢○是○心○跡○雙○清○爾○略○同○

神塘詩集卷二

十

獨酌數杯承韜荒招飲坐定而余已頽然矣作此示

之

敢從爛醉覓生涯蕉葉三杯不用賒大得聖賢中妙理風  
和南董是方家呼爲惡客何曾謬認作公榮尚足誇酒醒

二狂君我在一時投分托葶藶

刺頭二首

吾生恰值鼎將遷卅載頭毛未許全四角不妨芟似草中  
央何必小於錢偶然梳篦誠爲贅時復搔爬也覺便此後  
蕭蕭人莫笑黑頭搖落到華顛

共違王制剪鬚鬢數日無端又鬱興一撮尚畱原鬢我  
遭卻去媿逢僧臨風喜試吹毛刃束髮難施綰髮繩最是

青春兒戲日屋簷初覆記吾曾瓊覆額爲屋簷  
吾邑方言也

趙星野將舍予於宅西別業移書來訂作此代簡

偶傍郎官借一椽華門夔牖絕堪憐何時復向春風坐不  
意竟從幽谷遷檢曆便看移寓日空囊免措僦居錢道南  
推宅誠高誼來往而今更覺便

送韜荒攜家還海寧

同往郎官又數旬攜家先問海昌津何堪久客逢歸棹况  
中年別故人鴻耀倡隨時合隱淵由贈處語俱真猶餘  
漢上題衿作昕夕吟哦不厭頻

移寓示星野

竹舍縱橫八九椽移居仍住郭東偏喜無鶯鴨將鄰惱尚

神塘詩集卷二

十二

有琴書倒架遷過客不妨權下榻開樽恰喜錢殘年明朝  
莫唱歸來曲媿爾時能與酒錢

方伯張九如先生招余讀書署中喜與鑒濤晨夕賦

示

與爾饑驅各食貧方舟一渡大江津纔爲漢上題襟友同  
作桓公入幕人我老嗟嗚渾似病君司箋答果如袖何時  
自致青雲裏媿殺儒家席上珍

鑒濤客滇黔時值今義藩索封秦王有十八大臣據

法力爭同日被害後秦晉交兵鑒濤亦在曲靖中

夜譚及不勝慨然爲賦詩二首

安龍駐蹕小朝廷勁節猶能照汗青無復國威銷跋扈敢

因天醉誤調停丹心欲奪真王魄碧血還呼高廟靈誰向  
貴陽城下過為煩椒酒酌離亭

列柵連營曲靖城坐看秦晉畫交兵海桑已向人間變  
蠲還於蝸角爭共歎蜀中啼杜宇誰從島外哭田橫今逢  
西家為家日不敢中宵聽惡聲

辛亥除夕

此夕何夕序云遷典衣沽酒為擊鮮一生直可無今歲半  
夜不覺過殘年何當飽喫漢陽飯幾時歸種吳江田家公  
大笑向予說明年點金還官錢

家曉亭藏東坡真蹟敬題其後

趙宋之際工臨池眉山老坡稱絕奇章法初學顏刑部筆

柳塘詩集卷二

三

力遠過楊少師我家曉亭得筆跡卷帙因之生陸離裏以  
蜀嶺藏什襲神物終當為護持尋常不肯把人看恐是紛  
綸過眼兒憐我嗜古得其癖展卷再四同嗟咨乍看側理  
斷紋起墨瀟透背光琉璃蘭亭菊紙略彷彿越州不得誇  
烏絲細看用筆入變化瘦硬天矯非平時公昔論書鄙杜  
老阿環飛燕須參差波折有時露本色筆端畫出公墳眉  
端重最得大臣體此書足為人羽儀嗚呼真蹟不易得碑  
版至今照四彝君不見桓家寒具油來禽青李同日悲永  
寧里中丞相府敗垣零落無人知

贈趙駿求先生

一枝偶借漢江濱種菊栽松稱隱淪拈拂止參無味話閑

門長作在家人半生鴻爪空中影十載龍胡墜下身近與  
家君成二老風流來往也前因

初夏與鑒濤對酌

官衙蕭瑟了無聞沽酒猶堪共論文雙眼懶將青玩俗一  
樽直舉白浮君雷聲夜送晴川雨日色朝穿鄂渚雲收拾  
錦囊應不淺懸知佳句出人羣

七夕後將以試事暫歸江南因事少阻時錢子亦將  
還渚潭

共期殘暑買歸舟行止由人復少雷非愛西山常拄頰為  
羈南郡賦登樓多年客况誰青眼一夜鄉心欲白頭摒擋  
奚囊詩數帙曾中雲夢未全收

柳塘詩集卷二

三

武昌歸舟漫興

兩年江上感韶華此日辭親去路賒久住已便音帶楚暫  
歸翻覺客為家無端引睡拋秋卷發興看山闌午茶只有  
晨昏關底事轉蓬應老舊生涯

堯峰歸舟

蠟屐高低足漸疲尋幽不覺棹歸遲分留物色吾何有領  
略山光此亦奇紅葉滿邨疑入畫黑雲藏雨似催詩歸途  
大有餘歡在更擬湖濱住少時

書樂天想夫憐斷句後

開元詩數右丞賢樂府能於近體傳不是樂天拈出看無  
人知是想夫憐

茗飲歌五首上徐木客先生

活火初燒煙縷颺午窓恰得一杯嘗先生自謂羲皇上更覺其中回味長

馬乳方傳自上都纔傾一釅勝醍醐茶中亦有桑田劫此日仍宜喚酪奴

解眼旋生幾沸湯也知結習未能忘酒仙詞伯堪驅使只炷茶神一瓣香

愛品諸泉鑒絕倫茶香泉冽齒生津惠山差較中冷近誰作先生水過人

筆牀茶竈老寬閒桑苧天隨伯仲間囊底賁文錢尚澀未堪峒頂買茶山

柳塘詩集卷二

古

鴈字四首

何處秋風送早涼橫飛數點映斜陽霜翎欲寫藏真帖風翻兼草急就章看作家雞還似鷹呼爲野鷺即如王鉤深法秘君休倚雲際天然翰墨香

蟲書鳥跡自紛紛紅靜對山頭送鴈羣試過禪房成梵體若經香閣儼迴文影沉水底摹千本陣散天邊變八分誰向臨池稱獨步凌雲健筆總輸君

羽毛不比墨花鮮常向秋光兩闌好煙水數行臨短幅谿山千點寫長箋縱橫筆法居神品遊戲天公妙化權借問阿誰能鑒賞除非素醉與張顛

居然翰墨有家風健翮扶疎信不同苦欲鉤填翻類拙縱

無波磔也能工鸞籠道士休忘換龍跳天門未許雄若作神仙思羽化定須字解沒長空

哭侄弟

憶汝墮地時歲劫在乙酉王師初渡江盡室更奔走同行畏兒啼從旁掩其口兒誠何所知掩急聲益吼我母轉加憐幾棄復縮手及乎免亂離愛惜甚瓊玖稍稍至勝衣點癡無不有漸解覓鴛車頗知陳瓦狗兒戲庭除間輩行共干喝已壞不復作此意古人取其氣真食牛稗未就繩紆建如走黃犢映若吹劒首夫何生不天五歲喪我母吾時雖知悲哭罷已索糗女性誠過人扶牀淚如瀉時聞呼娘聲撞臂類杵臼同屬毛裏人于女較多負長者咸歎歎

柳塘詩集卷二

五

童孝今誰偶未幾上家塾肯落諸兄後雖誦數十行發端驚談數十二屬今文離奇筆幼嫻亦能無齟齬氣已壓僭偶或親方祿養海外紆若綬水涉彭蠡雄山經大庾陡吏民如猿猴鳥言聽難剖有蛇如樹長逢人呼誰某起居一不慎魂魄失所主羣蟲恣飛遊殺人在杯酒颺母走天吳海嶼大千阜女獨慷慨行願字實盈缶一別幾六年頗怪參商久我領已生鬚女顏覺微黝相見眼爲驚各問無恙否女言居海濱五載困踐蹂驕兵脫巾呼城社幾不保蛋戶駕大船乘機乃倣擾生黎勇猶突老弱怯干飯盤餐薦蝦蟆蜉蝣蛇尾以非俗謂此味佳吾見口已嘔終慚玉局翁南烹漸能狃以故體獨羸面目甚鰲垢我聞之而悲與女

同穀穀今幸從親歸勸酬敘長幼從此約鍵戶一家互師  
友牆角舊短檠宿火光在牖堂西小茅齋有門已亡壯女  
我哦其中疑義相擊扣誓欲扛龍文慎勿享敝帚女喜微  
言規我善更端誘詩擬箋魚蟲字能辨蚪蚪持之以問世  
誰可出人右青衫不掛身于女何怪性既復從親宦一官  
我親部我挈蓬頭兒女攜稚髻疑獄佐平亭箋答極搜  
引我親少強直立志在不苟偶失上官意宵小互相噬羣  
提將沈清頓挈子賤賄盜跖目為廉夷先變成醜危法既  
巧中伏機復陰持如雉方罹羅如魚思脫筭我親識義命  
非意理遣受虎豹屯九關修門不可叩而女獨咆哮憤激  
情所茂歐刀伏闕下死終不反咎期我為驅蛭憂心共如

柳塘詩集卷二

六

昔年事亦漸解天幸固甚厚長卿體素羸消中疾已舊况  
香齋時天意事八九若憂能傷人此子不復壽執手臨  
路落尊由我疾視女歸女病已不起寒熱遞相攻  
嗚呼生同長古年鬼伯已相趣彌留念我親在這  
安知客寧知屏角子雄露歌牆柳都攸竟無兒天道誠難  
考靈附少青焚誰與奠蔬蕞平生所丹黃敗帙已覆瓿緬  
思風雨夜對牀共相守姜被忍獨寒哀些不堪道

鑒濤有還吳之約詩以招之

武塘秋水白於銀衣帶吳江正比鄰何日遲君賦歸棹筆  
林谷通共相親

無湖

關吏爭得去復還客囊顛倒在江船書籤莫怪無人檢文  
字何曾值一錢

沈氏山家鎮

自是山中日景微帆指蘄陽背落暉山勢似高回鴈嶺明  
魚磯拜風江承衝流上接食神鴉貼水飛且復  
泊船成一宿浮萍蹤跡幾時歸

江行即事

輕舟過大通午餘天氣尚墮籠前孤山冥龍拖雨隔  
江風客路頻經說後浮生到此得無窮忽思  
一枕安眠

柳塘詩集卷十

七

有少陵草堂之勝因賦長句志之  
人言此地背城隍絕似成都錦里來山徑也曾緣客結柴  
門今亦近江關雖無酒伴從鄰覓尚有園官送菜回春興  
楚歸元幾首

近家君以楚  
歸名詩集

浣花風景少陵才

江

倦遊重寓漢陽城來往真如一葉輕斜峙雙磯波蕩激夾  
江兩郡勢崢嶸岷山來脉源真遠嶓冢旁流派亦清猶有  
前朝興廢跡候人天塹是虛名

武昌寄錢鑒濤潯潭四首

昔作武昌客秋深話故園君思歸貴竹我亦返吳門  
詩曾和加餐字尚存重來舊遊地梁月幾飛翻

子有居夸志入山何復深兒能解蠻語婢喜帶華音園詩  
無名藥林鳴未識禽奚囊增幾味定寫入高吟

此地曾為播雲山實畏途鄉應多瘴霧箬欲蔓平蕪全蜀

關門戶前朝入版圖德馨君自重何必語姬媼

文人俱不達命來被才憎儋耳雷波老成都滯少陵蝮蛇

長似南山鬼夜吹燈亦復同搖落蠻天避繳繒

蘇明曾自燕至鄂移寓大別興國山房

偶從西笑過江槎重寓禪房卧曉霞殿聽方言休亦喜

翻楚夾兒昆耶看山景盡供詩料賣賦錢都付酒家京雒

縑歷楚狂態竝堪吟醉作生涯

示恒二首

柳塘詩集卷二

七

判年習鄂者惟女久相隨此亦為人子吾猶似客兒觸屏

驚欲醒懷刺訪偏遲僮約應重訂王褒是我師

縱使人奴茲還須分寸功駝曾書子厚驥亦述盧仝鞭朴

原難廢寢嚴在得中相依頗姑息誤汝何家翁

送友人蜀

天下崎嶇路何為君忽行峽流巴字水山接錦官城樹底

驚猿掛雲中聽鴈聲依依君莫忘此別最關情

送子真王明府江陵對簿

臨岐執手重凄其美情深在此時天寶才人皆欲殺寢

丘廉吏果難為憑誰與乞鄰家火有客能書牘背辭最是

仲宣文藻好登樓賦就少人知

與明曾話舊有感

劫轉桑田臥景殊班荆重話楚山隅濤江碧血原難化詩

郭青垣久已無屈妨若歸平可晉山公猶在紹何孤請看

直筆貽青史生氣英英儼畫圖

寄韜荒粵東

萬里番禺道千金陸賈裝歌罷思往日賓鴻又他鄉秋月

當梁白寒波帶露蒼倦遊改遷粵何日共壺觴

送河陽州守朱我嘉遣成晉陽六首

不知終不免整楚赴修門道有豺狼卧關多虎豹蹲豈能

逃漢法何必弔湘魂諸子京華貴誰人與達寬

公私逋累苦官罷益嚴催門踵追呼吏家無逃債臺錢囊

柳塘詩集卷二

七

看愈澀塵甄積難開此况曾相似因君感一回

白辭誠何罪青蠅竟屢催郎官星欲黯司寇法難恢軍旅

知才教詩書實禍貽客中須自遣失馬未為災

大典今如此才高禍未紓已登司馬籍竟落考功書去國

名難潔還家夢亦虛何人送臨賀相對轉欷歔

簿責寧難辨官卑敢論情何當及寬法幾不免餘生臣罪

應誅亟君恩自聖明莫將衰颯意寫作不平鳴

尚有家夫子同時罷漢川往來惟二妙謂王明府子真急難共

三年生計差能穩寒灰總不燃宦途多反覆歸隱似登

漢上旅懷

三間茅屋枕江濱卧榻蕭疎不受塵卽酒數杯常中聖午

餐一。樂便留賓。翻飛語燕。何知倦。滅沒輕鷗。未肯馴。已辦青錢理歸棹。那堪長作漢陽人。

寄題潘六奇寓齋

鐵門閣下徑微斜。小築茅齋老歲華。曾理釣絲添水檻。偶歲松樹似山家。篋中有句酬青玉。囊底無錢掛畫叉。我亦倦遊同潦倒。兩回空泛漢江槎。

有感

年來真與世情疎。無事衡門喜晏如。但遇惡賓還譙讓。每逢俗物發軒渠。茶槍懶監新營陣。酒券賒鈔未讀書。信美他鄉非所願。何時歸去帶經鋤。

漢寓再寄韜荒

柳塘詩集卷二

卡

楚天渺渺正愁予。懶性還依水竹居。此日忍拋張翰鱸。兩年真食武昌魚。秋風時捲江邊屋。今雨誰來花外車。從古窮愁多著述。媿無佳句突黃初。

弦月

半規猶未皎。薄暮已橫空。圓影為蟾蝕。清光被桂蒙。雲端飛破鏡。天道果張弓。三五何難遇。中商便不同。

九日明曾招飲大別山房

禪房洗盞更盤桓。日午登臨興未闌。故里菊花空自放。他鄉杯酒數君寬。人情方信南中苦。佳節纔知好會難。此後年年成一笑。茱萸囊了不須看。

聞有與潘一微

乞歸有表許朝叅坐鎮誰成鼎。足三儘有陳豨王代北。可無汲黯寢淮南。釀成大尾真難掉。殺盡雄風果不堪。竊喜家君歸策穩。主恩今日是抽簪。

初冬買舟南歸喜極有作呈家君

數年萼菜想江東。尚喜還家有徑通。粟貲監河甦轍涸。驂遺越石慰途窮。謂子伯氏也如鄉侯在子湘兩毛生當年幾欲歸司敗。此日何妨取考功。檢點客裝殊不薄。滿船明月袖清風。

余自去年出京口。溯長江而上。至漢陽復順流而下。風雨晦明頗盡其變。因敘之以志江行之美焉。

柳塘詩集卷二

卡

最委折亦有鬼神異。物張其雄隘如千江爭。一門水勢倒。下愁江翻曠如平。疇渺無際波濤萬頃驚。心魂晶如山頂。懸飛瀑水與日光相吐吞。清如燃犀照水底。蟲魚百怪驚欲起。險如罡風吹雨立。長鯨跳躍老龍喜。須臾江山曉開霽。數人夜半將宅徙。奇如洶湧江驟漲。百丈牽船不肯上。偶爾一縱即少逸。長年三老皆惆悵。或時渾淪酒太虛。或時恹恹難為狀。吁嗟此遊殊未竟。已覺習坎俱瑩映。何不穿決窮其源。盡取江山付吟詠。

蕪湖易小艇下京口示同舟人

今日更同舟。多君意氣投。驀錢邀每醉。減米惠曾稠。客艇如傳舍。蕭齋似舵樓。張帆風覺穩。外此更何求。

采石

采石臨江險東南形勝間金陵爲右辭姑熟當雄關水落山根出祠荒僻蘇班感今兼弔昔一笑解愁顏

泊木排灣遇風

此日纔移棹風濤勢已成潮來孟湖口江盡潤州城五兩吹難定三篙漲未平頻年曾作客見慣也還驚

柳塘詩集卷二

柳塘詩集卷二

五

柳塘詩集卷三

詩五十二首

茅齋

小築茅齋八九椽紙窓木榻故依然入門蛛吐層層網拂壁蝸盤曲曲涎汲水便澆新買硯臨書仍倚舊藏種幾回獨坐真堪味即此還家已是仙

贈徐木容先生

貧老誰能遣先生獨不難身今猶矍鑠足尚未蹢躅易論三三注茶經日日看眼前無俗物心地此爲寬

讀趙后外傳

禍水纔傾笑德衰趙家姊妹擅蛾眉昭陽無限繁華夢消

柳塘詩集卷三

盡樊姬擁髻時

題畫

疎窗密竹日華侵一榻橫陳倚翠陰手內愛翻無字卷指頭思撥淡絃琴

哭金三弟輔年追悼授西大兄

伯氏今何在因君重複悲高堂雙涕淚長夜一墳荒墓草嗟經宿庭芝忍盡萎斯人俱短命天道果誰知

題卜舜年畫

瀾溪卜生常任達一生落魄酒中活每攜東絹寫淋漓畫得醉意筆超越襄陽老米世稱賢山水彷彿傳生顛迂絕世杯窺子久能于紙上生雲煙顛迂癡從毫端發顛倒豈

崑與溪渤生也以酒而得之能事于今未衰欲曾為我家  
寫竹石拂拭常掛東齋壁逸致翩然如對生蕭瑟秋山在  
几席即今生已不可作鄭公粉繪都零落海桑塵劫幾收  
藏留得殘山與斷壑當時促迫頗矜重醉餘揮灑筆猶凍  
安得佳醞千百瓶生潤君筆死作供也是酒人也畫史醉  
態依稀在筆底請素佛拂雲蒼苔生在其下應不瓦

趙承旨畫馬

魏公畫馬不畫肉下筆往往能見俗紫毫躍出生龍駒耳  
批秋竹蹄削玉疑公便是房星精窮彼殊相為寫生或嘶  
或驚妙點簇意態飛動真難名權奇駿骨應如此牝牡之  
外有精理傳神全在阿堵中并刀剪付渥泥水鑒賞家誰

柳塘詩集卷三

二

為第一武子才情道林佛空負千秋馬癖名惜哉不見公  
猶憶古來詩酒能品墨花散作天開錦今日誰藏九馬  
圖尚惜將軍真次壤何如公老值承明父子各擅文章名  
但將餘綺寫神駿已覺絹素留芳聲君不見夾馬營中騰  
真龍其餘凡馬皆羣雄秀郎王孫亦龍種英姿城裏原家  
自是瘡王氣一朝微異代遭逢願更遠自憐不交書中骨  
輕向燕京草上飛

倪雲林畫霜柯竹石

錫山老迂癖嗜古書畫親題甲乙部好事推為鑒賞家收  
藏便作圖書府清閑閣中盛英傑彷彿阿瑛與老鐵與計  
常自遣霜毫秋江落葉寒山雪老幹紛披只數筆霜根皴

得崩崖石篠龍風吹疑有聲意到筆隨半無墨卷首五十  
六箇字王維詩中寫畫意老迂唱之諸子酬留與後來為  
款誠憶昔東坡富才藻曾寫此圖贈耘老屬添丁長付渠  
藏便當看作傳家寶我讀東坡文不見東坡畫雙荷收掌  
復何如恐隨時代同遷化我今觀畫復讀詩想見解衣盤  
礴時三百餘年遺跡在天機一片果誰知

平山堂詩呈憲副金公

江東資重地淮右數名都牛斗分星野山川傍海隅水經  
源委折澤國賦膏腴郡昔饒鹽菜官為領運輸驛樓迎過  
節吏報衙趨趨何年種楊花綠徑鋪三千紅粉覆廿  
四畫橋殊騎鶴疑仙侶吹簫似彼姝慢亭張水戲燈市潑

柳塘詩集卷三

五

寒胡共指簾華地誰將雨露濡史書還約略心版尚躊躇  
汴宋當中葉廬陵產大儒金門羣射策史局獨操觚頻給  
蘭臺札常乘內廐駒夜分書外制曉仗伏青蒲始謫夷陵  
令今遷郡國符吏情殊澹蕩膏澤勝醞醞陵號何嫌廣域  
名豈復蕪蕪擇幽教夙駕選勝許晨趨地脉通巴蜀岡形甚  
鬱孤牛鳴離郭近龍氣抱山紆縱廣纔方幅周遭近一區  
前榮臨敞豁後寢避甌更門引邗溝水潮通甕社湖琴樽  
留宴息賓客踏街衢衣解從盤礴形忘任笑呼子翻松下  
局矢中竹間壺一斗愁如掃連忍喝即盧誰知太守樂孰  
謂醉翁近在昔堪師表於今復楷模為郎殊蘊藉乘哲號  
魁梧乞郡辭天闕專城協廟謨汝南思茂憩江表慰來蘇



高寶衝難築黃淮決欲枯波臣嗟助虐赤子坐何辜枉復  
沉圭辭空勞掌澤虞懇蠲漁戶稅力免火田租目擊流民  
慘親爲鄭俠圖丁男楚轉徙亥老免泥塗殺氣纏滇蜀妖  
星掃越吳索鈴朝幾撼羽檄夜還驅廷議符房瑄軍容孰  
亞夫郵亭抄白飯傳舍飼青芻頃刻徵千騎咄嗟辦百須  
六時忘餐食一昔白頭頽尚欲尋休暇依然問首途留連  
貧勝縣瀝掃闕行廚旋折初秋苗兼簪九日萸風流當代  
少文采昔人俱大考推高等山公詎矯詎佇看風紀地更  
真聖賢徒

行居雜興五首

此地梅塘近楓江西復西有園堪小摘無事合幽棲書蠹

柳塘詩集卷三

四

生新舫牆蝸漫舊題細爲推物理得喪也應齊  
頗受吾宗樸週遭聚一村巢鳥飛引子庭竹老生孫峒頂  
茶煙焙牆頭酒過渾相邀無俗物時肯款柴門  
性頗耽幽癖鄉居最覺便小橋欹尚穩雜樹古皆圍種藥  
兩三畝誅茅八九椽有時無所事把釣過前川  
偶然成小築意愜頗飛翻素熟從鄰樸松高許客論短章  
渾漫興極目不離村幽意還能用義皇爾自尊  
編注誰能合幽居長任真飯寧留俗客坐獨對賢人蛙吹  
何嫌聒臬鳴懶復嗔但期約鄰父同去采龜蓴

懷沈晉公表兄受公表弟

伊人宛在水中央歲臘常過高柳堂池畔憶同牽竹馬齋

頭曾共賭羅囊歡娛不覺成鴻影貧賤真堪作鴈行意欲  
與君尋一醉黃花紫蟹酒瓶香

書大家詩集後三首

紅豆山莊拂岫青客來猶見問奇亭當年黨論推尊宿近  
日騷壇尚典刑不死擬將成漢史孤生忍獨守玄經廷登  
儒恨君休說日新台階兩雨星

夢回龍尾醒猶殘重入春明興轉闌宣去可能如去歲放  
歸未許戴黃冠悲歌自覺高官誤讀史誰知名士難今日  
九泉遙故友西臺涕淚幾時乾元符庚辰九月十五日  
少年起草漢明光先後才名兩擅場物論一時稱鮑謝世  
情新咏聲山王何妨公等爲龍尾寧少詞人與雁行掩卷

柳塘詩集卷三

五

不禁三歎息漫論詩律費商量

甲寅雜感四首

嶺南嘯聚阻巖巖越境縱橫未易芟東老何須防鬼瞰西  
鄰未足飽渠饒軍中素滿牢搜物麾下人多扳授銜從此  
吾人稱樂土穩弄黃獨把長纜  
閩粵各懷感玉除三衛寧作國諸胥八旂半發京營卒雙  
羽翻翻國語書江邑衝疲愁置驛燕都迢遞走飛車不堪  
更老催科吏一月三四過散廬  
軍符新調羽林兵府帖嚴催馳道成雨作潭泥騎馬滑水  
衝斷岸搭橋行便發亥老充堤長更稅丁錢甃石平堤我  
有田無負郭也因工竣樂春耕

廷議真符次律翁屏藩臨遣鎮江東急需持給封棹庫密  
旨親承長樂宮雲氣遙迎天子瑞風聲更識大王雄可  
憐別立無聊賴未任條侯物色中

乙卯午日聞婦弟沈禹九失子寄慰

刻蒲懸艾酒初闌信到為君飲不歡久向謝庭誇實樹忽  
驚是澤隕芳蘭中年失子真堪痛此後添丁和必難洗盡  
復得思子夏眼枯那得愛河乾

表姪周逸超省試得而復失寄慰

偶因點畫誤遺珠疎拙非闕不好字聊把塞前交  
逢路鬼任擲榆冲飛且待三年後好采還能玉白無  
好采交三白成一呼我似雲英同未嫁當盧可勝酒家胡

柳塘詩集卷三

六

辰周叔宗真蹟寄為九

幾幅烏絲信手翻臨書終自媿專門翻翻體勢看波折綽  
約風神識渴痕縱使散僧能入聖莫教無佛便稱尊此中  
得力真難到春蚓秋蛇敢漫論

夏日偶成

坐聽林塘靜悠然一草亭水流天目白雨洗洞庭青竹裏  
歌宜放松間酒易醒喜無雜纖子獨熱叩柴局

嬌兒

嬌兒生數歲嬉笑見天真惡卧將衾裂牽衣索抱頻嘔啞  
今若此老大可如人一種關情處含飴娛我親

七夕

銀漢機杼罷鉞樓瓜果陳靈原歸舊匹巧乞與何人鵲作  
天邊駕槎通閭道津相逢即相別此際黯傷神

丙辰苦雨五首

沉沈疎復密颼颼斷還連離霓藏何處輕雷屬卯前苔衣  
綠初潤水面濺珠圓迥似雲門日晴空吼瀑泉  
時感頻傷水今春不肯晴雷從地底出雲向嶺邊生牛馬  
真難辨蛟龍苦欲爭余稠與斗米往事重關情  
耳畔聽真厭簷前滴不休張稟寧似昨塌井不須秋穴蟻  
綠牆避游魚入檻浮出門恐泥濘三月此淹留  
歲計當蕭索農夫久歎嗟溪添三尺水村踏大棚車已見  
牆生菌先憂麥少花豚蹄緣底事此願覺今奢

柳塘詩集卷三

七

玄冥愁宜罪驕陰勢尚尊何當錯昏晝不復辨川原久訝  
天為漏真如海欲翻誰能解雲霧萬里日光溫

晚晴

自此應無雨今朝遇晚晴游魚吹沫少歸鳥帶雲輕氣高  
飛虹奩山因銜日晶家家典衣釧酌酒賀春耕

午日觀競渡

未明當仲夏今節是端陽我亦衣襟綠人俱額抹黃迎神  
開雨霧招屈屈渡沅湘亭午纔移棹傾城盡日狂

暑夜

火雲猶未斂纖月已微升蝙蝠飛真厭蒼蠅聚可憎清心  
消毒喝散步解炎蒸竟夕還揮汗層冰踏未能

避兵

江關當孔道三歲厭旌旗屋似牽船便橋唯略約宜塔鈴  
晴自語驛路雨還鼓民力東南盡當途知不知

哭計甫草先生

孝廉吾執友一旦驚淪沒當代著作手風流頓衰歇憶昔  
君少年英氣已勃宰日讀徑寸書簡編志考覈洋纒數千  
言小儒爲咋舌尊公天下才所交皆俊傑同時東湖翁方藏  
也誓將國恥刷命爲君之師切廟在名節鄴侯萬卷書  
纖悉皆囊括君才誠縱橫寧足當穿穴獨指忠孝字孤光  
終不滅我家老世父文壇持玉鉞常標月旦評初不差毫  
髮忽於同人中多君調通脫我姊方及笄許奉君巾櫛快

柳塘詩集卷三

塔末乘龍佳人已長逝君持婦翁手頓足聲鳴咽重下玉  
鏡臺我猶忝戚末今張夫人先太孺人姬也是時天步艱邊境肆盜竊君  
獨孤中夜腸內熱上策不見收兒童竟塗抹馴致甲  
申聞天地遂崩裂真人起沙漠神武恆不殺揚旌定燕  
秦指揮蕩吳越一旅興東吳謂湯螳臂當車轍身死足千  
秋其人今尚活君時方奉諱家國禍並烈遂棄頭上巾長  
任阮生達賣藥混里閭長齋佞繡佛兩浙賢有司敦逼無  
虛月君乃返初服欲行尚整鬢試輒在高等頭角看再凸  
年猶終賈儔名與老蒼埒辛卯誤副車甲午貢天闕六館  
諸生徒顧視氣益奪山陰胡尚書忘分願交結豈求識少  
陵此足慰飢渴折簡特致君臯比坐中設君大放厥辭學

海波瀾瀾賢書魁北闕不復煩抱石衡文實監觴真賞互  
採綴至尊赫斯怒諸司盡駭曉曉請試殿廷間臨軒更甄  
別學士如堵精喜君筆奇絕能感帝王尊霜蹄未爲蹶桐  
酒賜天廚蘭臺給御札金門重題名姓氏果首拔大壑縱  
巨魚橫空摩健鶻變偶終成奇南宮試再刑君有生龍駒  
帝聲識英物三歲氣食牛其才實超軼宅相成陽元舅甥  
別優劣讀書得大意學禮陋綿蕞探計千聖源芻狗百家  
說理學辨異同文章恥抄撮正襟坐匡牀恍與大道接遠  
搜象山微近得陽明訣我嘗獻芻蕘恐墮苦空窟亦復首  
肯之志在斬藤葛好惡大略同所異勇與怯天道何無知  
斯人竟夭折子雲哭重烏淚盡繼以血遂築思子亭以筮

柳塘詩集卷三

亞陽魏非熊或再世此理終恍惚我勸君節哀胸襟令軒  
豁公如季方九畹蘭已茁差足慰目前阿奴正飄突君  
既失諍子無心售駿骨世亦旋棄君生計轉疎拙牛車誤  
公家一靴錮英杰壯年被放廢怪事叫咄咄五嶽起方寸  
形貌漸萎恭思欲叫帝閭修門甚迢遞况有虎與豹所言  
竟誰察故人多達官修刺每上謁衫段乞到公補綻在短  
褐放蕩魯宋燕意氣益騷屑常登吹臺上悲歌激林樾復  
凌泰岱巔夜半看日出時負古錦囊驢背灞橋雪龍門良  
史才遨遊得筆法大手張燕公悽惋江山力君薄遊中原  
形勝略騁騁銳意於詩文逸氣亦迸發老境體乃道晚節  
律轉密意每在筆先興或生象外辦香屬廬陵鴻寶人未

識吾吳有鈍翁魁梧真素哲于今少許可頗與君莫逆上  
下近代間議論常往復弇州才雖夸不若震川潔掌故擅  
升菴魯魚多未核夫豈學蚍蜉雷同語羞聒文字好識彈  
一一慎剖析誰復定君文農部乃質的我生最愚魯記十  
遺七八時放蒼蠅聲岨岨少安帖君顧謂孺子汝舅堪大  
數謬許在末行吾私終難愜去冬指阿蒙謂可名流頡詩  
格費推敲詞場賴君挈方期享大年共了名山業云何僅  
下壽鬼伯促太疾垂白北堂萱一慟五內割弱子過時哀  
氣息尚惺惺病婦骨支牀撫棺有愛妾誰當嫁阿鷺身後  
更深切吾黨失典刑親串成哀感憶過黃公壇忍聽山陽  
笛我思一慰君長夜何岑寂天地爲逆旅萬物皆奄息生

柳塘詩集卷三

寄死如歸並未爲蹉跎騎鯨倘往來蒼茫杳難覓

九日

重九人俱愛三杯客解愁囊菜爲令節側帽乃名流尚喜  
成今笑何須記昔遊干戈方楚越良會足淹留

寒

已過一陽月愁爲卒歲人綿須裝後煖衾是昔年初漸覺  
膚生粟何妨手不龜春風開墻戶吾亦喜歌幽

喜雪

竊喜今年雪俱從至後來寒司玄冥令花逐臘梅開壓樹  
枝偏重禁空舞却回穰穰如有驗勸女一深杯

丙辰除夕

一生幾荒落過盡第三回此夕真當惜少年難再來境甜  
思食蔗歲失厭銜杯兒戲宛如昨春光只暗催

聞雷

臘自窮冬盡春從歲首催凍雲難作雨除夕乃聞雷梅蕊  
枝頭綻蟲蛇地底回如何元旦日依舊雪皚皚下二歲朝大雪

駕湖宿鍾宣遠先生齋頭

吾父平生友駕湖情最親晨星寧有幾今雨復何人剪韭  
招邀切荷衣記憶真歲寒惟二老相望鬢如銀

寓香露華示音上人

蒼松開古徑修竹倚枯藤花供樓頭佛鐘清定後僧社須  
參慧遠法許續盧能五乳峰前老內有懸山影堂龍淵有一燈

柳塘詩集卷三

香露華供佛梅

雲霞散盡日幾回滿園生意未須催一枝折取樓頭供不  
要三三法力開

田家二首

方穀催春種家家望有年竟無牛代力例不火燒田岸水  
牽兒弱分秧大婦便辛勤從此始手足敢辭耕  
官稅從來急生涯近轉微春光當熟食風煖典寒衣糠粒  
何曾飽豚蹄且復祈門東羣索飯叫怒苦號饑

王師

南越新收復江東少戰爭雖蟲誰得失蠻觸爾縱橫吏上  
催科考官嚴轉粟程無端悲喜集何日竟休兵

贈朱長孺先生

左思昔著述不憚歲月長苦心事研討斐然自成章門庭懸紙筆斗室生輝光當其未脫稿目爲中原僞一朝睹傑作璀璨騰縹緲山經及地志行間細鋪揚結構既精密體勢復汪洋所以賦成後輟簡驚老蒼我我朱先生腹笥堪頡頏少工舉子業有聲振膠庠晚乃棄之去獨以古自將鄴侯架萬卷觸手皆丹青貫穿得理法緯史而經經其餘諸子家亦俱咀其英讀書有根柢今古可下上故其所撰述毋見狂大方嗚呼虞山翁詩史之津梁指摘諸注家援引不當遂使萬丈燄銷鑠不復明先生謂虞山齡也不自量燭火雖云微曾不讓太陽先生序中以太陽喻虞山立論不苟同足見

柳塘詩集卷三

三

筆力強可解不可解大義微而彰至今是書出終不妨兩行更有玉溪生艷體推擅場能傾羣言液兼漱六藝芳餘波皆綺麗其旨終微茫推見彼至隱音節爲激昂直令千載上義山可不止老篤嗜經術一編笑窮忙人生不通經有如瞽失相論詩鄙夾漈小序尊卜商家尺定鐘律序中以小序爲家尺厥功良難忘典謨藏魯壁絲竹響孔堂宋儒稍踏駁尋繹心悵張學術禍天下無乃此濫觴不可不是正幽渺其張皇春秋成倚閭釋野羣披猖隱見務穿穴何由窺素王大官命左氏賣餅營公羊老抱杜預癖史學開榛荒庶幾宣聖道因之而大昌炳然如日星中天吐光芒阿蒙生晚出幸得同一鄉蠟屐時造訪妙論針膏育學殖塊荒落不

彷徨

柳塘詩集卷三

三

遣興二首

小山有叢桂燦燦色若霞托根在何處廣寒乃其家吳剛謬持斧斫此金粟芽一子落吾園十年枝交加葦收忽司令開遍黃金花天香發秋光幽韻刊春葩  
嶧陽有孤桐危枝高百尺斲之爲琴材計我齋中絳弦以朱絲繩徽以黃金屑一彈復再鼓其音正疎越能使江水清足令山月白不遇賞心人日夕自怡悅

柳塘詩集卷三

柳塘詩集卷四

詩五十二首

丁巳上巳日清明

歲律同元已清明及季春羽觴修禊事飛蓋集嘉賓杏粥和錫冷榆錢賜火新天公真省事并作一良辰

春深

忽忽春深後難忘比日歡游中嘗昔酒御給敵輕寒風識鳥巢穩晴催燕墨乾荒村饒景物粗覺一枝安

賦得春星帶草堂

春夜杓東指巖城硯北居參疑橫屋角斗已轉階除半入明河挂翻因近月疎細看佳句法吾亦愛吾廬

柳塘詩集卷四

家孟自澤州至得學人張從典書却寄二首

伯氏高都至緘封有數行剪蔬爲地主贈策趣行裝鳥道高難越鵠原急欲翔書中推分意每飯不能忘

江夏同晨夕今朝晉與吳若將變頭角我欲白鬚鬚老馬途荒忽征鴻信有無他鄉分手處回憶幾踟躕

寄雲霍公令吳江憲政在民于其喪歸詩以送之二

首

今日時方詘吏廉爲果難頻遭長官罵只得細民歡有飯塵封滿無錢囊忍看銘旌出江道童孺涕闌干

昨忽聞家諱今何復出遊吳民真不祿昭代失賢侯樂社精靈在桐鄉惠愛留循良應傳入治行可搜求

遊淨慈寺四首

共指南屏路依微見遠村鐘聲初出寺塔影正當門佛法忘言貴真人無位尊但知崇梵宇此意復誰論

大有幽人趣何須問苦空萍依池水定竹引井泉通山氣爲雲白湖光漾日紅盡將閒曠意寫入錦囊中

若論虛無裏寧無便闕焉境能空所有心許悟時憚我惜眉客遲君蓋頂緣從奴解來意施與看雲發

紺宇疑無地禪關別有天應真僧五百妙法界三千願尚傳南渡人道語濟顛只資象教力未免劫灰然

湖心亭放生池

觀魚興不淺濠上許同招棹入空明境行經宛轉橋沫因

柳塘詩集卷四

吾師大尾爲遊人跳於物宜歌雅靈臺事已還

遊茗中法華寺次坡公韻

精藍恍在蓮花界縛律談宗總一派我愛蒼松夾道生御力輕健行覺快登頓還凌最上頭萬頃湖光見泝泝盪胸

生雲未爲奇眼底乾坤粟粒隘松枝豎義問何人聞有舌根長不壞形骸消毀理之常伎倆伎僧焉足怪但貪名勝

恣幽尋兼採藥物供蒸餽遊罷思將姓字題字體愧未成倒薤吁嗟便腹於天真慎勿輕爲世所械峨眉嵩少任君

行石門何事將臂疥不覺咫尺亦難過六翻縱長人欲綴歸和坡前寧謂工但免遊此通詩讀

龔惕特檢討乞歸粵東道阻不果近聞其在崑山作

詩寄之敘舊述懷凡六十二韻

萬里羅浮客三年秘制員離行地上鳴鶴一  
天邊學擅扶風富觀宣士雅先導中為領相省試早孤專貴貴衛陽  
紙名高鄧下篇一鳴鶴姓氏十上張述還玉為他山潔金  
因百鍊堅久海疑老宿獲雋向英平外吏循資格詞臣不  
注銓臨軒除館職給札纂長編銓少圖書府奎當日月躔  
是非關史局獻替在經筵帝廷同時者公今果在焉  
清書翻政熟國語譯采全夙駕思推德為吉為福  
山突元海子水滌流詔令蓬萊吏同登閣苑巔大官分  
馬乳寶鼎龍涎曉入隨天仗宿牽載司船恩難言感  
激身喜荷陶甄不料萌芽藥何知禍蔓延棧槍橫楚蜀狂

柳塘書事

矢獨闌溟未大真難掉風雅未易遷孰為家令策肯用繞  
朝鞭首尾踰三載干戈遍八埏方隅悲墮突煩費苦牽連  
思去從人占正魂計日還輸邊徒藉式義國未師然子澤  
憂時淚誰擦撥亂有空餘書乘博章負腹經便說引文園  
疾還尋荔浦田計任輕荷漢坡老不歸川西笑何堪問東  
山許暫眠莫傷秋月候共赴晚香天尚憶家夫子曾經佐  
化權參苓無俗物桃李發孤妍微識為龍氣亭知作笛探  
建離瓊島緩兩試武城絃並枉嘉賓重何伸地主虔悲歡  
談往昔師弟各滿漣杯錢豐江水魚懸漢上編分張頌屬  
望三黜坐何遜李蔡真中下王尊乍侵賢典衣充旅食減  
奎抵官錢去國名難潔還家夢屢牽身裁喂乳虎肉盡飽

飢為公論為昭雪爰書未洗前監河能貸粟賈傳平沉淵  
岑寂問君第沈綿夙病痊門牆增氣象衣鉢理流傳賡子  
頻頭責先生望眼穿此身徒老大親履且華顛昔似窮林  
維今如脫殼彈鬚眉還歷落行止不拘牽秋宅塘南首張  
墩漾北偏漁樵供指使書畫足回沿橘柚成園圃陂池小  
幅幘常得雙展覽竟氣短轅旋冬煮銀絲繪春參玉版禪  
寧甘守我拙味敢逐人糴久矣思遲駕何時得扣舷平生  
耽靜意獨受故人憐

姑蘇楊柳枝詞五首和汪鈍翁先生

無限春光要細論春人春日古吳門饒他鬱鬱園中柳已  
被風吹廿二番

柳塘詩集

春情爭似柳條長三月花飛易斷腸湖浦天桃紅勝錦倩  
他輕薄配顛狂

中車曉出闔閭城盡向橫塘道上行處處綠陰鋪妓席歌  
喉一髮是藏鶯

觀音山轎蓋湖船費盡詩家買酒錢小雨最宜寒食後堤  
邊須得萬條煙

漢苑移來此地宜任他眼起總低垂小蠻舞罷嬌無力消  
得香山一首詞

鈍翁自題柳枝詞後有夢中錦段已無多為僕細細  
寫蠅頭之句再和二首

文如翻水世誰倫綺語能生岸上春若使江郎早才盡景

花邊土鐵崖

水光山色淨空濤。遊人雜遝生春風。美人一坐百花裏。玉簾金管在湖中。書舫中間白版門。日光照耀生清輝。昨宵曾躍武三交。金精共指家王墓。今朝放棹石湖春。雙手連檣近花村。酒兵繞罷圍茗椀。北白銀蛇南白飯。玉簪東挂金烏西。銀鉤蜿蜒將名題。歸來蕭衍雙成使。不教揚州騎廿四。袖中各出鸞溪箋。分和老鐵花枝篇。

渡湖留宿鈍翁先生堯峰山園二首

柳塘詩集卷四

五

每作渡湖計今朝一棹橫  
榜人攔路僻山叟引船行  
定許覓然喜深慚屢倒迎  
更闌童叟燭相對話平生  
國大違來久談深欲二更  
筆書頻拭汗敲句忘驅蟲  
家釀傾還細山蔬煮醬生  
論文吾豈敢佳味有餘清

題董庭蘭扇頭並肩美人

白面黃眉點點香肉人妝史最奇司問誰識得凭有意阿  
緒能傳兩處神

書永和宮詞後

軟紅塵上接承明  
驢背詩家太瘦生  
舊事不堪重下筆  
莫將舊事比前情

色志二首

大手操觚未易工等閒輕寄兔園翁  
惡詩疏史俱擲入藏拙無如付祝融

和范石湖臘月村田樂府十首

石湖詩采入邑志遺俗至今有存者有護者有名  
存而失其意者君子可以觀世變焉

以俟采風者

冬春行

歌收數鍾農倍利六旬富翁憂少米  
官糧畸零猶自堆平地燕揚盡餘粒與糠  
糠輒還須數利

柳塘詩集卷四

六

忙質縣落楸粒不長米春漸為乏極方有此亦如脫粟無晶光依然縛  
困為蓋藏蒸浮不覺冬春香但使棘喉飽便足敢望炊珠  
兼饌玉不識能供幾月糧瓶罄愁難接夏熱門東索飯休  
咨嗟五升日糴人誰賒歲晚道累紛如麻縱有米歸子母  
家

登市行

爆竹連聲墮地薄俗元宵作燈戲初八參星正月高早  
知此夕燈成市詩云初八夜最宜放燈魚山幾樹真精工置嶺標  
峰巒不窮中撒亂星數百點一一蕩漾生春風連宵曾誰  
人忘倦巷地還從巷南看狎客家家奏十番共賽今年正  
月半富貴百家無二三盡買斗酒顏微酣如此晴明天色



少更望明年燈節好

祭竈詞

天氣嚴寒，廿四薄俗家家成故事，秘祝方言，當綠草胡  
蘆笑，香芹祀濁酒，如錫果餌，鮮香縹緲，燭花團潔，淨  
先安，送君上天，君色喜一家，瑣碎言，熟聞，奏休  
詞，云：公填明春奉迎還家門，福祿當如前，所云蠶絲米麥  
收十分。

口數粥行

祭竈實明日，廿五滌釜作糜，五更煮方法，如常號口數齊  
向中堂，聽區處雜揉，百果炒蔗糖，一杓均分，香勝梁大兒  
老養，減晚飯小兒，牽裾索一分，點婢竈前，先竊嘗殘杯，纔

柳塘詩集卷四

及亡羊，減主人積誠，燒柏燭，牋上天，公祈降福，靈云：明秋  
高下熟，盼到殘冬，再炊粥。

爆竹行

臘月爆竹，聞自昔俗，近仍移在元日晚，列手盤几，拂塵地  
爐，種火堆烏薪，清晨吹酸藥，微透閃爍，晶光精怪，走頑兒  
逐，被暑頭隱隱，猶聞牀外吼，開門利市，汝真驚，三聲屋  
瓦為枝，傾無災無難，百事寧，出門入門，康莊平，竹紙迸碎  
爛，斷氣縱有神，姦不作，厲家家相見，拜新年，更賀昨宵得  
美聲。

燒火盆行

歲除，離離二更後，盆中添火，明于晝，村兒野外燒，豆蕺家

督庭內，燔山柴，灰黑煙青，光皎白，百鬼奔騰，勝才，曉莫莫  
貧家有底忙，團圍老大坐，相望共祝，明年，胡意月細，頭多  
收，樂栗列一家，老幼衣裝，縣也似，今宵火盆熱。

照田蠶行

牛犢湖，傍村四五，競縛田蠶，蠶田畝，橋燈百盞，若流星，爆  
竹千聲，過亂螢共道，連年五穀少，雨要停，勻水要小，更兼  
四月養蠶時，日暖晴和，天氣好，金鼓夜，開村西，東炬光照  
耀，差相同，麥定有秋，黍花，花蠶繭如，襄稻無蟲。

分歲詞

歲除典祀，今昔同辛，盤柏酒，前人風，龍鍾阿翁，新年，艾發  
罷呼孫，共守歲，爐檠殘紅，為燕香果，餌羅列，重煖房內，中

柳塘詩集卷四

歲饌最得法，甜于蔗漿，白于霜，此翁不知，老將至，舖啜，猶  
存食牛氣，鳩車竹馬，事茫然，老大惜難，再少年，翁言今生  
無別願，但願手足常頑健，出入人誇，矍鑠哉，九老者，英當  
有分，兒童競前，挽翁鬚，年年為翁上屠蘇。

賣藏獸詞

兒童，健健夜忘寐，共喜明朝，是新歲，南村北村，千百家，絕  
少藏獸，來賣買，須知二物不可無，今何不足，昔有餘，人情  
日偷，俗日薄，石湖見之，應擲，榆腐儒，不識世，高下，獨欲買  
之，嫌價，價渾淪，元氣寧，須錢，且與，斯終其年。

打瓦堆詞

階，落盡，眾星爛，舊俗三更打，如願，盤空，灰舞，暴殘，籬，泥

却長鬚赤脚衣百餘年來不復視漸曉猶貪春睡足家督  
連年折閱歸惱鄰鷺鴨少雖見桑餘附枝夢滅岐長伯樂  
得短後衣未知此婢何家住我亦難將汝致語然饒足  
須一乎不惜親許宮亭湖

送龔詩往江寧謁座主熊公

分置歌驪問所之青溪橋畔訪君師曲江風度今何似莫  
是鴻飛冥冥時

聞龔詩赴江陵幕

才名一日萬人間忍作江陵遊子顏若使先生為下客不  
妨重運載同還

逸超就婚金陵諸公驛錢催妝口占一絕奉賀

柳塘詩集卷四

九

日暖藍田生王煙送君南去雀屏懸阮郎三十纔婚娶不  
是名流莫入錢

打魚詞二首

漁郎十五能盤盤漁女十三能結網忽聞打魚牛讓湖與  
郎一心同鼓掌

南船逆風來復緩北船乘風急如箭一時齊集登潭中兩  
兩鳴榔撒網牽

聞韜荒自江陵歸

行囊羞澀客魂驚一劍秋橫南郡城曾在清油幕中住不  
知世有謝宣明

禹九夫子時僕有此後添丁未必難之句今果舉一

雄遂作詩識殊可喜也

須知此子定能成况有前詩識甚明恰合當年賓客句一  
枝吹折一枝生

張墩

逐宅浮家在此中藥畦竹逕兩三弓世間說有爭墩者萬  
頃湖光定屬公

巴陵曲

猶社書停涇水陽俄驚龍戰血玄黃宮中旋奏新翻曲知  
是錢塘破陣章

省試後自嘲二首

獨放三條寬受辛那知容易感沉淪時光寂寂君休問  
柳塘詩集卷四

十

高何曾笑此人高何曾笑此人高何曾笑此人高何曾笑此人  
易學傳家信不同董帷管榻也專攻大慙文字吾何敢始  
覺齊竿尚未工

伯母撫周氏姊及余妹以壬午甲午殤今歲戊午山

年弟復殤其長女以一詩悼之

每逢午劫涕潸然七十慈親慘不歡重憶卅餘年舊事一  
生三度哭金鑾

食茹齋荷包牡丹示家武寧謙六

春光日日過憑軒綠肥枝頭花正繁縱似紫雲休教帶若  
名紅藥不妨留嫩蕊越后風前態薄醉楊妃醒後魂最是  
泥他腸斷處對人欲笑獨無言

卷四終

柳塘詩集卷五

詩五十八首

金閨送大兄入都時余亦將假館武林

弟客錢城兄 帝畿金昌亭上共歡歡可憐今歲同巢燕  
纔出門時便背飛

南權署為宋宮遺址高廟內禪後移仗於此今署中  
芙蓉石猶故物也詩以慨之

縱步頻尋二友軒故宮遺石尚堪捫玲瓏驚嶺飛來秀突  
兀高峰聳處尊競擬顛名推北宋莫忘勛禍在中原劫灰  
五百餘年物銅狄摩挲易斷魂

岳墳

柳塘詩集卷五

此日重思龍漢因墓門松幹久成鱗悲呼伍相真知己笑  
許于公作後身無復祈連能起塚不堪滄海復揚塵惟餘  
明聖湖頭水依舊洄漩長白蘋

湖上

暮盡湖山景尚遙不堪人事日蕭條何時得遂嬉春願亞  
水枝枝映六橋

武林舊事有感四首

仕宦曾傳車耳謠子公力在 帝城遙先生一霎登仙夢  
贏得人間訟庶蕉

朔風蕭颯貫城秋憶到鄉關觸緒愁金斗風光良不惡此  
時纔解望山頭

自詠客公術更精且將此味敵公卿燈前細讀蒙莊注單  
豹何曾解養生

舉幡聞昔訟陽城青史于今尚有聲魯國諸生千百輩何  
無一箇肯西行

馬上書所見二首

揚鞭偶過郭西偏風漾征塵拂馬韉多少山村稚髻婦男  
兒衫袖立門前

羶車捆載歷嶽岑魚鴈無從寄葉砧解散行纒除却髻語  
言猶帶浙東音

晤初鄰得韜荒近信再次前韻

聞君日日倒壺觴勝事幽情許共商子美有懷堪自放嗣  
宗惟慎可言狂結廬猶未離人境忤俗真宜住醉鄉也擬  
重吟衿上句卿如無我更誰當

步孤山下

散帙猶存君復詩每尋遺跡步湖湄老梅大鶴都無了未  
必青山似舊時

湖心亭晚眺示學人張友仲

宛在中央一水亭湖光掩映日晶瑩亂山都在西意外不  
及高峰兩點青

湖心亭險竿戲

水閣風輕縱棹探木熙呈技態俱慙若將此段當危語便  
勝桓玄殷仲堪

岳墳

樵蘇百輩惱山靈  
鄂國墳邊草色青  
何似越江龍說後冬  
青樹下兩面經

于墓

華表栽栽在水濱  
于公墳對岳公墳  
當年化鶴來過此各  
見臯亭駐北軍

西陵橋

曲檻低欄舊狹邪  
王微柳隱擅容華  
只今松柏西陵下可  
有藏春小の家

宛轉橋施魚

數載烽煙羨此魚  
乘空游泳儘安居  
盈筐寒具攜將去宛

轉橋頭施與渠

千

見西湖辭間詩為書一絕

最是西湖可惜時  
白蘇佳句並紫思  
擅場能事吾何敢不  
作禪房疥癬詩

龍洲香露菴與晉上人坐雨因次梅村先生梅花菴

聯句六十韻寄海寧查韜荒歷敘今昔以當晤言  
偶買鴛湖棹精藍跡久淹  
高春風便振薄暮雨尤靈  
密霧宜藏豹重雲直掩蟾  
掉頭驚鵲噪吹沫喜魚  
噉逸興歸吳質禪心付  
道潛煙霞差已勝詩酒  
孰能兼查子才真健詞  
場律最嚴開門貧客過  
覓伴走鄰覘妙義參支  
許清談屈籍瞻胸襟能  
獨曠腹笥不為廉玉識  
砥礪鋒知千莫銛

大言如倒峽綺語比輕縑秋駕閒騏驎名山老杞楠壁完

還慕蘭居卜擬從詹菴苑名雖起金門祿未需養親棲海

縣要婦出江瀟屈宋騷情古衙官士論貪行囊無俗物小

經載書籤圖解青綾障裝輕玉鏡奩已上諸語見少玉不偶及就時下之事過人多

周儻使酒罵壬儉跡偶同傖楚途疑奪釜鬻詩悲蘇軾案

史鑒馬遷闕面任輸心笑人看覆手炎物情常變幻世運

尚韜鈴肯逐狂瀾倒真同沸鼎燭詩書幾獲落士族盡危

貼邊境方開拓東西久被漸兒童成項領骨相半髭鬚法

網雖差密潢池幸各殲輕軺遊越嶠匹馬上滇黔劔鋒新

裝樞車漸舊布帽真王遺玉案大將脫貂襜間道難鑾轡

全身返里閭曉霞隨北首落日背西崦舊雨人還集玄亭

轉橋詩集卷五

四

草重苦放歌狂未減雅誥口難符茗許分曹戰詩教刺燭

占愁懷能自遣苛禮不須矜已上諸語見漢書并諸集發卯以來時事以忘操志之氣世執嘲

揚子吾曾識宋纖敢云酬白雪深媿突無鹽贈縞情方切

題吟韻共拈客情頻作惡孤憤正如淡何獨邀君盼須知

未可嫌疎頑常抱病寒熱幾生疢公事真難了詩通日每

添無才探月窟有夢攬霞裾故里溪山隔他卿柳絮粘買

舟隨溜放挂席愛波恬夷惠間何妙中邊味果甜小園收

芋更蔓野種葦蒼樹蔭釣輶烏罾橫撥刺鮎藥猶他日裹

旨為御冬醃鮑曲依元製銀箸看妓揅黑甜成栩栩軟飽

定厭厭徑訪王猷竹梅巡杜甫檐門留題豈媿牀下卧何

謙欲蠟潘溪展先沽秀水市招提經咽合宰堵頂輪尖話

舊情偏切懷人語近謔短章如見報恍對海昌驛

余夢與鬼物往返送難幾為所屈覺而賦此以志愧  
冥漠君才我不如曉窓深愧黑甜餘何時得遇王廷壽傳  
與東方罵鬼書

雜題六首

令甲初嚴轉粟程五年閩楚苦論兵司農仰屋無池策額  
外新添郡縣生

星沙諧價仕途新冠蓋我嚴縉紳拜袞仲華曾未識莫  
將才語向斯人

公草章滿薦宏詞若箇磨煙解勒碑三禮賦成君第獻只  
堪鼓吹太平時

柳塘詩集卷五

五

此日方知廉吏難嚶城聲價滿長安臺班已解相推重政  
拙催科合左官

綵筆能將氣象干潛郎頭白主知難嚇蠻論蜀尋常事第  
一人須第一官

家公昔日喜談兵海外曾成君子營今向落楓江上住一  
雙老手種蕪菁

七夕風雨張圖麟先生招同方外楊生集二夜軒

小庭堅坐喜新涼瓜果堆盤次第嘗日午乍驚風雨晦夜  
深乃放女牛光客懷誰覺良辰美世態吾知拙味長此後  
窮還俱莫問任他人笑麴生狂

弔故司馬四明張公

日落阜亭風怒號十年成旅總徒勞生悲張陸忠魂壯死  
恨金焦殺氣高朱囑尚沾紫市血素車猶見越江濤客中  
魂之板漿薦屈文能續楚騷

寄逸超

每擬齊梁駢麗詞雕蟲小技亦安施獨難檄就才原薄驚  
蜨文成體最靡吾黨孰為王濟叔人間道有蔡充兒莫嫌  
樸學無人問甘苦年來但自知

圖翁示菊前飲酒詩次韻奉呈二首

老圃秋容耐早霜。撚鬚寬句更傳觴。人誇此日東籬好。我  
愛先生晚節芳。落筆每驚詩律細。銜杯何減少年狂。花前  
幽意誰能用。不羨他家金錯囊。  
先生有憂貧之  
歎故落句及之

柳塘詩集卷五

五

數本叢殘傲薄霜。貽詩重乞續前觴。敢同冒雨詞人調。最  
愛寒芳客路芳。鉢却嫌才易盡。當杯尚喜醒能狂。和歌  
幾成佳話。付與奚奴舊錦囊。

讀枚馬淵雲史傳寄呈鈍翁先生四首

待詔紛紛上直廬。高文典冊定相如。武皇采入西南陲。下  
馬誰為露布書

綺靡文傳是子虛。曲終奏雅竟何如。後人嗤點凌雲賦。曾  
讀當時諫獵書

金馬祠神事已遙。子淵才擅漢宣朝。非無聖主賢臣頌。只  
教宮人記洞簫

文似相如入室新。漢庭誰是薦雄人。君王若許陳玄舛。何

必桓譚歎絕倫

已未至日

歲暮氣尚暖幾忘至日長人間添弱線地底動微陽曉雨不成雪朔風吹欲涼司寒偏與候不識此何祥

五世

五世家門尚涕零生兒况復得寧馨幅巾微去將頭白珥筆歸來未汗青定有詞人傳真隱不須妙筆檄山靈斗邊尚許光芒屬厥看東南處士星

奉呈父執鈍翁先生

大雅今誰作先生實起衰斯文良未喪吾道豈亡岐系屬名賢後學為天下奇數行常並下隻手不停披屈宋纔堪

神塘詩集卷五

七

傑融修始許兒精微穿溟津權陷決藩籬制作超秦漢源

流述孔姬會當崇雅調直欲熟浮辭免穎堆成塚烏丸洗

作池甫能高紙價鼎妙解人願早被鄉評重無慚前輩推

先生幼時為勿齋徐公所重嘉賓傾北海高會動南皮簡即當筵授詩教刺

燭為連篇驚脫腕一字定沉思重有希文任還殊章句師

胥江施馬帳楓郭寄鶴枝先生曾於郡城及江邑授經碑競題黃絹人爭歎

白眉能無讓頭地敢不徹鼻比茂苑分壇玷文人各鼓旗

於時有杜安同鄉而仕俱甘牀下拜肯向管中窺抱璞頻遭刑封侯屢數

奇祭詩聊自解煮字亦當於簡練曾雖股安吟幾燃燭坐

穿管寧榻憤下黃生帷匣裏雖埋劍囊中乍處維一鳴魁

省試兩榜捷春司海子朝初罷是年房書於海子臨新規定郎官秩未早台

階需不次選部例循資樣競求三語操先凜四知地曹嚴

荒綸秋憲恤艱答序屬年勞久官隨昔牒移弘終歸經

黜不受招麾恬淡應如是經綸未已而飢偏憐朝死寂苦

笑雄疲俗吏羞同調鴻儒略等夷郎潛達聖主明恩在

明時痛值龍胡墜哀如鵲口悲攀因銜國恤拜為感臣

私孰立天傾柱誰張地絕維雄圖歸主器寶曆紀康熙

政訝多門出阿疑倒柄持度支嚴賦最執法議毛吹莫負

倪寬冰空憊元祐碑捲堂傷國體薄譴荷宸慈直道

猶援止深思未忍辭簿書多瑣屑吏卒半疲羸敢謂斯官

小難將厚祿尸朝衙動案牘夜火尚啣舊恨惟飛蓋新

吾只論詩慚須因大好醇恐累微疵夫子真蕭灑公並

神塘詩集卷五

八

委蛇編修功矻矻光祿語僊僊王李膺奇抱劉梁秉環姿

數公俱見先生所刊補卷中時時同几案每每接中綦靜校銅壺矢閒彈玉

局綦擬韓調張籍仿白和微之下筆俱無敵論才各不羈

異書要共讀典義許同廟世苟親儒素吾何懼險巇除官

仍會計權稅算高貲考幸無虧額瓜當以歲期席門猶舊

邸襟被返單騎寧忘涓埃答唯希竹帛垂胸奇曾未吐腹

筍竟為飽管筆思追轂率裾夙慕毗但抒經濟略可監治

平先生自謫後無取歸田了不疑藥欄依竹徑水檻倚魚陂

課先生言官早遊鄰蓋茨門能教鶴守林合使龜潛明自

來三三歌還出五噫山塘迎履齒花塢挽車綬對酒論歌

拍呼僧問米篩羹常燒玉版鱸解縷銀絲年願阜編假歸

嫌誓墓遲待時無不可學道頗相宜處若參夷惠人疑半  
點癡漁樵容爾汝賓主忘何誰緒論誠金石丰容足羽儀  
別裁恒汲汲弘獎更孜孜六籍當為本諸家並取裨辦香  
原有在秘枕祇如斯愚亦親提命人俱藉指為小儒漸破  
碎外道疾淫諛門戶何曾峻生平不自欺人豪如玉局道  
濟即昌黎梁國無從嚇玄珠許獨追世方推祭酒朝已薦  
宏詞共羨山公啓誰知好爵縻遲整隱豹敦道遠歌驪  
家近魁三宿光燦太乙藜尚方支寶鈔內府給諭筆  
千天象丹心向日葵陳詩皆諷諭奏賦必箴規寧交  
妒無令識者嗤名幾齊北斗舌恐翕南箕小試看游刃  
鋒露鈍槌何妨言稍遜肯與俗俱隨待價終藏器知幾便

柳塘詩集卷五

九

守雌不知大官肉可勝故園芝

別西湖

若向錢塘問所知湖山佳處最心期幾回別後情懷惡難  
忘陰晴變沒時

懷西湖

伊唔纔罷即開關短策輕舟信往還每到煙雲洪染處分  
明幾幅米家山

春日懷靜觀堂梅石二友兼呈圖翁

算罷官緡坐此堂望中二友興飛揚南宮丈石玲瓏秀東  
閣官梅爛熳香水部詩成堪詠詠尚書期在足徜徉

時先生  
謹題

愚蒙大有難忘處特與殷勤寄短章

橄欖和長孺先生韻

異果生南國嘗新俟早秋艱難來越嶺迢遞及吾喉種不  
踰閩界鮮誰問樹頭初猶鷺口涇漸已覺涎流形偶同膠  
栗珍應過海榴食經為上品茗碗少伊儔崖蜜甜終勝河  
豚毒可瘳野人如見贈情比木瓜投

書秋茹集後呈家弘人先生二首

憶昔羣賢集衍源連枝意氣最軒軒陸機文采難家弟張  
協詩篇掩哲昆一自駢鉗遭漢法頓令賓客歎雍門胡方  
徙後才逾健讀罷淒然感在原

眼前數子孰君如往往懷鉛上直廬僉父三都堪輟簡陽  
秋一代幾成書未知馬角生何日更少魚腸慰倚閭京邸

柳塘詩集卷五

十

故人常問訊揚雄文似待吹噓

醉

若論江鄉事年來最可傷蛛因蟲布網鬼倚虎為張天意  
高難問吾生舍欲藏驅除愧無力一醉付茫茫

哭魏名閔

我親昔罷官僦居在漢上平時車馬客今雨不復任與子  
少平生叩門獨見訪貌如山澤癯內潤復外朗自言葉諸  
生形骸久放蕩篤嗜老莊言物外起遐想尤不喜俗人碑  
頭輒孤往獨尋女之翁愛其胸襟我須嚴事之以作高  
山仰亦當弟畜女發言共欣賞翁學如長公女才過叔黨  
置之古人中于今實無兩我親少自奮詞場早掉鞅遇事

無不為落落久骯髒中歲更憂患跡差古賢仿我質實驚  
下學未知所向蜩蟻發蠅聲略能探微茫小技安足尊子  
得無過獎敝帚幸自知慎勿千金享黃帝遺玄珠得者惟  
象固願與為雲龍事誠在勉強彼賢亦人耳此語即息壤  
子時壯我言意氣益慨慷謂我且老矣焉能女相長美牆  
見義大損益理頗講女其際風雲我甘守荏苒結壺以水  
濱大類東西瀼濁醪過牆頭及盆時在掌頗得醉中趣孤  
懷寄決莽一身常覺多天地翻未廣癖好蠟遊最一主昔  
幾緬長恐足蹒跚不能及疇曩因慕宗少文毫端寫西爽  
撫琴時動操衆山為一響更有聰明兒老樹添嶺峯案頭  
驚溪絹頗解窮物象蠻君與鬼伯旌幢森隊仗尤工聖帝

柳塘詩集卷五

十一

法體勢極動盪當其得意時疾書燦銀胸間作古詩歌筆  
端賈餘勇肯辨香竟陵騷壇共馳騁任捲蓋頭竿日往過  
者杖屨嘗走過子掀窻室塏瑱請以書畫船顏于室中榜  
道書手一編鉛汞得內養方期追羨安何遽沒塵埃人生  
如樹花飄落異溷幌子才堪凌背鐵翻常引吭即今六七  
年千戈勢擾攘出子囊底智機槍銷寒芒業公非好龍此  
意竟悽愴穀貴歿斯人聞之心惘惘磨鏡遲弔子寢門為  
設饗典刑誰復存虎賁空想像

過長孺先生讀其所註春秋

楓江郭外帶經鋤客至常從硯北居未許春秋成倚閣諸  
家疑處讀君書

答學道者

自道何堪論昨今年来不覺髮華侵雖然未得安心訣也  
解它前戲三禽

乾黎川汝君喜先生

崇禎三年  
陶雅山城

奕奕儒林列義聲先生曾不負平生軺車名士身多辱首  
藉寒官節自禁當日銜驛真慷慨至今藏血尚分明九京  
英爽歸何處欲令巫陽筮故城

舅父沈始仁先生力疾定我外祖父孝甫先生余適  
館武林不及執紼襄事歸呈舅父二首

吾舅當室穿焦勞廢餐餐傭身幾似永收子定如難弄為  
踰時急魂因古壤安自憐違執紼再拜淚汎潮

柳塘詩集卷五

十二

元塚累累甚春風草漸生舒難成宅相肥實備彌甥拙筆  
慚為狀遺言莫乞銘萱堂幾淺土感歎渭陽情

除夕

牢落從他歲序遷絕無人怨與人憐平生受盡癡歎益論  
價應須十萬錢

頻于歲首望登場睥睨形圖困與倉聖帚如椽戈法在銀  
鈎親署萬年糧

葉子分曹興欲飛分明奪得錦標歸眉間黃氣羸如許也  
是先生戰勝肥

美談馬衣年少即芝蘭玉樹也成行一家子弟登前戲眺  
雲間鳳皇



父執沈介軒先生八十二首

曾同諸父擅詞場風雨年年共對牀人樣只今零落盡典  
刑真作魯靈光

杜結耆英孰與儔一時老宿並風流樽前小友家君在甲  
子千今也一周

柳塘詩集卷五

柳塘詩集卷五

十三

柳塘詩集卷六

詩七十七首

早春郊行

嬉春最愛鐵崖詩出郭門來路漸岐柳樹舒先臨水穗  
花開遍向陽枝行因地僻何妨誤歸戀湖光不覺遲此後  
賓朋莫相忘挈壺重訂踏青時

哭徐木容先生

先生言大信非夸鵬集承塵悼日斜穀貴潛夫竟長夜道  
窮玄草散天涯遺書曾許全歸槩負土何妨獨累些文苑  
儒林俱傳入料應不媿古方家

觀棋二首

柳塘詩集卷六

高齋集好友坐隱問楸枰品爲輸先劣局因爭劫贏盡堪  
消永日未可竟橫行萬事無憑準奕師有定評  
鏗然落一子良久意何長舊譜千百著空盤十九行覆棋  
知算失審局關身強姑婦中宵語君聽莫漫忘

玉峯顧兄子雲學仙而余素不喜二氏之學與余莫  
逆而道不同因賦一律兼示令兄子豐

三句強半是清齋人道寧能與俗諧仙爪爬時形以鳥紙  
驢子遺子賜我而教子還當敗卿第如吾也自佳記取  
綽墩詩句在儒衣僧帽道人鞋

李張弘遠南還用起雷韻

落日驚鴻滿屋梁俄聞才子返江鄉旗亭贈後詩真老  
宿

步邀時與若狂五兩定應諸客况一編獨許歷行囊相逢  
莫話春明事樽酒論文漏正長

延陵十字墓碑古歌

世家獨表讓王里千載梅花照江水厥後高風附子臧也  
是王家老孫子州來季子真奇絕歷聘觀風來上國編帶  
編交有數人東魯素王稱第一愛子葉葬龜博間來觀三  
墓稱其賢誰知延陵復壞土豐碑十字新題阡字體宛然  
大千掌校難復卒氣騰上定有鬼神來護持蒼蘚摩挲至  
今仰吁嗟漫漶不可識好事臨墓入古帖棗木肥刺累失  
真猶當壓倒穉斯筆君不見岫嶺山頭神禹碑年年光怪  
走蛟螭一時高堂張素壁定是人間兩神物

落落

柳塘詩集卷六

名場頻落落不覺鬢華侵吾未分新故而仍論舊今酒酣  
澆小戶句穩悵秋林若遂浮家去煙波不可尋

潯西

何用爲人畏君宜味此言不堪虎而翼况復鶴乘軒絲尚  
幾時終募今猶在門茫茫天道遠萬一鑒煩冤

純翁先生乞歸未及上謁奉呈二首

引疾南歸整角巾千秋大業屬誰人池邊是客還躡鳳史  
局何年能獲麟誓墓未須懷祖忌挂冠惟有隱居真草堂  
檢校無他事重理晴天舊釣綸

星上山城信倚筇玄亭問字各相從總中免水峯頭樹枕

上寒山幸裏鑿兩地草堂營杜甫數條別業老巖隈  
載酒難輕過未得先生近日蹤

出湖推舟二十里達吳家港二首

菱歌處處亂舟橫千頃澄波勢頓平三十水如平地闊一  
帆風似逆流行何時王勃能前達此日湖神覺世情記得  
昔年騎父老縣東橋上看波生今縣署尚有看波橋尚存  
憶昨洪流起怨咨丁錢疏鑿亦何爲若論故道非難復欲  
看桑田漸有期敗葦叢生淤水勢濁泥數斗長洲基鄣經  
原委無人問清渠東南力轉疲

入城過謁留宿

昨得吳門信先生已入城一衣帶水隔卅里鏡中行前語

柳塘詩集卷六

三

猶重理新詩復續成依稀宿山閣梁月落三更

石塢山房詩爲王咸中賦

王郎家在城西佳文恪當年怡老處鑿池宛似太湖形七  
十二峰風雨暮仲兄生綃好寫圖定禽生動花扶疎取也  
善鼓山水法平泉泉石音臨摹王郎誠思坐溪閣閉門不  
減深山樂元搜西簡弔聯詩胸中盡自鑄丘壑一朝落室  
堯峰陰王翰移家爲卜鄰石塢西邊鈍翁宅棄官浪漫讓  
之濱我翁據几方著書每佐註釋離魯魚高典忽涉妙高  
頂呼靈常並巾柴車數椽結構頗幽致妙得賢兄面口意  
又似張翥寬句時興與之會纔位置門前諸峰高聳天門  
內曲折流清泉小橋橫鋪三折版高堂清畫生雲煙兩斗

我昨來相訪德公元直期偏爽呼作泰侯君回問搜  
玩狂歌賞古鼎斑剝几霖漆法書名画盈細陟詩畧未  
付都商頌琴猶自張空壁小庭方幅成規擗遠山一角爲  
陂陁主人他出客竟入一一領略迷歸途明晨重約過山  
房自汲山泉煮沸湯指點襟離行坐處澆花種樹足徜徉  
何似西城舊池館魚鳥親人意蕭散草堂兩地信往還一  
齊付與詩人管况有鈍翁互主賓我亦喜結林泉分張  
此際難爲別湖山真箇解留人

獨坐齋頭寄山年定侯兩弟

獨坐蕭齋手一編影形神互與周旋但將白眼看天  
使黃金買少年爾我自應居戶限弟兄只合對牀眠欲誇

神塘詩集卷六

四

一事休嘲笑黃卷中曾見聖賢

李登瑣事詩次韻二十四首呈家聞璋先生

偶因瑣事寫閑思小幅濤牋展筆遲何似錢塘畫長史香  
簪過和鐵崖詩

滿庭新綠襯殘梅風信頻將花事催愛殺天機映畫面一  
枝不遣出牆來

柳暗官堤春尚遲綠煙金穗踏青時即言寒食須簪戴  
手攀來折兩枝

頻因翻草數名花圍坐中庭藉絳紗只爲謝家傳寶樹人  
人折得晚蘭芽

尾掉雙紅名不虛盆池游泳儘安居捲簾斜倚闌干看水

藻中浮嘍食魚

百六風光春半過最于元己賞心多硬黃榻得唐摹帖  
几時窓天氣和

穿隻金針剪幅紗絲絲不繡舊時花爲完大士菴中愿兩  
首長禧水月華

清明節近種蓮成六月窓前花映明往類看來曾不厭愛  
他古德舌根生

郎喜交遊駁半華一生蟬展向天涯客來斗酒傾子婦屈  
曲枯藤記妾家

額抹雄黃態儘妍榴花簪髻更嫣然兩回端午休虛度綵  
索羅囊一樣懸

神塘詩集卷六

五

峒頂初開白白花周遭千本勝桑麻閨中亦有旗槍陣活  
火教烹穀雨茶

千枕橫陳竹榻低今朝卯酒醉如泥雖然不作遼西夢也  
惱黃鶯枝上啼

炎曦日似去年長亭午陰陰水榭涼拾得兒郎泥彈子拋  
驚一玉蕊驚鶯

幾盆茉莉與芙蓉蘭上覆藤陰小閣寒尚有清涼款一  
記水浸水晶盤

淡掃蛾眉薄卸妝爲除長垢趁初涼雲雲委地光光不  
與菱花競短長

月上妝樓晚倦梳殘編手內映窓虛五車三篋男兒事一

卷班家女誠書

滿口生津齒頰香  
蔗霜雪白熱梅黃  
為郎下酒無他物  
親印盤龍八寶香

月中未許不羈才  
銀燭高燒綺席開  
怪殺酒兵渾不解  
又飛符陣勸深杯

詩題葉上井梧天  
絕勝高麗側理箋  
字值三縑人不靳  
一齊施作佛燈錢

蜀錦裝潢梵夾成  
巾箱小本手嫌輕  
團團忽悟無生話  
共呪儂家靈照名

斜紋織造稱纖腰  
水墨彈須倩若曹  
却與梁家推髻婦  
木棉衫外束絲絛

南園名苑不計寒  
幾枝藤本種猶難  
紙窓最愛東南向  
冬日清風透竹簾

梵字書經不厭寶  
佛燈一盞孰傳薪  
淡妝自定兜頭樣  
一幅輕言大士巾

佳句堪堪夫婿論  
一時詠絮幾篇存  
而今寵却生花筆  
不許輕將布國門

歸家抱第三男二首

二月離家久渾疑  
生客來乍呼嬌  
嬌樣認有重圓撫背  
眼差認巡檐懷欲開  
預愁成立後老景已相催  
雖未能言日誠求易得之  
見人頭便掉欲去手先推  
啼笑嫌多事嘔啞似有知  
尚平婚嫁畢五歡興應遲

聞韓希一趙昭野將上星沙便道訪余先作詩送之

西吳山水鬱蒼蒼  
二妙詞場久掉鞅  
雅瑟縱工難入奏  
玉卮不用豈無當  
采蘋方欲過蒼雪  
作賦真應弔澧湘  
何日驪駒歌一曲  
為留信宿話連牀

二蟲詩

來往花葉日正  
喜於羽族托微軀  
翩翩漫逐當途相  
相曾從蒙邑徂  
只與山邊為好友  
敢因橘蠹論新吾  
人間苦愛輕盈態  
搗得滕王舊作圖

石蝶

唯唯誰能重譴詆  
下彬賦就意如何  
輕雷解榻田間出  
細雨拖青池上過  
兩部鼓吹堪奏少  
一時斗學為公人  
間

柳塘詩集卷六

未厭淫哇語  
大雅遺音不復歌

右蛙

諸子

諸子年來數數奇  
兒童項領問何誰  
那知泣血相明日  
又是送人作却時  
讀史聊為下酒物  
行吟休注反騷辭  
可憐潦倒俱相似  
一味癡頑願守雌

一事

一事人間並莫爭  
底須與我暢幽情  
唐摹帖購臨千本  
宋刻書收敵百城  
怪石古盆添水潤  
沉香小篆裊煙清  
綠章頻向天公乞  
便欲其中過此生

冬餘

冬餘客館枕松江伏櫪雄心氣漸降最苦涼風當北戶每  
貪朝日耀南窓中書卒歲將成家歡伯多情未竭缸若是  
客來為二仲夜深猶許剔銀缸

感織婦勞因述其事

木棉絕塞來中國甚利便開花閨秋葵一望高原遍結子  
復垂垂功敵純綿半枝吹朔風悴色暴秋陽變賣人死射  
利稻載歷鄉縣健婦勤女紅十指苦皺倦買歸喜孜孜長  
幼圍坐揀核車設機械脚翻輾輾轉精光無纖瑕如玉出  
于閨爰有文木弓其弦直于線一彈花為飄柳絮因風旋  
再彈雪大作簪徑目雙眩鼓聲響嘈呖空中鳴箭箭兒復  
續續彈兩軍正酣戰鏗爾寂無聲琴瑟絃忽斷劃然分手

柳塘詩集卷六

中抽條世稱善紡車張一弦宮羽更移換一起復一止音  
節覺促短弱女小解事學母手屢牽積久作一團經緯皆  
中遒如素銳兩頭纍纍珠貫串理緒入扣中邊幅稍逾絹  
日織三文餘元元忘歲晏催科吏打門貨市完公限終歲  
飽辛勤短褐不及綻好語天下人尺布慎勿賤

述寄沈大兄晉公

少學制科文大略觀經史其辭稍瑰琦謂不中程軌文章  
尚波瀾邊幅窘坐此稍稍熟諧聲感托識與比盡發篋中  
藏大言怖洋纒問奇孰堪雄一一偏傍揣遇不可句讀亦  
輒以意擬於義終未安強半句下死蓄疑或久之胸如有  
物痞一事忽豁然再四咀未已雕版多魯魚俗說尤鄙俚

決擇愧未能詞林少根柢家貧難致書偶得善本奉王  
諸說家略能探原委勉強風雅途今古怯驅使復有香茶  
魚筆端苦點鬼兄敢輕薄曹宋玉老兵毀多師古所賦  
中有肯綮偽體誰當裁我甘執鞭弭利商肯荷燕一空  
輕詆此呼誠小了哆口肆排紙俎豆一先生彌望皆茅  
騷壇失桓文無疆執牛耳謬種遂流傳江河不知止干謁  
達官門聲名一日起兼之以射利佳傳索餉米篇首題鉅  
公簡末綴璽子而我最晚出安肯雷同彼姓名挂其中有  
識所不題相戒勿示人藏拙亦爾爾詩律貴即承妙語遠  
隨我愛小乘禪佳句多斐豐吟誦常數過何必非正始  
詩外有事在少陵有微旨放翁祖述之與會亦娓娓例及  
衆家詩源流差可指悠悠安足論任目笑腹誹嗤點嗜  
有歲河所造罪多口真可畏舉動見痕痕瀕子獨守寸  
論不我鄙掉鞅詞場間兄賢愚者弟斗石論才情未遑  
十里氣盡見小巫大笑鄙下士寧無燕許公草檄山林  
束將從之游譏彈定唯唯學術有原本方可空言勸政  
已所短焉能安癡痴晚節幸勉旃子當進干枝

夜二首

孤館篝燈酒細傾推窓萬戶靜無聲坐深不覺星將轉  
後窗看月滿生學為貴穿書尚少詩須釐策句難成華  
不遠休輕過肯負牆邊舊短檠  
詞人寄書云元空字寄誦讀功碑記寄書課學

邊立幟火光。酒欺小戶休。款辭琴許無結末。學操。只有  
已詞剛數快。人間紙價幾時高。

竹溪

東望海關知已恩。此生自分老丘樊。瑣廳厄似黃楊閨。幾  
屐嚴。登白下門。未必南山無仕徑。須知峽水有詞源。短檠  
依舊留牆角。一一重將秋卷溫。  
草堂無徑少人過。幾几晴窓天氣和。宿酒醒時塵夢遠。舊  
基覆。羅拙行多囊中阿堵頻羞澀。篋裏陰符費揣摩。微分  
也難甘。火煙。唾壺擊罷復高歌。

書屏

即今大雅果誰歟。偶向陳編事佃漁。一望葦芽知徑塞。每

柳塘詩集卷六

十

看箕斗覺名虛。魚緣洗硯時吞墨。蠹窟裝池易蝕書。誤盡  
人間文與字。掃除無力但歎歎。

借書

重向簫頭理蠹魚。名場勝敗任何如。文淵稱潤縹緲。史酒  
恭。知。係。為。借。書。苦。覓。小。手。嫌。景。短。貪。看。善。本。愛。冬。餘。百。城  
容。不。堪。高。閣。共。我。主。涯。計。未。疎。

馬文後

時。人。出。舊。營。南北鴻溝奈若何。四代功勳誰在。一  
時。老。莊。長。江。洶。湧。愁。天。墮。王。氣。消。沉。等。遊。雲。鶴。塔  
前。重。運。日。隔。江。旋。唱。後。庭。歌。

詩建文時雜記

遜荒蹤跡香難憑。野史紛紛記載仍共道。西洋學少和倭  
傳。南。內。返。高。僧。興。王。事。業。俱。圖。閣。湛。族。忠。魂。尚。撫。膺。寧。少  
陽。秋。稱。信。史。最。難。直。筆。是。長。陵。

吾村

數家煙火亦成村。質朴風看長子孫。師去便教兒識字。客  
來。常。使。婢。應。門。量。晴。每。日。占。雲。脚。寬。句。千。回。繞。樹。根。便。是  
賤。貧。無。不。可。家。聲。從。不。事。扳。援。

以近况誇於諸子

除却科名莫與論。此生何處不怡神。異書暫借思豪。如  
帖。多。臨。飲。氣。真。俗。物。未。須。來。敗。意。醉。鄉。定。許。著。閒。身。敢。忘  
幸。托。江。湖。住。只。合。頭。銜。署。散。人。

柳塘詩集卷六

十一

飲酒詩四首

注未詳。飲酒杯。半時一舉。當夫與會。主不過五合。許東坡  
三。蕉。葉。佳。話。傳。千。古。何。必。吸。長。鯨。然。後。為。徒。侶。

少讀小雅。詩飲酒宜溫。克數石。不能亂三爵。不知秩我生  
雅。自。待。不。為。罵。坐。客。主。人。持。耳。勸。未。免。困。米。汁。脫。巾。或。在  
地。以。頭。爭。取。得。取。作。狂。奴。態。慎。勿。忽。酒。失。

酒後。三。言。注。住。醒。時。語。隱。衷。難。告。人。一一。席。間。吐。既。醒  
運。轉。三。執。知。人。觀。護。只。宜。抱。瓊。筍。素。飲。當。大。戶。我。寧。盡。忘  
機。敢。託。高。陽。侶。次。公。醒。能。狂。定。勝。醉。少。許。三。爵。倘。或。踰。我  
甘。出。童。毀。

古人每沉冥。酒外有事在。後人故酣飲。亦復何所似。家有

酒量適與自當止苟非其年壯須浸偶偶為身  
謀三子可矣善學柳下惠莫如魯男子嗣宗如子  
後酒如之

假館郡城留贈從學諸子

扶疎傾松喜相交倦翮差池思遠也丹桂自為明  
心青長拂雲晴燕經秋日將辭社鵲到今年更定  
後莫忘一下故林輕棄任人嘲

寄諸子見留

同三官設郡門誰共擬驛禽是不寢泮底須龜  
駘老牛識途行熟籌行上為留計自喜青蓋有勝  
時此後應堪物色莫觀北杜與黃驪

柳塘詩集卷六

十二

東進佳生目成所還次徐宮贊原韻

○京○雖○浮○一○類○淡○閒○好○句○競○投○多○古○調○故○  
○不○禁○喜○極○淚○還○

寄諸子見留

○一○年○正○經○此○身○但○一○親○力○建○共○事○政○華○行○骨○  
○在○草○草○欲○忘○賞○

○在○草○草○失○計○此○幾○忘○呼○家○宴○隨○親○拜○影○堂○

寄諸子見留

○步○類○跛○蹇○之○難○雅○賴○之○遺○晨○夕○伏○雌○

鳴時中秋甲戌後拆聞聲往追尋恐遭兒童竊懷歸喜致  
致如獲麟列置盆盞間手為數雙隻累十旋售人終  
微不得契孕字須及時王政多瑣屑雌雄相戲種類漸  
充斥取照篝火光水晶點微白陰陽互變化破殼雙雙出  
母將八九雛出入恣所歷一子偶離羣未未語相覓健鵲  
喜飲風何問歷雙翻提雛爪中啼鶯領甥毛磔嫗亦戟手  
罵呼童守雛柵

沈子東素藏其外叔祖王忘菴先生所畫扇頭

索題其後兼贈忘菴

忘菴先生好寫生物態變化皆入情扇頭搨得菊數本  
日果果金天品花枝搖曳各有態况帶秋氣兼漙清我懷

柳塘詩集卷六

十三

其人淡而旨心貌俱古風泠泠亦如此花媚幽獨不與凡

卉爭春榮枝枝妙得高士韻無乃自寫其生平吾問沈子  
王自出得畫寶愛同瑤瓊須知畫外有意在一一感托詩  
無聲把畫數四發長歎恍疑身傍羅邊行縱然駭客餐不  
得定許他日冒雨來相尋

落花游魚圖亦東素所藏也再題其後贈忘菴

花言已過花事闌春風吹花散計園中羣魚正游泳蕩  
漾晴空啖花影眼前有景無詩得一天機落殘墨款見  
高堂張此圖不問知是忘菴真忘菴作畫如作詩與會所  
至忽得之有時自寫其所見煙柳池塘在東絹前身疑是  
花神謫游戲人間人未識不然亦得寫生髓白陽山人今

不死花兮魚兮兩忘情偶然相遭意態生却怪此圖筆  
脫首尾欲動花枝活明春花飄過池上彷彿忘菴圖作意

題申叔弟所藏婦翁沈文人先生花鳥畫冊

吾鄉寫生誰擅場今有忘菴前白陽平生工夫在畫外下  
筆活活神揚揚古來至人師萬物粉本滿眼憑端相山鳥  
山花各情性寫出鳴躍兼芳文人先生吾父友漫浪寄  
興翰墨場解衣盤礴聊游戲天機動盪揮毫細亦能脫去  
畫史意力與物態爭微茫但恨二子無我法筆筆透欲凌  
風翺我家舍弟具冊子點染數幅藏巾箱閒看還能飽人  
否生覺人事渾遺忘愛畫入髓偶如此小小好事疑清狂  
紙尾題詩藉不朽敢謂滿口嚼出俱宮商

柳塘詩集卷六

寄司甥漢荀

古

獨憶從遊久七經寒暑更壯心吾未已宅相女當成莫恃  
先賢後休誇近日名論文良不易孝謹起家聲

紀事示丁大年

造物終當忌朝廷果欲除鶴還敗道術牛已償仙書高  
令身俱殉懷恩禍未舒平生依正學此日免迂疎

壬戌秋七月既望崑山作

風月堪為赤壁遊景光何似此崑丘吹蕭度曲山巔上也  
是一回壬戌秋

虎丘中秋寄葉學山揚州

虎丘佳麗值中秋樂府應歌清夜遊不信三分明月在

將無賴屬揚州

柳塘詩集卷六

柳塘詩集卷六

五



柳塘詩集卷七

詩六十首

聞滇黔蕩平志喜五首

分封成鼎足尾大失屏藩徐偃朱弓瑞尉佐黃屋尊三方  
同旅拒八載獨遊魂後至防風戮專車骨尚存  
偶爾死期未數年何太橫稱尊終下策犯順竟無名梟  
忘恩易豬龍反相成從無高鳥慮不比戮韓彭  
數年纏殺氣今日泛光風調發鬚為白旌旗眼厭紅名看  
成聖子貪莫竊天功獨有三衛過人推當道熊  
老農酌酒賀征權羅誅求初克鬼方日剛行王母壽  
詔從三殿下澤沛九州流我亦蒼生一煦濡同見休

柳塘詩集卷七

欲得洗兵雨天河挽亦宜氣銷為日月光已被華華柳子  
平淮雅元和聖德詩曝片思欲獻保泰有箴規

有典顧兄招飲至醉賦呈

感子名意許賢衡雨過典豪三雅少觴促二參多終事  
席前船未嫌壯陣苛幸毋多酌我泥滑無僂僂

送汪右衡北上六首末章兼寄咸中

聞道欲隨父行行上帝畿尊公方小州吾子定雄飛  
背詩能穩隔行書寄歸胸中五千卷不是為輕肥  
上堂家慶畢分手問勞薪弟往青油幕兄依紅二壘封  
思轍夜夢忡憶連晨二惠吾徒畏何時得共親  
以今北首日憶昔別燕臺駿骨何年買桃花無數裁故吾



真好在前度復重來慎勿輕相棄棄陽未易卜

此日行藏事吾知決擇頻衡為漫刺客昂作磁琴人敢向

長安笑常愁京雒塵高材有公等不復慮翻屯

頃在百花里高齋迭過從觴行嚴酒政塵落咄詞鋒卿法

聊如此狂奴絕類儂平生少許可投分是疎慵

先汝京華去江東有阿戎一龍誰腹尾黥髯勝桓躬光聞

匣中劍音餘爨下桐蕉園幾脫稿吾道未終窮

鳳求凰變四首

遠山眉際宛清揚漫把文君與頡頏今日藤蘿山下路誤  
人一曲鳳求凰

放誕風流未足云禮防珍重舊知聞只緣怕作當壚婦此

柳塘詩集卷七

段還疑不及君

前看墮珥後遺簪曾少佳人伴錦衾若使相如早乘傳也

應不省白頭吟

靡豪渾未解溫存枕上三年拭淚痕才子若非情種輩斷

難提筆賦長門

無題四首

百兩迎門壺合杯那知鴛鴦托為媒郎心正似東流水一

去從教不復回

百歲恩情三月中苦將團扇怨秋風妾顏未必當薄命也

似花無百日紅

郎伯何人肯見伸滿蹠小字上書頻自憐不及莊姜厚猶

祀先君易家人

逝梁發寄一從渠纖素猶能五丈餘若向貧家作新婦縱  
令縑好待何如

荅犬歌

烏斯蒼犬毛骨殊摺伏來向庭前趨龍精入胎孕奇物更  
決可與難虛俱西南山深人斷絕武皇開邊石為渠山鬼  
畫夜跳梁喜啖人肉飲人血誰知此犬真得律牽出千  
里下怪驚電光四射氣蓬勃夜半變作寒鴉聲下原丈夫  
身手好百金買汝非草草出入與爾同死生幸聞笑易為  
新詩帶來聲價頓岑寂鐵鎖縛項齒欲擊鼻尖火出毛怒  
張背與凡犬同牢喫我今為汝買肉餒今勿生悲前勿喜  
韓盧之烹狡兔死英雄末路皆如此

送朱雪鴻之廣州

驪唱何匆遽驅車上五羊柳今難復折梅定遠相將舊俗  
防孟盡人情重素蒙古賢多贈處爾我莫輕忘

歌聲

十五嬌兒衣錦襦紅牙按拍習吳歎年年細載歸侯里只  
似唐時貢矮奴

題司恭肅公雙喜圖

尚書幼於語孟上以意輟作聖賢像稍稍遇物即寫之庭  
樹鳴禽滿屏障要與畫工筆溟滓時出新意神閒放黃筌  
徐熙久擅長竟於此也無多讓我家舊藏雙喜圖晴天常

向蕭蕭張鵲偶和鳴來樹間畫真寫照無殊狀翻疑掉頭  
翹尾時絹素躍出高枝颺尚書功名書竹帛粉繪多生未  
能忘鵲靈告祥寓深意太平有道非無象君不見老迂生  
不逢明時蕭瑟寒林寫微尚

觀穫

九月天氣清風吹穰徑香駕言往西疇亭午暫徜徉下田  
最潦溼新麥秋陽光入山斬叢竹捆載阡陌傍家督率亞  
旅經理頗有綱轉移諸職事腰鎌各成行刈之若斷織一  
望皆茂黃縛竹列田間有如鼎足張束藁架其上三日登  
秋場黃雀啄餘粒鴻鴈謀稻梁力田倘逢年為農滋味長  
催僮仆折薪築扁豆架

柳塘詩集卷七

四月種豆苗雞鶩啄其根緯蕭為樹柵籬落成丘樊柔藤  
頗屈曲引蔓晨夕簾斬竹試立架枝撐倚高原絡繩如果  
愚家葉障朝瞰開花間紫白累累珠實蓄小摘已盈袖加  
點佐盤餐設几綠陰下火雲如燒痕納涼並雜坐清言滌  
暑煩年收初殺州風雨時飛翻隙地以幽趣兒童任所掀  
眼玄冠一歸引老及盆

早

三月天不雨下田龜兆坼農夫踏桔槔揜耨晨至夕驕陽  
發方張勢同焚柴烈歸壑疑窮冬村港斷行蹤輾轉必  
三田間水微激來如惡灘上去若尾閭洩晚厭火雲飛曉  
苦蟄三累重不知官租採之無計畫豐隆隱南山生理未

斷絕黑雲大作勢滂沱足阡陌狂飈忽焉吹雨意竟寂寂  
老農錯料事大咻怪咄咄未煩誅慙精還宜訟風伯其威  
益蟲蟲健婦飢中喝柱礎生微潤鳩婦棲樹聒天意不可  
知物理固莫易望眼久已暗堅坐郵表暇過電若流火空  
山響霹靂飛雨霽而至疎點打敗駉駉聲未止屋角掛  
雌霓

寒

寒日淡欲無四望氣茫昧玄冥將作涼勢與屏翳會夕春  
起青嶺夜半力漸大日出一丈高其時覺稍殺旋攪地軸  
翻塵埃漲江介欲行已塞口面骨割甚憊歸來理冒絮蒙  
頭細如蠟肌膚隱生粟奇溫向誰乞反畏風息時栗冽此

神清詩集卷十

十

尚未話朝晴景潔嚴寒果益熾吹氣膠微鬚層冰踏不墜  
南國歎無衣生民半憔悴

悼僕

汝一駭豎子才未越行輩裏頭來事余客至失應對家貧  
百可吁僕蠢未足怪驅使復何人操作雜瑣碎口應力不  
加亦微語言諄諄不憫其勞或時責其怠終愧阿家翁癡  
聾甘憤憤苦我屋上茨秉我田間耒從我上白門期我奪  
赤幟失意氣慘悽高興力羸羸被常壓有錦囊時負背  
燕只傍巢飛犬每還家吠女妻既碎三女身又病嗽豈我  
生不辰累女早顛躋松菊誰為澆琴書誰與載酒後名錯  
呼堂側影疑在魂兮哀我窮長夜尚一嘔

侄弟婦喪歸烏戍五七姪元澄請恒公施食

佗段未星終婦復厄二豎靈輻自成來琴瑟在地府阿澄  
為女後至性罕匹侶撫棺一長號哀毀感行旅計畫無復  
之塞悲妄亦可或言人死時精魄無所主七日宛度劫鬼  
厄尤畏五大閻秘密法能救諸塗苦咄哉西方變未可常  
理以爲靈儼像設面目最奇古現此鬼神身空堂疑跳舞  
高坐來恒公末法賴稽柱眉如菩薩低目似金剛努帽簷  
七寶裝銖衣俤付與供養雜香花法音奏鐘鼓唱亦微  
妙增習響秋雨十指幻結印夫孰解手語白粲薦盤中粒  
粒佛號數伎儉如麻姑擲米變法乳其時風肅然景光若  
可觀大師定天人衆鬼兼新故攫食皆撐腸一一禪味咀

神清詩集卷七

七

我哀阿澄志慙愚少齟齬鬼神祀非族吾道良不許

望古堂燕詩為山年作

秋社年年結伴歸可憐今歲事全非銜泥苦共營業後獨  
引諸雛去學飛

讀史二首

星曆天文世所師何須奏記始憂之一生經術原無用恨  
殺尚書策告時  
寶劔霜鐘識最奇何言天道遠難知一生博物原無用不  
救台星圯後危

余向讀王子淵傳有非無聖主賢臣頌只教宮人記  
洞簫之句今年閱升菴集中亦有是語世人或見

此詩指為偷句之鉅賊余無以解也然闇與之合私心亦竊喜自負焉因作詩示同志諸子

下筆雷同事偶然從來佳思惟他先平生不解偷人句也有鶴聲飛上天

### 樂志齋讌集

我老腐儒餐長缺卒未彈賴有百甕釐足敵肥羊萬何當  
束華堂三客與馬安四座各燒燈數點晨星燦輕資薦黑  
味一一食經渠動遠便豪飲腹腴苦偏勸須臾出家伎頭  
僅過書案歌聲帶雜聲曲師每稱善雜劇十餘種宮羽遞  
移換高生傳中郎柔聲極宛轉梁子度清秋伍相開生面  
長想失路人叔衣歌按劍更彈別鶴標月下訴幽怨藥師

### 神塘詩集卷七

七

真英雄竊符姬婉嬖人樣推檀郎擲果締深眷百端摹寫  
之躍論足回旋跪拜如男兒冠裳愴世變髮髻乃本色妝  
服驚新炫輕翥水月華凌波雙行纏相逢學避人障面出  
畫扇參軍傅粉墨調笑工科譚假面來西京傀儡麒麟檀  
點綴風景間意態百不欠兒童最狂喜凝神目雙眩節因  
樂句和喉逐悲絲轉餘音猶繞梁坐客皆竊歎未頁縛窮  
袴終當防惱亂獨少錦纏頭博此珠一串燭滅更留覽洗  
琰通酬獻此樂屬真鳩歲月去若電他日發狂言司空渾  
慣見

### 自題所臨法書後

我小學法書塾師教運辭謂須執筆高可得揮灑勢欣喜

從其言鼓斜不成字手筆不相習仍踵俗書弊指日取便  
適翻覺脫稿易習熟即難忘字形盡失位手鈔古今書金  
改少精緻積久漸成帙反覆視覺愧置之几案間家公見  
輒言十三學綴文促赴童子試風簷更潦草文輒因字棄  
從此對古帖臨摹夜忘寐有鬼在腕中寸管悍難制何時  
康崑崙得盡忘故技或言在勉強人一已百倍鼓篋搜敗  
帙暇則書其背當夫興會佳亦略能位置及手紙墨精盡  
失所倚依便面尤貴重矜持敗人意書傭古所戒况乃形  
似未從游二三子課日呈制義紙尾署數行見者驚其異  
我亦幾自疑謂已少便利臨池試求工故態了無二書學  
一小道長益不易致學殖矻窮年何由造絕詣

### 示度庚

### 神塘詩集卷七

八

我少不好學腹笥總未富誦讀略終篇輒復思棄去掩卷  
即茫然人情易厭故况時引睡魔篝燈目昏瞶惡態百不  
除亦因少領悟扞格不相入焉能不消沮弱冠稍知學世  
情日錯互盛年奉晨昏道途寡幽趣縱復勉遜志所得皆  
未圓歲月去堂堂自悔多謬誤人生天地間澆薄須今古  
少學最難忘老大所不如慎勿學而翁玩惕失所據管若  
厲之人生子似反懼

### 堯峰山莊詩鈍翁先生命作

先生兩草堂一在堯峰麓版扉向陽開簾閣面山築前榮  
位琴書中庭植花木愛對竹蕭蕭喜聽松謖謖微霜變秋

林輕煙冒茅屋捲幔意有餘企脚看不足高興詩百篇漫  
愁酒一斛尋幽昇藍輿得暇問茗粥晴雨問鄰翁雞豚延  
近局能書書未忘機事其猶覆門生議蟬植老宿參柏竹  
載鶴探頭船應門長須僕佳兒與玄文小婦綻奇服至道  
鄰游龍人清等夢底眼光大如其世界小於粟誓從斯人  
遊端居抱幽獨

癸丑歲余遊楚中適錢塘趙子晟野從其尊人憲副  
公自端州歸至漢陽贈余蕉葉白端石一方壬戌  
攜至郡城顧德鄰先生斷為二硯雕刻如數百年  
抄兩公之賜皆不可忘為係以詩時甲子冬十月  
也

端州詩集卷十

九

端州有石生水底百丈繩懸浸溪水廬廬宛轉出山頭駭  
汗渙背顏色死石質黝如浮墨花鸚眼晶瑩墨星美山川  
扶輿鍾秀靈長與才子供驅使南州寶玉世所珍蓋與珊  
瑚玳瑁比趙公歸裝只秋風載石沉舟作行理公子趨庭  
聞禮詩不燒官燭寫官紙篋衍但攜一石硯日撫來禽與  
青李欣然贈我了不惜勝獲璫與羊耳青種霖几日祀  
龍出入輒復同起止德鄰先生驚見之即置侯中無此子  
或風運石如真傳三才學華卿戲爾斷為二硯特寄余古  
三照耀難難擬蟬虎蛇蛭墨邊傳鐵索結紐中突起如遇  
數百年來物刺刺真欲返古始書書貴須得舊意斷硯君  
得其旨若使遭逢鑒賞家摩挲三數豈能已我書結蚓

殊未工磨墨小暇差可喜兩公之賜不可忘聊以韻語敘  
終始他日發書見詩定噴飯藏袖終當賴知己

知可堂詩集次東坡韻二首

溪山佳處真難窮諸賢發興來垂虹一千餘年少公等十  
五國詩有此風即今才思如泉湧要出奇變休雷同會心  
所在了不遠眼前莫負霜楓紅  
吾方被黜途豈窮胸中歷落橫長虹故人忽來舊今雨古  
調難出正變風但驚凡夫馬足怪苦得妙語將無同不然  
我竟用我法獨酌數瓊顏微紅

作前詩後雨勢不止復疊韻詩示諸公

未持諸詩集卷十

十

夜恨難買馬風偶獨奇境世莫解不作死語君若同孰能  
相期在物外窮老休犯紅塵紅

書鄭表兄前韻詩後

阿兄詩思真不窮今朝蠟屐來垂虹造語迴出流輩上結  
體雖有前賢風世推獨步原未謬或云競與差難同一詩  
為飲酒一錢兩頰潤潤旋生紅

是人有與余者次前韻示諸公馬御公周漢荀丁冠

兩雲并甚似正窮一燈秋卷老垂虹深慚文未成翻水長  
恨行難遇好風獨送愁腸頻自遣謬悠時論豈能同與君  
堅守生平約目送斜陽萬點紅

駕自閭門入祖修從齊民後伏謁道傍因紀所見  
以志休豫之思焉

柳塘詩集卷七

十一

黃色純中涓數輩雜駟乘輿服御綺茵尚方造作鑿  
金銀覆以黃帕驅鱗蚶食駭駘牛兼狸胥罪免頓遁民忘  
牢紂眼碧髮僧疑神梵語吧動鑄波旬載之屬車塞通津  
下土蟻蝨伏海濱芹塲未能穀風宸矢詩聊紀今南巡

雲間自董文敏後書家皆有法度可觀沈宮相澈聞

山人雪峰足步武前賢余嘗與衷素歎山人之不可作今冬宮相又復下世展翫遺墨為歎於後

文敏嗜古規作字字得十二種筆意平生碑版不釋手坐則畫地卧畫被敢謂鍾張遂抗行筆勢翩翩趨安渴金行以來多名流持論時復有司異懷琳屑書幾亂真王荅麻牋半收偽書家尚蓋世所推公亦諒博無遺議紙尾揮毫

署數行似古彝器存欵識濡染遺風有兩賢能得晉韻兼  
位置山人蕭散安出群生憎墨豬非我類其人淡古亦如  
之秀骨藏稜見高致宮相人地略相同筆最勁正體俱備  
僅直時其被 詔書 天子臨軒歎超詣冠裳劒珮大臣

風豪端足規廊廟器兩公書法同師承結體少異闡興寄  
譬如臨淮代汾陽辟墨旌旗變軍勢又似蘇張縱橫家同  
出鬼谷源無二文敏只今在人間放此兩公出頭地嗚呼  
學書言得意踵事增華本加厲縱使臨撫能逼真不知已  
落第二義文敏書派僕數難宮相得髓為嫡系或復兩稱  
山人書薛米真堪敘兄弟不惟能撮諸家長兼亦無忝學  
士裔我生同時恨晚出筆法雙雙歎逝水展罷遺迹為慨

然一時墨妙今誰繼

柳塘詩集卷七

主

冬日題王需菴扇頭初夏小景

豪端不台生丘壑天氣清和噴叢薄冬日怪見州木稠坐  
 覺寒色歸寒廓便作宗家壁上觀尺幅饒具山林樂山盤  
 石仄路高巖陰陰不交枝格中有茅堂八九椽虛空逃  
 憂無村巷窮山相去不數武溪流欲渡橫危約高人拄杖  
 時往來一壑中世少行跡諸山迢遞相接連煙樹雲中辨  
 芒屨重嵐長發發華滋萬壘境嚴被丹蘄倘似今朝栗冽  
 時一吸商風陰秋籜此圖雖已捐篋中亦復元氣關斟酌  
 惜乎何人盤礴為忘菴之弟需菴作

苦吟時值子從遊此日青藍校似優不信白家詩格律尚  
堪長被老元倫

寄冠威退年

郡城來負笈一旦忽離羣却似中年別無過帶水分道南  
吾尚愧硯北爾何聞疲茶今逾甚誰能張此軍

寄葉學山上杭

正月途中見云為南越遊題襟復何日判袂忽驚秋舊雨  
人俱老新詩體更道唱酬無爾在良會惜淹留

陳均寧先生族子以舟形築室於鄧尉梅花深處竟  
峰先生書其額曰雲壑堂次韻二首

曲折山岡小徑通藏舟雲壑道家風中鸛調教僧放池  
畔鷗群許客籠香雪四圍花發馥松濤千頃影童童米顛

書畫誰能似坐定潭忘一畝宮  
山后西面絕風塵水檻雖添羅釣綸但與梅花為主客不  
妨明月作比鄰樵漁指使家浮雲道德箋疏草結濱莫怪

思光無住處牽船岸上即逃秦

三侯郭華郭先生壽詞

東萊郭夫子江左一循良騎竹兒皆長裁花縣並芳拂城  
松樹直繞郭水荷京鳥雀行書葉湖山對訟堂牛車完稅  
樂水馬插秧忙勝石無冤氣團扉照太陽人俱安北叟客  
少出山塘化雨時沾灑仁風久簸揚同時陸嘉定前代霍  
東光百里雙峰峙三賢鼎足張政真猶魯衛治足繼龔黃

甲子年方富生申日正長公如開壽域民欲祝無疆

寶帶橋望震澤

寶帶五十三飛虹蜿蜒橫跨吳城東又如初三月新上無  
點蕩滄波濤中太湖四萬八千頃七十煙鬟疑倒景屈注  
澹臺湖下流水爭一門水勢猛昔賢施帶為成橋淇園下  
捷功最超至今登臨一憑眺湖水浩淼山秋索煙村數十  
列屏西風起水湧非一狀莊惠濠梁樂有餘縱然別去情  
難忘不見皇家治河蒼水使三吳水利為職志楓江  
斗城獨濱湖也有垂虹七十二

偶題

月中仙種不曾殊頻歲滋培費輾轅五桂扶疎庭內長參

柳塘詩集卷十

差愛殺第三株

乙丑伏日過芳草堂看忘菴先生書設色芙蓉兼烹  
日注茶助談曰去歲伏日楊潛夫訪我詩在蘇州  
得屬和亦一段佳話也因成二律囑奇揚先生以  
粵一笑

門戶微開剝啄聲主人倒屣出逢迎  
登和校詩如主池上芙蓉暮入妙  
伏日多佳話更復知誰繼舊盟

權將蔬蕘當茶飲小酌和風又放晴  
詩清似水聲古中妙義吾何敢畫裏天樂爾自須約  
子雲重過此然須一續去年賡

喜雨乙丑伏日作

長日新陽民樂嗟。滿池數寸潤桑麻。更欣身自為霖雨。還過江南千裏家。

○有常於余出杜詩評論。奇兼示令兄。有典有極。每愛。○兄。招邀。細。把。杜。陵。評。一。時。才。力。真。無。敵。○節。第。章。知。更。成。若。箇。註。箋。為。最。合。諸。家。聚。訟。苦。平。從。來。撰。述。多。同。異。能。使。前。賢。畏。後。生。

武平洋話越有典心疾

臥。我。胸。襟。似。海。寬。偶然。作。惡。也。無。端。繞。除。妄。念。便。為。妄。欲。去。去。心。未。得。安。大。似。眼。中。難。看。眉。須。知。水。止。不。生。淵。坐。忘。得。力。君。能。到。只。作。本。來。無。物。觀。

柳塘詩集卷七

七

和范文穆閨門初泛次原韻

最愛清秋日。偏宜出郭行。水深舟便穩。橋矮路頻更。氣與天與心。忻林木晴境。搜詩裏。句。景。得。畫。中。情。桂。類。看。難。厭。掀。蓬。眼。欲。驚。微。風。帆。覺。弱。小。港。須。撐。若。戰。如。當。敵。甚。先。實。所。兄。山。歌。催。拍。紫。水。調。轉。埃。輕。共。把。郎。官。辦。宜。餐。豎。○人。書。張。舟。陣。薄。醉。破。愁。城。過。眼。旗。亭。轟。當。閨。津。吏。迎。○魚。影。亂。日。射。鷺。邊。鐘。似。林。間。出。山。疑。影。到。雲。中。車。○穿。過。漁。網。截。江。平。灘。立。牽。蘿。架。堤。支。岸。水。猶。牛。牛。吟。夕。下。鷺。鳴。引。雛。鴨。晚。樹。橫。枝。對。荒。村。荒。煙。凝。迷。雲。勢。云。急。隱。濤。聲。逸。興。原。難。盡。故。遊。行。麼。生。何。妨。凌。鳥。道。忍。便。與。○益。藥。物。連。雲。斷。芝。田。帶。月。耕。景。光。堪。把。翫。歲。月。這。事。樂。

橘頌還能賦。尊絲可討羹。若無山水興。日日掩柴荆。

柳塘詩集卷七

柳塘詩集卷七

七



柳塘詩集卷八

詩六十五首

和侍講李公甲子九日鴈塔登高有手

時當九日地入西秦亞宇高城形如北斗九封故  
址勢盡南山是從來定鼎之都亦中朝上游之地  
藍田月色最發騷情華子犬聲俱供畫具一望則  
千巖繞秀四顧則八水分流應接不暇竟似山陰  
八九折石還同夢澤若乃經馱白馬座擬青獅琳  
宮輝映紅樹蒼煙荒韻琤琮響答漁歌樵唱  
國作龍鄉家佞佛名藍祇禮高僧謝氏遊山精舍

柳塘詩集卷八

便尋勝境於是西園才子競擬傳驂南國名流每  
思蠟屐景同崇敬奚俟牡丹徑似唐昌何須玉蕊  
乃槐花乍綻之日正桂枝欲折之辰名書淡墨復  
選勝以遨遊餅賜紅綾將登高而憑眺題來天上  
美桓公稽古之榮名落人間係匪鼎說詩之力在  
一時已誇為盛事三千載後為美談茲者侍講  
明公才如仁裕賜俱書畫以文通胸有明  
光之錦使星北至云為翰林西來賓國選士  
網珊瑚於海底世號無雙獲珠琲於領間人推第  
一鹿鳴宴罷佳節奚酬鴈塔題時前蹤可繼昔者  
淵明愛閒居而興懷坡公憐虛度而致歎賞心樂

事無非弄月而吟風飲酒賦詩不過錯然而遣  
未能免俗即便囊裝亦復為之或疑落帽未有膺  
茲寵命旋詩聲詩為彼輶車偏耽逸興修承平之  
故事得遺跡於松提宋公座上盡公門桃李之英  
勝王閣中悉藥籠參苓之俊詩談沈宋言言迫  
侯之珠筆駕庾徐字字韞荆山之玉誠驚臺折  
服而雞林所流傳者也祖修幸以菲葑謬叨採擇  
竭聲蜩蟻長當貽笑於大方點額曝腮不至見棄  
於元禮誦茲長句真如錢劉擅塲續以巴辭敢云  
元白壓倒

柳塘詩集卷八

二

叢桂初攀菊漸開慈恩遺跡數徘徊好攜元禮登龍客同  
上劉公戲馬臺覽古却深費思采風獨得夏聲回今朝  
授簡題詩處長愧登高作賦才

擬九日 經筵恭紀二十韻

遼海回鑾日 經筵肇舉時五雲低講幄萬象展朝儀  
仗群嚴肅句傳各委蛇秋陽明劍珮朝氣動旌旗前席新  
膺春甘盤舊所師說經俱孔鄭論道悉龍夔要脫迂儒習  
須於治道裨百家還畫虎六籍乃元龜但表臣心直無疑  
天聰早如稱新語善定屬格人為璧以圖書朗金鑑  
月宜文風不禹甸喜色上堯耆况值凄清候兼鄰震懼  
不圖寒殺講更許鼎陳詩兢業須勤學光明在緝熙  
遂不廢曩規治統超湯武心源接孔姬岱真龍不

詩旨遠敢忘窺誤 黍漚香賜深慚載筆隨年年稱義壽  
上菊花厄

王明君詞呈秦對巖先生

莫道君王恩薄時臨軒一見重嗟嗟妾身自恃好顏色不  
肯黃金買畫師

何子純贈之議詩云元朝之文章俱英偉可畏而時  
論頗有異同因作詩調之

二子今英妙人疑龍性馴遜何妨不遜均豈必須均能使  
青賢畏休論孟氏醇雖然多忤俗幸各愛吾真

沈子京蔡浴室招飲同沈貴園元主作

十竹巖橫浴室開澡身繞羅共銜杯雖無活水源頭至六

有溫泉地底來觴咏流連如禊事坎離交濟即丹臺典酣

重憶湯銘句尋味真堪誦百回

貴園自維揚至吳門盤桓數日別歸梅花源作此送

之

有客離揚賦式微清嘉風欲浣征衣官梅幾樹堪留詠明  
月二分難載歸聊對酒杯文細論與談時事願多達達達  
合向花源住堅守生平舊釣磯

小飲沈子慎齋頭名妹在坐雅譔問作為賦一律

高齋雜坐引忘憂鼓瑟倡家藝最優喜有酒狂青醉眼迴  
無阿琬錦纏頭花魂解語迎人笑月姊傷神愛客留自是  
思王詩句好傾城名士兩綢繆

坐五社堂雪甚題顧禹功梅花書屋圖示表素

並坐茅齋啜茗杯四圍香雪白皚皚阮生此日來談論不  
對高松對老梅

聞謙六舉雄次家君韻

入郡聞君舉一雄啼聲殊有昔賢風此時英偉真無敵他  
日聰明也作公犬子可能同似舅虎兒正復足當翁請看  
高大于門慶只在諸郎競爽中

題畫贈止上人

水閣觀空息俗緣一池初漲葉田田自家性地光明在要  
似荷珠蕩漾圓

題山中讀書樂圖為顧小范作

莫謂虛空未可逃殘編數卷樂陶陶靜時消息觀周易醉  
後牢愁讀楚騷山色半吟成好句松聲都寫入琴操恍疑  
身在圖中住不覺咿唔興倍豪

送何楚蓀先生之江右省其兄學憲君

光芒龍劍燭星分此日歌驪遠送君一路看山偶帶燕大  
江無浦不飛雲宜逢勝友頻沽酒堪與賢兄細論文采入  
奚囊凡幾帙時時賦咏發清芬

春杪雨中與秦洛生劉吳五金闌言別適汪武曹及

此瞻擊舟錫山因作此詩寄之

沽酒論文憶舊盟春風細雨送君行情懷定為中年惡郭  
客即從此日萌偶話二泉神便往每當落日眼偏明故人

聯袂李舟去悵不追隨出郡城

長史頗喜余詩欲窮余作詩之法將以所聞於先正

者告之而怖其才感其意因作長句奉贈樓遲晚

晚語無倫次并傳示令貽武曹弘遠屹瞻令兄祉

肇家元朗以博一笑

張子平生寡所合庶城一見稱莫逆酒酣骨肉欲騰飛憐

我蕭颯衣短窄自知雕鐫句多累忽謬許作詞家伯略聞

前輩有緒言落筆旋忘味持擇引為正敬事誠難意得毋

同嗜如癖東南小兒好學語無所依據少繩尺斗量才情

其某在何堪與共成一石昨歲使者闔院試子真健者人

群易筆勢淋漓欲翻愛其叙事典而覈得之風簷為尤

楊塘詩集卷八

五

難我甘執鞭從子役老逐衆人素所羞兩足欲行前復却

看子雄飛在高岡小試便脫諸生籍此不足喜亦豈悲賢

駿星是無善策未須料理喫飯飯既玩眼怪人常放白只子

過我喜愛然風景欲顛頭不憤執手重申前日語寧知燭

灰不如昔老馬識途事總非慎無無鹽為刻畫子方日中

我晚曉驚才况復當什伯便須文場為渠即何止奉啖牛

心我亦舉謏聞告子子聽能無笑啞啞

離垢園雜題沈貢園先生命作

蕭閑堂

倪迂築蕭閑俗客不許入先生絕類之蒼苔少行跡

海棠徑

海棠三兩株顏色未憔悴落紅滿徑時猶似太真睡

水木清華之室

樹色帶水光箇中有真味先生著其間寤歌非無謂

畫溪

夾溪有林木中流雜泝泝先生時卧遊指作巨然畫

鷺鷥臺

企脚坐高臺四顧少同調天半疑鸞鳴孫登發長嘯

淩影軒

層軒面清池積者淡流水日坐空明中三五伐毛龜

桐陰

若所為琴材此桐何不幸留以庇君子清風肯相引

楊塘詩集卷八

六

紺雲樓

真道先生貧簪華遇春茁風吹紫藤花霏霏落紅雪

藕花步

環溪葉田田名曰藕花步日氣發香光牽船亦堪住

木又菴

把茅為蓋頭清磬聲入耳吾非學佛徒心亦生歡喜

待鶴坡

孤山林處士梅鶴為妻子有梅鶴飛來意亦當爾爾

君子亭

楊雲亭亭類以君子荷靜竹深時畫中詩亦美

坐花巖

箕踞坐石巖頂露帽亦挽四圍欄生光一生花作活

侶鵲池

十畝漲方塘群鷗日來往先生亦忘機孤懷在蒼莽

同野堂

笠卦得同人象辭有于野題為講堂額其徒必滿灑

凝香榭

妃子與名花合之亦雙美先生物外人愛花即欲死

二仲廬

欲推道南宅好友懷二仲未肯逃虛空芝田得同種

春雲渡

大溪沒春雲滄海帶滄溟雙槳振頭船往來人不覺

柳塘詩集卷八

月里先生故居

黃蛇蜿蜒頭屬地鵲首賜秦天帝醉祖龍隆隆焰方張牛  
毛法令民生悴商顏鬼戮天半青有土硯確不可耕但得  
脫秦郡縣籍雖長願領無難行紫芝曄曄饑能療偕隱尚  
喜多同調我鄉亦有月里生園綺夏黃稱四皓意者真為  
赤松流不然誰識張留侯衣冠怪偉毛髮古頓令隆準回  
雙眸周昌責強被騎項食其狂生煩譙讓帝王賞鑑自不  
同位置直在蕭曹上高山蹤跡今有無白雲有雨漫荒蕪  
三公姓里不可考獨有月里存遺模洞庭雨點水中凸萬  
頃蒼茫為凝結不妨號作太湖精萬古千秋著高節故居  
指點陂陀間行人憑弔相往還縱然傳會休疑惑神樓化

城託亦得

寄示趙書年陳起雷

千里歌聲竟不聞尚思尊酒數論文過門不入能無憾未  
敢人前薄待君

題上方寺詩

直許梁公作後身驅除淫祀近誰倫只疑罵鬼文堪讀  
是從前求福人

仲秋月夜懷此瞻偕王駿聞讀書承天山房

空庭積水月如銀荇藻交加景逼真忽憶承天遊賞處此  
時解作兩閒人

真州寓中朱天飲廣文冒雨見訪

柳塘詩集卷八

憶昔津亭手乍分征帆飄泊大江濱不嫌蠅展逢今雨相  
對柴門慰暮雲索笑幾敲官閣句銜杯與論還樓文何妨  
久客頻來往賞析時時舉似君

宮籙梅莊看梅懷金醇還中舍

獨坐園林自樂真四圍香雪白于銀山中此日無知己却  
持梅枝問主人

拈花和尚煮餅見招因作一絕奉呈

蔬食家風未足誇獨尋禪味過拈花西來大意君能會不  
作公羊賣餅家

宮籙綠山皆竹筍穿土時山人晝夜巡護因紀其事

竹深吾所羨愛惜愧山農擊柝巡松鼠編籬護籬龍雷驚

抽節早雨潤喜陰濃易見成林日何妨寄客蹤

積翠拈花兩和尚餉句致之

一夜春雷挺籜枝駢頭兩頭遙相道生平不解安禪訣只與君參玉版師

韓蘄王功德寺

數株銀杏古而蒼遺刹今猶在上方半壁東南幸無恙蘄王功德勝空王

意行二首

住山數月省逢迎飯罷拈尋草意行每愛雨泉窮澗道時從笠頂看雲生詩搜寒瘦燃頰句琴寫琤琤泛指聲不是讀書曾得力誰能領取此幽情

初夏詩集卷八

九

約遊石鼓日一回遊進端為看山未喜尋積翠千竿竹愛蒼松花數樹梅逸韻亭亭雲際立清香冉冉月中開此間大有忘機趣懶舉盧能明鏡臺

初夏

天氣清和日漸長山中景物最難忘時收茶子樹林綠風散松花處處黃偶住林泉間異響響經巖岫聲餘香雖無錄事將賞送也擬山岡結草堂

掩關

剝啄無人獨靜機何須折竹拄柴扉空庭白晝鳥雙下荒徑斜陽僧晏歸小隱自宜人境遠住山久覺世情非倘能堅守生平約或許身生羽翼飛

望堯峰懷鈍翁先生虎丘咸中兄尹山

尹山烟水足秋容虎阜幽奇掩數重看竹撫松添箇事早來全不及堯峰

趙王墳

誰復夢孟薦荆榛沒墓門生曾遊北渚死定陽王孫骨鵲啼帝子魂海桑多故後踏作老荒原

登穹窿絕頂

偶登登臨屐紆回引興長穿林驚宿鳥度嶺穴奔倬山勢趨奔奔湖流隱夕陽阮公視書暇經日意難忘

遊仙

玉京不可問道遠更嵯峨使欲憑青鳥餐宜采玉禾幾時

柳塘詩集卷八

十

生羽翼無計犯星河若有神仙徑吾甘反舊阿

遊院

民生久凋弊祠觀鬱岩堯雍峙秦皇建神山弱水遙似同甯寧疑後鬼神朝未必非迂論天家許炳蕭

讀書臺示袁素雲垂錫宜

翁子窮經日荒臺跡尚留貧時淹歲月老去說春秋每羨三公難難披五月裘讀書徒利達只怪故妻羞

聞韜荒貴竹詩音

千盤貴竹鬱蒼蒼有客來言頌楚狂姑孰青山歸骨遠未陽白酒旅魂傷竟無弟子收玄草空有奚奴負錦囊道阻未能磨鏡去楚些體弱不成章

菌

雷聲繞送雨穿土菌青青味似江搖柱形如買帶釘為莖  
加並韭作繒糝宜鯖欲報山妻去都應載食經

楊梅

最愛楊家果纍纍摘滿簾種宜尋竹塢味更勝銅坑橘實  
遲秋熟棧桃及夏生俱堪當火樹此覺稱佳名

穀聞冒雨過山中匆匆別去奉寄郡城

剥啄聲良久柴扉始肯開春風無客過今雨怪君來不覺  
楚然喜寧關興盡迴離懷頻作惡臨別幾徘徊

西山

書舫籃輿不待招傾城取次過楓橋迢迢一徑千松直隱

柳塘詩集卷八

七

隱層巒萬笏朝詩酒留連高興發林泉曲折逸情遙昔賢  
位置今頽落猶為山靈歲每邀

駁聞買其從父咸中堯峰別業讀書養病作此寄之  
嗣宗斷手後今見仲容來硯古臨池洗方奇覓藥裁看花  
聯句穩待月一樽開此地曾留宿籃輿易往迴

嶺南閩公位靜西洞庭今遇之於長干寺以詩招之

同歸

行脚頻年餐髮星一瓶一鉢似浮萍閒雲偶過長干寺定  
水常依西洞庭法許龍聽窺象罔詩看鯨力破滄溟何時  
共約吳門去來往風流戶莫局

昨陽湯公輓詞

欲展匡時學誰知願更違早休真得力復起蹈危幾獨立  
身難免盈庭謾說非香蠟飛欲止白日照終微未遂霄清  
怒應從樂社歸平生辦香意合此復何依

長干遇嶺南僧劬菴

長干遺跡已千年瓶鉢南來息俗緣便向此間圖作佛不  
須他日更生天塔鈴欲語人誰解花雨常飛妙莫傳悟得  
箇中消息在時時調伏即安禪

別雷

面言知太俗生靈心舊友近寒盟憑他數載殷勤意不  
及今朝送別情

數載楓江風雨晨別君今復與誰親雖然三疊陽關唱不

柳塘詩集卷八

七

羨公孫有故人

再別起雷并寄書年

連城高價世爭傳豪氣難除君亦然若使為龍吾作尾不  
容此外有時賢

新燕

倦羽差池托族微家聲曾不忝烏衣未能上苑高枝宿欲  
向連雲大厦飛春社便當來振翻秋風亦早識危樸應知  
此日營巢後幾度銜泥未忍違

柳塘詩集卷八

柳塘詩集卷九

詩八十五首

過滁作

群盜驅除日興王一旅中龍潛鱗甲動鵬化羽毛豐收復  
資遺業艱危仗此翁呂公精相法于漢並無功

清流關

暉風戎擒險失時一隅竊據易吞之紫皇神武真無敵收  
拾江南欲與誰

連城示龔檢討

日落風霾欲漲塵連城在望倍愴神君休官去吾不遇無  
限人間泣玉人

漢高祖廟

王氣東南燭楚分斷蛇遺跡此邦聞埋金厭勝非無謂不  
覺其時芒碭雲

三僕揚清題琉璃河關壯繆廟詩有鐵槍不為朱溫

死此地如何廟壽亭之句家君極賞其作今春予  
過其地因思鐵槍忠勇何可易得乃反其意而為

詩

史筆從來善善長捐軀大節炳琅琅世間何限偷生輩此

地遠近猶鐵槍

初至都門

三旬驢背最堪憐手疊行囊只半肩怕遇鄉人來敘舊強

裁詩句不成篇鳥思繞樹將三匝鵬欲搏風上九天猶恐  
時宜多未合蕭條被竟南旋

絕句二首

上下數百年縱橫一萬里吾道當屬誰人樣只有此  
善人國之紀斯言在青史女胡獨不聞鼎鑪尚有耳

漢武宮辭

粉白三千滿掖庭入宮見妒兩娉婷延年女弟新承寵從  
此無人說尹邢

送鈕書城之官白水

都門忽相見云將復西行把酒一為別春風無限情燕歌  
多苦調秦曲皆邊聲休言不得意亦欲展生平

聞友人誦即墨郭御史彈文

直聲一日滿長安袖裏彈文古所難此事便為指佞草何  
人能戴彌邪冠夜臺齋恨魂方慰政府時賢膽尚寒松柏  
雄姿堅晚節好留人樣與人看

作前詩畢友人謂宜令即墨見之一絕奉答

國事何當我輩論但宜屏當篋中存應援于美先生例只  
簡相知不寄元

偶題

慷慨悲歌意絕無娉娜世態足堪吁海桑四十餘年後不  
見制高舊酒徒

聖德詩

百氏秦燭古制更漢文有道視遠輕欲終喪禮 卷三

風霾

淡墨題名若箇聞風霾晝晦氣氤氲公昔日當靈昭太史曾書五色雲

唐人本事詩四首示施對揚及武曹并寄岷瞻有常

吳五洛生兵史及門漢荀

應科目與人書

失水何須更問津泥沙困頓亦前因明知此是非常物恰似曾人不識麟

營輪袍

柳塘詩集卷九

三

詞畫須知有夙因風流澹蕩近天真但言直節難輕許半為當時奏鬱輪

阿房宮賦

國事大計筆生光小杜才名世莫當原衡罪言俱不用何須人與誦阿房

千佛名經

幾從叅訪學無生果位登時世共榮只合長為門外漢不能頂禮佛經名

題友人桃源圖小影

溪橋入谷絕風塵不少漁翁來問津夾岸夭桃千萬對誰他畫作避秦人

宣武門外訪學人張侯在時方奉諱哀其有憔悴之

色作詩致勉兼示令兄錫原

幾同晨夕忝知音相見都門傷客心久為宅憂真廢業近因順變治祥琴堂老去華猶茂棣萼連枝勢尚森同讀遺書躬御母此身那許再浮沉

滿州剛乾初太史精滿漢書法招余煮餅論詩深自

謙退余為舉薩都刺題之故有落句

招要相遇意歡然家近城南尺五天餅新何曾成十字詩驚李白捷千篇龍蛇跡揭唐摹古蝌蚪文翻國詔便中私校讎心最苦莫將不朽讓前賢

贈紅帶覺羅滿昌時從表叔張霞城學科舉文字

柳塘詩集卷九

四

本朝諸屬籍許從進士科最能便騎射亦不廢吟哦紅帶宗盟重青箱故事多異才生帝族此日賴磋磨

壽鈕惠師先生效長慶體

人言吾父與先生真是楓江二老成早歲省闈同座主晚年里黨結書英微官漫浪俱小草近局招要必在江更喜壽筵遠彷彿捧觴各有一年兄

中河

平地施疏鑿誰為畫此謀徒然絕地脉未許復河流通險誠無策轉漕大可憂淮南北夾往只說利輕舟

畏客

帝城常畏客日午戶還扃俗物嫌同調時賢忌獨醒疑從



今漸白眼看幾時青朝難何須解還家守一經

客嘲

定為飢驅一至燕傭書賃廡意悽然平生未肯因人熱玉  
復曾能似魯連

解嘲

素質常愁欲化塵何當京邸役勞薪從未怕脫毛生穎况  
復平原碌碌人

宣武門

賢路妨疑久賜環似未能雍琴悲不已聖酒樂何曾嫁作  
商人婦休如退院僧台階光黯淡回想昨延登  
即事

柳塘詩集卷九

五

日展唐摹愧不如筆牀硯匣鎮相於客中苦乏芭蕉葉據  
石頻為勞窠書

寄對揚武曹

未忍明時心便灰家居鬱鬱上燕臺雖然東徙聲原惡苦  
欲南圖翼漸回買駿隄休欣始至歌驅式每悔今來愚蒙  
也自憐同病撥悶裁詩數舉杯

絕域

絕域俄羅國何人慷慨行閑田原不問甌脫在當爭 聖  
德威無外 君恩命覺輕雲間陸御史皇遽失平生

武德

武德先生所斷硯聞其物故慨然有作  
先生斷硯最精良游戲神通手活強欵識皆從尋鼎式琢

磨如治玖瓊方技而進道真難到運入天機自莫當篋衍  
舊藏渠手澤摩挲三歎淚浪浪

四月朔日食

四月當乾位日光蝕似鉤雅歌記辛卯夫子筆春秋修德  
非迂論扶陽定遠猷 聖朝無關事謹告不須憂

春日郊行書所見

何計遠愁去討春出郭宜桃如人面笑柳似女腰垂風日  
尤知美雨雲不復疑及時行樂地遲暮易生悲

無題

小隊紅粧掩映間輕靴窄袖歷屏顏錦襜結束男兒樣寶  
璫玲瓏菩薩蠻風安林花騎馬過烟籠池柳解鷹還紫濛

柳塘詩集卷九

六

春色曉如許月下何須怨珮環

團扇詞為監修公作

長日如年苦蘊隆輕紈團扇坐生風偶然棄置涼秋後尚  
感君恩在篋中

歸歎

式微欲賦意蕭條面緇塵覺太勞舊雨書來規客久故  
山春老悵途遙賓鴻避暖游宜冥乳燕欺風勢漸高此日  
儼裝真未晚敢嫌仲蔚尚蓬蒿

初夏余連遭期功之喪陶子師及對揚武曹元朗過  
寓寬慰余為破詩戒以道衷思庶尚未甚悖於古  
人功誦之義因簡數子

西風老淚灑途窮欲寫哀思詩句中敢似東山謝太傅  
經曾不廢期功

亡兒度庚四首

昨見得家耗驚聞女病亡烏真能反哺依定斷愁腸禮戒  
官書月規情欲忘東門吾未敢中夜淚千行  
縱有微歡方遣此情入前頻制淚哀甚亦無言  
誰能與盡 廿生回思臨別日牽袂涕縱橫  
每遇南歸信 以囑付頻數行猶寄女半月不為人弱弟  
將封拆慈親見報幸心傷京邸客餐飯字殷勤  
自入新年後家書一字無親知云向愈消息恨俱誣眠食  
憂緣女育有諱為吾彌留聞欲語心耿句模糊

柳塘詩集卷九

劉生

國子生徒齊上書獨排群議意何居甘心願黜諸生籍賢  
詰滿庭俱不如

可歎

可歎殘春二月餘宦途翻覆至乘除休為一日籠中鳥莫  
聽三言海大魚羅槿乍榮知早謝門前難植易遭鋤何如  
長作山中叟對看浮雲自卷舒

祖莊

日邊佳氣影瞳眈一壑幽奇怪此翁秉里簡松詩句裏江  
村花柳畫圖中甫參為俗遊方勝莊惠來觀境不司幸喜  
主人卻未識囊錢沽酒與無窮

悼硯

晶莹鵲眼墨生光玉碎今朝神益傷便與倦遊增惡緒只  
如哭子在他鄉古言破甑何須顧吾念遺簪不可忘况復  
虎頭凋喪後人琴千載恨茫茫

苦上閤未候先生與家君同舉壬午賢書今年始謁  
選吏部樞謁歸寓慨然有作

頗怪馮唐老賢書五十年黑頭桑劫過白首宦情牽塵每  
飛京邑雲還蔽日邊回思計偕始今昔淚潸然

江南兩太學詩

吾友江浦劉大山以上書之故更其字曰無垢言  
不為京洛之塵所化也長洲何屺瞻亦更其字曰

柳塘詩集卷九

上

無勇以示不敢當舉幡之義因作江南兩太學詩  
江南兩太學吾道賴茲存孰草短喪奏能舉訟湯幡垢復  
何當染勇真不必言平生歲寒意皆欲老丘樊

琅鐺

便爾琅鐺去山頭望亦悲雷霆當畫作雨露幾時垂廷論  
何當咎波臣未可欺先生通內典解脫更何疑

入夏

入夏蟲亂出皆因炎氣蒸世還欣見蠟吾更欲除蠅雖屬  
公麼患難教枕席寧屏收司令後不敢復憑陵

陰寒

夏日陰寒不放晴炎蒸氣候未均平凍蠅將午各飛去鳴

鵲過時猶發聲楊柳絮飄萍易化梧桐花老子難忘  
物理真如此行樂及時奚待名

歸計未果作此自決

賈胡留滯一吳儂住金臺意最慵世上有誰堅隱約人  
間何物是真龍鄉心半發宵時月客夢常醒飯後鐘松菊  
故園俱好在吳陵南去即吳淞

董如齋檢討示失子詩奉寄

與君成久別相見每淒其忽喪能文子都于衰鬢時含飴  
親抱惡著膝客懷悲此意尤同病招魂各有辭

宮人入道詩送龔檢討歸粵東

二、蛾眉進御辰玄玄門內有前因乍穿羽服辭金輦旋

柳塘詩集卷九

九

譜法至禮王真禹步夜深綠道念祝釐曉起為君恩自甘  
枯寂灰心久夙昔繁華宛劫塵

警

頌傳張楚信賊勢甚猖狂激變疑弘靖銷兵有段昌似孤  
鳴大道使鹿觸東方蜂萬非無毒斯言慎勿忘

贈劉陂千庶常十四韻

劉子美風度相逢吳郡城紫芝眉秀拔玉屑論縱橫年尚  
驚無以文俱似老成難令舉燕佳偶作武丘行贈鶴斯吳  
杜老形到彌衡西京吟寤寐北窗美飛鳴孰近魁三象能  
來之二精清書腕生動國語舌圓輕三戶初聞散諸邊欲  
背盟文昌真失算魏絳許銷萌囊底多籌策胸中有甲兵

須為范老子已致魯諸生世或陳豐豫廷多粉治平安危  
公等在吾得穩歸耕

讀史

讀史生百感無心羨關廷何當摧寶寶未怪拆台星裏野  
迷宜復釣天醉不醒只須似高鳥矯翮入青冥

陸生偶入洛忽忽過三春日蝕不經見風霍愁殺人每思  
激帝博竟欲藉叢神留滯非吾意何心恥賤貧

調李海若庶常

予思多滿頰若箇與君倫鬱鬱春苗日離離坡竹晨怒張  
鶯座客苦燃覺詩神若遇盧仝僕還能似主人

北庭

柳塘詩集卷九

十

連日羽書至不教軍府傳塵中一騎急漢外數軍懸欽塞  
非無策詭言亦未然明朝漢天子親將去行邊

歸期

歸期纔定足超超曉暮塵沙共起居別友熱因疑離穢辦  
嚴喜欲卷詩書出攜襪被無他戀行負奚囊定不虛屈指  
到家為計日秋深蕭瑟憂吾廬

贈別李庶常十四韻

吾父平生友惟先司馬翁通家今日敘座主昔年同事業  
升沉裏交情存沒中有見皆老大喜子苦磨礪翻愧冲霄  
鍛群因冠冀空蒙真老吳下孫青表奮風謬指當蘇過俱  
言似召公承家諸諫草樓學一詩筒北闕驚相見南宮許

獨雄青冥看路迥白首悵途窮竟欲相爾汝還期保始終  
但耽疎放甚莫羨娉娜工此去憑江鯉前塵屬雪鴻離懷  
感今昔何忍別忽忽

贈王玉珍

偶千李君座得觀紫芝眉敘係通家舊顏難生客為往來  
因漸密賓主竟知誰莫怪忘形易神交有歲時

贈別錢亮功

共負一時譽能無畫餅如縱憐鰲翻鶴難化曝腮魚我已  
減衡刺君還御李車心期成盍各歸欲了殘書

董檢討以詩贈別依韻奉答

式微賦罷興偏同郭外長橋落彩虹椿茂歡俱娛老景蘭

柳塘詩集卷九

士

摧淚各洒秋風山憲靜欲生虛白村徑蕪猶勝軟紅我偶  
倦游君久宦故園日在夢魂中

出都

都門有客欲歌騷此日言旋覺稍遲襟面風塵還似舊素  
衣尚未化為緇

歸舟

迢遞江鄉路數千辦嚴偶趁轉漕船三篙秋漲乘風緩百  
壘衛河上水牽苦欲兼程難遽達不妨留滯此為便吾生  
每事居人後白日昏昏甘醉眠

天津

十萬天津戶衛河控上游地當畿重鎮水與路分流設衛

非無意將漕不必憂五雲霽處回首帝王州

夜微

日下春時不放行千櫓刁斗曉猶驚負趨那畏藏舟壑跡  
射時聞鳴鏑聲京輔有屯皆置戍荒村壘土便為城縱然  
逐時窮富易棄索誰能得主名

口占

邑人言昔有杜老無子有女四人易男服終身不  
嫁以養父母故肖像祀之

東陵河短時冠巾肖女嫺祠靈醉巫覡廟古卜筮尊蘭為  
從草堂歸國松父賢齊諧或志怪訛作杜姨傳

四女廟過陣亡官兵冢口北上

柳塘詩集卷九

士

去德數十里阻兵難遽前凶門當日鑿鬼妾此時旋骨化  
征塵裏魂傷夢雨邊真如嫠婦泣老淚灑江天

臨清

衛河倒下水崩奔一月牽船曉暮喧從此汶流漸安穩千  
櫓衝尾達吳門

舟中重九

白衣誰復送香醪兀坐偃僂尚覺勞共道良辰莫虛度能  
樓頭上當登高

晝睡

一月船窓內情疑暑較長聊憑白日夢頻到黑甜鄉  
蓮蓬美酣知栩栩狂從今遣岑寂午睡是良方

夾馬營

恰值天心厭亂晨唐宗隱念最精純辦香只為生民炷真箇沙陀一異人

東昌懷遜國鐵尚書

靖難稱兵入犯初東昌兩日竟何如當年若得為燕將難射魯連一箭書

尚莊

湯湯東下難平邪許舟人喜氣生南北並貪分水至佳來俱快順流行也知湖逐樵風便漸見河從導沅清此處濫觴何所極窮源須上汶陽城

吾鄉陳三島鶴客詩向極為虞山所賞忽於散帙中

柳塘詩集卷九

書

見其五言近體數首眼前自負為詩名家有不能及也因誦數過而紀以詩

遺民錄斯人句法高衰周為變雅悲郢入離騷日短心輕夢得豪一時聞賞識彈出水山操

濟州

河防資重鎮水患被維揚川后靈猶在波臣勢莫當頻聞吳越子未許塞宣房若化黃龍去堯仁不可忘

仲廟

祠宇遙天一先靈獨典刑而無專祀豆千古赫精靈此地仍家祭勿忘禋祀生平誼香在蕭弱最惺惺

濟寧道中

亦愛南陽去清秋景足娛鐸鳴騎馬路鉞響網魚湖焉為天晴喜應因風急呼牽船來過此未盡厭長途

最憶

最憶深秋搖落時紛紛景物儘逶迤低編殺竹張魚網占東生芻蕘酒旗土鎗婦炊收稻糞瓦盆僅棹采菱池他鄉未必能如此旦晚歸來覺稍遲

沁上亭緒漢高本紀

炎興軍霸上項失宴鴻門烏喙堪同患豺聲定少思憂委丘嫂貴主進相何尊菹醢韓彭免寬仁不必言

阻風梁王城

兩月船窓兀坐時那堪頻末阻河湄屏翳不識窮愁士也

柳塘詩集卷九

書

把狂風盡日吹

柳塘詩集卷九

柳塘詩集卷十

詩五十首

已春寄友邗上

九坡期汗漫騎鶴豈難行定夢江都好何當春水生官梅  
連夜發堤柳及時榮尚有梁隋址殊深懷古情

王子應之娶於舅家與東海有邪譚之戚於其婚也

送序次之以賀

羨汝長年少郎盈門喜氣爛生光鏡臺人地如溫嶠  
幃詞鋒數謝娘細認堂前真舅似試看城北更誰當關干  
丁字無人詠特與燃鬚叙短章

紙鳶

柳塘詩集卷十

陽氣初升勢尚微紙鳶天半展晴暉原來全得兒童力也  
會乘風高下飛

和漢荀韻贈起雷

古島腹函牛滑滑難獨扛君才頗晚出衆中建詩幢斐亘  
不少休口能吸西江雅誦每數過音節真淙淙正如對君  
子一見心則降雅鄭齊奮響唱酬不成腔論交得詞伯疑  
義相擊撞君看春秋盟不棄邾莒邦

將伯若每呼龍文誓同扛詞源當屬誰願言隨麾幢君才  
如潘陸能兼海與江我辭若細流風激偶淙淙重師忽壓  
境早約舉城降慎勿擅陽春鄙茲下里腔鐘鐺在東序寸  
莛任相撞駢詞繼國風價重鄢郢邦

雨窓讀起雷漢荀玉文御公酣字韻詩疊贈漢荀

黑雲壓湖湖不流妖李驕蹇興正酣推窓偶向西北望具  
區失却諸重嵐散帙一觀衆賢作嵇嬾忽起忘不堪吾甥  
數首最所嗜三百壓卷題周南生平不自詫能事手雖善  
寫口不談意者善易下言易毛鄭大指俱飽諸馬陳諸作  
亦奇絕一字安帖勁健奇句硬語頗出苦吟撚斷鬚  
穆穆當年謬為識途馬此時但覺青鬃入室有陳  
子高唱白雪未明簪靡旌欲摩屈賈壘俊出驚咻魁  
擬隨其後勉屬和詰曲窘迫頭駢懸長將鄭謝敬推頌  
母慈壓嬌姬三人詞皆有根抵江河屈注涓涓涵何能  
手不持寸鐵百萬一擲家無厭每尋鄰架細搜討譬如食

柳塘詩集卷十

二

蜜中邊甘此話中茶誠有味務於原本窮咀含不然徒資  
人任腹夢嚙不覺聲喃喃雷霆風雨走筆下佳處定有詩  
翁新篇脫稿急欲讀須置詩遞馳封函

蜀中蕭靜君以尊人侍御公死事未白日夜夜懷形

諸歌咏將自吳入楚因作詩贈之以當輿歌

舊業已無存誰當此日憐嵇紹更有何人作巨源若到  
中逢地主不須作賦弔湘魂

北歸同起雷謙六過禹九齋索飲起雷言去年話別

亦在此齋作長篇敘述次韻奉答

游返故里昏星值危中夕與親舊別刮眼超阿龍造語

必奇闢鑿開青濛濛下視流輩作一一皆蟻蝶未知古人  
內何地位此公吾家阿連健雲龍常相從但今就詩論亦  
足大吾宗于我並僥倖意氣由來同約為不速客于偶過  
垂虹沈子見我笑治具談離悰主客盡詞伯有作成一篇  
中原或並驅庶死誰雌雄借君放曠言澆吾磊塊胸我學  
少根抵亦如昨飄蓬每欲稍敘述詰迫屈曲窮去年冬五  
寒驪駒別匆匆贈處各數語淵由遂西東京洛變縹緲羞  
澀歸囊空况遭骨肉戚幽憂心中冲發言如酒悲屢和難  
復工安得持寸莛而撞東序鑄倘恕弱人笑君其讀篇終  
余在京起雷寄余詩未達歸見之而次其韻

柳塘詩集卷十

十

食黃奶忘朝餽胃中多怪復少可與世驚衲乖圖祇年年  
省闈似厄閨死守章句真鄙儒送人作郡時復爾路鬼掩  
口相胡盧故人憐我久失足扶之北走思南圖與君連牀  
話久別出門惘惘迷津途縱使泥中免曳尾當患朽甲腸  
遭剝况復負趨少大力詭遇傲幸非吾徒君詩三復中吾  
病數語真足當醍醐安能姍姍諧世俗口語軟熟休稜模  
指為怪物定唯唯更許牛馬從人呼迂愚萬難供世用長  
安看有此子無彼工屑舌并筆札亦隨蠅蠅非鵬雛粉榆  
法起人已羨會有矯翮搏風客歌式微吾首肯襟被竟  
裏青璣瑜心懸魏闕豈吾令歸裝鑿戶江城隅前詰遺書  
共排纒不憚努力忘疲憊相對但嫌氣欲盡奚啻小巫見

大正有詩長吟所改作撚斷額下珍珍驕忽然讀君所和  
什不覺形骸慙妖嫵詞源涓涓在何許盪鵬浩浩成江湖  
重理前意有在其餘藻績皆濤汗生平頗自醜葉積何  
當拔去諸根株數年切劘賴吾友本領尚難堪嗟吁憂患  
中人復爾爾外物振觸能無虞落魄已類狂生任發豎更  
似愚公愚欲持樵學勉應舉五技窘迫簷端聽大漸文字  
吾未解賤價求沽尤難沽早知窮達有定分讀書謹隨君  
步趨有識但嗤食肉鄙猶有君我居菰蘆物色倘在北杜  
內所見故吾非新吾君當直追雅頌作我亦勉強述作途  
古來瑣瑣不足道兒視孔楊驂命奴

寄馮補之先生

柳塘詩集卷十

四

吾徒稱畏友欲殺奈人何偶貴衡陽紙旋興墨海波盡言  
陽國武指口戒駢坡亦有感時句從今不放歌

宿五桂堂東鄰鴉聲甚惡作詩示袁素

何堪來作東鄰家朝莫啞啞語共華恨殺扶疎兩松幹不  
能語鴉只細鴉

等為清幽憂汝蘆頗遭此物聒庭隅羽毛縱復離穢甚不  
似丈人屋上烏

偶題

嫫母何當西子顰綺羅衫服不勝春生手敢與姬姜齒今  
日公然來作人

擬古三首

天地不答施父母不謝生一朝窮返本金石開精誠何必  
申感激然後明至情

聖德萬萬古元氣相合并其民亦勿移借之大道行豈不  
合宜力欲頌俱無名

序李穆移家郡西之涑水園秋日招同婁東練川諸  
子集謀野堂看桂得名字

故人喜在郡西城舊雨招邀聯袂行門對青山稱勝地  
其佳園依涑水得佳名詩懷半為秋容美酒興全從花氣清  
爛醉欲題吾尚拙叢生好句定先成

題碧雲阿詩集後

骨同相將赴夜臺一編每自寫愁懷頻經霜雪貞松老未

到芳菲玉樹摧吟為悼亡真覺苦音緣變徵易成哀柏舟  
絕唱聲能繼不是人間咏絮才

鼓琴詩 已未江作

安絃繞罷意冷指泛琮琤不暫停縱使知音今絕少也  
彈流水與他聽

澄江十方菴觀檀施為堂頭設供

每怪機鋒隨苦空也知擊扣有家風時賢但設伊蒲饌禪  
味何曾在此中

贈田間錢先生時方板行所著易學

欲向田間聽難聞故丘江湖一老在天地百年愁復鮮  
身終免西臺沈淪流 飽經憂患後易學易研求

鼎革初余甫勝衣田間先生避兵吾里之震澤市兵  
跡之先生夫人不辱死焉相見談及余猶能記憶  
其事賦此志感

先生蒙難日吾弱甫勝衣市畏魚羊影村憐雞犬稀磨斧  
完節苦剪紙客魂歸東燭重談及卅年心事違

門人沈東素錫宜移書訂余及陳寧維起雷入郡探

梅鄧尉

老為吳郡人鄧尉梅未觀年年欲探之期輒因他阻今春  
上元後節屆驚蟄序春風發古香怒茁萬萬樹沈子尺書  
來邀余看梅去更約兩陳生前期戒徒侶遙指梅花村為  
作東道主彼調既淒清我韻復閒雅美酒沽若村佳茗烹

柳塘詩集卷十

六

顧渚揮毫吟小詩縱談出奇語人境兩幽絕此定梅所許  
聞之俱躍然意味融水乳蒼書謝沈子為吾辦資斧相將  
風日佳維旂理游具數年結想間喜氣溢眉宇

郡中兩行薄莫宿唐灣

舟行天欲雨仰視客心駭雲衣聲諸山瀾漫香雪海此行  
意殊佳風雨誓無悔亭午日穿漏其勢卒未解陰晴總無  
定欲行氣輒緩好言相慰藉子慎無吾給晚見星月光高  
興齊百倍中道為宿留月中見崔魏明晨急解維梅花又  
相待

曉霽望見廣福

小雨晴甚佳風日尤覺美推蓬見塔光光福已至止綠山



皆種梅如行香霧裏船窓喚一回清芬偕卧起舟行須遲  
遲探梅自此始領取箇中微古淡韻無比山靈蓄秀英梅  
花覺根柢遲日發幸滋穠艷寧復爾

同諸公上山探梅時大雨將至

策杖上山岡梅花勢方盛連宵風雨惡香氣猶未迸陳子  
憂人視梅為性命沈子得其趣所至獨奇境異余使之  
前佳處輒相請羣卉多清香此乃清之聖况復萬萬株連  
山盡輝映嗅覺鼻觀芬坐覺塵襟淨天風吹雨來未遂為  
梅病徘徊不忍去與梅有宿盟亭午倘開霽吾當額手慶  
雷雨大作遂疾趨登聖恩寺閣

芒屨初探梅雷雨忽大作雷能發梅性雨亦潤梅格同行

柳塘詩集卷十

七

二三子一一能領略唯恐在中道泥途易失脚巍巍聖恩  
寺依倚欣所托顧視萬一幸清賜恩澤溼香飄欲旋烟  
靄薄梅魄雷雨應候未似與梅有約高春尚未止欲歸前  
復却梅花倘無恙飄搖良足樂

冒雨晚歸老友申斌為山莊留宿

冒雨歸山莊蓑笠碎未具上山所經行一一墮烟霧十步  
九顛躓意行疑或誤頂踵困濡溼衣裾水如注沿村多老  
梅焉能復回顧相去數武間觀面失幽趣意者天公嗔得  
無山靈怒為梅受佚罰吾復何所懼故人喜吾至慰問見  
情慄濯足具燂湯燂燥中履澆我塊壘曾一身漸和煦  
重話明日游佳境歷歷數

古柏行

雨霽試為導往探梅謂余曰司徒用柏奇古否  
數百年物也曷先之因共摩挲其下為詩

司徒廟柏蒼秀絕萬樹梅花所融結雪打霜欺一千年崔  
嵬枝幹皮皴其餘數株實差小勁姿奇屈屈然亭亭  
離立其間如雪之共香曉萬年春妍待花信只許老  
梅獨後遲遲探梅時香風格孤清自相親箇與書舫  
興蕭揚一春早為探梅忙笙歌鼎沸村塢裏都忘柏是大  
人行

馬駕山

鄧尉絕勝處馬駕稱最尊高下數里間羅列諸梅村天公

柳塘詩集卷十

八

蘊清氣散落在丘樊和風吹衣袂盈袖梅精魂一望白雲  
海但無波濤喧或云妙香域國于梅花原二說互證歎我  
亦幾無言清芬自其性初無有濁昏參差億萬樹一一同  
本根我家自梅里日久繫子孫祝渠萬萬古與茲山並存  
早船即鈍翁所題雲壑藏舟處

藥室似身形乃在梅花墅夜半大力者勢難負之去清芬  
無人爭任客自領取掘地十餘弓臨水照數樹拄杖過板  
橋臨離離梅渚棹彼書畫船回沿在何許船頭甚與塋山  
色遙遙惟意見清影欲呼梅與語舵樓面山陰諸村紛  
可數似行花香中仍不離故處少陵草堂成水檻恰當戶  
窗如岸上思光足容與惜無繞屋梅幽趣十減五偶坐

為梅花莫問居傳主

登申提學墓從山路至石樓

申墓勢斗絕拄杖方得上憑高聊縱觀所見非一狀數山  
浮湖中蔥靑若畫障梅花在脚底起伏異背向松石一細  
路曲折窮所嚮忽然見疎豁奇境兼奧曠微聞午鐘鳴  
嘈來梵放乃臻石樓頂把茅絕塵埃一僧初白頭上觀字  
坐忘梅非無隱香鼻觀參未妄

萬峰臺石

臺在石樓側墨石如甌巖風雨所剝蝕奇古長蒼薜蘿宜  
米老拜品中奇章選梅石相與友莫逆勢稱善彼將勁質  
呈此得幽姿顯撫石復看梅其味真永雋酒從石丈傾詩

柳塘詩集卷十

九

對梅兄撰結伴來山中高興良不淺獲此二友歸莫笑足  
重繭

登萬峰臺望太湖

憑高望山椒爛熳如積素高下四折處動輒與梅遇舉頭  
見太湖喜欲留人住山色皆蒼蒼晴波薄烟霧與梅遙接  
連觸境了非故濤聲卷雪來湖光都在樹柔風旋欲迴香  
氣浮湖去水色與花光此各天所賦偶然兩相遭未必遂  
華迂問誰為此言先生寒餓句

潭西

潭西在平野乃是梅花域曲折逕路間是物皆充塞蒼幹  
怒生癭腫生鐵黑柔枝綴花簪其數千百億梅花孤高

安頗有君子德綽約如佳人幽閒不懷飾又如乾三僧三  
在衆香國舌想吐芬芳仗彼人天力香性薰開修微妙無  
人識托想留得所種類漸繁殖百卉發春妍青紅應候得  
梅花謝出功過處無慚色明春當復來知我常相憶

聖恩寺四宜堂雙桂歌

聖恩寺在平野壯觀有幾門人約探梅興致甚豐疊冒雨  
登山六略正修園今朝辦芒屨誓欲窮其美馬駕與潭  
西人對觀止餘村亦絕奇都非意所揣薄暮歸山莊餘  
興猶未已各云董墓佳其地又密通堂間初一望所歷皆  
在彼轉境忽大殊何得遂無此閭外數十株婀娜春風裏  
譬彼鄧林材一枝亦足喜

柳塘詩集卷十

十

曉發玄墓遂步至虎山橋登舟

清晨理歸棹少住意欣躍梅花如故人別去情懷惡連日  
困登頓日敗雙芒屨予竟忘勞吾知此遊樂緣山帶餘  
香殘梅亂籬落憐吾愛花人梅花作精魄力疲寧不知見  
梅旋放脚譬如強弩末興高勢未弱山橋共登舟意致殊  
寂寞回望神黯然與梅參商各

聖恩寺四宜堂雙桂歌

鄧尉山傍太湖水羅漫湖光十餘里看梅山水亦並佳萬  
樹清香在眼底誰知四宜堂中桂兩幹扶疎障庭際人言  
梅與桂梅只如弟兄與兄弟道人手植堂西根萬顆金  
粟秋艷新經聲梵吹不知數薰染佛性為精神探梅還興

苦未道八月又欲維輕舟天公正恐兩賢厄令梅檀春桂  
檀秋桂護庭陰德繞屋天遣花神媚幽獨更憑畫史寫作  
圖一幅山水殊不俗

御筆松風水月石刻歌

榮光熊熊動牛斗南巡共頌明明后鄧尉山神仗道旁  
也似嵩山呼萬壽斗杓正值東蒼龍一望梅村指顧中更  
賞湖山清絕處無過水月與松風揮毫結體大於掌行間  
隱隱昇平象法施留與鎮山門六丁擁護諸天上山僧雙  
釣為郭填運刀竟向青瑤鑄陷入正中聖辟上壽與茲山  
同歲年鮮間夜夜發光芒認作毘邪最吉祥定於風月佳  
辰候散作梅花萬樹香

贈斌為

柳塘詩集卷十

十

移家來住太湖陰小築茅齋倚碧岑天恐先生厭穠艷只  
將香雪裏山林

從黃花徑入亨隆

往者歲丁卯讀書此山莊花徑始發足紆折登山岡遠望  
皆在得意愜神飛揚新開涓涓響泉聲如笙簧欣欣向榮  
候林木生芬芳高墓植松檜扶疎各成行導泉至其下方  
幅成陂塘拈花多古木一一皆青蒼湍流勢衝激積久泐  
石梁積翠竹萬箇寧邦杏千章佳處各領要日夜良難忘  
今朝理游屐足力猶甚強恍如遇故物已失幸復償記憶  
縑素游姓名略能詳但恨別數載已不無存已生非金石

固馬詠不盡傷山莊定無恙題詩猶在舊集石與某尉肯  
之所徜徉其餘諸幽絕貯在舊錦囊重證以從目初不異  
豪范同行語多妙吾軍殊足張抽思共敘述直欲迫于長  
與茲山不朽語亦非荒唐會當同鄙作刻在山之陽

梅莊遇主人金醇還令嗣自岳

憶君昔營其左築丙舍堂寢在高原一望如臺榭庖湯  
亦楚楚里第此其亞雙桂障庭中雜花迸石罅傍修小園  
子墨石層巒下編籬柵梅花殺竹支藤架松濤屋後吹珠  
泉門前瀉讀書喜山居從君乞消夏朝看嶺雲飛暮聽啼  
鴉啞蒸菌類寶釘培茶勝帶脰幽賞愜平生此福君所借  
今年約探梅籃輿旋馬駕共將鄧尉誇亦指亨隆詭結伴

柳塘詩集卷十

十

重來遊值君出門逐指點泉石間一一含蘊藉我如遇故  
人客似聯新姪苟非漫山梅茲山定當霸俛仰陳迹聞猶  
如觀物化宜攜秋卷來再銷夏日暇春山勝佳人春景同  
美炙君如首肯之吾將琴書卸

拈花悼堂頭研雲和尚

讀書茲山中研師乃禪友煮餅相招邀勝如剪春韭吾非  
學佛徒禪語常在口謂為莊列精師言獨唯否不如淵明  
詩十可得八九此語吾未喻理亦明或有記取他日來機  
鋒相擊扣別去五六載師骨已朽朽夜壑負藏舟形骸豈  
能久回思往往復言真如墮句後寄尉亦蕭然禮施望而走  
唯前門前樹行行雜榆柳唯有橋西流琤琤注清澗中存

研雲師與茲山同壽盛衰乃世情佛法了不受九原聞吾  
言師兮定肯首

積翠菴詩

山僧止觀如蟬蛻祀茅蓋頂傳衣大恍疑住在青林深  
外蕭森三萬箇頓生不識佛原委看竹王猷愛徒倚共說  
山中有故人細認長身衆君子別來六載曾無恙千霄迢  
石山椒上焚香習靜意備然相對無言復相忘波陀山角  
小福懶至此真堪號綠天試看刻竹頭名處入林把臂談  
何年臨行復坐又移時擊竹因緣知不知直待籛龍鳴  
後同參玉版是吾師

法雨泉歌

柳塘詩集卷十

七

穹窿雨泉吳郡少湫流紆折涓涓小窮源數里登山顛  
底琮琤韻昏曉此泉流出真奇觀大小明珠落玉盤以琴  
寫之或不盡鏗鏘泛指鷗回湍昔年阮公視書暇高下  
洄動相逐失得禪家水觀微泠然渾欲忘消暑重遊勝境  
苦未窮水簾小似香爐峰臨流撫掌忽大笑芥蒂再洗平  
生胃管領茲山有禪侶遂使名泉標法雨儒家不道無味  
言也有活水源頭句

以詩請起雷作詩

下筆青丘最有神梅花九首意清新此翁死後無佳句獨  
許君來作替人

梅花爛熳老山樊覓句何須復閉門闔險翻新能事在暗

香疎影盡陳言

老幹柔枝花態新工於體物是何人君家舊有詩中曲向  
背陰晴總逼真

不得起雷詩遂自作二首寄之索和

竹杖芒鞋有底忙也隨年少踏春陽青紅百卉俱姣好只  
有梅花最老蒼  
久知况味近酸寒索笑巡簷覓句難囊底若無佳思在梅  
花也自厭人看

柳塘詩集卷十

柳塘詩集卷十

古

柳塘詩集卷十一

詩一百四首

和起雷飲酒詩兼用其韻

風日佳時客欲來，糟牀初注滴。浩酒兵若健，真無敵。觴政如苛定，不諧騎馬流。涎驚灑聽鸛，聒耳喜啗也。知焦革生堪配，未至劉伶死，便埋恨。幸賴殘堆槽，拙境猶佛印。晷茅柴不妨下酒，無他物，但喜吟詩有美懷。燕市人豪難作友，浣鄰伴好，孰為脩。醉鄉要北討，鄉適小戶還須大。戶借偶借尊，壘消魂幾幾，從麴孽覓生涯。自誇老子醒，任好人道。先生禮法乖，欲罰巨觥嫌重窄，堅持嚴限被人排。乞靈歡伯愁無那，欲築糟丘未有階。甚駭長鯨聲吸海，亦

柳塘詩集卷十一

十

寄家旭初觀文

杜陵遺誠在多師，何意吾宗並見推。馬到識途真已老，駒當汗血最稱奇。自慚樸學無人愛，深幸師傳賴子知。從此門牆增氣象，佇看二妙謝青時。

鄧尉水仙最盛而為往歲冰雪所困遂不復植石壁

峰勢蒼秀以迫於歸期未遊也三英以余探梅詩

未及及遺詩見訊賦答

鄧尉探梅實壯觀。衝泥芒屨儘盤桓。花繁喜香中山好，能從秀處餐。石壁未遊真蹉過，水仙無藥不曾看。明年更約詩翁去，不許山靈笑眼瞞。

送窮

消息循環理定然，五窮歸去在今年。臨行莫更為留計，分付如星縛草船。

送春寄友

共往城西去，送春畫船虎阜臨。通津東皇不管君憐惜，只許人間住九旬。

此塘作王文四書文序推獎踰涯慚愧交集作詩奉

寄凡四首

柳塘詩集卷十一

十

京洛風塵欲化緇，懣懣西笑不多時。苦無才思驚流輩，未到坡公不合宜。祖道江干興未闌，軟紅塵土足蹣跚。公生筆札樓生舌，不入春明不覺難。

故園節物足徜徉，枉役勞薪住帝鄉。若較尊兄輸一着，竟無人道中風狂。

歸來未便隱鱸，蓴秋卷重溫。歎此晨一味癡頑，今漸老又將習氣誤門人。

姑蘇竹枝詞十二首 有序

睢州先生薨已六年而吳民猶謳思之不忘。余因采其語韻之取其俚而易曉，當令善歌者叶之，管

絃以當迎神送神之曲

鄉間刁民不告狀城裏頑戶不肯罷共說官清民自樂湯  
都堂海都堂

兒童沸沸復揚揚今日差官拆上方如此神靈都不怕小  
民那得不馴良

一生碌碌孰禁當魚肉家常飯未嘗連日衙門送供應混  
名合叫做清湯

奔逐習氣遍城鄉連歲無人肯艷裝繡作墨彈俱歇店鄉  
紳皆布衣裳

事異常蘇州陞去好都堂皆殺城門留不住一  
次蓮千行

柳塘詩集卷上

三

處處鄉民手執香人山人海沸官塘臨行分付無他話做

箇裏天銀 聖皇

都堂臨別淚浪浪抵死吳民不忍忘第一 御前須奏請

蘇松兩郡免浮糧

更有忠言進 御林好官薦箇做都堂不是清廉

自然正直郭吳江

生祠造在學宮傍歲歲鄉民上香不比虎丘山下過說

吳民死後

忽然說各悲傷會哭真如孝妣喪齊罵武昌余閣老黑

心說害殺忠良

吳民死去見城隍活活湯公坐在堂魁後豬羊來祭獻紙

錢不用但燒香

龍圖公案語荒唐千載而今尚未忘更有絕調傳唱本鎮  
靈山戲演當場

題仕女圖十一首 有序

古女史所誠女子以酒漿絲枲為務未有若斯圖  
之閒治者也因悉如其畫作詩題之俾觀者知所  
敬焉

一番風信報初春兩樹生香最絕塵記得蘭成詩句好今  
朝定有詠花人 探梅

淡妝綽約不勝情獨向空階靜處行忽遇素翎丹頂客兩  
般風韻一般清 放鶴

柳塘詩集卷上

四

玉樹亭亭花半舒石間安坐倚扶疎侍兒報道茶聲沸猶

是支頤把道書 烹茗

慵來無力困春風亭午時時輟女工小婢欠伸如入夢也

為雙蝶戲芳叢 卷繡

菖蒲茉莉俱含碧榴樹葵枝最發紅尚有兩株香玉在採

花種卉芝和風 瑞香

侍女採蓮碧沼上女郎擎蓋綠陰中兩家顏色如花好可

愛深紅愛淺紅 探蓮

滿庭秋色襯芭莎大婦吹簫小婦歌手把扇頭敲作板淒

清愁思曲中多 度曲

綠竹蒼薇秋艷新也知此日最傷神一腔幽怨憑誰訴教

得獨哥會罵人 調鸛

忽聞庭畔不平鳴。葉落梧桐金正行。不是樹間頻浙瀝。女郎指上泛秋聲。 彈琴

松風蕭颯暮冬天。點婢憨生放爆便。不覺拋書身略轉。時驚顚顚入新年。 放爆

節近嘉平花事疎。几窻明淨稱開居。閨中亦有冬餘課。茗碗薰爐讀史書。 讀書

承起雪石序三英。以詩見商因題其後。句法清新妙入神。連篇觸目盡奇珍。但將前輩遺言印。叔氏何曾禮詩人。

述婚詩贈右序

梅塘詩集卷五

五

南山有鳥字鸛鵲。又見明粧啓鏡奩。重向燈前溫昔夢。莫將舊素比新嫌。

山光明媚水蒼蒼。齊女門邊麗景長。無限春風吟好句。盡供才子和催粧。

性癖吟吟只自如。婚時曾不廢居諸。等身著述新編入。幾帙東萊博議書。

結縭十日別情牽。共盼邊生腹笥便。不比明河繞一昔。鵲橋判袂動經年。

晚春小雨郡西道中

晚春一棹郡城西。烟艇迷離畫畫溪。淡墨雲從山寺迴。新藍天傍水村低。柳邊鶯欲留春語。樹上鳩頻喚雨啼。已近

祝融司令日。化工于此露端倪。

遙望湖山意惘然。三篙水漲足回沿。微風細把鶯音小。小雨輕浮鴨嘴船。好語喜來鳴鵲候。離懷愁對落花天。不堪理櫂吳江去。林木青紅又一年。

自題探梅詩後

詩中疑見雪皚皚。無事吟哦日幾回。十里山岡香未了。株株俱帶墨痕開。

與陳起雷趙舒文過飲徐檢討齋論詩敘舊兼訂山遊

促膝深談今昔蹤。論文沽酒興偏濃。漁樵江渚君將老。旗鼓中原我便從。郊島遇如元叔鳥。嘉隆詩似葉公龍。湖山

梅塘詩集卷五

五

早有聯吟約。為洗平生芥蒂曾。蕭齋會最慰離蹤。諸子同過談正濃。佳句苦掀髯屬和好。山高若眼相從笛。笛風月候宜孤鶴。腹尾頭成是一龍。良友

勝遊須我在。朗吟能稍豁心胷。

近事

神功聖德謬窮荒。猶履宸衷讓未遑。雜種自來咸內附。

本朝曾不設邊防。大軍尚覺愁輪輓。小醜何能便陸梁。若使四夷初後儲。胥應許植巖疆。

三朝口無事。非常史策流傳有舊章。天運自然成氣數。聖朝能化作禎祥。賀朝罷免非無故。修省勤加更有光。竊

喜廟堂諒盛事。譬如水旱驚堯湯。

宣公正色曉垂紳 聖代原須有直臣 論事不妨辭激烈  
敢言還藉膽輪囷 寒隨去國真成是 鳴鳳朝陽有幾人 丹  
地昔年廷諍日 一時物望並沉淪

大漠強宗作國藩 中朝曾許世為婚 鵲歌無恨形延遠 龍  
塞應春毳帳尊 大異和親書竹帛 只如尚主奉蘋蘩 沿邊  
夙有維城固 奕世猶稱漢外孫

嚴廊客似絮沾泥 彼此焉能無町畦 共恨南衙人亘測 須  
知北寺獄端倪 宦情近日歸豐沛 黨論當年起越齊 只有  
知幾策 早故園何異武陵溪

縹緲化後盡歸田 抵死難忘灰復燃 田實相傾何未已 孫  
劉雖罪不無權 杏花春雨詩中景 蓴菜秋風世外緣 消得

柳塘詩集卷十一

七

此時閒領略 幽情不到達官邊

此生那便免飢寒 南北民生力並殫 每遇流民安儉歲 喜  
聞酷吏忽遷官 何曾輓粟為平糴 未必贏金可當餐 贏得  
兒童誇項領 相逢不覺慶彈冠

沃壤無如穉杜田 蝗蝻一罹即顛連 救荒奇策須諧價 憂  
國詩人願稔年 汝輩豈宜思倖進 吾曹只合避時賢 恩深  
聖主同天大 暫為斯民系柄銓

登鄧尉山望漁洋玉遮諸勝

蠟屐一登鄧尉顛 山光水色相鈎連 漁洋小小烟波景 雄  
視湖中或未然

每擬登臨興欲飛 浮嵐暖翠山輝輝 玉遮曲折紆迴處 還

得畫家象外微

漁洋意欲凌丹霞 玉遮亦自饒奇絕 平心試論兩家妙 夫  
必漁洋勝玉遮

我欲取道玉遮境 更為一望漁洋山 要尋山水絕佳處 短  
策輕舟時往還

錦帆

蕭管樓船郭外行 江都雖好夢何曾 錦帆只愛湖山勝 能  
為勾吳管廢興

俞犀月顧有常徐 大臨何叱賡徐成 裕顧虞珮俠君  
偕飲張日容齋

柳塘詩集卷十一

八

三間老屋學宮偏 折簡招邀逸興遙 北郭才人俱舊侶 東  
禪林木宛當年 凌晨豪飲橫經坐 亭午清談流水邊 塵尾  
頻揮杯竿竭 一時主客足周旋

即席贈張顯三

抵掌掀髯意氣雄 何時虎嘯坐生風 從來張姓連天上 未  
必呈精非此翁

風雨懷三英池塘小齋

老夫思訪戴鼓棹 過池塘夢草吟 偏穩臨流坐 欲忘風聲  
孤塔迴雨勢 古樓荒繞郭 無多里斯時 覺阻長

句上

重懷鄧尉探梅之遊示袁素錫宜

五岳何須去 茲遊最絕倫 梅花似君子 山色屬幽人名 酒



李清宋新詩滄遠神回思無俗物欣賞稱家寶

雪難

雲氣散江江溜世載駭壇人共推長愧阿蒙愚且魯此  
新詩必可罕規

東亭子并序

之予亦嘗一觀其集一身少陵長作客王粲尚依人令弟  
任道惡賢部詩近新歸來試相對應不厭清貧

題潘氏梅野小築

萬家寒窗面城隈滿徑孤山妙種栽幽雅不嫌無客到寒  
香爲君開哦詩繞樹常三匝把盞巡檐日數回應是  
前身林處士梅邊定有鶴飛來

詠史

柳塘詩集卷十

九

此身似逐野雲飛猶夢東華未息機資放若緣封事罷斷  
無人道被讒歸

天語咨嗟歎直臣歸田猶自困信信苦云此舉爲公論千  
古西山是小人

深感提攜一日足知知此擬必須論鴻飛遵渚歸無所只  
許姬公當此言時時是詩類其

東亭也小金

魚種如魚無幾金池長養色晶輝只如年少登朝客纔  
脫得來便解綈

三英折簡招邀起雷漢節玉文自江城余與右序自

齊女門同集池塘小齋連宵風雨詩酒談諧致足  
樂也因敘述之呈諸公一笑

薰爐茗碗雅杯錯諸子蟬聯過郡城一棹烟波曾不遠對  
林風雨若爲情筆端鬼語還仙語觴政奇兵復正兵更遇  
談諧佳勝處時時大笑絕冠纓

德光堂讌集

每過花橋里登堂一聆然君能恕謬誤我樂與周旋主客  
歡常數酒杯寔定賢食經有方法不必復加箋

有常有異味必折簡招余爲賦二首

何須大費向屠門每爲郎公數過存怪殺溪南半老子一  
生美食不多番

柳塘詩集卷十

十

從來不羨五侯鯖只與良朋共酒錯君亦幾曾留俗客每  
嘗吟感君情

小蓮子

不覺紅曉暮鐘風聞拾宅此遺蹤禪房大有寬閒地何  
不引堂祀戴顒

雨

淡墨雲從出岫升朝風吹雨勢憑陵聲聲滴入聽人耳乾  
鵲晴鳴兩不磨

雨窓獨坐省遙迎底事梅天不肯晴老子原無翻覆客莫  
從今舊論人情

起雷石序荆山熟於聲韻作此寄之

大古元音定不亡也須神解妙評量葩經三百遺篇在更  
有何人識樂章

近代何人復擅長那能滿口嚼宮商南陔原自無文字枉  
著詩翁去補亡

東南才子富青緇疊韻雙聲尚未詳義理勝時音律廢齊  
梁格調不傷亡

揚南北歌彈有舊章俗樂若堪通雅樂定  
何人識樂章

生值金源事可歎一時詩句冠詞壇中原人物無郊子能  
使尼山去問官

東周禮樂燦鴻毛裨闔縱橫氣象豪十五國風長已矣後  
人能不重離騷

醉還中含修法雨泉寄題  
山顛高下勢濤洄時為琮琤聽一回世上濁波流不盡此  
泉莫放出山來

示漢荀玉文舒文旭初觀文  
詩能得讀許登壇琢句愁於隻字難試看身輕一鳥下始  
終不似少陵安

語意天然絕町畦昔賢寶貴過懸黎道衡昔昔鹽中句只  
有空梁落燕泥

大娘劒器絕寰區曾有顛翁筆法無句到陶韋平淡處始

知詩外有工夫

思先生心自一奇遺山此語古今師滕王閣句黃樓賦不  
到公詩妙不知

感昔追悼董司業  
衝寒策蹇入長安自分迂疎託足難不料龍豬相關絕感  
君猶作故人看

僦居僊僕住長安欲得時賢一盼難我亦能輕裘馬客不  
將君作造官看

書唐才子詩後  
草草箋疏便板行管窺全失古人情非無數語堪存論渾  
似莊周註郭生

夏日郭外雨行  
驚雷天半掣金蛇一棹夷猶景未賒綠樹烟低村落暝黑  
雲雨過郡城遙陶陶胃次流唐句歷歷圖中屬米家自喜  
此時能領略歸來不向外人誇

自信  
明知骨相近酸寒賦性迂疎入世難舌本不妨三日強胸  
襟能得幾回寬讀書矛盾生經傳飲酒槎枒出肺肝此意  
時賢渾不識憑他只作腐儒看

北禪寺前園亭  
北禪遺剎近千年南去青蔥勢鬱然不是池亭頻易主此  
時不覺戴顒賢

集 262-235

拙政園山茶

百卉青紅未滿枝山茶一樹早歲鞋縣官沒後花無主楊  
斷梅村七字詩

馬路橋眺望歸題李聲昭別業

郡北門名為望齊吾徒於此卜幽棲門迎婁水開雲過屋  
行武丘落日低雨塔勢雄城內外一橋徑別匯東西董帷  
偶為園出也入奚囊得句題

書

讀書少秘典文章屢句清詞合蕭皇却被牽連傳好語中  
書皆法大醫方

書黃戶部尤檢討詩

柳塘詩集卷十一

書

閒將筆墨畫虛空未脫時賢窠白中可惜文情俱雅健石  
田不學學着公戶部有詩就園對岸詩甚神噴以城也人有與經孝廉書西  
湖大戰詩筆力雄健非尋常筆墨空面竟及掩其十故篇

近代推追正始風百陽雜俎世云工凌雲 天語誇榮遇  
古言實無此翁

行遠集寄此塘

卑靡都無慶曆風別裁頭腦苦冬烘書生一昔迂疎話關  
入朝家堂論中

見王用儀近詩甚得溫李風致寄之

豈向月露與風雲體態中多感托存君去試窮溫李派馮  
家父子似西寬謂是遠仲之

寄起雷右序三英

欲將涇渭辨清渾可少諸君與細論氣體不宜時代壓波  
須計雅騷源古人一字真難到吾輩終身未入門此事  
相期各努力師承合有典刊存

書探梅時所見

弓刀罷帳耀湖湄雜還從奴夾道馳萬樹梅花清徹骨此  
君俗病不能醫

蜘蛛

莫憎簞簞似貪人小了蜘蛛亦絕倫網盡蠅飛蟲萬輩自  
誇滿腹貯經綸

董文敬書畫

柳塘詩集卷十一

書

落筆飄飄渾欲仙每翻卷幅意超然董家詩畫書傳去二  
絕猶能似鄭虔

郡城遇孫莪山檢討

何由十載重君名嘖嘖汪何二友生况敘通家如孔氏更  
驚齊語帶吳聲博徒未必非知己鄉家無須與抗行珍惜  
故人推分意粉榆舊社有新盟

柳塘詩集卷十一

柳塘詩集卷十二

詩六十四首

讀遠山題中州集後詩

汴宋衣冠付劫灰臨安文物亦雄哉莫道蘇黃詩筆法不  
隨南渡過江來

一代詞人孰續新浩瞻陳語肯相因石湖冲淡放翁健可  
是西江社裏人

西銘易序與謨還千古才人杳莫攀一向斯文論華實晦  
翁誰敵百遺山

讀書制科其公稿後

近代文章夙有聲前賢無獲筆崢嶸誰知韓偓傷心句強

柳塘詩集卷十二

半和疑為嫁名

明妃曲連日讀遠山詩感而賦之

寂寞宮廬歲少春琵琶哀怨古誰倫明妃遠嫁呼韓去終  
是中華絕代人

賦得得勒蘇冠

運值桑田海乍乾簪裾俱作昔賢觀白胎草織圍成屋紅  
緯絲縹緲似繁纓欲結時風近古角思墊去雨偏難順時  
久已連王制此亦中朝劉氏冠

黃楊

三尺黃楊植砌邊每逢閏厄意凄然憎他長大非樑棟狂  
似豫章生七年

暑

何處能忘暑蕭蕭傍茂林喬松千頃蔭高柳一池陰午榻  
唐簾帖晚調雷斷聲胃中殊有味不使喝氣侵  
何處能忘暑無何亦有鄉但須遊混沌定復到羲皇酣覺  
容書味醒渾滯酒狂欠伸驚坐起斜日在東牆

夏日偶書

長欲欲鑠金閒居兀坐滌塵襟聽松颯颯來幽韻看  
新句夏雲奇益變外篇秋水味堪尋吾徒  
閑適何必入山愁未深

出浴圖

淺絳羅襦玉雪娘嫣然出水試新妝容顏共道荷花似恐

柳塘詩集卷十二

染淤泥更少香

熱甚題辭

寒燠乘除各有宜北窓半月少涼颺吳民近苦炎威酷多  
恐天公未備知

睢州誌銘

家狀人疑有諱辭被讓始末孰書之平生執簡能無愧此  
是中郎有道碑

樹色十四首俱用詩二東韻

靜對山林晴弄暉青蔥樹色是耶非晚垂水際連村遠午  
陽穿徑微每受遙青候客坐忍疑空翠滴人衣散廬  
亦有閒居樂莫為登職緩緩歸

花香

二十四番花信風，株株開遍徑西東。  
春來羣觀渾非妄，重得聞修不墮空。  
拂拂琴書生韻動，飄飄几席示現通。  
花神風有平生約，長滿迂儒欄檻中。

烏鵲

寂寞幽齋真可憐，聲聲啼鳥到窗前。  
但將現說好音三，莫把舊詩惡語傳。  
最愛名流攜酒聽，忽驚香閣背花眠。  
近來雅調無逾此，百轉千回勝管絃。

鷓鴣

素鷓鴣丹頂似名流，鼓翼昂頭池館幽。  
鸚鵡能容曾不屑，柘枝安制更何求。  
雨餘旋折留亭午，月下翩翻驚早秋。  
支道

柳塘詩集卷三

三

安禪和靖句，並能作伴老歸休。

塾中聞蟬

北窓閒卧被蟬驚，不住堤邊高柳鳴。  
若識前身齊女化，此間應咽兩三聲。

同諸子過深栖菴納涼

同過蒲菴避炎曦，老衲相陪坐少時。  
清簟疎簾宜對奕，茂林修竹喜題詩。  
關關山鳥驚人逝，活活溪田上水遲。  
聯袂歸來真訝鉅，根無復叩三支。

消暑

雲水如燒曉，崔嵬亭午蟲蟲勢轉哀。  
縱使繩長將日繫，也宜蘋末候風來。  
憑誰一帖清涼散，滌我三焦熱惱堆。  
赤脚

層冰曾未踏，息機權撞壯心灰。

應之有僮曰：傳即孫檢討見而調之，避匿不出坐客為之哄堂。因作詩呈二公。

秀眉玉頰影頗頤，願欲感山枝意尚違。  
上客有情蒙繡被，主人無計強青衣。  
偶然遊戲聊為爾，相與談諧興若飛。  
老子心腸原木石，閒情賦罷托辭微。

塞上曲

安得胡塵靜不驚，儲胥萬里接全遼。  
雲邊數騎閒吹鹿塞外，獨身去射鵰。  
番息阿墩春草茁，氣稜兀魯日光銷。  
請纓不少終軍輩，無復外憂煩聖朝。  
初秋素塵皮路地作鹿鳴詩致聖  
慶者為大處又一阿墩牧牛百頭  
外又添天州縣俱有

柳塘詩集卷三

四

伏機

伏機誰識杞人思，老子鯁鯁過計之。  
犬馬也知惟主戀，牛羊安得用人為。  
禍生肘腋誠難測，怨入肝脾大可危。  
此語迂愚渾不省，好還天道互盈虧。

雲雷大作望雨不至

吟殺滂沱不放晴，胡風颭沓帶雷轟。  
太山日日與雲雨，却遇龍工嬾不行。

佳門

許年來鬢漸緡，杜門謝客興偏多。  
風琴調逸諧宮徵，香篆文成變蚪蚪。  
事遇怪奇常快意，句逢警策便高歌。  
齋中亦自能閒適，歲月而今易耗磨。

往來遂題七言寄之

夢遊吳中溪山有松風水月之勝醒而紀其言

程入每行拾二更。溪山佳處也。移情月流川。意如天上。良  
人相問。變水雲。醒後追尋俱愴。夢時領取。今月東中  
真可去。美境五泄天台好問程。

五

久因高尚遂沉淪一念君親血性真亂後但書前甲乙山

宋 柳塘詩集卷十二

深只著古衣巾微憎薇蕨非吾土不異龍蛇厄善人

鑿却幣望輝輝老我桐江舊釣磯前代幾人遭鼠嚇此  
時有客羨鴻飛君房賣菜書誰答

五  
開淚尚揮文清效止水之義弱冠入山今毫反河清難俟願終遑

卷之四

琴瑟淚暗橫。勉尋廢業坐深更。寒燈一穗光芒閃。秋  
夜無聲。向讀生。咀味詩書皆故物。貫穿今古薄持名。偶因

炳燭思先子。蟋蟀年年懶婦驚。此二句以古人  
而自勵之語勸學

聞洞庭荷花之盛不及往望悵然賦詩

卅里芙蓉欲去難  
兩山帶水儘盤桓  
田田一望真奇絕  
馥

馥滿湖實壯觀鄧尉梅花俱放白莫擎楓葉盡舒丹差能  
鼎足誇吳會可少詩人鼓棹看

早秋涼甚題壁

坐困炎威腰減圍蓐收小雨暑將微夜來勸理青燈業曉  
起驚添白苧衣牛女渡河期覺近鱸蓴帶水夢先歸步兵  
風有江東興不為秋風慕識幾

無題

手顫娟娟驚欲仙  
疎簾曲檻畫屏邊  
微風楊柳腰肢弱  
出水芙蓉顏色鮮  
芳意忽通知  
幼惠中情宜察只  
懷衾離騷大有風人致  
彼美西方句並傳

滇黔亂後不得鑒濤書問近聞其移家南下欲返武

榜塘詩集卷三

塘今已卜居常德作此奉懷

萬里思歸愁未歸武陵卜築息塵機全身亂後名俱美回棹湖南願尚違繞樹烏飛三匝定隨陽鴈過數行稀題於舊作頻繡閣落月驚疑夢甚非

讀南邨鐵崖諸老事蹟

首起聲發龍蛇天道茫茫甚偕差此日英雄俱種菜無  
二去番花種麟狀貌徒為爾畫虎功名恐尚賒只有  
三就淨地經鋤穩老舊生涯

示從學諸子

柳塘老子儘癡頑。小草功名屬等閒。便腹摩挲當飯後。壯懷輸寫在杯間。坐窺揚子玄中語。卧看宗家壁上山。悟得

平常心是道莫愁徑路絕躋攀

答友

吾生未合厭清貧滄海橫流要此身去去青山還似舊星  
星白髮忽驚新張儀舌在難干主聶政親亡未許人樸學  
自慚無處售敢云遵養學沉淪

七夕

良辰顧影舞僊僊纖月初高面漸酡銀漢有波無客到黃  
姑因巧賞錢多庭堆瓜果憑誰乞腹懷詩書只自我最笑  
蜘蛛小人態也緣底事被嘲訶

秋夜獨坐月色甚佳起立中庭感而有作

坐深乙夜色輝輝起立中庭識靜機朗月高懸真似鏡微

柳塘詩集卷三

七

雲欲綴不成衣姮娥竊藥身終寡河漢乘槎計總非誦讀  
映意多感激不因時命數虧缺

小飲至醉偷兒奄至室無可取而去為賦以詩

曾無負郭已年公等如何未見憐生計只須傾白墮傳  
家併少昔青羶一庭明月為長物滿榻清風值幾錢此處  
諒難趨負去呼僮重把槿籬編

學山姪入郡齋間茅齋臣計音悼之

初聞微疾卧牀頭小阮驚將惡語郵妖夢幾曾呼起此  
生何忍便休休尊公永訣公草日弱弟傷心薤露秋重憶  
昔年京雒去西河老淚併同流

同起雷有常漢荀玉文集雜生荅江寓中

秦生不見已三年相遇荅江意暢然有子不愁無地主此  
間深喜集群賢一時臭味如醇酎竟日談諧比惠泉後會  
未知何處是明春擬踏錫山巔

懷揚可師秀州幕中

獨坐高齋有所思故人聚散渺難追屋梁此日頻驚月  
酒當年共聽鶻入世願如完趙壁依人情似寄生枝何時  
會合稱無恙互喜衣塵未化緇

冬日同武曹石衡宴佩荆山俠君天孫至虎丘送有

常日容王公文公車北上

連袂河梁話別離朔風獵獵正侵肌請看計吏登車日又  
是旗亭畫壁時驢背雪殘休踉蹌過驢鄉尊老最堪思臨期

柳塘詩集卷三

八

好語無多囑莫為風塵染素緇

悵然

已是秦廷十上書故園栗列悵居諸衰顏帶酒如楓老  
鬢紅秋似柳疎好學願為袁伯業同時頻失馬相如不才  
自分甘樗散何必他年賦遂初

偶題

無數名園關紫紅蜂採蝶採遍芳叢數株婀娜春風早瘦  
損東皇雨露中

塞上曲

四十九家部落聯塵沙千里接居延姑姑城外獵狝卒夜  
枕骷髏雪上眠

陳眉公秘笈載世廟除御札詢徐文貞公以房中導引之術公詭辭以對雖一時權譎殊失方正大臣之體然猶不忘規諷之意因感其事而賦之

房中導引許長生詭對猶然諷聖明縱使急流堪把舵那能對景便忘情

### 孝陵二十六韻

前代開天主精靈尚赫焉滁陽遺緒大建業聖圖延親謚庚申帝頻書龍鳳年立孫明正統罷相攬君權火烈嫌嚴峻風淳益靜便規模真廣大氣象失腥羶島案皆封貢滇遠盡幅幘府兵羅勁旅經義網羣賢國祚應過曆孫謀信萬全九州歡動地世載馭賓天王氣還佳甚妻精定炯然

### 柳塘詩集卷二

九

山陵鍾阜壯弓劍鼎湖懸兆域當陽位星辰直斗躔六王陰裔衛列聖炳精虔敢盜長陵土誰穿原廟塋百年後公改一旦市朝遷片斧登荒隴牛羊上墓田表辭陳遂道楔帖闕重泉鍾豆祠官肅松楸聖主憫無難屈尊貴更覺感纏綿親把椒漿奠綢加禮數還從官陪法駕陵戶免糧錢莫種冬青樹休登金粟顙白頭宮監泣青史簡編傳盛德儀當代深仁邁古先腐儒才盡後敘述漫遺篇

### 答友

憶昔窮途托足難故人扶我入長  
今無錢懶彈襟學尚貪人問字  
數載接遲樂話到春明興每關

好裾難曳幸  
一加餐而今

### 寄漢荀

省試雖頻罷高懷君我同怪奇詩句裏磊塊酒杯中有容嘲癡叔從人慰塞翁切劘真得力外物未能攻

### 放歌

大言無當莫相疑乘興偶然敘述之子雲到底不曉事坡老至今難入時未知醒後何如醉且喜狂來絕勝癡得喪乘除俱外物放歌聊一豁襟期

吳中習氣幾能蠲自分迂疎已有年老子妙于能用短此生寧與我周旋微張白眼誠何敢強附青雲尚未便投老幸嘗黃奶味日從編簡對前賢

### 投老

### 柳塘詩集卷十

十

鬢髮星星歲屢更孔融過二似同庚輩行漸長驚衰老文筆縱橫畏後生已缺唾心尚壯頻撻車辟歎無成嗣宗廣武休增慨不羨人間孺子名

### 同鄧雪聲昭坐慈雲菴後小齋看山

平曠漠漠水漸漸客至能將塵俗礙檻外遙青幽境遠室中虛白道心恬陽山麓斷看雲合海湧峰低露嶺尖此處栖遲曾不厭一尊重訂復何嫌



柳塘詩集十二卷

浙江巡撫  
採進本

國朝吳祖修撰祖修字慎思吳江人是集乃康熙己卯其子大庚所編後有大庚跋稱祖修在時曾板行五七言古詩已而悔之謂詩當以編年爲次不當分體今所編詩十二卷其半猶出祖修手定也祖修詩頗雅馴嘗作讀王子淵傳詩有非無聖主賢臣頌只教宮人記洞簫之句後見升菴集中有之喜其闔合因作詩志之然此二語太涉論宗本非上乘且慎詩亦卽李商隱賈生詩可憐夜半虛前席不問蒼生問鬼神之意亦非新義也

澄懷園文存十五卷載賡集  
六卷詩選十二卷澄懷園  
語四卷自訂年譜六卷

〔清〕張廷玉撰

北京圖書館分館安徽省圖書館藏清  
乾隆刻澄懷園全集本（詩選年譜  
光緒張氏重刻本）

附《四庫全書總目·澄懷園全  
集三十七卷》提要

澄懷園文存自序

玉不敏自幼習舉子業於各體之文雖亦略  
窺阡術而究無暇專攻逾冠登進士蒙

聖祖仁皇帝選入庶常分習

國書三年中專一思慮寢食俱廢以勤其所業  
迨散館後即承

召侍直南書房竭蹶趨走出入戴星

鑒與所歷皆珥筆以從間一留心文事每以日力

不繼而止既而游歷部曹簿書填委職務益

繁自雍正乙巳以非才登政府與聞軍國之

澄懷園文存自序

計者蓋二十餘年自分遭時竊位惟恐隕越  
有孤

恩遇以勤補拙期免疚心至於執筆爲文與承學

者角一篇之短長訂一言之瑕瑜非惟才思

有以限之抑亦絀於勢而無可如何者矣然

自壯歲登朝中年服政友朋親舊敦迫贈言

以及碑版誌銘之文誼無可謝且我

國家覃敷文治三代同風恭逢

聖聖相承眷注儒臣至爲優渥允宣德達情紀恩

誌燬之詞亦不可以不文辭其在綸扉也事

闕大計造膝陳言往往進止決於俄頃並未  
形諸簡牘其或敬抒一得敷奏繇委承

旨繕錄交廷議者不無一二存稿以脩稽考惟是

星霜荏苒歲月滋多迴憶通籍以來每屬文

構思輒於輿中馬背歸邸寓則他務亂之或

塗乙未安經旬日而始卒業者大率類此夫

以弇鄙無學之人居殫力服勤之職則其於

文藝也尋章摘句必不能工大雅扶輪有愧

前詒徒以躬際

昌時歷官華要而又忝爲詞苑之長宜率先鼓

澄懷園文存自序

二

吹休明潤色鴻業然其所以辛苦而僅存者

聊以覆瓿委爲棄物今年弟姪輩書來固請

付梓予以雍正癸卯居室罹火災舊稿散失

記憶不周其後之僅存者得若干卷手自釐

定之名曰文存以誌其繇並屬歲之家以示

子孫若準諸古者立言不朽之義則益重予

慙慙云乾隆十三年歲次戊辰夏六月桐城

張廷玉書於澄懷園之秋水軒

澄懷園文存目錄

卷一

賦 頌

建福宮賦

萬壽頌

聖武遠揚青海平定頌

日月合璧五星連珠頌

聖治光昭河清獻瑞頌

聖駕親詣大學大禮慶成頌

聖主臨雍禮成頌

澄懷園文存目錄

一

聖駕東巡

盛京恭謁

祖陵大禮慶成頌

聖駕東巡

臨幸闕里躬謁

孔林秩祀

泰岱省方布澤禮成頌

卷二

表 奏

恭進

聖祖仁皇帝實錄表

恭進

大禮記注表

恭進

敕修明史表

恭進

御撰資治通鑑綱目三編表

恭進奉

敕修輯詞林典故表

拜大學士謝 恩奏

渥懷圖文存目錄

二

編輯國朝詩文請敬錄

聖祖御製奏

給假舉行先臣 諭祭典禮謝 恩奏

請加振直隸窮民奏

諭祭禮成謝 恩奏

給假舉行 諭祭疊沐 隆恩陳謝奏

慶賀元旦令節奏

卷三

奏 議

懇 恩賞賜 硃批奏摺奏

懇辭兼攝吏部事務奏

七十壽日恭謝 恩賜奏

兩江蠲賑謝 恩奏

長子若霽陞授通政使司謝 恩奏

兩江加增解額謝 恩奏

次子若澄鄉試中式謝 恩奏

翰林院落成謝 恩奏

長子若霽陞授內閣學士謝 恩奏

懇辭兼攝吏部事務第二奏

次子若澄會試中式謝 恩奏

渥懷圖文存目錄

三

次子若澄選拔庶吉士謝 恩奏

蒙 恩體恤陳謝奏

次子若澄特授編修謝 恩奏

諭祭長子若霽謝 恩奏

恭進詞林典故蒙 恩賜詩陳謝奏

乞休蒙 恩慰留陳謝奏

次子若澄陞授贊善謝 恩奏

恭謝 恩諭五日一朝奏

恭謝 恩賜御製詩奏

三老五更議

罷限田議

卷四

疏

請定旌表守節年例疏

請 敕督撫據實題報職官自盡疏

請定安輯棚民之法疏

請分別監禁之例詳慎引律之條疏

議停西北兩路進剿疏

請給額外司員封典疏

議覆保奏幕賓疏

澄懷園文存目錄

四

條奏行取人員疏

條陳貢監考職疏

議覆官員迴避姻親疏

議覆督撫提鎮保題官弁疏

議覆好善樂施獎勵叙用疏

議覆京察官員議叙疏

議覆科制取士疏

卷五

疏

遵例自陳第一疏

遵例自陳第二疏

遵例自陳第三疏

遵例自陳第四疏

遵例自陳第五疏

遵例自陳第六疏

遵例自陳第七疏

遵例自陳第八疏

卷六

策問

癸卯 恩科順天鄉試策問五道 雍正元年

澄懷園文存目錄

五

癸卯 恩科會試策問五道 雍正元年

甲辰科會試策問五道 雍正二年

丁巳 恩科會試策問五道 乾隆二年

卷七

序

聖主躬耕藉田詩序

樂善堂集序

御製樂善堂全集序

明史地理志小序

宋元經解刪要序

古文雅正序

宕渠叢稿序

梅亭小草序

方貞觀詩序

大司寇勵南湖詩集序

傳經堂詩焚餘集自序

澄懷園詩選自序

許醇夫四書文序

卷八

序

澄懷園文存目錄

六

王氏族譜序

錦囊冰鑑序

靈憲詩文集序

廿一史文鈔序

張少宰又仲年譜序

大學士白公家傳序

癸卯 恩科順天鄉試錄序

癸卯 恩科會試錄序

甲辰科會試錄序

丁巳 恩科會試錄序

送都御史石湖楊公 子告歸里序

卷九

序

丁巳科會墨選序

丁巳館課序

同館課藝序

國朝館選錄序

蘋邨類藁序

編修儲中子文集序

靈憲詩二集序

澄懷園文存目錄

七

恭進紀恩 詩序

姚氏宗譜序

空明閣詩序

汪思齋詩序

餘園詩鈔序

善卷堂四六注序

載賡集自序

卷十

跋 題後 記 題辭

恭跋

御製避暑山莊三十六景詩後

恭跋

御書十體字墨蹟

恭跋

大禮記注後

恭跋

日知薈說

恭跋

御製詩經圖

跋王窮林為方望溪書韓子五箴

登懷國文存目錄

八

跋左省書重錄宗譜

跋太宰梁公像贊冊子

恭跋先相國文端公墨蹟後

恭跋先太夫人含章閣詩鈔後

恭跋先太夫人詩卷後

恭跋先相國進呈詩文稿篇後

為編修沈枬園跋蔣文肅公花卉長卷

自題 南書房進呈詩稿後

題王石谷畫卷後

題沈石田畫虞山古檜

題陳少保公諱身後

御賜上苑牡丹圖記

良弼橋記

寫素堂家廟記

桐城縣義學記

宋版漢書題辭

卷十一

傳 碑

大學士謚文端張公傳

贈中議大夫梅君傳

登懷國文存目錄

九

光祿大夫太子太師文華殿大學士兼吏

部尚書謚文端田公神道碑銘

資政大夫吏部右侍郎署直隸總督加贈

禮部尚書謚端簡何公神道碑銘

資政大夫吏部左侍郎加尚書銜致仕李

公神道碑銘

通奉大夫經筵講官禮部侍郎梁邨葵

公神道碑銘

卷十二

墓誌銘

光祿大夫 經筵講官禮部尚書李公墓誌銘

誌銘

光祿大夫太子太傅文華殿大學士兼吏部尚書加贈太傅諡文端朱公墓誌銘

資政大夫江蘇巡撫兵部右侍郎兼都察院右副都御史邵公墓誌銘

奉直大夫原任廣東學政按察使司僉事翁公墓誌銘

光祿大夫太子太傅文華殿大學士兼吏部尚書加贈少保諡文敏程公墓誌銘

光祿大夫太子少傅吏部尚書專管刑部尚書事諡文恭勵公墓誌銘

光祿大夫太子少保吏部尚書魚理兵部尚書諡莊恪甘公墓誌銘

光祿大夫太子少傅吏部尚書專管刑部尚書事諡文恭勵公墓誌銘

光祿大夫太子少保吏部尚書專管刑部尚書事諡文恭勵公墓誌銘

光祿大夫太子少傅吏部尚書專管刑部尚書事諡文恭勵公墓誌銘

光祿大夫太子少傅吏部尚書專管刑部尚書事諡文恭勵公墓誌銘

光祿大夫太子少傅吏部尚書專管刑部尚書事諡文恭勵公墓誌銘

光祿大夫太子少傅吏部尚書專管刑部尚書事諡文恭勵公墓誌銘

光祿大夫太子少傅吏部尚書專管刑部尚書事諡文恭勵公墓誌銘

卷十三

墓誌銘 墓表

誥封一品夫人程母楊太君墓誌銘

誥封恭人封中憲大夫甘公元配徐氏墓誌銘

誌銘

誥封太淑人陳母唐太君墓誌銘

陳母甘孺人墓誌銘

歙縣兩吳君墓表

卷十四

行狀

奉

敕撰和碩怡賢親王行狀

卷十五

行述

先考 予告光祿大夫文華殿大學士兼禮部尚書諡文端敦復府君行述

部尚書諡文端敦復府君行述

附 冢子內閣學士兼禮部侍郎若霽行畧

卷十六

雜著

澄懷園語

澄懷園語



澄懷園文存卷一

桐城 張廷玉 硯齋

建福宮賦

惟

皇建極福被蒼生續璇圖而克紹際寰海之永清

盱食宵衣勒箴銘於戶牖誠民阜物安耕鑿

於編氓值

萬幾之稍暇偶延爽於方瀛居正維度匪爲優游

之地建中時凜彌殷敷錫之情爰新秘殿署

以嘉名夫其鑿鼓無間經營早就遵閭道以

澄懷園文存卷一

逶迤度天街而延袤藻井霞蒸虛欄雲構雕

甍並峙瞻鳥草而翬飛繡拱交紫咏竹苞兮

松茂霏霏之夕霧侵簾煜煜之朝暉承雷志

惟崇儉何煩刻鏤之華義在葆和用息炎蒸

之候爾乃瓊牕對啓玉城平鋪長廊窈窕曲

檻紫紆抗杏梁與桂棟交斜楠與層檻飛樓

蔚而特起修架宛其相扶瑞露凝墨香之沼

祥煙飄

輦過之衢

紺殿初成正叶斯干之頌銀屏乍展高張無匹

之圖而更洞壑玲瓏岡巒起伏被以芳莢樹

之珍木玉盃金帶紅翻芍藥之開高節虛心

綠映篋簪之谷風亭水榭知宜雨兮宜晴溫

室涼軒驗時寒兮時燠吾

皇於是念堂構凜淵冰嚴明旦慎寢興敕幾康於

宥密厘夙夜之祇承博覽圖書階度惜陰之

日親裁機務憲明待旦之燈不出戶庭而心

周區夏時披章奏而念注疑丞延春閣開願

普春和於四序惠風亭啓期邀惠澤於三登

惟靜故虛莫測

澄懷園文存卷一

淵衷之浩浩雖休勿逸共欽

睿慮之兢兢要棲神於道德用介福於升恒若乃

天朗氣清風恬日美承色笑於

慈寧奉

金輿而至止循碧檐以徘徊度赤墀而遙攬

嘉卉於芝田玩游條於蘭沚玉簡進長生之

祝誕受鴻禧瓊漿斟益壽之盃彌隆燕喜乃

知

一人受祉六合懷仁仰樞垣之幹運統品彙而陶

鈞協氣旁敷致時和而歲稔休風遠播緣俗

茂而民淳知起化之有自識

命名之所因銀榜輝煌恍若星辰之麗璇題璀璨  
依然疇範之陳永固丕基卜凝庥於奕禩長  
徵瑞應欣錫福於群倫臣謹拜手稽首而獻  
頌曰翼翼

宸居萬方是則王道平平無反無側欽福

皇躬敷於四國衆星共辰群黎徧德蔀屋茅簷咸  
安作息億萬斯年會極歸極

萬壽頌 謹序

臣聞軒皇膺寶祚電繞樞垣少昊協貞符虹  
臨華渚聖人首出祥徵紫氣神光哲后挺生  
瑞應卿雲膏露允矣一人有慶休哉萬國咸  
甯自昔已然於今爲盛欽惟

皇上

憲天立極

秉道綏猷

肅乂摛謀同箕疇之欽錫

剛健中正備乾德之精純祖述憲章率土識尊

親之義問安視膳普天興仁孝之思淵修己  
邁乎百王遜志更超於前聖厥中允執接唐  
虞精一之傳大義旁搜貫羲孔天人之學集  
思廣益萬方悉荷生成明目達聰庶類皆歸  
陶鑄撫版圖以輯瑞同要荒於蒲穀躬桓  
御黼座以垂衣綿保釐於苞桑磐石謳歌  
帝力群霑雨露之涵濡揚厲

天威共凜風雷之鼓盥恭行九伐播聲靈於窮髮  
之鄉親統六師廓疆宇於不毛之地日月歲  
時無易猶繫心於暑雨祁寒水火金木惟修

更殷念夫厚生正德緩征寬賦惠遍茅簷賜  
粟蠲租春回黍谷省方問俗屢勤

法駕時巡平地成天永慶安瀾底定乃

聖功不息

帝德彌謙秉聰明天亶之姿倍勤宵旰當人文化

成之日益事詩書長樂鐘疎玉燭猶輝秘閣

未央月曉牙籤早啟經緯

聖化無方體乾坤而並運

宸章有象麗雲漢以爲昭鴻猷爲史冊所希聞景

福非名言所能紀茲值昭陽之歲恭逢

澄懷園文存卷一

五

萬壽之辰頌滿康衢共獻澤馬器車之瑞貢來重

譯咸竭梯山航海之忱躋萬物於春臺登斯

民於壽域臣心如葵藿樂大造之含宏質比

菲葑仰鴻鈞而懼忤四方來賀久知

聖澤無疆百祿是宜共識

天顏有喜敬效如山之祝聊同擊壤之歌謹拜手

稽首而獻頌曰惟

皇天縱睿哲文明撫綏區宇涵育群生萬物斯覩

百度以貞仁符地載健比乾行盛德紹庭小

心昭事繼述兼隆尊親並至愉色娛容晨昏

趨侍純孝格天宏慈錫類左規右矩克美舜

牆惜陰同禹銘日符湯義窮奧秘理晰毫芒

錯綜參伍優猷翺翔文命覃敷治功益茂泣

止魯郊肅將俎豆重道崇儒書升論秀束帛

弓旌達於巖岫既昭文德更播武功三苗逆

命小醜興戎

廟謨制勝默運

九重蠻鄉霧掃嶺嶠烟空狡寇負嵎跳梁北鄙重

恤邊氓親勞

玉趾虎旅千屯龍荒萬里波靜鯨鯢烽消壁壘情

澄懷園文存卷一

六

深求瘼典重巡方

恩頒補助膏潤農桑龍旂之側豹尾之旁田夫野

老覲

天子光淮水洋洋河流浩浩粒我烝民亟宜濟導

載駕

鑾輿馳驅遠道

睿算如神功成已告

萬幾餘暇游藝圖書瑤函綉帙二酉五車高吟

天藻結念窮閭聲諧金石字比瓊琚染翰臨池更

超往古筆陣鱗峴墨花飛舞鸞鳳之交縱橫

藝圃星日之光照臨寰宇八荒清安薄海恬

熙時維三月

萬壽昌期卿雲郁郁淑氣遲遲翔麟儀鳳並集彤  
墀億人非人歡盈巷陌獻賁輸琛駢肩累跡

共祝華封咸歌

聖澤蕩蕩巍巍光騰簡冊

澄懷園文存卷一

七

聖武遠揚青海平定頌謹序

臣聞天地之道春溫秋肅雨露風霆皆所以  
生萬物也帝王之治仁育義正禮樂兵刑皆  
所以生萬民也聖人之用兵常出於不得已  
必自外於教化而爲天罰所不容然後征討  
行焉是以姦克戢志良善蒙休而德並於天  
地我

皇上聖德廣運凡日月之所照臨雨露之所涵濡  
含生之類莫不覆幬包容懷柔矜恤俾得並  
生並育乃有羅卜藏丹津者統青海羌番部

澄懷園文存卷一

八

落自扎十巴土魯等効命歸誠

聖祖仁皇帝晉以王封厚其祿養兄弟八人同膺  
錫命三十年來所以能聚其種類蕃其蕃物皆  
天朝之厚澤也我

皇上新膺大寶以愛民之心施柔遠之道復崇其  
俸秩加以寵榮彼么虜細族得優游於光天  
化日之下不思循分報德乃敢包藏禍心并  
吞蕃落侵擾邊陲

皇上軫念烝黎獨出

睿算於元年十月

特簡重臣三路提兵比戰皆捷降者載路二年二

月

皇上復授方略命將出師轉戰旬餘盡殲賊衆其

母就縛同惡悉俘賊勢窮蹙易衣遠竄待死

深林自古出師之不勞剪寇之甚速未有若

斯者臣叨塵侍從朝夕

禁廷仰窺

宸衷孜孜汲汲惟欲區宇乂安未嘗勤思遠略惟

是

聖祖仁皇帝念青海部落逼近甘涼醜類茲繇雖

澄懷園文存卷一

九

示以優容而每懷西顧

皇上仰承

先志當狡謀未逞則廣沛

殊恩及逆節旣形則奮揚我武永靖邊塵告功

寢廟

聖祖仁皇帝恤邊愛民之心於茲大慰蓋我

皇上以大智大勇運至仁而成大孝誠所謂聖人

之兵不得已而後用者是以

天人協應而指顧成功也粵稽周官稱成王綏厥

兆民六服承德實由四征不庭而周公立政

之篇陳所以觀揚文武之光烈者亦在詰戎

兵以陟禹跡蓋承平之世必有赫濯之武功

然後可以鎮撫要荒輯安兆庶故雅頌所歌

并同斯意臣自顧菲材不能發皇文藻導揚

美盛直抒所見甯樸母華惟期微實以昭信

於萬世謹拜手稽首而獻頌曰

大河以西茫茫沙磧是爲青海羌番所宅厥

種寔蕃厥性叵測憐之覆之休養生息其一

伊昔向慕稽顙於邊高爵顯秩兄弟差肩席

豐履厚垂三十年

澄懷園文存卷一

十

湛恩汪濊歲月綿延其二

肯我德施陰謀作慝敢爲亂萌自取誅殛渺

渺螳臂當輪何力纖纖蚊蚋彌山何益其三

乃簡心膂乃畫機宜雲霞組練日月旌麾礪

我斧斨猱猯是勦建鼓鳴鐻谷響山移其四

十月之交一日三捷降王解甲褫魂喪魄受

命於吏罔敢奔突霧散冰消止留纖孽其五

帝曰乘機盡此根株援旌紆綬二月戒塗天戈所

指拉朽摧枯黨惡就縛六軍前驅其六

窮獫奔林枯魚入罟偏師搜捕先俘其母三

千餘人旗門懸首渠魁倉皇易衣而走其七

絕塞窮黎

先皇惠保珍茲不庭氛侵淨掃拘囚於原獻馘於

廟保大定功我

皇至孝其八

戎車凱入驛路無塵哀鴻反宅室家溱溱以

耕以織以睦以親邊氓戶歌我

皇至仁其九

運籌

廟堂決勝千里燭幽洞微如持左契狡謀莫逞險

澄懷園文存卷一

上

阻曷恃膚功耆定我

皇大智其十

誕將

天威霆驚川湧師不留行寇無遺種九垓八埏莫

不震悚赫赫濯濯我

皇大勇其十一

如天之健如歲之春如雨露之潤既渥且勻

猗歟

帝德文武聖神於萬斯年福此烝民其十二

日月合璧五星連珠頌謹序

自聞太平垂象萬年開昌熾之休至德召祥

八表錫清甯之福察璿璣以齊七政治協人

時握金鏡而式九圍道孚帝載是以兩儀順

序綿景祐於皇家五緯成文燭榮光於盛世

連珠合璧焜耀唐虞聚井會奎輝煌漢宋考

鴻編之紀瑞傳奕葉以流芳欽惟我

皇上

表正建中

重華復旦

澄懷園文存卷一

上

功深化育配兩大以成能

道濟陰陽無三才而立極備修已安人之學百

度維新本敬

天法

祖之誠一元敦化顯懿昭於寰海纘

聖祖六十一載之隆徽禮教賁於中天啟

熙朝億萬斯年之景祚瞻雲就日合東西南朔以

觀光航海梯山徧侯甸要荒而輯瑞揆文則

高懸珠斗五色霞騰奮武則一掃欃槍三台

氣肅應時而出香飄甘露和風有感遂通秀

擢奇葩異穎

天心篤佑嘉瑞頻徵適乃節屆中和日臨庚午八  
絃如鏡玉宇澄清七曜同躔煙霄霽朗周天  
三百六十五度當營室以交輝去地一萬九  
千餘程環京畿而拱極芒寒色正銀河映清  
淺之波玉潤珠圓碧落散斑斕之采固已五  
風十雨天下皆春茲且萬戶千門人間不夜  
瓊華錯落雕几陳圖玉管玲瓏瑤臺測影仰  
一人之有慶識萬彙之咸亨乃

皇上聖敬日躋允恭克讓永思不匱謂有開之必

澄懷園文存卷一

三

先執德彌弘念方興之未艾堅辭賀典弗尚

虛文祇告

景陵用揚前烈然而作述濟美先後同符在

聖祖貽謀衍慶之餘爲

皇上受祐迎禧之始所以鴻濛一氣帝座之呼吸

可通宇宙重熙璿室之休徵畢至況值

清廟告裕之會合萬國之歡心又近天田耕藉之

期煥三辰之麗景精純上格積厚流光

大孝神通誠中形外臣生逢泰運躬際昌時圖書

領玉府之班版籍忝地卿之長日照川臨之

下心切瞻依乾施坤載之中

恩承陶鑄五事修而皇極建越四千餘歲近此弘  
庥三光正而泰階平統億兆黎民受茲介福  
由是文明久照瑤樞永握以彌昌經緯孔彰  
玉燭長調而廣運於斯爲盛自古無倫洵悖  
史之宜書以標珍貺叨近臣而作頌竊效唐  
歌

聖人御宇德炳日星效天法地合撰清寧三才之

義萬世之經璿圖凝祉大化流行

其一

日兮月兮合軌同倫五星爛兮環拱北辰惟

澄懷園文存卷一

十四

德動

天惟誠感神貞符上瑞鍾於

一人

其二

吉日惟午瑞應

景命積厚流光天人叶慶五氣既和四序咸正端

拱垂衣以濟七政

其三

皇帝曰咨肇祥有由

聖祖慈德上下同流膺茲

天眷中命用休薦罄祇告式昭貽謀

其四

於惟

聖祖久道化成

聖復承

聖天下文明大觀在上燦燦璣衡洪鈞一氣六字

澄清其五

大孝備矣神明幽贊善繼善述勵精宵旰道濟天

下光華復旦乃廢載歌昭回雲漢其六

粵稽世紀歷歲屢千放勲盛軌七曜同躔宏

開

泰運直接中天駕彼漢宋焜耀簡編其七

巍巍

澄懷園文存卷一

五

昊天惟

帝則之聖德神功作君作師仁風愷澤浹髓淪肌

純嘏

天錫法象昭垂其八

大哉

皇帝謙德彌光照臨下土經傳煌煌四方來賀山

海梯航撫於五辰受福無疆其九

聖治光昭河清獻瑞頌謹序

皇帝御宇之四年冬十二月初九日黃河澄清自

陝州至於桃源二千餘里瀕河之民白叟黃

童踴躍趨視以為奇瑞至五年正月尚澄澈

如前河臣撫臣相繼奏

聞於是諸王文武大小臣工懽忻抃舞合詞而稱

曰此

聖治之祥符也表請

御殿受賀

皇上渙發德音訓諭群臣却頌美之儀文明感應

澄懷園文存卷一

六

之至理推嘉貺之所自仰

聖祖之垂庥

特命祭告

景陵以展孝敬復以隄工甫竣瑞應遑彰致祭河

神以崇報享又以

天

祖錫福

皇躬爰推恩澤溥及臣下

聖德謙冲

恩施浩蕩誠自古所未有也維時文學侍從之臣



作為歌詩紀上盛事恭進

宸覽

臣叨掌院篆職宜敷揚美盛為群臣先

臣聞

傳記所載黃河水清聖人之應然稽之往代千載一覲且為地甚近又暫時偶見而已今則境連四省期邁三旬史冊所傳莫能繞美況我

皇上御極以來海宇清甯太和翔洽

天休滋至上瑞駢臻在天則有日月合璧五星聯珠甘露瑞雪之應在地則藉田歲產嘉穀多至九穗直省所在見告乃至十有三穗他若

《澄懷園文存卷一

七

山川寶玉上林草木之祥不可勝紀今茲河清之瑞復超越前古蓋我

皇上以至誠之心至敬之德孝事

聖祖欽若

昊天以及敷政宣猷建官察吏振綱肅紀激濁揚清四海之廣九州之大民生之所以厚民德之所以正仁漸義摩禮陶樂淑

宵衣旰食日理萬幾

明日達聰惠周六合無非本至誠至敬以運之是以

皇帝鑒觀休嘉登見昭昇平之大瑞為載籍所未

聞而我

皇上聖不自聖益以至誠至敬承之

天

祖之申錫方隆

黼黻之寅恭倍切其在書曰至誠感神又曰救天之命惟時惟幾詩曰小心翼翼昭事上帝聿

懷多福蓋古帝王所以凝承景貺基命宥密

者胥在於此

臣日侍

內廷伏覲我

《澄懷園文存卷一

七

皇上誠敬之心洵有如詩書所云者固宜迎善氣以迓鴻庥綏福履而綿寶祚矣而且

聖慈溥被謙德彌光念百職之微勞沛

恩綸於中外昌符嘉應我

皇上以至誠至敬之心致之者而歸美於臣工之

襄贊則內外諸臣叨沐

恩榮勉夙夜其所以仰體

皇上誠敬之心以自殫其誠敬之道者又當何如

也且夫躬盛德者召嘉祥嘉祥既集而盛德

益崇則福應亦必愈盛天人感召其理灼然

清

皇上當福應蕃昌嘉祥畢集之時益懋

聖德存誠主敬日進無疆觀已往之休徵驗將來

之福慶將見純嘏繁禧單厚多益振古希逢

之瑞悉見於今詩云如川之方至以莫不增

河清其先兆矣

臣恭聆

訓亦不敢襲鋪揚侈大之詞干瀆

清聽謹敷陳

聖德拜手稽首而獻頌曰

巍巍

澄懷園文存卷一

九

聖皇德合天地兢業爲心勵精圖治維誠維敬孝

思不匱監於成憲格於

上帝萬邦咸和百嘉豐遂川瀆呈祥於昭上瑞瞻

彼黃河源於天上星海騰波崑崙叠浪積石

滌洄龍門激盪橫亘坤維百川所向九曲逶

迤秋濤春漲快觀澄清實爲神貺爰當

聖世陽侯效靈素波浩浩碧漪泠泠光連銀漢汎

潏潏日星輝映冰鑑晶瑩以彰至治以應

太平圖錄所紀咸曰休徵昔聞其言今果觀

比自豫及徐二千餘里期越三旬湛然徹底

兆姓歡呼萬目共視臣工忻慶瀛寰忭喜瑞

超往牒光騰青史欽惟

聖祖陟降在天我

皇大孝思慕彌虔善繼善述夕惕朝乾誠敬感孚

鑒觀昭然

上蒼眷佑錫福綿綿天符地產嘉應駢蕃

聖治益隆

綸言申戒咨傲倍加精神弗懈昭告

景陵恭承嘉賚錫慶臣僚

湛恩汪濊祇若

澄懷園文存卷一

十

天心諸福來會保佑重申於萬千載

聖駕親詣大學大禮慶成頌 註序

欽惟我

皇上聰明睿知文武聖神作君作師統臨萬國以繼天立極之功興道致治以

躬行實踐之德覺世牖民

寶曆初元首頌

諭旨崇奉

先聖追封五代王爵曠典聿新振古未有更

念大學為王化之原釋奠尊經臨雍講道虞夏商

周之制詳見於戴記周官五帝三王所以茂

澤懷園文存卷一

主

登上理人才盛而風俗同者胥由於此爰

敕禮臣稽考古典制詠日具儀於雍正二年春三月

乙亥之朔

皇帝整法駕從百官

駐輦橋門

躬親展祀慈誠昭格禮備樂和乃

御彝倫堂

命儒臣進講大學虞書復宣

聖訓崇獎儒先嘉惠多士

恩施溥博文命卓敷一時扈從諸臣以暨四世子

孫六館學徒凡與觀聽靡弗鼓舞惟忭竊惟

鎬京辟雍雍魯侯泮水皆揚之風雅規耀簡編

聖天子道德高深大禮光著是宜紀述

美威昭示無窮 臣叨列六卿無掌翰院

駕請成均恭與分獻職當率先作為詩歌揚厲萬

一況臣蒙被

殊遇日侍

內廷伏覲我

皇上宵旰勤勞勵精庶政孜孜典學日新又新無

念不誠無事不敬

澤懷園文存卷一

主

聖功之密

聖德之純實有以接精一之傳握明新之要用建

作君作師之極而綿

國家文明之運於億萬斯年臣不勝踴躍忭舞

之至謹拜手稽首獻頌曰

繫古聖神首出庶物開天明道聿彰治術三

五相承是繼是述千載心傳其源則一盛衰

我

皇紹膺寶命治協勲華道符孔孟勸學隆師褒崇

先聖風教之行

一人表正王封晉錫祀事孔明大昕鼓舞殷禮肇

稱有穆

聖容端拜於庭百官宗廟玉振金聲

黼座載升經筵已脩明新之學精一所寄匪口斯

陳惟心是契闡厥微言以弘以治羽翼聖道

代不敷賢從祀錄後母缺母偏弘敷經義是

習是傳廣勵孝秀是陶是甄僉僉胄子藹藹

儒林母或自棄聖凡同心母或自恣聖罔不

欽

帝有明訓日月照臨惟我

澄懷園文存卷一

三

聖皇以身作則夙夜緝熙克明峻德

聖敬日躋至誠無息蕩蕩平平永建

皇極薄海向風多士濟濟郁郁彬彬雲蒸霞起

景運有融太和在宇於千萬年教澤斯溥

聖主臨雍禮成頌謹序

欽惟我

皇上以天璽之姿懋日新之學興道致治文教覃

敷東西朔南罔不暨訖乾隆三年春三月甲

寅

躬行視學之典釋奠於

先師先日致齋百禮咸秩大昕鼓徵環集於橋門

皇帝整法駕從百官言

詣辟雍自大成門

降輦而入

澄懷園文存卷一

五

升階就位儼恪有加奠獻既行乃

御彝倫堂

命儒臣進講經書

王言昭示廣大精微自王公卿尹以及六館生徒

四世十哲子孫環列拱聽莫不愉懌鼓舞思

自振勵以近

天子之光而沐

聖人之澤煌煌盛典千載一時謹按記云古者

建國親民敦學爲先言人君致治之本之必

由於學也書云學古入官議事以制言人臣

輔治之術之必由於學也故說命之辭曰念終始典於學又曰學於古訓乃有獲

孔子生知之聖不廢敏求用能無綜百王師表萬

世我

皇上聰明睿知文武聖神薄海內外無不知

聖天子道德高深超越隆古而臣叨被

殊遇日侍

禁廷當

深宮毓德之年即已備員講讀親觀我

皇上懋勉功深基命宥密敬體

澄懷園文存卷一

圭

世宗憲皇帝明理立誠之寶訓敦行不怠日就月

將以徇齊敦敏之質而加功之密進學之勤

有非承學之士所能及其萬一者是以

御極以來敷政甯民無非本天德而行王道作君

作師一以貫之實有以接洙泗之心傳而臻

二帝三王之治茲當

臨雍釋菜大典丕昭臣幸得親隨灌獻之末恭承

聖誨用敢質言所見作為歌詩紀述美盛非徒襲

揚托之具文實將以昭式多士流示無窮臣

不勝踴躍懼忤之至謹拜手稽首而獻頌曰

惟

皇敬學表正自躬文思光被化理聿隆風教之本

厥由性功緬企

先師心源則同其一

至矣

素王規天矩地受命端門斯文是寄

列聖相承欽崇弗替

帝德重光禮明樂備其二

我我廟貌輦革奕新

宸翰高懸輝映星辰肅將祀事維莫之春

澄懷園文存卷一

圭

鸞旂戾止言詣成均其三

鸞旂央央戟門斯啟拜獻

登階牲牢備體有睟其容有秩其禮百爾趨蹌師

師濟濟其四

禮事既備乃開講筵

聖謨洋洋如日麗天

詔爾儒臣是究是研俾爾庶士是陶是甄其五

皇帝曰都後先一揆入聖之階如塗有軌講學敦

行適觀厥美凡此秀民咸喻朕旨其六

疊疊吾

皇繼天立極位育其功欽 其德成性存存小心

翼翼發爲

訓辭爲萬古式其

太和翔洽賢俊彙升薪之槱之髦士用蒸文  
治誕敷隆隆其興億萬斯年百祿是承其

澄懷園文存卷一

毛

聖駕東巡

盛京恭謁

祖陵大禮慶成頌謹序

洪惟我

國家之撫六合而宅萬年也

帝錫祥圖

天開靈命流虹毓瑞啓若水以承家繞電呈符出  
壽邱而御世溯權輿之所自實造化之篤生  
於是地軸遙開表營幽於紫海星躔仰度占  
箕尾於蒼龍光燦扶桑和生暘谷神臯爽塏

澄懷園文存卷一

天

聿肇經營佳氣鬱葱爰歌式廓此則商家宅  
土遙傳景亳之基周室胥原誕衍君宗之祚  
仙源長發曠代同徵者也我

皇上

紹庭衣德

嗣服乘乾

大寶欽承纂鴻功於

藝祖

丕圖寅奉昭駿烈於

神宗在宥而風雨以時咸臨而星雲有爛五禮六

樂煥文章於經緯之餘三事九歌阜功敘於  
平成之盛撫中天而膺景運歌下武而奠鎬

京眷

世德之作求隆

孝思於維則爾迺

詔秩宗以考禮賦時邁以來遊夙

駕東都將觀

真人之舊里言如西漢敬瞻

原廟之高宮諏吉上

陵明虔有事於是孟秋始屆商飈御行

澄懷園文存卷一

堯

玉軌朝昇先路而瑤光警蹕

翠華曉發前驅則屏翳清塵千官山立瞻淑氣於

雞翹豹尾之間七萃宵嚴騰歡聲於魚麗虎

賁之隊夫且

躬勤黃屋肅奉

慈闈

天顏穆穆時承寶輦之歡

睿思愉愉日問官厨之膳則知

皇仁之薦足以孚

三后於在天

聖孝之純足以爲式矣然後輯車書於

屬國徵羽獵於名藩莫不凜我

聲靈抒其忠悃奔走稽首鼓舞呼嵩望

華蓋而載欣隨勾陳而備列用三驅以振武師

占易象之貞戒五校以因畋禮協先王之典

時則風光暢朗銷塞雪之吹沙天宇晶瑩捲

漠雲之似海

赤日照而寒律皆變

絳宮臨而北陸長春益以徵孚佑之隆相與慶

純熙之集爰肅

澄懷園文存卷一

辛

大略徐驅屬車九旂盡日翔翠鳳之襍褱長旂切

雲引彩輓之掩靄溯

盛京以云涖屆瀋陽以告期

列祖

列宗用禮用享彩雲五色

橋山之松栢青蔥瑞靄千層金粟之烟霞紉縵精

儼接備登降於周旋肝蠻如臨極情文於

俯仰且以締造之伊始洵爲開闢所未聞邁

奮超軒孕虞育夏八音六舞時克罄其形容

七節力功詎足摠其揚厲於是藹

睿藻叶元音騰茂實於咸韶聳徽聲於夏護信可

以格

神明昭

謨烈歆茲陟降綏我思成者也加以懷柔河嶽咸

秩明神

躬爵封塋眷酬元祀鉅禮成於一日嘉典著於千

年誠率土以知歸見四方之來賀

殿高洛邑仍開王會之圖

關迥留都更似朝元之節拜

冕旒而濟濟森劍佩以鏘鏘蕭露賡詩需雲

澄懷園文存卷一

三

錫宴瓊裘毳服咸陪鵷鷺之班朱幕雕筵下逮句

驪之使

綸綍與風雷偕布

恩膏則江海俱深問俗興歌依然故沛蠲租給復

何羨南陽人樂春臺塗舞徧杓榆之社歲豐

高廩幽歌諧黍稌之篇進徵大閤之儀申明

司馬之法晉鼓路鼓聲隱振於乾坤鳥章虎

章氣騰凌於日月所謂順時布令有虔秉鉞

之威豈猶吉日歌詩但美攻車之什誠乃備

春秋之溫肅冠

神武於古今者矣且夫長白崔嵬久稱天作混同

迤邐實擁坤靈扶輿清淑之凝祥磅礴蜿蜒

之積慶允猶允翕奠赤縣以長安如帶如屏

鞏金甌而益固於顯

帝王之里鳳舞龍飛況逢

堯舜之期圖呈洛貺然則蒼姬卜世豈惟八百爲

年黃帝封山何但九州肇域瞻

鼎湖之弓劍永詒燕翼之休受商邑之共球介篤

居歆之祐唐哉皇哉美矣盛矣既乃整

鑾輿以告至駐

澄懷園文存卷一

三

雲罕以言旋開宣室而受釐坐明堂而覲牧

上苑則雪含喜氣欲動春花黃鍾則管叶陽爻

方浮縱幕美神人之胥悅紀載籍而彌光

忝列朝端深慚重寄欣茲

國慶倍切恒情敢率百寮備揚

大孝虞廷賡載竊有愧於臯陶周雅拜稽願尚同

於召穆祗肅爲頌謹獻其辭云爾

於鑠

皇清受命自天惟眷惟佑以篤以延

帝緒載啓



皇靈誕宣時乘六位俯奠八埏一章

惟

帝之緒其祥始肇有周瓜瓞生商元鳥實誕實發

乃宣乃保赫赫明明承其威寶二章

於惟

皇祖揚我大武一旅一成以啟疆土既勤既造東

方之宇曰子後先桓桓螭虎三章

東方之宇亦日而闢帝省其山巖巖長白繩

繩繼繼孚於

世德遂撫方夏

澄懷園文存卷一

聖

郊軒配稷四章

四海正域中夏修和平運鈞衡俯聽衢歌禮

樂胥洎吐佗無頗

聖子神孫

鴻謨孔多五章

穆穆我

皇秉文軌競緝熙宥密夙夜基命對於

在天丕承保定

大孝烝哉禮惟其盛六章

言溯豐沛爰

巡舊封

陵廟是祗備物有容如江如河王旅之從

皇威允鑠受球受共七章

橋山是瞻有虔昭格降福穰穰

駿聲赫赫

垂拱無爲百神受職

帝期永昌與天無極八章

澄懷園文存卷一

聖

聖駕東巡

臨幸闕里躬謁

孔林秩祀

泰岱省方布澤禮成頌

謹序

臣伏見

皇上纘述丕基正位凝命恩膏廣布德澤沾濡文

教覃敷至化翔洽仁聲義問邇昭遠揚於時

萬國承流民大和會吏飭簠簋士習誦弦烝

烝皇皇治登於古乃循昔巡狩禮以歲戊辰

仲春恭奉

澄懷園文存卷一

五

皇太后鑒興省方山左

躬詣

闕里行釋奠禮齋戒潔蠲典文攸備兼秩岱宗

虔修柴望爲萬方百姓祈報於山靈旋蹕歷

下問民疾苦遂宣愷惠東諸侯以次述職陳

詩納賈濟濟翔翔凡茲曠典實趾美

列聖之懿徽用垂範於來許

臣

幸際昌期以被

恩命偕王公居守

闕廷未獲躬隨

法從每一郵奉

德音先覩爲快而又職掌翰林爲文學臣長誠宜

率先作歌詩稱道

聖德敬依古作頌一篇指事紀實不資藻飾具載

聖天子尊師重道嘉惠元元之意以效賡颺於萬

一焉頌曰

惟

皇受命建極陳常納民軌物育士膠庠覃我

聖化化澤孔長敷我

文德德施彌光

帝曰欽哉稽古在昔堯舜授受闡揚精一疇衍其

澄懷園文存卷一

美

緒

素王祖述垂統在茲朕其祗適承先啓後實藉聞

知追溯淵源崇報在斯我我廟貌神靈居之

導我

祖烈往祀

先師迺

命秩宗虔共將事兼綜舊儀表諸

聖意燭蕭藿薌豆籩簠解廣牡潔芼其筵肆肆律

轉青陽日卜其吉惟

帝曰咨東作維恤耕鋤毋擾以甯以謐布告而民

乃警蹕既涖陬邑齋戒惟寅止

輦升堂

聖容肅溫

至尊北面至敬哲人乃盥乃獻用展明禋合漢通

微篤恭淵默侍臣聖胄駿奔造職告備告訖

慶溢顏色

皇帝曰吁朕德固克維昔

皇祖時巡東魯謁祀尼山禮隆拜俯薦裸登降客

儀具舉豐碑鉅製輝煌庭廡懿我

皇考善繼厥志越十三載羹牆寤寐惟

海懷圖文存卷一

五

祖惟

考尊崇禮至懿訓昭垂罔敢失墜文謨武烈祇奉

益恭祀典克修家法是崇咨爾嗣公先德昭

融勿替厥緒永藩於東爰

涖講堂爰

御綈几肅肅公卿侑侑胄子布席橫經陳於階記

孔思周情發揮妙旨迺灑

宸翰迺撻

膚藻默契微言是則是微時中立極片言居要金

榜璇題永輝堂奧大禮既備言返其折惟

帝有念念切民依乘茲陽氣巡行郊圻以補不足

俾無阻飢既省乃耕亦巡所守明目達聰民

隱悲究雨膏澤渥仁滂施厚穰耆歡呀壯艾

稽首載瞻岱宗作鎮東土維德在生成物是

主往哉肆祀五風十雨俾我萬方邇厥蕃祐

潔以牲醴薦以馨香鱗笋毛簋奕奕鉶鉶柴

焰噓呵嶽祇降祥歆茲芬苾百靈享王我

皇至孝根於天性惇典庸禮親承

慈命日省寒暄時勤溫清

行殿三朝既和且敬烝烝羅拜

海懷圖文存卷一

五

輦道所臨垂髻戴白羞果獻禽

文母色喜載駐鸞音歡聲聞溢始慰

宸襟維此宗邦周道如砥穆穆

金輿雍雍

玉趾洙泗流清靈光殿竚往蹟紛綸垂鞭敬指

陟於青岳淺草扶輪

慈宮展敬幽贊明神

皇衷欽翼肅奉清塵祇告成事時聞五旬於鑠

皇猷遵

祖懿德吏不可飢民無供億以隆師道以崇儒術

時巡肆覲有典有則迴旌

丹陛布令

彤墀告至於

廟以展孝思讓善

聖哲集祉承禧於萬斯年垂拱無爲虞廷玉帛鐫

京鼓鐘敷天袞對被以薰風至德光被文治

彌隆載拜載賡以頌豐功

澄懷園文存卷一

无

澄懷園文存卷二

桐城 張廷玉 硯齋

恭進

聖祖仁皇帝實錄表

伏以

帝治開天謨烈垂萬年之燕翼

皇猷炳日覲揚昭百代之鴻規

式政教于宮廷蒼生永賴

煥典章于簡冊藻采長新慶流清晏之黃輿帙

富古先之青史用伸揚扆祇慎編摩欽惟

澄懷園文存卷二

聖祖合天宏運文武睿哲恭儉寬裕孝敬誠信功

德大成仁皇帝

中和建極

位育成能

峻德巍哉樹邁帝超王之軌範

神功廣運擴蟠天際地之經綸備作述于一身

統君師于萬國事

天敬

祖誠心歷九獻而彌虔盡孝尊

親隆禮奉

兩宮而交摯恩覃錫類宏教育於宗支禮重引年

瞻勲勞於耆舊傲官方而澄吏治大法小廉

訓士習而礪庶隅風醇俗厚宵衣旰食時思

稼穡艱難節屋窮簷咸俾室家康樂駐

翠華於六壩波靜淮壖停

玉輦於三門

恩流砥柱紀東南之底績屢屢

宸衷瀚畿輔之安瀾俱由

廟算詩陳太史域中徧補助之施獄慎士師法外

沛矜全之德蠲賦則動盈億萬按省分年恤

澄懷園文存卷二

二

灾則發賑再三含哺鼓腹道宗洙泗表萬世

之師型學契考亭闡千秋之理與牙籤層疊

時勤午夜丹黃寶墨淋漓常帶

九天雨露性通太極定律歷之淵源學貫群書證

圖經之同異拔多士而頻加藍榜羅才俊而

咸列鵷班文教覃敷既躋隆平之治武功赫

濯復彰捷伐之勲靖方夏而芟孽俱銷洎邊

庭而塵氛永息榆溪梓嶺須臾者四十九家

蠅木流沙貢賁者千八百國然猶躬行節儉

志切謙冲屈耄期而益勵精勤際郅隆而彌

深乾惕藩服請加

尊號惟慰諭其悃忱臣民齊上

徽稱胥恭聆夫教誠是以深仁厚澤若乾施坤載

之靡涯盛業隆猷與日照月臨而並著迨乎

升遐之日遠鄉僻壤亦哀慕無窮即今紀載之官

述燉揚麻實名言莫罄也欽惟

皇帝陛下

盛德日新

孝思維則

總萬幾而無逸常存繼述之心

澄懷園文存卷二

三

徧九域以宣恩威仰率由之治

監於成憲梓材之丹麓勤修

緬厥前徽冊府之規繩脩美特稽舊典爰簡詞

臣乃於雍正元年二月

命<sub>臣</sub>馬齊<sub>臣</sub>張廷玉<sub>臣</sub>蔣廷錫為監修總裁官<sub>臣</sub>

朱軾為總裁官<sub>臣</sub>勳廷儀<sub>臣</sub>鄂爾奇<sub>臣</sub>特古

忒<sub>臣</sub>拉錫<sub>臣</sub>俞兆晟<sub>臣</sub>杭奕祿為副總裁官

<sub>臣</sub>眾佛保<sub>臣</sub>德齡<sub>臣</sub>僧格<sub>臣</sub>班第<sub>臣</sub>留保<sub>臣</sub>

許王猷<sub>臣</sub>顧仔<sub>臣</sub>王希曾<sub>臣</sub>吳家驊<sub>臣</sub>李錦

<sub>臣</sub>陳邦直<sub>臣</sub>吳龍應<sub>臣</sub>徐學柄<sub>臣</sub>周霖<sub>臣</sub>索

柱臣拉爾巴漢臣花善臣湯倓臣費揚古臣

呈裁泰臣常英臣常保臣文保臣阿必達臣

舒祿克臣多爾濟臣朱爾哈岱臣纂修官近

紫宸而開館披黃帕以繙書發蘭臺秘笈之

藏倣金匱琅函之式年經月緯謹據事而成

編部晰條明共分曹而紀要恪勤九載璀璨

千函恭成

聖祖仁皇帝實錄聖訓合目錄凡例清漢蒙古文

共一千二十九卷繕寫進

呈臣等幸遇昌期愧膺史職濡毫授簡每歎繪

登懷園文存卷二

四

天賦海之難捧篋陳書不勝蠡測管窺之懼

伏願

紹庭永式

繩武聿昭

本深宮寤寐之瞻依

衍累葉繼承之統緒

飭細陳紀睹家法於羹牆

秉道綏猷闡心傳於簡牘昭茲來許長開寶錄

以凝庥佑啓後昆永鞏鴻圖而錫福臣等無

任稽

天仰

聖激切屏營之至謹奉

表隨

進以

聞

登懷園文存卷二

五

恭進

大禮記注表

伏以

皇王建極道光百行之原

聖主作師禮立萬年之則慎徽五典溥

至德於寰區左右六經紀

鴻名於冊府是闡治化宜勒典章以等竊惟受乾

坤降衷之性惟人獨得其純酬父母罔極之

恩惟聖克全乎孝肇興書契初立簡編美天

質之神靈必推本行語帝功之巍煥爰始家

澄懷園文存卷二

六

庭由近而推堯化實基於峻德雖潛必耀舜

心用切於明倫岐土承歡虔朝夕寢門之節

鎬京膺命定春秋祖廟之儀莫不刊竹素以

垂徽敘彝倫而表範顧亮陰之禮當周末以

莫行而服制之期在漢初而改定自茲以降

多因襲於前朝復古爲難乃遭逢於

今日光昭

聖典式篤天經茲茲伏遇

皇帝陛下

德協唐虞

統宗洙泗

仰承

昊天之眷命亶聰亶明

夙奉

聖祖之傳心惟精惟一問膳羞於

宮禁必著歡愉侍湯藥於

庭闈脩彰敬慎逮乎

先皇龍馭痛極遐升

聖妣鸞輿悲深永往居廬寢苦想在日之

音容薦酒陳牲追平生之嗜好

澄懷園文存卷二

七

壽皇殿內瞻

御像之如存昌瑞山前念重局之永閔哀思之意

信感泣於鬼神號哭之聲殆震動於山谷尊

諡載加於

列祖善體

孝思隆儀上配於

郊壇丕揚

盛業臣僚入覲每道舊以沆瀾器物具陳輒傷懷

而悽慄簡賢育俊無非

錫類之思寬賦緩刑盡是

推恩之典齋居素服畢祥禪以爲期優見胤聞

閱歲時而增篤虞帝終身之慕默致精誠周

王繼志之猷彰施政事考舊章於歷代二千

年之所未聞稽至行於生民十七史之所未

覲神明幽贊茁靈草於

陵岡物類潛孚翔慈禽於階砌薦筵將設飛縞霰

以沈陰復土既成現黃雲而煥爛至若合雙

輪於營室馭爲宗廟之區聯五緯於姬訾是

號天門之位蓋

聖人之德至於孝而無加故

登懷園文存卷二

八

乾象之祥因其時而有應表休徵於曠代既星辰

日月之同占迓景福於

皇躬自祿位名壽之咸得臣等幸依

軒陛切近

光華當盡倫盡制之時兼記言記動之職敢辭

庸陋用竭惓忱共効力於丹鉛遂告成於卷

帙輯歷年之典實非比傳聞示奕葉之法程

用垂久遠高文鉅筆雖多遜於前修地察天

實親瞻於

盛世繼孝經之精義於古同符補儀禮之闕文

自今大脩謹奉

表隨

進以

闕

登懷園文存卷二

九



恭進

敕修明史表

伏以

瑤圖應運丹綸縉竹素之遺

雄鼎凝庥玉局理汗青之業集百年之定論哀

一代之舊聞歷纂輯於

興朝畢校讐於茲日垂光冊府煥采書林竊惟論

道首在尊經紀事必歸攬史興衰有自七十

二君之蹟何稱法戒攸關二十一史之編具

在繼咸五登三之治心源不隔於遠初開萬

澄懷園文存卷二

十

方一統之模典制必參諸近世況乎歲時綿

厯載籍叢殘執簡相先合衆長而始定含毫

能斷昭公道以無私考獻徵文用脩酉山之

私屬辭比事上塵

乙夜之觀欽惟

皇帝陛下

桑六御天

奉三出治

紹庭建極綏蕩平正直之猷

典學傳心綜忠敬質文之統

觀人文以化天下鑑物惟公

考禮樂以等百王折衷必當惟茲明史職在儒

臣紀統二百餘年傳世十有六帝創業守成

之略卓乎可觀典章文物之規燦然大脩追

乎繼世法弗飭於廟堂降及末流權或移於

閭寺無治人以行治法既外釁而內訌因灾

氛以啓寇氛亦文衰而武弊朝綱不振

天眷既有所歸賊燄方張明祚遂終其運我

國家丕承景命肇建隆基天戈指而掃梟槍王

會圖而陳玉帛滌中原寇盜之孽奠我民生

澄懷園文存卷二

十一

慰前朝諸帝之心雪其國耻迄今通侯脩恪

俎豆相承依然守戶衛陵松楸勿剪是則擴

隆恩於覆載既極優崇因之徵故籍於春秋絕無

忌諱第以長編汗漫抑且雜記舛訛靖難從

亡傳聞互異追尊議禮聚訟紛拏降及國本

之危疑釀爲要典之决裂兵符四出功罪難

明黨論相尋貞邪易貿稗官野錄大都荒誕

無稽家傳碑銘亦復浮夸失實欲以信今而

傳後允資博考而旁參仰惟

聖祖仁皇帝搜圖書於金石羅耆俊於山林創事

編摩寬其歲月我

世宗憲皇帝重申公慎之旨載詳討論之功臣等

於時奉

敕充總裁官率同纂修諸臣開館排緝聚官私之  
紀載核新舊之見聞籤帙雖多抵牾互見惟  
舊臣王鴻緒之史稿經名人三十載之用心  
進在

形闡須來秘閣首尾略具事實頗詳在昔漢書  
取裁於馬遷唐書起本於劉昫苟是非之不  
謬詎因襲之爲嫌爰即成編用爲初稿發凡

澄懷園文存卷三

三

起例首尚謹嚴据事直書要歸忠厚曰紀曰  
志曰表曰傳悉仍前史之體裁或詳或略或  
合或分務覈當時之心跡文期共喻掃艱深  
鄙穢之言事必可稽黜荒誕奇袤之說十有  
五年之內幾經同事遷派三百餘卷之書以  
次隨時告竟勝國君臣之靈爽實式憑之累  
朝興替之事端庶幾脩矣臣等才謝宏通學

慙淹貫幸際

右文之代獲尚論於先民敢云稽古之勤遠希  
風於作者恭蒙

睿鑒俾授梓人伏願

金鏡高懸

璇樞廣運

叅觀往迹考證得失之源

懋建鴻猷昭示張弛之度無怠無荒而熙庶績

化阜虞弦克寬克仁而信兆民時存則

冠百王而首出因革可徵百世之常邁千禩

以前驅政教遠追千古而上矣謹將纂成本

紀一十四卷志七十五卷表十三卷列傳二

百二十卷目錄四卷共三百三十六卷刊刻

澄懷園文存卷三

三

告成裝成一十二函謹奉

表隨

進以

聞

恭進

御撰資治通鑑綱目三編表

具官<sub>臣</sub>等上言竊惟屬辭比事教起於春秋  
繫月編年法沿於紀載世綿千祀史闕百家  
宋溫國羅衆典以創鴻規章程大備子朱子  
括群言以標定論體例彌嚴洎乎成化諸儒  
續有宋元通鑑惟勝國興衰之迹在史官紀  
述之司事雖具於編摩義未昭於筆削秉權  
衡而不爽功之鉅者恒難垂典則於無窮道  
之也有待欽惟

澄懷園文存卷二

古

皇帝陛下以

天亶之聰而遜敏有

日新之德而緝熙敦志經考典之功闡稽古右

文之治

凝神乙夜縱覽千秋謂纂述相承莫精於綱目而  
典型具在獨闕於有明宜遵曩哲之遺規用  
勒前朝之成迹於是

親披汗簡

特秉鴻裁貫終始以立常經參異同而衡定案準  
平繩直提綱則義極謹嚴縷析條分舉凡以

事期精覈表之正史汰臣僚飾美之詞證以  
羣編削野稗存疑之說剪裁枝葉綜括綱維  
褒誅定而衮鉞施法戒明而丹青炳揆以考  
亭之法則

聖合於賢登諸闕里之編則經傳於史昔者通史  
緝於梁后徒侈辭華晉書斷自唐宗無關體  
要未有

乾心作範

睿式裁模昭懲惡勸善之方闡守經達權之教藻  
鏡開而天地朗奉以無私璇衡正而古今平

澄懷園文存卷二

十五

歸其有極信聖人之述作極盛於茲蓋天下  
之文章莫大乎是臣等叨陪綴緝預列叅稽  
學史而未擅三長受經而漸窺五體稟

訓言以成統貫多愧專門承

指授以悟淵微竊欣盛遇伏願

天文光被

淵鑒宏開布在饗宮登之冊府踵麟編而高步藻  
耀六經俯詠史而旁羅牢籠百氏乾坤不朽  
精華畢貫於羣心日月齊懸軌度永垂於奕  
世謹將

御撰資治通鑑綱目釐爲二十卷繕寫清本裝成

兩函謹奉

表恭

進以

聞

空懷園文存卷三

其

恭進奉

敕修輯詞林典故表

伏以

景運啟圖書丕煥奎躋之色

宏模垂琬琰永增冊府之光

羅中秘之傳聞瑤編絢曰

志仙曹之法守錦帙霏霞慕照同輝芸香倍馥

臣等誠惶誠恐稽首頓首上言竊惟翰林逼

華蓋古號清班學士登瀛洲世稱榮選爵秩

祿興於唐代官制漸脩於歷朝雖沿革互有

空懷園文存卷三

七

不同而職業總歸一致蓋鸞坡侍從實爲顧

問所資而鰲禁追趨與有論思之責非直搗

華投藻誇柔翰於儒林傍日瞻雲侈榮階於

內相而已歷考右文之代典學常勤惟茲珥

筆之官加恩勿替青綾翠錦至今艷爲美談

蓮炬花墩自昔傳爲佳話是以槐廳芸署不

少前聞劉井柯亭獨饒故事但紀載非無散

見而蒼萃罕有全書茲蓋伏遇

皇帝陛下

舜德重華

堯文光被

建中和之極玉振金聲

攬制作之全星陳雲爛時值

萬幾之暇

賜幸玉堂遂令百世之榮騰聲壁府猶以官曹舊

設宜討論其源流載籍紛歧應蒐羅其實

爰奉纂修之

命輯成典故之書起例發凡由

國朝以上推往代條分縷析自官制而下及題名

繫以職司知紀言之有要稽其姓氏見入選

澄懷園文存卷三

文

之爲榮統以八門釐爲八卷況乃

鸞旂寵賁

鳳藻高騫榮施卓冠於成編

盛典彌起於往牒由今視昔諒千秋運會之難

逢伊古來茲信此日文明之極盛雲翔閭苑

恩溢瀛波臣等學愧雕蟲才慙繡虎八軌道上忝

侍游歌五色雲中恭瞻

翰藻幸編纂之有屬思報稱以逾難擬在官而言

官懼隸事而遺事無如見聞固陋學殖荒蕪

既識記之不詳亦鋪揚之未盡伏願

乾坤度量寬挂漏之跡

雲漢光華增簡端之重則昭垂藝苑彌珍李肇

之編傳播詞垣可補陳騷之錄矣臣等無任

瞻

天仰

聖激切屏營之至謹奉

表隨

進以

聞

澄懷園文存卷二

元

拜大學士謝恩奏

奏為恭謝

天恩事臣一門父子兄弟世受

國恩至深至厚臣菲材陋質蒙

聖祖皇帝生成教育之恩二十餘年侍從

內廷游歷卿貳自愧駑鈍未報涓埃我

皇上紹登大寶恩眷尤隆既長儀曹復領農部委

任信用直如心膂股肱

訓誨提撕不啻家人父子

殊恩稠疊

澄懷園文存卷二

二十

異數便蕃叨

渥澤之有加愧寸長之莫効今者恭承

恩旨晉陟綸扉聞

命自天感

恩無地心神俱惕慙悚交深伏念政府深嚴職任

重大為機務殷繁之地處人臣極品之榮臣

何人斯膺茲寵遇臣父臣英荷

先皇之特眷叨列鹽梅鼎鼐之班臣廷玉蒙

聖主之隆恩復紹弓冶箕裘之業父子標名東閣

後先接武沙堤實為史冊所希聞豈僅一家

之奇觀

寵榮已極報稱愈難又奉

特旨令臣兼管戶部尚書事務在

宸衷優獎微材疊沛

恩施於逾格在臣躬自知愚分益深悚惕於兼官

惟有竭力殫心夙夜供職勉盡微臣贊襄之

愚悃仰答

皇上高厚之鴻慈謹叩首恭謝

天恩臣不勝感激惶悚之至謹

奏

澄懷園文存卷二

三

編輯國朝詩文請敬錄

聖祖御製奏

具官臣謹奏為遵

旨編輯國朝詩文敬錄

聖祖御製首冠鴻編光昭典則恭請

睿鑒事欽惟

聖祖仁皇帝

道貫三才

學綜群聖

秉生知之上指久道化成

登懷園文存卷二

三

本天縱以多能右文稽古

天章絢綵玉振金聲

奎藻流輝珠聯璧合詩則千篇備美繼南薰復旦

之元音文則衆體兼該包舜典湯銘之鉅製

闡乾坤之奧義地負海涵煥宇宙之文明日

華雲爛昭垂冊府實千秋著作之宗燦列綱

編建百代文章之極臣等仰瞻

聖製恭繹瓊籤麟炳裔皇敬誦

鴻文之浩博淵微廣大莫名

聖學之精深惟是選錄流傳取便儒生講習務歸

簡約方克精專爰哀四集之精華用示萬方

之標進謹擇各體文五十篇各體詩一百首

分篇繕錄恭請

睿鑒伏祈

皇上指示臣等敬謹遵行謹

奏

登懷園文存卷二

三

給假舉行先臣 諭祭典禮謝 恩奏

臣 奉

皇上恩旨給假回籍舉行 臣 父 臣 張英

諭祭典禮

聖主天高地厚之澤古所未聞更蒙

錫賚便著

溫綸重疊無微不至無事不周犬馬感激惓惓實

非陳奏之詞所能宣述萬一竊念 臣 十一年

來仰沐

鴻慈趨承

澄懷園文存卷二

五

禁近時間

聖訓日觀

天顏未曾一日睽離

殿陛今以烏鳥私情暫旋桑梓寸心戀

闕夢寐瞻依葵向之誠定蒙

睿鑒 臣 於十月十三日出京仰藉

聖主恩光長途事事如意車馬從容天氣和暖按

程而行於十一月初十日抵桐城本籍跪捧

龍章虔告家廟率領子弟族姓望北叩謝

天恩容於十二月內擇吉知會撫臣徐本舉行

諭祭大典後再行

奏謝以伸蟻悃先將微臣到家日期奏

聞仰慰

皇上慈念 臣 出京後自北而南經由直隸山東江

南州縣竊見地方甯靜百姓安居官吏不敢

踰閑營伍亦漸整頓此皆我

皇上帝教養之所賜除直隸山東數縣低窪之

地遭值水患已蒙

天恩賑濟窮民不致失所外其餘地方則秋成豐

稔米價平減現在秋麥佈種甚廣俱已發生

澄懷園文存卷二

五

青翠滿野民氣安舒十一月初五初六等日

江南廬鳳一帶瑞雪應時農民歡慶此 臣 所

親見者合併

奏

聞謹

奏



請加賑直隸窮民奏

爲懇

恩格外賑恤以廣

皇仁事我

皇上至仁如天自臨御以來旰食宵衣勤求民隱

欲使薄海內外無一夫不獲其所臣日侍

彤墀知之更爲親切本月十日蒙

恩給假回籍舉行先臣祀典由京師啓程經由北

直州縣訪察地方情形知秋成豐稔之處頗

多惟近河低窪之地遭值水患仰蒙

澄懷園文存卷三

五

天恩賑濟窮黎得以存養黃童白叟無不感激涕

零但被水州縣輕重不同其中有偏重之處

已歷數月積潦未消難以佈種二麥失業之

民竟有輕去其鄉覓食異地者目前如此恐

明歲二三月間青黃不接之際閭閻自倍覺

艱難倘蒙

聖恩敕令督臣詳確查明仿照從前江南山東等

處之例於明春例應停賑之後加賑兩月或

四十日再

敕督臣河臣查該地方若有應修之工程酌議舉

行並將轉徙異鄉者給與口糧招致回籍如

此則窮民於領賑之外又傭工以餬其口一

家老幼俱得養贍更屬

聖主浩蕩之鴻施矣伏乞

睿鑒臣謹

奏

澄懷園文存卷三

五

諭祭禮成謝恩奏

奏為恭謝

天恩事臣父臣張英蒙

皇上隆恩崇祀賢良祠復於本籍

恩賜諭祭

聖慈優渥無以復加

聖澤周詳無微不至茲於雍正十一年十二月初

九日安慶巡撫臣徐本親至家舉行

諭祭大典

天藻宸章荷褒嘉於綸綍龍香鳳帛極璀璨於几

《澄懷園文存卷二

主

筵薦酒醴之馨香錡壘煥彩陳牲牷之芬苾

籩豆生輝撫臣仰體

聖心鄭重周脩更值天色晴霽氣候溫和凡白叟

黃童紳衿士庶以及四方之觀禮者皆闐衢

塞巷駢肩累跡莫不歡忻歎羨以為

恩榮光寵不特耳目所未見聞亦且史冊罕有倫

比蓋

皇上之施恩於臣家者實屬從古未有之恩禮而

臣家之邀榮於

皇上者實為從古未有之光榮臣感激微忱雖累

牘連篇何能宣述萬一謹同臣叔臣張芳

弟臣張廷璐子臣張若需暨一門子孫族

姓望

闕叩首除另繕疏

奏謝外謹具摺令臣弟臣張廷璩恭賀叩謝

天恩臣曷勝榮幸感激之至謹

奏

《澄懷園文存卷二

无

給假舉行 諭祭疊沐 隆恩陳謝奏

奏為微臣疊沐

隆恩恭陳謝悃事 臣荷

恩旨給假歸里舉行祀典到家後具摺恭謝

天恩並報抵舍日期蒙

硃批頒發

聖慈優渥覺乾坤覆載未足喻此高深

天語春溫即父母恩勤何能方茲惶惻 臣敬聞之

下悚惶慚惕莫罄名言感激涕零罔知所措

更蒙

澄懷園文存卷二

三

頒賜食物

天厨異味榮薦宗祊

御膳珍饈恩分子姓又於十二月二十七日 臣家

人自京師至賁捧

御筆恩賜福字一幅對聯一副並荷包一匣食物

多種 臣率子弟至郭外跪迎到家恭設香案

望

闕叩頭祇領仰

聖恩之敷錫膺

宸翰之輝煌慶溢杕榆輝生蓬華榮光上燭昭回

雲日之華墨寶欽承璀璨龍鸞之彩而且

恩頒稠渥不數金花彩勝之榮

賜資便蕃豈僅翠管銀罌之錫又於數日前江寧

織造 臣高斌遣人賁送

恩賜

內府書籍五十二種到 臣縹囊萬卷全羅

秘殿之奇瑤帙千函如探百山之勝士林稱羨

童叟歡騰以為

聖主之隆施人臣之榮遇於斯為極無以復加况

臣身沐

澄懷園文存卷三

五

殊恩疊叨

異數其為歡忭曷可等量又蒙

批示正月二十日起程上吉之辰 臣當遵

旨於是日束裝就道按程從容而行總之

皇上加恩於 臣無微不至且無事不周而 臣仰戴

皇上之恩口不能宣亦筆不能述謹繕奏摺稍抒

感激蟻忱 臣鄉入冬以來雨雪應時民氣和

樂聞各省大率相同

聖主威格

天心寰宇胥霑

帝澤臣曷勝歡慶計此摺到京臣已起身就道不

敢煩勞

御批謹

奏

澄懷園文存卷三

聖

慶賀元旦令節奏

奏為恭逢元旦佳辰虔申賀悃事欽惟

皇上

體元建極

錫福誠民

仁育羣生宇宙皆太和之洋溢

德敷萬類寰瀛遍淑氣之彌綸茲當元日佳辰

適遇立春令節喜惠風之披拂律應三陽觀

瑞氣之氤氲福凝萬福惟

聖主敬

澄懷園文存卷三

聖

天勤政當三元嘉慶仍屬宵衣旰食之時而蒼黎

戴澤沾恩值四海昇平咸遂擊壤歌衢之樂

民安物阜八方共陟春臺時和年豐六宇胥

登壽域臣身在鄉閭情依

殿陛開九天之間闔龍墀正一葉棠舒集萬國

之冠裳蟻佃切寸心葵向謹望

闕叩首具摺恭

賀臣曷勝慶忭瞻戀之至謹

奏

澄懷園文存卷三

桐城·張廷玉 硯齋

懇 恩賞賜 硃批奏摺奏

奏為仰懇

聖恩俯鑒愚悃事 臣於雍正十一年十月間蒙

世宗憲皇帝賜假回里舉行 臣父

諭祭典禮暫離

闕廷往返四月曾七次具摺敬請

聖安恭謝

天恩仰蒙

澄懷園文存卷三

御書批示

慈恩優渥極天覆地載之德莫並高深

溫諭纏綿較家人父子之情更為肫摯 臣於上年

回京之後本欲乘間叩懇

聖恩賞賜收藏以為傳家至寶不料蟻忱未達

龍馭上升數月以來每一跪誦涕泗交流不能自

已伏遇我

皇上紹承大統

優眷微臣之恩與

先帝昔日之恩同其篤厚因奉恭繳

硃批之

諭旨敬將

批諭七摺封呈

御覽並虔佈哀感思慕之誠倘蒙

天恩准 臣什襲珍藏朝夕頂禮並使將來子子孫

孫知

聖主非常之眷注微臣逾分之遭逢有古昔所未

聞而史書所未載者必感激奮勉百倍恒情

永矢犬馬之報於生生世世矣 臣冒昧陳懇

不勝惶悚戰慄之至謹

澄懷園文存卷三

奏

二

懇辭兼攝吏部事務奏

奏為敬陳下情仰冀

聖慈垂鑒事

臣蒙

聖祖仁皇帝

世宗憲皇帝暨我

皇上天高地厚之恩至優至渥求之史冊罕有比

倫縱殫竭駑駘未能仰酬萬一何敢畏難耽

逸自蹈推諉之愆惟是量力捫心實有萬不

容已之下情不得不上陳於

君父之前者雍正六年冬月因吏部滿漢尚書俱

澄懷園文存卷三

三

無在任之人蒙

世宗憲皇帝命臣無行署理比時原有暫署二三

年之

旨嗣後臣屢次懇辭仍以堂官缺員未蒙

俞允且

諭若有差誤寬免處分

恩旨纏綿非臣下所能承受臣每一跪誦涕零如

雨我

皇上新政之初臣不敢遽以私情固請上年冬月

始敢瀝抒悃忱乃蒙

溫諭慰留臣恭聆之下慙感無地伏念臣自兼管

吏部以來已十有一年從來大臣兼攝別部

未有如臣之久者今犬馬之齒六十有七自

覺精神思慮迥不如前事多遺亡食漸減少

夫以望七之衰年而無繁劇之鉅任又不能

時常入署檢閱稽查竊恐錯誤擔延在所不

免在臣身固無足惜而公事所繫匪輕言念

及此汗流浹背今滿漢尚書俱備正愚臣可

以言情之時倘蒙

皇上聖慈俯垂鑒照保全其末路矜惜其衰頹載

澄懷園文存卷三

四

降

綸音解退部務則減一無官即減一分責任少一

曠誤之件即輕一分慙惶恐懼之心不但臣

力寬徐無憂竭蹶而於本職應辦之事更得

專心致力不至有顧此遺彼之虞頂戴

聖主始終覆幬之仁恩永永無極矣為此具

奏請

旨

七十壽日恭謝 恩賜奏

奏為恭謝

天恩事 臣以菲材深叨

恩遇遭逢

景運忝列崇班沐九天之雨露蒲柳猶榮慶萬寶

之豐穰菊萸方秀乃

皇上三驅講武之日適微臣七旬賤降之辰敬聆

行在之

溫綸欣拜自

天之寵錫本月初九日詹事鄂容安宮殿監副侍

澄懷園文存卷三

五

王太平恭捧

御書扁額對聯

御製詩篇莊嚴

佛像冠服數珠雜珮如意酒筵果餌等件至 臣

私寓宣

旨頒賜 臣恭設香案叩頭祇領伏觀

天章璀璨榮光上燭乎紫微

睿藻續紛瑞氣遙連乎絳斗祇承

嘉獎愧遜謝夫名 臣敬佩

褒揚期步趨於前括至於衣章文繡彌增委珮光

華冠珥豐貂愈識戴

天鄭重瞻慈雲之西至儼慧日之東臨羅山海之

珍奇甘分綺饌集

尚方之飴餌香溢雕槃榮逮宗祊歡傳輦轂豈

獨為臣工所罕遇抑亦為史冊所稀聞 臣何

人斯膺茲

異數自分假年可必在

一人錫祉之中更欣元化均調厠百爾對揚之列

蟻忱感激實銘心刻骨於無窮

聖澤覃敷與地厚天高而俱永矣為此具摺恭謝

澄懷園文存卷三

六

天恩謹

奏

兩江蠲賑謝恩奏

奏爲兩江疊蒙蠲賑衆水共慶疏消

帝澤浩蕩難名民生乂安永賴合陳下悃恭謝

天恩事竊惟風傳禹德同霑補助之仁水成堯年

永紀平成之績蓋撫綏有道下民自無怨咨

而經理多方厥功因之底定自昔淮揚敷土

本號泥塗鳳泗分疆原稱澤國常多水患賴

修濬之屢加頃值沉災遂懷襄之告傲拯溺

亨屯之道未免博濟爲難植僵興仆之功猶

恐敷施有憾是惟大爲補救乃能恤其阽危

我

聖德圖文存卷七

七

皇上

至德帡幪

鴻慈煦育

宵衣旰食切一夫不獲之懷

發政施仁溥萬物得所之願

念江省爲東南之要地而水災實億兆之深憂必

賑卹宏敷庶免蕩析離居之苦亦經營盡善

斯慰其咨俾人之思用是

詔屢下而彌殷情無隱而不達歷夏秋冬春之久

四時莫釋於

宸懷合淮徐鳳頰之區寸壤咸周於

審慮既

申諭地方大吏復

欽命內外重臣令其和衷商榷務籌勞來安集之

方亟爲實力講求總期涸水除災之法出常

平之倉穀遍給淖糜發大府之金錢立登衽

席流移則隨地安置異老弱之生全戶口則

籍記詳明杜吏胥之侵漏寬徃歲未完漕項

一體停徵豁本年應納額糧悉從優恤或截

聖德圖文存卷八

八

漕於本省倉庾都盈或輸粟於隣封舳舻相

次并令爲之分種兼慮及於鬻牛涸地可耕

預使先營春麥賑期已滿更爲加賜月糧毫

無艱食鮮食之虞益順距海距川之軌內疏

溝洫外導河淮視南岸北岸之波流分急工

緩工之人力撥支庫項既不惜千萬帑金修

葺隄工復永除一方水潦凡此

鴻施渥澤自古其難

善政仁心於斯爲盛因一時之災裒成百代之治

安惟



皇上視民如傷是以恩無不至而猶虞未至愛民如子是以惠無不加而猶有所加生成悉賴

皇仁耕鑿咸懷

主德博稽之汗簡以內

異命周詳曲至實史冊所未聞即問諸身受之民解澤層累加增亦意計所未及維天職覆維地職

載乃

聖主之裁成輔相贊化育以同流父兮生我母兮

鞠我覺

元后之長養安全較恩勤而更摯從此兩江上下

澄懷園文存卷三

九

徵壤地之安瀾萬室盈甯慶畬田之復業

臣

等身依雲日籍繫枌榆值千古罕見之

殊恩荷

九重非常之曠典不特鳩形鵠面盡沐綏甯并教

鼉浪鯨波咸歸清晏桑麻無恙俱由

聖慮之肫詳畎澮攸分更仰

皇猷之廣大矣為此合詞恭謝

天恩仰祈

睿鑒謹

奏

長子若靄陞授通政司使謝 恩奏

奏為恭謝

天恩事 臣 父子蒙

皇上天高地厚之恩無有倫比 臣 子若靄日侍

內廷叨沐

生成訓誨未報涓埃今又欽奉

諭旨補授通政使司通政使伏念納言清秩卿貳

崇班

遷擢屢加寵榮逾分聞

命之下感激悚惶不知所措惟有益加奮勉殫竭

澄懷園文存卷三

十

駕駘以圖報稱於萬一謹率 臣 子若靄叩首

恭謝

天恩為此具

奏

兩江加增解額謝 恩奏

奏為

聖世之右文極盛兩江之解額加增欣荷

殊恩恭陳謝悃事欽惟

皇上

大孝光天

至仁育物

乾元首出集四海之車書

泰運維新敷萬方之聲教連啓丙丁之榜文治

光昭宏開甲乙之科士風丕振乾隆元年六

《澄懷園文存卷三

士

月初七日禮部議覆尚書楊名時條奏懇

恩增定解額事一疏本月初九日奉

旨依議欽此 臣等竊惟世際昌明正人才之蔚起

典崇俊造尤科目之加隆東南當牛斗之躔

舊傳文學士子慶風雲之會競奮功名向來

之應試最多近日之賓興更盛雖屢科遞增

解額幾及百人而兩省矢願觀光動逾萬計

蓋由我

國家重熙累洽之治培植久深恭逢

聖天子繼志述事之初振興備至所以江分上下

聞來比戶弦歌塲列東西望徹兩廊燈火凡

屬佔畢尹唔之士總切歡欣鼓舞之思乃以

登進之猶艱宜令科名之加廣致煩

睿念酌數於大江南北省之間

特沛恩綸分額於一百二十名之內

紫泥到處歡聲徹瀟嶽鍾山

黃詔傳時喜氣徧皖江淮水秋風薦爽南中之雲

路平開曉影飄香吳下之桂枝競秀從此峯

高九朶寧教壁韞藍田澤潤三江不致珠遺

滄海十六郡青衫席帽群沾浩蕩之波億萬

《澄懷園文存卷三

士

年玉燭金甌永荷作人之化 臣等身依

禁闕職忝京僚

恩命先聞幸觀非常之

盛典微忱倍切莫酬廣被之

深仁謹合詞恭謝

天恩不勝懼忤感激之至為此謹具本

奏

聞

次子若澄鄉試中式謝 恩奏

奏爲恭謝

天恩事 臣次子張若澄於本科應順天鄉試中式

第五十一名伏念 臣一門世受

國恩至深至厚 臣子學問淺陋逐隊觀光齒未逮

乎壯年名遽登乎鄉薦凡皆

大造生成帡幪廣被俾髫齡縫掖亦沐

寵光 臣舉家感激非言詞所能宣述萬一 臣謹叩

首恭謝

天恩爲此謹

澄懷園文存卷三

十三

奏

翰林院落成謝 恩奏

奏爲恭謝

天恩事乾隆九年十月南書房承

旨重葺翰林院落成車駕臨幸錫宴退大學士掌

院事鄂爾泰張廷玉進署以張說東壁圖書府

五律爲韻賦東字音字二首勅諸臣各分一字

賦詩又

賜 臣鄂爾泰 臣張廷玉

御書二額懸於院署閱日又奉

旨朕幸翰林院既與大學士等用張說五律字分

澄懷園文存卷三

古

韻賦詩顧人數爲字所限編檢庶常吉士皆不

獲與因復爲柏梁體朕倡首句俾人賦一句用

聯上下之情欽此伏維

殊榮貴於冊府

睿藻輝煌

愷澤沛於詞林

恩華稠疊曠千秋而紀盛偕庶尹以騰歡欽惟

皇上

濬哲性成

欽明光被

接義軒堯舜之統

德乃日新

挾星雲河嶽之文

聖由天縱璿璣幹運際甲子之重開寶籙迎祥繼

雍熙之累洽丕煥右文之典用彰稽古之榮

緊是詞垣素稱清秩本崇政集賢之重地沿

邇英麗正之遺規樸斲宜勤棟隆惟吉爰頒

異命俾予鼎新藻井芝栢鬱虹梁之特起璇題

寶畫揭鳳榜以高懸亭號瀛洲直成方嶠地連華

蓋名稱玉堂屬廣廈之初成展鈎陳而夙駕

澄懷園文存卷三

五

帝車紆軫光臨奎壁之垣日昃騰輝彩徹台階之

次鵷行雲擁屹

黼座以中開豹尾星陳啓瓊筵而肆設雲璈錦瑟

聆廣樂於鈞天翠釜金壘酌衢尊於丹地

摘章麗示韻分燕國之篇染翰聯吟製仿西京之

體

金聲玉振集條理之大成乾端坤倪冠苞符而首

出鐫諸琬琰掩八伯之咸歌述考繆細陋二

侯之成詠斯文極盛振古希聞臣等幸遭

昌期叨塵秘省仰

王言之鄭重勉効論思誦

睿製以慚惶濫司寅亮戴

巍巍之至德莫申天保報上之忱思藹藹之吉人

共志卷阿來遊之盛寵深逾分感極難名凡

茲與燕諸臣共喜普沾

異數在昔纈袍蓮炬尚焜耀於最編與夫玉署金

鑾第鋪張於往載豈知

今日覃被

恩施尋巢猶記鳳池同荷需雲之渥釋鴈甫來芸

館均瞻復旦之華拜稽竊附於歌虞醉飽還

澄懷園文存卷三

六

逾於宴鎬波添瀛海

恩重鰲山惟當共贊夫休明異以稍酬於

高厚所有感激微忱理合公同具疏恭

謝伏乞

聖鑒施行

長子若霽陞授內閣學士謝 恩奏

奏為恭謝

天恩事 臣一門父子兄弟受

皇上天高地厚之恩超軼恒格長子若霽仰蒙

造就生成屢加遷擢且日侍

內廷

訓誨啓迪無所不周凡有一知半解莫非

聖慈之所賜捫心自問未報涓埃今蒙

特恩陞授內閣學士兼禮部侍郎聞

命自天舉家感激惶悚非言詞所能宣述惟有敬

澄懷園文存卷三

七

慎小心殫竭駑駘以圖報於萬一 臣謹率若

靄泥首

官門叩謝

天恩為此謹

奏

懇辭兼攝吏部事務第二奏

奏為叩懇

聖恩准解部務事 臣仰沐

天恩至深至渥因雍正六年冬月吏部滿漢尚書

俱無在任之人蒙

世宗憲皇帝命 臣兼行管理自是以後 臣以力難

兼顧屢次懇辭皆以正卿缺員未蒙

俞允乾隆三年仲冬月 臣又復具奏陳情蒙

皇上賜有暫管二三年之

恩旨今已逾三年之期且滿漢尚書全備又皆年

澄懷園文存卷三

六

力精壯而 臣衰相日增勉強超承實無益於

公事伏望

聖慈垂憫解退部務俾遲暮之年職任稍減既可

全其駑鈍並可免於曠瘝頂戴

聖主高厚鴻仁永永無極矣 臣不勝惶悚待

命之至謹

奏

次子若澄會試中式謝 恩奏

奏為恭謝

天恩事 臣一門遭逢

盛世

恩遇寵光為古今所罕覩今科南宮榜發 臣次子

若澄幸中會試第六十七名伏念半載之間

聯登鄉會兩闈在

國家取士掄才一秉至公而 臣子幼年入彀殊

為非分

九天膏露普被全家

澄懷圖文存卷三

十九

大造生成不遺小草 臣感激悚惶之忱非言詞所

能宣述萬一 臣謹率子若澄匍匐

宮門叩首恭謝

天恩謹

奏

次子若澄選授庶吉士謝 恩奏

奏為恭謝

天恩事 臣次子張若澄蒙

欽點翰林院庶吉士伏念 臣一門之內祖孫父子

兄弟仰沐

天恩至深至厚若澄以幼稚之年又與詞垣之選

沾

雲霄之雨露超步

彤墀廁

禁近之深嚴翱翔丹地瀛洲清秩下及鯁生秘

澄懷圖文存卷三

二十

省華班廼榮薄植拜聆

天語深戴

聖慈感勒五中名言莫罄 臣謹率若澄泥首

宮門叩謝

天恩為此謹

奏

蒙 恩體恤陳謝奏

奉為恭謝

天恩事乾隆十一年十月十八日內閣奉

上諭大學士張廷玉服官數十年日侍內廷勤勞  
敬慎夙夜靖共靡間寒暑今年逾古稀每日晨  
興赴關未免過勞朕心軫念古大臣有於居第  
視事數日一至朝堂者嗣後可仿此意不必向  
早入朝或遇炎蒸風雪或自度宜於少休亦不  
必勉強進內其有應辦事務可以在家辦理俾  
得從容頤養精力自加強健以示朕優眷老臣

《澄懷園文存卷三

主

之意欽此次日大學士公訥親又傳

上諭大學士張廷玉步履微覺艱難吏部引見官

員時不必勉強帶領欽此伏思臣以遲暮之年

濫膺重任仰荷

聖主天高地厚之德無與比倫而

垂慈體恤於纖微之中者無所不至自愧涓埃未

報私衷夢寐難安茲以老馬馳驅上厪

宸念

溫綸特賜

褒獎逾涯俾休沐之有期恕趨踰之或後

仁同顧復

澤並生成蒲質經秋被陽和而頓忘其悴葵衷向

日近光華而難竭其忱為此具奏恭謝

天恩伏冀

聖明垂鑒臣謹

奏

《澄懷園文存卷三

主

次子若澄特授編修謝 恩奏

奏為恭謝

天恩事 臣次子翰林院庶吉士張若澄仰蒙

聖恩令在

內廷行走已深榮幸又奉

特旨授職編修念小子幼年薄植即叨逾格之

生成在微臣暮齒素餐深荷

加恩之稠渥一門銜感五內增慙 臣謹率若澄於

齋戒後泥首叩謝

天恩謹

澄懷圖文存卷三

三

奏

諭祭長子若霽謝 恩奏

奏為恭謝

天恩事 臣子張若霽不幸病故仰蒙

皇上天高地厚之恩

再慈矜憫屢頒

優旨並

賜帑金又蒙

恩賞卹典今於本月十四日禮部侍郎鄧鍾岳到

臣私寓舉行

諭祭典禮

澄懷圖文存卷三

三

綸綍寵宣牲牷羅列樽罍煥彩蓮豆生輝

榮及重泉感深百世在 臣霽早年殂逝曾無寸報

而

九重特賁龍光在 臣玉暮齒哀殘親親

隆儀雖百口難鳴蟻悃免冠泥首涕泗縱橫為此

具摺恭謝

天恩 臣不勝感激悚惶之至謹

奏



恭進詞林典故蒙

恩賜詩陳謝奏

奏爲恭謝

天恩事臣等奉

敕編輯詞林典故一書告竣恭呈

御覽仰蒙

皇上親灑宸翰賜以序文

雲漢爲昭

日星並麗

甄陶士類卷本希賢希聖之微言

澄懷園文存卷三

圭

樂育群才期爲立德立功之令器光騰辟府榮

貴瀛洲又蒙

御製詩四章賜臣廷玉臣跪捧之下感激悚惶莫

知所措伏念臣父英昔掌翰林院事十有二

年臣承乏又已二十五載至於兄弟子姪之

得叨館職者前後九人是臣一門之受

恩爲最多而臣父子之掌院事歷年爲更久實典

故之所未見今蒙

宸章載錫

天眷寵褒語語纏綿字字親切以金和玉節之詞

寫念舊推慈之旨匪僅一時之盛事實乃千

古之殊榮凡屬臣工無不踴躍歡忭頌

聖朝禮下之隆至於此極況臣身膺

曠典親沐

寵光銜戢寸衷尤非恒情所能方其萬一爲此具

奏恭謝

天恩謹

奏

澄懷園文存卷三

圭

乞休蒙 恩慰留陳謝奏

奏為恭謝

天恩事臣世受

國恩至深至渥臣備員政府二十四年今以年近  
八旬精力衰憊自揣不能勝任內悚惕寤

寐靡寧雖

皇上優容體恤逾於恒格而臣子之至情縈結於  
中

君父之前何敢隱匿不一傾吐是以於本年正月

二十九日

清懷園文存卷三

七

召見之次滙陳下悃懇請解退冀邀

俞允以全愚分乃荷

褒綸寵錫慰留再三

天語春溫纏綿愷摯且引昔賢事君之誼往復誘

掖指示周詳又復垂念衰年准解部務次日

臨軒召對重蒙肫切開導宣

諭廷臣風示有位臣跪聆之下感激涕零伏思

皇上加恩哀朽直如天地之高深微臣報答

聖明自憫桑榆之遲暮乃識見短淺徒知引分退

休之一端而徑遂陳情竟昧服勤致身之大

義撫躬追咎益不自安茲承

聖訓提撕愚蒙頓悟惟有勉策疲駑珍惜餘齒以

仰副

聖主生成顧復之盛心於萬一臣不勝感戴惶悚  
之至謹叩首恭謝

天恩為此具

奏

清懷園文存卷三

八

次子若澄陞授贊善謝 恩奏

奏爲恭謝

天恩事 臣一門長幼蒙

聖主天高地厚之恩莫有倫比今次子張若澄恭逢

御試蒙

恩拔取優等特陞贊善伏念 臣子微材薄植荷大造之鴻慈珥筆簪毫膺官坊之華秩

聖朝雨露小草敷榮聞

命之餘感深五內謹率 臣子若澄泥首

澄懷園文存卷三

元

宮門叩謝

天恩爲此具

奏

恭謝

恩諭五日一朝奏

奏爲恭謝

天恩事乾隆十四年正月初四日內閣奉

上諭大學士伯張廷玉

三朝舊臣襄贊宣猷敬慎夙著朕屢加曲體降旨

令其不必向早入朝而大學士日直內廷寒暑

間問今年幾八秩於承旨時朕見其容貌少覺

清減深爲不忍夫以尊彝重器先代所傳尚當

珍惜愛護况大學士自

澄懷園文存卷三

辛

皇考時倚任綸扉歷有年所朕御極以來弼亮寅

工久近一致實乃勤勞宣力之大臣福履所鍾

允爲國家祥瑞但恭奉

遺詔配享

太廟予告歸里誼所不可考之史冊如宋文彥博

十日一至都堂議事節勞優老古有成模大學

士紹休世緒生長京邸今子孫繞膝良足娛情

原不必以林泉爲樂也著於四日一入內廷

以備顧問城內郊外皆有賜第可隨意安居從

容几杖頤養天和長承渥澤副朕眷待耆俊之

意且令中外大臣共知國家優崇元老恩禮兼隆而臣子無可已之日自應鞠躬盡瘁以受殊恩俾有所勸勉亦知所安心盡職欽此竊臣賦資庸陋遭際

三朝寵遇至優極渥蒙我

世宗憲皇帝簡任綸扉股肱心膂之寄無有比倫我

皇上眷注舊臣異數殊榮皆臣意想所不到清夜捫心慚惶莫釋惟是數年以來筋力衰頽精神恍惚深恐貽誤有玷職守屢經陳情引退

澤懷園文存卷三

三

蒙

皇上溫旨慰留臣殫竭駑駘勉圖報稱不敢復以私情瀆懇乃蒙

聖主垂慈以臣年近八旬氣體羸弱

特頒諭旨令臣在居第願養四五日一值

內廷以備顧問並引古大臣為比以昭優老之

典臣聞

命之下感激涕零伏念臣子致身之義無間初終聖主優禮之隆直同高厚

皇上至情體恤如父母之育孩提微臣暮齒尚榮

感桑榆之滋雨露

恩踰休沐簡牒希聞寵冠班行捐糜難報謹泥首宮門恭謝

天恩為此具

奏

澤懷園文存卷三

三

恭謝

恩賜御製詩奏

奏為恭謝

天恩事正月初四日蒙

皇上特頒

諭旨念臣年力就衰令常在居第願養四五日一

入內廷以備顧問初五日又

御製詩一章

親灑宸翰於直廬頒賜臣跪讀之下仰見

聖心眷注衰遲衰嘉逾量纏綿愷摯之意流溢楮

鴻篇奎藻高古淵深昭雲漢之光華邁賡飏之盛

墨而

事昔宋臣文彥博等年躋耄耄躬沐寵榮乃

詠歌未賁宸章史冊猶誇殊遇今臣齒德未

逮乎古人而遭際實超於往代

隆恩優渥冠絕古今臣何人斯膺茲

異數五中感愧莫罄名言敬當什襲珍藏以為子

孫世世之寶謹泥首

宮門恭謝

天恩為此具

奏

鴻篇奎藻高古淵深昭雲漢之光華邁賡飏之盛

墨而

三老五更議

爲遵

旨議奏事臣伏思三老五更之名始見於禮經蓋古養老尊賢之禮也考養老之禮如王制內則所云則虞夏殷周皆然又云五帝憲三王有乞言則伏羲神農黃帝以來已然是其典爲最古至所云食三老五更於太學天子袒而割牲執醬而饋執爵而醕冕而總干是其禮爲最隆我

皇上至道在躬式稽前典以三老五更之禮下詢

澄懷園文存卷三

圭

甚盛心也顧禮待人行事因時起臣妄叅臆

議以爲未可舉行者約有數端蓋

皇上至德淵懷聖不自聖何難屈禮臣下但

天子有所施必令臣下有可受如所云袒而割牲

者其始親袒衣割牲以爲俎食也執醬而饋

者其繼執醬以饋熟也執爵而醕冕而總干

者既食畢又親執酒以醕口且又端冕舞位

而以樂舞侑食也禮如是不已重乎古有斯

禮而今未行似非

皇上殷殷復古之意如特行此禮度臣下誰敢受

者此其難行者一也漢宋均曰三老乃老人

知天地人之事五更乃老人知五行更代之

事者各以一人爲之所謂知天地人之事者

蓋上通天文下徹地理中察人倫三者明一

亦已難矣况兼之乎所謂知五行更代之事

者如伏羲以木德王故風姓代之者火也炎

帝以火德王故曰炎帝以火紀官代之者土

也黃帝以土德王故曰黃帝之類此非洞達

天人之際孰能知其所以然者惟其有如是

之德是以天子隆以賓師之禮三公九卿皆

澄懷園文存卷三

圭

在執事之列今此禮果行必求其人以當之

竊思致事諸臣及現在居職者誰克任之恐

皇上即下 詔而其人必悚惕慚惶而不敢應此

其難行者二也考漢以李躬爲三老桓榮爲

五更魏以王祥爲三老鄭小同爲五更周武

帝以于謹爲三老其時五更無人第未審諸

公如前所述之三老五更果克副其名而無

愧乎園橋觀聽漢明帝時極盛然先儒胡寅

譏桓榮僅能授經章句不知仲尼修身治天

下之微旨故所以輔翼其君者德業不過如

是觀先儒之論是桓榮猶不免譏評下此者  
何足以當鉅典此其難行者三也三老五更  
之名雖見於樂記祭義文王世子諸篇然不  
言何代如以爲虞夏殷周皆然則二帝三王  
大經大法載於尚書何二典三謨不見有老  
更之名如以爲惟周有之則保息養老見於  
司徒獻鳩以養國老見於羅氏以財養死政  
之老見於司門三百六十如是之詳且悉何  
亦不載有老更之名臣愚以爲養老之禮古  
時典制可稽至所謂三老五更者疑屬漢儒

澄懷園文存卷三

三

附會此其事直未可以盡信是以唐宋至今  
已千餘歲未行茲禮即本朝

世祖

聖祖

世宗皇帝重道尊

師

經造士事事度越前古而於老更之禮亦  
未之及蓋以典至古而禮尤隆名實難副倘  
有幾微未稱不愜觀聽則必滋論議之端豈  
不褻

至尊而羞大典乎此事似應停止舉行不必

敕下廷議臣謹陳管見伏惟  
聖鑒

澄懷園文存卷三

三

罷限田議

奏為遵

旨議奏事都統兼刑部侍郎臣盛安請立限田之

制一摺奉

硃批大學士等議奏欽此臣等竊維國家定制凡

以利民事由理斷亦隨勢遷有應行之事有不應行之事有不應行而不可不行之事有應行而實不可行之事畏難而欲速因循而鹵莽其不能利民似異而實同蓋勢既靡常理遂無定居今日而議復限田誠無不可行

登懷園文存卷三

元

之理而有不可行之勢強勢以合理無論奉行之不善即使善於奉行亦恐急切少奉行之善策是不如不行之為愈也查限田之說倡自董仲舒師丹繼之荀說亦謂宜以口數占田為之立限以防兼并宋臣蘇洵通其說以為少為之限而不奪其田但使後之人不敢多占田以過吾限要之數世富者之子孫或不能保其地以復於貧而彼常過吾限者散而入於他人則所占者少而餘地多貧民易取以為業是限田之法前人論之綦詳今

民間田非耕者所有而有田者不耕富者田日增則田益貴田益貴則貧民之得田愈難棄田尤易雖業主能養佃戶終不若自佃其田凡此情形由來已久亦人所共知者如果限田一行即能使富者無多占田貧者得有恒產漸至貧富均平因而家給人足豈不盡善惟是利未興而弊先伏利未一而弊恒十田以何為等差限以何為多寡直省風土互異貧富長落不時非清查不知而查則滋擾縱使章程既定券契可憑而瓜分詭寄改戶

登懷園文存卷三

甲

移名即精明之吏亦難按冊而稽將胥吏乘機需索訛詐而小民震惑互相告訴獄訟紛繁古云治大國如烹小鮮在毋擾之而已今天下各直省皆大國也本欲安之適以擾之雖法良意美顧可不深思而熟慮之乎至稱請收買公田仍公之於民並捐監贖罪皆准以田捐贖等語在盛安之意亦以為限田難行欲收買公田並捐監贖罪之田皆公之於民庶民得田日多是限田之通也意固善也查公田之法宋元明皆有之大率皆籍沒之



產及抽踰限之官民田以充公官爲之招租民受其困至無所逃避今盛安所稱公田雖官買招種而租價既減復即以所收租補完原項還給地戶較諸從前公田自屬迥別然收買時不無長短催租時不無凌虐完納時不無勒索比之民種民田實有便有不便且承種者既皆可得田則此承種得田之人能保其盡爲無田之貧戶絕無有田之富民乎一經察別則弊竇百出爭端四起又必然之勢矣至於捐監例不過百金人或急於功名但罄一時之蓄便可如數輸納若田則子孫世業也倘令民以田捐納又將捐納之田仍散之民不獨予奪彼此微失其平且恐無田之人必須捐監勢必轉買田以報捐不又阻其路而迂其途乎贖罪之條本不應濫而犯罪之人未必皆有田之人徒增一例亦並無補裨臣等愚見限田之議應行而不可行其收買官田並納田捐贖之議不可行而亦不應行盛安所奏俱無庸議謹

奏

桐城 張廷玉 硯齋

請定旌表守節年例疏

奏爲請定旌表守節之例以廣

皇仁以彰風化事欽惟我

世祖章皇帝統一寰區厚生正德我

聖祖仁皇帝化成久道仁漸義摩重倫常以端本

原闡幽光以宏訓教匡直勞來淪肌浹髓四

方風動革薄從忠以至婦人女子凜冰蘖之

心堅松筠之操以完節著聞者倍多於往昔

我

皇上初膺寶祚

恩詔下頒即以廣舉孝子順孫義夫節婦爲首務

又恐有司視爲具文奉行不力復頒

諭旨諄敕各省大吏博訪節孝據實上聞不使或

遺於深山窮谷之遙與葑屋茅簷之賤

皇天之教倫飭紀維風振俗之盛心至矣極矣臣

等議部仰體

睿懷雖旌表之例似有稍宜變通者凡民婦三

十歲以前守節至五十歲以後題請旌表此

定例也若未及五十而身故者槩不得與是因本人享年之不永所遭之不幸遂至湮沒沉淪不獲沐

聖朝褒揚之令典非守節之不終也言之可爲憫惻臣愚以爲民婦三十歲以前守節至四十歲以後身故按其守節年分已歷十五年以上者此等之人去五十之期不遠計守節之日已多苦志既勵於生前定論復符於身後應令地方官申報督撫學臣核實題請一體邀

登懷園文存卷四

二

恩施表是

聖天子彰善之功足以挽回造化而草野孤嫗無不均被其澤矣臣愚見如此仰候

聖裁或

敕下九卿詹事科道再加確議爲此謹

奏

請 敕督撫據實題報職官自盡疏

臣謹奏昨者四川巡撫題報重慶府知府蔣興仁病故一本奉

旨聞得蔣興仁自縊身死這情由着蔡璉明白回奏欽此臣伏見向年以來竟有有職官員輕生自盡而概稱病故含糊完結者夫一介小民偶有此事亦必報明官長詳查情節焉有身切一命之榮而輕生若此必有萬不得已之情或係本人犯法畏罪或被上司逼勒或受同事欺凌數者之中常有任其咎者若隱匿

登懷園文存卷四

三

含糊草草歸結非所以重人命而彰

國法也合無仰請

皇上特頒諭旨向後若有職官自盡之事必據實申報其應具

題者載入本中不得捏稱病故若本家隱匿則將子弟家人從重治罪若該管官員上司隱匿更改亦重治其罪庶人知畏懼不敢蹈蒙混之弊矣爲此具奏伏候

睿裁謹

奏

請定安輯棚民之法疏

奏爲請定安輯棚民之法以靖地方事臣爲惟王者及民之政惟養與教而寰宇之大疆域之殊顧未易一夫不失其所故民之轉徙流移輕去其鄉者務有以安全而綏輯之夫而後成都成邑化頑爲良漸收其效昔宋臣富弼知青州滕甫知鄆州皆能撫字流民部署詳慎蓋責之牧令則耳目易及政教易施自古所以重民社之寄也查浙江江西地方有曰棚民者因浙東之衢州等府與江右之廣信等府界連福建贛州等府界連廣東其間失業之徒沿緣依附什伯成羣刈苧漚麻倚爲生計其始無屋可棲遂依崖傍麓縛蘆爲棚以居人咸目之曰棚民乃歲月既久生息日繁怯懦者或仍守本業而頑獷者輒潛結爲匪驅之不可治之無術地方官每相顧瞻貽以爲一隅之患近日如江西之瑞袁等府屢有搶奪擄掠事件皆棚民煽惑倡首其明驗也臣愚以爲守令親民之官而詰奸禁暴尤其先務仰懇

聖懷圖文存卷四

四

引

敕下江浙督撫查明有棚民之州縣爲某某等屬遴選廉能幹辦之員保題補授或於州縣官見時揀選年力精壯才具勤幹者調補此缺責令曉諭約束化導漸摩或奸匪不時竊發即重加懲治毋致蔓延貽害安插既久其素不爲非者則編入烟戶冊籍之內其居住未久而踪跡莫定者令取具五家連環保結以度日後事端皆於編查保甲時一體稽核毋許遺漏再棚民聚處日久人數漸多其中不無營力技勇之人與讀書向學稍知禮義者亦令該州縣查明申詳上司分別考驗錄用俾與彼地民人同霑聖朝之化如此則生聚教訓初無歧視而一時失業者不致陷於罪戾似亦綏靜地方又安良善之一法也臣謬抒管見未知當否伏乞皇上睿鑒謹

奏

聖懷圖文存卷四

五

請分別監禁之例詳慎引律之條疏

奏爲分別監禁之例詳慎引律之條以免濫禁以成信讞事竊惟

國家之設監獄原以收禁重罪之人是以各省人犯罪重者收監罪輕者或令人取保或交人看守本人亦自知所犯甚輕無潛逃私逸之事獨有刑部衙門遇八旗部院步軍統領衙門以及五城御史等交送人犯不論曾經奏

聞與否亦不論事情之大小與犯罪之首從一經

澤懷圖文存卷四

六

鎖送刑部而該部即收入囹圄之中聽候質審以致獄卒之需索欺凌吏胥之恐嚇詐騙脩極困頓百弊叢生甚至有傾家殫弊者及至定案時而斬絞軍流重犯原無多人其餘不過徒杖笞責之罪且有偶爾干連審係無辜應行釋放者如今年二月間刑部清查案件省釋者二百餘人即此類也臣細求其故國家定例原不如是祇因陋習相沿彼拘送之衙門初不計其到部之苦而刑部官員又以寬嚴無縱可告無過遂至常行而不改也似

應

特頒諭旨令九卿悉心妥議凡各衙門奏

聞交送刑部及自行拿送刑部之人何等當收禁監獄何等當取保看守分別定例詳慎遵行如此則濫禁之弊可除而於刑名不無裨益再者律例之文各有本旨而刑部引用之時往往刪去前後文詞止摘中間數語即以所斷之罪承之甚至有求其彷彿而比照定擬者此間避重就輕避輕就重司員之藉以營私吏書之高下其手皆由此而起臣思都察

澤懷圖文存卷四

七

院大理寺與刑部同爲法司衙門若刑部引例不確應令都察院大理寺駁查改正倘駁而不改即令題參如院寺扶同朦混或草率疎忽別經發覺則將都察院大理寺官員一併加以處分如此或亦清理刑名之一助此

臣愚見倘

皇上以爲可採亦請

敕令九卿妥議爲此謹

奏

議停西北兩路進剿疏

奏爲遵

旨議奏事雍正十二年七月二十日奉

上諭西北兩路用兵已經數年將士効力戎行久在邊外朕心深爲不忍再四思維或應乘此兵力全備直進賊境俾軍務早定以息將士或應遣使往彼諭以利害俾其醒悟二者未能遽定特召兩路領兵將軍來京與辦理軍機之大臣悉心計議伊等意見亦不畫一朕思軍務關係重大博採衆論詳慎籌畫著王公滿漢文武大

澄懷園文存卷四

八

臣公同會議各抒己見據實具奏欽此該臣等

議得準噶爾本一邊遠部落噶爾丹策凌本一微末台吉世濟其惡擾害生靈按其罪狀早應遣發大兵直抵伊里掃穴犁庭立加屠滅惟是我

聖祖仁皇帝如天之仁於策妄阿拉布坦狂悖妄行猶蒙

特賜包容不即加兵誅戮但於邊境駐兵彈壓并屢次遣人前往示以

聖意待其悔過來歸而我

皇上繼志述事仰體

聖祖仁皇帝天地爲懷包涵萬類之

聖心於伊使報敦來時開誠布公面加

恩諭隨將大兵撤回釋其疑貳又遣使前往議立邊界永息紛爭而賊人巧詐支吾惟事遷延朦混及噶爾丹策凌繼其部落我

皇上知其狂肆兇頑甚於乃父恐伊孟浪輕舉騷擾蒙古是以仍於邊地駐兵以爲防範而兩路大將軍屢請進兵俱

特頒諭旨令其停止更可仰見我

澄懷園文存卷四

九

皇上以

聖祖之心爲心原不欲毀其巢穴滅其醜類收其地土洵爲王者之師有征無戰準噶爾果悔悟求和即可寬其罪惡矣從前賊人鼠竊狗偷偶爾得利者非賊人之得計乃我領兵將軍違背

聖訓失機之所致賊人自額爾得尼昭大敗以後固已勢窮力竭漏網餘孽苟延殘喘潛匿不出聞風遠遁本年春間我北路襲擊直越額爾溪斯賊夷驚惶不敢迎戰遊牧俱各遠徙

人人震恐節據陸續投降被獲之人皆稱準  
噶爾之人生計疲憊牲畜傷斃人人怨恨不  
得休息衆心離散是準噶爾於額爾得尼昭  
大敗之後固已窮蹙難支矣第噶爾丹策凌  
當此敗逃窮蹙之時而猶強自支撐者蓋由  
罔識

聖心之寬大自以負罪深重不可復竄加以前年  
特壘回時又捏造言詞恐嚇其下彼意必以  
中國遣發大兵駐劄邊界定欲毀我巢穴滅  
我醜類收我土地計惟有橫集屬下之人冒

澄懷園文存卷四

十

死抗拒否則遠避潛藏遷延歲月因此迷而  
不悟日益冥頑今蒙我

皇上如天好生俯念邊疆士卒久歷戎行

特命臣等公同定議臣等竊思噶爾丹策凌雖屬

冥頑無知然既具有人面料亦具有人心若

蒙

欽命大臣前往諭以

聖度之優容

聖心之仁厚

天恩浩蕩總在愛養生靈罷兵息民先必安邊定

界明白剴切曉以利害禍福之分聽其自取  
寬其已往之愆予以更新之路噶爾丹策凌  
審度勢力實不能支既蒙

聖主仁慈遣使開導自必豁然醒悟誠心悔過俯  
首求和從此安我藩籬寧人息事即準噶爾  
人民亦得安居樂業共慶生全實於我

聖祖仁皇帝特賜包容之聖心允爲符合而我  
皇上愛養羣黎不冒萬方之聖德與天地同其廣  
大矣若我

皇上如此施恩而伊仍執迷不悟則

澄懷園文存卷四

土

天怒人怨是伊自速危亡彼時我軍再議征討之  
計更覺事易而功倍也臣等愚見如此是否  
允協伏乞

睿鑒施行

請給額外司員封典疏

臣謹奏恭維

皇上龍飛御極特頒恩詔凡內外滿漢官俱準給與封典此誠

皇上錫類深仁教孝勸忠之至意伏查各官封誥俱經載在會典惟各部額外司員及奉

旨署事並直省題署各官現任倉場監督等向例未經開載但各員等俱照現任職銜食俸辦事似應一體仰邀

聖澤晉被恩榮且查額外郎中員外主事並額外

澄懷園文存卷四

主

主事上學習進士均奉

特旨分派各部辦事至內外署事官員或經督撫保題奉

旨俞允或係

特旨署理伊等責成處分與現任者無異至現任

之倉場監督如由候補候選人員補授已經

得缺原有品級者亦係現在食俸辦事之員

實與候缺者有間茲遇

皇恩廣被率土均沾仰體

皇上孝治鴻慈有加無已可否將前項人員到任

在

恩詔以前者一體給與封典之處伏候聖訓為此謹

奏

澄懷園文存卷四

三一

議覆保奏幕賓疏

議得兵部右侍郎吳應泰奏稱賞罰者懲勸之攸關榮進者賢愚之同騫名重于利則中材咸勵潔清罪浮於財即下愚亦知顧忌惟有利無名得財不罪將中材化爲下愚下愚流爲無忌憚而後已則今直省督撫司道郡縣之幕賓是也夫督撫司道郡縣即有傑出之才不能不待助於贊襄之人故幕賓之不可無者勢也然而幕賓之滋弊實甚作奸犯科串通關節挾持短長本官稍不覺察即身受其累從前

澄懷園文存卷四

古

世宗憲皇帝洞燭其弊曾

命督撫保奏幕賓以彰激勸後雖有一二保送而行之未遍久而漸弛臣請畧仿漢唐宋遺意仰承

世宗憲皇帝鼓勵人材之盛心而推廣之凡督撫衙門設七品幕職二員兩司設八品記室二員以董其成皆報明吏部三年爲一考有功無過報部存案六年考滿咨送吏部按品揆選府州縣設一九品掾司皆令申報督撫或

人有出身者計考與先用本官降革不准與考本官或以贓酷敗不能救正定議處後後官得辟留前任之幕賓陞調亦可帶往他省如此則賢且才者知所鼓舞樂助本官相與有成即中才以下亦畏罪不敢爲奸夫胥吏之中尚有人才經制考滿例得錄用何況幕賓多屬才智有餘諳練明習與以進身即求才之路益廣不惟除弊且可得人等因前來查雍正元年三月初六日奉

澄懷園文存卷四

主

必延請幕賓將伯相助其來久矣但幕賓賢否不等每有不肖之徒勾通內外肆行作弊黷陟屬員則清濁混淆審理獄訟則曲直倒置敗督撫之清節悞督撫之功名彼則置身事外飽橐而去殊屬可恨夫今之幕客即古之叅謀記室凡節度觀察等使赴任之時皆徵辟幕僚功績果著即拜表薦引彼愛惜功名自不敢任意苟且嗣後督撫所延幕賓須擇歷練老成深信不疑之人將名姓具題如効力有年果稱厥職行文咨部議叙授之職位以示鼓勵該部詳議具



奏欽此續經臣部議覆嗣後各省督撫延請幕

### 賓應遵

旨遴選歷練老成深信不疑之人先將姓名履歷具題造冊報部如果効力年久勤慎無過該督撫保題議敘原有職銜者照伊應得職銜即行補用無職銜者量給職銜如有才守出群者該督撫特疏薦引從優議敘奉

旨依議欽遵在案是各省督撫幕賓原令分別題請議敘以昭勸懲但相沿日久誠有如該侍郎所奏雖有一二保送久而漸弛者應通行

澄懷園文存卷四

六

### 直省遵奉

世宗憲皇帝諭旨令各該督撫實力奉行先將所延幕賓姓名籍貫詳開送部如果効力年久擇其人品醇謹辦事幹練者題請議敘給與職銜其本身原有職銜者照伊應得之缺酌量准予先用如有才守出群者該督撫專摺保薦送部引

見從優議敘至司道以下等官各有刑名錢穀之責均須幕賓相助為理亦應如該侍郎所奏設法勸懲以示鼓勵唯是各省司道府州縣

幕賓不下數千人若一概給與職銜品秩太覺冒濫且各官延請幕賓不過在內執掌文移藉其助理至一切應行事件原係本官自為主持今若預行授以職銜則伊等亦係

朝廷職官是於專員之外又設一官恐滋事權不一之弊再該侍郎所奏幕賓不能救正定議處分在賢能者原不待繩以官法自可匡扶協助以期相與有成而不肖幕賓或得藉口於本身之考成以為挾制之具轉致本官有掣肘之處均未可定臣等悉行酌議各省

澄懷園文存卷四

七

司道府州縣官事務之繁簡原屬不同則需人之多寡勢難畫一查布按二司為通省錢穀刑名之總匯政繁事劇所延幕賓應准其照督撫之例分別保薦其道府州縣應令各員到任之時即將幕賓姓名籍貫申報督撫存案俟六年之後果能勤慎無過辦事幹練准令本官出具保結申送各該督撫詳加考核具題議敘如本官有降革事故及雖經期滿而才具平常者概不准其咨送其有不官因事務尚簡自能辦理或子弟中有可以相

助辦事無庸延請幕賓者亦准其中報督撫  
存案倘有將不肖幕賓濫行申詳保題應將  
原保舉之官照例議處更或有本官以賦酷  
題參幕賓通行作弊及幕賓內有作奸犯科  
串通關節或經本官覺察或被上司訪聞立  
即嚴拿治罪又各衙門幕賓既未設有定額  
則去留來往仍可聽從其便其或後任辟留  
前任之幕賓本官陞調帶往他省之處俱應  
准其將緣由咨明存案以憑查核

條奏行取人員疏

爲奏

聞事查各省行取知縣定例單月主事缺出用行  
取知縣二人學習進士一人捐納一人分班  
輪用惟是主事一途候選候補及捐納即用  
者人數甚多行取保題各員於單月四缺之  
內輪用二缺勢必遲至數年之後始能用完  
未免守候需時先經<sub>臣</sub>部遵

旨議覆嗣後遇行取之年將各省行取並督撫保  
題之知縣具題後照例以應陞主事註冊行

文各該督撫仍留本任候陞奉

旨依議欽遵在案今乾隆元年現在行取保題各  
員業經引

見分派各部學習者共二十九員其餘未經到部  
各員現據該督撫給咨陸續到部將來輪班  
銓選一時未能得缺不無壅滯<sub>臣</sub>等伏思各  
省行取知縣原係資深俸久任內並無叅罰  
事故者方准行取而在外保題各員又係各  
該督撫於所屬員內擇其才能出衆者秉公  
保題均屬現任論俸陞轉之員今既荷蒙

聖恩令其分派各部主事上學習與現任司員一體食俸辦事若又必待補用之後始得論俸推陞恐一時難於得缺陞授無期似非鼓勵能員之意臣等公同酌議現今行取保舉知縣各員奉

旨分派額外主事上學習者照例遇輪班應選之時仍選用外其未經得缺之先亦應准其論俸俟得缺後接算前俸與現任主事一體陞轉再此等人員久膺民社地方之責於外任自屬相宜今主事一項人多缺少銓補需時

澄懷園文存卷四

十

查在外同知知州原係知縣應陞之缺請嗣後遇有揀選同知知州之處即於行取保舉人員內揀選帶領引

見恭候

簡用并行令各該督撫如有苗疆沿河沿海以及衝繁疲難四項三項相兼在外題補之同知知州等缺該省一時未能得人准其奏聞請

旨於行取保舉各員內揀選帶領引見補授俟行取保題各員用完之後仍照臣部原議遵行

條陳貢監考職疏

爲知照事先經臣部議覆監察御史夏之芳條奏恩拔副榜歲貢生准其一體以佐貳選用遵照考職之例雲貴川廣福建等遠省不論起貢年分直隸等近省以起貢年分計算已逾三科者准其赴部考試等因奉

旨依議欽遵在案今乾隆二年三月初六日欽奉恩詔貢生監生仍照舊例考定職銜查捐納貢監生向例無論在監在籍肄業期滿俱准考職前因貢監考職之例業經停止是以臣部議

澄懷園文存卷四

主

覆御史夏之芳條奏恩拔副榜歲貢生遵照原例直隸等近省於三科之後始准其赴部考試今貢生監生肄業期滿即得考職而恩拔副榜歲貢生轉以年分未逾三科不得考授職銜未爲盡一臣等詳加酌議請嗣後各省恩拔副榜歲貢生無庸計算起貢年分俱照現行監生考職之例無論在籍在監各照肄業期滿之日令其領取原籍地方官文結及國子監咨文赴部照例一體考試如此則考職之例既可畫一而各項貢監人員均得

以仰沾

聖恩倍深鼓勵矣

澄懷園文存卷四

三

議覆官員迴避姻親疏

議得河南布政使溫而遜奏稱昨閱邸報伏讀

諭旨聞得廣州將軍張正興與總督鄂彌達結爲兒女姻親張正興鄂彌達俱係地方大員既結姻親不便同省辦事張正興著調補福州將軍阿爾賽著調補廣州將軍凡地方大員同省辦事者互結姻親則嫌疑在所不免且於公事亦不無掣肘嗣後各宜留意以免嫌疑之迹欽此仰見我

澄懷園文存卷四

重

皇上仁育義正曲成不遺於遠嫌避迹之中仍寓保全誥誡之意凡在臣工無不倍深感激今臣與守道黃叔璥雖無統屬實係姻親再臣次子已經迴避宜陽縣知縣溫葆光與現任河南府嵩縣知縣戈錦亦係兒女姻親俱應否迴避理合恭摺陳奏等語查定例官員外姻惟母之父及兄弟妻之父兄弟已之女婿嫡甥分屬至親俱應令官小者迴避並無兒女姻親迴避之例今該布政使奏稱與守道黃叔璥舊係姻親嵩縣知縣戈錦與次子溫

葆光亦係兒女姻親俱應否迴避等語臣等  
伏思外任各員同官一省原不宜於現任內  
締結姻婭以滋嫌疑至從前本屬姻親後經  
陞調同官一省者其結姻原在未經蒞任以  
前若一槩令其迴避由已之兒女姻親以至  
於子之姻親父之姻親再及於中表戚屬設  
遇宗支繁盛之員勢必一省僚屬之間動輒  
相值彼此迴避殊滋煩擾應仍照定例守道  
黃叔璥嵩縣知縣戈錦俱無庸令其迴避但  
該布政使等既誼係姻親嫌疑之迹亦所宜

澄懷園文存卷四

吉

遠如有舉劾尤須秉公確當以孚輿論應照  
鄉會考試官外任司道師生迴避之例先行  
申報督撫存案遇有舉劾將該布政使與該  
員等誼係姻親之處於本內聲明以憑查核  
倘有徇私廢公等情一經察出照定例議處  
俟

命下之日臣部通行直隸各省一體遵奉施行

議覆督撫提鎮保題官弁疏

議得掌山東道協理河南道監察御史常祿  
奏稱各直省衝繁疲難之道府州縣等官及  
水陸武職要缺循資陞遷恐以中材而膺劇  
任動遭叅處貽誤地方故著令酌定題缺令  
督撫提鎮等於所屬文武員弁之內揀選保  
題以收得人之效立法誠為至善然行之未  
久漸至一切中簡地方例不應題之缺亦一  
槩由外省題授以至部選官員寥寥無幾銓  
法壅滯不行凡候選候補人員之為期尚遠

澄懷園文存卷四

吉

者亦莫不希冀發往外省試用營求速化而  
安分之人在部守候例應得缺轉被沈壓雖  
據稱俟試用人員題補用完之後再將簡缺  
歸於部選然此亦以待來年之說耳臣愚伏  
思此後不惟事簡之缺不宜濫題即從前所  
定衝繁疲難要缺題補之例亦宜加之斟酌  
蓋有司之賢否雖不得不問諸外臣而人缺  
之遷移則惟當一操諸內部伏查現行定例  
大計軍政之年不入舉劾之員俱令各該督撫  
提鎮將其平力才具操守政事填注切實考

語咨送內部內部照依分爲上中下三等彙造清冊進呈

御覽久經遵行在案又現今武職各官俱令該處預行揀選保題亦在案如將以督撫提鎮之臧否爲不足憑也則指缺保題之員亦未必悉皆至當如將以督撫提鎮之臧否爲憑則天下文武官員之賢否睹此已瞭如指掌按籍而求措置自必悉當又何必待缺出具題之時方揀選保奏夫人材之長短雖有不同而政務之簡繁則不過均此刑名錢穀營伍

欽定四庫全書

吏

訓練之事耳其理並無二致也況政以久成其到任未幾未經考績之員原不應遽行陞轉以故使倖之漸嗣後惟河工海塘並苗疆辦理軍需之處及文職佐雜武弁千總以下等官仍許題補外文自知縣武自守備都司而上不論衝繁疲難簡缺要缺一緊停其題補凡文官題缺出時由吏部將各省記名上等人員通較職銜資俸武弁題缺出時由兵部分水陸將各省記名上等人員通較職銜資俸查明部冊現在有無降革大過及籍貫

應行題補迴避之處聲明不開外祇將俸深合例之人開列正陪二員或陞或調恭請皇上按冊欽點補放如日後有犯貪酷重情照例將原舉上司議處其調取來京引

見之處仍照三年定例舉行再外省請發試用人員及請將舊任屬員帶往新任者應再申明前禁至現在各省試用未盡之員應俱令部臣另列班次按名代掣輪選倘有別途保舉等項引

見交發督撫試用者亦交部臣俟有該省缺出時

欽定四庫全書

吏

前往試用果能勝任題請實授等語查雍正十三年十月內總理事務王大臣奉上諭嗣後各省督撫務遵定例除沿海衝繁疲難要缺仍准題請調補外其餘俱歸部選不得濫行題請倘要缺之外實有人地相宜必須題請調補者務將必須調補處聲明奉內以憑核奪特諭欽此又乾隆元年二月內吏部議覆雲南巡撫張允隨條奏各省沿河沿海以及衝繁疲難等缺該督撫於現任屬員內揀選調補其調補所遺之缺准其將試用人員酌

量人地相宜者於調補疏內聲明委令署理  
候題補完日歸部銓選等因奉

旨依議欽遵各在案今該御史奏請嗣後惟河工  
海塘苗疆辦理軍需之處佐雜千總以下仍  
許題補外知縣守備都司而上不論衝繁疲  
難簡缺要缺一概停其題補等語查各省應  
行題補之缺原因地方衝要事務殷繁必須  
精明強幹之員方能辦理是以定例令各該  
督撫提鎮於現任屬員內秉公揀選題調  
補所以因地制宜隨材器使也今若如該御

史所奏無分繁簡凡係在外督撫提鎮應行

題調各缺概不准行竊恐員缺緊要地方一

時不能得勝任之員不免貽誤其於整飭吏  
治慎重地方之意均為未合且又奏稱人材  
雖有長短政務之繁簡要不過均此刑名錢  
穀營伍訓練之事其理本無二致殊不知事  
務既有繁簡則辦理自分難易豈可執一而  
論即以錢穀一項論之江南浙江事繁州縣  
額徵錢糧動至二三十萬較之四川貴州事  
簡各缺為數不啻百倍其間徵收出納難易

判然不容相擬至各省武職營伍訓練有水

師陸路衝繁偏僻之不同如江浙閩廣逼近

海疆川陝雲貴地處沿邊原非內地陸路營  
汛可比若非諳練熟習之員何能驟勝衝繁  
要地豈得謂理本無二均可以畫一辦理也  
又該御史奏稱嗣後凡有應行題補缺出俱  
令吏兵二部將該督撫提鎮所造大計軍  
政冊查明開列正陪補放竊思定例大計  
軍政該督撫既擇其才猷出眾政績茂著者  
列為正薦其才猷練達而與例不符者又列  
為副薦至其餘不入舉刻之員填注考語名  
為平等冊送部存案以備下次大計軍政  
之年互相考核亦豈可即以平等之員遽加  
擢用且查此等考語俱由該督撫等商同填  
注今該御史既以各該督撫提鎮為不足憑  
雖指缺保題未必悉出公當則此大計軍  
政填注之考語又何獨深信而不疑況各省  
應行題補之缺俱關緊要每遇缺出既不令  
部臣論俸推升又不令督撫提鎮秉公保舉  
惟據此從前考核平等之冊檔擬定正陪以

次擢用恐不足以得真才而收實效也臣等  
公同酌量查向例各省銜繁疲難四項三項  
相兼以及沿河沿海苗疆烟瘴等缺俱由該  
督撫提鎮等在外揀選調補其餘兩項相兼  
或專有一項之缺歸部銓選定例本屬周詳  
均應照舊遵行無庸另議惟查各省中簡各  
缺例應歸部銓選者該督撫提鎮亦多將試  
用人員題請委用以致在部候選人員不無  
壅滯未為允協請嗣後凡係應歸部選之缺  
該督撫提鎮不得將試用人員濫行題請試

用仍遵吏部原議俟有銜繁疲難調補所遺  
之缺陸續委署試用亦無庸在部另行分班  
選用以滋紛擾至奏請停止各省題請揀發  
以及請將舊任屬員帶往新任之處查先經  
總理事務王大臣議准原任戶部侍郎李紱  
條奏除雲貴川廣仍准揀發外其餘近省不  
得濫行題請揀發等因奉

旨依議欽此至直省內亦間有奏請揀發者俱因  
各該省現有緊要工程或辦理賑濟事務需  
員孔亟與尋常題請揀發者不同不得概執

成例又刑部侍郎劉統勲條奏各省督撫提  
鎮停其將舊任屬員奏請隨往新任業經吏  
部會同兵部議覆准行在案該御史所請事  
屬重複亦均無庸議



議履好善樂施獎勵敘用疏

爲遵

旨議奏事臣議得陝西道兼江南道監察御史郭石渠奏稱好善樂施各省紳衿士庶經督撫題請獎勵從優議叙者甚多夫捐助雖非捐納而議叙選用究與捐納之例相符蓋因比時捐納等項未經停止故也今各項捐納概行停止則捐助之議叙自應變通不得復援舊例近見江蘇題請獎勵捐助經部議叙仍照從前之例有職銜之官員固得即用即陞

澄懷園文存卷四

三

即無職之貢監亦准給銜選用其中有革職通判倪兆鵬者該撫並未聲明所以革職之故有無贓私一經捐助便准復還職銜給與原品頂帶臣恐此後素封之家既不得捐納以登仕路即羣起而趨捐助以博功名假好善之虛聲啟夤緣之捷徑因之賄囑官吏以虛作實以少報多受爵公朝拜恩私室種種弊端皆從此起俾正途之銓選又多壅滯臣請

特頒諭旨將捐助議叙之例稍爲變通其現在有

職銜之官員只許量所捐之多寡加其品級隨帶任所不許即選即陞無職之貢監只許量所捐之多寡加以應得之職銜給與頂帶榮身不許歸班選用至於革職捐助之員必實係事屬因公審無贓私者方准復還職銜給與原品頂帶庶勸善已屬多方而名器不以濫假等語查雍正十一年五月內奉

上諭朕於直省地方偶遇災祲卽爲之寢食不甯蠲租發粟截漕平糶多方撫恤務使貧民無一不得其所又念各該地方雖或收成歉薄豈無

澄懷園文存卷四

三

蓋藏豐裕之家伊等誼篤桑梓休戚相關各人量力樂施既可以展其嫻睦任恤之情亦可以爲恤災扶困之助是以曾經降旨通行勸導然亦聽紳衿士庶自爲之不可相強也近聞直省地方捐資周急好善樂輸者頗不乏人誠鄉鄰風俗之美亦人心古處之一驗也此等良善之人應加恩澤以示褒嘉著該督撫留心體察秉公確訪其捐助多者著具題奏請議敘少者亦著地方大吏給與扁額並登記檔冊免其差徭以昭朕與人同善之至意欽此續於雍正十二

十三等年江南河南山東福建等省紳士人等因各該處年歲歉收出資捐助經該督撫等具題請

旨分別議敘在案原以直省州縣偶遇歉收該地方紳士薰陶

聖化誼篤桑梓不忍獨擁厚資分贍鄰里好義之情實屬可嘉我

世宗憲皇帝念切民依與人同善特令督撫秉公核實准予議敘所以爲人心風俗計者至深且遠至其所捐之項皆以濟本地百姓之不

登懷園文存卷四

五

足一鎰一銖

朝廷無所利於其間究與捐納事例有間未可以相提並論也況此項議敘人員擇其捐數多者量加錄用原屬賞善

盛典於名器亦並無冒濫之弊臣等謹按周禮

大司徒掌邦教令五家爲比使之相保五比

爲閭使之相受五閭爲族使之相助五族爲

黨使之相救五黨爲州使之相調五州爲鄉

使之相賓又以鄉三物教萬民而賓興之一

曰六德二曰六行三曰六藝孝友睦婣任恤

列於禮樂射御書數之前鄉大夫三年大比

考其德行道藝興其賢者能者獻之於王登

於天府內史貳之是好善樂施是周禮所謂

睦姻任恤之行果其心存利濟善行昭著從

優議叙予以仕進之階即古者考德論行鄉

舉里選之義也今該御史奏稱捐奏雖非捐

納而議叙選用究與捐納之例相符是捐納

之例既停而捐納之條仍在俾正途之銓選

又多壅滯恐非平允之論至於原任江蘇巡

撫邵基題請獎勵捐助一案臣等詳查舊例

登懷園文存卷四

五

公同酌定不惟與各款捐例不同即較之從

前議叙舊例亦迥不相侔查捐例捐銀二百

兩者准其隨帶加一級又從前江南候補道

程建捐銀三萬兩先經議叙准其加光祿寺

少卿銜今江蘇候選郎中黃履貝捐銀三萬

一千餘兩止議以加三級給以從三品頂帶

仍以郎中選用向例候選州同捐銀一千五

百餘兩以應陞之缺即用又從前福建議叙

案內候選州同張文結捐銀三千兩以應陞

之缺雙月即用今江蘇候選州同方繡璋捐

銀八千二百餘兩方准以本項應陞之缺入於雙月陞選五缺之後選用再捐例候選州同捐銀八百兩以應得之缺即用又從前福建議叙案內生員蔡奕淳捐銀一千兩給與縣丞職銜歸於雙月選用今江蘇捐職州同江允桺捐銀四千五百餘兩止議以應得之缺即用其間輕重遲速已屬較然且捐納例停在乾隆元年各員捐助賑濟多在雍正十二三年伊等豈能預料捐例將停藉此爲議叙之地至原任湖南寶慶府草職通判倪兆

登懷園文存卷四

三

鵬該撫冊內雖未將該員草職情由詳細聲明臣等詳查檔案該員先於雍正五年以承審盜案遲延題叅草職並無贓私亦未經問擬既經捐銀一千四百兩米三千石酌議以復還頂帶並不准起用亦無過優之處今若如該御史所奏將議叙之例再加變通究之現任者仍然准其加級草職而無贓私者仍然給與頂帶不過貢監人等止准加其職銜不許選用遂謂名器不以濫假不知職銜頂帶正所謂名器也若以謂宜加獎勵則實與

有禮雖詔以爵祿而無嫌若以爲不宜勸賞則名器所關雖假以職銜而不得勢必將議敘之例槩行停止竊恐善無以勸俗無由成於民風世教均有未便但該御史奏稱嗣後素封之家不得捐納即群趨捐助以博功名因之賄囑官吏以虛作實以少報多弊端種種皆從此起誠恐有不肖有司受人賄囑虛捏詳報希圖議敘濫邀錄用亦未可定應請敕下直省督撫嗣後如遇有收成薄歉地方及修城築堤義學社倉等公事所屬紳衿士民中

登懷園文存卷四

三

有蓋藏豐裕樂於捐輸者令該地方官秉公詳查造具清冊申報督撫該督撫再行確查實無浮濫具題請

旨臣部核其捐數多寡分別議敘候

旨遵行如該地方官不行詳查或受人賄囑有以少報多濫邀議敘者或經科道糾叅或被旁人告發除本人不准議敘外仍將該督撫及地方官從重議處如此則於嘉獎良善之中寓剔弊防奸之意爲善者咸有以勸而不肖者不得濫邀庶於吏治民風均有裨益矣

議覆京察官員議敘疏

為欽奉

上諭事乾隆二年十一月初九日總理事務王大臣奉

上諭三載考績大典攸關在外則為大計在內則為京察務使舉錯得宜所以昭黜陟而示勸懲也但向來直省大計經督撫薦舉卓異之員俱送部引見准其註冊者例得陞用其有干八法等官分別議處至於京察各官才守兼優者列為一等祇與二等三等人員均以應留註冊而

澄懷園文存卷四

三

無優敘之例惟列在四等者照八法例處分未免有懲無勸不足以示鼓勵朕意京察列在一等者亦應酌量加恩但京官與外省職任不同體制亦異其應如何分別定例之處著九卿詳悉定議具奏欽此欽遵該臣等會議得向例直省大計有八法以示懲有卓異以示勸至於三年京察定例在京三品以上滿漢大臣在外督撫

盛京五部侍郎奉天府尹俱照例自陳其餘應行考察各官惟列為四等者照八法例處分

其才守兼優列為一等祇與二三等人員均以應留註冊並無優敘之例今欽奉

諭旨京察列為一等者亦應酌量加恩令臣等詳議具奏臣等伏查外省舉行計典藩臬兩司為一省大吏定例不准卓異其道府州縣以下各官果有操守廉潔才猷出眾盡心撫字治行卓然者查明歷俸已滿三年任內無叅罰事故開具實在政績該督撫特疏保題卓異部院核覆引

見候

澄懷園文存卷四

三九

旨陞用至京察各官列在一等者亦應量加優叙但京官與外省官員職任不同體制亦異若將京察一等人員悉照外省卓異之例以應陞之缺即用未免過優且恐即陞人員太多若與俸深人員另行分別班次則三年之內尚未用完而下次京察之期又屆若遇缺即陞則資深俸久以及各項應選應補人員勢必陞選無期未免壅滯請嗣後京察之年除三品以上自陳官員仍應照例舉行其各衙門四品五品京堂並內閣侍讀學士及開坊

翰詹官員以上俱係蒙

恩特簡之員官階與外省藩臬無異雖列一等無庸復行優叙又順天府奉天府所屬城內應入京察各官向例大計之年仍准保薦卓異亦無庸另議外其餘應行考察各官令各該堂官詳加察核出具考語將才守兼優政蹟卓著者另造清冊移送吏部都察院吏科河南道會同大學士公同考核列爲一等繕冊進

呈吏部帶領引

澄懷園文存卷四

罕

見將奉

旨准爲一等人員准其加一級註冊以示獎勵至盛京五部衙門所屬一等官員內有三年期滿例應以京缺調補者應俟調回之時帶領引見准其加一級其非係三年期滿調回者仍令送部引

見以上各衙門考察一等人員遇有奉

旨保舉之時該堂官即於此項人員內揀選薦舉如下次京察之期經該堂官降爲二等三等者遇有奉

旨保舉之時不准仍行保薦再查京察一等既經定有優敘之例應令各該堂官秉公遴選悉心簡別毋得稍有瞻徇以致濫邀議敘倘保薦各官原任內有貪劣事蹟後經發覺審實將原保舉一等之堂官照坐名保題例議處可也

澄懷園文存卷四

罕

議覆制科取士疏

爲導

旨議覆事議得兵部侍郎舒赫德奏稱爲敬籌取士之方以裨實政事竊惟國之所恃以立者民也而民之所恃以遂其生而復其性者親民之縣令也誠使縣令得人則民安而國安矣我

朝取材之法備極周詳或出於辟召或出於薦舉或出於制科或出於資蔭或出於事例或出於吏員其途不一而應選知縣者惟舉人

澄懷園文存卷四

三

進士爲多此我

皇上之用以治天下者也進士舉人出於科舉其始也憑文而取之其繼也按格而官之苟其資當得官雖才具平常而亦不得不予此固已非爲官擇人之良法矣又况科舉之弊日積而日深欲仕者以僥倖苟得爲心而廉耻節義之風微凡可以弋獲而捷取者無弗爲也法令密於防姦而姦每伏於所防之外蓋至於今日而弊斯極矣古之用人者詢事考言其所言者即其居官所當爲之職事也

是以言皆可覆而功罪有徵今之時文徒空言而不適於實用此其不足以得人者一也時文體製昉於宋而沿於明我

朝因之本欲其沈潛於四子之書反覆於濂洛關閩之說返躬深造而明理以達於用也今則不然墨卷房行展轉抄襲膚詞詭說蔓衍支離其心以爲苟可以取科第而止矣此其不足以得人者二也士子各占習一經每經擬題多者百餘少者不過數十耳古人畢生治之而不足今則數月爲之而有餘其陋者

澄懷園文存卷四

四

至未嘗全讀經文况望其通貫儒先之說乎此其不足以得人者三也表以觀其詞藻判以觀其決斷策以觀其通古今察利弊今則表判可以預擬而得答策隨題敷衍而無所發明此其不足以得人者四也夫爲治之所恃者人材而人材之所由以盛衰必本於心術之邪正今之僥倖求售者弊端百出士心苟且日以滋甚此次之嚴搜固足以消積習若復探其本而清其源將考試條款改易而更張之別思所以遠拔真才實學之道似於

士習人心方能大有裨益我

皇上聰明英武先事圖幾凡立經陳紀無不慮及  
久遠伏願

皇上於滿漢大臣中擇其學問醇裕者數人俾參  
酌古今於學臣所以考試生員及鄉會試規  
條悉心妥議奏請

欽定總期於得有用之才而分寄之以民社之任  
臣識見淺短未嘗學問謹就愚慮所及具摺

陳

奏奉

澄懷園文存卷四

四

旨大學士看欽此臣等謹按取士之法三代以上  
出於學漢以後出於郡縣吏魏晉以來出於  
九品中正隋唐至今出於科舉科舉之法每  
代不同而自明至今則皆出於時藝三代尚  
矣漢法近古而終不能復古自漢以後累代  
變法不一而及其既也莫不有弊九品中正  
之弊毀譽出於一人之口至於賢愚不辨閭  
閻相高劉毅所云下品無高門上品無寒士  
者是也科舉之弊詩賦則祇尚浮華而全無  
實用明經則專事記誦而文義不通唐趙匡

舉所謂所習非所用所用非所習當官少稱  
職之吏者是也時藝之弊則今舒赫德所陳  
奏是也聖人不能使立法之無弊在乎因時  
而補救之蘇軾有言得入之道在於知人知  
入之道在於責實蓋能責實則雖由今之道  
而振作鼓舞人材自可奮興若謂務循名則  
雖高言復古而法立弊生於造士終無裨益  
今舒赫德所謂時文經藝以及表判策論皆  
爲空言剿襲而無用者此正不責實之過耳  
夫凡宣之於口筆之於書者皆空言也何獨  
今之時藝爲然且夫時藝取士自明至今殆  
四百年人知其弊而守之不變者非不欲變  
誠以變之而未有良法美意以善其後且就  
此而責其實則亦未嘗不達於實用而未可  
概爲訾回也何也時藝所論皆孔孟之緒餘  
精微之奧旨未有不深明書理而得稱爲佳  
文者今徒見世之腐爛抄襲以爲無用不知  
明之大家如王鏊唐順之歸有光胡有信等  
以及

國初諸名人皆寢食夢寐於經書之中冥搜幽

討殫知畢精殆於聖賢之義理心領神會融  
液貫通然後參之經史子集以發其光華範  
之規矩準繩以密其法律而後乃稱爲文雖  
曰小技而文武幹濟英偉特達之才未嘗不  
出乎其中至於奸邪之人迂懦之士本於性  
成雖不工文亦不能免未可以爲時藝咎  
若今之抄襲腐爛乃是積久生弊不思力挽  
末流之失而轉咎作法之涼不已過乎即經  
義表判策論等苟求其實亦豈易副經文雖  
與四書並重而積習相沿慢忽既久士子不

澄懷園文存卷四

四六

肯專心學習誠有如舒赫德所云數月爲之  
而有餘者今若著爲令甲非工不錄則服習  
講求爲益匪淺表判策論皆加覈實則必淹  
洽乎詞章而後可以爲表通曉乎律令而後  
可以爲判必有論古之識斷制之才而後可  
以爲論必通達古今明習時務而後可以爲  
策凡此諸科內可以見其本原之學外可以  
驗其幹濟之才何一不切於士人之實用何  
一不可見之於施爲乎必若變今之法行古  
之制則將治宮室養游士百里之內置官立

師獄訟聽於是軍旅謀於是又將簡不率教  
者屏之遠方終身不齒其無乃徒爲紛擾而  
不可行又況人心不古上以實求下以名應  
興孝則必有割股廬墓以邀名者矣興廉則  
必有惡衣菲食敝車羸馬以飾節者矣相率  
爲僞其弊尤繁甚至借此虛名以干進取及  
乎蒞官以後盡反所爲至庸人之不若此尤  
近日所舉孝廉方正中所可指數者又何益  
乎若乃無大更改而仍不過求之語言文字  
之間則策論今所現行表者賦頌之流是詩

澄懷園文存卷四

七

賦亦未嘗盡廢至於口問經義背誦疏文如  
古所謂帖括者則又僅可以資誦習而於文  
義多致面墻其餘若三傳科史科法書學  
算學崇文宏文生等或駁雜放紛或偏長曲  
技尤不足以崇聖學而勵真才矣則莫若懲  
循名之失求責實之效由今之道振作補救  
之爲得也我

皇上洞見取士源流所降

諭旨纖悉坐照司文衡職課士者果能實心仰體  
力除積習杜絕僥倖將見數年之後士皆束



身詩禮之中潛心體用之學文風日盛真才  
日出矣然此亦特就文學而言耳至於人之  
賢愚能否有非文字所能決定者故立法取  
士不過如是而已  
初不由此無俟更  
張定制爲也舒赫德所奏應無庸議謹  
奏

澄懷園文存卷五

桐城 張廷玉 硯齋

遵例自陳第一疏

奏爲遵例自陳不職懇

賜罷斥以肅察典事准吏部移稱今次京察應於

雍正元年起將三年內所行事蹟過愆三品

以上令其自陳等因竊臣年五十五歲由康

熙三十九年庚辰科進士蒙

聖祖仁皇帝選授庶吉士康熙四十二年除授翰

林院檢討康熙五十一年陞授司經局洗馬

康熙五十四年陞授右春坊右庶子本年又

陞翰林院侍講學士康熙五十五年陞授內

閣學士兼禮部侍郎康熙五十九年陞授刑

部左侍郎康熙六十年陞授吏部左侍郎管

右侍郎事凡此二十年來每日趨承

禁近頻年扈從

鑒與兩蒙

恩點講官三與會關分校疊承

簡任屢沐超遷

恩寵逾涯曠厥時凜康熙六十一年十一月恭逢

皇上龍飛御極

特頒恩旨侍郎張廷玉爲人老成著兼學士銜協

同阿克敦勵廷儀辦翰林院事本月內欽逢

恩詔賜予二品封誥廕生本年十二月內蒙

皇上特旨陞授禮部尚書又奉

旨充

聖祖仁皇帝實錄副總裁官雍正元年二月內欽

逢

恩詔賜予一品封誥四月內奉

旨爲順天鄉試副考官本年五月內奉

登懷園文存卷五

二

旨署理都察院左都御史事本月內奉

上諭國家大典首重掄才必主司鑑空衡平內外

簾官協心共事加意釐剔放榜後方得士心悅

服京師首善之地關係尤重朕於雍正元年特

行開科并廣額數欲振興文教俾單寒積學之

士人人自奮今順天主考朱軾張廷玉公慎自

矢細心搜閱盡拔佳文內外簾官亦能各自淬

勵屏除弊端榜發之日輿論翕然朕心深爲嘉

悅其酌加議敘用示優獎兼使嗣後考官咸知

激勵以副朕興賢育才之意特諭隨經吏部議

覆奉

旨張廷玉著加太子太保七月內奉

旨充纂修明史總裁官八月內卸署理都察院事

本月內奉

旨兼管翰林院掌院學士事旋奉

旨充日講起居注官九月內奉

旨爲會試正考官又奉

旨轉補戶部尚書十月內奉

旨充

四朝國史總裁官十一月內奉

登懷園文存卷五

三

旨爲殿試讀卷官雍正二年五月內奉

旨充大清會典總裁官本年八月內奉

旨爲會試正考官九月內奉

旨爲殿試讀卷官雍正三年二月內奉

旨充治河方畧副總裁官本年七月內奉

旨署理大學士事雍正四年二月內奉

旨補授文淵閣大學士仍兼理戶部尚書事務三

月內奉

旨充

聖祖仁皇帝實錄總裁官伏念臣受

兩朝知遇之隆戴高履厚荷

聖主簡畀之重置腹推心顧以綆短汲深才疎任

鉅掌絲綸之清切叨隨東閣崇班與密勿之

深嚴忝列台垣要地文慙華國時載筆於

彤庭猷愧經邦復持籌於版部夙夜彌深悚惕贊

襄未効涓埃難辭曠職之愆益切素餐之懼

今逢

考察用敢敷陳伏祈

皇上俯鑒微忱即賜罷斥庶不職愆而官方益勵

大典肅而愚分得安矣臣無任惶悚待

聖懷圖文存卷五

四

命之至爲此具本謹具

奏

聞

遵例自陳第二疏

奏爲遵例自陳懇

賜罷斥以肅官常事准吏部咨開在京部院等衙

門三品以上滿漢官員於雍正七年三月初

一日至初十日令其將三年內事蹟過愆據

實自陳等因竊臣年五十八歲由康熙三十

九年進士蒙

聖祖仁皇帝隆恩拔置詞曹備員

禁近

教誨養養二十餘年叨被殊榮不次遷擢歷任至

聖懷圖文存卷五

五

吏部左侍郎我

皇上紹登大寶仰荷

天恩優渥屢司文柄晉陟中臺踐宮保之崇階掌

絲綸之重寄雍正四年二月奉

旨補授文淵閣大學士兼戶部尚書三月京察自

陳奉

旨卿簡任機務正資料理著照舊供職該部院知

道雍正五年二月內因黃河澄清恭奉

恩旨加一級四月內奉

旨爲殿試讀卷官十一月十六日奉

旨張廷玉著爲文華殿大學士十一月內奉

旨爲武殿試讀卷官雍正六年三月十三日奉

旨張廷玉著爲保和殿大學士九月內奉

旨兼管吏部尚書事伏念臣一介庸愚遭逢

聖世叨

恩最重受

知最深顧復生成天高地厚祇承

聖訓時面命而耳提感戴

皇慈實淪肌而浹髓綸扉翰苑領三殿之崇班銓

部農曹兼六官之要職荷

澄懷園文存卷五

六

聖主推心置腹登膺簡畀之隆顧微臣識淺才疎

未効涓埃之報夙夜循省感惕靡甯奉職多

愆素餐滋愧彌切曠瘼之懼今當澄敘之期

伏乞

皇上俯鑑微忱即賜罷斥庶官方勵而不職懲愚

分安而大典肅矣臣無任惶悚待

命之至爲此具本謹具

奏

聞

遵例自陳第三疏

奏爲遵例自陳事准吏部咨開自雍正七年

起至雍正十年京察之期已屆在京部院等衙

門三品以上滿漢官員於雍正十年三月今

其將三年內事蹟過愆據實自陳等因竊臣

年六十一歲由康熙三十九年進士蒙

聖祖仁皇帝勅誨養二十餘年叨被殊榮不次

遷擢歷任至吏部左侍郎我

皇上紹登大寶仰荷

天恩優渥簡任機務晉陟綸扉雍正七年三月京

澄懷園文存卷五

七

察自陳奉

旨卿和平端正學問優長自簡任機務夙夜匪懈

協贊朕之不逮正資倚任著照舊供職該部院

知道雍正七年十月二十五日奉

旨張廷玉著加少保十二月初二日內閣奏請

欽定

聖祖仁皇帝實錄監修總裁官奉

旨張廷玉著爲監修總裁官雍正八年十月十九

日奉

旨張廷玉著給一等阿達哈哈爾永遠承襲仍加

二級十一月初三日又奉

旨世職准長子張若霽承襲仍准入場應得恩廕

照例移給次子張若澄欽此伏念臣一介庸愚

欣逢

聖世叨

恩至重洵決髓而淪肌受

知最深實推心而置腹兼六官之要職領三殿之

崇班愧無汗馬之勞

錫命特頒世爵未殫駑駘之力承

恩屢晉台階誠古今未有之遭逢尤臣子難勝之

澄懷園文存卷五

八

負荷勉効趨踰於夙夜微勞何補

高深稍開知覺於顛蒙一得咸由

教育

聖澤之綿綿翼翼同大造之無疆微臣之子子孫

孫荷

鴻慈於罔極殊榮逾分更沐有加無已之

恩清夜捫心惟滋積愧懷慙之念敢因澄叙之典

備陳悚惕之私伏乞

皇上俯鑒惓惓即賜罷斥庶微臣之愚分得安而

百職之官方益勵矣臣無任惶悚侍

命之至爲此具本謹具

奏

聞

澄懷園文存卷五

九

遵例自陳第四疏

奏爲遵例自陳不職懇

賜罷斥以肅察典事准吏部移稱自雍正十年起至雍正十三年京察之期已屆在京部院等衙門三品以上滿漢官員於雍正十三年三月令其將三年內事蹟過愆據實自陳等因竊臣年六十四歲由康熙三十九年進士仰蒙

聖祖仁皇帝隆恩教誨養二十餘年侍直

內廷不次遷擢歷任至吏部侍郎我

澄懷園文存卷五

十

皇上紹登大寶叨沐

天恩深重超越等倫晉陟綸扉加銜官保雍正十年三月京察自陳奉

旨卿誠恪純謹公忠體國簡任機務兼管銓曹贊勳密勿澄敘品流正資倚用著照舊供職該部知道欽此雍正十一年十月

臣

父原任大學士

張英欽奉

特旨入祀於京師之賢良祠

恩頒

諭祭於本籍

賜假期回里舉行祀事

恩榮優渥

錫賚便蕃極人臣未有之寵光實史冊未聞之曠

典雍正十二年十二月因纂修

大清會典告成蒙

恩議敘加二級雍正十三年正月二十六日奉

旨充

皇清文穎總裁官伏念臣一介庸愚遭逢

聖世身兼數職皆股肱心膂之司材乏寸長忝舟

楫鹽梅之寄備荷

澄懷園文存卷五

士

提撕訓誨雖山淵莫喻其高深叨蒙

肅育生成與天地直同其廣大

聖主之推心置腹恩愈久而愈加微臣之抱愧懷

慙歲益增而益積久負素餐之誚又逢考績

之年迂疎猶領夫班行悚惕難安於寤寐素

荷

聖慈逾格既超九列以邀榮今茲察典屆期應先

百僚而引退伏冀

聖明俯鑒忱悃即

賜罷職以免曠官庶微臣之愚分得安而百爾之

官方益勵矣謹具

奏

聞

澄懷園文存卷五

士

遵例自陳第五疏

奏為遵例自陳不職懇

賜罷斥以肅察典事准吏部移稱自雍正十三年起至乾隆三年京察之期已屆在京部院等衙門三品以上滿漢官員於乾隆三年三月令其將三年內事蹟過愆據實自陳等因竊臣年六十七歲由康熙三十九年進士仰蒙聖祖仁皇帝教育生成屢加擢用歷官至吏部侍郎繼蒙

世宗憲皇帝隆恩渥澤超越等倫簡任大學士加

澄懷園文存卷五

十三

銜官保雍正十三年三月京察自陳奉

旨卿忠敬寬平練達政務簡任綸扉總領銓政兼掌司農正資倚用著照舊供職該部院知道欽此本月都察院為遵

旨察議事奉

旨此案吏部堂官處分俱著寬免至於大學士張廷玉實無應處分之處即寬免二字朕亦不忍出諸口伊與大學士鄂爾泰二人辦理事務甚多自朝至夕無一刻之暇以一身之精神豈能於部中一切細事悉行查到從前曾降諭旨鄂

爾泰於旗務公錯不必入議今應照此例嗣後  
鄂爾泰張廷玉兼管部務凡堂官公辦之事有  
似此處分之處伊等俱不必入議餘依議八月  
二十三日奉

上諭朕奉

皇考遺命著莊親王果親王大學士鄂爾泰張廷  
玉輔政八月二十四日奉

上諭雍正八年六月內欽奉

皇考諭旨張廷玉器量純全抒誠供職其纂修  
聖祖仁皇帝實錄宣力獨多每年遵旨繕寫上諭

《澄懷園文存卷五

五

悉能詳達朕意訓示臣民其功甚鉅鄂爾泰志  
秉忠貞才優經濟安民察吏綏靖邊疆洵爲不  
世出之名臣此二人者朕可以保其始終不渝  
朕萬年之後二臣著配享

太廟欽此朕欲將

皇考此旨入於

遺詔內頒發大學士鄂爾泰張廷玉屢行固辭朕  
惟知遵奉

皇考聖旨復再三降旨而鄂爾泰張廷玉又懇切  
奏請稽古典禮然朕意以爲必應入於

遺詔鄂爾泰張廷玉既以稽古典禮奏請著總理  
事務莊親王果親王會同徐本慶復鄂善魏廷  
珍備查古典詳議具奏欽此續經莊親王等議  
稱明太祖洪武二年有預先降旨令大臣將  
來配享之例今應謹遵

諭旨繕入

遺詔頒發奉

旨王大臣等所議是欽此九月初三日恭逢

恩詔賜予封誥廕生九月十三日奉

上諭莊親王果親王大學士鄂爾泰張廷玉朱軾

《澄懷園文存卷五

五

在

皇考時宣力多年朕即位以來總理事務敬慎周  
詳夙夜匪懈

皇考梓宮已安奉雍和宮辦理諸事甚屬妥協應

加恩以示酬庸之典莊親王果親王俱著永遠

賜與親王雙俸鄂爾泰張廷玉俱著賞給世襲

頭等阿達哈哈番朱軾著賞給世襲拜地拉布

勒哈番該部即遵諭行欽此十月十五日奉

旨充

世宗憲皇帝實錄總裁官十月十八日奉



旨大學士張廷玉所辦事務甚多不必兼管翰林

院事十二月恭逢

恩詔加一級乾隆元年正月內宗人府奏請纂修

玉牒奉

旨大學士鄂爾泰張廷玉著爲總裁官同平郡王

纂修

玉牒七月內奉

旨爲三禮館總裁官十月奉

旨邵基著補授蘇州巡撫其翰林院掌院事務仍

著大學士張廷玉兼管又以纂修明史告竣蒙

清懷園文存卷五

六

恩議叙加二級十一月奉

旨以原銜充日講起居注官十二月以會議事務

稽遲議處奉

旨罰俸六個月乾隆二年二月以隨往

山陵蒙

恩加一級初六日禮部奏請會試考官奉

旨張廷玉福敏著爲正考官索柱姚三辰著爲副

考官十一月二十七日奉

上諭莊親王等奏辭總理事務朕恩

皇考御極之初命王大臣等總理事務至二十七

月釋服之後准其解辭者蓋

皇考春秋已逾四旬且至聖至明於天下政務及

一切情事無不周知洞悉在朕今日豈敢與

皇考比擬正賴王大臣輔弼贊襄期臻上理何得

援例懇辭但覺王大臣等所奏情辭懇切請各

歸本職辦公仍是靖共佐理之忱惻朕只得勉

從所請此二十七月之內王大臣等匡贊朕躬

一切典禮敬慎周備凡所交政務莫不悉心辦

理甚屬勤勞總理事務莊親王果親王大學士

鄂爾泰張廷玉著交宗人府吏部從優議敘協

清懷園文存卷五

七

辦總理事務平郡王大學士徐本公訥親尚書

海望亦著議敘欽此二十八日奉

上諭昨莊親王等奏辭總理事務情詞懇切朕勉

從所請但目前西北兩路軍需尚未全竣且朕

日理萬幾亦間有特旨交出之事仍須就近承

辦

皇考當日原派有辦理軍機之大臣今仍著大學

士鄂爾泰張廷玉公訥親尚書海望侍郎納延

泰班第辦理欽此二十九日奉

上諭大學士鄂爾泰奏辭總理兵部事務大學士

張廷玉奏辭兼管吏部戶部事務情詞懇切至  
於再三即數年來亦屢有人陳奏大學士不應  
兼管部務者此乃就常例而論不知國家委用  
大臣祇期有裨政治難以拘執成規亦多有與  
例不符而出於不得已者諸臣未能盡知也

皇考當日命鄂爾泰張廷玉兼理部務迄今多年  
朕御極以來亦知兼攝爲難二臣亦屢以爲請  
而其中實有難於更易之情勢蓋兵部尚書訪  
親雖年力精壯實心任事而蒞任未久諸事尚  
未諳練吏部職總銓衡關係甚鉅非謹慎練達

聖懷南文存卷五

六

者未易勝任此二臣者實爲朕心之所倚賴今  
乃辭解部務將來之繼二臣辦理者其事之妥  
協與否朕尚未能預知豈肯遽從所請在二臣  
受國家厚恩當視公事如已事亦不當以任事  
簡少易於盡職而忽視部務往復瀆陳也俟數  
年之後朕酌量再降諭旨大學士鄂爾泰仍著  
兼管兵部大學士張廷玉兼管兩部事務實多  
難於兼顧准其解退戶部仍兼管吏部其他兼  
管部務之大學士邁柱徐本不必兼管工部刑  
部欽此十二月十七日吏部遵

旨議叙奉

旨張廷玉著賞給一騎都尉旋於二十一日奉

旨大學士張廷玉在內廷行走多年輔弼贊襄勤

勞懋著朕之視大學士鄂爾泰張廷玉一切恩

眷均屬一體今大學士鄂爾泰因賞給騎都尉

已由一等子照例授爲王等伯張廷玉亦著加

恩由三等子從優授爲三等伯仍著伊子張若

霽承襲欽此伏念臣本凡材遭逢

盛世三十載趨承

丹禁荷

聖懷南文存卷五

九

生成顧復之鴻慈十餘年忝竊綸扉膺心膂股肱

之重寄

優禮冠百僚之上崇封列五等之班

寵錫自天賞延於世凡此

殊榮異數非惟夢寐所不敢期粵稽往牒前編實

亦臣鄰所未嘗有縱矢愚誠於幽獨冀報涓

埃未効微績於

明廷虛糜廩祿我

皇上天心念舊恩逾江海之深在微臣午夜撫衷  
愧比邱山之積茲逢考績之典益增負職之

愆況當垂老之年倍切疎庸之懼伏望

聖明俯鑒忱悃即

賜罷斥以儆曠官則微臣之愚分得安而百職之  
官方愈肅矣謹具

奏

聞

登懷園文存卷五

干

遵例自陳第六疏

奏爲遵例自陳不職懇

賜罷斥以肅察典事准吏部移稱自乾隆三年起

至乾隆六年京察之期已屆在京部院等衙

門三品以上滿漢官員於乾隆六年三月令

其將三年內事蹟過愆據實自陳等因竊臣

年七十歲由康熙三十九年進士蒙

聖祖仁皇帝教育生成不次遷擢至吏部侍郎繼

蒙

世宗憲皇帝逾格隆施天高地厚簡預機務寵錫

登懷園文存卷五

主

宮銜我

皇上紹登大寶湛恩渥澤稠疊頻仍晉秩三公加

封伯爵乾隆三年三月京察自陳奉

旨卿誠敬和平公忠敏練簡任機務無總銓曹正

資倚任著照舊供職該部院知道欽此乾隆四

年五月二十八日奉

上諭朕御極以來內外大臣中數人實能體朕敬

天勤民之心輔弼贊襄抒誠宣力有功於社稷有

益於蒼生勞績茂昭宜加優獎大學士伯鄂爾

恭張廷玉大學士福敏俱著加太保大學士徐

本查郎阿吏部尚書公訥親俱著加太子太保  
吏部尚書甘汝來戶部尚書海望兵部尚書鄂  
善刑部尚書尹繼善尚書銜徐元夢直隸總督  
孫嘉淦雲南總督公慶復俱著加太子少保欽  
此六月因纂修八旗志書告成蒙

恩議叙加二級八月內閣因纂修明史綱目具奏  
派員奉

命充總裁官伏念臣本凡材遭逢

盛世濫叨華秩四十餘年承乏綸扉十有六載優  
禮在百僚之上崇封列五等之班

澄懷園文存卷五

三

天語春溫三接從容於晝日

宸章霞蔚千秋輝耀於簡編凡茲

異數殊榮洵屬超今軼古顧以力微任重深知負

荷之爲難無之識淺才疎更覺愆尤之日積

既抱冒祿素餐之懼又屆懸車致仕之年劣

比駑駘齒益增而更慙弱同蒲柳秋未冷而

先衰豈容遲暮之身久玷鈞衡之任我

皇上恩深念舊如海涵地載之無涯在微臣心凜

曠官實夜寐晨興之莫釋敢因察典虔布悃

忱伏望

聖慈即賜罷斥用彰考績之義庶免戀職之譏則  
微臣之愚分得安而百爾之官方愈肅矣臣

不勝悚息待

命之至爲此具本謹具

奏

聞

澄懷園文存卷五

三

遵例自陳第七疏

奏爲遵例自陳不職懇

賜罷斥以肅察典事准吏部移稱自乾隆六年起至乾隆九年京察之期已屆在京部院等衙門三品以上滿漢官員於乾隆九年三月令其將三年內事蹟過愆據實自陳等因竊臣年七十三歲由康熙三十九年進士蒙聖祖仁皇帝教育生成不次遷擢至吏部侍郎繼蒙

世宗憲皇帝渥澤隆施推心置腹簡居政府寵錫

澄懷園文存卷五

五

官銜我

皇上御極以來湛恩稠疊異數頻仍晉秩三公加封伯爵乾隆六年三月京察自陳奉

旨卿誠恪和平公忠敏練簡任機務兼總銓曹正資倚任著照舊供職該部院知道欽此本年十月二月奏辭兼管吏部事務奉

旨著照舊兼管本月恭修

世宗憲皇帝實錄告成欽奉

諭旨交部議敘臣具奏懇辭蒙

恩俞允七年五月因總裁吏部則例告成蒙

恩議敘紀錄三次四月奉

旨爲殿試讀卷官十二月欽奉

上諭我朝文臣無封公侯伯之例大學士張廷玉係格外加恩彼時伊奏請給伊子張若靄承襲之處不合今著帶於本身伊子張若靄不必承襲欽此八年六月欽奉

上諭本年七月內朕恭奉

皇太后前往奉天叩謁

祖陵著履親王平郡王大學士鄂爾泰張廷玉在京總理事務欽此十月欽奉

澄懷園文存卷五

五

上諭車駕東巡數月在京總理事務王大臣稽查妥協安靜無事著照恩詔內扈從王大臣例履親王平郡王紀錄一次大學士鄂爾泰張廷玉加一級欽此竊念臣猥以凡材欣逢

盛世栽培顧復荷

兩朝特達之知心膂股肱沐

聖主優隆之澤坐論冠羣工之上命圭膺列爵之

榮凡茲

恩遇超倫實簡編之所未覩似此寵光溢分尤僚家之所希聞洵

天高地厚以難名惟夜寐晨興而倍惕念執政備員之日已及廿年論懸車致仕之期又逾三載身霑湛露奈同蒲柳先衰榮被雕銜祇愧駑駘彌劣既精神之恍惚欲強記而未能更步履之艱難思奮飛而莫逮况夫愆尤累積懷慚日覺其增茲當考察攸嚴引退已燠其晚伏乞

聖慈即賜罷斥用彰黜陟之義庶免曠厥之譏則大典肅而愚分得安不職懲而官方益勵矣乾隆八年十月二十日欽奉

澄懷園文存卷五

圭

諭旨凡大臣自陳乞罷者令各舉德行材能堪以自代之人隨疏奏聞欽此臣看得吏部尚書協辦大學士事務劉於義端謹和平老成練達堪以實授大學士代<sub>臣</sub>之任且劉於義久官翰苑學問素優即可兼管翰林院掌院學士事謹據愚臣所見舉以自代伏惟

聖主垂鑒為此具本請

旨

遵例自陳第八疏

謹奏為遵例自陳不職懇

賜罷斥以肅察典事准吏部移稱自乾隆九年起至乾隆十二年京察之期已屆在京部院等衙門三品以上滿漢官員於乾隆十二年三月令其將三年內事蹟過愆據實自陳等因竊<sub>臣</sub>年七十六歲由康熙三十九年進士蒙聖祖仁皇帝教育生成不次遷擢至吏部侍郎繼蒙

世宗憲皇帝渥澤隆施推心置腹簡居政府寵錫

澄懷園文存卷五

圭

宮銜我

皇上御極以來湛恩稠疊異數頻仍晉秩三公加封伯爵乾隆九年正月欽奉

上諭朕於正月二十五日恭謁

泰陵著莊親王和親王大學士鄂爾泰張廷玉在

京總理事務欽此三月京察自陳遵例並舉協

辦大學士吏部尚書劉於義代大學士掌院

學士之任奉

旨卿公正和平才品敏練簡任機務兼總銓衡正資倚任著照舊供職該部院知道欽此七月

欽奉

上諭朕於十月十二日恭奉

皇太后前往湯山著莊親王大學士鄂爾泰張廷

玉尚書公訥親在京總理事務欽此又南書房

承

旨重葺翰林院落成車駕臨幸賜宴送大學士掌

院事鄂爾泰張廷玉進署以張說東壁圖書

府五律字爲韻賦東字音字二首勅廷臣三

十八人各分一字賦詩又蒙

御書稽古論思集賢清秘二額

澤懷園文存卷五

天

賜臣鄂爾泰張廷玉懸於翰苑十年二月欽奉

上諭朕此次恭謁

祖陵著莊親王平郡王大學士張廷玉尚書公訥

親在京總理事務欽此六月欽奉

諭旨七月內朕出口行圍著履親王平郡王大學

士訥親張廷玉在京總理事務欽此十一年二

月因總裁三禮告成蒙

恩議敘加二級閏三月

御誤明史綱目告成蒙

恩議敘加二級七月欽奉

上諭本年九月內朕恭謁

泰陵並往五臺山著莊親王平郡王大學士訥親

張廷玉在京總理事務欽此又奉

上諭大學士張廷玉今在京總理事務朕念其年

逾古稀若照例直宿未免過勞著每日進內辦

理不必直宿欽此十月欽奉

上諭大學士張廷玉服官數十年日侍內廷勤勞

敬慎夙夜靖共靡聞寒暑今年逾古稀每日晨

興赴闕未免過勞朕心軫念古大臣有於居第

視事數日一至朝堂者嗣後可仿此意不必向

澤懷園文存卷五

天

早入朝或遇炎蒸風雪或自度宜於少休亦不

必勉強進內其有應辦事務可以在家辦理俾

得從容頤養精力自加強健以示朕優眷老臣

之意又奉

上諭大學士張廷玉步履微覺艱難吏部引見官

員時不必勉強帶領欽此十一月十七日臣長

男若霽病逝欽奉

上諭內閣學士張若霽在內廷行走十餘年小心

勤慎能恪遵伊父大學士張廷玉家訓深望其

將來尚可有成今秋扈從於途次患病隨遣御

醫調治且令其先回異即痊可以慰伊老父之心不意遽聞溘逝深爲憫惻伊從前曾襲伯爵因其與定制未符是以令在本任供職今著加恩照伯爵品級賞銀一千兩料理喪儀大學士張廷玉年逾古稀遭此傷痛殊難爲懷可傳諭令節哀自愛勉副朕軫念之意欽此十二月欽奉

上諭大學士張廷玉內廷行走年老需人扶掖伊子庶吉士張若澄著在南書房行走欽此伏念臣猥以樗材欣逢

景運身依

澄懷園文存卷五

辛

丹禁已開四十八年職贊

黃扉復經二十三載忝荷鹽梅之寄榮聯圭璧

之班潤

雨露以彌深擬山淵而莫喻凡茲

渥春微臣之抱愧愈多每恤衰年

聖主之垂慈倍篤因寒暑而許以休沐念既切於

臣身近

堂廉而計及扶持

澤復加於臣子

溫綸逾分實古昔所罕聞

帝德難名皆鏤刻所未罄惟是葵方向日其如柳已望秋神智漸覺其昏筋力日形其憊手披案牘欲強記而旋即遺忘躬領班行勉趨承而常虞顛蹙是以引年再四並非因偃息之私情倘更戀職遲迴實恐悞殷繇之公事茲逢考察尤切徬徨被

寵榮而罔知止足之譏何以無慚於往哲秉鈞衡而不省曠瘼之咎何以風示夫羣僚縱矜全仰沐

澄懷園文存卷五

壬

殊恩而黜陟實關

鉅典伏乞

皇上即賜罷斥以勵聯常庶愚悃得以稍安而官

方亦以加肅矣乾隆八年十月二十日欽奉

諭旨凡大臣自陳乞罷令各舉德行材能堪以自

代之人隨疏奏聞欽此臣看得吏部尚書協辦

大學士事務劉於義敬慎和平老成練達堪

以實授大學士代臣之任刑部尚書汪由敦

品行端方學問優贍堪以兼管翰林院掌院

學士事謹據愚臣所見舉以自代伏惟



聖主垂鑒臣不勝惶悚待  
命之至謹具

奏

聞

澄懷園文存卷五

三

澄懷園文存卷六

桐城 張廷玉 硯齋

癸卯 恩科順天鄉試策問五道雍正元年

問聖人之道在六經而道莫大於孝孝經一篇其六經之根柢歟孝經有今文古文章次少異今文漢顏芝所藏而長孫氏江氏后倉翼奉張禹以及馬鄭諸儒皆名其學至唐勒諸石是爲石臺孝經古文出孔壁孔安國爲之傳其本逸於梁時隋秘書監王邵訪得之河間劉氏述其義疏作稽疑一篇而當時學

澄懷園文存卷六

一

者皆云劉氏僞作非安國本然歟否歟司馬溫公作古文指解謂孝經與尚書並出壁中今人既信尚書何以獨疑孝經爲僞朱子據古文爲刊誤刪其句字之疵累并所引詩書詞凡七定爲經一傳十四與大學義例相符而草廬吳氏終以古文爲疑所著纂言於朱子本不無更易其果有確見否歟我

聖祖仁皇帝欽定孝經衍義依朱子刊誤本衍經不衍傳孝經之旨已昭若日星何士子之所誦習猶仍石臺之舊歟我

皇上至仁至孝比德虞周又

宏施錫類之仁屢頒養老之詔年七十以上者賞

資有差九十以上者有司不時存問貧者給

予養贍所謂刑四海順天下者莫大於是內

外臣工何以宣揚

德教使天下曉然於至德要道之所在而敦行不

倦歟夫子云志在春秋行在孝經可見二經

相爲表裏經言事親孝故忠可移於君忠孝

無二理也昔之儒者補作忠經贊已諸侯之

制節謹度卿大夫之法服法言士之資父事

澄懷園文存卷六

二

君遵斯道也以往皆謂之孝皆可謂之忠而

謹身節用之庶人亦嚮化之良民也在位者

欲仰副

皇上以孝治天下之意非躬行實踐何以爲民之

表率歟多士經明行修久矣其悉言之無隱

問古者立學必釋奠於先聖先師自春秋有

孔子集羣聖之大成爲萬世師後世崇德報

功屢加尊號至定爲至聖先師而推崇無以

復加矣先賢之從祀者釐定於唐時載在開

元禮其後歷代議增以次附饗典至重也顧

七十子而外自周迄明登祀典者僅三十有

六儒何聖人之徒如此寥寥歟抑尚有可增

益者歟我

皇上御極之初遣官祭告闕里又推邇本源追封

叔梁公以上五代並享烝嘗惟心源之契合

無間斯典禮之尊崇有加非徒修重道之文

已也多士幸生

聖世勵志純修則古稱先考同辨異於從祀諸儒

學術之純疵可得而指陳歟明初金華宋氏

有從祀廟庭之議嘉靖間張璁復建議黜遂

澄懷園文存卷六

三

伯玉林放使不得列於聖門謬已馬融以下

諸人歐陽子所謂章句之學轉相講述而聖

道粗明者也議者指其行事而黜之持論未

爲不正然鄭康成盧植之徒未聞失德而一

概屏斥無乃過歟世之論者謂孟門之樂正

子萬章公孫丑程門之游謝尹呂諸子均應

從祀其說然歟黃勉齋親受道於朱子而金

華何王金許遞衍其傳之數儒者以之從祀

可以無愧而數百年來禮官未有論及者

聖朝典制明備或當次第舉行歟明之王陽明羅

整庵猶宋之朱陸也祀陽明而舍整庵詎非闕典歟諸生其各據所見以對

問昔三代盛時取士之法周官王制之所載備矣漢有孝弟力田之科魏有九品中正之制雖其後不能無弊然皆以實行爲重去古法未遠自隋唐以來士子以文章爲先資之獻而文與行違者往往有之論者謂行鄉舉里選於今日恐滋矯僞之習文以載道仁義之人其言藹如以此求士拔十得五舍是更無良模其說然歟抑必學校之制備師儒之教嚴使内外交養本末兼修而後收制科之實效歟我

澄懷園文存卷六

四

皇上神聖嗣統詔天下舉孝子順孫以勵醇修學官非孝廉明經不得與選又

特開鄉會恩科嚴飭考官虛公衡鑑一時浮華奔競之士莫不斂跡

欽命順天鄉試三題首揭忠敬二字示士人以立身行道之大端次明五品人倫而歸於立誠三言稼穡之艱難以爲恒心之本所以覺世牖民者至矣諸生其何以祇率

聖教躬行實踐而不徒事文藝之末歟朱子貢舉

私議令學者合所讀之書諸經子史時務等分之以年使治經者必守家法答義者必通貫經文條舉衆說而斷以己意此崇尚經術之良法也今可做而行之歟明道程子欲推訪德業充備篤志好學之儒延聘萃於京師朝夕相與講明正學使學者日受其業太學之師與天下學官皆取諸此今或用程子之意而神明之令直省各立書院督撫學臣延訪名儒使主教事與學校之所造就相輔而行其於

澄懷園文存卷六

五

聖化庶能仰贊於萬一歟先儒謂科舉之文與實學無礙視乎學者之立志何如耳多士生逢堯舜之主自命聖賢之徒實求名應耻之久已其各以所得著於篇

問古者太史陳詩以觀民風命市納賈以觀民之好惡誠以四方之風俗人心之邪正繫焉夏尚忠商尚質周監於二代而尚文文即文此忠質也豈忠質之外別有所爲文耶孔子曰禮與其奢也甯儉儉禮之本也乃曾子

謂國奢示儉國儉示禮儉與禮相提并論其  
義果安在歟周易節之彖傳曰當位以節中  
正以通其象傳曰君子以制數度議德行此  
可見節之爲道大矣周公陳七月之詩言豳  
民以旨酒嘉蔬奉老疾瓜瓠苴荼供飲食以  
爲王業之本在焉而後之傳會經術者倡爲  
豐亨豫大之說豈不謬歟我

皇上憲天立極教養兼施懼習俗之易靡憂民用  
之不足力行節儉爲天下先又以京師爲首  
善之地八旗爲風化之原

澄懷園文存卷六

六

誥誠諄諄俾知嚮慕復

命禮官定中正之規防踰越之漸一時風行草偃  
固已革薄而從忠矣顧四海之大萬民之衆  
風土各殊秀頑不一承流宣化非封疆大吏  
之責歟誠使爲督撫監司者敦羔羊素絲之  
風又講求於食時用禮之政民間之冠昏喪  
祭皆使遵守制度不爲驕盈矜誇示儉示禮  
調劑而得其中庶敦龐淳樸之俗成而比戶  
可封歟守令於民最親必恬淡寡欲惴惴無  
華然後民則而象之故曰移風易俗使天下

回心嚮道類非俗吏之所能爲也課吏者以  
民俗之奢儉爲有司之殿最斯亦上下觀感  
潛移默化之道歟多士其敷陳之

問孟子述禹功首稱疏九河九河之名載在  
爾雅其故道湮沒不可考孔穎達尚書疏用  
漢許商之說而王橫程大昌以爲淪於海是  
二者孰有當歟史記言禹於大垓下灑河爲  
二渠論者曰一漯川一即光河入海之道也  
然孟子明言淪濟漯其不以漯爲河可知矣  
禹貢導河之文於二渠止記其一漯之名惟

澄懷園文存卷六

七

見於兗州而先儒以爲未詳其地然則二渠  
果安在歟自周定王時河潰而南至漢決酸  
棗又決瓠子最後館陶決分流爲屯氏河德  
棣間播爲八由是歷魏晉五代唐未有河患  
宋熙甯時決曹村合於淮泗明正統弘治間  
屢決張秋徐有正劉大夏先後治之不過補  
苴目前而止先儒因謂賈讓三策爲治河不  
易之良模蓋疏爲上濬次之塞其下也然觀  
禹貢九澤既陂禹之治水又何嘗不用塞耶  
況近代情形又非漢唐比耶我

聖祖仁皇帝宵衣旰食誠求民瘼於河防諸書無不徧覽又不憚勤勞親歷河干指示方略河臣遵奉奏功慶平成者數十餘年矣我

皇上臨御以來厯念河工

德音屢沛武陟之塞決告竣則遣官相視思善後之有良規也山左之運道淺阻則發帑興工俾役夫之沾實惠也

特簡河臣委以荒度所以爲民謀安全者至矣在事諸臣何以綢繆防護永保安瀾以仰慰

皇上已饑已溺之思乎明道程子常率廂兵塞決

澄懷園文存卷六

八

口曰臣子之分身可塞亦爲之今之任事者誠能繹思程子言則治河必收實效何得謂古今人不相及歟多士其昌言之

癸卯 恩科會試策問五道 雍正元年

問自孟子而後濂溪周子放鑰抽關得吾道之正傳著太極圖說以明道體朱震謂此圖傳自陳搏種放穆修五峰胡氏因之朱子據誌文謂周子自作蓋非爲此圖者不能爲此說義理渾然出於一人之手則所謂不由師傳默契道體者得之歟太極之說始於繫辭傳其曰生兩儀生四象生八卦即圖說陰陽變化化生萬物生生無窮之謂也以周子此圖與邵子先天橫圖參觀互證不有可相發

澄懷園文存卷六

九

明者歟周子邵子皆言無極或疑老氏有無極之說不知其指固迥別也國史增自爲二字朱子欲請而改之殆慮致虛守寂之流竊其說歟動靜之互根在聖人者無異於天地而曰主靜立人極豈却物求靜歟抑動靜合一而無動非靜歟通書推一理二氣五行之分合朱子謂與太極圖說相表裏又謂誠動靜理性命等章發明圖說爲尤著二書同條共貫其精微可得言歟正蒙言太和又言太虛矣夫太極之於陰陽不離也亦不雜也太

和太虛之旨何以異此以西銘之義合之天地之帥其太極乎天地之塞其二氣五行乎踐形惟肖窮神知化其聖人之立極乎顧程子屢與學者論西銘而不及圖說抑又何也朱子與呂成公編近思錄列太極圖說於卷首嘗云原此理所自來無形象可指論其工夫則只中正仁義便是理會此事處然則此書切於日用固近思者所宜盡心歟我

皇上秉生知之德加以遜志時敏擇精守一而執其中每與廷臣論天人性命之旨極深研幾

澤懷園文存卷六

十

發先儒所未發而播諸政事莫非三極大中之矩蓋道統治統一以貫之矣

皇極建於上而臣民皆得近

天子之光諸生讀書講學尤訓行之有素者也蓋各言其所得

問自古帝王撫綏寰宇子惠黎元不外教養二大端而養尤先於教書曰德惟善政政在養民夫子論保庶之道亦首及於富而孟子七篇敷陳王道每惓惓於耕桑樹畜務使老者有肉帛之安黎民無饑寒之患管子亦曰

衣食足而後知禮節夫百姓之盈甯視乎在上者之煦育周禮大司徒以保息六養萬民其說可得而詳陳歟三代之制耕三餘一耕九餘三其時家給人足比戶可封後世稱富庶者莫如漢之文景史稱斗米三錢外戶不開烟火萬里民氣和樂庶幾三代之盛其果何道以臻此歟我

聖祖仁皇帝撫恤愛養六十餘年大化涵濡湛恩汪濊率土億兆靡不各得其所我

皇上繼聖出治宵衣旰食無刻不以民生為念直

澤懷園文存卷六

十一

隸山東河南春麥歉收

特遣廷臣發倉散賑其流移在外者招徠安集之豫晉諸省復停征蠲賦江南歷年逋欠共蠲免七百餘萬直隸脚價銀兩及江西扒夫銀米歷年未完者共百餘萬盡予豁免嗣後復准支給陝西帶徵額外米三合永行豁免通計數省所免錢糧已踰千萬之數凡山陬海澨窮簷蔭屋之民無不沾被實惠遂生樂業我

皇上之愛育羣黎者至深至渥大小諸臣工凡有

司牧之責者其何以仰遵

德意以布休養之實政乎夫督撫監司職在承流宣化者也郡守縣令與百姓尤親者也大吏矢冰檠之節則僚屬自不至於苛征守令勵清白之操則閭閻自不苦於煩擾所以綏輯而噢咻之者豈無其道歟抑農桑者衣食之原節儉者豐裕之本今欲使小民皆務農力耕敦本尚實崇儉約而戒奢靡以致家有蓋藏野有露積此亦司牧者之責也果何以轉移而化導之歟諸生有懷經濟久矣其各抒

澄懷園文存卷六

主

所蘊以著於篇

問鄉飲酒禮所以示民貴賤長幼之節使興起於仁讓而達於闡辨典綦重矣鄭康成謂三年大比賓賢者而飲之酒孔穎達謂黨正蜡祭飲酒州長習射飲酒鄉大夫士飲國中

之賢者合賓賢而爲四藍田呂氏又謂凡鄉

人會聚皆用此禮不止四者諸說果孰當歟

禮記鄉飲酒義推原禮意至微不至精然先王

制禮未必纖悉皆有深義所謂象天象地象

三光四時者無亦後儒推測之論歟賓主之

坐曰西北曰東南先儒謂賓主側席相鄉後之行禮者沿之然後章所云賓必南鄉介必東鄉者又何謂歟漢永平二年行飲酒禮於學校晉大始間行飲酒禮於辟雍唐貞觀六年詔錄鄉飲酒禮一卷頒行天下令郡邑率長幼行之當時史官俱誇爲美談可知三代而後禮廢不行久矣我

國家制作明備遠過漢唐郡邑每於十月舉行斯禮歲支經費二萬有奇所以爲道民計者至矣我

澄懷園文存卷六

主

皇上德盛化神動容周旋以及用人行政無不適

合中正之則尤孜孜以一道同風爲務屢

詔督撫大吏加意訓迪匹夫匹婦有一節之善必

予嘉獎所謂勞來匡直輔翼振德者無以加

於是矣宣布

德教責在臣僚將使民入孝出弟尊長養老舍禮

奚務焉豈自甘俗吏不以型仁講讓爲事歟

飲酒之禮郡邑沿習故事所稱賓介者豈盡

賢而有齒而酬酢揖讓之儀亦未必有當於

尊讓絜敬之義何以斟酌繁簡使宜於今不

悖於古行者必以實而觀者足以感歎諸生  
習禮久矣其各陳所見無隱

問人臣事君知無不言言無不盡勿欺無隱  
之義也古無言官自公卿大夫以及士庶百  
工無不得言者然孟子云有言責者不得其  
言則去是戰國時已有專官豈即周禮師氏  
保氏之職耶周官御史掌贊書而授法令非  
言職也至秦漢爲糾劾之任御史大夫屬有  
中丞有御史丞掌察舉非法唐設三院御史  
曰臺院曰殿院曰察院宋侍御史官七品掌

澄懷園文存卷六

古

言事至今因之魏晉以來給事中屬門下省  
唐宋設左右諫議大夫分屬門下中書兩省  
而給事中專主封駁唐有左右補闕拾遺宋  
有左右司諫正言又有以他官知諫院者歷  
代言官之職因革可得而詳歟史冊所紀臺  
諫官賢否不一其卓卓可稱者幾何人可得  
指陳歟我

皇上聖由天縱善與人同

踐祚之初即下求言之詔又令臺垣諸臣按日奏  
事周而復始言之無當隱而不宣可行者立

即舉行屢加

賞賚以示鼓勵復

諭尚書以下各官分班陳奏如言官例書所稱明  
目達聰何以加茲爲臣子者果有碩畫嘉謨  
可仰贊

高深於萬一耶古人臣進言於君其議論必合於  
天下之公理其敷陳必切於當時之利病章  
疏懇懇出於至誠絕無矯激沽名之意今之  
言者能如斯歟豫章羅氏有云士之立朝要  
以正直忠厚爲本又云人臣當愛君如愛父

澄懷園文存卷六

五

愛國如愛家愛民如愛子進言者能不愧此  
數語庶不負

聖天子建輅懸鐸之盛心歟諸生將離疏釋屬矣  
書思對揚豈異人任乎其各悉心以對

問古者左右史分記言事言爲尚書事爲春  
秋尚已編年之體其來最古自子長易之爲  
紀傳其後遞相祖述讀史者目紀傳之體爲  
正史而古史之法微矣涑水資治通鑑編年  
體也朱子因其書而爲綱目表歲以首年因  
年以著統大書以提要分注以備言而春秋



筆削之旨昭然復見學者能條舉其義例歟  
班氏之論子長也稱其善序事理不虛美不  
隱惡而又譏其是非頗謬於聖人劉知幾之  
論班氏也稱其言皆精練事甚該密而於五  
行之志斷斷致辨又詆其古今人表無益於  
漢史然歟否歟朱子有云太史公書疎爽班  
固書密塞然則二書殆未易軒輊歟范史自  
謂體大思精而贊詞失之佻巧三國志高簡  
有法而陳氏葉氏有率畧少文義緣飾之譏  
晉隋二書成於衆手夾漈鄭氏謂區處各當

澄懷園文存卷六

末

其才故二書之志高於古今果爲定論歟南  
自宋迄陳北自魏迄周代各有史李延壽合  
之爲南北二史雖機祥詼嘲具載而敘事簡  
徑比南北正史過之溫公謂延壽可亞陳壽  
然則沈約蕭子顯諸人所撰述竟可等之自  
檜以下歟新唐書歐宋分撰事增文省而元  
城劉氏謂其不及兩漢文章者正在於此歐  
陽五代史事各有首尾人各有本末經緯錯  
綜瞭然指掌蓋史家之法備焉而或猶惜其  
不爲韓通立傳則作史不誠難歟宋遠金三

史修於元代論者謂其發凡起例未得要領  
紀事立傳不辨主客明初修元史以削棄太  
迫並三史之不若其踏駁可悉指歟我  
皇上好古敏求多識畜德乙夜觀覽經經史緯項  
者復

命詞臣修輯明史務存忠厚之心以定是非之實  
聖天子鄭重丹鉛如此其至也多士生逢右文之  
世必有具三長而優於作史者其各抒所見  
以爲校書天祿之先資焉

澄懷園文存卷六

七

甲辰科會試策問五道 雍正二年

問人君奉天出治以天之心爲心故命討出於至公人臣委贄事君以君之心爲心故威福不敢自作蓋尊卑別而分定上下交而志同君臣相與之際萬化之原也自古有體乾立極之君必有亮工熙載之臣非公忠永矢盡去其作奸作惡之私曷克臻此歟唐虞君臣都兪吁咈稱極盛矣然舜戒禹曰汝無面從退有後言夫舜之於禹猶動色相戒若此後之人臣宜何如凜凜歟我

澄懷園文存卷六

六

皇上以聖德履天位用人行政廓然大公推心置腹以待臣下天地父母之恩無以加矣茲復御製朋黨論刊刻徧頒以儆有位羣臣入奏復申天語誥誡再三爲臣子者問心有一毫之私能不愧悔猛省自訟自責歟夫臣之事君猶子之事父不愛敬其親而愛敬他人者謂之悖德悖禮違公義而昵私交其悖不更甚乎周易泰之九二曰包荒用馮河不遐遺朋亡得尚於中行斯言洵萬世人臣之法也象傳獨以光大釋包荒而朋亡之義已該蓋人心惟無

私曲而後能光大其即朋亡之謂歟古大臣之立朝也好賢若渴而非黨同疾惡如仇而非伐異其人雖素所愛慕也一言偶愆未嘗附會其短其人即素所賤惡也一行可取亦必節錄其長蓋忠愛篤摯之誠固結於中止知有國有君而不知有身有家又何有於黨援之私乎苟不如是無論夤緣扳附者爲淫朋之小人即孤踪落落亦不得爲渙羣之君子然則公私邪正之別不在事爲之跡而在夙夜隱微之地歟今

澄懷園文存卷六

九

聖天子建樹於上蕩平正直無偏無陂薄海內外罔不遵道遵路會極歸極大小臣工甯甘自外於光天化日之下乎誠使清夜之捫心不愧大廷之敷奏以肺肝爲獻替不以文貌爲對揚賡歌喜起一德相孚泰交之盛何難媲美於中天乎諸生忠藎之懷矢之久矣其昌言之無隱  
問古者都鄙授田有不易一易再易之分下地三百畝當上地百畝而孟子列農夫爲五等上農所食之人倍於下農一畝常兼二畝

之入然則肥磽固因乎地而勤怠實存乎人  
勞民勸相非農政之要務歟我

皇上念切民依周知稼穡欲令八旗閒散丁壯習  
於農事將以近邊閒田及郊輔官地畫井分  
疆人授百畝俾盡力於耕耘設專官以司勸  
課雖曰存古制於萬一實則垂曠典於千秋  
也孟春

親祀祈穀仲春又

躬耕藉田以儆耜之三推兆青疇之萬寶旋

諭督撫以下官加意課農州邑歲舉老農無過者

澄懷園文存卷六

壬

一人給予八品頂帶以示鼓勵所以爲民衣  
食計者至矣盡矣顧

盛世休養生息戶口日繁地畝之數不加於前

生齒之數倍增於舊非人盡上農不足以給

俯仰也漢書食貨志稱趙過能爲代田一畝

三畝歲代處視通畝之收穫畝餘一斛已上

多者倍之可見善力田者不在乎種植之廣

農書所載伊尹教民區田之法用省而功倍

田少而收多今可倣而行之歟周禮大司徒

辨十有二壤之物司稼辨種稂之種月令云

善相邱陵阪險原隰土地所宜五穀所植以

教道民宋太宗時言者謂風土雖各有宜而

雜植以備旱澇亦古之制也夫菰稻之收穫

倍於黍稷北方亦多近水之地或可疏濬溝

渠引流種稻以盡地利乎江楚高原之地灌

溉不及者亦可兼植宜燥之種乎今蟲蚩之

氓或以膏腴沃壤種植不可食之物以逐十

一之利而酒醪飴餌之耗穀者又復不少是

皇上重本抑末而小民反托末於本也任之則流

弊無窮禁之則驟更滋擾司牧者潛驅而默

澄懷園文存卷六

壬

率之當必有道歟諸生有志足民盡抒所見  
以對

問禹貢所載總銓結粟米之賦皆出自甸服

無飛輓之勞也漢高時漕運山東之粟給中

都官武宣以後天下盡輸粟於京師歷代因

之其得失可備言歟我

國家成賦中邦歲漕四百萬石貯京通十一倉

爲八旗養兵之用而白糧則隨漕輸運法至

善也其間兌分正改米別正耗以及經費解

支之款載在漕運議單者甚詳我

皇上加意倉儲以是書未經刊刻

命廷臣斟酌校定期於盡善觀光之士豈無碩畫

可備參考歟夫運軍輸輓有行糧月糧

國家之恤軍至矣又益之以貼費如江西則有

副米江南則五米十銀浙省之截貼尤重而

運軍常苦匱乏豈職司管轄者不免扣剋科

派之弊歟水次之折乾沿途之私賣

功令甚嚴而積年之起欠纍纍也至造船式樣

或尖其底或濶其旁持議者未能盡一也欲

使漕政有利無弊何道而可或者舊制之外

澄懷園文存卷六

三

更有變通之良法歟漢宣帝時耿壽昌請糴

三輔弘農諸郡穀以供京師省關東漕卒過

半論者謂京輔豐穰之歲此議可行其信然

歟唐時江船不入汴汴船不入河河船不入

渭宋於真楚泗三州設轉般之倉與唐制相

近今或可畧仿其意於南北之交建倉遞運

以省長運之繇費歟元史食貨志盛稱海運

之善明邱濬請別通海運一路與河漕並行

其講求製船募夫諸法歷歷如繪萬歷中王

宗沐建議謂燕都之受海猶憑左臂從腋下

取物柰何置海漕而專力於河其說然歟否

歟夫法久每憂其滋弊更張又慮其難行諸

生其考古酌今悉心言之

問太公立九府圖法錢圖函方輕重以銖此

錢法所自始也秦漢以來若三銖五銖八銖

半兩榆莢荇葉赤仄鵝眼綖綬其名不一孰

得孰失可指陳歟周景王廢輕作重一時民

蒙其利後代有當三當十當百當千之制皆

行之不久而罷其弊安在歟我

國家設寶源寶泉二局不惜銅不愛工肉好適

澄懷園文存卷六

三

均輪郭周正前代所希有也我

皇上軫念民生日用之需惟恐錢價稍貴不便於

民屢

詔廷臣酌議流通平價之法又疊沛

恩綸內則八旗兵餉多發制錢外則滇蜀二省皆

開鼓鑄所以爲閭閻利用計者至矣然二局

所鑄新陳相因而錢不加多者其故何歟奸

民銷錢之弊宋胡致堂嘗論之矣夫盜銷與

盜鑄二者相倚伏錢價浮於銅則盜鑄之奸

起銅價浮於錢則盜銷之弊滋今之所慮不

在盜鑄而在盜銷將何以遏絕之歟唐劉秩有言鑄錢之用不贍在於銅貴銅貴由於採  
用者衆此言似爲通論今外洋銅觔惟歸錢  
局非民間所得買而銅器之日造於市廛者  
不知凡幾此奸民銷錢射利所自來也若輩  
藏踪匿跡官吏猝難捕獲苟器不用銅將銷  
者不令而自止歟考之於史禁銅之令唐宋  
盛時皆有之今欲仿其制恐民間生齒日繁  
用器者多有司奉行不善得無滋擾歟况小  
民日用有必不可少之物豈能盡禁歟或已

澄懷園文存卷六

酉

成者聽其不毀而市肆之鎔造有當分別飭  
禁者歟夫用銅者少則銅價賤

國家於額設銅觔之外更收銅以資鼓鑄二局  
之爐座漸可議增錢愈多而價自愈平庶可  
仰慰

皇上愛養黎元之至意乎諸生留心世務必有說  
以處此

問欽恤者聖人之心明允者刑官之職三代  
以前尚已魏文侯時李悝著法經六篇漢蕭  
何定爲九章叔孫通又增爲十八章自時厥

後歷代遞有損益其篇目之詳略條例之得  
失可歷言歟周禮月吉縣法於象魏士師掌  
五禁以木鐸徇於朝書而縣於門閭凡以昭  
示愚民使不誤入於罪也然晉鑄刑鼎孔子  
責其失度鄭鑄刑書叔向以爲起爭其故何  
也夫立法以昭信莫善於簡簡則無舛違出  
入之患民易知而可守先儒言之詳矣乃趙  
冬曦又云科條省則民難明其義安在耶律  
所不盡而用例書所謂上下比罪是也宋淳  
熙中言者謂例之有無多出吏手往往隱匿

澄懷園文存卷六

壬

以沮壞良法甚者賄賂行乃爲具例然則以  
例輔律必斟酌盡善歸於盡一斯無舞文弄  
法之弊歟我

聖祖仁皇帝命廷臣分編彙纂擇例之可行者以  
類附於正律之後務期平恕協中爲萬世不  
易之章程我

皇上御極之初即

勅諭詳加考訂刻期成書每進一篇必

親賜裁定單詞隻字辨晰毫釐無不酌理準情應  
經合義非儒生所得窺見萬一也漢陳寵以

五刑之屬合之禮經三千之數謂禮之所去  
刑之所取出乎禮斯入乎刑纂修者能體斯  
言斯不負

聖主明刑弼教之盛心歟抑載律例者書也用律  
例者人也惟敬五刑以成三德非法司之責  
而誰責歟諸生其悉陳之以贊刑措之治焉

丁巳 恩科會試策問五道 乾隆二年

問道統爲治統之本心法爲治法之原二帝  
三王之治本於道二帝三王之道本於心是  
故精一執中者堯舜禹相授之心法也建中  
建極商湯周武相傳之心法也曰德曰仁曰  
敬曰誠言雖殊而理則一可得而會其指歸  
歟夫精之所以一之一者何也即中也中涵  
於心爲德祇厥德曰敬敬而後能誠誠者實  
體此生生之理乃全乎仁所謂一以貫之者  
可悉言歟易乾卦言存誠又言立誠坤卦言  
敬義中庸言中和言誠明乾坤兼體之妙位  
育參贊之功皆具於是其於精一執中之旨  
同條共貫者何在周程朱子言無欲則靜虛  
動直言存養省察言立志居敬致知踐行其  
引入入聖階梯互相發明者何在我

皇上太極在心元功播物本精微純粹之學普熙  
皞樂利之休邇者

頒賜日知薈說一書道統治統心法治法一以貫  
之直與堯舜禹湯文武前後同揆若合符節  
矣諸生縱未能仰窺

聖學之高深然沐浴教澤服習儒先之日久其各抒所得以爲

當宁獻

問察吏所以安民虞廷三載考績周官六計  
弊吏用以亮天工而和庶政尚矣漢制近古  
課二千石分屬三公唐有四善二十七最之  
目宋以七事考監司九事考縣令歷代規制  
綦詳其間得失疎密有可一一指數者歟夫  
以一方之民委之司牧固不僅在簿書期會  
之間與修謹自好而已也史稱南陽務商賈

澄懷園文存卷六

天

召父富以本業潁川好爭訟黃韓化以篤厚  
則夫錢穀獄訟之外實有所以撫綏化導者  
其道何在我

皇上懷保萬姓澄敘百官自地方大吏以至守土  
之臣莫不慎重簡任縣令之優者行取不拘  
年俸郡守治行茂著輒加拔擢三年大計又  
復擇其賢能者登卓異之選所以激揚鼓舞  
者至矣膺民社之寄者何以仰體

聖天子惠愛元元之至意勸課農桑興起教化使  
循良奏績不異於古所云也大吏者羣吏之

表正已率屬懲墨獎廉之道

諭旨屢頒亦既深切著明矣古者朝廷但課監司  
而監司自課守令所謂形端則影直源潔則  
流清簡易之法果足尚歟抑守令之賢否視  
乎民生之休戚漢世長吏所居民富所去民  
思其殿最初不以文法今猶可做而行之歟  
夫父母斯民以仰稱激濁揚清之典爾多士  
他日與有責焉其各抒所蘊以著於篇

問士者民之表也士習正而後文教隆故曰  
凡周之士不顯亦世又曰濟濟多士文王以

澄懷園文存卷六

天

甯豈不以培植留貽之久而士皆仰承道化  
雅意束修用能養成國器以揚鴻庥而襄上  
理歟儒行論士之本末蓋詳而要領安在王  
制選士之法備矣而以何者爲先漢唐之世  
趨向儒術並號得人顧或立經師則各持門  
戶盛選舉則並驚黃綠其盛衰之故可得臚  
列以備勸懲歟今欲使士皆敦本茂實安義  
命而絀浮競以媿美三古之人才果何道而  
可記曰事君先資其言則文章亦心迹之司  
契也自賈董之策興而一代之文爾雅深厚

及後典論文賦雜出而纖靡日熾去古益遠將無習尚異趣而文運因之升降歟韓子謂仁義之人其言藹如李漢以文爲貫道之器將士行修而文體自正抑文自有源流節目而未可以一說竟歟兩京以還文家孰爲醇正唐宋八家並稱而朱子語類尤深美昌黎又嘗學子固之文何所取歟而八家之外豈無有當於六經之旨足以資博習而益風教者歟爾多士荷

聖代漸摩之澤值

澄懷園文存卷六

三

皇猷巍煥之期敦行興文砥礪有素其昌言之無隱

問聖王在上而民無捐瘠者以蓄積多而備先具也王制耕三餘一耕九餘三即積貯所由權輿歟周禮遺人掌委積以待施惠廩人詔穀用以治年之豐凶而大司徒以荒政十有二聚萬民其條目之詳區畫之善可得而論列與平糴常平義倉社倉諸法沿革不同論者以常平法最善然賑貸美意也而貧民或不蒙其惠儲蓄長計也而有司或虛有其

籍推陳易新增糴減糴良法也而胥吏且因以爲奸欲使澤下究而諸弊除將何道之從也古者藏富於民家給人足猝遇荒歉而有無得以相通然則官爲儲積不若民有蓋藏漢鼂錯言明主務民於農桑薄賦歛廣蓄積故民可得而有也史冊所載賢君誼辟節儉省用與民休息之美可得而指陳歟我國家累洽重熙生齒日繁州縣有常平倉以待興發

皇上御極以來減賦蠲租至數百萬無日不以民

澄懷園文存卷六

三

生休戚爲念所以使民有菽粟如水火者至矣顧水旱者堯湯所不免積貯者生人之大命司牧者將何以仰承德意而爲斯民計長久也其詳晰利弊言之

問治天下以正風俗爲要古者司徒一道德以同俗有鄉三物以教萬民有鄉八刑以糾萬民惟民生厚因物有遷必上之人漸摩而化導之然後翕然丕變風醇俗美用徧德於羣黎也我

皇上作君作師建極綏猷務期薄海內外咸臻時



雍風動之盛凡邦伯師長何以仰宣

聖化俾斯民皆敦行務實仁讓雍睦洋溢閭井歟  
漢賈誼謂移風易俗使天下回心而向道類  
非俗吏之所能爲俗吏所務在於刀筆筐篋  
而不知大體誼所謂大體者可得而言歟武  
帝時嚴安上疏謂天下人民用財侈靡車馬  
衣裘宮室皆競修飾必使貧富不相耀以和  
其心則盜賊消刑罰少陰陽和風雨時是則  
移風易俗其尤在崇本節用以去奢從儉歟  
夫民日尚以奢急令其歸儉非可刑驅而勢  
迫也爲民司牧與鄉邦士大夫躬先儉約以  
爲之倡而又有品節章程可守而行富商大  
賈不得僭越以惑觀聽所謂奢示以儉儉示  
以禮庶乎閭閻風俗日進於敦龐純固歟多  
士幼學壯行將有化導斯民之責其悉心以  
對

澄懷園文存卷六

奎

澄懷園文存卷七

桐城 張廷玉 硯齋

聖王躬耕藉田詩序

欽惟我

皇上躬膺寶祚手握璇樞合二曜以齊光泰兩儀  
而立極

厚生正德殫至誠不息之功

重道尊師創自古未行之典

雨潤日暄之風教動罔不臧

宵衣旰食之精神所其無逸凡以致黎民之於

澄懷園文存卷七

一

變總期莫寰海於久安邦有本以必先食爲

天而最重

特勤耨事肇舉藉田

堯年正值夫甲辰

舜日敬諏乎癸亥春官視典京兆清畿協風應律

於東廬淑氣蒸膏於南陌

芝輿華蓋當壇宇以星陳

豹尾龍旂匝街衢而電轉千官扈從

金根耀晴旭之光兆姓觀瞻蒼馬蕩祥烟之彩

曠宮

駐輦

幄殿凝鑒奏天樂之屢豐乎誠后稷展

皇虔於三獻合漢神農香霏金鑪爰

更衣於大次雲移寶扇遂

命駕於甫田葱牕紺轅綴橫車之黛耜嘉禾瑞

麥開貯種之青箱於時四野晴和纖埃不動

百神翼衛麗景無邊

一墜初移發大地廣生之德

三推漸訖動陽春長養之風仰

帝力之維勤軫

澄懷園文存卷七

二

宸衷而未已啟沉腴之土脈用勸三農運強健之

天行欲周千畝比前徽而倍越遵古禮以有加

彌節從容俟臣工之協力

升臺臨眺欣民庶之赴功原隰溝塍繡壤紛披於

禹甸茅蒲襍植畫圖儼繪夫函詩迺

警蹕以言旋仍

望耕而未遠綺裳連袂爭躡踵以瞻

雲擊壤歌衢盡觀光而就

日從此五風十雨

天田登御廩之儲佇看兩穗雙岐

帝藉滿神倉之蓄臣職居司稼心切課農跪捧

桂種方愧未分於五穀恭持耒耜更叨承之

於九推敬撰蕪辭肅將鄙悃年豐人樂長編

大有之史書地厚天高永享昇平之歲月

澄懷園文存卷七

三

樂善堂集序

雍正元年

皇上紹登大寶

命廷玉隨侍

皇四子 皇五子講讀經書晝夜趨承仰見我

聖祖仁皇帝垂光錫祚烏奕綿洪我

皇上敬承

庭訓以裕後昆

聖學相傳緝熙光大

皇四子粹質天稟明敏博達而功力縝密朝有課

澄懷園文存卷七

四

夕有程寒暑靡間有非專攻文學之儒所能  
希其萬一者自經史百家以及性理之圖與  
詩賦之源流靡不博覽精擇講明而切究之  
每發一問立一義輒超出於思議之表而皆  
前人所未發含咀醞郁蘊蓄富有時發抒其  
胸中所見著爲論說詩賦諸體不假思索一  
揮數千言清詞邃旨首尾爛然數年來不下  
千餘篇

皇子自加選擇得如千首彙爲一集以示廷玉廷  
玉受而循繹焉意義淵深詞采博瞻而筆力

之雄俊健捷邁越等倫所闡明者聖賢之精

蘊宇宙之名理所吐露者經籍之膏腴藝林

之芳潤自昔以文章名家者莫能逮焉

皇子之於文可謂才超而學邃矣抑尤願

皇子之不以此自多也聞之文所以載道古聖賢

修己治人明體達用之大要胥於是乎在匪

直工其文詞以爲觀美也故曰非言之難行

之維艱

皇子以天授之才博通古今之學循循乎祇適

聖訓敬勤無數誠於載籍之指要平日口誦心維

澄懷園文存卷七

五

者既能言之又允蹈之自此進德修業日新  
歲益廷玉所樂得而揚其美盛者詎有涯哉

御製樂善堂全集序

臣聞文以載道而道本於身故必實能明道

而文始可貴必實能身體而道始能明我

皇上躬濟哲之姿夙承

庭訓緝熙光明聖學淵茂  
臣自雍正元年蒙

世宗憲皇帝恩命得侍

左右於今十有餘年伏睹我

皇上稽古遜修研精經術於六經四子之書儒先

之緒論諸史之成績博觀約取剖晰精微舉

天人性命之理政治之所從出皆得其大本

澄懷園文存卷七

六

大源之所在寒暑晨夕矻矻孜孜融洽貫穿

與道大適故發之於文日新富有麟炳喬皇

充溢絢帙曩者

親定樂善堂文鈔十有四卷  
臣既承

命而敬序之矣

御極以來勅幾清宴乃合前後所著選定編次爲

樂善堂全集  
臣受而讀之其義蘊之宏深則

經緯天地無乎不包其辭藻之瞻博則鎔鑄

古今無乎不備仰泰岱而知衆山之卑觀河

海而知行潦之細誦聖言而知百家衆說之

凡淺巍巍乎煌煌乎洵宇宙之鉅觀也  
臣仰

惟

皇上聖學高深固非擬議所及而竊謂其所以發

而爲至文者由道之蘊積者深也夫道豈獨

爲文而已聖賢本是道而垂彛訓帝王體是

道而成治功

皇上本皇極之敷言既已見諸行事中外欣欣文

德誕被矣而猶夙夜孜孜因言考行所謂

聖天子建中和之極金聲而玉振之者誠在今日

而是編也天德王道合爲一焉乾坤之容日

澄懷園文存卷七

七

月之光與詩書相表裏而世爲天下則又何

疑哉  
臣校錄之次伏讀

御製序文竊有以知

聖心之所存茲奉

命綴言簡末仰至文之炳蔚而拭目以觀至治之

日升海內臣民涵泳

聖澤偕登大道區區蠡測所及蓋不能自己云

明史地理志小序

自黃帝畫野置監唐虞分州建牧沿及三代下逮宋元廢興因革前史備矣明太祖奮起淮右首定金陵西克湖湘東兼吳會然後遣將北伐并山東收河南進取幽燕分軍四出芟除秦晉訖於嶺表最後削平巴蜀收復滇南禹跡所奄盡入版圖近古以來所未有也洪武初建都江表革元中書省以京畿應天諸府直隸京師後乃盡革行中書省置十三布政使司分領天下府州縣及羈縻諸司又置十五都指揮使司以領衛所舊漢諸軍其邊

澄懷園文存卷七

八

境海疆則增置行都指揮使司而於京師建五軍都督府俾外都指揮使司各以其方附焉成祖定都北京北倚羣山東臨滄海南面而臨天下乃以北平爲直隸又增設貴州交趾二布政使司仁宣之際南交屢叛旋復棄之外徼終明之世爲直隸者二曰京師曰南京爲布政使司者十三曰山東曰山西曰河南曰陝西曰四川曰湖廣曰浙江曰江西曰福建曰廣東曰廣西曰雲南曰貴州其分統之府百有四十州百九十有三縣千一百三十有八羈縻之府十有九州四十有七縣六編里六

萬九千五百五十有六而兩京都督府分統都指揮使司十有六行都指揮使司五曰北平曰山西曰陝西曰四川曰福建留守司二所屬衛四百九十有三所二千五百九十有三守禦千戶所三百一十有五又土官宣慰司十有一宣撫司十安撫司二十有二招討司一長官司一百六十有九蠻夷長官司五其邊陲要地稱重鎮者凡九曰遼東曰薊州曰宣府曰大同曰榆林曰甯夏曰甘肅曰太原曰固原皆分統衛所關堡環列兵戎網維布置可謂深且固矣計明初封畧東起朝鮮西據土

澄懷園文存卷七

九

番南包安南北距大磧東西一萬一千七百五十里南北一萬零九百四十里自成祖棄大甯徙東勝宣宗遷開平於獨石世宗時復棄哈密河套則東起遼海西至嘉峪南至瓊崖北抵雲朔東西萬餘里南北萬里其聲教所訖歲時納贄而非命吏置籍侯尉羈屬者不在此數嗚呼盛矣論者謂交趾之棄未爲失圖而開平近邊則守衛益薄雖置萬全都指揮使司不足以鎮伏山後諸部故再傳而有土木之變然睿皇自以失律蒙塵非由經制未備景帝任賢才修守禦國步未移乘輿旋復由是

觀之三衛者一隅之隘而無關大計也審矣至其季世流寇首禍於西陲浸尋蔓延中原爲之糜爛金湯之固不足以制土崩版宇之廣不足以成犄角疆圉不虞於曩時形勝無虧於初盛而強弱懸殊興亡異數者天降喪亂昏祿內訌人事之乖而非地利之失也語曰在德不在險詎不信夫今考其升降之差沿革之故具著於篇作地理志

宋元經解刑要序

余始得崑山刻宋元經解喜其所收之博特苦循覽難遍又懼羣言參差學者無所取衷欲少爲別擇而未暇也後聞方子望溪家居肆力於此康熙癸巳望溪蒙詔入南書房與共晨夕叩其刑取大指頗與余同志蓋十餘年間雖舟車奔迫未嘗有一日之輟焉其取之慎凡注疏大全皆數周而後及此首詩書次易次春秋皆畢於辛卯之秋其冬以牽連赴詔獄在獄始治三禮而苦其書之難致及出獄未幾旬荷

聖祖仁皇帝搜揚置諸禁近俾校文史賜以第宅資糧飲食衣服一取給於內府我皇上嗣大歷服推

先帝遺德赦其子孫宗族並歸田里其心益寬然一無所累公事之暇日有孜孜又十餘年而後諸經之說續備其所刪取又再徧焉望溪向余每言兩朝

聖天子覆幬之恩未嘗不流涕也詩曰倬彼雲漢爲章於天周王壽考遐不作人言聖人在上如雲漢之章於天而人道化成天下之人才乃爲之興

起也又曰鳶飛戾天魚躍於淵豈弟君子遐不作  
人言君子長育人材俾各得其才力志願之所極  
豈弟之德以斯爲至也余蓋於望溪是編之有成  
而益知大雅之詩人善言聖人之德教焉抑又有  
私喜者其卷帙十汰七八余雖老苟有餘閒次第  
發而觀之或猶可稍償曩者之夙志也有欲刊布  
其書以益後學者乃序以導之

古文雅正序

文辭之興非偶然也發天地之精華而根之性命  
易之道陰陽詩之道志書之道事禮之道行春秋  
之道名分要而論之皆性命之文也周秦以後文  
士代興顧其流之藝苑載之典籍者是非純駁不  
能以無辨昔人之論古文也其類有四曰辭命曰  
議論曰論事曰論理究之辭命議論論事莫不貫  
於理惟貫於理則內有以關乎身心意知之微而  
外有以備乎天下國家之用故夫性命之文約而  
達瞻而精與博而有體要他若俶詭幻怪卮詞蔓  
衍與夫月露風雲連篇累牘大雅弗尚也予自通  
籍後備員秘書敬誦

聖祖仁皇帝周易折衷性理精義古文淵鑑諸書  
闡發微言蒐羅正學丹黃甲乙炳如日星雖片義  
單詞悉歸理要其爲世道人心計至深遠矣  
皇上即位作述相承潛心道奧 綸音疊渙以崇  
實學敦名教爲先務凡以期海內文學之士不驚  
聲華而衷諸性命也漳浦蔡聞之先生學博而品  
粹嘗講習鼇峰書院慨然有志於濂洛關閩之學  
被召入京師俾授

皇子經子亦叨廁講席接其言談丰采益以知先生之爲人暇時出所選古文若干卷示予予綜觀其目上下二千年中僅收文二百有奇醇正典則悉合六經之旨而倣詭幻怪風雲月露之詞不與焉所謂合辭命議論事而一貫於理者也夫後進之士前事爲師而操選家往往漫無主見是非純駁鮮所決擇徒取詞句之瞻美爲學者諷誦之資不幾判文章之學爲兩途使習其事者何所取以爲束身檢行之歸歟故曰文所以載道也又曰言之無文行而不遠蓋非載道不足以爲文雖欲

澄懷園文存卷七

十四

行遠烏可得哉先生遭逢盛時味道含經博綜子史是文之選也其帙簡其義精而崇實學以黜浮華明理義以祛放誕信足以贊襄文治津梁後學豈直供文人學士之佔畢而已哉是爲序

宕渠叢稿序

馬子仲昭少以聰警聞里閭讀書目過不遺忘下筆纒纒數千言每追摹古人其意度波瀾幽奇突與無不肖同輩驚訝以爲天人也生平負沉毅剛直之才遇事能決勇於有爲念國家以帖括取士屈首於科舉之學其所爲時藝繁富若方城精妙亦若方城也以仲昭生閭閻之族挾售世之具宜其取科名如拾芥一旦得氣而攄其嚮之所欲爲乃三十餘年來席帽未脫與羣儒較得失於鎖院中而卒無一遇知仲昭者莫不爲仲昭太息也

澄懷園文存卷七

五

而仲昭竟不幸死矣其子蔡臣檢其所爲詩歌古文詞鈔板問世乞序於余余披而讀之詩則追蹤韓李也古文則沉浸太史而得其潔者也詩餘小品則頡頏稼軒而少游耆卿之纖麗不足比似也所謂追摹古人而意度波瀾幽奇突與無不肖肖者向使仲昭知時之遇棄其舉子業而恣肆於詩歌古文詞其精妙已若古人其繁富安知不若古人耶昔荆公之銘深甫也以爲其志未就其書未具而既早死非特無所遇於今又將無所傳於後今讀仲昭集炳炳烺烺滙羣言以成一家雖卷



帙無多而其所已存者世終不能廢也庶亦有賢於深甫者乎爰不辭數言弁於首

梅亭小草序

荏平王梅巖先生乃給諫北山公之仲子也康熙癸卯秋先文端公舉於鄉實出給諫公之門五十餘年來通家之誼等於骨肉余自幼侍先公膝下燕閒之餘評論人物先公輒舉梅巖先生立身行己之端方學問之精專著述之淹雅以相告且惜其困於棘闈鬱鬱不得志以終不克大展其底蘊也是余雖未奉先生之教而中心藏之蓋三十年於茲矣今年春奉使闕里道經重邱瞻拜給諫公祠宇高山仰止之私大慰疇昔而先生令嗣念

祖以先生遺稿若干篇問序於余余受而讀之文則根據理要囊括六籍思深而致遠旨雋而氣醇蓋究心於史漢八家者久故無繆轉之病無影響之談無萎弱之習詩則沉酣六代鎔鑄三唐以絕妙之辭寫性靈之語不事雕繪而吐納風流自然中節迥非近代詩人之所及蓋先生以不世之才聆過庭之訓蓄畬經籍卓然自成一家宜乎先公之流連景慕稱道弗絕也李杜文章光燄萬丈將見藏之名山傳之奕世奚必與

者比長

紉短於朝夕哉余企想既久而遇諸一旦療我飢

渴有厚幸焉因不辭而爲之序

方貞觀詩序

方子貞觀宮詹坦菴公之曾孫也承家學負異才於古今書無所不窺其所著作不屑一語苟同於人而尤工於詩余自庚辰後以職事羈京師每友朋之自里門來者無不稱述貞觀之爲詩刊落浮華獨標雋永卓然自成一家余聞之竊爲神往固幸桐之有詩人而以不得一讀貞觀之詩爲恨也丁亥春忝扈從之末暫假歸省留里門僅數日幸貞觀不遠棄余以五言詩六首書素箋見貽風格高逸辭旨清遠不激不靡外淡而中腴已窺輞川襄陽之奧覺向來友朋之稱述者猶未盡貞觀之能事也年來出入禁中必攜詩笈以自隨每當懷鉛吮墨校讐編輯之餘則與同直諸公反覆吟咏於玉階金甌之間無不歎桐之有詩人而猶以不得讀貞觀之全詩爲恨也今年夏貞觀梓其詩五卷計古今體詩二百五十首剞劂甫畢卽以一冊示余余得而諷咏之其情深其調古其律嚴其韻幽無鉤棘之苦無雕鏤之迹昔司空表聖詩品謂冲淡者曰遇之匪深卽之愈稀謂含蓄者曰不著一字盡得風流謂清奇者曰如月之曙如氣之秋

余嘗持此以求近代之詩而幾於是者甚夥今讀貞觀之詩而若或遇之越數日余六弟來致貞觀之意問序於余余不敏烏能序貞觀之詩乎哉雖然人情於昔之所欣慕而不得見者而一旦遇之往往不能已於言余於貞觀之詩始也聞聲而相思繼則猶以未睹全帙爲恨而今且無恨矣余方欲與海內之願讀貞觀詩者共贊此意而烏能已於言哉

大司寇屬南湖詩集序

余少學詩先文端公教之曰詩何爲而作哉蓋蘊於吾之性情抑揚咏嘆而不能自己者耳今之爲詩者爭取新麗夫新與麗非詩之旨也古人間一有之亦自然而新自然而麗而無容心焉若求新與麗而轉以蔽性情之真則不知其詩爲何人作也古之善詩者若晉之陶唐之李杜韋白宋之蘇陸輩不名其集而試誦其辭則知爲某作此無他其性情之真不可掩耳余敬受命不敢忘用以求時人之詩則合焉者蓋寡及與吾友南湖先生唱和之久而益有味乎先公論詩之旨也先公與賢尊文恪公事

聖祖仁皇帝同直南書房幾三十年余庚辰南宮獲售適與公同門既館選復承恩命同直南書房辰入酉出寒燠風雨無日不偕每歲扈從熱河則並廬而居並轡而行展履過從一味之甘必分而食之蓋二十年如一日也在直廬中日以詩爲課或者感時日之清佳眺山川之幽曠惜知交之遠別問題評古今書畫流連於花木禽鳥之睨睨而芬芳必發爲詩或公唱而余和或余唱而公和

既成則互相吟詠以爲樂公詩喜自道其性情不事雕琢而句字不妄下辭約而旨遠其於風騷之源漢晉唐宋以來名家之芳潤無不挹也其風格無不融也學者誦公之詩可想見公之性情傳之後世當與謀猷政績並垂不朽也顧余回想三十年來聚處吟咏之樂宛然昨日事而不幸公歸道山已五年余以衰頹精力日減不復能從事於吟詠追念先公訓誨之言欲從而末由惟公詩實得其意三復遺集不覺淚下交頤而爲序其大略如此九原有知未必不重有感於知音之永隔也

傳經堂詩焚餘集自序

廷玉七歲就外傳以多疾體羸兩先人愛護寬其課程不加督責十歲誦詩書聞師說粗通其意先公嘉獎以詩曰駒齒初韶髮覆眉頗憐聰慧異羣兒已通典誥兼風雅遠勝而翁十歲時自是令屬對並學爲詩嘗從遊龍眠別業先公有喜看玉兒剛十二也能捉筆詠寒蓉之句此玉學詩之始也嗣後攻舉子業無暇肆力於詩間有吟詠不多亦不能工年二十五舉於鄉二十九成進士蒙

蒙

御試拔置第一授館職供奉 內廷

聖祖仁皇帝聖資天縱博覽典籍研究精微欲編輯成書嘉惠天下後世承學之士於是開書局集詞臣分任纂修前後所成充溢冊府玉忝內直實無編纂與校勘職任所在不敢旁及且精神憊頓有志學詩而力有不逮故詩不多仍不能工及遷侍郎部事繁劇而年屆五十冉冉其將老矣學詩之願無時可遂竊念自束髮受書先公即以詩教而通籍以後遭逢

聖明趨承 禁近

天藻時頒常令廣和蕪詞拜獻輒荷褒嘉且錫賚  
便蕃超還不次皆人臣罕觀之遇而鑒與所歷如  
吳山越水龍沙鴈塞皆珥筆以從感恩述德之篇  
叠見於簡牘若自慚舛陋棄置不存將無以紀載  
歲時歌頌

君貺而於夙昔過庭之訓不且有負乎康熙辛丑  
壬寅間檢舊稿得詩二千首按年編次爲傳經堂  
詩二十四卷自序以藏家塾留示子孫雍正癸卯  
五月室廬不戒於火此稿遂爲灰燼覆瓿之物無

澄懷園文存卷七

五

可戀惜而耿耿不能忘者則惟

君親教育之故幸當時握管構思頗出肺腑近體  
詩尚記十之六七古體詩則僅十之二三因於公  
事之暇隨所記憶書短笺納於敝篋越二載啟視  
則得詩千首間從友人處獲向所書縑素及便面  
分體編次爲十四卷仍以壬寅爲斷名曰傳經堂  
詩焚餘集其間頌揚 鴻烈紀述盛典不免缺畧  
而思慕哀輓登臨贈答之什遺漏實多譬如既墮  
之甌不當返顧而強爲繕補遠愧古人達觀而出

於情之不能已或亦覽者之所曲諒也至壬寅仲

冬月

皇上紹登大寶玉以非才荷殊眷身兼數職叅預  
機務綆短汲深晨夕竭蹶心血虛耗故詩愈少而  
愈拙擬俟他時再爲編次不復入是集云

澄懷園文存卷七

五

澄懷園詩選自序

康熙辛丑壬寅間偶次前所爲詩二千餘首爲二十四卷名曰傳經堂詩集雍正癸卯夏室廬不戒於火是集遂成灰燼而時往來余懷思索而記憶者隨手錄之納敝篋中仍得千首弟姪輩言宜鋟諸版予感前事勉從之是爲傳經堂詩焚餘集十四卷以壬寅爲斷夫詩文舊稿搜羅於散失之後人情往往珍惜之思索記憶更不免有恕心焉削厠既畢偶一繙閱自覺多不足存且魯魚亥豕之訛不可勝數遂封置書簾即弟姪輩亦未之見也

澄懷園文存卷七

壬

乾隆丁巳二月四姪若震以浙藩入覲經旬聚首以未覩焚餘集爲言予告以故姪曰盍不親自別擇合近年所作而重鈐之武林有良工克供斯役爰於夏日退直之暇汰舊集十三而續以癸卯後作爲十二卷以雍正乙卯爲斷名曰澄懷園詩選其中有以事存者有以人存者不可以詩之未善而廢也編次既畢將寄武林笑謂兒輩曰此余卷中之詩予意中之詩不爾也蓋自幼奉教先公於風雅之義竊窺萬一心嚮往之而無如筆力不健學問不充又復牽於官守職益繁而勞愈劇

偶然捉筆不得專一思慮以達其心之所所欲言已詳焚餘集自序中今老矣意中之境界可望而不可即陸放翁句有云力尋氣餒心自知陸且云然而況謫劣如子者其抱愧於心又當何如顧念編次再三不忍棄置或爲覽者之所曲諒耶

澄懷園文存卷七

壬

許醇夫四書文序

上御極之元年旁求俊乂試貢士於南宮予偕高  
安朱公主衡文盟心披閱取其言之精純不愧端  
人正士者以仰副德造之盛心所得人士極盛海  
昌許生其一也生爲時菴大宗伯之孫立巖少京  
兆之子紹承家學淵源有自 廷對後 御試詔  
論詩序咸稱旨簡入庶常生之遇亦榮矣今生稟  
其制義將授之梓來乞余言余聞生少而好學鉅  
戶讀書凡經史百家無不手披口吟刻苦發憤有  
寒素所不能及者宜其發爲文章經術湛深渾涵

澄懷園文存卷七

七

演迤至於如是又聞生於性理諸書尤研究體驗  
不徒爲辭章之學造就殆未可量也因謂之曰自  
漢唐以來世家閥閥廩仕不絕者非徒高尚門第  
而已謂其嫻臺閣之規制習官府之章程如漢黃  
香父爲尚書其子瓊備諸曹吏事唐蘇頲李德  
裕父子相承一代詔誥都出其手宋世諸名臣後  
如韓持國范忠宣呂原明張敬夫輩潛心理學通  
達治體皆奉其家訓繼而承之故名著當時聲稱  
後世大宗伯以進士起家文章衣被海內事  
聖祖三十餘年贊化勲猷綽有古大臣風烈少京

兆廬謹飭躬罔失法度今許生能文砥行克振家  
聲群嘖嘖謂大宗伯有孫少京兆有子矣生甫釋  
褐受知

天子爲文學侍從臣行將備國家之任使佐廟堂  
之制作凡臺閣官府之故事平日所親承於祖若  
父者知已如黃瓊蘇李范張輩講明而切究之矣  
豈徒時藝一編云爾哉吾知生必有進於此者吾  
其拭目以俟

澄懷園文存卷七

七

澄懷園文存卷八

桐城 張廷玉 硯齋

王氏族譜序

宗法之立先王所以統攝天下之人心而導民敦睦也宗法廢而世譜興學士大夫將以昭尊祖敬宗收族之意必牘列世次支分派別以示來者於無窮而隱動其一本仁孝之心蓋猶有宗法遺意焉吾鄉香爐王氏元時由鄱陽來遷萬歷中纂成家譜重輯於康熙甲辰雍正戊申又續修焉自遷桐凡十有六世紀述詳備遷桐而上百有四世僅

澄懷園文存卷八

一

繫其名其自新安而屢遷者特追溯焉以明世系之所自出而諸王氏之非其族者雖華貴顯赫未嘗援附會以自侈其閥閭之盛所以致其嚴敬者如此周禮大司徒以本俗六安萬民先之以族墳墓聯弟兄而繼及於師儒朋友鄉三物教萬民亦曰孝友睦婣任恤蓋人能善於父兄必宜於九族九族睦而後及於親戚友朋以通於賙救自然之序也眉山蘇子曰吾所與相視爲塗人者其初一人之身也夫人於一氣之所分者尚以塗人視之而顧望其任恤於塗人不已舛乎故君子之用

心必將使人知族人之咸本於一氣則孝弟親睦

之意油然而生而婚姻洽比之風因之可以漸及

由一家以推於一鄉由一鄉以推於天下風俗之

美教化之成未嘗不由於是此譜牒之設所爲深

有功於世道而君子詳慎之不敢忽也吾鄉多聚

族而居兄弟子姓勞問時通慶弔靡缺情文藹然

即王氏觀之清門素業流衍鄉邦克念先疇世食

舊德以延守令緒亦可以想見鄉鄰風俗之美况

譜牒嚴整有法閱世增修遞相廣續於敦本睦族

之意深切著明又肫然動人仁孝之思於以見風

澄懷園文存卷八

二

化之行醇樸之美不亦休歟王氏之裔孫曰士鳳篤行能文舉庚子鄉試已酉分校山左能得人余延於家課兒子因得觀其家乘而爲之序云



錦囊冰鑑序

初春三弟寶臣以公車北來相見甚歡間手一編示余曰此叔姊近年所撰自題爲錦囊冰鑑願爲序以問世先是吾鄉楊古度有書曰龍文鞭影臚列古事依韻屬對以便童觀之學今叔姊踵成是書一準其義例而徵引繁富絕不相蹈襲余不禁喟然而心折也蓋叔姊天分穎敏夙耽圖籍幼承先太夫人指授沉潛訓解已而旁通淹洽於經傳史記百氏之說靡不領其意趣咀其精華雅好吟詩境之所觸心之所會濡墨含毫無拘一格大類

澄懷園文存卷八

三

歐陽子所謂隱約深厚守禮而不自放有古幽閒淑女之風先文端公殊憐愛之形於長句題其詩草稱許不置予少居里距叔姊家數武衡宇相望不時過從姊夫姚君湘門以世胄抱負軼才屏統綺浮華之習篤學摘文姊庀治中饋暇即歌詠唱和一室中絃帙盈床牙籤列架疎櫺斐几茗椀爐煙探事徵奇叅互揚摧子因以論難析疑若洪鐘應叩頓令心開意豁率以爲常自羈宦京師十有餘年故園姊弟迢遞相望迴憶曩時宛如昨日今紬繹是編摭摭博奧對偶精工鑒古知今有裨

學者微獨文林藝苑足快漁畋其傳後而行遠固無疑也昔謝遏絕重其姊然相傳咏絮解圍而外其他不少槩見吾姊之博物清詞著作滿家殆有過之無不及矣三弟謀梓其蠹窗全集先以是編論次已具予故略引其端云

澄懷園文存卷八

四

蠹窗詩文集序

自古著述之見於名媛者其人類皆博瞻之學淵通之識又多生長公卿閥閱家書籍繁富足以備搜求而擴見聞且其處芳盛麗之中獨有蘊鹽淡泊之致而綺紵金玉無足以槩其心故婦功之餘得以摭其志意於文章若惠姬之漢史宣文君之周官音義徐淑之駢詞宋昭莘之經學其尤著者也三姊蠹窗夫人其踵前賢而興者歟三姊生而聰慧工織紵組紃性嗜學少侍 太夫人讀書京邸簡帙盈案無不披覽 先公退食時嘗試以

蠹窗園文存卷八

五

與事應對了然所爲詩文輒襲前人法度論古有識用典故精當 先公甚異之及笄歸吳興與姊夫湘門先生閨門相屬和湘門世家清宦室靡長物吾姊總持內政湘門得以殫心於帖括之學憶吾姊居棠花館時余與諸弟先後受室歸里門常與湘門闌題角藝吾姊亦時時出其所爲詩歌古文辭每酒闌燈炮辨晰古今事不少休彈指十數年內吾姊裨益於諸弟者良多及 先公子告偕太夫人南還棠花咫尺吾姊時親色笑問起居而 先公暇日與子孫徵引掌故背誦古人詩篇

吾姊援筆綴詞動輒數十言所以娛 先公於衰

年者尤爲曲至也嗟乎曾歲月之幾何兩大人音容已不及見予與三弟繁官於朝回念當時團聚之歡逸不可得而湘門中年多病又永歸道山矣今幸兩甥成立家業不墜吾姊猶得藉餘閒斟酌其生平未竟之業跡其所得雖惠姬宣文君之屬何以加於此哉然使吾姊處芬芳盛麗之中而無蘊鹽淡泊之致則田園倉廩不無撓其心而撓其慮亦未必其學之博瞻而識之淵通如此也頃郵寄其詩賦古文辭若干篇命序於余將以授之剞劂爰撮其梗概而書之并以誌 先公先太夫人之遺教於不衰云

蠹窗園文存卷八

六

廿一史文鈔序

將欲食難蹠而飽集狐腋而溫肴脯百家餽飮諸子採蔀藪之僻稽商周之疑附會於三倉七緯搜神誌怪之書用以矜奇而闢博乎多則多矣吾不知其於古今來禮樂刑政田賦兵戎河渠平準之實學何裨也故學者治經而外急宜輔之以史蓋史之文經之案也聖人之言如神醫立方讀者知其然而不知其所以然惟精於醫者因病而悟方然後恍然於利害之未嘗絲毫爽也此史之所以案也世之貧於學者既目不識廿一史而貧於書

澄懷園文存卷八

七

者又有志欲購而不能一二藏書好事者鱗列滿前丹黃狼藉則又執論古之權聚古人之成訟曰遷之失也訐固之失也同蔚宗之失也誕壽之失也誣陸機干寶魏收李百藥諸人或失之謬也穢也雜也辨則辨矣吾不知其於廿一史中所載禮樂刑政田賦兵戎河渠平準之實學所得幾何也適江湖者順風揚帆日行數百里語人曰某都某邑我所經也至問某處之山川城郭風俗物產茫如也讀史而不求實用者何以異是夫一代有一代之文章一人有一人之筆力一代之史一人之

澄懷園文存卷八

八

筆力所成也或不無瑕瑜之參差至所載一代之文則必擇而後登無益者弗錄皆其有裨於禮樂刑政田賦兵戎河渠平準之實用而後鬱爲嘉謨發爲碩論者也讀之如五穀可以療飢紉帛可以飾體參朮可以資生益氣且讀之而其人可知其世可知其用不用利害可知未嘗不與五經聖人之言互相發明而悠然有會也顧其牽連於紀載之中紛溶蓊鬱不有大匠之斧斤孰爲撥其枝而擢其華者乎前明楚中戴正野先生早謝名祿枕經靡史著書滿家蓋實用力於學者而非徒以文見也生平尤精速於史輯其文之散見者爲廿一史文鈔萃古今之大成滙文章之淵海其所以沾丐來學者既優且渥以視洪景廬之手鈔資治通鑑其識爲更精較趙無聞之讀史快編而義尤深遠矣流傳既久板再雕而又泐五世孫濟川輩殫力重刊而乞序於余余惟世人經營以利其後人者無不至歷五六傳而所殖十頃田千頭橋何有也又曰遺子簾金不如一經此猶爲私計耳曷若是書貽子孫而餉來學其澤遠而公乎先生之逝將百年矣而後人皆以能文好古世其家又能愛

敬其先祖之著述而殫力以新之嗟乎賢已此即先生讀書著書之報也顧余猶有進者先生之爲此鈔也非徒以文而已固期學者擷其華而茹其實考典稽功經世華國以成知人論世之學若徒逞記誦之繁多勦詞藻之錦繡徇兩漢之規矩逐六朝之浮靡買櫝還珠雕蟲販巧其與空疎襍積者相去幾何不且深負先生津梁誘掖之苦心也哉

張少宰又仲年譜序

余家又仲少宰既歿之明年文孫非能奉其手編年譜來請序於余少宰與余宗誼素篤往者共事秋曹時相過從稔悉其生平治家居官大節自少宰告歸時相念未能去懷癸丑冬月奉

恩命歸祀先文端公道過東阿少宰來晤於旅舍相與握手道舊甚歡及寅春還朝過阿而少宰已抱恙不得見未幾而訃音至矣風微人往東望淒其今觀其所著年譜平生閱歷恍然在目尤令人慨然悲肅然敬也少宰幼孤太夫人撫而教之俾

至於成人爲諸生即負經濟才嘗建白鄉里利害爲當事所採擇迨筮仕秉鐸課士有方修黌宮廣號舍請旌忠烈節孝學校振興已丑成進士授刑部主政年已六十餘矣而精明強幹雖少壯弗如案牘無淹滯侍班時

聖祖仁皇帝垂問擢御史旋主計典司賑糶公慎明敏稱其職

皇上御極之元年陳時政稱

旨擢順天府丞旋遷府尹畿輔旗民雜處政務繁劇風清弊革屢遷廷尉掌銓衡仍兼府尹夙夜匪

懈事皆秩然就理謝政家居優游山水者將十年  
蓋其得於天者厚如此其生平窮達出處備於是  
編可考而知也嗟乎人生天地間不過數十寒暑  
耳倘碌碌無可稱述雖欲自表著何可得今少宰  
自幼而壯壯而老皆可以不忤於心而書之於譜  
雖晚遇而荷

主知雍容廊廟風節矯然他日述列名臣當不愧  
其選則是編可以備 國史之採擇且奕世子孫  
誦芬揚烈展對之餘當有油然而思繼清白之休  
風者則即以作少宰之家訓可也是爲序

大學士白公家傳序

古者名卿碩輔勲烈蓋當世奏議傳草野洋溢國  
史照耀家乘者其人大抵入則寅亮三公出則旬  
宣方伯若禹治水益掌火公旦公奭循行都邑採  
民俗歌謠上陳斧戾其說載乎尚書風詩洎乎後  
世若唐裴度李德裕宋韓琦范仲淹輩出典大猷  
入叅政事蓋久歷封疆周知風土得失並閭閻疾  
苦其焦思殫力經營籌酌者委曲詳明諳達持重  
可以乂安乎兆姓以爲國家養和平之福大雅曰  
出納王命王之喉舌賦政於外四方爰發總內外

職業而言之也而大臣以一身兼之詎不偉歟今  
大學士東屏白公其人也公始仕爲中書舍人時  
先太傅在政府甚器重之迨後枚卜余忝正卿又  
與公朝夕襄事故生平宦蹟聞之最詳其由侍讀  
出而觀察八閩移治青齊廉憲黔南開府豫章始  
終垂三十年凡察吏阜民恤刑戢兵修堤防開書  
院增解額卓卓成績堪銘彛鼎而旌太常累荷  
聖祖溫綸褒美賚子稠渥其爲大司馬時疏通營  
務尤得政體

世宗御極眷注更隆作相三載嘉謀嘉猷入告於

內多非外廷所知者予既與公同朝佩服最深茲  
臨川李少司農詮次其訐謨讜論作爲家傳余喜  
其可以載諸國史垂之不朽因爲上溯詩書下及  
唐宋諸名臣建立而序諸首以見公之歟歷中外  
庶幾可抗希古大臣之芳躅也然公性謙冲退然  
不矜其功德蓋以病林居者且十餘年今仍布袍  
藜杖優游課孫於東郊之菜園云

癸卯 恩科順天鄉試錄序

聖天子嗣大歷服君臨天下勵精圖治旰食宵衣  
仁心仁政之廣被同於覆幬大順大化之流  
行捷於風草尤於作人取士三致意焉粵稽  
虞書紀帝舜於元日格文祖即闢四門以來  
賢俊明四目達四聰以決壅蔽我  
皇上求治之心與虞帝若合符節開薦剡之風伸  
直言之氣人才之在位者鼓勵已至而鄉會  
試爲士子進身之階  
詔廣額

特恩加科搜羅巖穴之士連茹彙征備

國家之器使猗歟盛哉虞書所稱翕受敷施九  
德咸事正今日之謂矣四月上浣當順天賓  
興期

特命<sub>臣</sub>廷玉貳左都御史加吏部尚書銜<sub>臣</sub>軾董

厥事時<sub>臣</sub>正扈從

法駕驚聞

寵命即於

行幄前啟奏備陳不克勝任之懼

上諭以惟公惟慎何事不辦往哉汝諧伏念<sub>臣</sub>父

先臣英事

聖祖仁皇帝四十餘年由翰林游歷崇階旋登政

府日侍

內廷親承

顧問

殊恩異數冠於百僚臣父以方正持身以誠恪盡

職臣自束髮受書臣父即訓以忠孝大義材

質庸陋深愧箕裘猥蒙

聖祖擢置中秘累遷至貳銓衡供奉

禁林兩世相繼校文鎖院三次叨榮我

澄懷園文存卷八

主

皇上臨御以來臣蒙

眷注擢長秩宗

賜予之便著

恩遇之優渥天高地厚莫可仰報茲復

命以掄才重任臣愈增惶懼倘絲毫不公不慎則

負

兩朝聖人之知遇不忠孰甚焉臣涖官不敬背庭訓

而隕家聲不孝孰甚焉此臣之所大恐而夙

夜靡甯者也入闈之後與臣賦率同考諸臣

焚香告天虛心商榷先分去取後定甲乙得

士如所廣額數錄文二十首進呈

御覽臣例得颺言謹按周官以鄉三物教萬民而

賓興之鄉大夫三年大比考其德行道藝而

興賢者能者我

國家設科取士因明之舊制士子榮進自舉於

鄉始登賢書而歌鹿鳴即周官之遺意也而

孝廉之名則又本之於漢蓋自西漢元光元

年令郡國舉孝廉各一人其後漸增光祿勳

歲以四行考之一曰質朴一曰淳厚一曰謙

遜一曰節儉論者謂隋唐後之進士明經即

澄懷園文存卷八

去

東漢以來之孝廉也夫有孝廉之名則必責

其實今之舉於鄉者果能合於大司徒之三

物不愧於光祿勳之四行否歟我

皇上側席求賢舉行曠典深詔執事抑浮夸而黜

奔競

欽命四書三題以言物行恒敦倫務本之意訓飭

多士所以求士者誠矣多士所以應

詔者可不以誠乎孝者賢之實也廉者能之本也

敦漢制之四行備周官之三物爲大儒爲名

臣要不越此多士幸際昌期釋褐登

朝彈指間事然不難於一歲成進士而難於終身

為孝廉當愈加砥礪本事親之心以事

君裕有為之業於有守以仰答

生成樂育之恩於萬一臣所厚望於多士者在此

而為

聖主鼓勵人材者亦在此遂書以綴於簡末

澄懷園文存卷八

七

癸卯 恩科會試錄序

皇上御極之元年大化旁流仁風翔洽誕興文教

廣育群材

特詔鄉會兩科一歲並舉且增加原額夏四月臣

廷玉典順天鄉試蒙

恩晉秩宮保榮極愧深非伊朝夕九月會試

皇上過信臣愚仍使與左都御史臣軾同主試事

承

命之日戰汗悚慄伏念臣世受

國恩當

澄懷園文存卷八

八

聖祖仁皇帝時臣父先臣英服勤四十餘年預忝

機務臣兄弟三人俱由詞臣侍從臣供奉

內廷屢遷吏部侍郎

皇上龍飛復蒙

眷倚命作秩宗兼掌翰林臣弟臣廷璐典試八閩

晉秩學士臣於京兆試竣既叨殊榮而臣之

子弟廷珩若震若涵等三人又蒙

特試激賞並

賜舉人一門之內受

恩至渥茲復校士南宮臣廷璐亦共事鎖院



皇上擢臣爲地官之長

命臣廷璐視學中州仰戴

天光繹思庭訓負荷重而報稱難凜凜若涉冰淵

謹與諸臣晝夜批閱詳校慎取得中式卷如

額我

皇上軫念人才惟恐尚有遺逸

特詔佳卷之在額外者一併進呈考官子弟之引

燠者悉令補試

欽賜中式九十人而廷珩廷璩若涵三人俱蒙

恩遴選臣廷珩入對

澄懷園文存卷八

九

大廷復蒙

拔置二甲第一

天語優獎臣自顧疎庸叨冒

恩遇

天地生成何以仰答用是交相告誡共矢忠誠而

尤有不能已於颺言者粵稽詩書所稱二帝

三王致治之隆莫不以求賢得人爲先務是

科取士正當鳳歷紀元之始我

皇上求賢若渴出於至誠訓飭考官使精白一心

化導羣士俾進必以正加額加科一試再試

雖二帝三王之用心不是過也臣竊觀虞廷

官人數奏以言必明試以功成周之法士以

道藝升於學者司馬論辨官材論定然後官

之任官然後爵之位定然後祿之至於夏后

之於九德必廸知忱恂成湯文武之於三宅

三俊必克知灼見蓋必考之以實德驗之以

實行課之以實功而後國家始得其實用今

臣與諸臣所詳校慎取者不過羣士數奏之

言而已願羣士無徒以言爲先資而實進其

德實勵其行實致其功勩相我

澄懷園文存卷八

十

國家然後無負於

聖天子求賢若渴之誠而臣亦得藉手以稍答屢

世之

恩遇矣

甲辰科會試錄序

欽惟我

皇上聖聰作后至治誠民運際中天文明炳蔚旁

求俊乂惟日孜孜

御極初元特設鄉會恩科以廣樂育仍

命癸卯甲辰正科於次年舉行甚盛典也越雍正

二年秋八月會試禮部貢士

命偕臣軾暨臣敏臣貽直同主試事伏念臣世受

國恩躬蒙

殊眷崇階屢晉

澄懷園文存卷八

三

寵渥逾涯元年而與棘闈榮懼交并祇遵

聖訓幸免罪戾乃以兩年之內三秉文衡遭人臣

不世之過深恐無以仰副委任至意謹與諸

臣共相戒勉晝夜搜閱得中式文若干卷復

甄佳卷限於額者進呈

欽定再取若干卷事既竣例當錄文以獻臣謹拜

手稽首言曰士不惟科名進取之爲榮而遭

時之足幸夫聖帝王曠世難逢彼唐虞之

際百僚師濟野無遺賢成周盛時菁莪棫樸

之化行而卷阿鳴鳳之音繼作讀其書者未

嘗不流連感慕思一置身於其間逮數百千  
年以來未有際斯休美者豈非時之難得也  
歟

皇上以神靈首出之姿當重熙累洽之運繼

聖祖仁皇帝壽考作人之盛蓋唐虞三代之治於

今再見矣而多士得以其修之於家者進而

爲

國家用千載一時其慶幸爲何如也抑臣於多

士更有進者臣自元年與南宮之役至今僅

十閱月耳今之取者其什之六七皆向所遺

澄懷園文存卷八

圭

也諸生之文豈盡此妍而彼嫵此工而彼拙

臣之鑑又豈闕於前而明於後然而取舍殊

而得失異者蓋有數焉不可強也夫知得失

之懸於數則今之得固可忻而向之失可無

憾即今之未得者亦可以自安矣多士登朝

服官異日顯晦升沉淹速遠近之致萬有不

齊得失之數無以異於今日惟恪修厥職而

安於義命庶不流於苟且不肖之歸而進之

即可爲臯夔周召之佐臣亦藉以報稱萬一

有餘榮焉

聖主在御如日中天弊竇肅清士習端謹多士既不敢以不正倖進而臣尤諄諄以守職安命相戒者感

聖主之遭逢以今日之時之難得而深望多士之始終一轍自勉而勿怠也

丁巳 恩科會試錄序

國家文教誕敷重熙累洽

皇上紹聞衣德用康乂民太和涵濡萬物得所乾隆二年三月值

恩科會試之期多士雲集輦下至五千餘人逾邁疇昔

上命臣廷玉偕左都御史臣福敏內閣學士臣索柱吏部侍郎臣三辰典厥事伏念臣廷玉父子祖孫世受

天恩至優至渥遭逢極盛報稱愈難雖殫竭駑駘

何能酬

高厚於萬一自雍正癸卯甲辰一典京兆試事再典南宮試事幸無隕越仰蒙

世宗憲皇帝溫語褒嘉實滋愧悚自時厥後精力日衰不敢復當衡文之役茲逢

皇上紹登大寶特開

恩科謂臣年老尚克勝任聞

命之下感懼交深爰再得盡觀天下之文而求所以稱任使之意勉竭心力慎之又慎既得士如額而臣姪若需復得以迴避卷在

欽取四名中有榮幸焉事既竣例得選其文之尤

雅者鏤板以獻臣謹拜手稽首颺言於簡端

竊惟聖王興道致治必以得人爲先務詩曰

濟濟多士文王以甯求賢之效也士子幼學

壯行恒思見用當世易曰觀國之光利用賓

於王靖獻之階也進士之名見於王制自隋

始設科盛於唐宋以迄元明

國朝因明之制百年於今碩儒名臣及公卿侍

從百執事之人藉以輔理承化者出於科目

中十常七八其關於天下之治豈小哉蒐擇

澄懷園文存卷八

五

裁量緊司衡者是職此臣所以不敢不慎也

科舉之制試之以經義又試之以論策表判

詔誥之文體用具備而經義一道積數百年

之專且久極巧窮工而按其源流派別岐趨

旁鶩之途亦多矣場屋中式之文尤爲一時

標的風氣所趨或有偏向至於十餘年而乃

一變此臣之所尤慎者也茲役也臣與諸臣

晝夜校閱不敢謂盡有當而所取之文必以

根極理要體會神旨沉浸經術者爲宗其餘

推陳出新不拘一格咸歸大雅而庸庸險僻

皆所勿錄昔明臣李東陽有言曰今之爲經

義者議經晰理細入秋毫而大義或畧役意

造語爭奇闢博而正氣或不充其見諸猷爲

事業者將何如也臣嘗竊歎其言之識體要

是以評騰取舍尤不敢不慎之又慎以期無

負

國家求賢致治之意若夫多士幸生右文之時

恭逢我

皇上建中和之極金聲而玉振之

躬行心得發於文章無非皇極之敷言

澄懷園文存卷八

五

聖學高深涵濡經史超越千古多士策名

天府依日月之光得訓行之要將何以內返諸已

無愧

清時之碩彥而揚鴻麻贊上理哉子夏曰仕而

優則學學而優則仕仕與學無分途也仍在

多士勉之又勉而已臣於對揚

休命之下更用以勗多士而爲人文化成之助焉

送都御史石湖楊公 予告歸里序

乾隆三年秋都御史楊公以年踰古稀陳疾引退  
天子降詔優答既可其奏仍命在籍得支給一  
品俸如涖官時時公子琨以比部郎乞假扶持以  
行祖道有日矣於是同朝之彥暨公之門下士交  
惜公之去而又羨公之被榮遇也各爲詩歌以贈  
行而以余與公居同鄉同舉禮部同官於朝知公  
之行事也悉而問序於余余爲之言曰公之去豈  
徒以能退爲高者哉吾聞之難進而易退者介石  
之貞操也知足不辱知止不殆者道德之微言也

澄懷園文存卷八

壬

若裴公居綠野白傅在龍門詩歌述之而漢之二  
疏好事者至傳爲圖畫然余以爲此猶旁觀者之  
意耳士君子遭遇明時得位行道必有利濟之能  
報稱之實進退無愧而後可爲完人若乃遺寵利  
樂邱園則一介節之士能之矣夫公之去而豈徒  
以能退爲高者哉公早以名節自勵年踰壯登第  
起家浙之浦江令浦江劇地公禁包苴杜干請姦  
胥猾吏無敢飲法舞文報課稱最擢儀曹郎授御  
史守正不阿凡有陳奏皆關大體輒蒙俞允既而  
晉館卿丞奉天陟納言贊風憲所至皆著聲績其

在中樞也勾稽惟謹七兵之政秩如其無攝中銓  
也綜敘平允一時有簡要之目已酉主順天鄉試  
癸丑主會試甄錄得人公明交頌今

天子踐阼勤求治理慎選羣僚而尤篤眷舊臣以  
南臺爲風紀之司非得耆年碩德者居之不足以  
整百僚持天憲也特簡公爲左都御史公正已率  
屬飭綱陳紀不爲巉刻而中外肅然蓋公自外吏  
以至九卿始終皆以忠誠結

澄懷園文存卷八

壬

主知所以報稱 國恩利濟民物者如此比年公  
已踰七十而夙夜在公勤勞匪懈寤寐中惟恐負  
委任之至意今者以偶患微疴陳情乞休叨沐  
恩綸得返林壑噫進退如公可爲完人矣余聞古  
之人身居隴畝而以天下之憂樂爲己任吾省爲  
東南一大都會

聖天子情殷民瘼惟日孜孜公歸與鄉 之父老  
歌詠太平宣揚德意身雖在外乃心罔不在王室  
又何廊廟江湖之別乎然則公之去誠足爲榮而  
播之歌詩傳爲盛事固都人士之所不能已也爰  
綴數語以爲之序

澄懷園文存卷九

桐城 張廷玉 硯齋

丁巳科會墨選序

乾隆二年春會試貢士於南宮余承寵命偕龍翰福先生暨索姚二公得盡觀天下之文取士三百餘人文及千首美不勝攬蓋國家教澤涵濡百年於今人文若斯之盛也竊謂制義一道陶冶既久士之殫精研思於其中者日益工而轉相慕倣亦屢變而未有已昌黎韓子不云乎文無難易唯其是耳又曰古聖賢人所爲文具存師其意不師

澄懷園文存卷九

一

其辭然則艱深文淺陋沿襲爲揣摩均無是焉意者通今學古神明規矩而不悖於修辭立誠之旨庶有當乎退直之暇因即全墨點定百篇先付剞劂佳文尚多俟登全帙此猶半豹而已夫文章之道作者難知者亦不易顧余何人竊念受恩

二朝分校者三主京兆試及南宮之役者四於文之真贗略能辨之庶幾識途之老馬然而數十年來晨夕內廷於文藝久荒棄又年老矣精力日衰決去取於一日之間其庸敢謂盡有當乎顧慎之又慎必求其是以期無負造士之意於是編乎在

亦質之天下知言者不識以爲何如也

澄懷園文存卷九

二

丁巳館課序

歲丁巳余被命復主南宮是科之士選入庶常  
備用館閣者凡如干人既御試授職錄用有差  
於是三年矣將舉其館課諸賦擇而合刊之成爲  
一書仍故事也夫蓬觀道山侍禁近而籍華貴  
晉朝荀勗比榮鳳池唐代瀛洲望同仙客甯抱槩  
不爲監自宋至今地勢愈重顧國家所以優隆  
之殊絕他曹者唯以文章而已前世謂辭賦之學  
不如經術乃蘇文忠公又言凡爲辭賦非徧誦五  
經子史即不能工且唐以賦取進士名臣將相皆  
出其中觀杜牧所云得人亦槩可見也且賦者古  
詩之流六義之一史籀史克周魯之烈彰焉生民  
清廟后稷文王之德顯焉國家重熙累洽功業  
龐盛其欲揚豐美而頌景鑠非有西京東都鴻生  
鉅才不能任也故柳河東謂思報國恩獨惟文章  
昔之有識者又比之於經國之大業二三子從事  
乎此揚菁華之美以表斧藻之光吾知盛形容而  
大發揮由此其選哉願益相與勉之而已

澄懷園文存卷九

三

同館課藝序

翰林爲國家儲育賢才之地職親而務簡專一思  
慮以經術文章爲課績我皇上右文稽古加意儒臣一時文學之士皆得躋  
列清華師資講肄著作多斐然大雅之音編修鍾  
子仲恒彙聚近科以來詩文爲一集先以賦頌若  
千篇授梓請序於余古稱登高能賦可以爲大夫  
而班固言抒下情而通諷諭宣上德而盡忠孝雍  
容揄揚雅頌之亞其盛乃與三代同風固未可以  
雕蟲霧縠薄而不爲也我

澄懷園文存卷九

四

聖祖仁皇帝嘗以詩賦試天下博學宏詞之士得  
人極盛而今制庶常散館御試有制藝有論有  
詩有賦至國家舉行大典恭遇慶賀與夫嘉祥  
上瑞宣示在廷則詞苑諸臣往往有進御之作  
館閣之重賦體也尚矣夫應制之篇以和平莊雅  
爲貴氣雖馳騁有餘而音之厲者弗尚也意雖跌  
宕可嘉而格之奇者弗尚也語雖新穎巧合而體  
之佻者弗尚也詞藻雖豐徵引雖博而言與事之  
凡俗者弗尚也鞞鐸之振厲不足語雲門韶濩之  
鏗鏘林壑之幽深不足語建章鳩鵲之鉅麗雉頭

蟬翼之瑰異不足語山龍黼黻之文章揚子雲有言詩人之賦麗以則又曰中正則雅而王仲淹以謹而典約以則爲君子之文居承明著作之庭當授簡簪毫之任固不徒以抽秘逞妍儷紅媿白爲能事也是編所錄大都官商協應抗隊得宜藻思芊眠首尾溫麗合纂組以成文列錦繡而爲質要其程材效伎按部就班極磨礪追琢之功有俯仰揖讓之度殆所謂詩人之賦而君子之文學者本之漢魏大篇以立其幹祭之唐宋近體以暢其支而以是編爲之標準楷式於以鋪張盛烈鼓吹休明彬彬郁郁將進而與三代同風者其在是歟爰不辭而爲之序

國朝館選錄序

自古右文之世必慎選儒臣置諸左右以爲典學之助漢有金馬石渠蘭臺東觀宋有總明陳有德教周則虎門麟趾齊則仁壽文林唐則麗正集仙開元中乃定爲翰林院修金鑾之密記建學士之新樓至今藝苑猶艷稱之而庶吉士之名則自前明永樂甲申始相傳是年命解縉合三科選之得二十八人以應列宿其後乃著爲例至會推閣臣非由詞林起家者不與焉吉水劉文節之言曰近代命相皆取詞林詞林雍容雅度一切齷齪猥瑣曾不關其慮博而習於故靜而徹於幾能以事外之身策事成敗惟詞林爲勝然則國家之所以設立詞臣與詞臣之所以報稱國家者槩可知已我國家重熙累洽文治先昭詞臣之設因仍舊制而寵禮優渥不啻倍萬過之百年之內化澤涵濡人才輩出宰輔之任多由是選而其他之列卿尹膺封疆者類能有所建豎卓絕於時得人之盛超越隆古我

皇上纘承鴻緒盛德日新登明選公惟恐不及而於文學之臣尤所鄭重其考課有特其優卹有禮



其登進有階而且進講則親承 聖誨矢歌則仰和 天章乾隆九年新修翰林院落成 鑒輿臨幸親灑 宸翰以褒勵之譙賚便蕃俾各爲歌詩以紀其盛恩遇之隆亘古未有故仕宦者以科目爲榮若科目而至詞臣則榮之榮矣因思列科進士皆有題名之碑登科之錄以誌一時隆遇至庶吉士爲詞臣發軔之始允宜勒成一書俾後之覽者有所稽考昔頗留意於此而公務紛繁未遑屬草門人沈椒園侍御由博學鴻詞科入翰林留心掌故考自 國初以來凡進士之改庶常者彙其

澄懷園文存卷九

七

姓氏里居都爲一集題曰國朝館選錄而問序於余余念自先文端以弘文院庶吉士游登相位掌院事者十二年廷玉無似繼文端後亦起家庶常迄於今職掌院事者又二十四年矣且屈指吾家自先文端而下三世入翰林者凡九人同祖者又二人是廷玉一門也 聖朝恩遇至深至厚而自慙衰老報稱無術披閱是編不禁感與愧之交并既嘉侍御之先得我心而又願世之登是錄者咸克自奮勵以毋忘 國家教育之意也於是乎書

蘋邨類藁序

德清徐宗伯學士蘋村先生集若干卷帙同而名異詩則以次彙錄文則計體而分皆公手自編定而總之曰蘋邨類藁刊布海內三十餘年矣公之曾孫侍御以升更取先生晚年詩文續爲一集合而行之蓋將公諸天下而不敢以自秘也予嘗讀而論之曰先生之文如天開日晶龍翔鳳躍其門戶出自韓歐而紆徐委備渾灝流轉亦殆兼之先生之詩道情狀物窮態極妍飄飄乎凌虛而御風得唐人之三昧聞初學杜老晚年兼愛子瞻要其

澄懷園文存卷九

八

才大律細自閤畦逕追古作者不虛也雖然余稱先生不若先生之嘗言者先生嘗言詩文矣曰人有撰著必其學術之富道理之明交遊之廣登眺遊覽之遠且奇或身經一二不可磨滅之事蓄積久而後發爲文章庶幾其有成也余所見聞先生無書不讀博物洽聞學術富矣生平爲純儒之學藹然粹養寵辱不驚見道明矣生文獻之區際昌明之日與賢豪上下其議論交遊廣矣吳興故山水窟日泛舟苕霅間其後更浮大江涉彭蠡北渡大河南踰五嶺胸中之五岳足跡之所經遠且奇

矣少經多故年及艾乃通籍遭逢

聖主承恩於殿陛之間拜賜於湖山之下所身經  
不可磨滅之事多矣又遂初最早家居最久享年  
最高而手不釋書口不絕吟所謂蓄積久而發爲  
文章豈偶然哉然則先生之言固自道其生平之  
得力他人言之不若先生自言者之尤親切而詩  
文類別部分亦可以兼考公之生平行事與其耄  
而好學不倦也嗚呼盛矣竊謂國初以來

至先生輩爲當代詞

壇領袖一時若毛西河朱竹垞諸公皆在浙西文

澤懷園文存卷九

九

采風流標映宇內先生固其首庸已因侍御之請  
而爲之序

編修儲中子文集序

中子儲君以文章雄海內四十年承學之士得其  
單辭隻句不啻吉光片羽不必全帙也康熙丁未  
歲尊公 先生與先文端公同提南宮稱莫逆  
交自是兩姓世好最篤子慕君名久矣及君成進  
士文愈粹名愈高乙未春

聖祖仁皇帝親試文學之臣於乾清宮拔君第一  
特加優獎入直內廷余故推重君君亦深契余

行宮便殿出入必偕時諸君各以詞賦相切劘君  
獨銳意爲古文其持論一以經術爲主而取則於

澤懷園文存卷九

十

八家沿流討源諄復不厭一時友朋文字之樂至  
今可想見也洎君返初服余以菲材謬承 兩朝  
恩遇文書鞅掌無暇講筆墨事雍正癸丑哲嗣寬  
夫與兒子若靄同授館職謁余私第相見之次即  
以家集爲詢蓋余不能爲君文而知君之深者莫  
如余也今年春出君遺集一編示余發而讀之集  
中所載大抵論文之作爲多其沿流討源諄復不  
厭如在內廷相質時其他碑記論斷率根柢六經  
有典有則與論文之旨適合有物之言其必傳於  
後無疑夫以君之才俾得大展其猷爲經術之用

必有可觀即不然而操文柄以衡量人材古學之興旦夕可俟乃僅優游田里以著述終豈文章之與福命洵有難齊者耶然使君果則文書鞅掌應亦與余等豈能卓然成一家之言以自見於世然則誦君之文既不勝今昔之感而又知文章福命其得失輕重正不可以常見論也於是乎言

蠹窗詩二集序

先太傅以六義教於家一門之內時以翰墨為娛三姊於諸昆弟中最為穎異幼承太夫人之訓組紉之外無課以詩即景命題藻思綺合先太傅絕愛憐之時余兄弟方治舉子業無暇肆力於此姊則用志既專學殖益富詩亦駁駁日上每花晨月夕羣從咸在闥題賦詩兩大人顧而樂焉雖謝庭咏絮之雅不是過也姊夫湘門以名家子負雋上才紙閣蘆簾唱酬無間甲辰之歲曾襲其前後所作都為一集名曰蠹窗詩集一時思親念

弟流連光景之詞皆在焉余為序而授之梓論者謂其清真古雅直可參作者之林不徒於閨秀置一席也後余兄弟俱宦遊京師余復謬蒙三朝知遇洊歷清班入叅機務退食少暇詩學久荒姊亦中年牽於婚嫁之累米鹽瑣屑不廢吟咏郵筒往復必侑以詩詩格愈蒼詩律愈細余每得一篇輒為嘆服不置蓋其天分既高而記問之博又足以達之宜其詩之與年俱進而未有已也雍正六年次甥鉉蒙恩授通州判官迎姊氏於官舍便道過余賜園白頭姊弟相聚一堂上述

君恩下思庭訓泛澄波登廣榭一花一木悉入品  
題寫恬適之高懷極天倫之樂事今年春姊氏頤  
養里門子姪請讀其全集因發其未刻之作數千  
餘篇屬方君貞觀及親串中善詩者嚴加別擇得  
若干首釐爲六卷其中北遊草二卷則就養京師  
時之所作也大抵姊氏之詩發揮性情陶鑄經籍  
而出之以冲容秀潔蓋 兩大人之詩教如是讀  
蠹窗集者自能辨之第念姊氏春秋既高雖康強  
善飯而憚於舟車不能常作北行而余以受 恩  
深重又不放遽所退休計回憶家庭聚首之歡恍

澄懷園文存卷九

七

如昔夢執筆書此蓋不能無感於中云

恭進紀 恩詩序

粵閩逢困敦之歲

皇帝御極之九年也熙運隆洽仁風滂皇文學侍  
從之臣布列有位逢掖道藝之儒游泳庠序  
於時 臣鄂爾泰 臣張廷玉適領翰林院掌院  
事院署 歲既久蒙

特遣大臣賚帑鳩工葺而新之崇簷邃宇翼如煥  
如爰

親灑翰墨題署榜書曰稽古論思志勗勉也曰集  
賢清秘重職守也陽月庚午合樂真宴以落

澄懷園文存卷九

古

其成大學士九卿給事御史之當隸職翰林  
者以逮庶常吉士咸與陪列旨酒陳芳饌御  
笙簧間作禮儀備舉乃用唐張說詩爲韻  
御製二章兼綜始末諸臣次第分賦復廣爲柏梁  
體聯句與宴者百六十餘人以序相屬賡颺  
喜起紉縵光華斯文與三代同風景樂躋唐  
虞而上郁郁焉洋洋焉詞林之曠典也更  
念賓興額俊萃於貢院多士彙征之通津司衡嚴  
密之重地弭節

駐輦周覽文場

題額賦詩頒示中外勒石以昭永久載登觀象之

臺在璿璣玉衡然後鳴和鑒建華旗隱隱麟  
轡旋蹕於

穆清是日也麗景春熙榮光宇暢嘉澤浹鴻藻  
鋪天文人文美矣備矣尚書臣梁詩正等以  
直

禁廷涵沐

聖德自以邁千載一時之盛遇鳧藻詠歌情不容

已夫掄揚鴻休播於雅頌儒臣職也恭逢

嘉會安可無述臣鄂爾泰臣張廷玉叨榮逾分

澄懷園文存卷九

圭

感悚交至序諸臣之作敬塵

睿鑒臨筆惶愧罔知所云臣鄂爾泰臣張廷玉拜  
手謹序

### 姚氏宗譜序

吳興姚氏元時自浙徙於桐其始祖勝三公傳至  
於今十八世孔銓兄弟輩爲十四世孫子姓蕃衍  
仕宦衆多族譜一書由來舊矣康熙丁丑鶴山先  
生重編之鶴山爲余姊夫銓其仲子也先生端方  
節氣重宇內尤以孝著

天子旌之其重編族譜也尊祖敬宗收族之義備  
矣銓十一歲而孤每追念其先君子至泣下苟有  
可以紹其志者雖艱巨無弗爲三十以後用薦官  
粵東有賢聲擢郡守以余姊太恭人壽八十請養

澄懷園文存卷九

共

歸里太恭人篤於宗誼存恤備至銓觀感固深時  
族益大人益多德行功績可紀者衆距丁丑又四  
十餘年其伯兄孔鈞方承母命官於吳未暇也太  
恭人曰汝侍子側盡爲之銓承命取鶴山先生舊  
譜增爲十卷問敘於余吳興余外家世爲婚姻其  
家世不待述第思譜系之學源於世本由晉以降  
或撰家傳或家紀或世傳或序訓或家世編無非  
譜系之意蓋本支明則宗族易敦家誠約斯子孫  
可守賢者表其德不肖者沒其名善心逸志有所  
止發嗚呼仁人孝子之心歟銓善讀書識治體凡

事務其大其歸也爲母歸其續譜也爲父續夫鸞  
鷺之生本於丹穴琳瑯之產出於藍田視其種也  
鶴山先生之得此于其子也宜矣且鐸以用世才  
今克明其譜牒昭穆宗庶不紊其規尊卑長幼不  
乖其分不圖近而忽遠不先疎而後親易稱正家  
而天下定恭逢

聖天子孝治涵濡鐸之所以報効者方未艾矣

空明閣詩序

表兄姚別峰吾舅氏非菴公之子也舅氏以名進  
士作令浙之蕭山遷陝之階州牧清風惠政不愧  
古循良至今兩地有甘棠之頌子五人皆秉過庭  
之訓風流文采輝映一門別峰其次也丰標玉立  
有光明磊落之概負異才聰穎絕世於書無所不  
讀古文則取法於太史公駢體文則沐浴於庾子  
山楷書則師趙文敏而得其神似其爲詩也不名  
一家而緣景會情曲折善肖靈心濬發藻采橫流  
按之古人又靡所不合詩餘則以姜柳之風華兼

蘇辛之豪邁今之詞人或未之能先也別峰生於  
甲辰長予八歲吾兩人中表之誼不啻手足予初  
學詩即就講論有師資之益從此唱和無虛日康  
熙癸酉秋別峰應京兆試獲雋一時名噪輦下名  
卿賢士之善詩者無不傾倒先文端公偶攜一帙  
至南書房澤州陳文貞公華亭王司農公靜海  
勵文恪公皆擊節稱賞呼爲才子顧以清白之後  
家計蕭然饑驅走四方已卯秋急友人之難赴閩  
卒於錢唐其生平所爲詩多散失不存嗚乎是可  
悲矣別峰兩子長孔猷次孔鉞皆能讀父書繼先

志孔厥爲大名通判有廉聲屢薦膺今彙集其遺稿曰空明閣集附詩餘一卷而乞序於予夫知別峰之生平者莫如予與別峰講究詩學之深且久者亦莫如予何忍以老拙辭予嘗謂詩文出於性靈者必傳於後世自愧筆力孱弱意有所會覺古人詩境近在眉睫間握管追之邈不可得讀別峰作而予意中之詩往往遇焉蓋浸淫於古而能自達其性靈者人多以別峰抱負非常而享年不永無所展布爲之惜予謂空明一編如隋珠和璧爲世所寶貴雖海枯石泐而其光氣自不可磨滅

澄懷園文存卷九

九

後之讀者因其詩想見其人別峰且千古不朽何必於年齒祿位間斤斤焉較修短顯晦之數也哉

汪畏齋詩序

詩之爲道原本山川極命草木比物以屬事離辭而連類此古人立言之大凡也然必有性情以綰結於中斯委婉啾諧自盎然流露於采色聲音之外觀於汪子蒼孚之詩蓋有合焉新安汪氏遠有族序蒼孚胚胎前光早歲煒然擅能文聲既連試於有司因委去爲選人授官比部當時我

聖祖仁皇帝哀矜庶獄思得臯陶孟涂以寄民命自大司寇而下迄於郎署靡不慎簡期稱厥職蒼孚每受事必虛公研訊竒請他比者無得上下其

澄懷園文存卷九

辛

手一時稱平公餘輒放筆作詩譌大指取於抒寫性情未嘗舉古人三體尺步而繩趨之然楮墨之間婉而多風絕無粗厲猛起之習庶幾詩人之義焉今集中所存未爲繁富而吉光片羽蓋亦足以觀矣夫樂記之論音也曰樂心感者聲啍以緩喜心感者聲發以散敬心感者聲直以廉愛心感者聲和以柔蓋情動於中聲即肖之而出也詩之道原通於樂苟無溫柔敦厚之性情縱尺寸比擬未必不鏗鏘可誦然中無所感又焉能感人塗澤雖工所謂鞀悅之文大雅弗尚也蒼孚爲人藹然樂

易維時有田叔長者之目其性情有過人者故形於聲而成於文溫厚和平如此人第知蒼孚詩道之昌而抑知有所以昌其詩者在乎昔有人問謝太傅毛詩三百篇何句最佳太傅舉穆如清風一語以對蒼孚之詩可謂穆如清風矣余與蒼孚諧際久雅誼其人又習睹其詩把玩斯編覺舊遊仍歷歷也爰就古人稱詩之意與蒼孚工詩之由書諸卷首使世之覽者有所証云

餘園詩鈔序

餘園詩鈔者海陵少司寇繆湘芷先生之遺稿也司寇天秉絕人自少負穎異才有聲江淮間中年成進士讀中秘書敍厯館閣者十餘載既而司衡三楚所至汲引寒畯還朝後聲望益隆游涉清班爲西曹之貳顧生平酷嗜吟詠薰習卷軸有得輒形於篇今稿中所載古近體之作雕刻物象牢籠萬有具韓蘇之逸氣兼范陸之清標蓋非苟作者憶司寇於康熙己丑入翰林躬逢 盛際海內晏閒承平士大夫趨石渠之署窺天祿之藏舍著述

固無所事事而況以雄才茂學踴躍其間吐屬風雲潤色鴻業所謂惟愉之言難工者頗可同日語乎哉且司寇理官也必聰明慈惠者始克奏祥刑之績或公餘有所寄託發諸聲韻賢者所不廢也乃近代如有明嘉隆間王李主壇坫而同時七子者半官比部我 朝新城王先生爲風騷宗匠而秩亦終於是官今司寇位與昔賢埒而詩亦嗣厥轍焉豈平反之職非敦厚爾雅之人無以稱歟抑曹司之地靈使之然故古與今不約而同趨歟不然何陽雁者之踵相接也余自庚辰通籍時司寇



以諸生遊輦下輒以篇翰見投流逸宏富心竊傾慕之逾數稔而余入直內廷司寇亦登上第遊詞垣方謂聯步冰銜從容笑語得盡觀篋衍之蓄徒以禁近趨承踪跡澗絕名章雋句不去諸懷者四十餘年矣今嗣君集琬將梓其詩而攜以問序於余余始得窺全豹因以諧風願焉蓋不勝故舊存歿之思而又幸榮世之業必傳於後無疑也因不辭而爲之序

善卷堂四六注序

翰林待詔吳子若山注善卷堂四六若干卷成以眎余且乞余序因爲之序曰翰林華要之地自前代文徵仲高廷禮歸季思輩皆以清通敏贍之才居斯職繇素風流照耀今昔而後之居之者或以冗散視之非其官卑於前代所居之人異也若山爲余表姪自其先大廷尉公以直節讜言著於前史世承家學代有通才若山少嬰足疾鍵戶十餘年尤能博通羣籍雍正庚戌余以章奏繇劇不能手自繕寫若山工楷法延至京邸一以任之曾蒙

世廟垂問姓名

皇上在青宮時因亦稔悉洎登大寶遂有爲人慎密之溫旨授以斯職異數也若山感激聖恩思有所著述以無忝文高諸公後十餘年來仍爲余効筆墨之役殆無甯晷少暇即丹黃點竄手不停批茲所注善卷堂四六其一也嘻若山亦可謂績學不倦者矣夫注書之功與作者比烈四六徵事與衍尤非腹笥淵博不能究其崖畧今斯集得若山句詮而字釋之俾觀者如遊名山勝水望高深而識其徑術也如披珠林寶藏閱斑斕而

知其名器也如登崇臺複閣曲榭迴廊而得其門  
戶梯階與嚮導也蓋非徒陸拒石之功臣而亦伐  
山問津者之一助矣余既幸若山遭遇  
聖君得厠身清貫而又嘉其助我之克勤而更孜  
孜好學卓然有志於著述如此遂爲之序其梗槩  
於簡端

載賡集自序

廷玉既刻傳經堂詩焚餘集又刻澄懷園詩選生  
平願學未能懷慚負愧之意具載兩序中而編年  
實斷自雍正乙卯迨乾隆元年丙辰我

皇上紹登大寶欽明濬哲典學敷文萬幾之暇

親灑宸翰詩文數千言成於頃刻歷稽史冊所載

罕有比倫廷玉日侍左右拜捧

天章如乾端坤倪孕含萬象輒目眩心駭莫能形  
容其妙比承

恩命賡和雖不敢以不文辭然燭火之光耀明於

若木潢汙之水比量於滄瀛其亦不自揣之甚矣  
顧竊自念躬逢

堯舜之世頌古今未有之詩歌受古今未有之知

遇若以巴人下里之吟棄置弗錄又何以彰 木

命昭寵渥因於秋日退直餘閒掇拾十餘年來舊

稿得如千首彙爲六卷大抵皆對揚拜獻之辭因

名曰載賡集而一二詠懷贈答之篇亦附焉蓋從

其多且重者以紀實也史稱張燕公歷仕三朝大

著作多出其手躬遇好文之主有所爲必使視草

今檢閱燕公集所載奉和聖製諸作尤夥至今傳

爲堂廡盛事王才力遠不逮古人而榮遇過之則存是集也不且益滋愧悚歟王今年近大耋矣計懸車之期又逾七載陳情再三未蒙俞允而精力衰頹才思蹇澁或詞句粗疎亦不能點竄塗乙且其中塵御覽者爲多應存其真以示子孫或他日得歸田園與農夫野老歌吟於茆簷竹簟間亦庶幾擊壤之一助云

澄懷園文存卷九

毛

自訂年譜序

廷玉自少服習先公庭訓於立身行己之道兢兢繩檢罔敢踰越及壯歲成進士備員侍從游陟卿貳中年濫邀

恩遇遂參大政蓋與朝列者幾五十年而冰淵自凜有如一日今年屆耄耄祇以天眷慰留

諭旨諄至未遂懸車之請而筋力衰頹神智恍惚不但建樹有所不能即小有著述亦以心血虧耗不能構思而止既而思之古之篤於自修者日有

澄懷園文存卷九

毛

課月有程於已之一言一動輒記錄以備省覽而應事接物出處進退之大端尤斤斤致詳焉若王遭際

昌時蒙

上天之錫佑至厚祖宗之積累至深受祿

三朝叨沐

寵榮爲古今人臣罕有之遇使毫無紀載任其湮沒而無傳則將來子孫無所考據必至以訛傳訛愈久而愈失其實豈非我生之憾事歟曩者於五十歲以前之事曾畧記梗槩存巾笥中癸卯歲室

廬不戒於火遂爲灰燼退食之餘追錄記憶存者  
不過十之五六五十歲以後則於每歲冬月綜一  
年之事而籍記之雖較前追錄者稍詳而年既垂  
暮機務日繁案牘瑣冗公私不能兼顧即近事亦  
多遺忘不無挂漏然傳諸他日猶愈於一無所徵  
信也於是手自編次訂爲年譜若干卷以七十七  
歲爲斷自後若天假以年當歲歲編之以終予志  
嗟乎予老矣固無時不惕惕於持盈履滿之防而  
有歎于進忠補過之義於是編成滋愧悚焉吾子  
若孫其善體此意以識予生平出處大畧足矣筆

澄懷園文存卷九

完

載未詳者存而不論可也

澄懷園文存卷十

桐城 張廷玉 硯齋

恭跋

御製避暑山莊三十六景詩後

康熙五十一年六月臣等恭注

御製避暑山莊三十六景詩見

皇上聖學崇深含經味道純粹以精發爲詩歌上

繼雅頌囊括百家臣等學識舛陋管窺蠡測

未能宣揚

盛美茲蒙

澄懷園文存卷十

一

恩論俾得附名簡末且喜且愧交集於心欽惟我

皇上聲教覃敷極天所覆盡入版籍要荒之外率

同畿甸自京師東北行群峰迴合清流縈繞

至熱河而形勢融結蔚然深秀古稱西北山

川多雄奇東南多幽曲茲地實兼美焉蓋造

化靈淑特鍾於此前代威德不能遠乎人跡

罕至

皇上時巡於此見而異之念此地舊無居人闢爲

離宮無侵民田廬之害又去京師至近章奏

朝發夕至綜理萬幾與

宮中無異乃如其岡原伐其榛莽凡所營構皆

因巖壑天然之妙開林滌澗不采不斲工費

省約而綺結繡錯烟景萬狀標其尤者凡三

十有六清涼與塏於夏爲宜每至盛暑則奉

皇太后駐蹕焉泉甘土沃居此逾時

宸顏溫粹精神益健蓋

皇上憂勞萬民德合於天故天特開靈境以待

皇上之遊息也臣等忝列侍從時

賜讌遊諸景皆嘗目擊而莫能摹寫及伏讀

御製詩則林泉蒼靄一一軒豁呈露蓋此景乃天

澄懷園文存卷十

二

地山川自然之氣所發抒非

皇上化工之筆莫能傳也而臣等尤有厚幸者伏

讀

御製避暑山莊記與諸詩奉

慈闈則徵寢門問膳之誠焉憑臺榭則見茅茨不

剪之儉焉觀溉種則念稼穡之艱難覽時蔬

則驗陰陽之氣候玩禽魚則思萬物之咸若

而效靈焉凡讀者因詩以求諸景之勝豈獨

未見者如親歷哉即

皇上敬天勤民與覆載同流之氣象可以昭示天

下萬世永永無極矣

澄懷園文存卷十

三

恭跋

御書十體字墨蹟

我

皇上問學深微聰明天縱闡揚性道擴千聖之微言訓迪臣黎瀝六經之奧旨而乃

宸衷乾惕

聖度謙冲於萬幾之暇更取古人之嘉言偉論擇其尤粹者

親灑宸翰鑄諸屏風置之座右以備朝夕觀覽此即古帝王銘戶牖而箴盤盂之至意也文採

澄懷園文存卷十

四

十條書備各體

堯章義畫神運天成直如化工元氣綢繆融結而莫能狀其妙鐫刻既成以

御書墨寶宣示廷臣諸臣肅容敬觀莫不日昃神悚以爲書契以來之所未有復宣

恩命以臣忝與機務兼司文翰有供奉之微勞即以

頒賜用昭嘉獎臣感激悚惶稽首頓首拜而受之伏念自古人臣叨受御書之賜不過幅縑片楮即已謂爲殊榮傳爲盛事況以

御屏之鄭重仰

天翰之神奇集書法之大成觀雲章之輝映遐稽簡冊洵千載所希聞叨被

恩榮實百生之厚幸敬當什襲藏之奉爲子孫世世之寶豈僅天球弘璧稱希代之珍已哉

澄懷園文存卷十

五

恭跋

大禮記注後

臣等謹按孝經曰天地之性人為貴人之行莫大於孝聖人之德又何以加於孝乎禮記曰夫孝置之而塞乎天地溥之而橫乎四海在昔聖帝哲王未有不以孝治天下者也而盡倫立極篤於天性本源之地樹烝民之範者則惟至聖能之欽惟我

皇上盡至誠之性躬大孝之德昔在

藩邸晨省昏定之虔問安視膳之謹愉色婉容

澄懷園文存卷十

六

先意承志深得

聖祖仁皇帝歡心及

聖祖仁皇帝龍馭上賓

皇上攀號哀切毀瘠逾甚慘戚之誠臣工瞻睹皆

肝腸摧裂凡大典所在永懷慎考盡制備物

極詳且悉初奉

梓宮於

乾清宮正寢奉移之次不忍遠離

特命奉安於

壽皇殿朝夕饋奠必

親詣行禮恭上

尊謚

廟號

特命文武廷臣集議

聖以表大成

祖以彰弘烈

仁以象至德獻議僉同

天心允協乃

親刺指血點定

謚號冊寶

澄懷園文存卷十

七

親閱視於太和門哀感盡禮

景陵碑扁皆

親灑宸翰

陵名亦刺血點定以昭誠敬恭寫

御容供奉於

壽皇殿陳設几案圖書器具朔望展謁歲時薦新

凡遇祭祀之辰皆

躬親奠獻思慕哀傷宛然事生之節

聖祖仁皇帝宮中服御之物皆令敬謹珍藏不忍

服用撫時追念觸緒增表

諱偶睹而涕零言一及而千孝思深至無所不

用其極侍奉

孝恭仁皇后委曲承

顏衰戚之中屢懷

慈體晨夕問視迨遵

升遐哀毀一如

先帝大事更復曲體

仁慈敬承

謙德

詔諭所及聞者感動

澄懷園文存卷十

八

聖祖仁皇帝禪除袷

太廟之後群臣懇請即吉

皇上以帝后之禮雖殊父母之恩則一仍於

養心殿素服齋居屆禪除而後致祭

奉先殿昭告成禮

身服兼喪哀慕罔間盡倫立極度越古今臣等伏

睹

皇上亮陰大禮自古帝王未有能行之者當初喪

之時擗踊呼號水凝不御者累日席地寢苦

不顧祁寒盛暑此自古帝王所未能行者也

每日三上食備極哀敬致祭之日凡樽罍簋

簠

躬自進獻致愛致慈儼

音容之如在此自古帝王所未能行者也臣等歷

考前史希聞親送梓宮之事我

皇上於雍正元年三月親送

聖祖仁皇帝梓宮八月又親送

孝恭仁皇后梓宮道途之間趨承

蘆殿朝夕奠獻致敬盡哀此自古帝王所未能行

者也歷代山陵之事大抵以山陵使主之而

澄懷園文存卷十

九

已嗣主不間親臨

皇上於

梓宮大葬之日

躬詣

靈域先期設祭恭閉

元宮之日感慟號哭扈從臣僚莫不悲痛失聲震

動山谷暨雨次謁

陵備盡愴慕行禮既畢尚顧望

殿門不忍

回蹕此自古帝王所未能行者也居倚廬二十



七日而後

移居於

養心殿元年正旦群臣再三請

升殿受賀

皇上不允至五月之朔日而後

御乾清門五日而後

御太和殿當

登極之日

聖心哀感涕泗不能自已至二年正旦

升殿受朝聞讀表之聲不勝酸楚至於

澄懷園文存卷十

十

孝恭仁皇后禪除之後群臣奉觴稱

萬歲

皇上尚愴悽垂泪思慕無已此自古帝王所未能

行者也乃若三年之內雖

郊

廟

社稷之祭勉從廷議以時舉行

宮禁之中齋居素服想像

音容時時灑泪歷三十四月之久

聖情肫篤懇摯始終未嘗稍懈此尤自古帝王所

不能行者也至若

臨御以來加禮舊臣

皇上必含泪垂諭曰此仰體

聖祖仁皇帝之恩敷施仁政

皇上必丁寧詔告曰此繼紹

聖祖仁皇帝之志至於

天錫嘉祥人歌樂利

皇上必宣示臣民曰此

聖祖仁皇帝久道化成之所感召深仁厚澤之所

留貽

澄懷園文存卷十

十一

皇上一舉一動無非陟降庭止之思而且

聖不自聖謙而又謙群臣歎服以爲萬不可及而

皇上方謂哀忱之未盡展也群臣感仰以爲行之

至難而

皇上方謂第以盡吾所當行也無一毫矜飾之心

無一毫勉強之意至誠惻怛洋溢於言辭容

貌之間而周徹於政事治功之大孔子曰舜

其大孝矣五十而慕孟子曰大孝終身慕父

母詩曰永言孝思孝思維則又曰孝子不匿

永錫爾類

皇上大孝允乎始隆於厲周矣是以

孝陵靈著叢生一尋

宮庭慈鳥飛繞七日草木鳥獸皆感

皇上之大孝而況於人乎薦醴之辰則飄揚縞雲

因山之會則霰雉祥雲其最異者當

聖祖禪除禘祭之月日月合璧於清廟之宿五星

聯珠於乾卦之宮以數千年一覲之殊祥彰

皇上亘古莫倫之大孝孝經感應之道所謂明天

察地而通神明光四海者豈不信哉臣等忝

列

澄懷園文存卷十

十三

禁近職司記注謹稽自康熙六十一年十一月

以逮於雍正四年五月

孝恭仁皇后三週年之期逐時編次名曰大禮記

注凡成九卷異以敘述

聖德昭示久近建人倫之標準垂萬世之憲章昔

宋臣曾鞏有言唐虞之德爲二典者推而明

之豈獨其迹哉并與其深微之意而傳之以

臣等之愚陋僅紀事迹尚多闕遺況於

皇上孝敬純誠之心蘊於性而發於情纏綿深厚

而不可以語言文字宣者猶夫乾坤之容曰

月之光莫能繪畫臣等雖盡智竭慮豈足以  
發明萬一伏增戰汗而已

澄懷園文存卷十

十三

恭跋

日知薈說

在昔三代聖王之治皆由學而成凡散見於詩書者其根源可尋繹而見也漢唐以後明哲仁厚之君非無性資之高求治之切者而終無以躋於三代之隆蓋由學焉而未探其根源故所以濬其知者不能深而致於行者不能篤耳我

皇上狗齊敦敏夙承

世宗憲皇帝之教自問寢視膳而外耳目心志一

澄懷園文存卷十

古

用之於學而他無間焉故於五經四子之書早洞見其根源而參考漢唐宋元諸儒之義疏以折衷於至當循是以觀諸史其治亂安危之幾無微不察也循是以慎取百家之言其出入離合淺深之數無隱不燭也循是以懸衡人物推極事理皆灼知獨見而無匿情用是發為文章言高而旨遠理達而氣昌得心應手俄頃立就而迥出於前賢思議之表

臣廷玉奉

先帝恩命簡侍講讀十有餘年實親見焉曩者彙

集衆體爲樂善堂文鈔既承

命而爲之序近復別擇論辨之文二百六十條爲

日知薈說仍

命臣跋之伏見

皇上繼序以來凡見諸政教者一準於天理而應乎人心之不言而同然是以數月之中近自邦畿達於山陬海隅莫不欣欣然若時雨之沃其心春陽之被其體蓋我

皇上好古敏求日有孜孜以致其知者既深且固故今之宵衣旰食以行所知者篤實充周時

澄懷園文存卷十

五

措咸宜由是以往法天行健恒久不已則德化所成直比隆於三代豈惟遠過漢唐而已哉臣廷玉讀是編而爲天下臣民慶者彌厚且遠焉微特依

日月之光挂名簡末而與有榮施也

恭跋

御製詩經圖

古之聖人左圖右史亦越後王往往繪無逸  
斷風於殿上豈非以載於詞者口熟而宿義  
不新繪於象者觸目而感心尤切邪昔者孟  
子善說詩曰以意逆志朱子解之曰逆之爲  
言迎也臣則以爲迎以虛不若迎以實迎以  
心不若迎以目形往者滯想神來者印心形  
接而神通則圖繪之功載無言之教焉

皇上挾經之心執聖之權載展詩圖因舊爲新功

澄懷園文存卷十

七

百古人選意命工覃思游情七載乃就其於  
經也可謂篤矣蓋

皇上以仁義純厚之聖抱追寫千載以上忠孝貞  
良之性情其則不遠妙乃入神三百篇詩心  
如揭焉伏羲之圖易也得文王周公孔子之  
辭而其義始備詩圖緣辭以立象觀象以玩  
辭互相資而其義益顯引之翼之鼓之舞之  
使自得之

皇上之心其即伏羲文王周公孔子之心也夫

跋王筠林爲方望溪書韓子五箴

方子望溪以冊索余跋乃昌黎五箴屬金壇王筠  
林書以自警者余以康熙己巳見望溪於皖城距  
今四十有二年矣望溪少負氣與世寡諧多見謂  
矯亢癸巳三月

聖祖仁皇帝召入南書房余始熟而悉焉其自視  
常若下於恒人見隸圉臧獲愛親敬長一事一言  
之善輒反躬自責愧不能行有以過規則誠心以  
爲德而與朋友責善亦甚嚴當其盡言無隱多人  
所難茹故雖與昵好者亦竊病其迂然與余交自

澄懷園文存卷十

七

癸巳至今凡十有七年常以天下之公義古賢之  
大節相砥淬而未嘗一及於私雖余未與同事時  
亦不知其篤實若此甚矣觀人之不易也筠林以  
書法名於時其體不一此冊渾成嚴重若端人靜  
士其諸欲與箴語及望溪之性質稱歟

跋左省書重錄宗譜

吾桐左氏爲著姓間天下系出濟陽曩傳宗譜一卷纂於宋紹興中僕射公爲之敘者五人載有制誥兼繪圖像題贊者四人顏幘首大書者三人最後跋者一人皆有宋之大賢君子也諸賢筆蹟得一足爲寶貴況其羅列乎哉其家世藏之至侍御之曾孫薇爲胙篋者竊去良可惜已幸尚存副藁因重錄譜牒並乞吾兒若需爲補書制誥及十三人之文辭於卷蓋其愛惜之深而不忘繼述之善也夫物之存亡天也亡而不亾則人爲之是卷其亦亡而不亡者邪抑不亡而已亡者邪余感焉爲誌數語俾後之覽者有所考至左氏譜系諸賢敘之詳矣余不復及云

跋太宰梁公像贊冊子

太宰梁公者真定蕉林相國之大父也本傳載公督勦遼大破土蠻公歿後趙公南星訟公邊功贈少保追謚貞敏是贊爲趙公誤信而有徵稱公猶太宰當在未表訟之前耳香光與高邑同時法書良可寶貴相國昔藏於家先太傅爲門下士因命題籤距今二十餘年矣相國文孫持示廷玉仰止典型流連墨寶良不能已况先公手澤存焉爰敬述所由且嘆梁氏子孫之多賢而能世寶斯卷爲可貴也

恭跋先相國文端公墨蹟後

康熙庚申間 先文端公爲表兄宮贊公作楷字  
小卷藏之吳興且三世距今六十二年矣頃者懷  
汝表姪孫客京師出以見示廷玉整冠肅容再拜  
而後敢展閱楮墨猶新恍如親承色笑不覺涕泗  
之霑衣也敬書數語以歸之廷玉恭跋

澄懷園文存卷十

丰

恭跋先太夫人含章閣詩鈔後

廷玉憶自髫髻時依侍 先文端公暨 先太夫  
人膝下時 先公侍直 內廷戴星出入日以爲  
常惟於挑燈暇茗之餘間一令背誦尚書毛詩或  
命屬對 先太夫人則經理家政摒擋釐鹽猶日  
稽課程訓誨嚴切以佐 先公之不暇及通籍後  
更諄諄以忠藎勤慎上報

君恩爲最康熙癸未廷玉蒙

聖祖仁皇帝恩命入直南書房屢荷

天語褒嘉曰張廷玉兄弟皆其母教有素非獨

澄懷園文存卷十

三

父訓也

聖諭春溫並及慈誨其視蘇易簡之母有餘榮焉  
先太夫人幼讀書深識大義淹貫毛詩通鑑旁  
及醫卜百家之書最愛白香山詩往往成誦生平  
不輕作詩偶一爲之不復留稿其存者僅百餘首  
題曰含章閣偶然草大約皆與 先公唱酬之作  
及懷念先伯兄庖從北征奉使行役並所以勉勗  
廷玉及訓誡諸子女者意義嚴正辭氣溫厚不爲  
閨閣纖麗之言藏之笥篋者三十年矣今夏同六  
弟廷璩謹加校訂錄寄三弟廷璐敬登梨棗以垂

示子孫且以見廷玉弟兄今日之同被

三朝厚恩叨榮祿皆賴先太夫人曩昔恩勤  
勞勩提命而訓迪之慈教殷懃形諸篇什儼音容  
之如在感風木之徒悲此更廷玉等之捧卷涕零  
而不能自己者也

恭跋先太夫人詩卷後

昔年先太夫人隨宦京師時表兄華曾先生官  
翰林太夫人視兒子如己子鍾愛特甚過從門  
訊之餘常有詩篇唱和茲特存遺之片楮耳懷次  
表姪孫收藏已久今出以見示廷玉盥手再拜迴  
環捧誦言念疇昔涕泗縱橫敬書數語以志思慕  
並令吳興清河世世子孫永寶之廷玉恭跋

恭跋先相國進 呈詩文稿篇後

康熙十六年丁巳

聖祖仁皇帝始設南書房 先公首承

恩命侍直其中每日戴星出入講經書備顧問不以寒暑間日有應 制詩文甫脫稿即陳於

御座之前染翰操紙成於俄頃者多有之 先公

內廷應 制詩序中載之極詳二十一年壬戌

春請 假歸里檢歷年所進詩文六十二簡計詩

一百八十首文五篇封貯 南書房書匱中距今

六十三年矣乾隆甲子夏廷玉與長男若霽同在

澄懷園文存卷十

香

內直檢閱筆札開緘拜讀手澤如新因敬謹捧

歸裝潢成冊珍藏於家恭跋數語以紀始末俾世

世子孫知當日

君臣魚水之歡先人夙夜在公廡歌颺拜之盛並

廷玉父子又得珥筆以繼家聲什襲以藏墨寶皆

古今罕遘之榮遇豈僅一人一家之私慶而已哉

爲編修沈椒園跋蔣文肅公花卉長卷

康熙丙戌余與查宮詹前輩暨蔣文肅公同在南

書房宮詹出絹素索文肅畫文肅爲寫雜卉十數

種物色生態妙絕古人同直諸公皆有題咏余亦

綴絕句二章一時友朋之樂詠歌之雅輝映 禁

庭迄今三十餘年猶復追維其盛

今天子御極之元年仁和沈生椒園以詞科登館

閣余謬叨一日之長謁余私第詢知爲宮詹外甥

心喜前輩風流未墜獲見嗣音今歲出斯圖請余

重識一言蓋是時沈生方六齡隨宮詹京邸就傅

澄懷園文存卷十

畫

之日以斯圖畀之展玩之下細帙如新歎歲月之

遷流念故交之零落詎能無感於懷邪沈生其實

藏之衛華佩實以繼前修其無忘外翁付託意也



自題 南書房進呈詩稿後

康熙甲申四月廷玉奉

召侍直 南書房是時海宇清宴民物恬熙

聖祖仁皇帝萬幾之暇怡情翰墨廷玉濫叨供奉  
操觚學習每有紀恩述事之作不敢自匿輒呈

御覽蒙

聖恩優容而訓教之其稿多存 南書房書櫃中

三十餘年矣雍正乙卯九月

今上即位越月

命長男編修若霽入直 南書房次年春若霽檢

澄懷園文存卷十

三

閱筆札因見昔年所進詩篇雖已散佚猶有存者  
皆家集所未載意珍惜之乃懷歸裝為小冊藏於  
家玉披閱再過覺當時 內直情事宛然在目而  
身受

三朝厚恩無有倫比若霽又以新進小臣忝侍從  
之末且一門趨承 禁近祖孫父子於今三世矣  
是冊以荒陋之句既呈

黼座之觀又收貯秘閣將歷三紀復以兒子接武  
內廷因得集錄此固人生遭逢之極盛不可以言  
之不文而廢後世子孫毋視為斷簡殘編而不知

其所自也因援筆而記之

澄懷園文存卷十

三

題王石谷畫卷後

康熙甲午冬余與蔣文肅公王麟照少宗伯陳世南學士趙侯赤修撰同直南書房晨夕罔間文肅偶出王石谷臨王右丞溪山雪意圖索題予首賦七言長句荷同人嘉賞相繼廣和是時直廬清闕焚香啜茗從容於翰墨之林極友朋酬唱之樂亦一時佳話也流光荏苒屈指二十三年矣文肅修撰已歸道山陳學士亦退居林壑而予仍叨內直與文肅令嗣質夫學士日相晤對而不自知其老一日質夫出此卷相贈晴窗展玩覺當日情事宛然在目年華易邁聚散不常何能無今昔之感邪爰題數語以紀始末并識質夫雅誼於弗諼耳

題沈石田畫廬山古檜

廬山古檜神木也石田繪圖神筆也昔年蔣文肅公得此卷珍如拱璧曾向予言之而未得見今質夫學士出以見示蒼古離奇烟雲萬狀誠希世之寶石田自題有袖中疑道有風雷之句良非虛語天生神物必有所歸此圖藏文肅家子孫世世守之直與廬山並垂不朽矣

題陳少保公誥身後

給諫陳君坦齋捧其曾祖少保公爲御史大夫時  
所承之誥命請余題其後展誦低徊肅然增敬少  
保公公忠鯁介載在史書彪炳天壤無庸贊述而  
誥文適出倪文正手董文敏特書之非公之熱節  
無以致兩公之文與書然是文與書非公亦不稱  
冰霜其操金石其音松柏其神三者合而爲一洵  
可寶也已給諫在銓曹與余共事久才優幹濟而  
廉慎不私是真能不愧家聲者其寶此以示子孫  
將名賢之風烈千載如新又豈僅比於魏公之笏

澄懷園文存卷十

三

也邪

御賜上苑牡丹圖記

雍正丙午暮春

上駐蹕圓明園

召近臣十餘人入

御苑看牡丹並

賜法饌是時千枝競放高下錯列若擣錦布繡生  
平所未覩也就中紅桃一本開花百餘朵尤爲絳  
艷

上指示刑部侍郎高其佩曰汝工繪事盍爲朕圖  
之越數日其佩繪圖以進

澄懷園文存卷十

三

上留覽旬餘出以

賜臣廷玉廷玉拜而受之伏念史冊所載宣召臣  
隣賞花釣魚今古相傳以爲美談我

皇上優禮大臣恩誼稠渥芳辰令節讌賞不時而  
臣之奉

清光被殊眷又在諸臣之上今既飽看

上苑仙葩復拜粉本之

寵錫從此天上春光長留蓬華子孫世世得瞻瑤  
林瓊圃之景物其榮幸爲何如哉謹拜手而爲之  
記

良弼橋記

秋七月里門書來知東門石橋於六月訖功行旅往來稱便予心喜之吾邑沿山溪爲城城之東門爲七省孔道而大溪當其衝舊有石橋傾毀近百年矣自康熙戊申邑令胡公建木橋以利涉每山水大至橋輒壞凡樵蘇之出入城市及驛使宦遊商賈之有事於江楚閩粵者往往阻絕不得渡予爲諸生時見而心傷之蓄願作石橋以利行人頗工費浩鯨力有未逮徒時時往來胸臆間雍正十一年蒙

澄懷園文存卷十

奎

世宗憲皇帝念先太傅文端公舊學積勲

命祀於京師之賢良祠又

賜祭於本籍

命廷玉歸里躬襄祀典復

賜萬金爲祠祀費

恩隆禮重無與爲比祠事既畢尚餘

賜金之半因念所以廣

君恩惠行旅而慰夙願者莫若東門之橋矣乃囑弟姪外甥輩經理其事並擇方外之人精修苦行及僕之服勤嚮義者贊襄之今聞來書云從前之

橋所以易毀者由溪身悉淤沙積礫柵下不得深每雨猛蛟起輒隨波以逝今則掘沙見土深入地中大許悉以槨銜巨石奠其底上建石磯六磯壘石爲層鑄鐵軸以鍵上下石交處又爲鐵鉗以合之並融樹汁米瀋雜黃壤白堊以實其罅橋身長十五丈廣一丈五尺左右周以石欄東西建二亭以憇民之避風雨施茗漿者溪之兩涯壘巨石爲岸高一丈西長十有六丈東長八丈用禦水衝兼以衛橋經始於雍正乙卯年正月落成於乾隆丁巳年六月爲期三年爲費六千三百里人樂之名

澄懷園文存卷十

奎

橋曰良弼蓋取

世宗皇帝賜書調梅良弼之額以爲予功予念非聖主恩賜之便蕃則費無所資非先太傅之崇祀則予無由經始非親族子弟暨在工之人同心共力則橋未易成即成亦未必其堅緻若此今既訖功而獨歸美於予予實報焉因記一時之好善樂施鳩工庀材之人以見茲橋之成非予一人力也其相度形勢籌畫機宜總司工費者則吾弟廷琬吾姪若潭若爵若泌若霍姪孫曾啟外甥姚孔綢也指示匠作勸課工程三年如一日者則僧侶

山秀峰也不避寒暑奔走督察俾各工踴躍趨事  
尅期告竣者則吳興老僕詹大吾家世僕方大之  
力居多既成而吾姪若震又立四石柱於上流以  
殺水勢吾姊姚太恭人及吾姪婦姚恭人共捐千  
金沿溪築堤以衛民居是又好行其德而爲茲橋  
計久遠之美意也爰詳爲之書

篤素堂家廟記

王制天子七廟諸侯五廟大夫三廟士一廟庶人  
祭於寢因其位之崇卑以爲廟之差等所以伸報  
本追遠之情而致其以妥以侑慰春露秋霜之感  
而冀其來格來歆也唐宋以來士大夫家亦多有  
立廟者朱子家禮其制尤詳 先太傅文端公官  
京師時建 家廟於篤素堂之東偏一室五龕中  
奉始遷祠之祖左右列高曾祖考四位及致政歸  
每歲時伏臘及子孫婚嫁吉慶之禮必潔齋肅恭  
以將祀事 先太夫人佐治蘋蘩盡誠備物蓋七

年如一日也迨先公先太夫人捐館舍大葬禮成  
遂桃五世祖而奉先公先太夫人神主祔於廟迄  
於今又三十餘年矣竊念篤素堂爲先公締造之  
居固精神所貫注而家廟爲先公洞屬之地尤靈  
輿所憑依若另新廟貌別薦馨香大非所以妥先  
靈而歆享祀也若循五世則遷之義 大蔡公先  
大前緒垂裕後昆亦斷無遷桃之理篤素堂雖先  
公分之於子而家廟予不敢私謹歸入公中凡先  
公以下之子孫歲時婚嫁之禮皆於廟中行事一  
如先公之舊自先公以上奉祀五位定爲永遠不

遷之祖先公以下更不得祔入廟中以肅享祀以  
受先靈我子孫其百世承之而勿替乎今姪孫曾  
啟等已奉宮簾隨齋公神主於其所居之家祠予  
備位綸扉

天恩高厚班列五等擬於宅中另建一廟以爲將  
來子孫奉祀之所三六兩弟列在卿貳例得立廟  
應各建於其居至於四七兩房亦當遵朱子家禮  
儀制建立家祠以時享祀則於尊祖奉親之義兩  
無憾矣

桐城義學記

嘗讀周禮而知王者之教起於相近而成於所難  
古者黨庠州序之考校嚴矣而更先以閭閻之訓  
誨族師之董戒州序以正月之吉讀法黨則以四  
時孟月族師以月吉而閭閻更不拘時日黨學五  
百家族學百家閭二十五家官與民益親故其教  
之法益詳蓋端其始基使無地不授之學上不必  
有所擇而教故人易於爲善其時就學書易而成  
材之多由爲之長者勤而不憚其煩也後世郡邑  
設學略如州黨然必補學官弟子得入焉異於古  
者不擇人而教又其弟子與其師常不相親而其  
施教也無所 聖朝德教涵濡百年於茲

今天子崇學右文敦尚儒術 特命直省建立書  
院 賜之金以爲生徒膏火延名師爲訓迪朝考  
夕稽俾之相親矣而或以道里之遠衣食奔走之  
難士又有與有不與於是賢 有司各就其所治  
之邑建立義學其遠者可以朝發夕至而近者得  
日請其所業士之才者成其所長其拙鈍者亦不  
棄於教此猶有古者比閭族黨之遺意焉竊嘗歎  
古法非不可行於今而爲之長者其勢又非有不

能幸而使一邑得成其材又非必其所不樂而當其時者則有爲有不爲也昔者文翁之於蜀胡瑗之於蘇湖豈真有申明約束而使之然歟抑亦其性之所樂爲而自不憚其煩也士之生逢其時者何其幸也吾桐義學創始於康熙辛巳壬午間先文端公嘗顏其堂曰無斁蓋美髦士之得樂由作人者之德而重有望於爲之長者之永無或倦乃及其既久則又有爲有不爲也予官京師數十年間聞吾邑所爲義學日就傾圯乾隆庚申歲蜀綿唐侯奉簡命來蒞茲土潔已奉公吏治肅清甫

澄懷園文存卷十

三

下車首以興學爲務爰即舊址捐養廬以資修葺講堂舍宇次第繕完不數月而學成延師訓課肄業其中者率數十人附課請益者不下百人弦誦之聲不輟也又時就其學親爲勸導語益切至侯之於茲事可謂勤而不憚其煩矣先是余聞是舉分廬俸以襄其成既成復以書來告請余爲之記余既嘉侯之能推廣朝廷德意以行其性之所樂而盡其造士之誠爲吾邑人士幸因以思先文端公有取無斁之意所望於宰是邑者之嘉惠無窮而乃今得唐侯大集其成爲可樂也因爲之記

如此

澄懷園文存卷十

三

宋板漢書題辭

宋板兩漢書藝林之寶也宋真宗刻之秘閣特賜兩府外間流傳絕少元趙文敏得其一藏於家繪像其上明萬歷時歸於太倉王弇州尚書家尚書寶愛之亦繪小像手題跋語尚書子士騏以貧乏歸之質庫明之末年虞山錢牧齋尚書以千二百金得之後亦不能守損二百金鬻於四明謝氏牧齋三跋中載之甚詳 本朝康熙間此書貢入

大內極蒙

聖賞什襲以藏乾隆甲子年

澄懷園文存卷十

卑

今上御題簡端至有神物護持之褒嘉亦此書之至幸矣而世間士大夫之嗜古者但知 御府有此寶書求一見而不可得徒託諸思慕想象而已是年秋長男若霽奉

命審定天祿書籍始得披覽因憶雍正元年於京師得見一部字畫精整古香襲人望而知爲寶物捐俸四百以購之然未敢遽信即爲宋秘閣所刻板也於是携數帙入內與 內府書比較毫髮不爽但紙色稍遜耳子慶幸備至不虞寒儉之室有此希世之珍也爰記其始末並令若霽恭錄

御製題辭及王氏錢氏跋語五段於書內俾世世子孫不敢輕視守而勿失或求見 內府書而不得者覩此一慰其思慕之素云

澄懷園文存卷十

聖



澄懷園文存卷十一

桐城 張廷玉 硯齋

大學士謚文端張公傳

公諱鵬翮字寬宇四川遂寧人其先居楚之麻城明洪武時始遷蜀公生時封公有祥雲之夢三歲授以大學輒成誦九歲能文十六歲歷試州縣道皆第一康熙己酉舉於鄉庚戌成進士選弘文院庶吉士改刑部福建司主事轉本部員外郎出知蘇州兗州用薦陞河東運使擢通政司右叅議遷兵部督捕理事官大理寺少卿己巳扈從南巡拜

澄懷園文存卷十一

一

命巡撫浙江陞兵部侍郎隨命督學江南任滿授左都御史陞刑部尚書總督兩江既調總督河道河工告成晉太子太保召入管刑部事轉戶部尚書吏部尚書

世宗登極拜文華殿大學士仍管吏部尚書事乙巳二月薨於位年七十有七加太保謚文端公居官五十餘年一本正心誠意之學以達其經事綜物之才體立用宏卓卓可紀年十四五即慨然有志聖賢嘗讀書赤巖精舍喟然歎曰君子喻於義小人喻於利義利之分聖狂誠偽之辯在此矣通

籍後從魏環溪諸公講學專事篤實之功深嫉奔競浮夸之習當時稱道學者首推公後之居官服政上結

澄懷園文存卷十一

二

主知原本諸此公司刑部時辨冤獄不避權貴都下比之龍圖包老守兗州以六事率屬一清吏治二懲胥役三察逃人四釐保甲五端士習六靖盜源遷河東充民遮道攀留奔走泣送直抵河東境乃已瀕行咸呼曰願公重來撫我去河東亦然倭羅斯者漠北一部落也公官兵部時與給事中某介內大臣前往宣諭道經喀爾喀地初喀爾喀與額諾德不相能額諾德乘喀爾喀旱荒潛師以襲喀爾喀敗聲言王師來救及是我師適至額諾德直謂為喀爾喀來也執我先鋒某一軍皆驚帳下紛紛欲退公曰我深入異地我退彼如躡我我士卒本無鬪志與之遇必不支矣不如固營壘嚴卒伍為之備而遣一使諭以來意彼當自解眾猶豫未決公厲聲曰臣子奉使絕域萬一變出意外亦捐軀効命之秋也堂堂天使奈何搖旂返甲作遁逃狀復何面目見至尊公等畏事我獨當之眾唯唯惟命遣使往諭額諾德果釋然來麾下頓首謝

罪歸我先鋒已而至倭羅斯亦奉命惟謹奏凱而還公撫浙以教養爲先務使人崇節儉知禮義雪冤枉賑災荒修廢舉墜各有條理期月之間風清弊絕幕中無賓友一切官文書及所上章奏皆手自治之案無留牘府無廢事立萬松書院進士子講性命之旨黃宗羲浙之耆儒也年八十五矣公與之往復辨論要歸於切實近裏詳見徐公潮戴公紱竹閣書院記竹閣者浙人肖像祀公之所也公之視學江南也

聖祖以江南人文甲天下必擇清望最著者司之

澄懷園文存卷士

三

故有是命公所至訓迪諸生明義利敦孝弟謹言行人人有所感發至於絕苞苴甄寒畯大江南北至今猶尸祝焉公敷歷中外多異績而治河之功尤大我

聖祖天授神智巡視河防洞悉機要授公方畧有曰黃河宜深清水宜出公拜而識之是時黃淮並溢清口閘淤漕道梗塞至有議改海運者公冒暑兩駕小舟閱形勢以河自開歸至雲梯而下淮溯洪湖至盱泗而上且與土人熟水道者參問深契聖訓之旨曰欲深黃必開海口欲出清必塞六

壩乎於是拆攔黃壩大疏海口旬日深至三丈寬及百丈河水滔滔東注先時

聖祖命於清河縣之陶莊開支河引黃北趨過惠濟祠而後合淮又於南岸御識標準築壩逼溜歸引河司事者不力公按舊跡大加浚治河壩始成

聖祖有黃河曲處取直之訓公於徐州楊橫莊邳州戚字堡桃源譚家口安東汪家莊屈曲劇險處濬河直下而勢平杜董安國誤開馬家港海口及大河南北決口而倍其堤安東縣時家馬頭潰處

澄懷園文存卷士

四

前人數築數圯公秉鼙鼓督役夫不踰時而塞縣之陳家社夙患黃河積水數出水怪潰隄公爲文祭之水不盈涌三日有物如牛徙去月堤以築吳家莊亦安東險汎築隄增壩勢乃不孤於清河縣王家營修減水壩通鹽河以備宣洩此皆遵黃河宜深之旨也前明洪湖暴漲楊一魁於高堰之周家橋高良澗武家墩建牐減水以治其標日久傾圯汕刷淮水南趨不向清口公至祀淮湖之神并力堵塞六壩屹然自武家墩至小黃莊周橋一帶隄工增卑倍薄湖無滲漏疏洪湖下流裴家場

張家莊帥家莊爛泥淺三汊諸引河引全湖之水  
濟運敵黃又於裴家場之上張福口更挑一河別  
引湖水於黃河出口相近處入運使兩清合勢敵  
黃有力修前明潘季馴江一麟所築歸仁隄引雕  
水出黃河減洪湖之浸以固高堰此皆遵清水宜  
出之 旨也經始康熙三十九年五月至十二月  
淮黃交會奏聞

聖祖嘉悅十二月二十六日至次年正月六日有  
河清之瑞至於河北漕運康熙二十六年於駱馬  
湖旁鑿中河至清河縣仲家莊出口後以逼近黃

澤懷園文存卷十

五

河改挑新中河而淺狹特甚公於三義壩上下用  
新舊中河各半合為一河浚拓寬深建肺放閉糧  
艘通行又嫌仲家肺出清水反滋黃流改縣下游  
楊家莊御示肺出口駱馬湖口竹絡壩大水漫齧  
二處亟塞之使黃水不入中河不淤而後捷中河  
頭壩仍引湖水由舊中河出黃以助刷沙塞中河  
堤岸缺口於禹王臺建土石兩堤俾沐水循道歸  
壑不軼於沂白馬諸河為鄰邳沛宿害淮南則疏  
運河建隄引清水歸漕大暢開蝦鬚二溝而射陽  
水通濬涇澗二河而運河漲洩疏人字芒稻而湖

水入江治草堰白駒而下河歸海他如浚鳳皇橋  
引河建劉老港遙隄磯心石壩創高郵州護城隄  
塞高郵九里決口邵伯更樓決口皆鉅工其搶護  
險工如尹韓二莊洪流奪埽萬夫束手公督汛員  
晝夜防禦創月堤八百餘丈工以無虞某日桃源  
城西烟墩黃河驟漲轟聲如雷堤不沒者尺許役  
夫駭散公聞馳至立隄上呼曰烟墩失守淮揚皆  
巨浸矣尺岸僅存不亟援護其若

天子之命何於是員弁感奮丁夫大集河隄屹然  
公清勤率下固以恩信帑無虛糜歲省金錢萬億

澤懷園文存卷十

六

治河之四年大工次第告竣癸未

聖祖南巡周視河工歎為二十餘年僅見 御製  
詩褒之厥後公又兩至河上是時天旱公至求雨  
輒應凡工所經公所閱視者輒保固云公忠孝性  
成自服官後惓惓以勉竭股肱報効 國家為念  
每拜一官輒歎

君恩深重感激涕零然其心初不以位為樂也母  
景太夫人早逝時抱慘愴嘗迎養封公於兗於浙  
後公奉差祭告西嶽相見於家封公來祝

聖祖萬壽又相見於京邸孺慕依依見者感動及

封公考終於家公在吏部值時方用兵傅太宰出師奉有忍痛辦理之旨公凡五具疏陳情俱格不得上欲面陳又不果乃悽然而退有一片傷心無處說西風萬里獨歸遲之句其志亦可悲已及世宗時力請省墳墓乃一歸以遂其志待諸弟極友愛配唐夫人相敬如賓平生不苟言笑雖燕私正襟危坐如對聖賢及與人接和氣藹然貧交後進提扶獎進不遺餘力性儉約不問家人生產浣濯之衣不去於體蔬菜之味不離於口沒之日田無負郭室惟御書樓數間而已然以此受知

澄懷園文存卷廿

七

兩朝雖有讒言不得間晚年恩遇益隆既老而病憲廟猶惓惓冀其復起考終之後

主上所以覃恩於公者迥踰常格此公純誠所感固然哉然明良相契終始一心亦臣子之榮遇也公所著有卓錄士鏡錄身鏡錄及自治官書詩文集若干卷行於世公一典順天鄉試戊戌辛丑兩爲會試總裁所錄士多公輔器後登政府位列卿者指不勝屈世咸服公有人倫之鑒玉公視學江南所取士也以諸生蒙國士之目繼與公同朝奉爲師表用是悉公生平然公之碩德偉望四海

皆知敬仰況玉哉公子懋誠以公行狀示玉如見公也乃撮其大槩敬爲立傳

澄懷園文存卷十一

八

贈中議大夫梅君傳

梅君名以燕字正謀宣城人父徵君子今京兆少尹以子貴贈如其官梅氏自周顯德以來居宣州代有聞人君曾祖某以明經爲州佐祖某明諸生父文鼎耆儒篤學精歷律算法康熙間大學士李文貞公薦於朝

聖祖皇帝召見行在詢論道數凡三日乞歸

御書績學參徵四字賜之天下稱爲梅徵君者也君少聰慧稍長嗜學補博士弟子康熙癸酉登賢書年五十二卒士林惜之初君弱冠即讀書刻苦

澄懷園文存卷十

九

又居母喪哀毀如成人得羸疾傳異人導引之術以愈遂強力練習世務徵君鰥居不復娶不問家人生產君理家政遣兩女弟嫁徵君其高曾祖妣多稱貸金錢不欲以累羣從君獨任之事竣徵君喜曰吾無累矣於是乃爲四方遊所至名人賢士爭折節願交安溪李文貞公尤相得歡甚館舍徵君或數年不歸歸復出而君常家居家日以起徵君以是久遊於外無內顧憂君性慷慨好施與周人之急鄰里有事常爲解紛排難人敬而信之然亦嘗受侮一日閉閣坐有妄男子自外毀戶入

持械瞋目大呼欲擊君君避匿不校其人固君所素有恩者也卒自慙謝人服君之量計偕北上不第授徒長安數載當是時徵君從李文貞公於保定幕府方薦見

天子刊所著書君往省父頃之南歸乃命其子穀成往侍徵君曰待而歸吾不復治家事矣穀成行逾二年君遂卒初梅氏將修家廟斂財百金工未及舉君卒之明年徵君歸視金封識如故君既歿而徵君亦倦遊矣後七年

聖祖皇帝思念徵君召穀成入侍禁中 賜進士

澄懷園文存卷十

十

由翰林改臺垣今爲京兆少尹能其官每泣言曰穀成蒙

三朝厚恩拔擢至此以大父父種德績學故駑下無以稱任使若吾父在沐寵光而後知遇豈若穀成碌碌而已耶君二子長即少尹次玕成庠生女二孫九人康熙六十年 詔有司爲徵君營墓地塋於達莊穀成奉君柩塋

論曰余與少尹同在朝得見梅君行狀而述之居家孝臨財廉磊磊落落君子人也余聞君無通岐黃術決死生百不失一何其多能哉或以孝薦終

老爲君惜名父之子後復有人君處其間亦可以  
無恨矣

光祿大夫太子太師文華殿大學士兼吏部  
尚書謚文端田公神道碑銘

惟天佑相我 國家篤生端亮斐恭之佐參贊綸  
扉調燮元化疊荷

聖天子恩禮始終榮哀具備其德業間望載於

國史播在 綸言足昭明良一德之盛而其純懿

恭孚亦足以式型在位而昭茲來許則惟今光祿

大夫太子太師文華殿大學士兼吏部尚書文端

田公其人焉公諱從典字克五號峴山澤州陽城

人曾祖諱允嘉祖諱三驅父諱雨時庠生以公貴

俱贈光祿大夫曾祖母王氏祖母延氏母延氏梁  
氏生母白氏俱以公貴贈一品夫人公少食負力  
學服膺父教贈尚書公篤學守道達於易常携幼  
子及兄遺孤避賊勢不能兼顧負兄子以走以敦  
倫飭行爲都人士師歿邑人祀之鄉賢公踰冠補  
諸生魁甲子鄉試戊辰成進士其學以經傳爲本  
儒書爲宗發之於文原原本本植躬誠懇不踰矩  
矱識者早覩公輔器也初仕韶州英德令矢於明  
神願爲清白吏判決明敏懲俗之刀筆興訟者清  
剔田畝釐正冊籍去重耗罷無名之供勸民輸將

不督而舊賦畢完更訪眉山書院故址新之置學  
田選士之秀者延名師以教之祀宋三賢唐忠肅  
介鄭監門使洪忠宣浩於堂三公皆以遷謫至英  
忠義之節可式後人故公訓士亦先節行而後文  
藝不徒科名蔚起也行取授雲南道監察御史疏  
稱調繁之弊有三一曰希圖美缺一曰規避衝地  
一曰豫爲卓異薦舉之地督撫濫調之弊亦有三  
一曰曲徇請託一曰公行賄賂一曰引用心腹之  
人請嚴定督撫違例者處分則妄念既息吏治自  
清掌陝西道又有定行取考選之例一疏皆蒙

澄懷園文存卷上

主

俞允巡視西城查通州倉清節凜然吏胥不敢爲  
奸

聖祖仁皇帝知公可大用也越次超擢補通政司  
右參議尋授左右通政光祿寺卿晉都察院左副  
都御史公久任臺職深悉機宜加意整飭臺規肅  
然謂御史非他司屬比務存大體以作言官氣舉  
効差委人無異議癸巳歷兵部右侍郎庚子擢戶  
部尚書時繼武進趙恭毅公後官吏凜肅公兼濟  
以寬而事不素謹慎度支嚴草出納陋規奉公潔  
己一如在兵部時今

上登極以公勤慎老成深可倚毗 賜清謹公方

四大字轉吏部尚書雍正三年拜文華殿大學士  
兼吏部尚書公協贊訏謨宣揚綽風夜在公孜孜  
不怠屢奉 優旨 賜賚頻仍逾年以疾請告

上慰留弗許六年復請得 旨有老成練達端方

公直恪慎恭謹之稱加太子太師以原官致仕

特命公卿赴居第錫宴以餞賜帑金五千兩歸途

所經有司迎送二十里陞辭日 召入便殿慰勞

欵至 賜御書扁聯褒以純誠輔弼眉壽恩榮

上之眷念公者至深且厚乃行未一宿薨於良鄉

澄懷園文存卷上

古

驛舍

上聞軫悼不已遣大臣致祭滿漢學士二人經紀

喪事給與卹典嗚呼自公致身三十餘年歷受

朝廷遷擢之榮惠養之厚誠曠古所未有中外士

大夫莫不欽獻感歎慶公遭際之隆又惜公方當

優游綠野享神仙之樂顧弗及待爲可悲也公生

平自矢惟樸誠一念朝夕冰兢實心盡職無聲援

憑藉之資崖岸城府之見

聖主知公最深同列公卿羣相敬信書所謂德惟

一動罔不吉者歟公性甘儉約食不兼味庭館間

寂門無雜賓家無厚產山田僅供餽粥歸裝無資  
賴 賜金優渥始得治行兼營後事殆古所稱清  
白宰相者歟薦舉賢才虛公慎重不使其人知典  
鄉會試尤稱得人凡商議國是閭閻侃侃未嘗有  
所畏忌回護委曲有古大臣之風廷玉忝與公同  
朝又同居政府者數年親見公之靖共匪懈日贊  
贊襄其懿德休光習見飫聞信足紀旂常而光史  
冊而

上之弘獎純臣存歿如一尤足令爲人臣者感激  
奮興不獨公一人增重也公薨於雍正六年四月

澄懷園文存卷十一

五

二十日距其生年七十有八娶蓋氏繼潘氏俱封  
一品夫人側室郭氏待封宜人子三愿早卒蓋夫  
人出恪三品廕生早卒懋一品廕生娶鄭氏俱郭  
宜人出女一適庠生王執藝孤子懋卜以雍正六  
年十一月三十日葬於縣北山頭原之 賜塋謹  
書其梗概勒諸隧道之碑並系以銘曰

嶢山鍾秀哲輔誕生邁種厥德爲

帝股肱翼翼孜孜聿昭誠敬特達受知從容輔政  
昌期正會庶績咸熙元老獲福自天佑之峻樹清  
標汪涵雅量爲漢丙魏爲宋李向我

皇中孚鑒乃匪躬 錫子便蕃 天語褒榮 子  
告西旋公卿祖餞

天子有言昭茲榮典忽乘箕尾返於青冥朝野內  
外悼失典刑徵公之誠何以一德後來繼公好是  
正直

皇恩賜奕謂篤不忘豐碑岌業 制詞輝煌公今  
何往神靈如在老成雖徂儀型弗墜日月叶吉闕  
於幽堂綿延奕禩長發其祥我作銘詞徵信良史  
宜爾子孫嗣美前趾

澄懷園文存卷十一

六



資政大夫吏部右侍郎署直隸總督加贈禮

部尚書謚端簡何公神道碑銘

雍正七年正月辛未資政大夫吏部右侍郎署直隸總督事何公薨於位

天子軫悼遣官致祭 詔禮臣議卹典加贈禮部

尚書 賜帑千金

上親定謚曰端簡喪還 命所過郡縣有司奠醢公於是可謂極哀榮之盛典矣案狀公諱世璠字澹菴一字坦園鐵山其號也生有異稟人目爲神童七歲工制義里中宿老深歎異之家貧不能得

澄懷園文存卷上

七

書每於鄉塾携經史歸過目輒成誦爲文頃刻千言學使拔冠軍旋食廩餼甲子魁鄉薦數上公車不第安貧力學雖短褐不完藜藿自給而讀書精舍蕭然自得常慕范文正公先憂後樂之言以經濟爲務蓋其器識過人遠矣辛巳授荅州學正荅故山僻地士鮮知學公至則嚴立學規訓以明經砥行士皆循循雅飭雖安定之教蘇湖無多讓焉已丑成進士安溪李文貞公主試得公卷謂有儒者氣象撤棘後知公素養每以理學稱之選庶吉士授檢討充大清一統志纂修官恭遇

聖祖仁皇帝萬壽覃恩得晉一階贈封考妣旋丁

母憂服闋起原官庚子典山西試士論翕服

皇上御極元年正月 特旨授山西道監察御史

上疏奏事稱 旨賜賚有加二月 命典江西試

所取亦極一時之選前此主試輒以士子坊金爲

贖餽公曰朝廷經制所以獎勵士子豈可以私廢

公拒弗受復 命當

上意有公明之論即日 命視學浙江公既清節

素著黃緣請託一不得行弊竇剔除務盡而又不

以苛刻爲明其整飭士習也每與諸生講論誠意

澄懷園文存卷上

八

毋欺之學終日不倦聞者感動學租悉以散給貧諸生不毫髮染指公明廉幹人心悅服試未竣有詔命至淮上去之日士子挽舟泣留幾不能行尋授兩淮鹽運使鹽政蠹壞久矣而公自矢清勤惟以恤商裕課爲務積弊頓清地方養廉取給日用而已節省贏餘留充公用是歲海潮泛溢 宸衷軫念災黎發帑金三萬分賑公承宣爲最力云三年十一月擢貴州巡撫時滇黔總制鄂公以忠勤幹濟爲廟堂倚重方極意綏輯民苗以仰副聖天子一視同仁之意公與協心一力於地方利

獎詳悉經畫長寨烏蒙鎮雄泗城謬冲諸苗次第  
剿撫羽檄交馳公籌運糧餉士飽馬騰尅日奏績  
又爲化誨生苗之法令薙髮衣服如制賞銀牌衣  
帽以示鼓勵一歲中所化苗寨不下萬餘益  
聖世承平日久聲教遠敷地方大吏能宣布朝  
廷德意以是卉服椎髻之氓向風慕義願爲內屬  
者所在多有而公之盡心經理相度形勢爲嚴疆  
久遠計尤周詳曲至未嘗一日不盡厥心也監司  
某以私謁公拒之峻遂懷怨連章密奏公陰事異  
以中公

澄懷園文存卷十

九

天子察其誣六年三月 召公入都 令廷辦公  
再奉 命覆奏

天子洞鑒終始益知公恪謹純白之操無可疑者  
事得白初公爲人所陰中公固不知及下其章於  
廷始知所由人多爲公不平公坦懷處之賴  
天子聖眷待公益厚即擢刑部侍郎改戶部未幾  
又改吏部一歲屢遷優獎特至時直隸總督宜公  
與協理侍郎劉公意不協事多牴牾

天子念畿輔重地惟公清正可任遂召還宜公以  
公代公年雖六十餘而刻苦勞勩早衰多疾病陳

情不許與劉公和衷共濟延訪境內事詳細無遺  
恪遵 訓旨以察吏弭盜爲安民要務實心殫力  
一一清釐屬吏爲之肅然已酉正月巡察御史至  
傳 旨諭以用心勿太過益

聖主深知公事必躬親巨細不遺慮其年高精力  
不勝而公竟以是盡瘁得疾比御史以正月壬申  
至公已先一日薨矣嗚呼公起家寒素位至封疆  
大吏一以誠恪潔清自勵苞苴請謁之事絕不得  
干其於國政民隱夙夜訪求熟思審處一破因循  
苟且之陋習以是上結

澄懷園文存卷十

十

主知下孚物望卓然爲一代正直之臣公益可以  
無遺憾矣公至性純篤髫齡失恃事繼母得歡心  
丁贈公憂哀毀骨立遠近稱爲孝子念祖父母未  
邀封典言及輒流涕遺疏上請終蒙 恩錫贈公  
於詩學獨能抒寫性情以淳古淡宕標舉宗旨同  
邑王尚書深愛重焉其後仕宦留題如箴銘體多  
可述而誌者公生於康熙五年二月初九日卒於  
雍正七年正月二十六日享年六十有四先世喪  
強人遠祖諱古用始著籍濟南之新城祖諱國鼎  
生二子長諱觀光次諱敏光公父也皆贈如公官

祖妣 氏妣李氏繼妣王氏皆贈封夫人元配徐氏誥封夫人子四體仁丙午副榜秉義甲辰舉人崇禮縣學生蘊智女子二一適齊東廩生張思謙一適益都張虞修孫六人淑洙縣學生淑溥淑江淑潞淑 孫女九人一適甲午舉人李基塢一適生員張爲已一適王信圭餘未字曾孫女二人體仁等卜以 月 日葬公於 之原請余文其陞道之碑因敘述梗槩而繫之以銘銘曰  
儒術之尊豈惟身榮一德一心爲 帝股肱朝仰令儀野懷善政典重酬庸易名錫命矯矯何公和

澄懷園文存卷十

主

而不同甯淡爲志清節是崇視學筦鹽風清弊絕鎮撫巖疆威行信結偶遭蜚語險絕太行良璧不淄其道益光

天子知公更委重寄太陽當空消伏陰曠非公之賢何以勸忠盡瘁事國 恩禮始終獲上治民惟誠斯恪翼翼小心 天威咫尺人亦有言清慎與勤勤施清節惟慎乃成績著旂常星歸箕尾棠樹留陰載歌樂只泰山峩峩泗水湯湯佳城蔥鬱豐碑煜煜昭茲來許子孫勿替恩厚寵榮以克永世

資政大夫吏部左侍郎加尚書銜致仕李公

神道碑銘

國家當休明隆盛之時累洽重熙堂庶交泰其間必有碩德之臣黼黻太平羽儀朝宁翊泰和之嘉運而其純龐敦固之氣又能平格壽康逸豫林泉保艾於爾後此則其得天獨厚與氣運相爲參會者也謹按資政大夫吏部侍郎晉秩尚書晴崖李公諱旭升字東生號晴崖原籍山右汾州府之孝義縣十世祖諱讓以武功遷蔚州遂家焉祖諱積德累行鄉里比之太邱彥方父諱振藻由內

澄懷園文存卷十

主

閣中書歷刑部郎中著有蕙幹聲皆以公貴贈資政大夫祖妣張氏妣史氏俱贈夫人公生而雄偉資性穎異讀書過目成誦講求經濟及先儒諸書不沾沾經生章句名公宿老皆器重之年二十補博士弟子員丁巳登鄉薦壬戌成進士補中書舍人授戶科給事中丁外艱服闋補兵科給事中遷戶科掌印給事中疏陳時事封章屢上

上皆嘉納補太僕寺少卿隨典湖廣試所得皆三楚知名士陞通政使司左右通政旋遷光祿寺卿太常寺卿陞都察院左副都御史未幾遷工部侍

郎念虞部爲國計民生攸賴嚴出入謹度支稽核  
詳明商人積逋疊議以一九帶銷限年完補疏  
入蒙 俞旨允行庚寅

聖祖仁皇帝軫念閩省歲歉發江浙漕米三十萬  
石 命海船接運賑濟公寶偕戶部左侍郎筭公  
以行催船督運備歷險阻宣布

皇仁閩人賴之辛卯調補刑部左侍郎月餘陞吏  
部右侍郎管左侍郎事公於一切事宜悉遵定例  
未嘗參以私意而綜理周詳吏胥不得舞文滋弊  
惟順乎理之至正行乎心之所安而已蓋公於前

澄懷園文存卷十

五

此所歷諸職或二三年或數月即遷各勤乃職而  
於銓部獨歷十二年之久其於國家澄敘官方甄  
別流品之際尤極周詳慎重癸巳春恭遇

聖祖仁皇帝六旬萬壽特舉養老盛典時公年已  
六十五矣預宴於 暢春園壬寅春正五日 賜

千叟宴於 乾清宮公亦預宴賦詩公在位既久

寵遇日隆凡 天章宸翰及文綺寶玩 御纂諸

書疊加 頒賚又以皓齒黃髮與

天子憲老乞言之典而是時公弟姪輩先後擢巍

科登玉署長子宗伯時已游歷卿班位躋宮升一

門簪纓貴顯爲中朝士大夫所欣慕而公時時以  
寵命重膺踰涯過分爲懼

皇上纂承大統眷念老臣特加優禮而公以衰年  
足疾陳情乞休 召入便殿 賜賚優渥晉秩尚  
書致仕復 賜衡平耆碩四字祖帳以歸謝政後  
守約養素歲捐粟貯社倉爲士民倡朔望與里老  
宣講

聖諭以興仁講讓相砥礪或扶杖出郊勸農力作  
夫士大夫致身廊廟或不能遂其林泉之樂所以  
午橋綠野古今傳爲美談公以致政之餘閒歌咏

澄懷園文存卷十

五

太平之日月一言一行皆有裨於民生風化可不  
謂進退以道者歟公爲人和平直亮平居詞氣容  
貌間遜若不及遇國家大政指畫悉合機宜有古  
大臣風賦性純孝七歲時史太夫人見背哀毀如  
成人居父艱喪葬悉准禮制丁繼祖妣喪亦哀禮  
備至嘗訓子弟曰百行莫先於孝不失其身則爲  
正士爲名臣不辱其親斯爲能守其身孝之大也  
誠子弟以醇謹恪守家聲門第清寂無異寒素至  
於服官供職尤拳拳以精白宅衷公忠體國爲訓  
雅好詩書手不停披所著有南遊草大儒集粹錄

戴補齋集蓋能以學問爲踐履者公登朝三十年  
不爲赫赫之譽生平自矢惟誠實一念朝有柱石  
之瞻退享養恬之福克躋耄耄世濟其美受

兩朝之恩遇爲一代之完人豈非其得天之厚遭  
運之隆乎戊申九月公八秩誕辰祝嘏者駢填珂  
里後六日而公歿詩所謂高朗令終令終有假者  
公真無愧歟元配馬氏誥封淑人累贈夫人明威  
將軍任公女先公卒子三長周望丁丑進士

經筵講官禮部尚書次斯盛恩蔭生先卒次光祿  
恩蔭生候補主政女二長適太學生劉世謨次適

登懷園文存卷十

五

候補主政劉師向孫男四守業不顯霖雯雍正七  
年 月 日將卜葬於山之麓余與公父子  
同朝久知公立朝始末又獲炙宗伯之厚德高風  
宗伯爲正卿時公手書盡忠補過四大字令銘座  
右此與隨武子之誨文子萬石君之訓石慶何異  
因述其梗槩而繫之以銘銘曰

天佑我

朝篤生耆碩端謹公忠休光爲奕嘉謨屢陳昌言  
抗疏不激不隨風裁素著明裡慎憲罔不糾虔銓  
衡秉鑑邦治賴焉既竭臣衷懋膺

王春出入廟廊從容清宴濟美同朝頻邀異數風  
夜兢兢盈滿是懼引年致政田里優游燕閒嘯詠  
昔賢風流第祿重申箕疇協極既壽而康考終令  
德惟公之德慶流家邦惟公之福榮滋經綸懋鬱  
高原幽宮永宅百世是延以昌以熾

登懷園文存卷十

五

通奉大夫 經筵講官禮部侍郎梁村蔡公

神道碑銘

今皇上天竄聰明紹承聖統御極初元慎簡經術醇明學行充備之士輔導

諸皇子端養正之功於是漳浦蔡公以在籍庶常召直內廷專侍講讀公之學於經史子集百之言不屑屑章句而洞徹其指要尤達於宋儒理諸書每進講時疏通原委抉發闡奧至凡忠孝名節義利大閑修己治人之方仁民愛物之道本之性情學術而推致於日用動靜家國天下之際

澄懷園文存卷十

毛

者剴切敷陳詞旨明暢聞者悚聽

皇子皆粹質天稟就將典學虚心聽納資於公者甚深公天性樸誠氣質凝重根柢深厚意思肫懇於講道勸學爲長而感激 知遇殫心報稱益思不負所學所以輔翼開導者甚至子與公同侍內廷數上下論議嘗謂公志術正規模大踐履篤嗚呼是亦可以槩公生平矣公諱世遠字聞之號梁村福建漳浦人曾祖一橙萬歷舉人祖而煜郡庠生父璧羅源教諭皆以公奏請 特贈通奉大夫內閣學士兼禮部侍郎妣皆贈夫人公以康熙

乙酉舉於鄉己丑成進士

聖祖仁皇帝簡授庶吉士請假歸未幾丁外艱追服闋翰林在假者槩予休致公先請假而繼以居憂可赴部自白公曰投牒求官非義也訖不自明安溪李文貞公素稔公學行劄薦分修性理精義乙未書成聞生母吳太夫人得未疾亟歸侍養少間巡撫海康陳清端公聘公主鰲峰書院先是儀封張清恪公撫閩時葺書院延師課士子實學又延賢士大夫訂先儒遺書公考教諭公曾主共學鰲峰兩書院公於時預纂修事及是公又至父子

澄懷園文存卷十

宋

相繼主講席德望益崇公爲立學約以循序體察爲致知之方以敦本立誠爲力行之要始於立志而不爲祿利詞章所汨沒切近存省循循以幾於上達與人言必以上一等人爲的一時都人士奉公訓迪爭自濯磨所成就者甚衆李文貞公致書陳清端公有云吾聞自蔡虛齋陳紫峰林次崖諸先生後實學衰歇漳浦蔡聞之志尚不凡蒙招主講席僕老矣庶幾猶見聞學之興蓋公之見重當代鉅公者如此公至性敦篤事教諭公及太夫人盡孝甫就館職即謁告歸侍居喪哀毀逾節殯葬

一遵家禮閨中士族多化之者兄弟同財共產居無間言大小宗各置祭田親族不能婚葬者分俸贍之居家儉約官至卿貳而自奉有貧士所不能堪者與人交和易懇篤至誠愷惻之意溢於詞表喜汲引士類每得一善津津樂道而望之介然有不可犯之色世俗卑陋之見絲毫不可入其胸光明磊落洞無城府癸卯甲辰鄉會分校所得多佳士每進見必語以切己有用之學讀書務求心得深通史學於歷代興衰得失之故琅琅口誦如指諸掌發爲文章直抒胸臆精深宏博粹然一出於

澄懷園文存卷十一

无

正所著二希堂文集卓然成一家之言所編纂有朱子家禮輯要性理精要鰲峰講義歷代名臣言行錄評選古文雅正六代四唐詩若干卷又與高安朱公編訂歷代名臣名儒循吏傳皆行於世公自雍正元年遇恩詔起復召見即授編修尋署日講起居注官進侍講歷右春坊右庶子侍講學士詹事府少詹事陞內閣學士兼禮部侍郎充經筵講官遷禮部右侍郎轉左以族人事降一級調用未補及溫諭復職而公已屬疾不起時雍正十年正月九日也初公之疾也命

太醫日夕診視珍藥給自尚方及歿賜內帑五百金庀後事

皇子致賻三百金給驛歸葬嗚呼公遭逢

聖明荷特達之知起自疎逖侍直禁闈海陟崇

階屢承譽命前後司文衡列講筵參扈從綸

封晉錫賚子便蕃端師範於儲宮扇儒風於海

澠施及身後史冊垂休蔚然一代理學之臣以上

應國家昌之運洵可稱不負所學者矣公年

五十有二元配劉夫人先公一年卒淑行具公所

撰行狀中子七人長漢已酉舉人長澐郡庠生觀

澄懷園文存卷十一

手

瀾長融太學生長浩尚幼長注性孝慧十齡而卒側室遺腹又生一子夢公錫名曰恭女三一適原任長洲縣知縣張福泉一適世襲阿達哈哈番藍行龍一尚幼孫二本榮本樞年日月葬公之原孤子以隧道之碑來請公事履學行有孤子事狀及幽堂之銘茲不具列揭其要者俾刻石以表於阡而繫以銘曰

三山間氣篤生鉅儒潛光海嶠奮跡天衢學本程朱志希孔孟不驚聲華秉諸性命風規嶽立卓爲經師於朝於野咸仰光儀道南遺緒流風漸泯惟

公繼起續承不遠儒林文苑公實兼之含經味道  
未竟厥施淵源家學延於孫子餘慶垂祉清塵踵  
美幽宮叶吉鬱惹新阡銘詞徵信貞珉永鐫

澄懷園文存卷十一

辛

澄懷園文存卷十二

桐城 張廷玉 硯齋

光祿大夫 經筵講官禮部尚書李公墓誌  
銘

雍正八年六月甲子光祿大夫禮部尚書南屏李  
公薨於家以其年十一月 日葬於蔚縣之 山  
孫子霖以壯來謁銘公爲先文端公丁丑禮聞所  
得士有通門之誼余又與公父子同朝久公父尚  
書公之歿也余既文其墓隧之碑茲何敢辭公諱  
周望字渭涓號南屏曾祖諱 祖諱振藻俱以  
尚書公貴詒贈資政大夫父諱旭升官吏部左侍  
郎以尚書予告曾祖妣張氏祖妣史氏沈氏妣馬  
氏繼妣劉氏俱贈夫人尚書公生三子斯威廕生  
先卒光枝廕生候補主事公其長也生而聰穎好  
學爲文每傾其儕輩諸先達皆以大成許之年十  
七補博士弟子員旋食餼庚午舉於鄉公自以年  
少登科益刻勵學問究心先儒理蘊及古人經世  
之書丁丑成進士選翰林院庶吉士己卯授檢討  
壬辰春分校禮闈得今少司馬胡公煦等十二人  
皆知名士癸巳陞國子監司業明年陞翰林院侍



講 命提督湖廣學政三楚故稱人文淵藪公以  
端士習維風化爲諄諄刊刻箋註 御製訓飭士  
子文每接見諸生反覆開諭俾士子咸知求躬修  
行以無負 朝廷樂育人才至意藻鑑精明苞苴  
屏絕而又不爲沽名邀譽之舉故清而不刻廉而  
不矯一時稱學政公明咸以公爲第一復 命授  
國子監祭酒旋陞詹事府詹事仍兼祭酒辟廱爲  
首善 地公正以率屬訓諸生以實修文藝勿襲  
浮靡學文敦行循循咸有矩矱捐俸修葺學舍題  
額於兩序曰崇實曰振雅鼓篋橫經者羣樂絃誦  
有所考取教習三十人局戶而嚴試之人不可干  
以私集錄 本朝歷代所用禮制樂舞編纂成書  
曰國學禮樂錄又完整元明以來進士題名碑殘  
仆者復著爲成書曰題名碑記在成均二年士習  
蒸蒸日上一時六館之士稱彬彬焉庚子典試江  
西得人最盛旋陞內閣學士兼禮部侍郎辛丑  
聖祖仁皇帝命將出征公督運西陲偕都統圖公  
士海少司馬李公先復通政使魏公方泰出喀喇  
沁口分道前驅抵揅漢叟兒納米木城日夜食卧  
風雪輓軍儲迴萬里事竣 特加恩賚壬寅再

登懷園文存卷十二

二

再督運於揅漢叟兒十月十日抵京越三日

聖祖仁皇帝龍馭上賓

皇上續承大統知公勤勞恪謹可大用尋陞戶部  
左侍郎充 經筵講官時 怡賢親王總理部務

公追隨釐畫綜覈精詳戴星出入寒暑無間 王  
每爲稱獎不置而公竟以積勞成疾矣乙巳晉禮

部尚書

上詢知公疾遣太醫診視疾稍愈

上慰勞良久諭以加意調攝公雖抱病每力疾視  
事同寅協恭以求共濟蓋公居官奉職每事必求

登懷園文存卷十二

三

無忝當 國家承平雅化百度整飭之時文治光

昌武功赫赫濯九式三禮之制帑藏豐盈典章明備

而公敷歷中外執文柄任轉輸領出納之司典秩

清之任凡有關於

聖朝政治之大者皆殫厥心力靖共匪懈

上亦稔知公盡瘁國事故 寵遇日隆前後所賜

御製諸書及內府珍玩文綺之屬便蓄積疊恩

禮優渥丙午重九開清寧嘉宴效栢梁故事賦詩

上召公至御榻前手卮酒勸公直可謂極適逢

之盛者矣是年九月尚書公薨於里第訃至公痛

不欲生得 旨回籍守制即日奔喪時年六十有  
二公天性孝友馬太夫人構疾奉侍左右衣不解  
帶者數月既歿極哀盡禮恐傷尚書公心銜哀作  
陟屺吟百首讀者比之蓼莪仲兄際熙歿撫其遺  
孤如己子侍奉尚書公先意承志尚書公以耄耋  
之年優游田里祿養之日最長公疾劇時以尚書  
公諭祭葬禮未舉時為恨數日忽瘳一一經理如  
禮制衆以孝感所致生平尤慎密敷陳章奏多見  
施行繕疏後即焚其稿有所薦舉其人終身不知  
素行清介自奉淡泊雖貴列上卿無殊寒素平居  
溫厚自持不露圭角及任大事不為威怵利疚與  
人接物寓精明於渾厚從無矯激之行著家訓一  
編其嘉言懿行多可為縉紳則做嗚乎公學探本  
原湛深經術明於公私理欲之界故能廉潔立身  
公忠體國為臣則無負

澄懷園文存卷上

四

主知為子則克遵庭訓尚書公既以老成耆德樹  
峻望於前公復以令聞清標繼賢聲於後父子勲  
名懋著焜耀鄉邦洵足以垂裕來茲光昭史冊者  
矣元配李氏繼配劉氏皆有淑德誥封夫人子霖  
尚幼余嘗讀澤州陳公所為公曾祖約齋公墓誌

敘李氏累世多隱德今既大顯於時子孫世德相  
承知其昌熾正未有艾也銘曰

融顯高門緒衍令德並躋崇班後先為奕純臣體  
國恪勤匪躬敷文襄化轉餉佐戎總理度支經營  
克舉

帝謂公賢秩宗命汝

兩朝眷遇錫予休嘉克勤於邦有耀於家紹庭休  
訓踐修罔替厚德高風清芬是繼蟠根仙李柯條  
蕃昌保世滋大奕葉貽芳太行北走罔巒紛互鬱  
鬱松楸堂封孔固淳氣所接千秋永護

澄懷園文存卷上

五

光祿大夫太子太傅文華殿大學士兼吏部

尚書加贈太傅謚文端朱公墓誌銘

乾隆元年九月己酉太子太傅文華殿大學士兼吏部尚書高安朱公薨於位

上震悼輟朝親臨其喪命官治喪事先三日親視其疾蓋公勤勞中外服官

三朝始終一節立身俱有本末而

天子篤念舊學恩禮之隆近古所未有也其喪之歸孤必塋等以狀乞余銘乃考次公之生平大節

而誌焉公世爲瑞州高安人九世祖益中以進士

澄懷園文存卷上

六

官刑曹有陰德曾祖崇以理學稱公諱軾字若瞻號可亭鄉試第一登康熙甲戌進士天性清介篤經學練世事當

聖祖仁皇帝時由庶吉士出補潛江令剔奸弊興教化陋規浮耗革除殆盡嘗以爲邑令得人則民安而天下治矣民或以鬪死上官坐爲故殺公爭之強欲劾公公曰畏劾而枉殺人令不爲也卒莫能奪入爲刑部主事歷郎中多所平反有巨猾繫獄或爲解說謂公寬仁必得脫公獨論如法曰枉法以縱奸吾不能也時有奉詔緩追逮帑者同官

急操之欲以見才公力持不可事聞由是見知分

校禮闈出督學三秦倡明正學以橫渠張子知禮

成性變化氣質二語爲教士大悅服因試冊至部

科遲掛吏議已遣代秦人聚乞大吏留公事微聞

上廷訪僉舉公乃緩代由是益見知擢光祿卿

出尹陪京入補通政使出撫浙江下車即除供億

浮侈獎廉激濁人比之張益州之於蜀清而不苛

浙俗以變民知儉士知禮昏喪賓饗有常式築海

甯上虞石塘濬中小壘淤沙海潮以無害懲北新

關蠹役行旅得寬慮因平反輒數百條每晨坐治

澄懷園文存卷上

七

事至夜不倦無文吏無得遲者嘗言循良之吏曰廉曰才曰慈惠曰強幹悖此一郡邑不可治由此放之天下而準故公自爲邑令至於大府皆無四者所至士民慕德久而不衰入爲左都御史值旱出賑饑山陝條上六事其一責墨吏贍饑民以贖過而通商截漕募役恤災救疾諸條規畫曲至皆報可又爲條約八事以飭有司自禱雨壇儆古禱說改祝辭責百神以不能禦災祐民越日數百里同得雨民相謂曰非公吾屬溝中瘠矣事畢又疏言倉儲分貯糶借之法皆報可公惠澤及民者所

巡歷爲尤多當

世宗憲皇帝時由都御史擢吏部尚書清銓籍吏不能奸是歲典京兆試有聲晉階太子太傅典癸卯甲辰禮闈拜文華殿大學士在政府務爲鎮靜思仰承

天子所以休惠元元勞心求治之意薦賢覆過惟恐不及時議以耗羨歸公公言其不便其他贊襄裨益者不可悉數也公素講悉畿輔水利奏請經畫

上遂命公從怡賢親王董之竭勞積七八載京東

澄懷園文存卷三

八

廢壤引泉灌溉多成膏腴而漳衛滏陽子牙永定諸河上流無泛溢患公所籌畫爲多雍正三年奉使視浙江海塘還奏稱旨十三年更奉使出理海塘中途入奔

世宗憲皇帝喪而

嗣天子已召公既至京命協同總理政務當是時

上方紹述前徽善政具舉公知無不言言無不盡求民之瘼而疾興利之臣矜民之無辜而欲除其蠹吏上疏言有司加派冒稱開墾及刑官就重避輕之弊最爲深痛皆荷褒納天下蒸蒸向風矣

其他嘉謨嘉猷入告者又不可悉數也

上方倚任公而公疾亟臨終上疏曰惟君心萬幾根本而理財用人國之大政臣聞國家賦額已足經費倘有言利之臣倡加增說仰祈乾斷斥絕君子小人心術之辨審擇而進退之慎之又慎此臣於垂死時竭芻蕘之獻者也

上覽之爲流涕嗚呼公之忠愛何如哉安社稷庇生民之念惓惓不忘而初終一節此

天子所爲重悼惜公者也初公內召爲都御史迂道省父母拜疏即行至京師父喪去任弗許乃求

澄懷園文存卷三

九

効力西邊以墨綬即戎旋命賑山陝饑事畢子歸葬家居一載入奔

聖祖仁皇帝喪

世宗憲皇帝以是知公孝公母喪慰諭曲至允終制以全其志而以素服視營田工蓋公至性純篤上感

聖心而蒙鑒察者如此公著書多尤精於三禮皆有疏說始教族人輯家儀三卷復廣爲二十卷輯名臣名儒循吏傳百餘卷自諸生至爲宰相食不貳味衣不鮮華而愛國忘家准民生休戚是念凡

所學必以身踐之是以忠猷耿著質行淳懿出入中外四十年爲

三朝耆德天下識與不識皆推頌無異辭可謂一代之偉人矣公生於康熙乙巳年八月十一日享年七十有一贈太傅謚文端賜金祭葬曾祖崇祖朝綬父極光皆以公貴贈光祿大夫太子太傅文華殿大學士兼吏部尚書曾祖妣李氏祖妣張氏孫氏妣冷氏及公元配陳氏俱贈一品夫人繼室毛氏贈淑人子男三人長曰必堦通政使司右通政次堪翰林院庶吉士次必坦舉人世襲騎都尉

澄懷園文存卷十一

十

女五人一許字舉人李家駒未婚守節一適生員毛鴻遠一適太原縣佐吳學源一適太學生徐天明一適南雄府經歷嚴宗期副室謝氏生必堦贈淑人陳氏生必坦封恭人乾隆 年 月 日葬公於 之原廷玉辱公後同在政府日久熟知公之爲人及其勲績而爲天下惜公嗚乎其可無銘也耶銘曰

大儒之學堯舜君民翼翼朱公國之良臣探道窮經有蔚其文遭遇其時山川出雲牧於大邦久而見思成政來歸百僚之師出入屏毗事我

三后舊學不忘朝夕左右

天子曰咨予懷民恤公則入告去吏掇克

天子曰咨予嘉好生公則入告廷尉之平幼學壯行公洵無愧庶公儉讓風於有位昊天不弔何不慙遺有偉遺疏日月並垂

帝臨公喪涕泗汎瀾遭逢樹立如公乃完謚有太常事告之史身乘東維令名無已豫江東流穹碑我空於萬斯年公之幽宮

澄懷園文存卷十一

十一

資政大夫江蘇巡撫兵部右侍郎兼都察院

右副都御史邵公墓誌銘

乾隆元年冬

天子以吏部侍郎邵公巡撫江蘇封疆寧謚政宣  
人和 溫旨有一路福星之褒其明年秋八月公  
忽感疾卒於位事聞

上震悼下 詔經紀其喪厚卹予中朝士大夫及  
天下人士無不歎公之清德與其寵遇而不克永  
年以竟於大用爲可惜也余與公同直 內廷日  
久相知尤深公去後悵悵如有所失况其死生之

澄懷園文存卷三

十三

際耶乾隆三年冬十月孫子鐸將葬公於本邑西  
山之陽以狀來乞余銘余何可以無辭公諱基字  
學址別字思蓼浙江寧波鄞縣人先世出康節先  
生雍名敬先者始居鄞官學不絕高祖鑑曾祖洵  
俱隱居不仕祖父梅歲貢生父悛康熙癸巳孝廉  
祖父父皆以公貴贈資政大夫經筵講官吏部左  
侍郎祖妣顧妣郁並贈夫人公少故穎異又父爲  
鄞名諸生且三十年親指授公文字每一篇成必  
細書其紙尾示以突與以故公於學無所不窺而  
文章閎瞻瑰偉不可一世康熙庚子舉浙江鄉試

第一文傳海內窮鄉僻壤操觚之士無不知有邵  
公也辛丑成進士改庶吉士旋丁內艱服闋後號  
思蓼以誌痛赴闕授職編修公素食貧刻苦能甘  
澹泊尤以名節自勵在館勤職業寡交遊中正和  
易而人不可干以私隱然負公輔之望旋改御史  
封事多稱 旨巡視輦下戶不藏奸直指三輔單  
車就道分校兩閩號爲得人聲望大起遂掌河南  
道整肅一臺公正不頗而公故儒臣既以文學著  
名又居官以清介著於是

澄懷園文存卷三

十三

世宗皇帝雅知公而眷注 宸衷矣雍正九年考  
試翰林科道諸臣任學使公文最稱 旨奉  
上諭邵基另有簡用其年冬轉戶部給事中 特  
命內書房侍

皇子講讀連加遷擢五年之內歷官臺省繼感銓  
部仍長成均公偉儀表聲音宏亮充 經筵講官  
每進講及奏對

世宗皇帝恒加獎許焉其在成均也立教術五條  
以聖賢可學而至誨勉生徒其在銓部也守成法  
不可搖奪胥吏無所容其奸

天子眷注彌隆 賜第宅於東華門內錫賚便蕃

不可勝紀凡校閱文藝之役公皆與先是典試豫章有聲晉秩一級復以江南才藪特命典試時雍正十三年也

皇上紹登大寶公以舊學之臣原官供奉內廷

兼翰林院掌院學士日講起居注官又兼皇

子內書房行走公參贊機密校理文籍日侍禁

廷官雖少宰而

上倚公如左右手其年考試中翰及鄉試兩闈皆

以公爲主試官公感激

兩朝知遇凡事無大小必竭誠盡慎以報

澄懷園文存卷二

十四

天子不肯婢阿苟且而生平尤以文章甘苦自信嫉浮薄奔競每典文衡務取能自樹立不因循之士使天下進於通經學古一時文體爲之一變是

冬考試博學鴻詞又奉命閱卷未幾有巡撫江南之命公固辭

上曰吾以東南重地相屬旋當召卿月公遂行江

蘇地頗劇而俗侈公至立規條絕請謁嚴以約束

寬以恤民開濬運河及所當罷斥驛聞奏報可

而晨夕坐廳事自治文書屬吏到門即相見周詢

民隱闔署中食浚衣樸童僕僅二三人以身率先

儉約人謂自湯文正張清恪後公鼎峙焉奉命

暫攝織造關防又攝兩江制府篆又偕督河諸臣

會勘茅城鋪河道一歲之中公事至不遑啟處吳

中有紫陽書院公爲延山長教諸生掃除望市獄

狹邪之遊以正風俗三吳士民胥賴公

上亦倚公未即召而公病作

天子遣太醫馳視而已無及矣公年僅五十有一

使天少假之年當必大展其用爲國家柱石心

膺之臣而遽至於此竊非命也歟公自成進士至

於九卿家無一掾不蓄媵侍夫人猶躬自執爨嘗

澄懷園文存卷二

十五

謂士大夫不爲妻孥所累惟有儉耳不儉則不能廉名節掃地矣人以爲名言公疾時僚屬進見見

公布被紵帳室無長物如寒諸生相顧嗟嘆嗚乎

公之清風介節如此豈非人情之所難也哉可謂

賢者已公夫人王氏以覃恩受封子一即鐸乾隆

丙辰進士翰林院檢討孫女一余撰次公之生平

大畧至其密封陳奏劄子與嘉言懿行之詳藏

於家乘職在史官余不得而盡述也乃系之以銘

銘曰  
展也哲人生於甬東魏科令聞文辭之雄受知

兩朝翔翔館閣如鴻過風如魚縱壑入侍經席出  
司文衡匪直以文履潔懷清

天子曰咨予念南服半壁蒼黎維汝予牧公辭弗  
獲成政或來未及一載孰知告哀天實爲之朝野  
傷悼胡不假年未盡厥報九九松柏西山之岑公  
墓在焉樵採勿侵榮寵始終克昌厥後銘諸幽宮  
以垂永久

奉直大夫原任廣東學政按察使司僉事翁

公墓誌銘

雍正六年春正月十日前廣東督學僉事羅軒翁  
公卒於家卜以十一年四月十三日葬於錢塘白  
雲山之原辛亥冬公子甫生孫于廣來京師再拜  
請銘於玉玉厠公門牆有年矣公之嘉言懿行知  
之最深因不揣弁陋敬爲序而銘之公姓翁氏諱  
嵩年字康飴號羅軒先世中州人宋南渡遷浙之  
仁和代有名德前萬歷戊戌進士歷知河南衛輝  
府諱汝遇者公曾祖也祖諱開之天啟甲子舉人

知辰谿縣贈中憲大夫父諱菁歲貢生授德清縣  
訓導贈奉直大夫公生而穎異大母錢太恭人顧  
而喜曰此兒器識不凡他日必能自振出就外傳  
有無人資十歲即通六經大義長習舉子業於左  
國史漢百家之言靡不探測康熙壬子舉順天鄉  
試試南官數不利就武義教諭戊辰成進士甲戌  
授戶部山西司主事閱三年陞本部四川司員外  
郎未任丁表太宜人艱已卯服闋補雲南司庚辰  
陞刑部廣西司郎中是歲奉 命分校禮闈壬午  
列名學政 詔試 內廷稱 旨賜 御書朱子



詩一幅遂受 命督學廣東三年秩滿督撫交章  
推薦而公素志恬淡遂不復出公之司教武義也  
講明經術樂育人才有胡安定之風修文廟建啟  
聖祠立義學人已服其經濟宏遠矣任農曹經理  
財賦出納必慎既轉秋官斷獄平允有仁明之頌  
一日有盜就詢具服公察其神色似有冤抑力請  
寬期果獲真盜往例對簿不屈以皮爲掌批其頰  
人輒昏仆公毅然請除之見獄中囚日食淡夜卧  
泥塗中往往疲斃公捐俸備鹽蔬置卧具全活無  
數庚辰分校得士十有五人王與今冢宰靜海勵

澄懷園文存卷三

七

君廷儀皆受知於公泊乎視學粵東公明自矢凡  
所振拔皆寒畯之有才者瓊郡遠隔重洋學使每  
檄生童赴雷州考試公曰人而忠信何畏波濤爰  
口占一聯云只問寸心無愧怍不知行海有風波  
手書懸之海神廟中竟渡海颶風大作舟師驚怖  
公嘯歌自若於此亦可想見公之生平云公孝友  
性成德行夙植以奉直公未逮鼎牲之養銜悲風  
木奉母袁太宜人入都備盡色養太宜人即世擗  
踊哭泣勺水不入口者三日歸營窆旁偕兄弟結  
廬墓側飲食必祭風晨雨夕哀音動人孤姪藻撫

之成立舉進士歷官臺諫奉職勤慎一秉公訓季  
弟喬年早歲昂以立身經世之道出爲縣令入爲  
侍御皆有賢聲公之至性肫摯洵有足以爲人倫  
表式者至若敦尚意氣篤念親交如同年房某罹  
法網中表顧某坐戍窮邊公盡破家資仰援 恩  
例俾得釋縲生還他若嫺睦故舊爲之經理婚喪  
直如已事孤寡無依者賑恤不遺餘力至今猶有  
道其德者公子甫生恪遵庭訓著有聲績由桐城  
令除太倉牧屢迎公就養子舍而公酷嗜林泉以  
葛嶺密邇城市築數椽於白雲山之塢蒔花種竹

澄懷園文存卷三

九

怡然自樂遂終老焉公生於順治丁亥九月十一  
日距卒享年八十有二元配陳氏贈宜人恭儉有  
禮配徐氏贈宜人慈和性成俱先公卒子二長甫  
生官江南直隸太倉州知州出爲同祖弟哲穎後  
次元岳歲貢生早卒俱徐宜人出女二長適臨安  
學博陳大綱次適國學生陳彙葵孫四子廣歲貢  
生于田國學生俱元岳出于槃國學生于太尚幼  
俱甫生出曾孫五光遠光達于廣出光通于田出  
光邁光述于槃出鳴乎公經衍政事望重廊廟中  
途解組未竟其施然優游泉石者二十餘載享耄

艾之高年樂湖山之勝地賦詩揮翰心跡雙清榮  
名全福世罕其匹蓋公恬雅之懷有以導迎善氣  
孔子曰知者樂仁者壽惟公有焉玉受知於公趨  
承几席謦咳如聞歸返佳城執紼無自謹南望揮  
涕而爲之銘銘曰

繫維哲人清標絕倫淵渟嶽立威鳳祥麟瞻望岱  
宗莫並其高攀援弗逮仰止爲勞鷺峰如蓋錢江  
如帶九丸松檜勿剪勿敗維茲幽堂白雲之陽青  
鳥告祥奕葉其昌

光祿大夫太子太傅文華殿大學士兼吏部  
尚書加贈少保謚文敏穆公墓誌銘

乾隆三年冬十月

上召太子太傅文華殿大學士兼吏部尚書穆公  
自浙江制府治所還朝時公已邁疾道由江南請  
暫就醫於家詔公子左春坊左諭德璜歸省遣  
太醫馳視賜人參藥物

天子日望公有瘳虛位以待逾兩月薨於里第計  
間

上震悼輟朝特贈少保加祭一壇謚文敏朝野聞

者咸歎惜焉明年其孤璣等奉狀乞余銘公諱曾  
筠字松友號禮齋姓穆氏出魏中散大夫後宋南  
渡時遷吳興又十世遷常熟又六世爲公曾祖本  
本生廷用官中書舍人子九人其三公父永仁始  
家無錫以諸生從范文貞公死耿逆難贈國子監  
助教其後三世皆以公貴贈光祿大夫太子太傅  
文華殿大學士兼吏部尚書曾祖妣許祖妣金周  
妣楊皆贈封一品夫人公七歲而孤太夫人救之  
讀書年二十七舉康熙壬午鄉試又四年丙戌成  
進士引見奏稱臣父永仁孤忠母楊守節

聖祖仁皇帝顧閣臣首肯之選庶吉士己丑授編修癸巳充會試同考官直武英殿丁酉充日講起居注官督學山右三年任滿考察名最明年擢左春坊左中允又明年晉侍講雍正元年二月世宗憲皇帝特拔左僉都御史署河南巡撫篆給賞裝白金千兩改命典河南鄉試還朝面對陳積穀辦漕防河三事晉兵部侍郎是歲河決中牟十里店

天子念公前言遂命往視躬督堵築四閱月而漫口塞因條河工便宜四事報可明年甲辰授副

澤懷園文存卷十二

三

總河督豫工開倉頭口引河築全省南北兩岸大堤北岸四萬七千三百四十丈南岸七萬六千四百五十六丈是年河患息

天子嘉公勞晉三階乙巳挑濬回回寨疏蘇門山衛水泉源以利漕運丙午督修板廠楊家橋趙堤十餘所雨潦而河無患

天子益嘉公丁未命兼督東省堤工因陳豫公善後便宜六事並清釐東省運河夫役積弊轉吏部右侍郎加築曹單二縣大隄開雷家寺引河戊申轉禮部左侍郎詔給公養廉河東兩省帑金各

三千兩晉兵部尚書轉吏部尚書築三家莊芝蔴莊壩二座河流益順軌已酉特授河南山東河道總督相度濟運諸湖開荆隆口引河改署總督江南河道時山東雨水漫溢星馳堵築諸決口又督築山盱高堰大工又赴瓜州築江工底績辛亥築禹王臺壩工使沐水東入海又闢六塘河故道以洩駱馬湖水是歲黃運河湖皆即敘

澤懷園文存卷十二

三

大學士仍領河務宰相攝河道自公始是歲奏睢甯王家堂自開引河一道又清釐葦蕩營新料歲額命贈封父母如其官其冬居母憂命視事守制請終喪而往來河上甲寅乙卯皆佐署河臣修築諸堤閘兩汛安瀾有詔褒勞雍正十三年今上嗣位高安朱公前使海塘中道召還乃命往浙總理條奏修築諸便宜乾隆元年命管浙江巡撫改總督兼鹽政是歲沿海通塘土工成塘根長積沙依舊址建石塘七千四百餘丈海塘患亦息入覲還任以海塘工晉一階又以經理鹽務勞

加太子太傅戊午夕臨朝且藉督視永定諸河而公疾不起公姿表魁梧抱負卓犖性尤寬厚長者故所至人受其福其視學三晉敦名義培士氣重經術士大悅服其在浙東西罷民不便予所願如除里戶之派費剔兩關之積弊均平鹺法輯和文武獎廉懲貪境內大治善政不可殫悉而公遍歷黃淮江海直相終始勞績治水爲多公每用引河瀉險之法始施之倉頭口鑿北岸橫灘直接中泓下流南岸免激溜頂衝之患其後雷家寺荊隆口亦然而豫河底定及治瓜州江工亦於南岸沙洲

澄懷園文存卷主

五

開疏導溜瓜州在北下石護崖遂以無恙其在海塘用以水攻沙法亦使南岸導引無滯而海甯北岸護沙自長常言東坍西漲蓋同一致而隨方應變人莫能測河工積習用金錢如泥沙吏役或飽而嬉公綜核名實土方物料柴薪皆有定則分別功過勤惰無得爲奸十載以來人趨於事料積於工銀餘於庫省帑金不下百萬而黃淮無衝笑謔漫之患是以廟堂倚公如左右手

天子欲大用公晉位宰相而河海重任竟無以易公者公亦遂勞於王事以卒公生平知人得士敦

族睦舊賑匱恤乏皆其餘事自詞臣別歷中外登

台鼎

世宗憲皇帝有敬慎忠勤之褒又稱其才猷卓越且推原所生之忠節爲自古人臣所未有母楊太夫人親見公爲宰相人皆頌忠臣節母之有後而歎公爲名臣爲孝子於不衰

今上皇帝所以眷顧公者又罕有倫比蓋公之德福無隆者如此其詳在公狀中不可得而盡述也公歿於乾隆戊午年十二月十七日距生康熙庚戌十一月二十六日享年六十有九以大學士授

澄懷園文存卷十二

五

光祿大夫加十八級紀錄三次娶賴氏繼堵氏皆贈夫人再娶何氏封夫人子八瑗國子生早卒瑛雍正壬子副榜應授奉天府治中璜庚戌進士左春坊左諭德璉乾隆戊午舉人璘璠璣璵皆國子生致幼女四一適縣令塗延年一適貢生高河一適丙辰進士兵部主事俞鴻慶一適戶部員外郎孔繼河孫男八人曾孫一人乾隆四年十一月日葬於本邑山之陽銘曰

靈秀鬱積梁溪之濱忠節一門篤生偉人公之初生夢協厥卜巨竹凌霄扶疎其屋長更有徵恍惚

河千白龍騰空顧盼據按宣防協兆蕩蕩河淮  
天子曰都往哉汝詣克成厥功若有神助人力不  
勞百川東注禹王之臺魚龍東徙沙飛水立萬衆  
咸視周歷四瀆復界海疆平沙如練以固厥塘公  
所駐止靡不順寧

天子賜詩讀則協靈參贊元化待公來歸人之云  
亡天不慙遺忠孝克全大星北隕乘化有窮令名  
無盡勲在太常績著朝野我銘厥幽以俟來者

光祿大夫太子少傅吏部尚書專管刑部尚  
書事謚文恭勵公墓誌銘

雍正十年夏五月望經筵講官太子少傅吏部尚  
書專管刑部尚書事靜海勵公卒於位先是

世宗憲皇帝聞公病狀亟遣御醫診視藥物珍餌  
恩賚日至及遺疏上 溫諭獎悼 特賜梵字

托羅被以斂 命散秩大臣率侍衛十員致奠茶  
酒且 命寮屬弔奠郊送祭葬卹典如制予謚曰

文恭越乾隆 年 月公子宗萬等奉公柩卜葬

於 之原配紀夫人祔先期來謁文刻隧中之

石叢者

聖祖仁皇帝稽古典學肇設南書房簡文學之臣  
入侍先太傅文端公暨公先公文恪公最先入直  
同事幾三十年公成進士與予同出仁和翁公之  
門同館選復奉 恩命同直南書房

世宗朝同被眷遇先後復三十年公子宗萬繼入  
內直亦十有餘年累世交厚誼不忍以辭按狀公  
諱廷儀字令式號南湖先世自浙之紹興遷吳曾  
祖鴻臚公始來居京師再傳爲文恪公以善書法  
侍

聖祖命試博學宏詞授編修歷官刑部右侍郎公考也妣贈一品夫人杜太夫人公胚胎前光工文嗜學少即有聲學校貢入太學試補八旗教習己卯中京兆鄉試庚辰賜進士出身選庶吉士壬午冬入侍 內直時公尚居杜太夫人憂明年服未闋特旨除編修皆異數也丙戌擢右中允不三年歷侍講庶子侍講學士丁酉擢內閣學士兼禮部侍郎壬寅冬

世宗憲皇帝紹登宸極以公文學舊臣特擢公掌翰林院事甫半月擢兵部侍郎明年二月拜刑部

澄懷園文存卷五

五

尚書俱視院事一切祭告大典宏文鉅篇公手定進御率稱旨其年八月以刑部事繁乃解翰林掌院自是終公身專掌刑部公宏達敏練持大體行以慈恕故法不撓而情平刑部十四司分治天下各按察使之獄辭事既冗而在京刑獄復雜隸十四司交錯猥并公請擇廉明滿漢司員五六人聽治現審事件庶獄乃有專責今所謂左右二司也古北口去京師三百餘里轄以偏裨命案非所常問則報部部遣司官驗視往返旬月率蒸潰不可辨識公奏設理事同知一員駐口外督察姦盜命

案得就近成讞無淹滯八旗檔籍自為收掌彼此不相統攝聽斷率以意輕重引律例不畫一公請通核八旗成案酌中制纂成則例全書八旗有所遵守罪人繫禁獄其輕罪及干連待質者得納為隸卒得為奸利公奏立內外監分別居之因囹圄為之清肅其所條畫可為永制皆此類也他若申飭學校優劣酌定直省倉儲令地方官及時捕蝗立法課最除畿輔書吏積弊團練民壯禁賭博禁販私禁販鐵出口前後章數十上皆關民生大計悉見施行

澄懷園文存卷五

五

世宗憲皇帝矜慎庶獄恩賁嘉師公仰承德意安詳敬慎要歸於明允以當

上旨

上推心倚任久而稱篤 御書矜慎平恕四大字以賜已酉晉階太子太傅辛亥晉吏部尚書仍任刑部少司寇海公進尚書班次當居公前

上以海公故屬吏公所保舉特命居公下以示優異公丰裁峻整進止嫺雅鬚眉奕奕若神在班序中望之如泰山喬嶽每集議輒倚公一言以定公盡誠體國知無不言在西曹十年獄比奏一

裁於公十四司之長抱案牘應行進公應平判決  
或點定一二字無不心折去者公精詩翰五言宗  
選體高古渾雅近體出入香山玉溪東坡諸家書  
法二王於李括州尤近同直推爲冠絕壬辰分校  
禮闈丁未總裁會試所錄文皆昌明博達初公在  
內廷以文學受知

聖祖嘗謂翰林如勵廷儀未可一二數也所賜  
御書扇有愛爾獨能清之句南巡及熱河湯山  
霸州屢察危從所至以詩翰自娛意度閒遠及爲  
九卿掌邦禁經濟綽然若素所豫習者益知公蘊

澄懷園文存卷五

三

蓄者深也嗚乎以公遭逢之盛觀公所自建樹卓  
卓如此古名臣何以加諸公卒年六十四配紀夫  
人工科給事中孟起公女先公二十年卒詔贈一  
品夫人賢孝有婦德公嘗手疏其懿行以傳子四  
人長宗萬康熙辛丑進士選庶吉士歷官刑部侍  
郎三世司寇爲國朝盛事今供奉武英殿次宗  
兆已酉舉人次宗奕一品廕生次宗京女六長適  
故相國京江張文貞公孫布政使迺次適陝西華  
亭知縣陳克鎬餘俱字名族孫男女人長守  
謙靜海縣學生銘曰

列宿有緯衆山有岳巍巍鉅公高朗卓犖維先文  
恪導源燕朔密侍帷幄老於文學公踵厥武奮跡  
九臯爲麟一角爲鳳九苞溫室雞樹香案螭坳清  
淮彩鷁紫塞雲旂蓬瀛領袖爲燕爲許愧棘延登  
爲臯爲呂藻黼丹青喉舌心膂

兩聖渥眷便蕃錫子維公之才小大具兼維公之  
望朝野具瞻太圭清廟不闕其庶赤刀西序不矜  
其銛爲國世臣爲時完德卅載從公多聞諒直神  
宇宛然垂紳正色銘詞琬琰千秋無泐

澄懷園文存卷五

三

光祿大夫太子少保吏部尚書兼理兵部尚書謚莊恪甘公墓誌銘

康熙五十八年冬涑水令以拘繫侍衛畢里克逮治

聖祖仁皇帝察其直特還原官於是涑水令名聞於天下則今已故光祿大夫太子少保吏部尚書兼理兵部尚書謚莊恪甘公是也公以縣令起家歿歷中外爲時名臣乾隆四年七月二十一日卒於吏部官署

澤懷圖文存卷三

三

朝野咸歎息焉越明年其孤禾等以狀乞余銘公姓甘氏諱汝來字畊道一字遜齋吳丹陽郡人名甯者其始祖晉徙新吳平陂里明徙奉新縣市今爲奉新人曾祖廷仕祖應俊皆贈如公官父顯祖以教諭登賢書封如公官年八十一先數日卒曾祖妣陳祖妣熊妣徐皆贈一品夫人公清鯁強力裕經濟才畧康熙辛卯舉於鄉癸巳成進士觀政三載 御試高等授涑水令時邑久旱公至而雨罷民雜派金六千餘兩以火耗充之禁莊田無故增租易佃者有司例不答旗人請於上官得以柳

木棒約束其任事類如此畢里克者侍衛之調鷹差遣者也至涑擅踞民舍民萬廷荷等被其從者毆幾斃百姓赴愬於令畢里克等亦相率入縣堂責令勢洶湧公勃然怒曰令爲

天子愛百姓而已甯肯令君輩魚肉小民至此遂揮令看守置其從者於獄將達大府以聞而其黨已以拘職官入告吏兵刑三部會讞公詞氣不屈使非

聖祖仁皇帝知公已獲罪去自京還治所父老子弟爭奉羊酒以迎都人士作歌詩以紀其事公名

澤懷圖文存卷三

三

由此大起尋調新安又攝雄縣在新安賑災民捐俸予寒諸生禁因乘輿至借供億苛斂及拘民船守候弊鑿白楊淀河堤溉田數千頃在雄置奸吏於法又罷民雜派凡三任邑令百姓爭欲得君去則尸祝公

世宗憲皇帝御極之始擢吏部文選司主事更以賢能薦受錫賚分校會試未幾特擢廣西太平府自此凡四任不出廣西皆見才略在郡罷斥龍州土司在左江巡道任定思明土州與安南祿州地犬牙相錯者由按察使陞巡撫已入爲副都御史



又以土官岑映宸事仍往署撫臣篆與督撫二臣調度策應映宸束身歸罪遂改土爲流先後擒莫東旺羅文剛等皆兵不血刃其他修舉廢墜發奸摘伏不可勝舉旋註吏議罷在咸安宮行走逾年起用霸昌道丁內艱給假在任守制未幾調蘇松糧道又擢廣東布政使平權量減市稅陳權關藏匿則例之弊請以沙坦地予民耕種而緩陞科入爲禮部侍郎遣讞獄大同時雍正十三年也

今上皇帝登極諸大典禮公以春官多所贊襄擢兵部尚書乾隆三年轉吏部仍兼本兵於武職議

澤懷圖文存卷三

壽

侍衛推用法於文員令雜職官皆關白堂上銓敘先是公爲文選司時悉僧道科之弊故也四年與栢梁乾清宮兩宴典校會試

天子特恩晉階官保乃以遴選豫省賑濟人員晨入部署忽中疾卒公服官二十年中遇摧折而皆蒙

聖主知旋即振拔受

三朝委任不衰公亦感激圖報強毅能任大事一時稱公居官清正猶曰此固曩時涑水令甘公也其丰裁如此至澄敘官方甄陶士類一時公明交

頌其肅吏治而振吏治者又如此公父廷訓嚴承之以公母徐下世不重茵貳味者九年所至多創義學修城堡於家則捐建祠廟朋友解囊殯喪尤留心文獻奏請同鄉先賢吳澄從祀學宮名儒故老後人必加存恤蓋見義必爲其天性也自邑令至於中丞長六卿歿之日囊無十金之積至不能備喪具

天子嘉公清節且憫其寒素特賜帑金恩禮優渥則公之賢亦可知矣所著有遜齋文集詩集奏議若干卷

澤懷圖文存卷二

三

聖諭廣訓疏義周禮簡註宦績紀畧編輯律例歌諸書距生康熙二十三年年五十六元配彭氏封一品夫人子二永雍正丙午舉人廣蔭候補員外女六適滎陽縣丞涂光範丙午舉人魏淵袂國子生衮絛未出室者字丙辰科舉人李友棠國子生帥家駒諸生萬祚賚孫男三立德立功立言以乾隆五年八月二十五日葬於奉新之進城鄉蓮華

舊山銘曰

豫章之地歷產名賢死而不朽壽夭則天維公之年未及甲子其所建立垂之青史民於慈母亦受

主知再蹶而張終始不移畀以巖壑雷厲風發  
宣布恩威施於百粵畀以臺省天開日晶澄叙官  
方羣公質成  
天子曰都而功於國宮保崇階有臣社稷遽乘箕  
尾天不慙遺野哭巷泣直道匪私表墓有碑易名  
有謚我銘其藏昌厥後嗣

澄懷園文存卷十三

桐城 張廷玉 硯齋

誥封一品太夫人嵇母楊太君墓誌銘

今大學士兼吏部尚書仍總督江南河道事務太  
子太保嵇公之母楊太夫人以雍正十有一年十  
二月庚戌終於淮安清江浦官署有 旨賜祭給  
帑金一千兩治其喪沿途官弁護送無 諭大學  
士扶輿歸即起視事大學士固請終制辭甚哀奉  
特旨許之既回籍走使京師以狀來請銘謹按  
太夫人世居吳之長洲考諱從善縣學生祖諱道  
亨曾祖諱珮皆隱德不仕年十九歸贈光祿大夫  
留山公公負經世才既補諸生就故總督范忠貞  
公聘由浙之閩幕待以國士甲寅三月耿逆變作  
誘范公執之下光祿公於獄擄掠備至范公既遇  
害光祿公聞而哭曰吾義當同死即日投繯絕命  
康熙十有五年九月十七日也時楊夫人年二十  
有七今相國生甫七齡舅姑皆老病既聞變將以  
身殉則又泣曰吾夫得死所矣吾不可以不終吾  
夫之事拮据卒瘁事堂上益虔無何連丁兩喪身  
殯殮迄寔窆唯謹見者忘光祿公之已亡也初光

祿公既死難極阻兵不得歸有義僕程治者崎嶇數千里扶還報命夫人迎舟哭哭已謀速葬檢笥中敝衣典數金買地於邑軍障嶺前龜山之陽視窆畢泣語相國曰吾前所以不死以有舅姑在舅姑既歿而葬今又葬汝父我則可以死則又有汝在汝父以秀才死國事汝未成人當如何則又嗚咽曰吾其如何相國聞語感傷比長益從師力學歲已未庚申間米涌貴太夫人日織布一疋易市中米作飯指謂相國曰汝能讀書乃得啖此未亡人歟粥相國既彊學不倦鬱爲通儒遂以孤童崛起

澄懷園文存卷三

二

起掖魏科列清要令

上登極乃命入直南內出撫中州旋界河防重任皆迎養太夫人署中太夫人勉之曰汝父故入淮淪幕嘗言河防重與邊防等汝慎無辱相國殫心三築口不言勞淮豫底定登億萬蒼生於衽席舒  
聖天子宵旰之憂恩禮有加晉階台輔雍正十年十一月有敬慎居心恪勤襄事之詔越明年四月有公正廉明正已率屬之詔相國感激  
至知盡然出涕曰皆太夫人之訓也太夫人蒙

殊恩登上壽而相國臯魚之哀無窮蓋相依於艱難憂困中所以教育成就之者至深且苦也太夫人生於順治七年七月初五日享年八十有四累封一品夫人子一即太子太保大學士曾筠孫男八人瑗瑛瑠璣璣璇璣玫璣登雍正八年進士第官翰林院編修孫女四人俱適名族曾孫男三人元孫一人以十三年閏四月十三日合葬光祿公兆先是康熙四十二年癸未太夫人奉旨旌門建坊光顯於世越雍正七年已酉贈光祿公復蒙恩與享昭忠寺至是又特給大學士一品誥

澄懷園文存卷三

手

封太夫人皆親見之嗟乎國家之所以褒忠義酬勲勞旌苦節以勵倫常者委曲周至曠古未有亦惟光祿公父子忠孝傳家顯揚光大而六十年來太夫人以一身後先其間目擊其子功名銘鐘鼎而身被其榮豈非盛朝之僅事哉嗚乎其亦可以無憾已銘曰

維易有言無成有終妻道臣道地道從同吁嗟夫人遭家閔凶甘荼集蓼以代先公先公從幕許友以死死國之難匪死其友孰侍高堂孰撫弱子公心炯然恃有賢婦惟太夫人知公此心存歿在子

十指是任母織子讀寒雞夜瘡成茲國器爲楫爲霖卓哉相國

天子所勞簡畀宣防河流順道酬庸旌勲皇哉

詔公曰匪臣臣母之教維

帝曰俞俾爾戩穀賚予便蕃以介景福宮衣內製雲錦霧縠役茗龕爐珍麗馥郁孫枝啟秀家有象賢仰承溫諭歸奉長筵生蒙存問綸綍連綿暨其遷化數備禮全猗歟夫人始厄終豐夫義婦節子孝臣忠爲邦國瑞匪直家榮書之彤史誰與比隆軍障之下龜山之陽往即先公巍封若堂瞻瞻相

澄懷園文存卷三

四

國攀墓徬徨我銘是徵永世流芳

銘

誥封恭人封中憲大夫甘公元配徐氏墓誌

恭人姓徐氏江西

人封中憲大夫甘先生配

也年七十有二以雍正九年四月九日卒封公敘述其婦德來乞銘夫婦人特銘非古也婦人而特銘必於其賢者也封公之述恭人也其言質其事核子信封公之言有以知恭人之果賢則雖特銘可也封公曰先文學公早見背先母熊太夫人植苦節撫孤子兄弟三人以次授室冢婦中道卒弟婦故宦家子時隨父之官某自弱冠即以舌耕之

澄懷園文存卷三

五

四方中年卒業太學任教諭餘干量移贛州教授距家千里近亦百里太夫人體素羸乘船御輿輒嘔吐不勝憊子不敢奉以行率以鄉試就便三年一歸省兄弟各奔走衣食先太夫人年二十九孀居壽踰八十中間四五十年朝夕侍奉養未嘗離間一日者獨恭人一人耳能使太夫人安於其養不傷遊子心又使某等雖遠遊而不致於缺養者皆恭人力也太夫人之歿也子時在贛不及視舍飯附身附棺之具恭人製備檢視惟謹無一貽後悔者子其敢忘哉嗟乎南陔廢而孝養缺人子孰

不欲效林鳥反哺之養而或以飢驅或以祿仕有願不遂勢無如何所藉以紆倚間陟吧之思者獨賴賢子婦耳然而不可必得此人子所以疚心也今封公之言摯而痛知其無飾詞則恭人之賢洵可以為天下之為子婦者風也恭人生而端重寡言笑父叔登公有特識愛憐恭人為慎擇厥配封公幼孤貧議婚輒有難色叔登公曰苦節之後當有達者且吾女曉大義當宜其家年二十歸封公克盡婦職果如父言雍正元年長子汝來自吏部主事特擢廣西太平知府蒙 子假甯親 賜封公恭人甯細各一給四品封誥時 覃恩中外未抵任者例不得與益出 特恩云歲丙午封公與子汝逢孫禾同舉於鄉時長君方奉 命巡撫廣西一時競以科名盛事相誇譽恭人瞿然曰一門之內數月之間長兒驟膺節鉞三世同登賢書物忌太盈當善承天意每促封公馳書粵中督勉盡職又戒兒孫勿自滿假封公丁未會試畢以教授俸深得新泰令自念年至辭不就恭人喜曰君困場屋垂五十年而氣不衰今得官不赴此可以明素志矣夫盛衰榮悴之際人情不能不為之動恭

大處約躬淡泊之操履豐切滿盈之誠其智識有大過人者長公靖共正直為時名臣因其善承家學有以知恭人之成之者大也恭人父歿時子遺田數十畝數年後外家漸中落悉讓還之母氏老歲時迎養年九十六終恭人殯葬之備禮弟姪之貧不能娶者為之納聘長君以俸入奉其親恭人請以賙恤戚黨年至七十猶手自紡績問製襲衣非歲時祀事不輕御其德性如此恭人生於順治十七年庚子四月初七日初封孺人晉封宜人以特恩封恭人子男子二汝來癸巳進士歷官左副都御史註誤落職今起霸昌道汝逢丙午舉人女子一孫男三禾丙午舉人山廩膳生廣孫女八銘曰 婦德之貞首曰孝相夫親養循厥道視茲特銘以廣教

誥封太淑人陳母唐太君墓誌銘

前明左都御史贈少保宜興陳端毅公以風節爲名臣其子贈翰林院檢討定生與商邱侯司徒之子朝宗偕知名相善朝宗以女妻其子遂入贅商邱家焉安平令晉戶曹贈中議大夫號寓園府君是也侯淑人僅生四女無子蚤逝其繼室淑人曰唐氏山西長治人處士賓之女有同邑人爲平安縣尉稱其賢於公聘爲繼室生原任陝西分巡甯夏道布政使司叅議履中現任通政使司右通政履平以子貴初封太宜人晉封太恭人再晉封太

澄懷園文存卷三

八

淑人享年六十有九乾隆己未三月二十有五日卒於京師之官署其孤等以狀來乞余銘按太淑人幼敏慧閨範女史諸書皆能成誦賢明厚重其天性也來歸時在安平署舍安平劇邑令日治簿書及冠蓋往來交屬於道無安畧淑人料理內政支持供具皆有條理以是知其賢恨未逮事舅姑歲時祭祀如問視禮撫侯淑人所生女恩勤備至不知其爲異母也贈中議公自邑令報最擢農部主事遇事多執持不肯嬖阿久之欲乞歸太淑人勸其行家居十餘年四方人士過宋多相從遊如

平生歡文酒之樂無虛日其問家事經畫內賴淑人如安平官署生平自甘淡薄未嘗衣帛貳味而閭里族黨多好行其德寒者衣饑者食疾病窮困者子藥物財賄下至臧獲煦煦有恩意以是莫不賢淑人其教子尤嚴每就塾歸更篝燈課讀至夜分時時曰若名家子得無念爾祖耶長子履中登賢書太淑人色喜加以誨勉由工部郎授御史最曰吾家少保公有名臺諫今在汝矣及履中簡任監司入見

世宗憲皇帝垂詢及母 御書福字並文綺以賜

澄懷園文存卷三

九

太淑人感激益勗以竭力圖報其後次子履平爲吏部郎迎養京師余長天官剔釐銓政多得履平佐助履平曰吾母誨以矢公矢慎也繼而爲御史給事中遇事多所建白履平曰吾母誨以寒寒諤諤也及內擢館卿晉右通政履平更著望朝端不激不隨則又曰吾母誨以持大體也太淑人之賢明如此陳氏自少保公父子砥立名節遭時不偶瀕於危殆未食厥報暨贈檢討公長君維崧當聖祖仁皇帝時召試入翰林寓園其季弟亦由縣令仕爲郎然未久乞歸去至叅議通政兩君敬歷

華腰垂聲中外鬢鬢貴顯未已少保公之緒大振  
人皆以爲賢者有後而孰知太淑人之所以宜其  
家而教其子者固如是哉太淑人親見其子之成  
立而享其祿養抑亦可以無憾矣太淑人子二人  
即履中履平履中由辛卯科順天中式舉人歷官  
甯夏道家居履平官右通政女六人適教諭王鍊  
乙太學生侯肩學貢生師承提州同曾國臣者即  
侯淑人先所生四女也適戴乾鐸者側室杜出適  
貢生張彥珍者太淑人出孫三人洛滋濱孫女四  
人寓圍府君及侯淑人已葬茲以乾隆 年 月

澄懷園文存卷三

十

日履中等葬太淑人於商邱之某原余欽名  
臣之後人識其家世而稔聞太淑人之賢也乃爲  
銘曰

卓彼賢媛篤生冀晉來嬪於陳克昭婦順禮言婉  
婉詩賦采蘋更如鴉鳩七子則均從官安平贊襄  
敬謹雙挽鹿車林泉偕隱既明且達教子以書騰  
驤皇路照耀里閭煌煌厥初曰明少保世濟其美  
亦有檢討夫人內助故後承先二子皆顯其母之  
賢母既賢矣爰集休祉象服是宜女中之士維宋  
之原考是幽宮我銘不刊以垂無窮

陳母甘孺人墓誌銘

節婦陳孺人甘氏邑樅陽故儒生陳應瑞妻也年  
十五歸陳十七而夫卒孺人仰天號泣願以身殉  
者屢矣其孀姑年逾六旬撫而諭之曰汝從汝夫  
於地下誠汝之義也顧陳氏之所以不絕者吾恃  
有子子既沒猶幸有孫今遺雛七月乳哺携持維  
汝汝死而孤不存陳氏之宗祀斬矣則奈何汝從  
汝夫而忍令汝夫之無後乎因哭孺人亦哭曰謹  
從命自是環珞不御膏沐不施泣血三年以終喪  
服既闋姑年益老家亦愈貧孺人躬織紉以供甘

澄懷園文存卷三

七

脆姑寢疾孺人侍湯藥嘗之而後進姑既歿孺人  
哀毀骨立殯殮葬祭皆竭誠盡禮焉子長課以詩  
書遂有令名於時鄉里之人咸比之湛母鄭母以  
爲真能以婦道而盡子職以慈母而作嚴君也子  
某孫三人長洪京次鏞次鐸孺人以康熙丁丑年  
月 日卒享年七十九其孫鏞等卜以雍正  
元年十月二十日合葬孺人於邑之周山屬余爲  
銘銘曰孺人之志潔以清孺人之節艱以貞門閭  
未表今孰識潛德之幽光我銘其藏今俾後之人  
無忘

歙縣兩吳君墓表

兩君爲司徒左海公之曾孫贈奉政大夫明經寄菴公之子司徒公當明神宗時劾礦使太監陳奉及汝甯王奴張淪殺人直聲震天下爲名臣其孫以忠烈著者殉難僉事公以文章著者孝廉學博公以孝友篤行著者則明經公也明經子六人郡學生昌其仲子贈文林郎翰林編修州司馬儒慶其第五子也一門之內怡怡愉愉又復以文章孝友爲歙州人士之望同居至於白首家未析好學問互相師友教其諸子今水部郎中煒其季弟編

澄懷園文存卷三

主

修華孫文林君之子偕登雍正八年進士蓋家庭授受之力爲多文學君遠於性命之學文林君重氣誼然諾咸知名於時其孝悌敦篤同也然其伯兄蚤世未幾而兩君又相繼以沒年皆未及六十才抱未獲施展知與不知咸爲流涕而歎惜之羣仲及其孤芳孫華孫等於雍正十一年十二月日柩葬兩君於先塋之紫塘山是山爲司徒公父與本生父兩叅政公兄弟合墓之所茲聞百二十年而兩君又復以兄弟合墓同在是山亦足見吳氏之以孝友世其家而司徒公名臣之澤遠也余因

華孫之請乃紀其家世行事大略而表之於阡

澄懷園文存卷三

主



澄懷園文存卷十四

桐城 張廷玉 硯齋

奉

敕撰和碩怡賢親王行狀

和碩怡賢親王諱禧祥

聖祖仁皇帝第二十二子也生秉粹質至性過人

幼偕諸王侍

聖祖於宮庭嘗隨行以稱弱未能前視

聖祖過尋履迹伏地嗅之其孺慕如此及長祇服

慈訓先意承志

聖祖鍾愛甚篤

省方巡幸恒命扈從

恩寵優渥而王謹度循禮恪慎有加所屬人衆承

奉約束公私政事一無擾累同儕中有以詐

術煽誘諸王者王獨不爲所動

皇上肇登宸極恭己以臨特授封怡親王

命總理事務益稔知王忠孝純摯故也當是時

國家休養蓄恩民物康阜成賦歲入既多經費

浩毓簿籍益冗蠹弊叢集

上念國儲爲民命所關

命王領戶部事王稽覈精密出納有經徑實爲之

肅清府庫歲有餘羨國用益饒

皇上宵旰勤勞日以四海蒼生安樂富壽物各得

所爲念撫財用之豐實足以覃敷

閭澤凡良法美意可加恩中外者百務俱舉江南

浙江江西浮糧

聖祖屢欲減除以廷議異同未果王推本

聖祖德意仰體

皇上宏仁斟酌奏請

上大嘉悅

澄懷園文存卷十四

二

命歲減江南正額蘇州三十萬兩松江十五萬兩

浙江之嘉興湖州江西之南昌亦次第減除

通計歲減六十一萬有餘直省正供遞行蠲

免者亦數百萬他若興大役以廣惠利建大

工以資捍禦膏澤普於黎庶優資徧於臣工

疊沛

德音湛恩周洽王親見

皇上痼瘼弗釋之至意又適當可以有爲之時凡

聖心所欲施行者矢竭公忠贊成盛治王之爲國

推恩有裨於國儲民生者至矣京畿不講水

利旱潦無蓄洩之備王建議興修疏濬河渠  
築堤置閘區分疆畝經畫溝塍復躬親巡歷  
往返輒經旬月櫛風沐雨寒暑靡間務成萬  
世永賴之利期年秔稻豐稔民益趨事旬服  
以內數千里之沮洳汙萊悉成沃壤江南水  
道自河淮而外多致淺塞王所屬李淑德官  
江南久熟諳水利王詢訪形勢奏請修復  
上初欲俟畿輔工竣

命王親往相度王亦身任不辭後因江蘇巡撫之  
請王奏以東南水利所關甚重不可稽緩乃

《澄懷園文存卷十四》

三

按圖指授窮源竟委因勢利導工以有成東  
南數十郡縣河流疏暢獲灌漑之利王雖未  
身履其地而億萬生靈永受其福矣兩淮鹺  
政官吏徵求不已商以重困自王總理戶部  
浮費大省商力益裕輸將以時準噶爾逆天  
犯順窺我邊陲

皇上欲中外又安救竄疆宇不得已而用師王叅  
預密議洞燭機宜遠近險易瞭若指掌衣資  
芻粟馳馬甲兵計日轉輸從無稽誤軍需數  
以千萬計一出於庫帑絲粟不以及民輓輸

數年而海內未嘗知有用兵之事由王筦度  
支而儲蓄充裕調度得宜也王資性精敏忠  
勤弗怠初視部事時案牘壅滯累積王條除  
宿習獎勵曹司於展限四十日中舊案數千  
悉經理就緒部務於是一清自議政及戶部  
三庫而外

特命王察核議覆之事不可勝計王事事准協情  
理允愜

聖心餘若

內殿營造

《澄懷園文存卷十四》

四

舊邸諸務宮中府中事無鉅細一以咨王王綜  
理微密事必躬親竭力抒誠精詳周協即在  
病中而部務紛紜披閱不倦詩曰夙夜匪懈  
惟王有焉王冲懷樂善扶佑賢良公忠爲國  
與同事諸大臣共矢寅恭協心籌度所保薦  
封疆大吏多克稱任遇下人恕人樂爲用部  
曹賢能者善待之含容小過能改則已舉劾  
悉秉大公未嘗以喜怒有所偏向至訓飭侍  
衛練習禁軍拔擢材勇鼓舞成就之以備  
國家之用孜孜好善之意無在不然也至於事

開軍國者知無不言言無不盡青海用兵隆  
科多以私怨撓軍計王力言專閫之道不容  
掣肘

上用王言蕩平旋奏部帑虧空積有歲年

上命王清釐實數王以年久數多典守者衆請大  
沛恩澤槩予保全乃一一核奏爲數至二百  
五十餘萬又請經理代償

上以侵國帑而長子孫不懲無以示後未允所請  
然數年中王以庫入之羨代償者已十之八  
九也王爲國爲民濟人利物因事効忠日有

濠懷園文存卷十四

五

獻納而惟恐人知

上或偶一宣布則惶悚不可名狀

上不欲違王意不以宣示廷臣及王身後

上追思弗釋

諭旨屢頒於是入告之嘉謨昔所造膝密陳者始  
顯著中外如寬免雍正三年以前積逋開復  
註誤皆自王發之至今誦繹

溫綸王生平至誠愷惻之意尚流溢於言辭之表  
啟沃之功爲用宏矣王承

命訊鞠大獄數十事詞所連引甚衆王平心研究

以至誠感格愚頑以情理折服虛誕不待加  
刑而人自吐實奏讞條上一歸平允蓋王存  
心忠厚聽斷公明實能仰體

皇上如天好生之心以成

國家刑期無刑之治嘗奏於

上曰聽訟之道求諸辭色以察情僞設誠以待之  
據理以折之未有不得其情者惟大猾狡獪  
不得已而施之敲撻若槩用重刑鍛鍊成獄  
三木之下何求不得此折獄之未免有冤抑  
也

濠懷園文存卷十四

六

上深歎以爲仁人之言

命天下有司刻木榜置堂皇時時省覽焉雍正四  
年七月

上親灑宸翰書忠敬誠直勤慎廉明八字賜王條  
析王善行宣諭中外謂八字皆王實蹟無分  
毫過量至王居心之方正秉性之和平待人  
之寬厚遇下之仁惠八字尚未能備舉前後  
屢頒

諭旨敘述王嘉謨懿行不下數萬千言

上曰若有一言失實則不足以傳信天下後世非

以獎王乃厚誣以譏王矣朕不忍也

王音渙發朝野傳誦咸謂

上深知王之德洞悉王之心故言之親切周詳而

王德業之崇隆勲勤之表著實足當之無愧

云

上自聞王之嬰疾醫禱備至每欲

親往臨視王再三懇辭旬月間必力疾入見以慰

上思念迨病勢寢劇恐貽

上憂移西山養病至夏四月始返邸第

上適以禱雨還宮既得雨王屢奏請

澄懷園文存卷古

七

上幸

圓明園迨

上聞王疾草即

命駕往視而王已脫然逝矣始則不欲以病狀煩

睿念繼則不欲以永訣傷

聖懷而於已身之生死毫無顧慮非具慧覺之性

去來自主而一息不忘忠愛者其孰能之乎

費

上震悼輟朝三日

親行奠醊特於宮中持素服匝月自移殯攢廬月

遣官致祭及葬期已屆

上自製祭章率

宮眷及諸王皇子以家人禮致奠考周禮大烝

之典配食

廟庭復憶曩時與王同事

皇考友愛之情宛然如昨凡告

廟典禮應書名者仍書王原名以誌永念又以古

有大功者錫之顯謚復申之美號以褒揚之

宜以所

賜忠敬誠直勤慎廉明八字冠之謚法之上王靡

澄懷園文存卷古

八

善不臻易名之典宜謚曰賢以包眾美廣集

廷議僉云合禮

上滴淚研硃以書之中外臣僚感德慕義者皆得

請

音叩奠或遣使致祭十五省之人民請建祠崇祀

者遠近相屬不謀而同

特允於奉天直隸江南浙江各建祠宇以昭崇報

每當邸第告奠之日滿漢文武諸臣皆悲痛

失聲及啟殯宗室王公舉朝紳士步行哭送

即道傍耆民走卒靡不焚香泣拜婦孺亦洒

涕歔歔嗚乎王之懿德美行入人之深者如此斯豈人力所可強致哉王操履廉節謙讓一出於至誠

上屢加錫賚王必懇款固讓初欲準分封之例賜以所應得則辭繼欲準裕親王例令支官物六年則又辭繼命增加儀仗一倍則又辭繼加賜親王俸萬金辭之不久則封識所賜而藏之卜葬之地塋域之制務循儉約預囑遺言先是王奉

命相地泰甯山山勢聯絡有中吉次吉之地

澄懷園文存卷十四

九

上欲以中吉者賜王王驚懼色變固辭語至悚切自於涑水擇平善之地以請及病恐復以前所欲賜者賜之也請益力

上不得已從之王欣喜不自勝即遣護衛啟土取小塊吞之曰若是則臣心安而子孫蒙福矣又按會典成式繪墳園圖示王妃暨諸子曰毋違吾言而越往制至王身後邸中司事者以聞

上鑒王平日退讓誠切不忍不從而於崇德報功之典慮有未稱

詔廷臣集議僉謂王賢不世出宜斟酌舊章增廣崇廓

上採納焉以雍正十年九月葬涑水縣之水東村從王志也惟王八載以來精白一心光輔大業本聖賢之學問措之爲名世之事功勲庸繫社稷德澤被生民在

列祖爲功臣在

聖祖爲令子在

皇上爲心膂股肱之佐所謂蓋代之英應期而出蒼穹靈秀之所鍾萃

澄懷園文存卷十四

十

祖宗慶澤之所留貽用能偉績著於旂常徽聲流於竹帛美報隆於俎豆元祀配於烝嘗令德鴻名顯耀於萬年永永無極

上嘗曰朕實賴王翼贊昇平王實能佐朕治安天下夫聖主賢臣之相遇數千百載而一見今具於本支

帝胄之間得之何其盛也數年來上加恩禮於王及王恭代行禮之日天氣必融和晴霽以夏五月移殯而清和涼爽無炎歊之氣自發引至葬風恬日朗徒役懽忻冥冥中

福佑我賢王者甚著當大殮時

上將臨視望東南雲氣宛若神人聳立層巒與王  
惟肖俄幻爲虎適當王邸第之上虎於十二  
辰爲寅王之生年也語曰申呂自獄降傳說  
爲列星王其乘箕尾而適帝所無疑矣王功  
德隆盛其大者既卓卓在人耳目即小節亦  
多人所不能及

聖祖在熱河偶遣中使回宮王迎問

起居墜馬脫脰手自抑按仍齊集請

安不自知其足之傷也奏牘呈進

澄懷園文存卷四

十一

御前者筆札必致精謹微至縹囊緹篋一一經心

王事

上之心毫不敢苟如此嗚乎此其誠敬恪恭皆忠  
孝之所流露則平日之殫心竭慮贊襄密勿  
者可以識其所本矣王精於騎射發必命中  
馳驟如飛嘗從獵猛虎突出林間王神色不  
動手利刃刺殺之見者服其神勇詩文翰墨  
皆工敏清新而自以未能度越古人不欲以  
此自見亦不自料僅止中壽遺藁遂至散失  
間有吟咏曾經

御覽者吉光片羽

上珍愛存錄藏之宮中嘗

諭廷玉曰朕暇日編集詩文當錄王所作附見卷

中以傳永久王生康熙二十五年丙寅十月

朔歿於雍正八年庚戌五月朔有四日享年

四十有五子五人 昌 璲 皎 吟 曉

璲初冊爲世子與 吟皆早歿 璲之歿

也其所聘傅察氏年甫十七慟哭截髮至王

邸堅請守制王以其未成婚不許乃於母家

持服矢志靡他及聞王薨又踵門哀請

澄懷園文存卷四

十二

上鑒其苦節至誠命王妃納爲子婦 璲身後典

禮視貝勒以親姪一人爲嗣襲封貝勒令傅

察氏撫之以旌節孝 昌封貝子 皎封甯

郡王 曉襲封怡親王俱醇謹能守王遺訓

王妃氏族及公主婚降詳

玉牒中狀不具載廷玉自承乏地官即親炙王休

光遇事往復咨商王懇款諄篤相信最深獎

許最厚及備員政府承

旨密議與王晉接之時爲多迄今追溯王生平大

節歷歷猶在心目

上知廷玉與王共事之久王之公忠誠敬德業盛

美畧能窺測一二

特命撰述王行事謹列敘實蹟約舉梗槩俾

國史秉筆之臣有所依據謹狀

澄懷園文存卷十五

桐城 張廷玉 硯齋

先考 予告光祿大夫文華殿大學士兼禮部尚書謚文端敦復府君行述

嗚呼痛哉府君竟舍不孝廷玉等而長逝耶府君

素善頤養自乞休以來雖神氣漸弱而視聽不衰

不孝廷玉遠宦京華不獲侍膝下今夏六月扈從口

外抱病月餘七月十七日聞先妣訃音五內迸裂

幾顛於死仰蒙

聖恩矜恤 溫諭周詳令節哀調理以慰府君之

望不孝勉強偷生匍匐就道尚冀歸而奉晨昏侍

色笑豈意遽惟大故抱恨終天呼搶無從淚枯血

盡奄奄視息死且無期尚何能執筆為文述府君

行事哉且府君三十餘年以來侍從 禁廷參與

機務嘉謨讜論夙夜贊襄者皆在密勿深嚴之地

人之所不及知退食時從無一語及公事不孝等

雖日侍左右亦不敢請問所為今縱欲為文追述

而見聞有限挂漏良多又烏足以道府君萬一哉

然竊念府君遭逢

聖主受知最深異數殊榮皆史冊之所罕見倘不

及今日粗陳梗槩志鴻恩於不朽且令府君一生忠孝大節嘉言懿行或至隱而弗彰不孝等死不足塞責謹和血吮墨就不孝等稍有知識以來所親見聞苦由昏憤中所僅能記憶者畧為詮述伏冀當代大人先生垂鑒焉府君諱英字敦復號圃翁先世自豫章遷桐六世而高王父懷琴公成隆慶戊辰進士筮仕永康令舉循良第一所至廉能著聞歷官至大中大夫陝西布政使司左叅政曾王父恂所公以文學封中憲大夫撫州府知府贈正議大夫廣東按察使先王父拙菴公以明經考

澄懷園文存卷十五

二

授別駕封文林郎內 文院庶吉士加一級三世俱以府君貴累誥贈光祿大夫 經筵講官文華殿大學士兼禮部尚書加二級高王母尹太君曾王母齊太君王母吳太君俱累誥贈一品夫人先王父生子七人長先伯文學子敬公諱克儼次二先伯文學桃村公諱載次三先伯蘇州學博西渠公諱杰次五先伯國學授州司馬西來公諱嘉次七先叔奉政大夫直隸大名廣平郡丞一齋公諱夔次八叔父奉政大夫現任陝西西延郡丞秋圃公諱芳府君行六生而天挺秀異童子時即嚴教

莊重不苟言笑六歲出就外傳四子五經書過目成誦日記數千言丙戌十歲遭先王母之變哀毀過成人卒知從三先伯讀書石門僧舍專攻制舉業旁及詞賦駢麗之學癸巳娶先妣姚太君甲午應童子試學使者山左藍公潤深加賞識拔置府庠第四補博士弟子員丁酉科試食餼自是試輒高等而稟氣素弱患疾歷三載不愈凡飲食藥餌之屬皆先妣手自調治衣裳簪珥典鬻殆盡至庚子歲始痊一切家事皆付先妣經理之獨肆其力於學與三先伯讀書家園中相對手一卷不釋每

澄懷園文存卷十五

三

當霜寒星落之時一燈熒然伊吾之聲達於巷外自六經左國以及莊騷子史兩漢唐宋之文靡不蒐討淹貫為文根極理要純粹精深與里中名雋建瑟玉堂文會復與齊公邦直許公來會潘公江暨三先伯為五子詩藝至今膾炙人口習葩經者奉為津梁焉癸卯舉鄉試第十二名受知於同考官即墨黃公貞麟主考大興王公勗在平王公曰高甲辰公車不第歸益專攻制策丁未捷南宮第六十一名受知於同考官臨汾蔣公道主考三原王公祚真定梁公清標益都馮公溥宛平劉公芳



躅殿試二甲第四名時讀卷為高陽李文勤公激賞不置有國士之目選內 文院庶吉士習清書教習為帥公顏保范公承謨是冬恭遇 恩詔加一級敕封先王父如其官贈先王母孺人十一月先王父卒於家府君聞訃哀號擗踊幾不欲生奔喪歸里家故寒薄至是生計益貧至不能給朝夕而府君悉安之庚戌服闋入都補原官教習為折公庫納張公鳳儀傳公達禮熊公賜履府君時習清書盡心研究每遇館試輒衰然居首壬子秋散館 欽定第二授翰林院編修癸丑分校南宮取

懷園文存卷十五

四

岳君憲等十二人皆一時名宿三月京察一等稱職 詔試詞臣於翰林院試河源考南苑賦各一篇大閱恭紀詩二十韻府君名列第三是年春上御講筵諭掌院學士傅公熊公選文學之臣醇謹通達者入侍左右講論經史二公以名進者四人為今大學士李公光地及蔡公啓傳耿公願曾而府君名在第一遂有每日進講之命 上每幸南苑府君必珥筆以從五月充孝經行義纂修官七月充 日講起居注官嘗扈從南苑夜值風雨

上在行宮諭曰翰林官油幕未具得無有沾濕之苦時漏下三鼓 命中使至學士傅公達禮帳中傳諭移於五店皇莊安宿傅公回奏曰 臣已為料理何敢煩

聖慮時府君已就枕翌日傅公傳

上諭因賦紀 恩詩以進十月

上於講筵諭學士曰翰林官清貧巡行扈從所以備顧問資講論也無令艱於資裝嗣後帳幕飲食馬匹器具皆給於內府著為令以示優眷是冬賜貂皮朝衣一襲貂裘一襲白金五十兩自是園

懷園文存卷十五

五

書翰墨豐貂紫綺之賜歲數至焉乙卯十二月恩詔加一級丙辰陞左春坊左諭德兼翰林院修撰奉 命同崑山葉文敏公為孝經衍義總裁官丁巳 擢翰林院侍講學士 賜御書清慎勤格物忠孝存誠扁額十一月 特旨以侍講學士支正四品俸入直 南書房 賜第於西安門內瀛臺之西詞臣賜居內城者自府君始自是以後日直 南書房戴星出入飲饌給於大官筆墨側理之屬皆取於尚方珍果膳饍之撤自 御筵者無時無之每日

上御乾清門聽政後則 召至 懋勤殿辰巳前  
講經書午後論史

皇上以天縱神聖虛懷嚮學披覽典籍殫究義理  
日有程課不自暇逸當是時湛默寇賊未平

皇上方宵旰殷憂而將帥之四征者咸待 廟謨  
指示 九重之措兵籌餉殆無虛晷猶日 御講

筵與儒臣討論古昔府君仰

聖德之淵深慶遭逢之不偶備竭其底蘊以敷陳  
於 黼座之前而

皇上仁覆海內念切民依講誦之餘恒諮及窮簷

澄懷園文存卷五

六

疾苦府君仰承德意凡民生之利弊年穀之豐歉

知無不言皆蒙 嘉納詳載 南書房記注中故

秋日詠懷詩云幸遇 細旃清暇日時將水旱達

畿廊可以見當時對揚之大畧矣十二月二十三

日 賜書經大全四書集註文獻通考皆 內府

藏板冊首各識 御璽用給寶藏閣四日又 賜

捨狸孫裘一襲狐裘一襲羔裘一襲嗣後每除夕

元旦上元皆侍宴 養心殿戊午閏三月 特頒

手敕賜五臺山新貢天花又 賜御用衣帽韉轡

及羅紵表裏四月初八日奉 旨許於 禁中乘

馬十八日 賜御筆臨蘇軾書一卷草書唐詩二  
幅五月侍從景山

上賦登景山詩以賜復扈從至西山遍遊諸名勝

上恐府君未習馳驅 命內侍同行並給內廐

良馬 幸龍漱亭 御書激湍二大字 命府君

書聽泉二字加獎賞焉己未轉翰林院侍讀學士

二月先兄 廷鼎 成進士 欽選翰林院庶吉士時

府君在直廬未知之也

上駐輦命中使傳語之六月 命供奉周君道寫

府君像

澄懷園文存卷五

七

上親為指示改易再三務令宛肖裝潢成軸以賜

府君紀 恩詩云三毫頻上頻添取都在天顏指

顧時真異數也是年冬 賜御用貂裘一襲庚申

二月進講書經畢

上諭曰爾歷年進講書理明暢克有裨益府君奏

曰書經義蘊宏深 臣 僅粗解章句歷年侍從 講

席伏觀我

皇上講論精貫探討深微迥非恒見所及 臣 竊思

書經所載其文則典謨訓誥堯舜禹湯文武之所

以為君準變稷益伊尹傳說周公召公之所以為

臣皆備於此

皇上萬幾之暇講貫是書治統道統之要無備無遺實萬世無疆之慶也進呈書經衷論四卷三月進講易經進呈易經參解六卷四月

上諭吏部侍讀學士張英供奉內廷日侍左右恪恭匪懈勤慎可嘉爾部從優議敘具奏五月特擢翰林院學士無禮部侍郎八月賜內廐鞍馬嗣後每除夕元旦上元俱侍宴乾清宮辛酉三月臨幸遵化湯泉出喜峰口府君皆扈從七月二十一日宴群臣於瀛臺命府君同內大臣主

欽定四庫全書

八

席是年充易經講義總裁官壬戌上元節

上以滇黔蕩平四海甯謐特召公卿詞臣侍宴

內殿賦昇平嘉宴詩效栢梁體御音首唱群

臣賡和府君獻身依雲漢賡天章之句自癸丑以來出則庖法駕入則侍經幃夙夜在公寒暑

罔間於茲十年矣幸值海宇清宴乃人臣可以言

情之時因具疏請假回籍為先王父營葬事二十

八日奉旨張英自簡侍講幄以來朝夕勤勞敬

慎素著覽奏伊父未葬情詞懇切准給假前往安

葬事竣速回供職二月十四日復於內廷特

頒手敕曰諭張英爾素性醇樸侍從有年朝夕講筵恪恭盡職茲因爾父未葬具疏請假朕念人子至情忠孝皆出一理准假南還特賜白金五百兩表裏二十匹既旌爾之勤勞兼資墓田之用爾其欽悉惓惓至意特諭是月車駕幸盛京府君於郭外拜送

上面諭曰期爾途次平安遂以三月登舟南歸七月抵里五月十四日蒙賜官紗二端命勵公杜訥賁付先兄廷璜寄回江南府君抵家之日即聞恩命益感

欽定四庫全書

九

聖天子衣被之仁不以遠邇間也九月賜昇平

嘉宴詩石刻癸亥四月特恩諭祭先王父於家

先王父捐館時府君方為庶常至是特頒諭祭

褒綸焜耀光賁重泉其文有曰爾子內廷供事講

幄論思敬慎勤勞用稱厥職良由父教宜賁綸章

府君感激涕零頌錫類之宏慈驚非常之曠典一

時聞者以為

聖朝禮下之恩與人子顯親之孝至是而無以復加云十二月塋先王父於倉基墩事竣擬束裝還朝而體中疾作蓋以經營丘壠之故蒙犯霜露跋

涉山澤者逾年哀感勞瘁舊恙復萌因具疏展假  
甲子冬恭遇

聖駕南巡府君趨迎於秦淮蒙 天語慰問並

賜御書屢 召至內閣與政府商榷公事是冬復

賜羊酒鹿雉鮮魚鹿尾諸食物如昔年在 南

書房例付先兄廷贊祇領乙丑春 特召先兄廷

費至 御前面詢府君近狀並起程日期先兄廷

費對以病體漸愈秋間可以起程府君遂於七月

入都補原官充 日講起居注官如故丙寅三月

陞翰林院掌院學士兼禮部侍郎教習乙丑科庶

清獻文公集卷十五

十

吉士充 政治典訓總裁官七月 賜宴於西苑

秋雲亭並 賜法瑯爐瓶匙箸香盒各一具十二

月陞兵部右侍郎丁卯三月刑部漢堂官俱缺員

上命府君署理諭政府曰張英謹厚慈祥朕所

深知必無濫枉殺人之事府君受事後一以欽慎

平恕為主畫供奉 內廷張燈後退直即秉燭閱

招冊至夜半不少休諸所平反悉當

聖意署事五十日全活者百餘人蓋府君自與會

議之班其於每年秋審持議務期明允不獨署刑

部時為然也六月調禮部右侍郎兼翰林院學士

奉 旨充 經筵講官九月轉禮部左侍郎兼翰

林院學士兼管詹事府詹事事承 命侍從 東

宮朝夕進講經書是冬進呈孝經衍義一百卷戊

辰奉 旨充文武 殿試讀卷官乙巳扈從 南

巡至山東巡撫署觀珍珠泉

上書作霖二大字因令從官分書府君恭寫澄懷

二字

上回顧 諸王子曰看他用筆至今勒石泉亭遂

隨至江浙間時被 恩賜十二月陞工部尚書兼

管詹事府詹事事庚午六月奉 旨兼管翰林院

清獻文公集卷十五

士

掌院學士事充 大清一統志禮記日講解義總

裁官七月調禮部尚書仍兼管翰林院詹事府事

容臺宮尹詞曹為 國家禮樂文章之府府君以

一人綰三綬入宏弼亮之謨出典寅清之任潤色

鴻業黼藻昇平一時典禮儀制皆由斟酌裁定而

廟堂制誥之詞播於遐陬勒諸琬琰者胥出府

君之手北海云階莫重於尚書選莫榮於學士府

君以一身兼之論者以為寵眷之極致焉府君益

感

聖主委寄之重力圖報稱端尹職任甚鉅府君趨

承 鶴禁所以講說經義開陳善道者一本之以  
恪慎真誠小心黽勉十餘年如一日院長為玉堂  
領袖府君培護善類獎掖惟恐不至

上加意甄拔時勤諮訪府君凡所引舉皆恬退閑  
修讀書自好不及汲於仕進者造膝陳言惟知以  
人事君之義而退一不以聞於人即受薦者終身  
不知也

上嘗諭曰張英每有薦舉從不令人知煌煌 天  
語可謂知府君之深矣其在秩宗也凡郊祀裡宗  
之典朝會宴享之儀恪恭將事罔敢弗虔造士興

澤懷園文存卷五

七

賢主持風化固府君素志而各省學使者出都時  
尤以鑑拔真才表揚節孝培士氣正文體為拳拳  
屢年磨勘鄉試卷悉心披閱繫以確評間有指摘  
瑕疵務期精覈允當不徇不苛司中或有刻求者  
府君語之曰士子寒窓辛苦幸博一第風簷寸晷  
之間豈能免於微類小失但當合觀三場果平順  
條暢便不必於一字一句間拘以繩墨至於主司  
考成當論其聲名之賢否亦不可執試卷一二語  
之純疵以為優劣負 朝廷愛惜人才之意中外  
皆謂得大體焉辛未甲戌兩科庶吉士皆奉 命

教習兩科文武 殿試讀卷府君皆與焉甲戌夏

御試諸詞臣每日 命府君引見四人於 乾

清宮閏五月初五日 賜御書薦素堂扁額及臨

米芾書一卷是年充淵鑑類函總裁官乙亥六月

二十五日 賜宴於 暢春園泛舟觀荷復 賜

御筆書扇並池蓮珍果同被 召者十人府君與

先兄 廷瓚 皆與尤千載罕遇也丙子 賜淵鑑齋

法帖二部古文淵鑑二部丁丑奉 命為會試總

裁取汪君士鋐等一百五十九名多知名士撒棘

後衆論翕然三月充明史總裁官是年蕩平噶爾

澤懷園文存卷五

七

丹奉 旨編次北征方畧日直 暢春園韻松軒

辰入酉出為常七月具疏引病求退蒙 溫語慰

留已卯十一月奉 旨授文華殿大學士兼禮部

尚書仍 命無經筵講官奉 敕充

三朝國史監修官庚辰奉 命代祭 文廟是年

不孝廷玉成進士 欽選翰林院庶吉士時先兄

廷瓚官少詹事父子兄弟同受 特達之知並與

清華之選府君益感激悚惶不知所報辛巳七月

辦事內閣忽抱恙言語舛錯應對不真作字多遺

忘醫家以為心血虛耗所致後服藥調治漸次痊

可八月奉 命代祭 文廟九月 駕自口外回  
聞府君病 召至 乾清宮面問府君具陳年來  
衰憊之狀綸扉重地深以曠瘵為懼懇 恩賜歸  
田里以全始終蒙

上慰勞者久之十月具疏乞休奉 旨卿才品優  
長効力已久及任機務恪慎益勵文辭充練倚眷  
方殷覽奏以衰病乞休情詞懇切著以原官致仕  
命下之日府君隨詣 暢春園謝 恩無以內  
城住宅請 旨

澄懷園文存卷五

古

京即令其居住朕見伊等與見汝同又 問何時  
起身府君對以次月下旬

上曰此時天氣正寒爾身多病難於遠涉當於開  
春就道 睿慮周詳天語溫藹府君益感激

聖慈泣數行下是冬進呈淵鑑類函四百五十卷

壬午正月初十日 特恩賜宴於 暢春園

諭曰爾効力年久今致政歸以此相勞十八日府

君復詣 暢春園奏 聞南歸之期奉 旨諭兵

部張英在內供奉効力年久茲乞休回籍著給與  
驛遞夫馬聽其足用不必拘定數復 命 不孝廷

玉扶持回籍 東宮親製篤素堂記並書歐陽修

畫錦堂記以賜 諸皇子皆賦詩贈縞為別於二

月初六日出都鄰舍居人遮道攀轅舉觴相祝公

卿祖道者冠蓋相接海甯查公昇彙輯輦下贈行

詩為十卷三月初三日抵里門親串友朋暨閭邑

耆庶郊迎數十里黃童白叟環聚而觀者數千人

皆藉藉嘆息以為有二疏遺風焉五月 不孝廷玉

入都府君諭曰予以衰病蒙 恩賜歸從此杜門

養疴偕畊田鑿井之民優游於堯天舜日之下惟

期汝兄弟恪恭勤慎竭歷盡瘁以報高厚於萬一

澄懷園文存卷五

五

汝其識之並以語汝兄是秋先兄 廷璠 在京抱恙

府君每有手諭必誠以安心調攝勉副 聖恩十

月先兄竟不起府君既痛惜其亡而尤以受恩最

深涓埃未報為憾癸未正月恭遇 聖駕南巡閱

視河工府君迎至宿遷蒙 溫諭垂問 賜御筆

雙溪秋水軒種花處扁額並對聯長卷大幅 諭

曰爾侍從多年可謂醇謹老成之善人隨扈從至

京師恭祝

萬壽拜辭旋里之日

上召入而語良久因見府君顏色清癯知以先兄

故憂鬱未釋 諭曰家庭之間豈能事事如意當  
曠懷達觀以娛晚景是日 賜御用袍帽緋襪閱  
二日又 賜人參三觔甲申夏不孝廷玉蒙 恩  
入直 南書房十二月充 日講起居注官府君  
兩具奏摺謝 恩復手諭 不孝曰予侍從 內廷  
三十餘年無 事不仰荷  
聖明教誨指示得以不致隕越今汝復承 恩命  
直廬講筵地皆親切益宜小心謹慎以報  
主知是冬 賜御製詩集一函 御書對聯二副  
松花石硯一方付 不孝廷玉 遣人齎回對聯曰白  
鳥忘機看天外雲舒雲卷青山不老任庭前花落  
花開遠處塵埃少閒中日月長府君祇領之下拜  
手稽首曰  
聖主垂念衰頹遠頒 宸翰青山不老日月方長  
頌 天語之春溫感 聖懷之期望從此草木餘  
年逍遙林壑莫非九霄雨露之所長養也乙酉二  
月詣清江浦渡黃河迎 駕  
上慰諭曰汝老年只宜到江寧何必渡河遠來遂  
命登 御舟問家居近况及地方風景時 御  
製皇船說懸 寶座後

上命府君觀之恐遙見未真  
上起側坐令就屏間細讀見未真處  
上親為指示府君奏對時或跪或立  
上曰汝年老已謝事一切禮節可以脫略不必拘  
常儀府君謝不敢隨以 御製詩一冊 命 皇  
太子同登別舟細看嗣後凡駐蹕處俱入直房  
賜御饌時 不孝廷玉 亦叨扈從  
上面諭曰汝父年老汝可隨侍左右出入必扶掖  
之三月至蘇州 特恩賜白金千兩 御筆書謙  
益堂葆靜齋額及詩扇對聯長幅計數十種翌日  
又 賜內製玻璃器具十餘件閏四月初五日駐  
蹕揚州 賜人參二觔 御用袍帽五件蒙 恩  
諭曰汝歷朝三十餘年日侍左右從無過失今聞  
居鄉亦極簡靜可謂善到極地所賜人參果餌可  
留為頤老之需俟口外有鮮果再從江南織造處  
頒賜汝子力薄恐不能遠致也次日送 駕揚州  
城外 不孝廷玉 隨府君跪岸側  
上啟船艙親諭曰爾回去善自調攝又 諭 不孝  
廷玉曰可善送汝父登輿是冬 賜口外榛子松  
子各一囊丙戌嘉平月府君晉七表觴 東宮賦

詩以賜丁亥正月

聖駕南巡閱視溜淮套 不孝廷玉 復叨扈從 恩

允先期至家省覲二月十九日隨府君迎 駕於

御示開是日駐蹕清口 召府君及 不孝廷玉

登 御舟 問府君及先妣年齒若干有子幾人

桐城距此路幾何 睿顏溫語宛如家人父子三

月 駕至揚州府君入內直蒙 賜松花石硯一

方玻璃水盛一具硯有銘曰靜壽之則堅潤之德

閱幾研磨惟一貞實

上諭曰研銘係朕自製特以賜爾細玩當悉朕意

澤懷園存卷十五

六

蓋以況府君之為人也府君遜謝不敢當而在廷

諸公莫不交口稱羨以為知臣莫如 君云又

賜御筆世恩堂扁額並對聯一副各種內刻書籍

人參二觔羊四隻乳餅果餌十數種四月二十九

日乘漁艇送 駕於揚州瓦窰廠蒙 天語慰勞

復遣梁內侍九功送回本舟是時 不孝廷玉 即於

舟中拜別灑淚牽衣不忍遽去府君急遣之豈知

河干拜辭之日即為此生永訣之時嗚呼痛哉自

是以後凡遇里人入都問兩大人起居皆云健飯

如昔府君同先妣手諭至京亦必云近日身體粗

安母以為念汝能殫心供職盡瘁勿懈正所以養

志也今夏 不孝廷玉 扈從出口避暑至熱河抱病

甚篤七月接先妣訃音蒙

聖恩垂念體恤深至 特命李內侍玉至私寓傳

諭曰汝到家問汝父親好年踰七旬可善自調養

不可過於傷感聞汝有弟三人可以在家侍奉汝

於一年後仍來京師在內行走照勵廷儀例不第

俸不與朝會 不孝廷玉 聞 命之下涕泗交頤莫

知所措月杪徒跣回都將戴星南奔適弱疾侵尋

支體尫羸動履輒顛仆而府君手諭復至曰痛

澤懷園存卷五

九

汝母溘逝予以失賢內助傷悼無已六月以來身

有小恙七月間服藥調攝近已獲痊聞汝患病必

須調理全愈方可就道不必勿遽言歸又手撰先

妣行實寄至都門委曲纖密述舊事如在目前絕

不似病中筆墨私心為之稍寬八月杪 不孝 在都

受吊粗畢於九月初三日力疾戒程途次遇南來

人輒問府君近况皆云體已平復眠食如常得二

姪 若 鄉薦信益謂府君可藉以加餐飯豈料九

月中旬府君肢體浮腫兼患脾泄十六日午後沉

卧不醒十七日清晨元氣益覺耗散府君自知不



能起感念

聖恩睿澤末由仰報伏枕涕泣口授遺疏遺摺令

不孝廷璫繕寫並命不孝廷玉暨諸子孫時念高

厚之國恩殫竭駑駘之微力以戀生平未盡之

忱惻至未刻端坐瞑目而逝嗚呼痛哉不孝廷玉

曉夜奔馳於二十四日抵里相距僅八日竟抱終

天之恨是府君無刺不以不孝為念既恐不孝之

死且憂不孝之疾所以憐恤安慰之者無所不至

而不孝荒迷痛苦中竟不知府君之疾且不料府

君之疾遂至於此也百日之中疊遭大故摧心裂

澤懷園文存卷五

手

肝殞身莫贖嗚呼痛哉府君居官四十餘年撲誠

敬慎表裡無間忠於公家無毫髮私以故受知

聖主推心置腹朝夕侍左右凡國家機密重政皆

蒙清問下及府君盡志竭誠虔共匪懈一心惟知

有社稷不知有身退直之時不語於同列不告於

家人素性耿介廉靜內副外和每廷議時侃侃正

論無所瞻顧自趨承禁近歷卿班登政府位望崇

顯而門無私謁間有以私干瀆者正色拒之而不

言其人生平不沽譽不市恩無矯異之行無表襮

之迹惟勉其職之所當盡而行其心之所安

上嘗語執政曰張英有古大臣風

聖天子指於知人無微不照自非府君忠盡純誠

端方直亮安能上膺

帝眷默契天心忠信交孚明良一德初終進退

恩禮無隆如此哉處事無一苟且而於掄才尤慎

當癸丑會試也府君資在前列或有問津者嚴詞

屏絕與先妣相語曰貧士家有人贈三金五金則

童僕欣相告薪米充然盈庖廩下至嬰兒孺子皆

有喜色今入闈而忽有千金之獲後將何面目對

家人孺子入闈後家中經旬乏食搜得麪數斗遂

澤懷園文存卷五

主

舉家食麪湯將一月不孝廷玉妻父姚端恪公聞

之為咎嗟嘆服不置後遇內廷考教習每歲承

命與靜海勵公杜訥司其事府君與勵公信誓

旦旦聞者皆為悚惕誠先兄廷璫及不孝廷玉曰

詞臣無多任事所恃以酬

主恩育人才者惟在試事耳汝等當勉之慎之以

毋忝家聲不孝等拜而謹佩之至性純孝幼失先

王母事先王父柔色下氣先意承志寒家自大叅

公以來代有聞人已先伯祖鍾陽公殉難山左

既而先叔祖大司馬坤庵公孝廉蔚庵公相繼中

世家道中徵先王父意忽忽不樂府君遂發憤攻苦異博一第為老親歡後歷清班登顯要先王父已不及見風木之悲無時少釋每於焚黃告廟之際愈益悽愴立家廟三楹於廳事之東遇伏臘祠祭必竭誠致慎懽慕盡哀春若秋則躬至祖墓展拜瞻視松楸周覽兆域雖風雨霜雪弗避建享堂監碑碣置墓田凡祖塋之當修舉者靡不殫心竭力為宗族先甲辰冬先王父重修家譜府君實左右之歷四十餘年生齒益繁昨丙戌歲復加纂輯撰家傳編世紀焚膏繼晷至今歲八月始成事伯

澄懷園文存卷五

主

叔以恭謹處兄弟以友敬長先伯早逝遺孤長兄思耀家計中落府君撫愛之甚周諸伯叔中年或遊宦或隱居天各一方不能共姜被對床風雨之思時時形諸篇什姑母三人長適子桓方公穀次適式昭吳公德音三適淵如吳公徹府君手足之愛下篤視諸甥猶子族黨姻戚中有婚嫁喪葬之禮必勉力助所不足雖室中無餘資而歲時饋遺不少缺置公田百餘畝歲收穀三百餘石以贍族人貧乏者待諸弟姪恩誼肫摯暇時招集談笑甚歡然語及植品制行必正色直言相規勉曩時

七先叔歷任畿輔及今八叔父為西延郡丞雪岑叔父為嘉州牧梓一叔父為鄭州判承先弟為膠萊運判有孚弟為南川令每有家郵往來必勉以慈惠廉潔毋忘累世清白之訓凡子弟之醇謹向學與穎秀秀發者必教誨之輔翼之惓惓加惠玉之於成遇朋友以信待桑梓以思見人之急心戚然不安必思有以解之自少時同筆硯以及立朝以來所稱投契者皆一代端人正士斷金之約久而益堅遇故人子皆結縢存恤燕已時而淵源之誼彌加篤厚齊公古愚府君業師也市之盡禮歿

澄懷園文存卷五

主

後為營兆宅太師母晚年鄉居每歲時必致餽問即墨黃公府君鄉試房師也官農部為同事所累幾被禍府君殫力區畫始得脫然以歸黃公長君大中以孝廉令武康甫半載而歿因公那用倉穀不能償告急於府君時府君已請告家居百計措辦以應之自通籍以後不以纖私干有司遇郡邑大利弊則不憚委曲言之向者邑中有魚課采買一項例以漁戶當之奉行已久忽有思變成法者請於當事欲歸之丁地項下紛更加派民將重受其困府君為力懇於中丞楊公得中止邑中錢糧

舊有區頭里長之害姚端恪公既力除之而排年糧長猶存庚申年府君屢致書中丞徐公始行永革勒碑縣署前嗣後凡遇臺司蒞任府君必舉此中利弊相告故數十年來遵守良規不致復蹈前轍里人便之中丞劉公撫皖加惠斯民恐徵收錢糧胥役不無苛索欲行滾單木皂之法府君念桐邑自革糧里長以來花戶各自輸納上不至誤公賦下不至累閭閻上下相安公私無擾是滾單之設便於他邑而於桐則不若仍舊為宜為之請於中丞公得循舊例里人頌中丞之德而並稱府君

懷德園存卷五

五

之功於不衰桐邑四境多山田廬墳墓相望素非產礦之地數年前忽有他郡宵小妄希重利創為開礦之說里中一二無藉者爭先附和彼此煽惑人情震恐不安府君為致書中丞劉公力言其害且言大江南北並非產礦之地向來從無開采之事劉公亦深悉其病民委曲維持而此事得寢焉

蒙

聖 洞察特降 綸音永行禁止府君聞之舉手加額為宇內蒼生幸不僅為皖江黎庶慶安堵也江南省試號舍向來僅數千間 國家教化漸摩

人才日盛每科應試者多至一萬三四十人碑號不足則以竹輿簾棚補之風雨驟至沾濕泥滓士子往往束手傍徨至有不能終卷者府君屢言於上下江中丞每年增設碑號近已多至一萬有奇士子至今感頌至於宜興宜革之事凡可以為吾邑利者無不籌畫精詳謀及久遠不為旦夕苟且之計而且消弭於未事之前轉移於將行之際不動聲色而利益無窮故丙戌嘉平月里人立頌德祝壽之碑於郭外其文有曰恩周桑梓宏胞與以無私念切粉榆運神明而獨至足見輿論之公云

懷德園存卷五

五

生平恬靜淡泊不與人競進退以早年攻苦抱羸疾中年又有失血之症恐以衰耄誤官守故乙丑再入都門後每歲於 內廷具摺乞休雖未即蒙恩允而知止思歸之意時時見之詩歌中居常訓 不孝等惟以讀書立品安分守拙戒詐偽絕奔競故書室對聯曰萬類相感以誠造物最忌者巧又曰境無甘苦樂現在者為福人無愚智斷妄想者為難此府君一生之學而聖賢所謂素位而行不欺其志者俱統括於此數言矣疾惡若浼而口不言人過和平坦易對之者如坐春風飲醇醪矣

而自化鄰居坊曲悉接以禮故所至皆啣感之御  
臧獲下隸嚴而不苛居家極儉約每以惜物力留  
有餘為訓故於華靡聲色珍玩之類絕無所嗜惟  
耽山水花木壬戌乞假歸以

上賜之金構山園於西龍眠名曰賜金以銘

聖眷壬午復營雙溪草堂去賜金園里許望衡對  
宇竹木交映時往來其間雲嵐煙靄之中脫帽扶  
筇超然物外風日晴和則乘小艇循山溪之曲載  
筆床理釣具一切人世榮利得失之事無所繫懷  
入城則憇息於宅前五畝園招二三老友觴咏

澄懷園文存卷五

五

為微談農圃樹藝山林清靜之樂客去則焚香鼓  
琴或課小僮灌花栽蘭飼魚調鶴以自適平生手  
不釋卷於書無所不讀自入侍 內直益精研博  
討搜覽無遺應 制詩文無不俄頃立就每奏一  
篇必蒙 嘉賞著作已成者有易經叅解六卷易  
經象論二卷書經象論四卷篤素堂文集十六卷  
講筵應制集二卷內廷應制集三卷存誠堂詩集  
二十五卷篤素堂詩集六卷其未付剞劂者有  
南書房記注學圃齋詩話篤素堂詩文後集若干  
卷藏於家尤工書法行楷皆冠絕一時 上集歷

代名人書為懋勤殿法帖 特命府君書幽風及

陶詩入本朝集中宇內士大夫得片楮寸縑無不  
奉為拱璧焉府君生於明崇禎丁丑十二月十六

日亥時卒於康熙四十七年戊子九月十七日未

時享年七十有二康熙癸卯舉人丁未進士由內

弘文院庶吉士歷官光祿大夫 經筵講官文華

殿大學士兼禮部尚書加二級蒙 恩予告元配

先妣姚太君前丁未進士湖廣湘潭令渥源公諱

之騏孫女明經龍泉學博贈文林郎珠樹公諱孫

森女累誥封一品夫人庶母劉氏子六人廷璫廷

澄懷園文存卷五

五

五廷璫廷璫廷璫廷璫女四人孫八人若霖若常

若澤若震若霸若泌若霍若需孫女九人曾孫一

人曾啟曾孫女三人不孝廷玉等草土餘生荒迷

樗昧追維詮述語無倫次伏冀 大人先生俯賜

採擇錫之誄銘以光泉壤不孝廷玉 等世世子孫

感且不朽

家子內閣學士兼禮部侍郎若需行略

嗚呼痛哉吾長男若需其遽忍忽然逝耶男以筆墨微長受

兩朝隆遇涓埃未竭縱不念七旬之父其能不念國恩而遽忍忽然逝耶屬續之辰余一慟不自持其平昔與遊者咸痛哭失聲且爭問事實將作哀辭以誄之余昏憤之中記憶恍惚第念若需遭遇聖明眷注優渥真有自古儒生夢想之所不及者且其居家之孝友持身之恭謹力學之精勤亦何忍便沒其實因制淚握筆略誌梗槩若需字

景彩號晴嵐生母

澄懷園文存卷十五

元

誥封一品夫人吳夫人出也誕日與余同余時年四十二矣生而骨格端凝丰神散朗親知咸賀余得佳兒六歲就外傳初授句讀即能解其文義薄暮入內侍坐母側言笑承歡不喜作兒嬉事偶於燈下書蠅頭小冊余意其隨意塗抹及取視之則戴記也八歲學爲詩詠鳥聲云一枕夢初覺滿園花正開少宗伯弟亟稱之間學作畫已具筆法十歲侍余於澄懷園填小令馮園中景物頗近花間風致余即事詩所云可憐稚子學塗雅也賦新詞

紀物華是也十一歲功制舉業後師冠山吳子一兄即以大器期之雍正八年十月以廷玉供職微勞奉

旨賞給一等阿達哈哈苗 恩准以若需承襲仍許入場應試壬子中順天鄉試第六十一名舉人榜既發廷玉方入內直

世宗憲皇帝見題名錄遣內侍傳諭曰張若需中式矣少頃內侍捧松花石硯一方以 賜此若需拜 賜之始也癸丑成進士 殿試後三日

憲皇帝御懋勤殿閱卷因諭讀卷官曰爾等所擬

澄懷園文存卷五

元

名次尚有未協中擬第五卷策語懇摯識見者成非經生可比字畫亦端楷應將原擬第三卷改爲第一原擬第五卷改爲第三命大學士批於卷首及啓彌封則第一條會元陳倭第三則張若需也帝大喜諭曰此大學士張廷玉之子策內議論確有識見想其習規習聞稟承家訓得大臣忠君愛國之意是以敷陳之言切當懇摯如此張廷玉佐朕多年居心行事比諸古人舉夔稷契信可無愧且自伊祖父累世厚德繩繩相繼宜其後人克肖賢才蔚起以副國家之用朕於爾大臣等深願人

人如此乃憊於懷耳是時廷玉在直廬辦事遣  
內侍傳諭曰爾子張若靄取中探花矣特告大學  
士知之廷玉聞

旨驚懼失措免冠叩首懇辭數四內侍轉奏未蒙  
俞允已批定甲第令讀卷官捧出填榜廷玉奏請  
面見啓事仍免冠叩首繼以泣下奏曰三年大比  
合計天下應鄉試者十數萬人而登鄉薦者不過  
千餘人以數科之人來京會試而登春榜者亦只  
三百餘人是此鼎甲三名雖拔於三百餘人之中  
實天下士子十數萬人之所相望而不可得者臣

清懷園文存卷十五

手

家世受 皇恩無所不極其至臣子若又占科名  
最高之選臣實夢寐難安願讓與天下寒士若君  
恩祖德庇佑臣子留其福分以爲將來上進之階  
更爲美事

憲皇帝憐其愚忱乃命改爲二甲第一名並將前  
後情節頒發上諭宣示中外得天下讀書人  
共知之次日廷玉率若靄謝恩比蒙

召見並令若靄隨入天顏和霽嘉歎再三

特賜御用束珠涼帽一頂松花石硯一方是日又  
賜有饌菓品二筵令祭告祖考宗黨榮之嗣引

見新科進士於正大光明殿若靄蒙

恩旨照榜眼探花例一體授翰林院編修次日又  
奉 旨 在軍機房行走隨伊父教導若靄辨明而  
入及暮而歸抄錄諭旨收貯檔案頗稱勤慎其  
非交辦之事余固不言若靄亦不敢問也是年十  
月因 特恩賜祭先公於本籍廷玉暫假南歸舉  
行祀典 恩命若靄隨歸甲寅秋辦理軍機大臣  
入見各 賜洋漆匣端硯一方時若靄在直房  
上特賜一硯曰將此賜張若靄又 顧諸大臣曰  
張若靄器量好朕甚嘉之是冬

清懷園文存卷十五

手

御書福字面 賜公侯大臣及內廷供奉翰林第  
一幅 賜 廷玉以後諸臣以次受賞若靄得最  
後一幅

憲皇帝大笑謂若靄曰今日乃賜福字第一日也  
汝父得第一幅汝得最後一幅無意中有此恰好  
事豈非吉祥之徵乎 聖心之屬望如此乙卯以  
原銜署日講起居注官 面諭廷玉曰此子聰慧  
朕欲其早習禮儀也是秋九月

皇上龍飛御極

覃恩封通議大夫母吳妻姚並封淑人廷玉復蒙

恩旨賞給壹等阿達哈哈番照例歸併長子授  
為三等精奇尼哈番世襲弗替精奇尼哈番古子  
爵也後以御史條奏改譯漢文稱三等子若霽竟  
受一等勲爵之賞洵異數也隨命入直南書房  
又蒙 覃恩以三等子

誥封光祿大夫母吳妻姚並封一品夫人丙辰實  
授日講起居注官丁巳春

上奉

孝恭仁皇后梓宮奉移山陵廷玉與若霽皆從五  
月 召集翰詹諸臣於內廷試為君難為臣不易

御製詩集卷五

三

論藏珠於淵賦薰風自南來詩

上親定甲乙若霽蒙取二等第六名陞翰林院侍  
讀廷玉進見謝 恩

上諭曰若霽出筆敏捷詩賦亦佳朕是以拔置優  
等爾等大臣子弟能黽勉向學無膏粱怠惰之習  
乃朕所深喜者向後勉之冬十月

上以廷玉總理事務三年期滿特賞一騎都尉以  
示恩眷廷玉因奏稱從前世職俱是若霽承襲此  
次恩襲若加於三等子之上應為一等子奉

旨鄂爾泰張廷玉宣力多年朕視二臣均屬一體

鄂爾泰既封伯爵張廷玉亦從優授為三等伯仍  
著伊子張若霽承襲隨經大學士等議張廷玉應  
以三等伯注冊其張若霽照例承襲可也戊午春  
以 內廷翰林隨大學士尚書侍郎京卿及開坊  
以上等官侍 宴於圓明園蒙 賜

聖祖仁皇帝御批通鑑一部及貂皮文綺入夏甘  
霖普降 特召大學士及內廷翰林入圓明園泛  
舟至蓬萊洲小憩

御製七律一章 命諸臣各賦詩 若霽 獻七言律  
二首稱 旨越日

御製詩集卷五

三

上以御書勒石並諸臣詩附鐫於後案為一冊廷  
玉父子同被 殊榮稽之史冊未易觀也已未春  
召集王公卿尹翰詹臺省官於 乾清宮賦栢  
梁體詩用一先韻

上首倡洪鈞氣轉叶韶年 若霽 分得咬字恭獻石  
渠圖史供蒐畋之句旋陞侍讀學士庚申閏六月  
丁母吳夫人艱壬戌十月服闋奉

旨仍在南書房行走十二月奉  
旨從前賞給大學士張廷玉伯爵著帶於本身張  
若霽不必承襲癸亥補原官

上再試翰詹諸臣於正大光明殿題命藏珠於淵賦禮以養人為本論折檻旌直臣詩若需詩賦仰蒙嘉獎拔置二等第三名陞通政使司右通政晉光祿寺卿甲子陞通政使司通政使十月奉旨重葺翰林院落成車駕臨幸錫宴送大學士掌院事鄂爾泰張廷玉進署用唐張說東壁圖書府五律字為韻賦東字音字二首敕廷臣三十八人各分一字賦詩若需得美字中二句曰韻分燕國字禮重傳嚴美極為西林鄂相國所賞越日上又倡栢梁體首句曰重開甲子文治昌與宴百

澄懷園文存卷十五

重

自著西清紀事記載掌故及前輩逸事頗詳可滿史乘採取上天縱多能藻思煥發觸景命題千篇立就若需敬誦宸章時賡睿韻鞠跽抒詞每不加點進呈輒嘉與焉至於拜賜墨寶宴賚便蕃不可勝數儒臣稽古之榮從古所罕有也丙寅秋年穀順成皇心悅豫宴公卿庶僚於瀛臺遵聖祖仁皇帝康熙二十年故事廷玉與若需並侍宴於含光殿

澄懷園文存卷十五

重

上首倡金風玉露慶西成句諸臣以次分賦若需賦淋漓萬卉園芳騰句以獻上復用唐李嶠甘露殿侍宴詩字為韻賦月字霞字命大臣及內廷翰林三十八人分賦若需分得舟字敬撰五言律律一首上又製七言律詩四章令廷臣賡和筵宴既畢泛舟至流杯亭諸臣即事聯句各賚書牋繅帛嘉魚珍果而歸上詩云三世方明陪讌賞詞林佳話冠螭頭注曰大學士張廷玉之父曾侍



皇祖西苑宴賞今與其子若霽共陪此會亦盛事也 天章敘及炳煥瑤編此直萬世之光榮非特一家之寵遇而已既而隨 駕西巡

上登清涼山 命扈蹕諸臣留駐王塊惟 若霽與

內廷近臣從行歸次保定忽感寒熱之症

聖慈屢念諭令先歸並 賜珍藥遣太醫護視及

上回宮屢承 垂問至十一月病勢轉劇初患癰

疹旋變暴下荷蒙 天恩一日之間詢問數次并

切 諭廷玉寬懷頤養 若霽聞

命猶於枕上叩首謝 恩十七日忽患痰喘溢然

澄懷園文存卷十五

美

長逝易簣之時惟以未報

君恩為恨語不及私嗚呼痛哉

上聞特降諭旨內閣學士張若霽在內廷行走十

餘年小心勤慎能恪遵伊父大學士張廷玉家訓

深望其將來尚可有成今秋扈從於途次患病隨

遣御醫調治且令其先回冀即痊可以慰伊老父

之心不意遽聞溘逝深為憫惻伊從前曾襲伯爵

因其與定制未符是以令在本任供職今著加恩

照伯爵品級賞銀一千兩料理喪儀大學士張廷

玉年逾古稀遭此傷痛殊難為懷可傳諭令節哀

自愛勉副朕軫念之意

聖恩勤拳湛恩汪濊天地父母之德無以加之此

若霽之叩感九原而願矢報於來生者也 若霽自

通籍後即留心政務偶值直省水旱余焦勞特甚

若霽亦悉心經畫間出意見與以抒余之憂任光

祿卿時慎重經費釐剔弊端有所條奏皆見施行

任通政時與秋審班推詳讞詞倍極矜慎見外省

狂徒調姦本婦羞忿自盡之案甚多因念圖姦未

成自有應得之罪若鳴之於官地方官能即時懲

治則本婦之羞忿可釋本犯之抵償亦可免全活

澄懷園文存卷五

圭

實多乃繕疏上請經部議行 若霽性至孝每事能

先意承志退直之暇委斷家事代余之力居多嫡

母姚夫人早逝不及奉侍每以為恨庚申年母吳

夫人病衣不解帶奉侍湯藥延請名醫至屈體以

下之自此精究方書稍通岐黃之術母病日篤每

夜露禱中庭願以身代時方暑溽蚊蟲嘍膚不覺

也及母病不起一慟幾絕余嚴切諭之始進勺水

是秋扶輿由陸路歸里凡過橋梁傾險及泥濘之

處必躬自扶掖以行或徒步至數十里僕隸輿臺

皆為感泣撫弟 若霽體恤備至 若霽幼多病嘗患

腹疾一夕數十起若時甫成童晝則入塾夜即坐於榻前勸母先寢為若說雜劇傳奇以娛其意達旦不倦若弟若皆異母生撫之一如若壬戌秋若病劇日夕撫視調護百端余時扈從郊外秘不令余知其善養親志皆此類至奉尊長以敬誠事兄姊以和順族黨姻婭之間從無間言兩叔三姑愛之如已子與人交恭而有禮每晉一階輒慚懼不甯寒士有急則傾囊以贈之生平不設城府或以非禮加之絕不與校若竟不知者性至慎密即家人婦子之間言笑酣嬉未嘗及溫室料雖余之家教素嚴而男之恪守父訓亦不可及已在

澄懷園文存卷十五

五

聖主洞鑑中矣酷嗜文墨所著藕香書屋詩存佳夢軒稿珍珠線書畫舫烟雲過眼錄同直諸公皆以為可存得趙子昂墨蹟寶之臨撫至一百三十餘本吾家文敏司寇見而畏之曰不出三年我將退避三舍矣八分篆籀皆能通曉兼嫺繪事花卉倣陳白陽山水倣董香光每進畫幅上必稱其有文秀致無畫苑習氣

御筆親題者甚多皆有獎語其題五君子圖曰昔

日東坡論茶墨貌雖不同取同苟其氣味本相合黑白異類庸何病妙哉五君子之圖雅得詩人善比興交柯鑲莖縱殊致如嬰在齊僑在鄭信雲寓意詔後人執林繼者多優孟儒臣文筆為寫生乃得一派曹溪正每讀魯論增慕思何當佐予以為政若霽捧讀惶悚無地奏曰雕蟲小技而蒙宸翰褒題微臣誠千古不朽矣自奉甚儉聲色靡麗之事一無所好以為宜得長年而竟中道棄子時耶數耶真不可知矣男生於康熙五十二年九月初九日卒於乾隆十一年十一月十七日存年三十有四娶姚氏雲南南寧縣知縣封奉政大夫諱士堦公女子三人長曾效次曾詒次曾誥女一人哀慟之中詮次無序伏惟採擇賜以諒言感且不朽

澄懷園文存卷十五

五

澄懷園載賡集自序

廷玉既刻傳經堂詩焚餘集又刻澄懷園詩選生平願學未能懷慚負愧之意具載兩序中而編年實斷自雍正乙卯迄乾隆元年丙辰我

皇上紹登大寶欽明濬摺典學敷文萬幾之暇

親灑宸翰詩文數千言成於頃刻歷稽史冊所載罕有比倫廷玉日侍左右拜捧

天章如乾端坤倪罕含萬象輒目眩心駭莫能形容其妙比承

恩命賡和雖不敢以不文辭然燭火之光耀明於

澄懷園載賡集卷一

若木潢汙之水比量於滄瀛其亦不自揣之甚矣

顧竊自念躬逢

堯舜之世頌古今未有之詩歌受古今未有之知

遇若以巴人下里之吟棄置弗錄又何以彰休

命昭寵渥因於秋日退直餘閒掇拾十餘年來舊

稿得如干首彙為六卷大抵皆對揚拜獻之辭因

名曰載賡集而一二詠懷贈答之篇亦附焉蓋從

其多且重者以紀實也史稱張燕公歷仕三朝大

著作多出其手躬遇好文之主有所為必使視草

今檢閱燕公集所載奉和聖製諸作尤夥至今傳

為堂廡盛事玉才力遠不逮古人而榮遇過之則

存是集也不且益滋愧悚歟玉今年近大耋矣計

懸車之期又逾七載陳情再三未蒙

俞允而精力衰頹才思塞澁或詞句粗疎亦不能

點竄塗乙且其中塵

御覽者為多應存其真以示子孫或他日得歸田

園與農夫野老歌吟於茆簷竹簾間亦庶幾擊壤

之一助云乾隆十三年歲次戊辰秋月桐城張廷

玉書

澄懷園載賡集卷一

二

澄懷園載賡集目錄

卷一

近體詩四十九首

卷二

古近體詩六十八首

卷三

古近體詩五十八首

卷四

古近體詩三十九首

卷五

古近體詩四十三首

卷六

古近體詩四十四首

澄懷園載賡集卷一

三

澄懷園載賡集卷一

桐城張廷玉硯齋

近體詩四十九首

恭和

御製苦次述哀長律二首元韻

呼天無痛比臣心跪捧雲章淚湧襟不死身膺

恩命重如生夢對

御顏欽十三年瘁精神貫億萬民懷惠澤深稽顙

庭階還拜舞仰瞻仁孝

聖人臨

澄懷園載賡集卷一

一門三世恩如海圖報寧憑刻骨悲才愧贊猷

惟有敬臣蒙先帝御書贊猷頌補扁額特賜老期籌國別無思遙聞薄

海歡騰日親見深宮泣下時繼述重光綿

帝德哀吟微悃

在天知

丁巳主試春闈用壬辰闈中對月韻漫成四

章

且耐春風料峭天維摩一榻廣文瓊回思初入掄

才地歲月如馳三十年康熙丙戌會闈奉命分校即今三十二年矣其間三與分校一主順天鄉試

三主會試實人臣罕觀之遇也

七度持衡

主眷深絳紗弟子列如林

三朝鉅典慚無補但矢冰壺一片心

報國由來選駿難敢因衰憊暫偷安深慙

聖主優隆意識路猶同老馬看

深山漫說無遺寶大厦從知少棄材燭盡三條良

可念吟哦時入夢魂來

題吳冠山編修靜觀圖

一間書閣四無隣作伴蒼松與綠筠千頃汪汪在

襟抱相湖湖上靜觀人

澄懷園藏書集卷二

二

莫道緇塵暗九衢夢魂直與水雲俱會心早已超  
形象不待披圖見相湖

七年前讀簡修弟喪子述懷詩欲題數語而

淒楚哽咽不能著筆今檢舊稿率成二絕

句不能寫余心之悲也

茫茫天道杳難呼竟失吾家千里駒每讀哀辭淚

霑臆欲題一字七年無

絮語連篇恨萬端啼猿聲苦血成斑珠沉玉碎人

間痛何獨傷心庾子山

題姪筠課耕圖

經畬文圖素探尋早晚簪毫入禁林

姪蒙御試拔取  
中書銓補有期矣

披覽斯圖還一笑何年方慰課農心

新秧如毯柳如絲最好春深夏淺時我有山田久

荒棄低徊難寫勸耕詩

張南華編修以畫扇見貽題六言詩二首

層巒似近非近幽徑欲迷不迷柳綠釀成烟雨桃

紅染透山溪

出入不離懷袖好景無須遠探宦跡尚留燕北卧

遊已到江南

十一月十五夜禁中看月

澄懷園藏書集卷二

三

層臺高挂玉蟾蜍照徹千門與九衢改取石湖詩

一句人間有此月明無

石湖詩城中  
有此月明無

碧海青天萬里遙玉樓銀閣鬱嵒嵒他時向客誇

豪舉看月年年傍九霄

聖主躬耕藉田詩

謹序  
戊午

欽惟我

皇上治應璇圖功調玉燭紹重熙之統緒昭廣運

之精神學耨仁耕法乾行而不息春生夏

長符厚載以無疆德意滂流恩膏淪浹萬

方在有彌深宵旰之憂勤六府孔修惟

冀雨暘之時若 頒來綸綍疇咨何嘗再  
三 賜出金錢賑卹已逾萬億薄海戴解  
推之德敷天蒙樂利之休猶復 厘念田  
功經心穡事卜上辛而祈穀諏吉亥以  
躬耕常伯陳儀甸師贊事爐烟夜泛方迴  
扇影於齋宮漏箭晨催蚤聽鑾鳴於 御  
路和風卷旆林靄光浮澍雨隨車土膏脉  
起千官劍珮掩映於烟邨露野之間七校  
驂駟蹀躞於麥壠桑畦之畔言循紫陌載  
泣青壇修祀事於先農致齋心於后稷香

澤懷園載慶集卷一

四

飄寶篆瞻泝氣之氤氲樂按雲琅聽仙音  
之縹緲潔案盛而告備神降康年陳酒醴  
以居歆 帝膺福祉遂乃更衣大次秉耒  
中田服蒼牯以邁來隨紺幘而遞進杏花  
旂旒遍拂 珠旒菖葉紛敷親承 玉趾  
青箱啓處播嘉種以蕃昌蠶耜移時敷上  
腴之沃衍 皇心無已數寧限於三推禮  
制有經功更勤於一墾爰停縹旆旋陟丹  
臺觀禹甸之昀昀樂周原之膺膺載芟載  
柞公卿班爵以服疇曰畬曰苗兆庶赴功

而終訃恍見煙蓑雨笠繪無逸以成圖如  
親蒞屋茅簷譜幽詩而入頌 宸衷用豫  
衆志成孚乃瞻北闕以言旋猶指東郊而  
舒顧青圻赤壤均沾 帝澤無私白叟黃  
童共識 天顏有喜自此膏流 御廩屢  
豐占婦子之寧行看粟滿神倉繁祉錫曾  
孫之嘏 臣 廷玉情深望歲功愧為霖授耒  
當年親睹艱難之業扶輪此日欣瞻 繼  
述之隆敬獻蕪詞用揚休美五日風十日  
雨長符有道之昌期千斯倉萬斯箱永卜

澤懷園載慶集卷一

五

太平之景運詩曰

宣室勤民事春郊駕 六龍占辰周太史撰器漢  
司農翠幘連雲布青壇列陛重下方頻送喜耕鑿  
盡 堯封  
給復頻年詔敷天雨露滋農方儲九稔  
帝更念三時 警蹕傳宮正催耕掌甸師紺轅行  
漸近春意滿東菑  
縹緲雲韶曲朱衣引就班公卿隨 鳳蓋父老拜  
龍顏繡壤扶犁去芳疇布種還太和彌宇宙 宵  
旰尚思艱

瑞雨飄林際千邨極望同西山嵐翠合南畝土膏融笠影秧田水歌聲柳岸風

皇情多悅豫秀麥倍青葱

終畝方旋旆如繩砥道平草痕抽紺甲禽語轉蒼庚

帝德崇無逸

天心鑒至誠雨暘看應候歲歲咏坻京

勞酒先霑賜觴行近御筵調羹漸燮理珥筆

幸承宣世已登三五人欣取十千願將神保惠敷錫遍垓埏

澤懷園叢書卷一

六

澄懷園居室後荷花初開

蓮葉如雲綠紛披曲澗隈香侵書幌透花近臥床  
開岸繞青蘿帶波浮赤玉杯亭亭憐淨植相賞出  
塵埃

月夜觀蓮

天上蟾蜍白池邊菡萏紅香飄風過處影亂月明  
中玉井移非遠水壺映若空臨池過夜半猶未掩  
房櫳

甘霖普降

特召大學士內廷翰林圓明園泛舟遊覽即事成

詩同諸臣面賦以誌一時勝賞昔乾隆三

年六月六日也臣廷玉恭賦七言截句四  
章

帝念民依禱紀虔應時甘雨潤桑田

天心默與

宸心合竚慶三農大有年

烟波渺渺泛輕航蘋末風生六月涼此景祇從圖  
畫見十洲三島水中央

秋禾廣種夏苗滋正是歡騰節屋時

聖主與民同樂意詩成先許近臣知

澤懷園叢書卷一

七

蘭橈徐動濕雲開天上恩波任溯回拜頌龍  
章增悚惕作舟深愧濟川才

秋水軒觀蓮感憶

先帝深恩敬成一律

素藕生從碧澗隈

先皇移種近蓬萊

鼎湖龍抱終天恨玉井花仍舊日開淨植不隨香  
鉢去清芬誰識苦心來多年雨露滋培厚好護亭  
亭獨立材

秋水軒夜坐納涼

吹燈坐待夜涼時頗覺今宵漏箭遲蟾影平分蒼  
蘚徑螢光輕點綠楊絲兒初屬對聊供笑我偶成  
吟不算詩領取茶瓜清味好勝他歌席酒盈卮

題姚秋水渡海圖即送其之官太康

花栽四邑誦循良宓子鳴琴不下堂欲化島夷如  
單父片帆飛渡厦門洋

秋水字長樂同安閩縣永春調繁諸羅皆著循聲

報國承家矢寸忱常將庭訓作官箴不辭險阻原  
臣分壯爾乘風破浪心

詎數王陽叱馭勞祇憑忠信涉波濤歸來向客誇  
靈異親見神山十五鼇

澄懷園藏書集卷二

八

詩篇畫稿足千秋不負滄溟萬里遊域外奇觀收  
拾盡又攜甘雨到中州

題吳若山待詔秋蔭書屋圖

紅絲小硯墨淋漓正是金門待詔時欲倩畫家重  
點筆古桐權換古槐枝

若山秋蔭書屋以舊槐桐樹而得名今供奉翰苑苑中古槐數株較勝於家園

桐蔭也

白石蒼苔一徑寬聽泉把卷足清歡披圖動我尊  
蠶思老圃秋容仔細看

秋日澄懷園即事

金風薦爽火西流蒲扇桃笙取次收最是人間清

絕境梧桐疎雨一簾秋

地偏土沃水泉嘉處處催開小徑花蛺蝶自来還  
自去不分菜圃與隣家

高青邱詩知是鄰家花落盡菜畦今日蝶來多

偷閒莫問夜如何且趁新涼一放歌共道郊居勝  
城市水邊林下月明多

攤書靜看蝶蜂忙轉訝秋來日更長久坐花前渾  
不覺出門衣帶蕙蘭香

羅雀門庭碧蘚生近來魂夢有餘清珠樓絃管聒  
人耳頗愛隔牆鐘磬聲

熏籠香燼燭初消未覺西窓太寂寥一片閒情宜  
聽雨滿池荷葉似芭蕉

澄懷園藏書集卷二

九

雙扉畫掩寂無譁惟有書聲隔絳紗稚子亦知秋  
試近驚心窓外看槐花

時次子若澄將應京兆試

習靜人人說卜居誰能引水到庭除秋江鱸膾他  
年事且坐花陰看釣魚

四姪若震為予刺澄懷園詩選成郵寄京師  
賦此志愧並囑兒輩勿以示人也

累句陳言覆瓿宜汝偏珍重比珠璣選材既覺雕  
鐫好校字還令亥豕稀已失老夫藏拙意將招流  
輩好名譏兒曹勿笑拘迂甚封置巾箱未必非



對盆中桂花憶故園叢桂樓

仙葩趲染鬱金黃濃馥天教領衆芳屈指花開到  
花落書齋十日未焚香

漫說秋光北地遲故人分與小山枝家園自有天  
香窗叢桂樓前月白時

直廬夜作

漏箭牆東近文書枕畔堆瓶花香在室不遣羃簾  
開

禁苑藏身處茶鑪藥裏間筆隨雙髮禿心共一燈  
開

澄懷園載廣集卷一

十

澄懷園載廣集卷二

古近體詩六十八首

已未新正二日

召集王公卿尹翰詹科道官於 乾清宮賦栢梁

體詩

上既倡首句復成七律一章以示群臣廷玉不揣  
蕪陋敬和 元韻用紀盛典

冠珮雍容鷺序聯雲開闔闔物華鮮 恩逾周典

頒三爵 詩比虞廷奏五絃染翰既欣依 黼座

澄懷園載廣集卷二

調羹復許侍瓊筵

是日又蒙賜宴

葵忱愧乏歲銘獻金鑑

千秋在簡編

喜三弟入都

弟於雍正已酉冬奉命視學江蘇報滿時兩廣留任之 溫言乃舊事所無屈指在任九年

飲水茹藥不啻面壁苦行也

夢繞池塘悵各天今朝欣得對床眠持衡 命重

膺三錫面壁功深歷九年吳會雲烟留絳帳燕山

風雪擁青瑣可知不負辛勤意一片冰心萬口傳

壽西林相國六十

喜起欣逢泰運昌耆賢碩輔重巖廊共知報國心  
如水早為籌邊髮有霜道德蘊涵徵事業性天澄

湛見文章鴻鈞運幹資調燮寰宇蒼生壽且康

趨陪劍履五雲端雅量汪洋渤海寬自分樸誠邀

未契時瞻光霽接清歡交因麗澤堅於石言出同

心臭似蘭介壽好陳平格項定應為國益加餐

芝蘭室即事

庭宇寬閒石磴斜柳搖新綠護牕紗東風助我吟

詩興催放紅梨兩樹花

老懶欣逢退食閒設羅門掩落花間綠陰缺處紅

墻矮露出西南一角山

白石蒼苔鶴步遲曲廊橫挺古桐枝摩挲最愛琅

登懷園武慶集卷二

二

玕色不待陰濃葉滿時

雲知歸岫鳥棲檐獨我紅塵久滯淹閉戶強尋消

遣具撫松聊且學陶潛壁上貼去未詳乃莊親王昔年筆也應前青松一株朝夕撫玩與孫松而體

担句適合故詩內及之

恭和

御製詠瓶中新荷元韻

蓮開真覺百花粗白居易詩碧水紅蓮一朵開千花百草無顏色瓶供新分太液

抹粉繡賦紅猶帶濕晶盤承露欲看無吹香最喜

依金鼎濯水端應貯玉壺拜賜勉思君子德敢

同凡卉作清娛

臣等蒙賜瓶花一具

為三弟題觀獲讀書圖并序

先文端公詩有秬稌年年觀獲樂子孫世

世讀書聲之句蒙

聖祖仁皇帝親灑宸翰書為聯語以賜先公捧

歸懸之龍眠雙溪草堂此三十年前事也

三弟敬取其意囑友人繪觀獲讀書圖所

以紀

君恩述庭訓示子孫於弗諼異日者倘得歸老田

園白首弟兄相携於稻畦麥隴間以耕以

讀綿先澤於無窮豈非吾生至幸之事哉

登懷園武慶集卷二

三

路入龍眠十里餘雙溪如帶繞精廬兒孫世沐天

家澤二頃山田萬卷書

研讀家風自可傳先人庭訓在詩篇自從御

墨親題後夜夜榮光燭九天

雨露涵濡百穀成好將絃誦答昇平伊吾靜對秋

燈影遙和隣翁擊壤聲

君恩未報敢抽身盡裏風光入夢頻何日與君返

初服課書無作課畊人

老嬾

衰頽覺與退休宜老嬾堪憎頗自知引睡不須頻

把卷貪閒兼欲廢吟詩塵凝筍席延賓少日過花  
磚上直遲幾度焚香問龜策何年方是乞身時

### 秋水軒即事

高敞軒窗對翠巒飛飛蝴蝶過闌干長堤樹密風  
聲壯曲沼荷稀水面寬幾欲登臨無蠟屐不曾遊  
釣有魚竿朝來拜賜瓶花供便作瑤池十丈看

### 長孫曾效方七齡性頗聰慧賦此誌喜

閒來何事可舒眉七歲雛孫繞膝時敢冀他能  
接武且娛老景是含飴晨興問我趨朝早晚課憐  
渠散塾遲尤喜抱書隨阿姊推梨讓棗本良知

澄懷園藏集卷三

四

### 敬和

御製六月十八日初霽恭侍

皇太后園中遊賞元韻

帝孝承歡切

慈顏燕喜多禾呈雙穗瑞詩獻九如歌蓮渚移

舟渡蘭陔捧輦過含毫賡睿藻什舞意如何

### 詠野蓮次汪謹堂學士韻

清蓮初濯渚蓮肥香繞山家白飯扉村女薄粧紅  
墜粉水仙微步綠裁衣曉風涼月魚窺影曲沼方  
塘鳥息機一自標名君子後百花端似此花稀

### 偶然作

強將白髮逐紅塵喧寂閒忙併在身案牘如山心  
似水門闌有客座無人

客來投刺者皆未款接故云

未知鐘鼎名何

與但覺琴書味可親稚子忘機堪一笑直鉤携取  
學垂綸

### 秋水軒納涼

晚窓無計却炎埃且把珠簾四面開乍喜月從波  
底見漸知涼自水邊來蚊因避扇依虛幌螢不收  
囊落淺苔何事蜩蟬鼓雙翼黃昏猶復噪庭槐  
次西林相國七月十五日夜坐紀興元韻

澄懷園藏集卷三

五

風度遙空散晚霞蕙蘭香細逗牕紗林端蟾影逢  
秋霽砌下蟲聲紀歲華幾處燈明燃藕葉中霄露  
冷濕槐花嘗新最是江南早

江南中元日以早穀薦新

想見豐年  
笑語譁

### 讀姪若駒湘帆集題二絕句

謝氏庭前玉樹枝滿懷冰雪一編詩可知不愧楊  
公賞輦下逢人說項斯

吳小眉少司馬無恙時欲舉姪以應鴻博之選姪因謝小眉奉召

入都解稱其才品不去諸口

倚帆高詠倍精神沅芷湘蘭有夙因好把新篇酬  
輿頌甘棠陰在楚江濱

姪青隨宦楚中

恭和

御製九日元韻

樹染新霜綠間紅更看秋稼與雲同佩萸高躡蓬  
山頂採菊歡追御苑東有慶共知民氣樂如傷  
偏切

聖懷忭親題 睿藻陽春麗厥雨全消勝景中

題呂宗華少司農使黔草後

聖朝聲教訖幽遐萬里星馳使者車卉服銜恩  
迎絳節錦囊得句繼皇華口宣鳳詔成甘露筆  
掃蠻烟現綺霞好補南荒風土記豈徒淹雅冠詩

澄懷園藏集卷二

六

家

乾隆四年仲冬吉日

聖駕臨幸南苑大閱六師神武丕揚天人協應

風和日麗將士歡騰賦詩恭紀

聖世文明煥清時武畧全習勤非校戰崇典為承

先古禮中冬閱前期大號傳

九重方念雪六出已盈阡惠澤膏農畝光風霽野

嘒鳴鉦齊部曲列幕按星躔旆展雲隨散旌賜日

正懸金輿瞻涖止貝冑各森然瑞靄凝芳苑明

霞耀錦韉百靈隨寶騎八校捧瑤鞭御箭星穿

葉雕弓月滿弦歡聲呼萬歲講事重三田虎旅

神皆竦鷹揚奮欲前登臺旗肅肅引隊鼓淵淵浴

鐵光線繞轟雷響接連軍容觀整暇陣勢布方圓

但使嫺魚復何須折獸駢喜融春似海暄覺日如

年誰道三冬景都成二月妍回鑾仙仗迴挾纘羽

林旋衆志和而樂

皇心靜且專敬邀

天

祖祝益展廟壇虔仁孝開千禩恩威徧八埏

經綸敷盛化贊畫愧前賢敢侈長楊賦欣賡甫草

澄懷園藏集卷三

七

篇大成君子德寧僅邁周宣

璦度十二弟得請歸里書來備述近狀為之

神往因寄以詩

得請還鄉謝俗緣陶家松菊故依然人言報政成

三異弟由涇州判官累起遷至汾州守皆著循聲我愛懸車早十年雪際尋詩

披鶴氅花時携酒入龍眠阿兄躑躅紅塵裏接讀

來書興欲仙

題象山觀察勸農竹枝詞後

勞農徧歷琴川路扶杖歡迎父老情莫道使君勤

勸課年年

天子事躬耕

保赤心從好句傳老夫開卷倍欣然他時若向明  
廷獻如繪幽風七月篇

詠秋海棠

桃比嬌嬌杏比柔瓊姿雅稱玉搔頭碧雞坊裡花  
零落爭似輕盈獨耐秋

題畫

幽人隨地足清娛一勺何妨當五湖不用忘機狎  
鷗鳥蘆花淺水卧雙鳬

自擁寒爐自煮茶道人夢不到鉛華可知桃李三

澄懷園藏集卷三

八

春菴讓我山梅早放花

寒夜久坐檢舊書

風穿牕罅燭花殘街鼓聲稀夜向闌簷月於人覺  
親切盆梅與我共清寒熏鑪香散更衣嬾凍硯冰  
堅著筆難一束陳編滿塵土開緘真作故交看

恭和

御製題畫元韻 庚申

軒窓洞啟瞰漪漣鏡影空明濯錦鮮茵茵一池雲  
作蓋琅玕千箇玉為田好將露華供幽賞常與霜  
筠結靜綠林下清風溪上月買來曾否用緡錢

題倪清畏西湖獨釣圖

六尺竿頭獨繭綸  
拋公事放閒身願將葛井蘇  
堤樹移作河陽滿縣春 清畏以薦舉奉  
旨召見授慈谿令

三十年前危暉時萬花如綺柳如絲披圖感我遊

仙夢幾度難成畫裏詩

余於康熙丁亥春扈從至杭州  
信宿湖上距今三十四年矣

宿雨初晴臨水山桃半放妍麗可愛吟賞之

下因憶故鄉春色

濯枝好雨覺春遲芳草鋪茵柳散絲  
弄水最宜新  
齊後賞花須及半開時華清浴罷輕塗粉  
北苑粧  
成淺著脂借取青邱詠梅句江南江北最相思

澄懷園藏集卷三

九

澄懷園山桃花歌

山桃花顏色好比較眾花開獨蚤  
文杏含烟嫩蕊  
藏紅梨待露香苞小惟有山桃婀娜枝一笑窺人  
媚春曉紅粧初洗綺羅鮮玉貌半醺珠翠掃施朱  
太赤衫太白濃淡天成姿窈窕  
借問花從何處來  
玉洞分根出塵表吾園種此數百株上倚層巒下  
臨沼密如不幹絳雪零餘若無枝香霧繞生平愛  
花老成癖一樹兩樹等瑤草何期四面雲錦張驚  
起潛鱗駭飛鳥映帶園林景更佳碧巘重重波渺  
渺人言勝境比仙源我愧頑軀住蓬島憑闌高唱

看花歌好與他年留畫稿

密如不餘絲毫無枝皮日休花賦中語也

砌下牡丹一本開紅白二色口占絕句

一本花開色兩般沉香亭北幾曾看恍如仙子瑤池宴紅袖雙擎白玉盤

送六弟請假南歸

弟素恩給假首憂并喻不必開缺亦不必定期事竣即來供職皆異數也

弟兄感泣拜瑤墀正是司空得請時五夜夢魂依馬鬣九天雨露遂烏私恩深且緩歸田計職

曠休遲赴闕期我愧

君親俱未報躊躇難寫送行詩

恭和

澄懷園集卷三

十

御製喜雨詩元韻

望歲心殷盛夏中甘霖應候溥綿濛宵衣午夜闕民隱夙駕今朝慰

聖躬芳潤連村陰霽靄良苗夾道影芄芄天章傳誦知天意憂樂從來四海同

恭和

御製奉

皇太后幸靜明園元韻

瑤島春深萬象閒躬承色養侍

歡顏溪流曲作青羅帶山翠遙分碧玉鬟雙漿送

舟遵柳渚

一人扶輦度花闌庭闌此日天倫樂勝向仙家問九還

澄懷園即事

天留佳境養衰年好結溪山水竹綠書案前頭千片石卧床脚下一池蓮雲籠茂樹開圖障風送飛花滿釣船有客慰子卿思切為言此景勝龍眠

龍眠山溪不能通舟楫也

我遺軒并序

偶讀陶淵明歸去來辭一字一句皆性情

澄懷園集卷三

十一

自得之趣就中一語曰世於我而相遺乃人生極樂之境然亦極不可得之境也他日倘能歸老田園擬築小軒於深山中不與世人接顏曰我遺預題此詩以見意庶幾彭澤於萬一造物其許我否

思將踪跡離紅塵物我相忘樂始真鳥喚喜無聽鳥客魚遊須避羨魚人

杜門却掃我能為但恐人情不我遺他日倘成歸隱計我遺軒在白雲唾

恭和

御製六月二十日豫撫奏進穀穗盈尺作詩誌慶

元韻

天中稱沃野望歲得豐年夏隴先呈瑞 宵衣早

致虔萬方歌

帝力十雨潤農田拜手賡 宸藻薰絃意宛然

恭和

御製秋英粲然可觀感而有作元韻

群卉欣欣各吐奇也同冀英傍瑤墀不教蝶粉蜂

黃近恰與金風玉露期姿擅濃香無冷艷氣當秋

爽似春熙一經 睿藻親題後長是芳華爛熳時

澤懷園藏集卷三

士

恭和

御製孟秋時享回宮齋戒喜見禾黍茂密元韻

三農畊穫厘 宸衷目觀嘉禾錫上穹萬頃雲鋪

仙仗外十分秋在甫田中

天顏有喜因民樂

廟享無言告歲豐更慶雨暘均應候籌車納稼九

州同

恭和

御製秋夕齋居元韻

齋宮嚴對越 龍衮肅如何降福誠能報凝庥氣

倍和萬靈昭格被百度絕偏頗調序瞻秋漢如繩

朗峰河 總書天子神聖則天河直如繩

恩賜

御製詩一章恭紀 謹序

乾隆五年七月初四日

恩賜

御書大幅首行書賜大學士張廷玉次書喉舌專

司歷有年兩朝望重志逾堅魏公令德光閭里

山甫柔嘉耀簡編調鼎念常周庶務勞謙事每

效前賢古今政蹟如懸鑑時為蒼生咨惠鮮未

澤懷園藏集卷三

主

書御筆伏念 臣 承乏綸扉曠疎滋懼乃荷

天恩深厚

寵錫龍章禮遇加隆褒嘉逾量敬承之下惶悚靡

寧謹和 元韻以紀異數不足抒感激之

忱於萬一也

綸扉承乏幾經年

天鑒葵忱老益堅五色瓊章欣拜賜千秋金鑑未

成編常叅國是承 明訓勉繼家聲愧象賢世世

衡門瞻墨寶恩光長並日華鮮

遇仙詩 小引

八月十三夜兒輩設壇請乩蒙仙臨降自

謂泉峰散仙贈余詩曰望中秋水望中天

天水同情兩澹然一任風吹三尺浪箇中

明月本來圓世事紛紛總似麻春風滿耳

鬧蜂衙問他紅紫都能採未必能飛上雪

花余既默喻淵機深感仙靈不我遐棄爰

賦遇仙詩以志幸

自慚俗狀與塵容多謝仙靈枉鶴蹤何日空山明

月夜清香一炷禮泉峰

恭和

澄懷園戲集卷三

古

御製中秋日侍

皇太后萬善殿瞻禮隨遊瀛臺諸勝元韻

紅旗綠樹影低徊

聖主親扶 鳳輦來萬善具圓徵萬壽三山高峙

俯三台桂芬銀海籌添屋桃熟瑤池核作杯色養

歡餘留 睿藻賡鴈何幸近蓬萊

悼亡詩為吳夫人作

夫人以子君壽貴  
誥封一品夫人

魚軒翟第尚如新風馬雲車已絕塵

夫人病篤時夢先帝  
太夫人追賡與來迎

七十老翁衰憊甚何堪重作悼亡人

天生至性在閨門垂死難忘是感 恩家事一言

曾未及但將忠孝勗兒孫

荆布蠶鹽性所便百端勞瘁一身先綠髭一日無

安寢戒旦聽雞四十年

黽勉襄予內政成更同憂樂念蒼生傷心最是難

忘處露立中宵望雨晴

雍正辛亥夏月京師苦旱子憂灼不能  
成寐夫人露立庭中瞻望雲氣輿至達

和九教子幾經秋賢母聲名滿 帝州化鶴知無

身後恨一鵝已到鳳池頭

至尊恩禮重如斯痛哭焚香告總惟多少人間官

誥婦幾人古問

澄懷園戲集卷三

五

九重知

上開夫人之喪憐予老年遭此戚  
特遣侍衛慰問存致均感 天恩

九月十六日蒙 頒示

御製心遠閣秋眺詩應 制二首

傑閣凭闌四望通 宸襟遠暢俯晴空目窮疊嶂

層巒外心映冰壺玉鏡中 宵旰總期臻上理詠

歌時復寫虛衷何須宋璟圖無逸敬誦 天章典

誥同

性源湛徹迥無塵 幾暇憑高發興新納稼共欣

成稔歲授衣彌念迫霜晨箴銘自凜丹書戒鞞鐸

還期 黼宸陳白首多慚酬獻納祇將齊板贊臣



鄰

恭和

御製秋日侍

皇太后幸靜明園奉

聖母命敬成長律得佳字元韻

一水灣環列岫排仙源扶輦四時佳祥雲舊護

泥金榜睿藻新鐫篆玉牌含秀紫芝生竹塢延

年黃菊傍松齋

慈闈愉暢

天顏喜巷舞歡騰萬姓懷

登懷園戲齋集卷三

六

秋水軒獨坐感懷

落葉蕭蕭下井桐涼颼幾陣撲簾櫳清塵長簾人

如夢斷楮殘香更在中已覺歡情同鏡月更無怨

句寫屏風羽衣何處孤飛鶴似為離群吹碧空

偶得文衡山畫幅柴門竹閣酷似龍眠種花

處也因有所感題二絕句

幽人高閣臨芳園樹色山光自朝暮披圖一笑覺

情親似我龍眠種花處

故廬依舊鎖松筠花落花開秋復春從此不言偕

隱事短釵推髻已無人

送六弟視學江蘇

司空持節領文壇特簡原非本分官不盡弟兄

銜感意受恩容易報恩難

水壺何處著纖塵不碍鄉邦是比鄰

聖主知臣臣厚幸屏除浮議錫溫綸臺臣建議有以

不遠為起者索恩特頒張廷

春風披拂絳帷開重到澄江官署來桃李成陰千

百樹辛勤俱是阿兄栽三弟持衡九載卸事甫二

良材濟濟數江東金玉端資追琢功虔布

聖人敦本訓定教醇謹變吳風弟陸辭上以敦本務實

登懷園戲齋集卷三

七

澄懷園載廣集卷三

桐城張廷玉硯齋

古近體詩五十八首

恭和

御製回宮齋戒見道旁畊者喜賦元韻

辛酉

扶犁春隴愛乘時稼穡艱難夙所知此日鑒與

親見處不教呵禁羽林兒

甘雪初融好課耕潤滋宿麥達勾萌老農也識

天顏喜秉耒遙看翠輦行

題春帆圖送範治請假歸養

澄懷園載廣集卷三

一

詞臣歸養 玉音宣正是高堂大耋年爾遂初心

依壽母我矜同氣有神仙三公不敵承顏樂萬口

都稱勇退賢目送春帆牽遠夢何時扶杖謝庭前

大外孫女于歸姪孫曾政賦此志喜

生來依我上林鄉歸去雕輪御七香儉素持家愛

荆布殷勤侍膳奉羹湯朱陳喜見雛孫輩內外俱

稱大父行佐讀知能承母訓蓮燈分照有輝光

即事

樹梢風起雨鳩回漸覺遙空霽色開鶴步庭前迷

徑路落紅鋪滿舊蒼苔

恭和

御製瀛臺木變石歌元韻

丹堦碧嶂何紆盤瀛洲縹緲游群仙其旁芝草能

駐顏嵌空巖洞相排連一峰突起凌蒼烟製巧儼

同埴在甄亭亭高出青松巔雲氣馥郁紛耕蘭俯

視衆石如丁男屈蟠獨據地勢坤菱溪瀚海難比

倫含霞洩霧煙景昏慢亭會上來曾孫玉龍一道

飛泉奔洩沙曾卧蒼虬根薜皮尚存溜雨痕枝峰

蔓壑仍連卷被以百卉尤芳鮮如茵莎軟堪坐眠

石面點點繁苔錢龍拏虎攫鸞鳳翩叩之疑有聲

澄懷園載廣集卷三

二

淵淵空山變化幾歲年偉哉造物信有權總能拔

地無參天為木為石奚擇焉其形雖變神則全合

移金庭傍瑤壇秦松漢栢與嬋眉遶處莫是升砂

田飛來雨露滋靈源萬木凋落此獨存女蘿欲附

難為援星光炯炯石罅穿直與鏐鐵齊精堅人間

物理安可論海山枉周誇神鞭為羊不受方平牽

移來靈園直巨觀松軒畫靜供盤桓時逢夏令草

木繁赤烏得得飛金丸晴牕愛聽松濤寒親題

睿藻雲漢然茲石幸藉 天章傳

偶作

魚在盆池竊在樊老來隨分度朝昏三生石上留

孤影七秩筵前見兩孫早退未能承父志先公六十五歲乞休

今五年已遲歸曾石報

君恩市朝亦有忘機叟抱甕勞勞事灌園

### 池上

小池風定本無波忽見流泡起滅多不是陰雲過

疎雨霑珠傾瀉半舒荷

送表弟夏開齋之處州司馬任壬戌

蕭然琴鶴載吳艘計日東風好渡江吏治底須矜

武健民情宜令返敦龐人欽盛德覩新政

### 澄懷園藏書集卷三

帝念高年錫近邦開禧先給從學東之潮州學士恩最愛浙西

山色麗潏天晴翠落蓬窓

大女四十初度賦此為寄

粧閣新開介壽筵傳來消息倍欣然老夫莫道生

兒晚女已承歡四十年

鳴機佐讀雨風時十載才名重鳳池更有閨中堪

述處梁家案與謝家詩

壽母純禧邁古今板輿雙奉百花陰昨朝題取春

暉字難寫萊衣愛日心範治新弟子題春

故里金萱茂北堂燕山椿樹亦蒼蒼老懷同望蘭

芽茁早賦斯于吉夢章

### 恭和

御製三月初四日癸亥耕藉禮成元韻

春原俶載早迎祥撰器占辰禮數詳

聖主先期虔肅意親看種稔貯瑤箱

膏壤勺勺初種時杏花舒萼日遲遲烏犍黃犢都

如畫五色雲中五色旗

御仗前頭拜老農歡聲遙應鳳樓鐘共言萬國桑

麻野此日同沾雨露濃

重農 詔下金聲振觀稼詩成玉韻擬歲歲耕田

### 澄懷園藏書集卷三

勞 法駕定教耕鑿化紛龐

神倉奚止慶餘三驗取星光在胃南祿米惟臣叨

厚糈素餐深抱寸心慙

梭笠蘋蓂西復東傾葵正仰日方中蒼黎順則

天顏喜如見康衢擊壤風

熙熙人共樂春臺巷舞塗歌自往來一路玉爐香

不斷結成霞采禁城隈

寶翰新頒自九天從耕更得捧 龍箋健行不息

勤民事久識

皇心在體乾

偶作

陸地頻看海市城夢中占夢也分明樹枝撼屋知  
風力花片打牕聞雨聲難向燕飛論上下聊從鳩  
喚問陰晴世間不少丹青手豈獨邊鸞善寫生詩蘇  
連寫善  
寫生

恭和

御製夏日御園閒詠元韻

三春農事切 堯襟

天錫滂沱夏月霖千頃稼含珠露潤一灣溪漲玉  
沙沉浮波結隊群魚樂繞砌敷榮寸草心瓊乳香

澤園叢書卷五

五

煎新貢茗不須仙醞隔花斟

布穀啼殘正麥秋玉膏隨處碧泉流吟詩每駐花  
間輦眺遠閒登竹裏樓 寶翰有香凝墨沼彩雲

無際罩芳洲

至尊孝養

慈顏喜介壽頻添海屋籌

裊裊爐烟晝啓帷挈壺揆景漏聲遲芝田映日如  
披錦薛石生雲若布棋籬下履鋤栽卉叟畦邊筐  
篚摘蔬兒太和洋溢飛潛適想見周文在囿時

時中精義注圓明

御製記曰圓明之  
義蓋君子之時中也

俯仰林壑氣淋漓

宵旰雨暘無逸志智仁山水有前盟春葩百種  
留餘澤夏木千行競再榮父老亦知稱 繼述又  
從 幾暇看農畊

蘋末風生水殿南良苗應候秀方含波紋雲影同  
澄碧山色天光共蔚藍觸目鳶魚心自遠隨時林  
壑意非耽封章 覽竟親圖史靜覺淵衷萬理涵  
五粒高柯對古松霜皮常帶露華濃龍鱗拂檻枝  
千尺黛色干霄翠萬重月散層陰雲偃蓋風傳幽  
韻日高春貞心勁質邀 天春寒煥何分夏與冬

澤園叢書卷五

六

霽色微茫隔碧紗林梢一抹透明霞落花徐引翻  
翩蝶疎葦新添閣閣蛙帖水青錢舒藕葉沿階紫  
箭茁蘭芽不施雕飾天然景始信方蓬屬

帝家

遊籙叢篁試於新花園步障草成茵清和念切群  
生業長養 恩周六宇人

帝拂五絃思解愠民歡四序總如春微臣拜手瞻  
宸藻茂對功隆仰

聖仁

恭和

御製消夏十詠之四元韻

荷

池塘梅雨過  
菡萏正當肥  
葉滿投香浦  
花繁濯錦  
江如船寧有種  
並蒂更無雙  
淨植邀宸賞  
新詞

玉潤擬

蟬

高柳歌鶯  
黃蜩鳴  
覺晝長  
迎秋驚婦懶  
廣信賦驚懶蟬而蟬鳴  
催夏看農忙  
吳融詩蟬鳴先催農忙  
潔祇餐清露  
吟惟待早陽

身棲上林樹  
何用避螳螂

扇

澄懷園藏集卷三

七

朱炎何處避  
笛簾倚芳叢  
愛此蒲葵實  
能生蘭蕙  
風九光名不忝  
三伏暑全空  
似奏南薰曲  
吾民解

溫同

蛙

池館晚逾靜  
何來鼓吹齊  
依蒲同錦鯉  
傍砌伴莎  
雞側耳風生  
沼銜杯月滿  
堤陸游詩蟹螯肥  
高吟秋稔句

不覺玉繩低

范成大詩薄暮蛙聲連曉聞今年杭船十分餘

恭和

御製修葺

皇祖暢春園中無逸齋為問安憇息之所二首元

韻

祖訓期聰聰  
高齋想式憑  
顧名懷敬惕  
續緒念咸  
登乾運天同  
健丕基

帝克勝茅茨  
成倫德大寶  
永凝承

慈闈陪色養  
視聽契無言  
日駐三朝輦  
常開四面

軒簷音花外  
細泉韻靜中  
喧不數南陔詠  
天章

玉比溫

恭和又二首

祖訓題無逸  
瞻依睿念憑  
侍

顏勤定省保  
赤望豐登

澄懷園藏集卷三

八

列聖心如接  
三宗道克勝  
紹庭思繼序  
堂構永相

承

蓬瀛和氣溢  
色養本無言  
芝草舒瓊圃  
萱花茂

錦軒三山同  
永固一水隔  
塵喧再拜賡  
宸藻如

承 詔旨溫

恭和

御製既雨晴亦佳元韻

晴鳩纔喚雨  
鳩歸霽後新  
涼透葛衣  
帶濕落花鋪

薛徑尋芳蛺蝶過  
林扉波澄曲  
沼開明鏡烟  
散遙

空顯翠微端為時和垂  
簪藻四方鼎已兆先幾

恭和

御製青龍橋曉行元韻

長橋架石俯清潭百尺深如

帝澤含烟柳浪翻知露重秋禾香暖勝春酣雲移

雉尾開新霽風動魚波皺淺藍

聖主豫遊觀稼穡歡騰邨北與村南

瞳矐初日照旌旂沃野恩膏萬井流綠樹陰中仍

放犢翠華行處不驚鷗更傳天上瓊瑤什妙寫

人間穠秌秋共識蒼穹降康意特教後樂慰先憂

深秋池蓮開花一朶

登懷園戲集卷三

九

滿池荷葉漸披離紅艷亭亭剩一枝要與東籬爭

晚節蓮花留到菊花時

食梨戲作

冰雪為漿玉作胎吾家大谷舊曾栽鄴侯辟穀無

他意賺取君王兩顆來

瓊度十二弟鰥居多年一妾復遣去此三年

前事也今年姚懷汝為予言始知之喜而

賦此

不須空色叩禪師曾次何曾挂寸絲寄語香山老

居士有人無病遣楊枝

白香山六十八歲得風痺之疾予今年七十

有一左足作楚醫家云日久恐成痺症為

賦此詩

生平嗜退厭爭先脚力新來更不前風痺縱然成

痼疾已遲白傳兩三年

步蹇慵登望月臺兒曹隨侍莫驚猜杖鄉杖國尋

常事老病原從兩足來

曳履依然侍紫宸陳情有志苦無因天公似為

衰翁計賜與疲病好乞身

恭和

登懷園戲集卷三

十

御製落葉詩元韻

物候相催豈自由霜枝落盡淡烟留初聞遠嶺蕭

蕭下已逐寒潮淦淦流疎柳日斜官道晚高榆風

急塞垣秋試從靜裏參天籟喚醒騷人萬古愁

啼鳥何須怨落紅亭臯又見綠陰空墜來竹徑同

寒籥飛度蘆塘類斷蓬夜色乍通青嶂月秋聲長

嘯碧牕風憑誰繪出田家景秃樹柴門夕照中

榮枯草木亦何心不信驚秋感易深薄質縱離瓊

樹杪寒暄還傍玉階陰烹茶好遣臨風拾携酒知

誰踏月尋莫把溪柴同一視箇中或有爨桐音

節近清冬氣候殊地鑪煨芋正相須飄從永夜聲  
偏急舞入遙空影漸無蘆可并銜新去雁樹凡三  
匝後棲鳥郊扉莫厭秋容淡猶剩丹楓一兩株  
蕭騷可奈晚風何添得清光一倍多牆角影稀山  
盡出渡頭烟冷水微波幻綠恍悟三生石巨幹仍  
留百尺柯萬戶授衣當九月

帝心早已越關河

禾黍家家慶有秋山林遙落莫深愁碧雲寺裏堪  
携屐紅樹邨中好放舟盡手正須摹董巨宸章  
真欲歷曹劉筆端指示盈虛理不數楞嚴喻海漚

澄園載齋集卷三

上

香山病足有一足任他為外物之句詩以廣

之

君言兜率有前因四大皆空認已真一足若為身  
外物不知身又屬何人

那堪

採藥何須訪僊伶養生無過日高眠那堪七十龍  
鍾叟騎馬踏冰星滿天

恭和

御製賦得望雲思雪意元韻

占年方待雪渥澤仰高空凍合同雲白寒添耀火

紅為霖姿黻黼非霧氣和融共祝飛花處先沾宿  
麥中表豐天藻麗授簡

聖恩隆忝竊調羹位濡毫愧莫窮

恭和

御製冬日瀛臺即事元韻

官鴉聲噪曙光凝石磴紆迴取次登盈尺雪融金

殿瓦半規月映玉壺冰人遊閭苑天然畫

帝在瑤臺最上層舊日亭軒新氣象闌干幾曲記

曾憑

臣昔年侍從  
謹將讀書於此

碎瓊莫認作寒華一片春函百萬家冀北樂郊珠

澄園載齋集卷三

上

溢瀛江東仁粟玉浮艤遊觀未釋宸憂切吟詠

徐看篆影斜

聖主先天更先覺陽回何用驗灰葭

澄懷園載賡集卷四

桐城張廷玉硯齋

古近體詩三十七首

恭和

御製元旦試筆元韻 癸亥

太和荆洽浩無邊節慶端辰紫殿前旭日初融金  
掌雪暄風不散玉爐烟諸蕃輯瑞朝三朔

天子當陽頌萬年資始資生殷

聖念體元功德協坤乾

雲物光華淋氣升土膏將動見熏蒸天開和煦隨

澄懷園載賡集卷四

一

陽長人喜嘉祥與歲增玉笋方陳枰栢酒銀幡新  
製鳳鸞綾簫韶共聽元音奏太簇初調節候乘

恭和

御製正月初十日立春元韻

候氣東郊凍欲開青旂綵燕影低徊雪花送臘占

豐早火樹迎春吐艷纔應律好施蒼玉珮介眉歡

進紫霞杯一旬方獻元音頌已見耕人秉耒來 漢制

立春日施土牛及耕人  
秉耒於門外以示兆民

恭和

御製上元前一日雪元韻

瑞雪頻占百穀宜茅簷歡慶

九重知新春三日冰開凍令節前期綵散絲寒樹

千林光潔白同雲四望影迷離老臣拜獻豐年頌

正是彤廷侍宴時

初春夢遊故園梅花最盛處覺而賦此

又見高城斗柄東歲華如水去匆匆身居九陌緇  
塵裏心在雙溪玉雪中趙令羅浮終是幻莊生蝴  
蝶本來空何妨時作林泉想一樹梅花一老翁

恭和

御製紙鸞元韻

澄懷園載賡集卷四

二

霞舉軒軒一尺縉高危安敢忘兢兢九霄日近增  
濃彩四野風多仗寶繩本自無心舒薄翼何須著  
力試長肱槐烟榆火清明過應似天池六月鵬

春日即事

隔林遙聽鶉鵲聲聊借閒禽卜雨晴無計蠲病空  
上已可堪傷往又清明杏烟未吐桃先放柳線將  
垂草怒生畢竟是真還是幻紙鸞成隊挾風鳴

和西林相國朝罷元韻二首

高矣先生致襟懷溟渤寬煎茶無侍女送菜有園  
官妙覺空諸相新詩秀可餐神明松栢茂何惜小



蹢躅相國微有足疾故云

我老歸無計鄉心強自寬百年俱是夢七十尚癯  
官喜伴金聲彥同分玉箸餐和章遲未就學步愧  
槃跚

### 水中落花

風水相遭處殘紅點碧溪似萍非逐浪如絮不沾  
泥沙鳥銜還隨漁人到易迷悠然無遠近只傍綠  
楊堤

### 仙壇感遇詩

瘦腸一味率天真豈是人間解事人香案若非頻

澄懷園載集卷四

三

指點迷津闊海雨沉淪

閒騎白鹿跨青牛月地雲堦自在遊枉駕偏深知

已感不辭陋室小淹留

空江如鏡本無痕忽漫風來白浪翻欲挽危舟登  
彼岸百生難忘指南恩

休言前路杳難知示我歸期定不疑昔日先人求

退早辦香三過呂仙祠

先公集中有三過呂仙祠詩問歸期也

### 恭和

御製柳絮五首元韻

探勝園林又幾巡纔看晴絮點龍津恍疑芳草飛

群蝶却共殘花媚晚春望去悠揚如避俗生來清

白不粘塵託根雖傍長亭路肯似柔條折贈人

莫以輕微等稗穉永豐坊裏見應迷羞同唐棣誇

穠矣好與騷人詠籜今紛逐馬蹄團寶勒遠隨帆

影過金堤空庭有跡仍無跡絕似飛鴻印雪泥

碧宇微飄一夕霜朝來宛轉逗蘭堂暗生萍沼原

同潔飛著桃夭不作狂糝徑何嘗論聚散因風偶

爾判閒忙當春若答南人問為雪為花雨不妨

虞詩南人如問雪何道是楊花

蠶熏當畫共霏霏披拂何勞寶扇揮委佩乍隨青

澄懷園載集卷四

四

瑣遠染毫微潤墨花肥宵禁月殿寒無影春懸珠

櫺暖不飛行過御溝烟縷織六雲爭點謝莊衣

夏淺春深景不窮綠陰如幄白漫空遙憐交讓庭

前樹暢好靈和殿角風參微萬緣輸老衲捉來滿

手笑兒童化工肖物瞻

天藻柳宿光聯瑞靄紅

### 恭和

御製御門日雨元韻二首

解阜初調玉几桐如繩甘液下層穹九垓自晉豐

年澤三殿仍勞 肝食躬暗浥蠶熏紫寶篆細飄

袞繡潤華蟲共言此日

天顏喜直與花郎婦子同

靈霄特舉蕊芬臨露禱芝宮匪自今不獲一夫知

聖慮資生萬物見

天心神臯脉脉東菑沃元氣茫茫北斗斟奏罷封

章賡 睿藻臣僚歡徹五雲深

恭和

御製對雨元韻

渥澤仰高空甘霖灑井桐潤蒸先柱礎砰礚隱豐

隆簷溜侵書牖池波沒釣筒

澄懷園叢書集卷四

五

帝殷登歲念人頌格天功解慍歌方就催耕樂未

窮秋成卜暘雨仍復厘

皇衷

姚壻蕪南請 假侍養即由津門遙歸不及

握別賦此相送並呈姊太夫人

咫尺難傾惜別衷望雲情切去匆匆多年却鮮遵

慈訓此日攀轅達

帝聰

紹茂傳公燕攝經政奏言分司  
居官甚善並商民愛戴之意

綵服客歸千里外白頭

人坐百城中

坤讀書賦詩年七  
十有六手不釋卷

定知壽母稱觴暇時有

新篇付翔鴻

恭和

御製駐蹕避暑山莊感

恩懷舊詩元韻

佳氣繞林園高亭眺古原栢棧留

聖祖堂構感

文孫憶昔常陪

輦於茲屢息轅

臣昔年從遊  
暑凡十一次

烟嵐

看似畫歲月去如奔仰觀

天章麗因思風景繚

龍鱗應更老鳳篠想猶存軒檻多能記心期暗自

論深慙衰朽質又荷

兩朝恩

澄懷園叢書集卷四

六

恭和

御製秋蒐雜記元韻

黃雲千里開榛蕪大獵龍荒古所無七校風馳隨

豹尾八門霞彩賜魚鬚高峰列陣人如豆平野收

圍騎植株羽衛控弦齊勒馬旬雷先肇

至尊弧

晴空試綬海東青條鉞騰光掣細鈴四牡驟驪句

叶吉九峻羅絡圍過靈懸崖紛墜驚弦足大漠翻

飛帶箭翎遙想

慈闈添色喜別開黃幄駐軒輅

千峰馳突失崔嵬

聖祖雄風足溯洄永憶朱旗蒐絕塞欲從金粟問  
遺堆射熊屢度黃沙磧由鹿常尋碧草媒猶記承  
恩驂後乘簪毫當日忝鄒枚

高原俯視儘婆娑

天縱難窮測海螺奎藻已看龍在腕化工真見鳳  
巢阿據鞍勇辟磨牙虎振轡爭先捷足獨應笑燕  
遒誇出獵延芳春浞捕頭鵝

戈鋌何必更防秋蕃部名王拜御驕積雪四山圓  
鐵騎追風十駿耀金鞬遐陬幾見 鑾輿度盛烈

懷園叢書卷四

七

重煩石鼓鏤帳殿張燈披奏牘思艱還為兆民憂

恭和

御製謁

陵禮畢車駕入盛京元韻

神京地似澗瀍東碧嶂丹邱氣鬱蔥咸仰聲靈千  
載威靈看朝會萬方同

皇圖肇造垂鴻緒道法相傳啓

聖躬謨烈幸承神武後紹衣常切寢興中欣聞

鳳輦來青甸快覩 鸞旗映碧空倚蓋林花猶旖  
旌扶輪水石更玲瓏山川舊屬龍飛地堂構長昭

燕翼功直以深仁成混一豈徒雄畧善謀攻淳風  
已見超唐代儉德還應陋漢宮運際昌明逢履泰  
人懷樂育慶恒豐罔密佳麗邀 慈鑒民物雍和  
恆

帝昶羽輅秋臨天澹沱彤帷畫卷景怡融遙瞻  
敷禁規模遠迴望

丹陵陟降通要識開基由稼穡周原穠稔一時紅

恭和

御製過廣寧望賢厓間山恭依

皇祖元韻

懷園叢書卷四

八

百里停 金轡孤烟歛玉蓉林巒繞一而邱壑已

千重迴憶臨滄海懸知隔亂峰輕漸岩際瀑晴雪

洞門松丹竈青泥熟金甌碧蘚封遠迷安羨迹長

配岱恒宗未得隨千騎遙思駐 六龍雲霞瞻

睿藻靈趣豁心胸

恭和

御製山海關恭依

皇祖元韻

天險壯幽燕雄關扼九邊迴臨岩岫複直與混茫  
連畫靜戈長偃時清羽罷傳共言瀕海月曾照度

遠年遺鏃銷耕壤孤烽起爨烟咽喉東土隘鎖鑰  
北門權遠拱

飛龍峪旁通飲馬川戍樓寒可倚萬里一蒼然

恭和

御製登澄海樓望海元韻

地聳雄關勢折旋左圍峯嶺右澄濤五雲出沒三

山界一鑑空明萬里天水不揚波咸仰

聖氣常成市絕疑仙迴瞻瑞靄

橋陵遠宸慕猶濤鴨綠川

十一月初八日蒙

澄懷園藏集卷四

九

思垂念衰年難於騎馬命乘輿入紫禁城恭紀

閒窓翻過汗青書優禮曾聞上殿輿何意衰慵叨

異數迴翔丹地意躊躇

星疎月落九門通安步金堦雪未融不是游仙坐

籃輿如何深入五雲中

曹府游仙詩九  
頁裙幅五雲輿

詠爆竹

昔人用竹今以紙不知始於何時亦未  
見有題詠者兄輩偶言及因戲爲之

巧縛雲藍紙裝成搏擊材空庭聞裂石晴院忽轟

雷但覺神機速無勞羯鼓催林禽盡翔舉樞馬共

驚猜纖縠輕飄颺飛花任剪裁兒童齊拍手佳客

且銜杯餞歲三更罷迎年萬戶開星球無火樹次

第送春來

澄懷園藏集卷四

十

澄懷園載賡集卷五

桐城張廷玉硯齋

古近體詩四十三首

恭和

御製四月朔日作元韻

階蓂舒一葉申祀甫經過唐書禮樂志立夏後申日祀而師今年四月朔為戊申日物候

今如此農功定若何作霖慙忝竊瞻漢苦吟哦仰誦宸章切心同待澤禾

恭和

御製進宮見路旁麥苗待澤孔亟秋禾尚未佈種

澄懷園載賡集卷五

一  
怒然有憂賦以自咎元韻

食乃民之天農所望者歲祁穀禮郊壇諸神皆受記如何雨澤愆轉為

聖心累愚臣厠黃扉表率百有司素乏褒理功深

忝柱石寄陰陽有時舛臣實薄德致引領叩圓穹

脉脉達誠意我

皇極焦勞禱祀罔不備

上帝豈弗念宜沛甘霖瑞蓄勢如有待瓊珠尚懸

繁忍聽麥苗萎高田成棄置火速召元冥肝蠻走

屏翳傾倒萬斛泉膏沃千里地嘉禾得遂長間闕

少疾戾上以釋宸憂下以濟民事賡詩還省躬

槐廳慙濫次

予衰老不復作詩矣三弟蒙

恩予告歸里感激欣喜不能已於言口占一章不

足盡此中情愫也

七十懸車事竟成輕裝雅稱秩宗清幾人引退能

如願先我歸休覺不情圖籍開緘珍手澤墓田作

供好躬耕阿兄他日還初服拄杖花前一笑迎

恭和

御製夜雨元韻

澄懷園載賡集卷五

玉漏沉沉玉液流佳聲聽若御風游杜甫詩佳聲連中宵此時

天藻方揮翰明日雲犁定滿疇綠野共知民氣暢

蒼穹默解

聖心愁愚臣恭捧乾乾訓益愧為霖職未修

恭和

御製甘霖既霑詣暢春園問安仰慰

聖母望歲之誠長句恭誌

盛德元韻

丹詔頻頻下禁廷

兩宮憂旱意靡寧驚聞步禱勞

慈聖迫欲摠誠達上靈愠解桑邨恩最溥歡承蘭  
殿德維馨微臣拜手書惇史 仁孝千秋耀汗青

恭和

御製秋夜泛湖賦唐文皇爽氣澄蘭沼之句得詩

五首依韻為次元韻

夕風引涼歸荇藻薦清爽水月兩溶溶一泓涵萬  
象

聖人事川觀體道於指掌造物無盡藏一時歸俯

仰

風水適相遭用之不可既用莊周語扁舟泛崑瀛休言

澤懷園載集卷五

三

暑除未荷露玉盤傾詎數明珠貴圖畫莫能傳扶

輿清泚氣

樹影碧波澄燈光遠岸凝玻璃九仙鏡沉瀝大官

水雨葉秋初隋風枝霧不勝暮蛙聲徹夜田稻卜

年登

迢遞尋芳渚縈迴度淺灘濕螢明岸芷睡鴨傍汀

蘭夜氣息幽籟天機得靜觀群生咸若意魚鳥亦

同歡

景寫唐宗詩地比周文沼魄影籠桂枝露氣潤禾

秒舟動與岸移清吟興未了敬誦泛湖篇星漢同

晶皎

恭和

御製泛月有作元韻

向夕泝空明輕風度蘭渚水天同一潔蓮壺渺何  
許荷氣被西溪蘆花帶南浦清光宛轉隨如對忘  
言侶荇藻漾淪漪畫楫自容與顯景堂 宸襟攬  
之倏盈規

敕和

御製送大學士徐本歸里元韻

卅年翔禁近十載侍

澤懷園載集卷五

四

皇躬夙夜傾葵切班聯委佩同抒誠

天早鑒翊運日方中疾偶侵榮衛醫惟仗象戎一名象戎見本草

六飛期邸第一疏表謙冲上欲親臨慰問以人參

賡拜情何極便蕃資不窮上珍光野服奎藻扇仁

風紀事蘭臺筆難書禮數崇

恭和

御製九日奉

皇太后登高元韻

良辰逢九九氣暖小春前喜溢簪萸會香生泛菊

筵望峰雲鬢翬扶 輦路緣延長奉

慈顏豫南山比大年

恭和

御製題畫菊元韻

天心珍晚節菊好澹於人 北闕圖方就東籬景

可親 龍牋揮墨占鳳羽飽霜勻記取瀟溪說

恩光被隱淪

恭和

御製秋日奉

皇太后遊玉泉山周覽西海近郊獲事即景賦詩

元韻

澄懷閣藏書

五

南極承歡日東臯獲稻辰紫芒迎 翠輦紅粒遍

荆園群喜登盤獻猶勞 駐蹕詢晴光連九陌緩

吹和三曲勝境方游豫

慈顏快拊循築塲千戶慶省斂

兩宮親歲熟人皆暇時和福自申 鑾鳴高廩側

旌轉曲池濱露浥園蔬茂香生社酒醇甘泉波激

灝 壽嶽碧嶙峋瑞應呈雙穎康功賴 一身屢

豐贍 色喜無逸繪圖真 懿教敷恩普 宸章

染翰新堯衢同樂意四序松陽春

乾隆九年十月南書房承

旨重葺翰林院落成車駕臨幸錫宴送大學士掌

院事鄂爾泰張廷玉進署以張說東壁圖書府

五律字為韻賦東字音字二首敕諸臣各分一

字賦詩 臣廷玉得圖字

卿雲籠玉署

繡座啟蘿圖碑影迎

天步金聲仰

聖謨龍文成五采虎觀拜諸儒襄贊臣何有賡颺

帝曰俞宴歌魚在藻詩叶鳳鳴梧雨世桓榮席捫

心感愧俱

臣父曾掌院事十二年臣廷玉又承之二十一年實異數也

澄懷閣藏書

六

恭和

御製十月二十七日幸翰林院賜宴賦詩後復得

七律四首并示諸臣元韻

太和蒸作玉堂春得近瓊筵餽鼎珍德仰義文今

聖主心儀房杜古名臣須臾 鳳藻從天降咫尺

龍光映日新俯伏花磚承指顧載聆榮譽重逡巡

上與十八學士登瀛洲事朝臣爾泰臣廷玉曰二卿實不愧唐之房杜臣等聞命感悚無地

特許瀛洲集鳳鸞簪毫雅稱進賢冠席容玉筍分

行坐酒 賜金疊帶笑看共聽簫韶仙樂舉近瞻

黼黻瑞雲團隨風咳唾皆 恩澤劉井中涵太液

瀾

垂垂白髮首班聯拜捧虞廷喜起篇職忝三公慚  
論道身依

上聖敢稱賢傳家富有金泥籍滿袖濃攜寶篆烟  
更愧攝官居秘省日趨香案領群仙

久已乾坤協氣融日躋 聖敬抱淵衷持盈每鑒

登封侈鳴豫深望祀崇辭貴立誠垂世則政期  
行健與天同不須太史書邦瑞會見麟遊上苑中

恭和

御製幸翰林院賜大學士及翰林等宴因便閱貢

澤懷園載集卷五

七

院得詩四首元韻

參差萬瓦麗霜辰鎖院森沉儼列闌禮樂重光逢  
甲子文章乘運化庚辛三年黃卷讐書日五夜青  
袍索筆人共道

聖朝深雨露菁莪同領四時春

帝車五色煥中台冠劍雍容集衆才從邁魯詩賡

戾止和歌虞陛詠明哉蘭臺畫戟凌晨啓蒞榜春

華計日開當代崇儒超往牒棘闈驚喜

至尊來

杳靄青霄墜復搏科名曾說落方千荆山有泣前

人惜滄海無遺自古難雪案辛勤憐素士冰衡公

慎賴專官宸章敬誦纏綿語忍使孤桐委爨殘

析鈴周匝漏初沈七度龍門聽苦吟臣自通籍迄今分校禮闈者三

試者四鵬鶚盤雲秋翮健琳瑯堆几夜堂深敢云一

顧群空冀但願多材萃作林此日屬車叨侍從

拜賜仍矢昔年心

十月二十七日翰林院宴罷

車駕幸貢院遍觀堂所周覽號舍辛苦風簷

帝心軫念臣廷玉恭紀五言十二韻仍用闕字

帝幸瀛洲署恩輝亘古無華簪咸忭舞帶帶亦歡

澤懷園載集卷五

娛今日蓬山彥當年棘院儒仗臨虬戶外輦駐

鳳城隅矮屋重瞳顧公堂萬歲呼舊憐群蟻

戰梅聖俞試院詩萬歲呼舊憐群蟻新覲六龍趨辛苦邀

天鑒栽培感

睿謨玉堅須剖璞金好在鎔鑪袍望春來綠衣看

夜半朱輪才導

聖訓秉鑑守良模官燭三條盡卿雲五色俱作人

光盛治霄漢快鵬圖

題童培宗雪江歸釣圖即送其旋里

疎林斷岸擢船行擊汰高歌江水清一望玻璃三



十頃果然冰雪淨聰明

西牕剪燭此臨歧展盡添子鱸膾思太液池邊重握手盼君連獲六鰲時

恭和

御製新春試筆元韻 乙丑

幽泉乙乙漸抽芽天上春回轉帝車爛熳銅溝餘  
鴈雪參差玉蕊見唐花祥凝楓陛輝宸藻氣盎  
椒樽泛曙霞快值時和人有喜兒童奪得土牛譚

恭和

御製新月元韻

澤園藏集卷五

九

離離絳斗貫金繩桂魄初生節候應乍啟寶奩光  
半吐遠鉤珠箔力能勝三分皎映梅花帳一剪霞  
烘柿蒂綾四照清輝當歲首東皇分與萬家燈

題韓東籬小照

國畫今附一方  
編修侍立於側

坐對青桐共綠筠閒雲流水見天真高踪不逐鵷  
鷺隊付與趨庭侍立人

詩情鄧尉煙中樹文筆胥江雨後潮修史已成千  
古業仍披書卷日逍遙

東籬昔奉教修  
明史已告成矣

題青崖和尚玩獅圖

誰歟妙現調御姿神骨峰立傳威儀伏地精猛大

秦師視之不動毛毳蓮花座前相娛嬉香象渡  
河誰如伊法力變現勇而慈人天稽首皆皈依坡  
仙有語不我欺談笑可却千熊羆

恭和

御製落花詩元韻

花開何意落何由一刹那間見去留萬片紅飄幽  
徑過三分春遂逝川流粉痕點處憐齊女金縷歌  
成怨杜秋已作四禪天上侶毘藍風起不闌愁  
影颺牆頭簌簌紅重來惆悵庾園空悠揚尚自依  
芳草飄轉何堪比斷蓬人孰無情三月暮村猶如

澤園藏集卷五

十

此五更風可知物候推遷準不在江城玉笛中  
養花天氣惜花心忍看堦除積漸深乳燕鳴鳩春  
寂寂迴廊小院晝陰陰每從禪榻依稀見一任漁  
舟自在尋試向繇華叅解脫山薌曲是海潮音  
已離言說證文殊丈室天花絕不須何遜鏡中真  
亦幻江淹筆底有還無長堤慣逐紅鷺馬老樹空  
啼白項烏自是仙葩多智慧明年依舊返根株  
紛紛籍籍奈渠何茅屋疎籬掃更多石上沾來經  
驟雨塘坳聚處見迴波縱無濃艷輝新圃猶有餘  
香染舊柯落後重開開又落好將塵劫喻觀河

豈獨飄零是凜秋遊絲白日絕堪愁臨粧不上堆  
鵝髻貼水常隨放鶴舟子結他年曾憶杜詩題前  
度尚傳劉

天章點破拈花案起滅分明大海漚

送任大宗伯香谷 予告歸里

長身鶴立玉堂仙主領文章三十年父子熬階副

接武門生鳳閣久聯翩子瞻贈子固詩云昔從南方來與翁兩聯翩子固蓋解翁門下士也容

臺禮秉中和度秩祀功叅化育權正協盛初槐鼎

望歐公何遽賦歸田

豈獨寅清結

澄懷園藏書集卷

士

主知風流儒雅亦吾師用杜春和氣益千間厦月

霽光涵萬頃陂入直流傳紅藥句辭朝騰誦落花

詩先生奉 教和 御製落 花詩甚工 奉朝傳誦之送君安得如君福我縱能歸

已較遲

五鼓入直

老叟登車候閒人夢蝶初踰冊固應爾竭屢欲何

如星影臨馳道燈光在直廬問年常自笑忘却古

稀餘

沈孝子輓章 并序

孝子名敷愍中州觀察青崖之長子也性

至孝居母憂哀毀骨立有弔客焚紙錢於

靈前風捲入戶延及總帷棺幾被火孝子

奮身撲救火燎麻衣裋褐解不及皮肉糜爛

毒攻臟腑越十日卒年二十有四聞者哀

之子與觀察有師生之誼尤為感痛爰作

二詩以代輓

事有逆而常理或順而創哀哉孝子死慘苦不可

狀呼天失所恃冥聽亦為愴夫何燎原勢肆焰及

總帳噬膚良已毒蹈火抑何壯寸草心未灰陟岵

還相望

澄懷園藏書集卷

士

造物無私施禍福良有以胡乃將母心食報獨罹

此或者宿世因解脫視如蹴嗤彼生非生焉知死

非死為君重嘆息似續未延耳寄語喪明人旌門

故有子

澄懷園載賡集卷六

桐城張廷玉硯齋

古近體詩二十九首

恭和

御製新春試筆元韻 丙寅

太平本無象和氣端可指九衢爆竹聲千戶梅花  
蕊況復鋪瓊霽遠勝披霞綺佳辰協瑞占農祥窮  
月紀

九重望歲心天地應動已六出不封條 西京雜記太平  
之世雪不封條  
人皆大歡喜三時晴雨調定自青陽始

澄懷園載賡集卷六

恭和

御製正月二日小宴廷臣元韻

和氣迎三朔歡聲萃一堂五雲瞻煖燄百殖慶榮  
昌

天降蘆花雪 恩頒竹葉觴宛然魚在藻敢比風

鳴陽仙樂停還奏嘉羞濯且湘辛盤凝湛露甲煎

燕名香職忝梅羹重心期穡事康

帝歌符大舜千古共書祥

恭和

御製正月十六日奉

皇太后瀛臺看烟火即景燈詞元韻

燈滿香輪月滿規桂宮蘭殿彩雲垂

聖人扶輦

慈顏喜鳳早先臨太液池

朱闌翠幄勢迴旋爆竹聲中列炬然一瞬烟消陳

萬寶休誇種玉有藍田

纖塵不動晚風輕鈴裏蓮開佛火明百道星光隨

線引轉圓神妙比瓊衡

拜賜頭綱八餅茶金苞玉果出仙家誰知飽看魚

龍戲又見橫空掣電蛇

澄懷園載賡集卷六

鏡開仁壽現亭臺鰲駕三山海上來萬樹珊瑚光

的皪一群鸞鶴羽綈綈

廿年綸閣荷榮光

御墨親題姓氏香慚愧和羹無寸補竟同燕國並

稱張 御製詩第六首云殿前底事金蓮撤歸第爭看相是張注曰大學士  
張廷玉自雍正年間至今與上元烟火之觀凡二十餘年故以張

說故事比之臣恭捧 天章不勝榮  
幸並以唐臣張說相况尤增愧悚

復旦卿雲景象真

帝歌欣作載賡人祗因身在瓊樓上看盡三千世

界春 用白居易  
易句

臘雪猶粘松栢林燈宵又復結微陰豫遊念念闕

民事預祝三春葭屋霖

三月初八日初至澄懷園有感

莎徑筠廊到眼新年光已過二分春山桃如待遲

來客今春遲開蒼鳥頻窺獨坐人冰泮曲池魚噉浪

簾垂虛室簾凝塵勿因離合分悲喜同是華胥夢

裏身

六弟蒙

恩子告歸里詩以送之

簪毫兩紀侍 楓宸今喜歸田拜 命新勇退我

慚遲阿弟引年

澄懷園集卷三

三

天許繼先人牛山老矣卷藏書史添行索收

拾烟霞到此身何日芙蓉溪上石白頭二老坐垂

綸

八月二十八日

瀛臺賜宴用唐臣李嶠甘露殿侍宴詩為韻

御製賦得首尾月字霞字廷玉分得字字

嘉禾滿玉田瑞靄派銀浦協氣召

天庥隆規繩

祖武雲中 翠輦來樹底華纓聚綺席飲三嘏苑

檐登四輔丹霞煥

帝文湛露盈仙宇奕世沐 殊恩頌言慙吉甫

恭和

御製瀛臺賜宴詩謹序

乾隆十一年丙寅秋八月百物阜成萬方

清晏

皇上特頒 恩旨用康熙二十年七月

聖祖仁皇帝賜宴瀛臺故事於本月二十七二十

八日仍在瀛臺設宴自宗藩大臣以逮卿

尹侍從臺諫之官罔不叨被 龍光醉酒

飲德既仿栢梁體聯句復用唐臣李嶠侍

宴甘露殿為韻

四

御製起訖二章令 臣等及內廷翰林三十八人各

賦一詩而

聖意深長詠歎不足更製七言四律聽諸臣賡和

上繼虞廷載歌之美下聯股肱一體之情

宣豫昌時懋昭文治洵千載一遇之盛典

也 臣父當

聖祖仁皇帝瀛臺賜宴時奉

命同內大臣主席今 臣廷玉與 臣子若需復與斯

禮榮叨三世遭逢莫比仰蒙

皇上紀入 天章俾臣一門盛事並得垂示無極  
恩施尤渥寵以增慙不勝區區感勵之忱拜手

廣和恭呈

睿訓

日射金鰲動曉珂韶音天半叶雲和賓筵好誦南  
山杞民寶歡呈北里禾謨烈近承豐鎬盛文明  
遠駕漢唐過多年膏澤勤休養繞奏時雍一曲歌  
祥開雲縵復星稠蔭接沙堤瑞霽浮三世天教依  
日馭九齡臣敢嗣風流蓬瀛自昔曾裁賦先臣曾賦  
臺閣  
花賦堂構於今愧作舟舫殊遇猥蒙宸咏及思

澄懷園藏集卷六

五

波濃溫鳳池頭

御製第二卷後四句曲中早發千秋鑑果國還  
登大淑舟三世方明昭細書於什詒冠端斯以

曰大學士張廷玉之父曾侍  
皇祖西苑宴賞今與其子若萬共陪此會亦盛事也

雲樹沙禽各靜娟

翠華臨處謁非烟金枝已泛

芙蓉舫珠履還分玳瑁筵慰勞親承

天語切咏歌載聽

德音傳昇平盛事欣重遇甲

子環周又六年

禮成三爵更遲留慈惠

恩深詎易酬冀砌總沾

膏露早葵衷遑惜鬢毛秋地餘秉穗歌覃邦人適

江湖把直鉤願拔茅茹襄至化不教蘭芷老芳洲

恭和

御製欲雨元韻 丁卯

墨翻雲已合瞻望解切切雷碾聲猶續山排影漸

韜應知

天澤近用答

聖心勞佇待懸檐瀑新禾正仰膏

恭和

御製喜雨元韻

初覺珠跳勢漸傾微風潛入濕軒楹池涵燕影開  
銀鏡雲帶龍腥隱玉衡新綠乍勻絲更密軟紅全  
洗氣尤清曉來拭目煙郊外共祝籌車百室盈

澄懷園藏集卷六

六

臣職為霖實愧之

恩先雨露願分貽日觀齋

座憂深矣今徧苑簷樂在而萬卉已停求水具千  
箱預兆割雲時作歌共聽薰風奏念念持盈

上帝知

玉甕歌應制

荆山良璞琨瑤姿琢成寶器形瑰奇徑圓數尺高  
倍之非尊非卣還非甕崇義繪圖曾未知相傳製  
自金元時紀年惜不書千支人間斤削誰能施般  
倬奏技摹天池海童邀路縱橫馳驚濤前導鯨波  
隨神龍出沒鱗之而冲融沆瀣潛蛟螭廣寒殿古

風日遲桂香浮動開罨恩群臣競獻紅螺卮恨無  
嘉藻留題辭崑岡劫燒堪嗟咨土花剝蝕苔髭鬚  
僧廚薺菜乃所司是時諒有神扶持不然安得至  
今完好無纖疵吾

皇覽古興遐思賚予不惜千金貲徙置秘殿依書  
帷商瑚夏璉肩相差金壺灑汁天章摘瀾翻海  
湧神淋漓愚臣歡忭陳聲詩會見民歌飯甕豐稔  
粢

孝賢皇后輓詩

戊辰

媯汭鍾祥从含宏秉德全得中柔應地位內順承

涇園藏集卷七

七

天厚載功何憊仙遊詔忽傳九衢俱縞素呼搶

望雲輶

隨

輦承歡切晨昏不暫違始終全孝思婉婉戀

慈闈問寢珎璫香歌虞月露晞傷心勞

聖母忍淚慰宵衣

仁儉垂陰教系雍契

聖心廿年修內則此日憶徽音珠綴朝暉冷掛塗

夜魄沉公桑看又綠蘭館閉芳林

淋慎由天授慈祥本性成敬能衰歎極恩已被

蒼生月御凌河速星軒達曙明周姜遺澤在朝野  
共吞聲

令德勾陳肅芳型禁掖知瑤階花濺淚瓊樹露分

枝虞世南文德皇后哀冊當分枝而垂泣彤史標坤範璇宮緬

母儀敦倫傳

聖藻風化二南詩

榆狄音塵遠天高不可呼鳳悲韜五采龍恨失雙

珠

御筆千秋炳

褒稱萬口孚老臣叨史職作誄愧榛蕪

涇園藏集卷八

八

恭和

御製今秋各省告豐者多既慰以懼無示近臣元

韻

六宇羅庭除方寸運纖巨如傷厓

聖懷默識痼瘕處西成計有秋腰鎌念耕者叶新

陳廩庾積囑于婦子語豐嗇較登穫春秋思助補

天澤降自今多稼忽盈睹聊以資饗餼無之慰摩

撫羔酒競稱觥車牛遠服賈百室盈揚豫三黼足

曹魯僉曰大有亨詎識宸衷苦康年豈偉觀多

福信自取咨嗟誠臣工持盈勿矜翽問閭謹蓋

藏都會詢市估觀化期有成期月未易可叶三復

賡 天章無逸乃其所

恭和

恩賜御製詩元韻 謹序

乾隆己巳正月四日仰荷

聖恩眷注衰遲

特頒溫諭次日復蒙

賜詩一章引首云大學士張廷玉年幾八袞猶日

趨朝念其勤慎夙著特加優禮命四五日一入

內廷備顧問如宋文彥博故事因成是什賜之

澄懷園載慶集卷九

並勸有位詩云職曰天職位天位君臣同是任

勞人休哉元老勤宣允矣予心體恤賴路國

十朝事堪例汾陽廿四考非倫最茲百爾應知

勸莫羨東門祖道輪 臣拜捧

天章躬承異數褒榮逾量感與愧俱敬和

御製元韻以誌

殊恩以抒微悃

帝澤涵濡待舊臣調梅慙作贊襄人十行綸詔承

恩渥五色雲書拜賜頻玉杖從容心倍惕

帝歌申錫古無倫年年老驥隨

鑾輅不駕南山隱士輪

恭和

御製名經畧大學士傳恒還朝詩元韻

陳情靖寇本純忠不憚蠶業鳥道窮貌虎氣方吞

小醜雷霆聲已豁顒蒙

如天湯網開三面匝地已敝慰

兩宮指日綸扉資翊贊昇平咸頌濟川功

鵲音漸革許安巢

沛澤酬庸一德包五等新膺桓褒錫三陽欣叶地

天爰旌門捧 詔風成凱劍閣銘勲石不頽

澄懷園載慶集卷十

宵旰幸紆南顧慮凌煙圖畫慶雲交

聖武遠揚金川平定功成奏凱恭紀 謹序

臣聞天地好生之德迭用柔剋帝王馭世

之權覃敷威惠蓋揆文教以懷遠人亦樹

武功而柔異類食毛踐土苟自外於尊親

方趾圓顙遂不容於覆載是以涿鹿阪泉

之戰爰控威弧三苗九淖之師克稱義旅

莫不丹青簡牒焜耀輻鈐自古為昭于今

尤烈洪惟我

皇上神乎軒鏡化洽寰千周六合以為家視八荒

而同聞碧砮文犀之費附尉候以來同旅  
焚越雉之鄉踰譯觀而奉剏蠡茲莎羅奔  
者種雜丹馳界連邛笮向以率先犄角倖  
竊竹符敢於雄長諸羗侵凌戎索廩君遺  
孽頻滋縱目之妖鼈令遊魂漸肆磨牙之  
毒我

皇上咨諏將吏申畫郊圻期邇徵之又安登燕黎  
於衽席不毛隸版雖無益於耕桑窮髮稽  
誅亦難逃於斧鑕郵馳羽檄墮五夜之憂  
勞案積軍書仰

澄懷園載賡集卷六

十一

九重之經畫恭行

天伐神謀不藉於陰符於鑠

王師勝畧咸衷於

宸斷時則經畧大學士忠勇公臣恒忠昭日月氣

壯山河當

廟算之親承乃闔戎之專寄推轂而塵清衢路禡

牙而風捲旌麾歷險如夷峭嶸詎辭徒步

誓師不宿艱難遑恤衝寒玉帳方開立誅

黨惡瑀戈未舉丕振先聲五營蟠蛇鳥之

圖孽童視魄八陣合鶴鵠之隊小醜潛踪

兩隕銅丸裂若昆陽之瓦煙飛鐵礮傾如  
鉅鹿之城我武惟揚方威先乎奪卡彼師  
其道已膽喪於攻礮遂申帖耳之哀用布  
析骸之慘於時臣恒猶欲殲此長鯨封之  
京觀掃虎狼之窟穴絕狐鼠之攀援乃我  
皇上式廓堯襟宏開湯網祇奉

慈宮之懿訓大德曰生敬宣

聖母之宏仁止戈爲武

詔傳紫綽適當就縛之辰威震雕題旋築受降之

壘尉陀奉表服上楮爲外臣頡利請盟見

澄懷園載賡集卷六

十一

大人而羅拜朱衣畫袴盡繫長纓武錫文

鏡盛陳番樂革心六事誓泣血於壇墠稽

首三呼乞餘生於機組捧莊嚴之佛座五

體投誠負緡繼於營門萬金爲贄龍驤旋

旅遙聽凱奏三軍虎張韜弓曾未加遺一

矢用是秩宗議禮太室銘勛位五等之崇

班賜九章之命服彤弓旅矢賚自尚方豹

尾羽林錫之禁近桃開灌燧垂駿烈於鴻

編昔頌來庭薦聲歌於

清廟



睿製領來輔座香生壁水文芹 奎章勒在貞珉

光映稿門石鼓發皇功業繼陶姚子加以

同符斧藻詩書合雅頌典謨而不朽且地

切論思情殷竹舞兩階贊化勇不任夫荷

戈三捷書功事實光於執簡躬天保采薇

之盛際敢後謳吟竊韓碑柳雅之餘詞用

先鐃吹云爾

璇霄雲爛泰階平五緯森沉絳斗明地極朱鸞通

屬國山呈丹甌達 神京龜經歲自渙中至叢筍

人安頗外畊豈謂一隅幸

登懷園載賡集卷六 十三

聖澤日尋鑿觸事紛爭

千仞孱顏控雪山何來蠹爾伏榛菅負嵎獨倚羊

腸險營窟還憑鳥道艱蠶食比隣規弱肉鳴張頻

歲煽諸蠶

聖朝威德光神鼎能燭深林罔兩奸

懸幢度索古沈黎梗化將毋癘疥滋聲罪定宜彰

九伐投荒直欲竄三危青邱勁旅仁無敵丹浦雄

兵事可師戢暴寧人勤遠馭詎容小醜弄潢池

上相西征出玉墀 六龍飛鞚馮牙旗

親須睿略風雲會宣布

皇威日月垂禁旅祇如行衽席先聲早已懾羗夷

盤空蜀棧高無極天廐驂騑汗血時

貔貅萬隊領元戎聚米山川指掌中犇隕秋風搜

狡穴巢傾妖鳥縛狂童

廟謨密受無遺策閭寄因收不戰功自是

明良賡一德丹衷炳炳協

宸衷

刺聞午夜蠟丸書鈴索丁東禁漏初雨雪中途憐

甲士芻蕘諸道念軍儲銅梁阻險當天末玉几籌

邊逼歲除斯夕趁承知

登懷園載賡集卷六 十四

聖慮憂勞無間

萬幾餘

日麗轅門淑氣回行分組練繫渠魁檻中因獸斬

生急釜底遊魚乞命哀赦罪宏開三石網受降高

築百尋臺朱提皮幣如山積一曲鐃歌畫鼓催

星馳露布達甘泉 黃幄纔看罷講筵

德千秋繼于羽

天心萬里運璣璇 金輿先送

慈宮喜寶墨頻將

聖教宣薄海蒼生同錫福

徽音長奉太平年

亭育無心仰大鈞風霆一瞬化陽春安攘籌策操  
全勝擒縱機宜本至仁六事輸忱寧遠徼萬金肖  
像祝元臣燮童賓女羣歌舞須識

深宮費拊循

橈槍永靖慰

臨軒解甲人遊化日溫歡動六軍歌杖杜馨聞

九廟薦蘋蘩辟雍新紀

龍文麗典誥

親裁鳳藻謨烈重光輝汗簡明堂瑞拱奏雲門

恭和

登懷園載賡集卷六

五

御製集鳳軒詩元韻

璇源咫尺間風山苑柳宮雲縹緲間視膳晨趨蘭

殿爽承

顏新啓竹軒開瑤峰排闥青環座珠勒分朋錦綴

班飛陸驍騰呈絕藝六鈞齊仰

御孤孽

靜調心手恰相當講繫宮袍絡柘黃十羽爭飛穿

采鵲三侯前度頌長楊

神威偃武靈氣息膏澤乘時霽景光頗牧功成論

閣上早看一矢靖封狼

傑構凌霄欲俯嵩涼颺薦爽八窗同乍驚疾隼騰  
朱甍旋聽鳴鳴引畫弓令節五絲持獻  
壽佳辰百福祝懸熊

宸遊親奉

金輿樂春葢薰琴識化工

樹底花懸簇玉鞭清溪引轡赤闌前情怡碧水丹

山地時際荷風蕙露天偶駐

鳴鑾循爽隴還同風駕稅桑田不因

幾暇紓民憲身侍

登懷園載賡集卷六

六

宵衣閱歲年

五鼓入朝興中假寐得三四兩句覺後續成

之

肩輿輕便事晨趨漏點鷄聲半有無身在陳星建

章路夢遊寒月水邨圖

余舊藏趙文度寒月水邨圖一  
幽靜之致今夢中於此二句一生

援攘伊誰惜片刻清閒且自娛此際頗同蝴蝶趣

不勞莊叟更招呼

澄懷園詩選序

澄懷園者吾師少保桐城公西苑賜園名也公自訂其詩續歲壬寅後訖乙卯曰澄懷園詩選抑可見公之志也夫歡愉之辭難工愁苦之言易好臺閣山林分而爲二亦勢使然惟大人君子淡泊以明志甯靜以致遠富貴不以撓其心則何窮達之異公在黃扉已十餘載而勞謙終始小心敬慎欲然不自有之意所謂雖大行不加焉者於公親見之公直廬西苑華孫嘗從遊是時

世宗皇帝倚公如左右手退食至日昃勤且不暇

澄懷園詩選序

然每下直手不釋書吟誦之聲時出戶外往往流連景光含毫落紙今集中看花諸歌詩超然有林泉之趣不獨富貴不以撓懷而竊歎公之勤勞王家如彼從容鎮定如此襟懷灑落非謝太傅以下所能及公詩優游夷愉俯仰揖讓如歐陽子文章而化工肖物超曠自然之妙牢籠百態無跡可求所謂中和雅頌之音而高山流水之韻也讀其詩不知其爲臺閣之與山林將無寄跡軒冕而天懷澹定故耶抑賜園之山水更有觸於外而樂於中者耶初

聖祖皇帝御書澄懷二字賜公公後以名其賜

居之園見於紀恩詩序所以明性情之係屬也是編末二卷爲賜園以後之詩而標名之義尤微窺公寄託之旨所以淡泊甯靜處盈不驕其詩蕭然高致有出於語言文字之外者由其澄心而渺慮也顧公於詩並不自居編次再三志存謙讓若無若虛莫能名狀華孫校對之下承命附名卷末自惟不能知公之詩而從遊日久親見吾師盛德虛懷不矜不伐之雅詩本性情知公之性情而可以想見公之詩乃敘其管窺蠡測者如此而竊與有

澄懷園詩選序

榮焉

乾隆二年丁巳秋八月朔門下受業吳華孫頓首拜書

自序

康熙辛丑壬寅間偶次前所爲詩二千餘首爲二十四卷名曰傳經堂詩集雍正癸卯夏室廬不戒於火是集遂成灰燼而時往來余懷思索而記憶者隨手錄之納敝篋中仍得千首弟姪輩言宜鋟諸版予感前事勉從之是爲傳經堂詩焚餘集十四卷以壬寅爲斷夫詩文舊稿搜羅於散失之後人情往往珍惜之况得之思索記憶更不免有恕心焉剗剛既畢偶一繙閱自覺多不足存且魯魚亥豕之訛不可勝數遂封置書簾卽弟姪輩亦未

澄懷園詩選自序

之見也乾隆丁巳二月四姪若震以浙藩入覲經旬聚首以未覩焚餘集爲言予告以故姪曰盍不親自別擇合近年所作而重鋟之武林有良工克供斯役爰於夏日退直之暇汰舊集十三而續以癸卯後作爲十二卷以雍正乙卯爲斷名曰澄懷園詩選其中有以事存者有以人存者不可以詩之未善而廢也編次旣畢將寄武林笑謂兒輩曰此子卷中之詩予意中之詩不爾也蓋自幼奉教先公於風雅之義竊窺萬一心嚮往之而無如筆力不健學問不充又復牽於官守職益繁而

勞愈劇偶然捉筆不得專一思慮以達其心之所欲言曩已詳焚餘集自序中今老矣意中之境界可望而不可卽陸放翁句有云力孱氣餒心自知陸且云然而况謏劣如予者其抱愧於心又當何如顧念編次再三不忍棄置或爲覽者之所曲諒耶乾隆二年歲次丁巳夏五月桐城張廷玉書

澄懷園詩選自序

二

傳經堂詩焚餘集序 附載

世遠官翰林時侍安溪李文貞公嘗爲余言先進魏敏果張文端湯睢州陸平湖之爲人也四公皆名德峻望世遠生晚不及見文貞公樂舉其大節傳其逸事以爲美談且曰文端公卜相一年遂初致政君臣之際恩禮始終圭璋之品有瑜無瑕今仲子洗馬君懿哉淵乎光遠有耀者也世遠心識之不敢忘洗馬君卽今宮保丞相天下所稱爲桐城公者是也世遠時以休致家居不獲遂高山之願

澄懷園詩選附載

一

皇上龍飛由卿貳晉尙書遂陟政府且

命授經

皇子世遠以非才濫廁講席之末公不余鄙辱誨愛之晨夕 禁廷殆將五載私喜拳曲之木上邀不次之

恩得受繩削於廟廊之上又喜得追隨諸巨公後苦調風細雨之吹潤萬物也公一日出其詩一冊命世遠序之公自翰林供奉二十餘年稟學於家服勞於國所爲詩根心諧律藻耀春容大旨不外於忠孝而出之以愼厚平中若振衣千仞之岡而

澄懷園詩選附載

二

託基培塿也若汪洋濔沚納溝瀆包蛟鼉而有魚蟹也若壺中之冰太璞之石也我聞在昔有以人重其詩者有以詩重其人者有詩與人並重者以人重其詩者程明道邵堯夫也以詩重其人者孟襄陽韋蘇州也詩與人並重者蘇廷碩張曲江也亦猶父子之間有以父重其子者韓魏公之於忠彥也有以子重其父者李德裕之於吉甫呂公著之於夷簡也有父與子並重者范文正忠宣也有明以來父子繼相自公而外指不多屈所謂詩與人並重父與子並重者後之人其必有以位置之矣公自名其詩曰焚餘草蓋嘗燬於火於記憶中得之斷自康熙六十一年以前後集尙未編定公遭逢

堯舜早作夜思皋陶賡歌之詠召伯卷阿之音吉甫清風之頌揚扈變和與日俱新世遠又將執筆挂名以自耀焉雍正五年丁未夏六月朔日後學漳浦蔡世遠謹序

傳經堂詩焚餘集自選 附載

廷玉七歲就外傳以多疾體羸兩先人愛護寬其課程不加督責十歲誦詩書聞師說粗通其意先公喜獎以詩曰駒齒初齠髮覆眉頗憐聰慧異羣兒已通典誥兼風雅遠勝而翁十歲時自是令屬對并學爲詩嘗從遊龍眠別業先公有喜看玉兒剛十二也能捉筆詠寒蓉之句此玉學詩之始也嗣後攻舉子業無暇肆力於詩間有吟詠不多亦不能工年二十五舉於鄉二十九成進士蒙恩選庶常習國書三年中記誦講習幾廢寢食旋

澄懷園詩選附載

一

蒙

御試拔置第一授館職供奉 內廷

聖祖仁皇帝聖資天縱博覽典籍研究精微欲編輯成書嘉惠天下後世承學之士於是開書局集詞臣分任纂修前後所成充溢冊府玉忝內直實兼編纂與校勘職任所在不敢旁及且精神憊頓有志學詩而力有不逮故詩不多仍不能工及遷侍郎部事繁劇而年屆五十冉冉其將老矣學詩之願無時可遂竊念自束髮受書先公卽以詩教而通籍以後遭逢

聖明趨承 禁近

天藻時頒常令賡和。無詞拜獻輒荷褒嘉且錫賚便蕃超遷不次皆人臣罕觀之遇而

鑾輿所歷如吳山越水龍沙雁塞皆珥筆以從感恩述德之篇疊見於簡牘若自慚弁陋棄置不存將無以紀載歲時歌頌

君貺而於風昔過庭之訓不且有負乎康熙辛丑壬寅間檢舊稿得詩二千首按年編次爲傳經堂詩二十四卷自序以藏家塾留示子孫雍正癸卯五月室廬不戒於火此藁遂爲灰燼覆瓿之物無

澄懷園詩選附載

三

可戀惜而耿耿不能忘者則惟

君親教育之故幸當時握管構思頗出肺腑近體詩尙記十之六七古體詩則僅十之二三因於公事之暇隨所記憶書短箋納於敝篋越二載啟視則得詩千首問從友人處獲向所書縑素及便面則與默記者不失隻字旁觀者皆驚詫以爲奇乃分體編次爲十四卷仍以壬寅爲斷名曰傳經堂詩焚餘集其間頌揚

鴻烈紀述盛典不免缺略而思慕哀輓登臨贈答之什遺漏實多譬如既破之甑不當返顧而強爲

繕補遠愧古人達觀而出於情之不能已或亦覽者之所曲諒也至壬寅仲冬月

皇上紹登大寶玉以非才荷殊眷身兼數職參預機務綆短汲深晨夕竭蹶心血虛耗故詩愈少而愈拙擬俟他時再爲編次不復入是集中雍正五年歲次丁未夏六月桐城張廷玉書於京邸之純勤齋

澄懷園詩選附載

一二

澄懷園詩選目錄

卷一

古體詩五十四首

卷二

古體詩四十九首

卷三

近體詩一百十三首

卷四

近體詩一百十二首

卷五

澄懷園詩選目錄

一

近體詩一百二首

卷六

近體詩九十八首

卷七

近體詩一百十三首

卷八

近體詩一百七首

卷九

近體詩一百一首

卷十

近體詩七十首

卷十一

近體詩九十四首

卷十二

近體詩一百九首

澄懷園詩選目錄

澄懷園詩選目錄

一一

澄懷園詩選卷一

桐城張廷玉

古體詩五十四首

早行

街鼓夜未歇僕夫理征鞭客行何太早每在啼鴉  
先驚駘戀棧豆長嘶村店前驅策向南去路闕霜  
華妍月影長留袂星光遙挂天一犬望空吠野火  
生微煙冷風甚於翦直欲穿重繇馬上續殘夢  
斯語殊未然生平苦行役無計息勞肩擁被者誰  
予日高猶穩眠

澄懷園詩選卷一

一

暮春入龍眠山

鳥啼深谷響花落春山空昨宵一雨過萬木皆青  
葱籃輿度清溪溪水殘紅微茫認前路恐與桃  
源通

山中暮歸

林端鴉陣橫煙外樵歌起我從山中歸幽懷殊未  
已小童負歌筐迂路采蘭芷疲驢緩緩行斜陽在  
溪水

郭外訪僧

西郊小蘭若柴籬傍山麓中有學禪人繙經愛幽



獨乘閒一相訪清陰憩喬木犬吠門未開磬聲隔修竹

雙溪

出郭林壑美路指龍眠西吾廬占平壤左右環雙溪四面菡萏峰高與浮雲齊蒼崖點翡翠碧沼澄玻璃檀欒竹影暗偃蹇松陰低門臨秋稼圃岸接春秧畦斜陽暮垂釣細雨朝扶犁入言浣花宅自謂寒巖栖漁郎若相訪好認疎楊堤三春桃夢開勿使扁舟迷

午睡

澄懷園詩選卷一

二

三徑滿莓苔無人叩庭戶當窗樹影圓曦輪正亭午拋書寂然坐耳目無聽觀斯時黑甜鄉相去僅數武莊生招我遊化蝶身栩栩何事吟風蟬高飛過鄰園須臾短夢回微雲過疎雨

訪菊

自哂侏儒扁戶久殘編斷簡空埋首偶乘逸興探秋光長堤一帶餘衰柳記曾看菊溪南村未審東籬無恙否不辭渡水叩柴荆一笑欣逢種花叟殷勤攜我踏方畦晚葩粲粲剛盈畝錯采鏤金祕監詩裁紉織錦天孫手與余別有相契情傲霜風節

眞吾友主人留客久徘徊汲水烹茶傾瓦缶別時還訂再來期幾日登高是重九喜余省事勝淵明不用白衣人載酒

書囊

人生委造化脩短詎有常死者不可追生者徒悲涼憶昔深閨人爲我縫書囊書囊尙如新針線留餘香玉顏埋土壤一瞬周星霜人去物無恙撫物空徬徨李家塵簞在元氏蚊幃張不及古錦物朝暮隨行裝觸目易成慨入手時增傷屢屢廢書歎又恐學業荒不如不相見庶使私情忘好同金縷

澄懷園詩選卷一

三

衣密密藏空箱

過玉河書所見

金鰲南望波浮空迢遙疑與銀漢通欸乃一聲雙槳發扁舟搖出荷花叢舟上幾人挾漁網柳陰深處閒來往君豈眞爲河曲遊我已難忘濠濮想橋上王侯過馬頻揚鞭欲去復逡巡始知綰綬垂紳客也羨披蓑側笠人

天禧宮古松歌敬和家大人韻

我昔放艇遊江東六朝勝跡留孤松古幹擎雲枝偃蓋千尺黛色橫長空如茲珍木豈易覲別來魂

夢常相逢那知京洛塵土地西郊深鑱天禧宮輪  
囷異質人莫識二十五樹荒園中霜皮斑剝儼怪  
石煙梢層疊如危峰晴日蕭蕭響微雨炎天颯颯  
生秋風鬼神呵護誰敢褻杳靄時有寒雲封顧我  
何幸來樹下盡洗俗狀消塵容恍如尋幽遠城郭  
深山大澤陰溟濛又如側耳聆仙樂吹竽鼓瑟聲  
和雍問松種植自何代香臺寂寞無人踪豐碑屹  
立在廊廡篆文磨滅苔痕重我欲賦詩紀斯景幾  
回捉筆慚凡庸策馬欲去更留戀樹頭一抹斜陽  
紅

澄懷園詩選卷一

四

雨後涼甚

火輪當午懸庭槐小草欲萎眠空階飲泉啜茗廢  
樽筓屈指一月無好懷昨朝雨過風滿室故人久  
別今重來絨扇不動越羅薄恍如冰雪侵肢骸夜  
眠漸覺厭重簾晚坐頗欲謀新醅頓喜草木有生  
意淨洗枝葉無塵埃水夢當窗墮紅粟露葵向客  
歆金杯蟬鳴高樹蟲繞砌知余吟苦常追陪始知  
四序有代謝兼暑消息恆相推從前炎熱酷且久  
一夕無怪新涼催天地氣候固如此世人往往空  
疑猜

寒夜憶五畝園

吾家五畝園近在城南曲咫尺鄰敝居衡宇影相  
屬昔年有餘閒數椽手曾築小軒面清池虛牕臨  
古木修廊宛轉成映帶簷簷竹怪石染苔痕翡翠  
點蒼玉樹色濃若雲波紋細如縠不離閨閣中幽  
趣等空谷斯時屆隆冬清景總堪矚日烘梅萼黃  
雪壓松皮綠天竹寶珠圓山茶紅錦簇林疎致益  
佳橙老香逾馥嚴親荷殊恩高年許休沐早暮  
扶筇來無須問涼燠鶴羽舞晴煙烏聲報朝旭煨  
芋火微溫銜杯酒初熟客子滯京華緇塵苦踟躕

澄懷園詩選卷一

五

寒宵更寂寥把卷燒殘燭狂風挾飛沙驚濤撼書  
屋懷鄉賦短篇硯凍霜毫禿神往城南園地遠焉  
可縮

田家雜興六首

春至林木變睨睨鳴鵲鵲更有戴鵲鳥向我如催  
耕昨宵一雨足連畦新水生驅牛向隴畝不憚衝  
泥行情農古所誠于耜須早營俶載苟或荒詎可  
期秋成禹稷古聖賢胼胝同編氓我自食其力一  
飽無愧情諷誦伐檀詩竊祿羞簪纓  
嘗歎仕宦客終年事遠遊雖叨軒冕榮難獨離別

憂何如力田者一家牯林邱侵晨庠錢縛播種來  
西疇攜筐婦饁餉山花插滿頭兒童亦相望吹笛  
橫騎牛不復詠采蕭一日悲三秋所以鹿門人纁  
帛辭王侯

西嶺日剛沈東林月初吐田父荷鋤歸歌聲徹村  
塢稚子早候門持竿學旋舞山妻更解事濁醪傾  
瓦甌終朝力作疲一醉忘眾苦頗覺天壤間舍此  
無樂土曾見城市人舟車事商賈風塵與風濤飄  
泊難自主較量得失間三倍安足取  
涼風自西來穠樾聞吹香出門一騁望十里如雲

澄懷園詩選卷一

六

黃額手感造化比歲叨豐穰曾讀大田什兼誦流  
火章烹葵與剝棗舉酒娛高堂遺秉兼滯穗寡婦  
分餘糧此風未云邈盡在雲水鄉鼓腹歌帝力髣  
髴周先王

室廬散中田守望如近鄰雞犬俱相識童稚亦相  
親招呼若沮溺嫁娶如朱陳佳晨互探視酌酒烹  
溪鱗雜坐豆棚下不辨誰主賓但道桑麻長但期  
晴雨均機心與機事盡掃存天真歎息世情險誕  
幻如蛇神翻手作雲雨舉念分畦畛褒揚寓諷刺  
談笑藏怒嘆安能挽頽俗同作無懷民

傍宅田數畝世業恆在茲土膏藉地力雨澤需天  
時竭我四體勤畢我終歲資租稅了官府黎藿周  
妻兒再拜祝田祖鄙願徒若斯滿篝復滿車奢望  
良可嗤千倉與萬箱更屬浮夸詞衣服但粗足外  
此非所期不見金門客朝暮常苦飢

題王石谷廬山白雲圖

我聞奇秀匡廬峰峰巔雲氣常溟濛朝嵐夕靄千  
萬狀迴環掩映青芙蓉吾家樅陽接彭蠡本與五  
老爲鄰封歎息此身縛塵網無緣一櫂尋幽蹤烏  
日山人寫此景自言筆墨摹關全若濃若淡山弄

澄懷園詩選卷一

七

色欲斷不斷雲浮空山光雲影互吞吐毫端變化  
疑天工飛流千丈濺危石蒼藤百尺蟠喬松一草  
一木如有意位置俱在煙霞中疇昔曾吟太白句  
執卷想像仙山容今從尺幅得真境不愁蓬閬無  
由通儼向香鑪九千仞振衣長嘯凌天風

題王石谷谿山雪意圖

燕山十月霜風吹重雲釀雪天四垂塵土終朝積  
書卷冰花侵曉粘鬚眉鼓櫂空餘訪戴與陳硯不  
作尋梅詩忽覩耕煙散人畫臨風令我生遐思眾  
壑裝成銀粉界千林幻出瓊瑤枝柴門深掩路岑

寂松巒四望煙迷離濕鴉千點集古木脩篁一帶  
沿疎籬中有騎驢灞橋客幅巾筇杖歸來遲世間  
有此清絕境披圖往復心神怡憶昔揚鞭向關塞  
雪花如掌天山陞狐帽蒙頭貂覆耳裂膚墮指愁  
難支至今想像猶栗冽快覩此景如春熙安得移  
家此中住清芬沁入人心脾飽看千峰柳花白推  
窗忘却嚴寒時

冠從出古北口

曉日未出山煙昏冷風直透重綿溫長鞭鞭馬過  
峻嶺綠旆近指南天門綫路不足容兩軌爭獐怪

澄懷園詩選卷一

八

石狼虎蹲攬轡高吟頽濱句前途山色非中原長  
城直與鳥巢似昔人長城詩云此城冠山如鳥巢雲邊隱見頽垣存前

朝防戍疲士卒枕戈荷戟忘寒暄瘴霧漫漫霜月

苦一聲羌笛如呼冤青燐散野白骨聚至今想像

猶銷魂 聖朝聲教遠莫外黃皮烏弋皆稱藩候

臺不設瞭館廢窮邊來往如庭軒年年避暑歷茲

土笑迎 鑾輅山花繁書生珥筆良厚幸六隨

清蹕邀殊恩朝嵐夕靄供覽囑巉巖危磴從攀援

盛事真足傲千古昔人出塞安足論

塞外寓齋閒坐偶作

秋氣肅且清每向邊垣領退食有餘閒更覺茲日  
永散步荒庭中如栖塵外境微風雙杵聲斜陽半  
窗影蓼花若貫珠瓜蔓比脩綆遙看鴈陣橫俯聽  
蟲吟冷余本蕭寂人無爲慕遊騁近讀楞伽書心  
猿使長靜

塞外近村書所見

勝地開塞垣山川甲寰宇頻年駐翠華居民亦成  
聚高原構室廬平疇築場圃架木作雙扉編籬代  
完堵瓜藤著雨垂豆莢經霜剖羊隊散榆陰雞聲  
喧蓼浦一段農家風卻向窮邊覩徧觀方輿書茲

澄懷園詩選卷一

九

事邁前古

題牧牛圖

春水含烟春雨足春樹垂陰芳草綠最好農家畜  
牧場結伴驅牛向溪曲杏花枝上輕風過殘紅亂  
落牛背多牧兒插花倒騎穩短笛遙答樵人歌我  
昔乘車向南陌漢書挂角從所適自從走馬入紅  
塵課耕久廢山田瘠

題漁樂圖

秋江渺渺無津涯江邊漁父船爲家往返何知路  
遠近一帆明月依蘆花清晨舉網西風裏網得長

魚滿船喜兒能炊火婦烹鮮鄰叟還貽新醞美陸  
魯望張志和朝朝詩思在烟波吾曹不解工吟詠  
醉唱義皇網罟歌

雨後水淀泛舟

雨過新漲來春流渺無極小舟駕輕槳似鳥生兩  
翼風飄薄霧消波光淨如拭我本塵土人對此增  
歎息欲將湖作鏡形容多愧色欲將湖作紙未敢  
輕點墨蓑笠繫夢魂尊鱸挂胸臆江南烟水鄉可  
望不可即

夢遊遠峰亭

澄懷園詩選卷一

十

垂髫讀書處老屋城西偏一徑闢山麓橫過層樓  
前逶迤攀石磴漸登林木巔孤亭俯萬家朝暮騰  
炊煙更看九子峰出沒寒雲邊春雨洗塵滓山櫻  
紅欲燃秋月絕障翳巖桂幽且妍倚石映脩竹繞  
砌鋪香荃鳥呼佳客至鶴伴孱童眠地與城市近  
心將凡俗捐別來復幾載常使魂夢牽臨風賦長  
句南望神超然

塞外中秋對月同洪維彩小飲

久客萬念息節序多遺忘今夕復何夕見此明月  
光金波溢地軸寶鏡懸天閭虛室忽生白燭物窺

毫芒鄰歌四面起引我清興長小童頗解事置酒  
庭中央舉酒屬我友聽我歌短章自我客塞外八  
度經秋霜有時苦陰晦蟾影深閉藏有時宿廣漠  
布幕臨風張無酒又無客佳節增淒涼今朝亦何  
幸與子同壺觴月亦會人意皎潔逾尋常斯時對  
斯景如陟流霞堂不惜夜深坐露下沾衣裳襟抱  
亦云適勿復言他鄉

夜坐和高青邱獨酌韻

寒氣苦栗冽敗葉墮喬柯窗紙響琴筑陣陣酸風  
過一室恣偃仰聊以蘇疲疴呼童傾濁酒獨酌還

澄懷園詩選卷一

十一

高歌飲少易成醉肢體皆暄和笑彼汝陽王三斗  
無乃多祗期常閉戶不復求其他人世擾攘者鹿  
鹿將如何

寒夜獨坐憶故園梅花用東坡韻

荒庭閉戶如孤村夜深噤若清吟魂火然漸覺四  
肢喚燭燭頓令雙瞳昏羈愁百計遣難去心馳江  
郭梅花園窈窕一徑入深塢霏微香霧如春溫陰  
崖四面積晴雪陽坡千樹明初噉吁嗟此景久拋  
擲碧雲黃葉封柴門我欲裁詩問消息幾回執筆  
慚塵言何時偃仰眾芳國高吟蘇句傾瓊樽

塞外苦雨二首

三春愆雨澤入夏少晴時偏枯固有數天道甯無  
知自我客塞外一月愁淋漓蛙黷日相親蟾兔何  
由窺詎敢懷偃息上直惟恐遲巷泥深沒胯車馬  
仍交馳翹首見頑雲瀾漫天四垂既如墨滿黑復  
似峰巒奇以此釀淫潦煥朗焉可期安得百丈繩  
爲我挽丹曦

客寓近大溪朝暮聞湯湯積水遠階砌幾欲浮輕  
航坐卧方丈地儼在波中央饑鳥匿檐隙入耳聲  
悲涼樾馬驚且嘶鄰舍頽垣牆避漏苦無計一夕

澄懷園詩選卷一

十三

三移牀苔痕上書卷濕氣蒸衣裳燈火暗無色不  
及流螢光形骸既跼蹐思慮增傍徨好景忽入夢  
夢到清虛堂

久雨初晴見明月

久雨倏開霽樹杪來清風清風勁如帚一掃纖雲  
空須臾皓月上先照層巒東眾星歛芒角明鏡懸  
當中流輝若相訪宛轉穿房櫳忽生虛室白頓失  
孤燈紅橫綃披畫稿細字窺詩筒川澄光尙動泉  
江上望此景將無同獨客愛良夜望遠情無窮坐久  
不成寐且待鄰歌終

友松篇 有序

密雲城北茅庵中古松一株蓋百餘年物  
也每年扈從過此必迂道相訪高標絕俗  
清風襲人因憶東坡詩云鬱鬱蒼髯真道  
友爰作友松篇

密雲城北茅庵中輪囷老樹留孤松閱歷多年飽  
霜雪蜿蜒百尺蟠蚪龍雙扉深鎖人莫識車音馬  
跡何匆匆獨我與君相識久曩時迂道曾過從一  
年一度扈 清蹕暫拋公事尋幽蹤今朝又復來  
樹下故交闊別欣相逢自慚塵土汙面目謝君雅

澄懷園詩選卷一

十三

量能相容高人髣髴顧我語輕搖塵尾來清風感  
君爲我消鄙吝半响頓覺鬚氛空我賦友松豈無  
意當年道友聞坡公與君願結歲寒契寸心臭味  
幽蘭同任他桃李逞穠豔後彫終讓蒼髯翁

雜興二十首

月虧方就盈陽盡斯來復靜觀天地機迴旋似輪  
軸盛滿易爲災謙冲恒受福所以賢哲流秉心若  
虛谷名高氣益卑位顯心彌肅大智詢芻蕘殊勳  
謝輿服常思重載車不爲再實木以茲保初終何  
憂易傾覆吾願讀書人休同晏子僕

顏子居陋巷簞瓢安賤貧禹稷際昏墊痼疾如在  
身窮達隨所遇事異理則均後世蓬華士伏處強  
欲伸巧闢終南徑嶽涉龍門津一旦竊官祿護惜  
如珠珍展轉得失間較量若算緡出處既兩喪遑  
言澤生民所以衣冠輩零落同埃塵

智慧秉諸性富貴錫自天人生宇宙間何者能自  
專惟有善惡念我得操其權縱之爲盜蹠斂之爲  
聖賢只此方寸地返觀恒湛然轉移在頃刻流芳  
在千年吾願學道人植德心宜堅

我聞昔人言苛政猛如虎又誦魏風篇碩鼠況貪

登懷園詩選卷一

十四

取嗟哉牧民人煌煌綰珪組乃以父母稱而爲眾  
所苦騶虞有仁心麟趾中規矩藹然太和氣千載  
如可覩君子慎所擇休與毒獸伍

門前有高樹女蘿恣攀緣弱質欣有託宛轉登其  
巔不受荆棘侵常沾雨露偏一朝風拔木老幹難  
自全歎茲寄生物委棄衢路邊何如空谷蘭無人  
長自妍譬彼古君子獨立斯稱賢

螳螂捕鳴蟬黃雀隨其後野禽伺餘糧羅罟已在  
右有福斯有禍循環若相守況夫名利場尤爲爭  
奪鼓躁進招愆尤妄取罹豐咎因賄且焚身代斲

還傷手長凜止足心殆辱夫何有

三春豔陽日桃李如雲霞斯時東籬菊出土纔萌  
芽遊人不復顧踐蹋還相加迨及嚴霜辰何處尋  
春華金精獨敷榮璀璨魁羣葩萬卉各有時遲速  
無乖差物理固如此慎勿相矜誇

庸人慕厚實志士趨顯名攘臂朝市間役役勞其  
生古來賢與哲詎獨非人情富貴不可強勸業非  
苟成縱抱匡濟略難與時命爭枉尋直尺間願子  
一權衡

飄風不終朝驟雨不終日三復老子言可知立身

登懷園詩選卷一

十五

術譬彼草木微春華秋始實氣候苟不完纍纍安  
可必寄語功名人進取休太疾早榮亦早枯易得  
還易失默識乘除機處滿須防溢

駟奔猶可追圭玷猶可磨惟有斯言發雖悔無如  
何寡辭著易象慎語聞詩歌逞茲三寸舌階厲甯  
在多流傳若金石泛溢如江河不脛偏能走無風  
還自波或貽家國累或干天地和已身且不免遑

復言其他萬當不如默此語須長哦

黃山谷云萬言萬當不如一默

花殘猶復發月缺亦再圓惟有少壯時一去如流  
泉流泉不復返綠鬢成華顛如何蒲柳姿安希松



柏年辛苦學長生入海求神仙海風颺波濤軀命  
幾不全安期與美門姓氏空留傳贈子不老藥息  
心任自然

灼灼園中花媚妍幾時好鬱鬱山上松摧殘亦匪  
少草木本無情猶然易枯槁人生血肉軀入世苦  
顛倒奔走累形骸思慮傷懷抱愛惡纏七情死喪  
嬰九惱自非金石堅一夕朱顏老願言保清虛嗜  
欲力傾掃更守方寸心得失任蒼昊脩短不可知  
卻疾以爲寶

達官齋壁間高懸釣艇圖幽人齋壁間待漏曾見

澄懷園詩選卷一

六

無可知歡樂境不在榮利途戢戢貂蟬冠燦燦麟  
虎符捫心足憂患舉足多艱虞何如衡門人不受  
名位拘身在羲皇上意與閒雲俱畢生忘寵辱隨  
地成嬉娛人皆曰予智不及愚公愚

入宮恒見妒入門恒見嫉嗟哉千萬人同此肺腑  
疾平津延眾賓董生遭屏黜衛青稱仁讓李廣膏  
斧鎖兩賢尙如斯外此何堪述井隘以爲心壘斷  
以爲術公器隻手操賢路百方窒將令宇宙間莫  
與爲儔匹願讀秦誓篇變化其氣質

黃金易銷鑠白璧生瑕疵會傷貝錦句更痛青蠅

詩周公輔孺子流言尙如斯宣尼稱至聖四謗猶  
相隨明珠與薏苡幾使功臣危賦騷與懷沙千載  
哀湘纍後世去古遠風俗日以漓手無黜陟柄肆  
口行其私褻善每不足貶惡多溢辭譏謔苟得志  
直道安所施覆盆固堪歎投杼尤可悲吾願聽言  
者入耳聊存疑

長安十萬戶烟火騰雲霄中有富豪客岑樓鬱嵒  
翼充棟盡紉綺堆案皆珉瑤朝騎白馬出蹀躞揚  
朱鑣錦衣光照塵巷陌香風飄暮歸高堂上絲竹  
宮商調吳姬與趙女顧影芙蓉嬌此樂復何極體

澄懷園詩選卷一

七

逸心彌驕但恐春華姿易逐秋霜凋一朝處儉約  
展轉將無聊何如佔畢子書卷長逍遙  
人生滿百年三萬六千場上壽安可期須知愛景  
光晨雞喔喔鳴驅馬官街旁薄暮始言歸片月下  
西廂問君何所爲寢食俱未遑躊躇不能答自慚  
還自傷立德與立功兩者無寸長姑作欺人語報  
國在文章

幽蘭生空山不採羞自衒佳士守寒窗不知羞自  
薦歎息賞音稀千古失良彥或以世道交酒食恣  
遊燕或以權門交羽翼樹聲援未知管仲心徒識



然明面譬彼驂與騶終朝就鞅鞶不遇九方皋天機安得見

坐卧斗室中經旬苦寂寞一二素心人晤言阻良約幸有百卷書身心堪寄託往事在目前古人如可作雨夕與風晨不復歎蕭索如飲得醅醪似病獲靈藥南面擁百城恐無逾此樂奈何漆園翁視之等糟粕

人生口腹需豐嗇安有常何曾食萬錢下箸猶傍徨宜聖但蔬水娛樂且無央甘脆與肥醲日久能腐腸葵菽與菰韭風味殊芬芳況彼有知物忽使軀命戕魂飛湯火時畏死情可傷在我只一飽在物關存亡擴此惻隱心爲善詎能量堪笑饕餮人藉口稱萬羊

澄懷園詩選卷一

七

澄懷園詩選卷一

澄懷園詩選卷二

桐城張廷玉硯齋

古體詩四十九首

落花歎

京國逢春春易老覓得閒花比瑤草方期娛目遣羈愁豈料看花被花惱無端怪雨與頽風落盡深紅並淺紅粉痕委地枝仍在香氣沾衣影已空藥圃蕭條綠窗晦影雲易散琉璃碎倚闌搔首發長吟美女名花同一慨

雨中雜興和堯峰韻六首

澄懷園詩選卷二

一

逐婦鳩獨居呼羣蟻偶語連朝杜礎濕釀作纏綿雨吾廬地苦卑積潦深幾許掩關未岑寂閒書當儔侶

引蔓上頽垣種瓜就閒地何妨朝市閒寓此田園意砌蟲和余吟盆魚伴余戲願學康節翁不作皺眉事

秉質若蒲柳鞅掌殊非宜公家事無補徒添霜鬢絲野性甘葵藿兼珍非所期廿年竊官祿當食慚鼎臠

槐葉如雲鋪槐花如霞下終朝坐復眠惟茲十尺

舍門徑長達蒿久無俗士駕昨來一蟬鳴爲我驅  
殘夏

玉壺冰一片能令四座寒暑窗百事廢吟興猶未  
闌尙友白與陸二老時盤桓名言獲我心臭味如  
芝蘭

別無養生方安心是良藥置身塵網中無營亦無  
著對月識盈虧看花悟榮落粗知造化機敢云孔  
顏樂

題畫

幽人結屋青雲邊畫圖髣髴窺輞川屋後奇峰高

澄懷園詩選卷二

二

插天芙蓉朵朵如爭妍中有百尺飛來泉吳門正  
練當空懸清溪如帶波洄漩蓄沙澣石珠璣圓朝  
朝洗耳聞潺湲門前十畝秔稻田東阡西陌蛛絲  
聯青蓑黃犢來翩翩宅傍籬落三徑偏蔬畦卉圃  
羅香荃幾點閒花紅欲然主人卜築幾何年喬松  
合抱根連拳養成皓鶴齊人肩瓊芝瑤草環階前  
軒窗四面收嵐烟看山聽水時高眠甕有醅酒琴  
無絃風流不讓淵明賢笑我苦被塵網牽一邱一  
壑尋無緣斯圖展對空流連桃源雞犬皆神仙  
曉過玉蟬橋見荷花盛開

肩輿曉過垂楊裏襲人陣陣香風起驕陽未出露  
如珠萬朵芙蓉照秋水暫拋公事小流連短句吟  
成意惘然張翰不歸蓴菜老湖干閒殺采蓮船

午睡

短榻愛涼風位置當窗牖倦極且酣眠曲肱聊枕  
首浮雲作微陰鳴蟬集高柳須臾午夢回殘書猶  
在手稚子笑相問夢境還記否豈知乃翁心塊然  
無一有既未見周公亦未逢莊叟華胥路甚遙邯  
鄲悟已久勞人獲偃息片刻良非偶有夢如泡幻  
於余安所取

澄懷園詩選卷二

三

憶江南十八首

有序

故鄉別業昔所盤桓自入春明時勞夢想  
今夏炎威正熾公事孔殷車馬奔馳形神  
况瘁晚涼月上始得少休因仿白香山憶  
江南曲於舊所釣遊之地各賦一章令稚  
子歌於坐側藉作臥遊之具略抒羈旅之  
懷云爾

江南憶最憶六經堂白石清泉剛五畝綠楊紅杏  
繞雙塘修竹映修廊

江南憶最憶是雙溪峰頂嵐生千嶂暗墓門雲繞

萬松低銀榜自天題

江南憶最憶賜金園千疊亂峰青入座一灣流水  
碧當門卜築是君恩

江南憶最憶遠峰亭綠樹蒼藤通曲徑玉梅丹桂  
傍疎櫺風動護花鈴

江南憶最憶是修堂老桂百年留世澤叢篁千箇  
送新涼暮局日相將

江南憶最憶勺園花春到牡丹霞綉爛雪添梅藥  
玉橫斜香徑茁蘭芽

江南憶最憶蠹窗前別院柳陰籠墨沼隔簾花氣  
雜鑪烟道韞有詩篇

澄懷園詩選卷二

四

江南憶最憶倚松亭修竹萬竿臨水碧懸崖千尺  
對門青荷芰散烟汀

江南憶最憶是西郊幾處園林依石磴千株楓柏  
補山坳曾擬結香茅

江南憶最憶是西園幽徑石分蒼玉色曲池泉染  
綠苔痕數武卽城門

江南憶最憶是東皋春染亂紅花四岸雨添新綠  
水三篙橋畔繫漁舠

江南憶最憶瀑泉飛丹嶂千尋懸縞練銀河一派

瀉珠璣秋樹老成圍

叔父碧峰公築室曰秋樹堂

江南憶最憶石潭清峭壁插天雲錦色奔流終古  
雪濤聲沙路筍輿輕

帽筆泉石馬潭皆入龍眠之路

江南憶最憶是蒲居醉比陶公春漉酒樂同莊叟  
日觀魚

姚叔若築亭水  
中顏曰魚計

尤喜近吾廬

江南憶最憶勝山深一帶清流緣石壁半空飛閣  
倚雲岑華表鶴重尋

舅父耕壟公墓在焉

江南憶最憶是松湖萬頃波光明似鏡三秋秔稻  
白如珠耕釣總堪娛

江南憶最憶是桃村楊柳烟中維釣艇芙蓉花裏  
掩柴門愚谷長兒孫

澄懷園詩選卷二

五

伯父湖上翁隱居之所

江南憶最憶是浮山勝概客尋金谷寺奇觀天關  
紫霞關巖壑絕躋攀

和白香山閒居

休關羅雀門一掃旋馬地詩賡快活吟畫愛平遠  
意觀書憑善忘止酒亦成睡近得養心方不問未  
來事

盆池金魚

鬱鬱城市居耳目罕所寓當軒設盆池十斛清泉  
注雨過波影空荇藻紛無數中有金鯽魚游泳自

朝暮唼花常暗浮銜尾亦成聚也如沼沚寬天機  
盡呈露我當退食時繞廊百回步與魚相對樂不  
復求其故智哉漆園翁先我得佳趣

暑中辦公事抵暮方歸

知余懶是真偷閒苦無法游暑困公事絺衣汗沾  
洽暮歸新月上寶鏡出塵匣入門解冠佩恍如卸  
簪甲北窗清風來向我揮大筆呼童展桃笙假臥  
肢體乏方欣成蝶夢又恐熟羊腍明晨期會閒未  
往心先快

西郊寓齋看花歌

寓爲楚將軍別業將軍  
西征故子得舊居之

澄懷園詩選卷二

六

僦居西郊年復年欲求安宅無儲錢主人逐客下  
秦令坐席未晚如三遷去年賃得將軍舍別開幽  
戶離宮前屋宇無多芳徑曲軒楹欲斷迴廊連怪  
石當階點紅蘚疎籬樊圃羅香荃屋傍閒地二三  
畝交柯接葉春葩妍冶杏盈盈試微粉天桃灼灼  
含輕烟丁香百結寒雪重欒枝半吐朝霞鮮更有  
禾豐東角柳搖空千尺柔絲牽韶光爛漫人不識  
遊蜂舞蝶來翩翩喜我連朝退直早斜陽尚挂遙  
山巔解衣脫帽來樹下鋪茵坐對神怡然劒南一  
卷詩朗誦頭綱八餅茶新煎狂飈不作氣和煦天

公特假看花綠餘興且以夜繼日秉燭步月忘高  
眠胸無俗事客無擾恍如攬勝居林泉忽憶將軍  
事西討躬擐甲胄橫戈鋌小醜負嵎梗大化王師  
聲罪臨窮邊櫛風沐雨徒卒困飛芻挽粟蒼黎瘼  
皇仁枯冒無弗屆欲爲絕塞謀安全宵衣旰食  
厘念慮更勞帝胄居中權我願將軍賈餘勇迅掃  
豺虎驅鷹鷂洗兵休馬不復用闕闕振旅歌凱旋  
芳菲無恙主人返仍從花底開瓊筵鵲巢鳩據非  
我意岸上自有張融船但期四海罷征役敢因一  
已圖安便區區愚悃固若此花神鑒我看花篇

澄懷園詩選卷二

七

夏日納涼三首

日夕羣動息愛此風露涼階除淨灑掃倚樹支藜  
牀坐臥隨所適意欲超羲皇老嬾久廢書日送流  
螢光  
坐久新月上漸過槐花陰稚子解吟詩弱女能鼓  
琴苦茗當醅醪飲過還自斟塵世擾攘者誰復知  
予心  
兒童買蟋蟀懸之深樹叢薄暮眾籟寂鼓翼吟清  
風微物得所安不覺居樊籠余亦結遐想如在深  
山中

夜起納涼

炎暑夜未減入室如火展轉不成寐披衣來庭  
中明星三五點新月纖如弓茉莉留殘花絡緯  
孤蟲遙望佛前燈一盞玻璃紅萬籟此俱寂百端  
塵慮空不用求冰壺方寸來清風

九月八日出古北口

邊關九月嚴霜霏彌望早覺青林稀我來休歎佳  
景非丹楓千樹迎朝暉黃紫翠爭光輝高低絢  
爛如賜緋籃輿端坐擎簾幃飽看二月花芳菲塞  
山接雲形巖巍千巖萬壑排重圍天險斷絕孤鳥

澄懷園詩選卷二

八

飛大河西來衝漁磯奔流濺石傾珠璣山川奇特  
中原希頻年職守留京畿重陽細雨絨雙扉登高  
有願願常違江蓴籬菊空懷歸今朝出塞四牡駢  
快觀斯景情依依明晨策杖凌翠微天風落帽消  
塵機

病暑累日雨後頓瘥

連朝苦炎暑儼坐洪鑪中困憊失神智視聽如癡  
轉展轉覓良藥盧扁難爲功片雲自東來隱隱聞  
雷聲階除過猛雨四壁生清風微涼透襟袖肢體  
疑凌空塵土去障礙耳目添明聰一瞬換凡骨何

以酬蒼穹

丁未四月三姪若潭南歸爲母姚孺人稱五

十壽觴賦此爲別

客子去京華非敢輕簪紳烏私亦何迫欲作承歡  
人念彼母氏慈勁節凌霜筠自歌黃鵠篇于今三  
十春孝敬秉至性祇奉高堂親畫荻和熊丸訓子  
良苦辛淑問動朝仁計日邀恩綸璣衡指孟冬  
欣逢懸帨辰客心戀萱幃迅速驅歸輪階下綵衣  
燦門前丹詔新三公不相易此樂在天倫賢母  
膺繁祉食報固有因執手語臨岐南望馳心神

澄懷園詩選卷二

九

自題澄懷園泛舟小照

西郊侍從叨殊恩全家拜賜居名園層巒列岫  
如繚垣軟紅隔斷無羈喧花晨月夕開庭軒喬柯  
垂蔭嘉卉繁清溪曲折緣山根泛舟疑入桃花源  
昨宵雨過甘泉原新漲倒浸莓苔痕空明一鏡無  
崖垠烟光雲影相吐吞自公退食早閉門呼兒放  
艇觀潺湲柳絲拂面涼颼翻翠荷擎露如環琨多  
時容與攀芳蓀遙峰一抹斜陽昏斯景清曠超塵  
樊午橋綠野安足論畫師邂逅停輪輟爲余圖此  
深意存吾家本住江南村漁莊蟹舍長兒孫何期

載筆依天閣上林全樹容攀援鷓鴣棲託如翔鵲  
渥澤下逮犬與豚戴高履厚難爲言好留圖畫貽  
後昆

聖慈永不可諼

偶讀文衡山江南春詞而愛之率步原韻以

志故鄉之思

池塘初茁瑯玕嫩綠垂陰畫簾靜遙聞鄰曲管  
絃聲悠揚似隔銀屏影夜深月浸梨雲冷手自澆  
花汲金井霏微香氣染綃巾恍如臺榭凝芳塵  
燕歸忙鳩喚急小雨侵衣欲霑濕九十韶光遞相

澄懷園詩選卷二

十

及萬點飛花暮天碧吾儂生長桑麻邑結伴攜筐  
桑下立更有舟如一葉萍隨風來去無塵營

顧渚名芽烹紫筍佳時留客春窗靜千樹林中麴  
蘖香百花叢裡鞦韆影衿衣不覺春風冷攀花更  
傍梧桐井遇仙休覓辟塵巾此間本自無纖塵

柳眠遲絮飛急花底開筵紅雨濕逝波已遠追無  
及眼前依舊春流碧久客懷歸夢鄉邑遙睇江雲  
空佇立人生聚散如飄萍委心任運何多營

夏日澄懷園看花歌 有序

余於花中最愛蓮與蘭京師致此殊不易

徒勞夢想耳澄懷園中居室五楹軒豁爽  
塏北戶臨清池一曲前人種蓮其中至今  
歲開花始極盛翠蓋紅衣爛如雲錦適有  
友朋數人以建蘭見貽遂得十數本羅列  
南廊與菡萏相望薄暮退直攤書啜茗於  
眾芳之間白香山池上篇有云皆吾所好  
盡在吾前亦二十年來未有之清况也因  
作歌以紀之

澄懷園詩選卷二

十一

生平愛看花尤愛蘭與蓮廿載客京國苦結紅塵  
緣華峰楚晚姿魂夢徒相牽一自承恩住郊墅  
蕉窗蘿徑供遊處夏木千章垂蔭濃赤日行天不  
知暑昔年種藕水中央今年荷芰滿池塘珠簾高  
捲北牖啟碧波倒浸雲霞光更喜良朋多厚意殷  
勤移得秋蘭至羅列前楹十數叢紫莖綠葉饒佳  
致蓮有君子德蘭爲王者香京師偶見卽爲幸何  
期四顧皆琳瑯玉骨輕盈濯仙露綃衣燦爛迎朝  
陽風過如鑪藝沉水月出似鏡窺明粧天生百卉  
皆可悅惟蘭與蓮更高潔蘭不因人而自芳蓮今  
可望不可褻我今徙倚萬花中與花臭味差相同  
我固愛花冲素品花應許我清淨衷把酒看花向

花語世閒萬物各有主看花不是種花人一曲歌  
成視天宇

題二姪若霈遺照

仲姪瑚璉姿忠孝秉至性行已與服官一一稟聰  
訓早歲登賢書致身志愈奮筮仕始睦州循聲徹  
宸聽入謁明光宮出守蒼梧郡冰雪勵廉隅陽  
和敷惠令賢哉二千石 御屏紀名姓 今皇嗣  
大統觀察頌 新命丙午仲冬月輶車來入覲

溫語疊褒嘉寵賚逾常分歸裝指粵西不憚霜風  
勁二豎忽爲災遂至膏肓病伏枕謝 君親酬恩

澄懷園詩選卷一

七

願未竟奏章馳闕下 天心嗟悼甚歎茲經濟才  
不獲展底蘊柏臺司臬尊頭銜特追贈更 敕守  
土官經營護歸櫬粵民感治化廟祠申愛敬至今  
桂江畔甘棠競謠詠浮生若朝露百年同一瞬如  
爾曾幾人千載垂令聞獨憐遺藐孤學語齒未齟  
賴有內助人溫恭兼淑慎俯育殫劬勞仰事代溫  
清集蓼與茹荼辛勤總家政譬彼網在綱有條而  
不紊女也德蘭馨壻也材玉潤繼志且承歡子職  
以身任仍如磊磊軒姪官署有軒一門氣和順昨余  
得請歸急踏龍眠徑酌酒撫黃腸涕泗不可拭今

復披此圖韶華映青髻子女環階前彷彿謝庭盛  
老眼淚模糊恍如夢中認濡毫寫長句含悲意難  
罄稚子日以長質美堪陶瑩善人後必昌斯理固  
可信好藏老夫篇將來補家乘

送姚堉孔振 假歸省親

聞汝欲歸心預愁見汝將歸心轉喜愁者何爲喜  
何事兩端並集良有以繫子老拙荷 恩深朝朝  
侍直明光裏戴星早出夕未返家政琴如絲未理  
賴有東床玉潤人巨細爲子悉經紀汝今又欲將  
母還子懷輾轉誰親委憶子昨歲旋故鄉高堂健

澄懷園詩選卷一

七

飯膺繁祉看花北墅坐籃輿翦燭西窗浮綠蟻寄  
語京華遊子知好勤館職攻文史乘時抒我報  
恩心養志承歡端在此我年雖老尙未衰慎勿陳  
情向金匱汝聞此語含淚言我母年將八十矣瞻  
雲遠隔路千盤傳信惟憑書一紙身無雙翼奮飛  
遲有夢終宵隨杖履鶴髮叮嚀詎敢違烏私迫切  
何能已我聞汝語心惻然感汝此情同齧指不忍  
相留且勸歸明日封章奏  
天子應占上請假例由翰林院移文吏部今晨車雨已在郊  
雪晴不見纖塵起約略郵亭一月程停驂便是粉

榆里意外佳兒得請歸翻笑門閭未曾倚捧持春  
酒進霞觴裁翦春衫展文綺孔張殿試時曾幼子成  
名拜老親人開景福疇能比我思家慶喜欲狂神  
馳已渡黃河水臨岐草此送行篇並把衷腸告吾  
姊

閏四月十五夜月色甚皎獨坐秋水軒靜對

良久連啜苦茗悠然有得遂成二篇

吾園曠且幽佳景可攬擷憑欄愛良夜況此清和  
節蟾魄自東升晶輝滿林樾徐徐渡溪水水月兩  
澄澈天如玻璃鍾放翁倒映冰壺潔此時萬籟寂

澄懷園詩選卷一

十四

四顧人踪滅悠然有會心無處著言說先儒不我  
欺靜觀方自得世閒劇談人未必知看月  
小戶不能飲室內罇空設笑我賞月具頗與世人  
別呼童汲瀦泉滌鑑烹雀舌玉髓氣芳芬瓊乳味  
甘冽一啜肺腑和再啜心神潔換骨且輕身陶弘景  
品茶語  
陶公非臆說余懷無塵滓冰輪更瑩澈久坐忘漏  
永俯仰兩清絕世閒豪飲人未必知看月

澄懷園詩選卷二終

澄懷園詩選卷三

桐城張廷玉硯齋

近體詩一百十三首

甲戌夏日五畝園閒居六首

荒園近與敝居連疊石閒池愛地偏弱柳宜晴更  
宜雨新荷如蓋復如錢藤蘿繞砌牽衣住卷帙堆  
牀當枕眠檢點舊詩常自愧未能參透小乘禪  
碧紗如水浸窗櫺裊裊茶烟一縷清坐久鳥聲時  
聚散日長天色屢陰晴籬花半護風初落徑草頻  
芟雨又生昨把新詩書碧笋長成修竹字分明

澄懷園詩選卷三

一

柳榭花亭四面虛橫塘波影動游魚貪涼起早完  
朝課畏熱經旬罷夜書偶觸遙情人去久每思閒  
話客來疏臨風莫笑多吟興聊把新篇慰索居  
竹裏雙扉鎮日關幽棲詎必離人寰舊巢儘可容  
新燕近樹何嘗礙遠山藥檻花籬園數畝風簾冰  
簾屋三閒移牀遠客皆多事久與紅塵斷往還  
莎徑蔬畦絕點埃尋芳蛺蝶去還來海棠有約迎  
秋綻茉莉多情待月開兩雨幽禽銜蠹果亭野  
鶴立新苔護花不設青油幕一片濃陰幾樹槐  
待月階除夜漏深微涼徐透薜蘿襟花枝繪壁倪



迂畫竹葉吟風蔡琰琴斷續有光螢照水寂寥無  
伴鳥棲林哦詩頗覺遲眠好暫卷匡牀綠綺衾

山行

蘿徑層層入翠微尋幽偶訪白雲扉預防險路攜  
輕杖怕礙閒花著短衣怪石肖形疑虎臥老松蟠  
勢作龍飛興闌欲共兒童返牛背斜陽一笛歸

鳳陽道中

鳳凰山下柳如烟指點濠梁憶往年策馬有人爭  
渡水觀魚無客解臨淵居民尙舉蒙莊祀才士還  
吟短李篇只有功勳易銷歇斷碑零落夕陽邊

澄懷園詩選卷三

二

廬州道中

一夜輕寒小雨滋芳郊晴霽著鞭時曉雲半露蒼  
閣岫春水初生孝肅祠桑樹根邊牛臥穩菜花香  
裏蝶飛遲東皇如待南歸客留得殘紅三兩枝

初春入龍眠山

山橋三板接平沙十里龍眠探物華日薄淡烟團  
竹色天晴殘雪讓梅花長隄帶水樵歌遠老樹當  
門鳥語諱寄信城中枯坐客尋春須到野人家

過田家二首

雞唱不離桑樹犬聲偶出柴籬婦插山花壓簷翁

扶蜀杖齊眉

巒岫晚雲欲散陂塘一雨初過罷榼香侵客袖枯  
棹聲和農歌

晚秋對月和三姊

靜掩蒙莊宅閒登謝朓樓月華三徑合花影一簾  
收氣冷蟲吟細宵深酒力柔數聲寒鴈過北望動  
離愁

端午前一日同人小集和韻

雅集欣逢夏淺時鋪茵同傍綠槐枝杯浮竹葉頻  
催酒袖出花箋各有詩蒲劍高懸難免俗楸枰多

澄懷園詩選卷三

三

算勿嫌遲好將薄暮流連意說與林梢夕照知

夏日篤素堂閒居四首

賜廬人事少門掩禁城中庭樹攢新綠盆花試小  
紅茶鐺深院落香篆暮房櫳滿眼風塵客清歡孰  
與同

僻地縑塵少虛窗綠蔭遮朱櫻筠籠果紅藥膽鉗  
花冒雨扶藤架留泉試茗芽此中堪閉戶不必問  
幽遐

未展琉璃榻聊枝薜荔帷樹搖新月散琴度晚風  
遲鳥宿燈昏後蟲吟露下時不眠情亦適白傅未

應知

但有琴書趣都無鼓笛譁階除多曬藥門巷少停車  
燕築東西墨蜂排早晚衙閒中觀物理聊當讀  
南華

秋陰

鎮日重雲護板扉秋寒容易透秋衣數聲風葉靜  
時落一片雨絲晴後飛瓜蔓影中蟲獨語夢花深  
處燕雙歸槐陰一枕還鄉夢雲樹蒼茫認釣磯

南歸雜詩十首

京國承顏久南轅此渡河驪歌愁緒重鶴髮淚痕

澄懷園詩選卷三

四

多客路瞻楓柏親心繫薜蘿乞休曾未允歸計又  
蹉跎

風吹林瑟瑟霜染草斑斑客共晨雞起人同社燕

還夢中雙鳳闕望裏二龍山空有登樓興難如杜

牧閒

放翁詩江南寺樓堪倚安得身如杜牧閒

問渡招舟子征車憩驛亭繞村秋水白出樹晚烟

青棗熟從人摘禾荒任馬停汲泉聊解渴寒玉瀉

銅鉞

野店臨門坐無聊且放歌青帘邀馬駐紅袖跨驢

過支榻依牆穩題詩污壁多相逢頻問訊前路近

如何

同頭常北望開眼卽南征殘卷隨身便輕車載夢  
行馬羸先客倦雞冷過時鳴子西風裏悲秋感  
易生

殘月映芙蓉青青無數峰城遙先見塔樹密但聞

鐘縮地心先到登程意早慵濕衣渾似雨侵曉露

華濃

路出荆山口村墟傍釣磯魚蝦供客饌鷓鴣近人

飛貼水荒烟合呼風小艇歸望中沽酒處疏樹露

松扉

澄懷園詩選卷三

五

策馬問前程荒郊向晚行夕陽天半落新月水中

生廟露張燈影村間轉磴聲多情憐野老候客啟

柴荆

客過荒城外寒風送小車藤垂當路果蔓引野田

瓜迂道嫌秋水占晴愛晚霞前村投宿處繞樹有

歸鴉

漸近故鄉路郵亭次第過口荒逢歲歉楓老得霜

多歸夢頻驚枕輕裝易渡河書生行役慣辛苦念

青驛

冬日同諸昆弟過東皋

近從谷口問山家  
鸚鵡邀人解喚茶  
新甕乍開浮竹葉  
小窗初鑿對梅花  
鑑因地暖休添火  
池待冰消好泛槎  
共羨西堂詩思好  
祇緣魂夢在烟霞

春日賜金閨閒居卽事八首

暗香疏影詠梅花  
最愛孤山處士家  
香雪草堂三十樹  
臨池一樹恰橫斜

臨風楊柳絲絲碧  
帶露櫻桃灼灼紅  
白傅風流全占取  
小蠻樊素倚簾櫳

短籬疏竹護春葩  
學圃齋南一徑斜  
微雨乍收簾半捲  
紅潮初暈海棠花

澄懷閣詩選卷三

六

宿雨初晴薄霧消  
臨溪無數亂紅飄  
尋詩何處經行好  
鹿眼籬邊鴈齒橋

溪流曲曲繞柴門  
石作屏風樹作垣  
每與野人臨水坐  
梅花香裏話君恩

斑斕石色朝昏變  
雜遝泉聲遠近聞  
尤喜鄰峰松萬樹  
寒濤成雨影成雲

看山臨水久徘徊  
莫道無人與共陪  
一帶清溪垂柳岸  
黃鶯纔去白鷗來

山村相望隔平川  
一幅林巒畫宛然  
此是桃源眞面目  
桑麻雞犬竹籬邊

過村莊

春光引我過山溪  
茅舍初聽日午雞  
欲訪前村迷舊路  
野花開徧屋東西

巢縣道中

原野愛閒曠  
籃輿此暫停  
岫雲含雨黑  
湖草接天青  
遠渚揚帆疾  
疏籬挂網腥  
春深農事起  
茅屋畫常局

含山道中

垂柳長堤攬轡過  
夏初節氣愛清和  
野田缺處水聲細  
村市近時人語多  
餉婦攜筐遮客路  
牧童吹

澄懷閣詩選卷三

七

笛和樵歌山城滿  
眼農桑事我欲相從  
理短蓑

五畝園種竹

履道坊前白傅居  
雙塘碧水近階除  
鷗波亭子經營好  
做吳興乞竹書

春日閒居四詠和三姊

小院殘春

端居隨分領韶華  
暖翠晴嵐護碧紗  
深院日長人鬪草  
小池風細柳飛花  
織成新綠鶯梭疾  
裁出殘紅燕翦斜  
我欲餞春修故事  
一杯濃點雨前茶

高樓明月

春宵風景最娟妍  
尤喜登樓得月先  
近似曉霜鋪大地  
遠如秋水浸長天  
梨花院落寒無影  
楊柳池塘薄有烟  
何必夜遊還秉燭  
聽吹斜笛廢高眠

荒齋夜雨

東風吹雨過西鄰  
門掩藤蘿絕點塵  
剪燭偶同閒話客  
惜花深惱未眠人  
空階斷續和殘漏  
小院淒涼送暮春  
料得明朝窗外笋  
掀泥又見一番新

鄰寺曉鐘

擊鼓城頭罷五更  
霜鐘又聽隔牆聲  
悠揚恰共雞鳴早  
飄渺遙同鶴唳清  
長樂宮中天欲曙  
寒山寺裏月微明  
謝他喚醒黃梁夢  
歎息浮名誤此生

登懷園詩選卷三

八

五畝園中客

五畝園中客閒情  
寄藥欄吹香收粉籜  
和露摘紅蘭夢境  
追尋易琴聲緩取難  
經旬迎送少高挂竹  
皮冠

五畝園閒步

微雨初過碧蘚滋  
閒花引客步遲遲  
蘭芽茁土如琴軫  
梅幹臨波似鰣枝  
燕啄香泥增舊壘  
鶴窺清影立新池  
垂竿不到南塘岸  
正是圓荷貼水時

圓通社夜坐

禪榻徜徉夜向闌  
晚香清磬伴蒲團  
簾疏月射玲瓏影  
衣薄風生料峭寒  
汲水欲將心垢洗  
持書還就佛燈看  
笑余不假遊仙枕  
悟到邯鄲夢醒難

宿練潭

茅檐無計避炎威  
散髮披襟敞夕扉  
病犬遙看燈火吠  
小螢低貼水田飛  
村翁拋杖迎涼臥  
鄰女簪花帶月歸  
比歲湖鄉苦秋潦  
夜潮今又上漁磯

題畫二首

柳色遙連山色水  
光直接天光黃犢耕  
殘細雨白鷗飛破斜陽

登懷園詩選卷三

九

碧澗一灣流水蒼  
崖百尺垂藤楊柳深  
藏釣艇桃花亂落漁  
罾

過松湖田家

小雨初晴節氣和  
松棚茅舍偶經過  
門臨水碓春新穀  
潮落秋田種晚禾  
綠柳陰中驅犢路  
白蘋深處捕魚歌  
耦耕不少湖干地  
難得將身隱薜蘿

野望

亭皋風細酒旗懸  
獨立平沙傍釣船  
碧水盡頭飛白鷺  
綠楊深處見紅蓮  
逢秋喜足千村雨  
當午新炊一縷烟  
歸向北窗高臥穩  
夢魂猶繞岫雲邊

題畫

未罷山窗一局棋  
人閒已是爛柯時  
碧梧清影紅  
葉色  
秋雨風總不知

山中夜坐

屋角宵深斗柄斜  
坐臨曲沼聽鳴蛙  
微風訪客頻  
敲竹  
新月催詩漸上花  
遠渚夜漁明炬火  
隔籬鄰女響  
繰車山泉甘勝村醪味  
啜盡盧仝七椀茶

偶過片野二首

司馬園林屋數椽  
閒情選勝憶當年  
莫因亭沼傷  
零落  
奇石名花尙宛然

澄懷園詩選卷三

十

烹茶待客剪疏蒿  
多謝園丁汲水勞  
坐久都忘秋  
氣冷  
桂花飄落石牀高

悼亡詩二十首 有序

內人姚氏爲大司寇端恪公第五女也自  
戊辰冬月歸於予迄今十二年秉性孝順  
端莊而淑於家教一舉一動悉遵禮法尤  
嗜讀書能持大體曉大義識見言論絕不  
類婦人女子奉兩大人命總理家事克勤  
克儉不動聲色而措置帖然閨門之內肅  
然以敬雍然以和族黨閒咸取則焉今已

卯三月以疾歿予顛倒恍惚如失左右手  
心酸腸斷雙淚欲枯回憶生平淒然如昨  
隨所感觸得絕句若干首涕泗之餘語無  
倫次不暇計工拙矣

也學安仁賦悼亡一回捉筆一沾裳  
壹儀閨範書  
難盡安得蠻箋百尺長

高堂遠宦惜分攜  
翹首燕雲望欲迷  
盟手作羹空  
抱願芳魂應繞鳳城西

當春愁汝病支離  
藥裏封題怕到遲  
今日人亡仙  
草在九原猶是受恩時

澄懷園詩選卷三

十一

萱幃遲暮易生悲  
病裏承歡強自持  
垂死向人還  
囑付沈疴休令老親知

甯徒閨秀與林風  
十載家庭號女宗  
巾幗偏能通  
大義雍和常在一門中

擇婿眞因愛女情  
當時設坐爲延明  
與君愛翫期  
偕老二十年間隔死生

把卷耽吟樛木篇  
感君雅志自年年  
拔釵沽酒猶  
佳話況罄金鈿作聘錢

南園花擬及時開  
病裏關心問幾回  
桃葉渡頭消  
息遠夢魂先已涉江來

蘭蕙摧殘世共悲，計音難報阿兄知。  
可鄰剪紙招魂夜，猶是燎鬚煮藥時。  
內兄魯齋先生遺人恩問不絕於道與醫家商討方藥備極苦心既歿之後計音不敢徑達慮其驚悸悲傷也

幾載文園病未除，寒暄朝暮總憐予。  
何當萬念成灰日，猶自頻頻問起居。

窗裏研朱喜勘碑，簪花筆格舊風流。  
銘椒賦菊難重見，悔殺從前稿不留。

冰絲玉軫委空房，歎息人琴竟共亡。  
自失鍾期絃已絕，何心重鼓鳳求凰。

內人從子學琴善平沙落雁客窗夜話鳳求凰三操

瘦影何曾離鏡奩，時親鍼帖與書籤。  
春風深院無人到，偶爲看花一捲簾。

澄懷園詩選卷三

十三

人到偶爲看花一捲簾

內言不出見君賢，圍解羞同謝女傳。  
深識如簧非婦德，何須重賦白圭篇。

內人生平勸默寡言笑歿後檢得指環上鐫慎言二字

躬薦明禋十二年，蘋蘩芳潔寸心虔。  
皮衣留畫雉人何在，入廟難禁淚泫然。

戒旦思予獲令譽，爲渠靜好惜三餘。  
十年風雨西窗夜，一盞青燈伴讀書。

愁裏何知春色繁，惟將雙淚度朝昏。  
千絲萬縷青

青柳道是生離已斷魂

任意春陰滿綠苔，朱樓金鎖忍重開。  
衣香簾影猶

腸斷何況溫家玉鏡臺

紙錢灰細晚風吹，人去空堂素幕垂。  
此境百年終不免，不期難到白頭時。

自怨自憐還自悼，如醒如夢復如疑。  
家人相勸無多哭，渾未思予不哭時。

哭亡婦殯所二首

難從慙劫問前因，只是飄風吹一塵。  
山上棠梨花下土，可憐完汝半生人。

彩鸞高舉劇堪哀，隻鴈衝風亦不回。  
靈几相望魂有伴，小郎可聽講經來。

四弟辛京師亦殯於此

澄懷園詩選卷三

十三

夏日山居卽事十二首

漸滿蒼苔沒釣磯，長成新筍過齋扉。  
山中節候由來準，落盡桐花換葛衣。

西疇過雨水痕新，黃鶯青蕞約比鄰。  
我住深山少朋侶，素居人羨耦耕人。

偶攀石磴越山椒，徑路逶迤不覺遙。  
密樹叢中高唱起始知隔嶠，有歸樵。

片雲挾雨雨初晴，沙路無泥步履輕。  
邂逅溪邊逢釣叟，被渠勾引羨魚情。

水風拂面坐柴門，纖月如弓挂遠村。  
別有山家供

客具螢燈蛙鼓度黃昏

池沼真如玉雪清思將一櫂擊空明小軒臨水如

花觴只少西巖款乃聲

水際朝煙淡欲無菱荷承露倩風扶山窗富麗應

無比翡翠盤中萬顆珠

枳籬茅舍近相望偶過鄰園憩晚涼野老向人誇

韻事豆花香勝蕙蘭香

纔看宿鷺起前岑又見飛鴉集晚林我渡溪橋雲

出岫悠然相對兩無心

千峰嵐翠色爛斑忽擁濃雲頃刻閒共道雨師工

澄懷園詩選卷三

十四

潑墨一時齊變米家山

洞口山腰駐落暉樵蘇溪路過人稀比鄰鐘響笛

聲杳牧豎未歸僧已歸

八尺風漪近北窗何曾有意傲羲皇清晨晏起宵

眠早消盡山中夏日長

中元哭亡婦殯所二首

白楊蕭瑟起荒烟獨撫黃腸思黯然無物寄君君

鑒否酒和清淚滴重泉

荒郊勞我闢榛菅化鶴何年始得還秋水爲神山

作黛圖君遺照在人間

雜感詩六首

茉莉

小蘂含香近碧紗雕瓊鏤玉本無瑕憶他晚向斜

陽立細數枝頭欲放花

秋海棠

秋花還傍藥欄生霧鬢雲鬟舊日情清淚每隨紅

粉墮何人先畧斷腸名

池蓮

紅衣翠袖影交加曾護雙鴛宿水涯此日天公偏

解事不教開出並頭花

澄懷園詩選卷三

十五

葡萄

竹架花牆引蔓稠冰丸顆顆墜枝頭秋風深院金

鈴寂一任山禽啄不休

桂

瓊樓人去歎離居愁見當窗桂萼舒猶記香飄金

粟夜一簾明月共攤書

孤鶴

海山儔侶悵先歸盡日長鳴和者稀知爾不離池

水意愛同清影一雙飛

讀淮陰侯傳有作二首

依舊淮陰胯下身囊沙奪幟智如神可知知已由  
來少漂母膝公只兩人

藻鑑偏生巾幗中早於困阨識英雄蒯生善相徒  
虛語相背分明誤乃公

送四叔父謁選入都四首

樽酒紅亭惜別情絲絲春柳拂雙旌東山此出知  
難免獨少提攜謝遏行

武昌清節稱懸魚漢上鏡碑紀令譽肯信萊公製  
花蠟多年帷垢不湔除

生平不屑買山資仕路賢勞久自知辛苦功名升

澄懷園詩選卷三

六

斗祿最難人說合時宜

草長西堂春夢賒燈前把臂忘天涯相煩寄報兒  
曹事課讀書餘課種花

題畫二首

看雲獨過碧溪灣野客心如白鷺閒多謝天公費

勾染晚烟疏樹夕陽山

不施鉛鼎鍊丹砂但置風鐺試乳茶童子拾薪歸  
未得籬邊獨鶴守殘花

戲詠草帽和友人

愛此田家物編蒲巧作成未諳桑葉制堪借竹皮

名問禮冠同重當風笠比輕插花聊自適弁冕久  
忘情

落葉

落葉下林杪蕭然秋氣清霜摧如籜解風捲與階  
平盡露蟾蜍影深藏蟋蟀聲哀蟬同奏曲淒絕悼  
亡情

夜坐聞鄰舍歌聲

香消燈炮罷吟哦誰倚筵篴宛轉歌莫羨繞梁音  
不絕須知假食有韓娥

題畫

澄懷園詩選卷三

七

路入溪灣第幾重一雙芒屨一枝筇眼前何物供  
詩料雲在山腰雪在松

偶感

風雨門閒鳥不譁藥鑪茶竈是生涯頤疴體似三  
眠柳傷往心如百結花夢境不堪尋蟻穴宦情無  
奈對蜂衙知音一自鍾期歿時姚別峯卒於錢塘幾度援琴惱

伯牙

澄懷園詩選卷三



澄懷園詩選卷四

桐城張廷玉硯

近體詩一百十二首

庚辰秋日篤素堂閒居卽事四首

蕭蕭涼候至隨分領秋光  
瓜蔓綠垂地蓼花紅過  
墻斜風催去燕細雨泣寒蟬  
望遠伊人在高吟白露  
露草

坐待烹茶熟穿林翦翦風  
日沉鴉陣外秋老鴈聲  
中榮落看籬槿炎涼問井  
桐老親鄉思切頻話五  
湖東

澄懷園詩選卷四

一

曉色催歸鳥空庭戶早  
局身閒惟夢蝶性懶不  
囊螢寶篆香侵硯寒花  
影在屏窺人秋月好款  
款下疎櫺

經旬謝塵事氣爽愛秋  
清靜展雙鈎帖閒敲兩  
耳鎗減餐知晝短添絮  
覺衣輕喜接江鄉信年  
豐百穀成

寒夜

深坐全忘玉漏催閉門  
且與護盆梅燈依書幌  
光難定硯近香鑪凍漸  
開最惱暗風排闥入靜  
聽殘葉過墻來澆寒小  
戶無良法茗盃權教當  
酒杯

馬上見移竹二首

遙憶故園新荀茁琅玕  
千箇隔江雲紅塵熱客  
多如許勁節清風見此  
君

淇水湘潭碧玉姿含烟  
含雨厠來遲殷勤載向  
宮槐陌已過江南竹醉  
時

雨後祖園荷亭雅集二首

負郭園林絕點埃偶容  
蠟屐破蒼苔攜樽預訂  
看花約避暑偏宜冒雨  
來岸柳翠含珠露滴水  
芝香抱石闌開勝遊喜  
遇滄洲筆一幅生綃任  
取裁

顧生在座擬繪雅集圖

澄懷園詩選卷四

二

虛亭四面景無邊竹架  
藤陰斷復連雲氣遠生  
青嶂雨花光濃映碧溪  
烟離城逸興同飛鳥倚  
樹微吟歇暮蟬更擬深  
秋水水闊雙橈還泛采  
菱船

壬午二月隨侍兩大人  
南歸將入江南境口

占二首

隔河山翠點晴嵐薄  
薄朝烟柳半含怪底老  
親顏色喜計程明日是  
江南

高捲車帷四望賒仲春  
春色在山家他年記取  
南歸日路到黃河見杏  
花

過韓莊閘

村落烟消見遠空人家門對水流東鳥聲雜遯荒  
原樹馬尾蕭疎古渡風漸沒燒痕春草綠倒翻波  
影夕陽紅輭塵遮斷江南路何意仙源一櫂通

隨侍兩大人南歸抵里之次日哭亡婦殯所

四首

三度春風別故園歸來潘岳最銷魂錦衣空耀鄉  
人口雙袖斑斑總淚痕

恩容元老乞閒身雙佛堂前鶴髮新視膳惟余心  
最苦不堪回憶作羹人

望廬入室總堪哀浮世紛華萬念灰造物若容人

澄懷園詩選卷四

三

部署鳳池寧換鹿門來

棠梨花發水初生愁絕空山杜宇聲手翦紙錢親

寄與客歸猶喜及清明

拜辭兩大人入都

班馬蕭蕭別故林白雲回望碧山岑王程冉冉將

三月

蒙恩給送  
親假三月

子舍依依有寸心遠去敢忘庭訓

切暫歸尤覺

主恩深叮嚀弱弟無多語日盼南鴻報好音

出門

魯肅河邊樹影稠又從官路聽鳴騶眼前邱壑難

輕別意外鄉園得小留楊柳旗亭遊子跡桃花潭  
水故人愁皖山春色濃如許慚愧奚囊總未收出都時館師韓慕廬先生贈詩  
有小奚囊貶皖山春之句

夏夜

階除過微雨爽氣解炎威習習風梳鬢溶溶月澆  
衣螢輕避紈扇蚊巧入羅幃何處濃香發初開茉莉肥

詠盆中紅榴

尺地種天葩移從阿母家實稀矜碩果色豔勝秋  
花盤欲雕紅玉囊宜翦絳紗武陵休早獻留取飽

澄懷園詩選卷四

四

霜華

與夏景文姚卿如家文璽閒話

冰簷都居厨願中偶過燕市歎飄蓬人間自有終  
南徑我輩常觀塞上翁涉世易令雙鬢改論交難  
得寸心同吹竽鼓瑟從吾素相對休嗟拙與工

欲雪同景文卿如文璽賦

西風颯颯過庭軒鑪火頻添未覺溫老樹拂檐冰  
瓦墮重雲釀雪紙窗昏嚴寒可奈朝攤卷清福無  
如晝掩門擬解金龜沽濁酒共看天際柳花繁

癸未上元夜禁城步月

春風良夜彩雲生人在香塵隊裏行火樹銀花光  
萬丈鈿車寶馬月三更紅燈照徹龍樓影碧落歡  
騰羯鼓聲漫向神仙問消息虹橋如渡廣陵城

十六夜再步月

承恩家在鳳城西蹋盡長虹百尺隄紫禁夜深金  
鑰啟碧天雲淨玉繩低牆闌火樹流蟾影袖拂香  
塵送馬蹏頗愛兒童行樂慣向人如唱白銅鞮

三月十八日恭聽 恩詔感憶亡婦

芙蓉闕下聽 恩綸傷往偏教暗愴神十載壺儀  
百年恨五花官詔九泉人鵬飛期我搏風遠雞唱

澄懷園詩選卷四

五

思君戒旦頻此日泥金荷 天語殯宮荒草再生  
春

病後閒居答汪東山

懶慢情懷與世疎養痾聊且賦閒居貪眠豈望吞  
丹篆廢飲何妨讀漢書敢說饑腸同曼倩自知渴  
疾異相如敲門忽枉良朋札三復新篇謝起予

夏日閒居二首

賜廬疑傍碧霞城市遠都無雜遝聲遮戶日移槐  
影密打窗風落棗花輕閒翻舊稿詩頻改倦枕殘  
書夢屢成占斷人間清靜 登瀛曾說勝公卿

綠上層階草未除好風長日意蕭疎青絲倒挂看  
蟲墜斗室平分讓燕居最愛買冰堆玉盃不須沽  
酒換金魚昨朝移得秋蘭至澆灌頻翻種植書

納涼

雷轟電掣雨初晴畏熱還教去短檠高捲珠簾邀  
月入預鋪冰簟待風生關心事到閒官少信口詩  
從假寐成不是隔花宮漏近幾忘身在鳳凰城

無營

門可張羅罷送迎澹然心地本無營言貧頗似欺  
人語安分非辭巧宦名白晝全憑書卷過黃粱不

澄懷園詩選卷四

六

遣夢魂驚惟期故國雙魚便慰此瞻雲遠道情

用前韻答汪東山

時東山請假將歸

楓落吳江一櫂迎汪倫歸計預經營君耽洛水閒  
居賦我占金門大隱名堪歎求榮人共熱一聞辭  
祿眾皆驚去留各有

君親事相對無言解此情

秋日閒居卽事四首

律應清商大火流輕寒早覺上簾鉤梧桐一墮霜  
前葉砧杵雙敲月下秋伴客苦吟添蟋蟀有人獨  
處羨牽牛小軒頗占江鄉景紅蓼黃葵影漸稠

掃除三徑坐南榮。剝棗烹葵逸客情。巢燕也能知  
節序。庭槐亦解作秋聲。風來蟲語寒偏壯。雨過螢  
光濕更明。高詠浣花詩句好。近時心跡喜雙清。  
上林高樹對門斜。時聽朝鶯與暮鴉。郡守遠貽金  
蠟面。程梅齋新寄茶餅園官新贈玉簪花。懷人每賦三秋句。  
送客頻登八月槎。故國尊鱸知正美。莫將輕向世  
間誇。

去來惟有蝶雙雙。羅雀門庭鮮吠龍。蕉葉似雲鋪  
小徑。篆烟如霧繞閒窗。看花自愛蘭爲佩。啜茗何  
勞玉作缸。澤國芙蓉消息遠。夢魂昨已涉秋江。

澄懷園詩選卷四

七

題汪東山歸帆圖卽送其南歸三首

畫船穩泛急流中。霜葉如花向客紅。我有扁舟楊  
柳下。較君只欠一帆風。余有桃花流水圖故及之

目送歸鴻早向南。索居情緒幾曾諳。請看蘆荻三

千路。便是桃花百尺潭。

最愛南陔樂有餘。承顏日日侍舟車。還家好趁秋

風便卸卻蒲帆奉板輿。

中秋對月小飲

碧天如洗鏡光浮。四壁蟲吟小院幽。但有青樽同  
紫蟹。休言玉宇與瓊樓。元規興好偏逢月。宋玉情

多早怯秋南去。鴈鴻聲噤噤低回。難遣別離愁。

和汪東山寄懷原韻四首

伊人高致愛投閒。新得抽身塵網間。深入桃源不  
回顧。但教雙鯉寄書還。

汪倫十畝賦閒閒。我在車塵馬跡間。吟罷新詩還  
自笑。不聞張翰羨人還。

殘冬偶得閉門閒。戢影蝸牛屋一閒。憶爾尋梅破  
山路。滿天風雪放舟還。

詩補南陔意自閒。板輿長奉翠微間。逍遙便是神  
仙侶。漫向三山問九還。

澄懷園詩選卷四

八

隨班入直南書房恭紀

宮禁深嚴入直時。垂紳簪筆步遲遲。樓前晴雪消  
金掌。殿裏天香度玉墀。日色近看移樹影。漏聲遙  
聽隔花枝。老親廿載追趨地。溫室於今到始知。

盆中蠟梅開花數朵。因憶一遇齋前二十樹。

口占二首

凍蘂稀疎老幹斜。辟寒深與護窗紗。遙知一遇齋  
前樹。晴日烘開萬朶花。

交柯接葉影參差。猶記風恬雪霽時。香霧滿園曾  
不覺。於今珍重雨三枝。

除夕檢閱一年所作詩得百首戲題二絕

冷官難與俗爲緣書卷叢中歷歲年未必用心如  
賈島休將酒脯祭殘篇

興來偶爾事操觚猶喜吟成未斷鬚他日若逢裴  
相國百篇能易一縑無

春雪 甲中

疑是瓊樓乍啟時朝來玉屑滿幽墀迎風似柳飛  
絲早著樹如花破凍遲常共輕冰消碧瓦更同寒  
水泛清池空庭獨擁王恭筆不待騎驢合有詩

春雨

澄懷園詩選卷四

九

一片寒雲不放晴雨絲如織曉風輕迷離曲檻花  
爭笑沾灑空階草欲生屐齒印泥微有跡檐牙滴  
溜細無聲此時最憶江南客已辦雙柑聽早鶯

盆梅二月開花頗盛三首

節近春分暖氣催春光次第到盆梅任他溫室花  
先發留得瓊枝緩緩開

吸茗焚香晝掩關看花誰復似余閒孤山庾嶺無  
邊景只在蕭然斗室間

遲遲晴日下簾櫳花氣霏微逐好風笑我經句攤  
卷處居然疎影暗香中

舊蓄白鷺小女酷愛之戲題二絕句

最憐弱女無知識日日憑欄笑語多催得乃翁臨  
晉帖他年爲汝換羣鷺

忘機鷗鷺可同傳警盜驅蛇事偶然東坡云鷺能警盜亦能驅蛇  
我廉非陳仲子養成毛羽雪霜妍

奉

命供奉南書房恭紀

箕裘弓冶不勝任又許鷦鷯託上林兩世直廬  
明主澤甘年書局老臣心山樗敢望依神茨土鼓  
偏教傍

澄懷園詩選卷四

十

帝琴慚聽六宮人盡說蘇瓊有子荷恩深

恩賜鮮魚恭紀三首

弱歲相依鳳闕居邀恩常得食嘉魚何期今日

親承賜手捧銀鱗下玉除

叨隨鵷鷺侍甘泉初割蓬池第一鮮昨夜多魚曾

入夢定知寰海兆豐年

日日裁書付錦鱗湛恩傳語白頭親喜聞眠食

都如舊好作春江把釣人時蒙恩問臣父起居

禁中聽雨二首

殿角涼生節氣和九天昨夜瀉銀河垂簾但聽瀟

滿響不辨銅壺漏幾多

碧瓦雕檐急溜傾花瓢玉砌響分明書生舊日吟  
窗下惟聽芭蕉葉上聲

直廬紀事六首

曉日瞳矓照畫檐簪裾齊集展牙籤宮中都識詞

臣入遙指南廂早下簾

直廬舊例翰林入則中使下簾退直則卷

長晝攤書萬籟清鼠鬚鳳尾任縱橫花甌午影無

勞問坐聽鐘鳴十二聲

殿上自鳴鐘十二聲為正午

賢王書法是家傳鳳翥鸞翔總自然捧向直廬光

四照墨花初染碧苔箋

登懷園詩選卷四

七

不須更慮文園渴珍果芳鮮出上闌頗似參禪空

色相露痕初瀉水晶盤

黃封親寫墨淋漓中使傳來眾不知秘閣詞臣同

啟視

聖人新製有秋詩

聞道行宮避暑餘又因秋獨鴈 鑾輿紅塵日日

馳宮使都向

慈寧問起居

題劉石渠孝廉柳浪七里間鶯圖二首

仙客高標仰碧嵩橫綃一幅振清風生平最愛鶯

聲好況在濃陰七里中

手種垂楊已十圍鳥啼花落總天機如何斗酒雙  
柑客忽夢神仙汁染衣

恩賜玻瓈缸玻瓈壺各一具恭紀

玻瓈特錫五雲端珍器人間見亦難價重連城同

趙璧文成織縷似齊紈

紈有細紋如縷

珠光映月都無迹雪

影當窗未覺寒捧出青花龍尾道旁觀爭羨水晶

盤

恩賜

御書對聯恭紀

書杜甫詩曉漏追趨青瑣闥晴窗檢點白雲篇

登懷園詩選卷四

七

瑤筐寶勝燦瑤璵喜值椒花獻歲初春帖敬承

天子筆和風先到侍臣廬毫端珠玉同圓潤壁上

雲霞任卷舒拜 賜益當勤職業曉趨青瑣暮攤

書

恩賜

御書大福字恭紀

聖皇錫福徧羣倫先許 恩輝及近臣受祉敬承

天語切擘窠驚見 御書新象同義畫千秋麗義

比箕疇九數陳銀榜高懸光四照履綬長頌太平

春

乙酉春日扈從

聖駕南巡恭賦紀恩述事詩四十首

旌旆悠揚發潞河 六龍行處總思波羣情歡躍

同禽鳥翹望天邊鷁首過

潞河

數卷圖書一葉輕 龍舟咫尺彩雲生恩波一似

春波闊鼓枻中流自在行

奉命在御舟前行

近依 仙仗荷恩偏舉首真驚尺五天朝暮御鱣

香不斷好風吹過木蘭船

每日行駐處皆與御舟甚近

珍果堆盤出尙方黃金爲寶玉爲漿路人暗識船

行處逢底風來總異香

紫賜朱橋果餌

澄懷園詩選卷四

十三

童叟迎鑾徧野田

聖人重粟語拳拳天心定與 宸心合薄海同登

大有年

詔山左迎駕居民毋得踐蹋禾麥

子舍承顏入夢頻年年蹤跡滯風塵今朝大慰晨

昏願 御舸前頭拜老親

臣父遠來迎駕相見於清江浦

黃流春漲勢汪洋幾度巡行 睿算長萬世平成

神禹績漫勞瓠子築宣房

應從開黃河

東南澤國數淮徐閭里多年困未舒

聖主豫遊恩德溥省民耕稼奠民居

上親閱河堤指示善後之策

鳳罕將臨廿四橋竹西歌吹接雲霄欲知河伯迎

樂意一夜邦溝暗長潮

揚州父老云春夏以來河水頗淺駕至之前數日水忽增長數尺河伯

効靈如此

十笏隄糜五色箋揮毫近傍 御鑪烟何當

聖主停仙蹕待獻新詩鳳輦前

駕幸天寧寺命臣等賦詩於御榻前

扶杖將車傍羽林經旬繞膝

主恩深

聖人錫類無窮意早識微臣愛日心

臣侍直揚州行宮蒙恩面諭日汝

父遠來迎駕不久便歸汝當隨侍左右以盡家人之歡不必頻入內直也

六龍行處百神隨揚子風恬晚渡時一望波光平

似鏡船梢微颺柘黃旗

瓜洲渡江風日晴和江流如鏡

澄懷園詩選卷四

十四

珥筆羣趨紺宇前梵鐘聲裏列芳筵龍團雀乳天

家味好試中冷第一泉

臣從登金山寺蒙賜茶果

危欄飄渺若凌空千里江流一望中盡捲微雲懸

皎月自疑身在水晶宮

金山寺看月

口敕傳宣出禁闌金盤玉盃燦珠璣堂廉不啻家

人誼月下詞臣酩酊歸

侍直蘇州行宮漏下一鼓蒙恩特撤御筵酒果以賜令臣等盡醉而散

虹流華渚象昭回萬姓歡呈

萬壽杯忭舞小臣同雀躍也隨鸞鶴傍瑤臺

聖駕還京

萬壽令節 命臣等隨東宮皇子於內殿稱賀

桓榮稽古愧難如拜捧精鏐下直廬世世相期念

君澤吳閭新購五車書蒙恩賜白銀一百五十兩謹購書籍以垂不朽

客夢多年傍虎邱載書今得奉宸遊絃歌聲裏

春如海一櫂蓬萊清淺流虎邱

吳淞名郡數橫雲蒼舞衢歌遠近聞夾道旌旗光

耀日歡呼十萬水犀軍至松江

九峰如畫影崔嵬三泖波平任溯洄張翰何勞動

歸思萼羹分自御筵來侍直松江行宮蒙恩賜食尊榮

飼鷺節候喜晴和紅女攜筐笑語多十里濃陰青

不斷桑枝低拂畫船過嘉興道中

一帶清流穩泛槎無邊春色屬農家忽驚深入黃

雲裏野菜開齊萬頃花石門道中

片片飛花剪絳綃六龍行處覺春饒幾人得傍

鸞旗影簫管聲中渡六橋至西湖

直廬遲出叩禪宮萬點燈光映水紅偶向蘇公隄

畔望明珠錯落玉壺中晚出西湖行宮門面燈火如晝

纔向湖心放艇還又隨盤轡過禪關御風直到

雲深處曲曲溪流面面山居從遊天竺

馬給翔麟傍六龍垂鞭深入翠微峰相看俱覺

鬚眉綠人在嵐光第幾重居從遊靈隱

路轉峰迴啟梵宮向來名冠浙西東

皇心珍重凌霜節御榻深移萬綠中駕幸天竺

省方新自虎林還小艇追隨畫閣間麗日和風窗

四啟不教輕別浙西山發杭州

簫管聲中萬馬鳴揚鞭親扈六龍行蹇驢席帽

長干路回首秋風無限情扈從至江甯

鈴鐸和鳴振午風浮圖九級峙珠宮龍旂過處

香雲繞翹首天花落半空扈從遊報恩寺雨花臺

儒生耳筆沐恩輝鄉里爭看擁傳歸何事昔人誇

畫錦龍縑新賜作春衣駐蹕江甯蒙恩賜賜內紉二端

香羅疊雪葛含風此日恩光訝許同霧縠霞綃

霑賜早祇緣身傍五雲中蒙賜宮綃二端

鍾山遺蹟氣蕭森瞻拜常邀玉趾臨

帝德無私同覆載不徒謙抑

聖人心聖駕親酌酒於明太祖陵

帝德如天化日舒眚災疑獄悉蠲除儒生親見恢

湯網日傍霓旌讀詔書蒙與所過之地皆蒙恩赦

瓊羽雕弓兩翼分日華五色映珊瑚雲穿楊貫札奇

無敵不獨天威冠六軍駕駐松江甯杭州皆令將士校射上親御弧矢發必中

的見者無不驚服



造士興賢 詔語溫菁莪棧樸總承恩可憐伏處

衡門子爭抱遺書謁

至尊江浙儒生爭獻詩賦上皆親覽復加考試拔其尤者以備書局纂修

魚水恩深三十年更叨異數返林泉定知百丈榮

光起宸翰天章載滿船臣父蒙恩賜御書寶翰及冠服文綺兼金古玩優渥便蕃

拜送龍舟柳岸傍 九天溫語聽周詳廣陵城外

邢溝水難比

君恩此際長臣父送駕於三汊河之東上在御舟遙見溫語慰勞復叮延玉日可善送汝父登輿

斷續漁歌出遠林月光波影共浮沉扁舟一櫂中

流急碎浪疑堆萬點金舟行月夜

澄懷園詩選卷四

七

冀北江南耳筆過身依香案沐 恩多祇慚日在

康衢裏難續田家擊壤歌

澄懷園詩選卷四

澄懷園詩選卷五、

桐城張廷玉硯齋

近體詩一百二首

扈從避暑塞外初發 暢春園二首

夏木陰陰輦路通阜財解愠正南風田疇禾黍無

邊緣都在

天顏指顧中

侵曉鳴鞭出 帝畿清塵昨夜雨霏微書生初扈

長楊獵學試宮紗短後衣

從喀喇河屯至樺榆溝

澄懷園詩選卷五

一

馬蹏侵曉發烏城衣透涼風溽暑清嵐氣千峰疑

翠滴煙光一縷似雲生幕連沙尾高低見路磔山

腰曲折行最愛沿溪三十里奔流不斷雪濤聲

恩賜

御書扇二柄恭紀

宮扇裝成七寶工承 恩雙賜五雲中揮毫香散

金壺墨入手涼分玉殿風飛白硬黃何足數聯珠

台壁恐難同捧歸什襲藏雕匣時有榮光燭太空

恩賜

御書傳經堂扁額恭紀二首

以傳經二字為額

薦素長瞻

御墨懸

賜父昔年蒙賜萬素堂扁額

蓬門輝映

何期豹尾追隨日又是

龍文拜賜年奎璧

光燦爛蛟螭出海勢騰鸞敢云堂構能無系兩代恩榮奕禩傳

捧持 義畫出宮庭風雨聲從落筆聽毳幕榮光

輝紫塞墨池香霧繞朱牖 天書豈獨工三體臣

志還期守一經報國承家深自勵編摩常對夜蒙

青

扈從喀喇河屯蒙

恩召入行宮賜宴徧覽苑中諸勝恭紀四首

澄懷閣詩選卷五

二

素筆草叨 錫宴榮簪裾聯步到蓬瀛雙溪水繞

平橋遠萬壑雲依 御座生臺榭參差隨地築山

川環列自天成閭風換盡塵凡骨俯仰都教耳目

清

盡收好景在庭除一幅幽風總不如湛露無邊滋

稼穡 萬幾餘暇玩圖書天淵體道鳶魚趣山水

怡情仁智居五色 宸毫光萬丈仰瞻銀榜勝瓊

琚

層臺高陟若凌空人在苔痕樹影中夾岸林巒含

宿霧隔溪歌吹逐微風芊芊草拂漁磯綠點點花

飛釣艇紅到此始知文園樂時當秋爽苦春融

承 恩更泛木蘭船特設芳茵 御陛前法醞自

天傾石髓宮庖隔岸送瓊筵幾人得聽金璫曲兩

袖都攜玉篆煙自是太平多盛事塞垣同賦蓼蕭

篇

熱河行宮退直時漏下一鼓矣

一雨初過散溽蒸夜歸尤覺晚涼增禁營闕寂初

傳漏遠幕高低漸吐燈緩策馬蹏妨濕路細聽蟲

語隔疏藤書生未識邊城景新向龍沙望玉繩

扈從由雍安嶺烏蘭哈爾哈至上都必拉觀

澄懷閣詩選卷五

三

圍恭紀八首

法駕臨邊獮狩同儒生載筆賦車攻馬前咫尺聞

天語親傍祥雲一朵紅

恩命隨行豹尾之前

弓矢分行鴈陣斜如林徒御寂無譁遙荒一似騶

虞盛壹發真看中五靶

纔聞勁矢送寒風早見文禽墮碧空流水落星差

足擬

聖人手挽六鈞弓

蜿蜒沙磧勢崔嵬萬騎嘶風曉霧開

聖主揚鞭親指示史書曾說白龍堆

扈從至上都海拉蘇上於馬上

指示曰此地山形皆向西南尾向東北即古書所稱白龍堆也

山腰駐輦正斜暉百隊黃羊入一御圍立馬欲攀

奔突狀平沙秋鴈逐羣飛

馬飼羊酪貢天厨恩許分頒到腐儒自笑生平

藜藿性日持金盃飲醍醐

下馬望趨帳殿傍天厨珍味每分嘗詩人肥豎望

堪擬休說當年博士羊

射得原禽落羽輕錦衣五色耀文明今朝馬上親

承賜莫忘書生載贊情

上射得山雄即於馬上頒賜翰林官

扈從閱視羣牧禁紀八首

澄懷園詩集卷五

四

徧觀羣牧度龍沙萬類嬉遊遶翠華屈指經過

三百里漫山跨壑總雲霞

寒水清佳塞草肥騰驤馴擾總忘機遐荒牧放如

園固歷數前朝故事稀

龍媒曾見誇前代馬政由來重聖朝昨向灤河

橋上望房星中夜燭丹霄

秋原調馬駐金輿雲錦千羣較不如一白

皇仁收駿骨久無騏驎困鹽車

烽火全消雨露施頻年牲畜愈蕃滋名駒遠自西

蕃得猶記王師克敵時

馬羣俱以毛色為別最後雜色數羣上指示臣等曰此羣平厄魯

特時所得中有汗血駒乃異種也

一自聲靈靖九邊放牛長慶太平年龍堆便是

桃林野文角駢毛別有天

大尾長髯舊擅名天家豢養更充盈峰頭一望渾

如雪疑是初平叱石成

絕塞遙邊總太和六龍到處沛恩波記從鑾

輅巡行後孳息於今幾倍多

蒙古皆言自昔年聖駕巡邊後畜牧蕃庶數倍於前

矣前

夢汪東山 丙戌

懷友經年歎寂寥夢魂不覺路迢遙依然絮語船

澄懷園詩集卷五

五

窗下水影燈光廿四橋

去年與東山別於維揚舟次

蔣西君為查他山畫秋蓉便面他山題二絕

句索和

閒將便面寫秋容淡墨偏含曉露濃都是吳淞江

上客曾搖雙漿采芙蓉

扇底風生秋意多尋秋無計奈秋何他年相約看

花處蘆葦洲邊清淺波

哭汪東山四首

良朋經歲悵睽離函問傳來信轉疑巾笥尚存貽

我札

勳月前曾接來札

蘊蘆猶作夢君詩幾人得共同心語

一別終無見面期白馬素車鄉路杳巨卿沈痛九  
原知

月桂星榆本絕倫高標管領杏園春老親舊許無

雙士東山中丁丑會試第二人是  
科家嚴主試有國士之目

天子親題第一人棘院選才心似水柯亭得句筆

如神京華幾載追趨地回首都教淚滿巾

十幅蒲帆趁好風陳情南返太匆匆去年握手清

江上深夜論心小艇中去春余扈從南來  
與東山相見甚歡

逝水可堪蹤跡似飄蓬祇今回憶分襟處腸斷那

溝月影隴

澄懷園詩選卷五

六

書到知君病未瘳自言蒲柳早驚秋東山書來言其  
多病甚相見時

期勿藥趨金闕豈料修文赴玉樓黃口遺孤依素

帳白頭慈母哭荒邱傷心南望虞山麓酌酒何年

願始酬

塞外中秋蒙

恩頒賜穀果酒醴恭紀

令節恩同湛露歡御筵特錫遣中官驚持天上

黃金盤共對林梢白玉盤香泛仙醪過石髓甘分

珍果勝冰丸不須更詠霓裳句身傍瓊樓未覺寒

塞外扈從紀事四首

九扈逢秋彌關山驛路通昨朝霜始白一夜樹全  
紅馬逸平原關駝鳴萬壑空解鞍吟短句難寫塞  
垣雄

舉頭天尺五眞愧受恩偏朝食分仙饌宵燈接

御筵命臣等帳幕安設於  
黃輿東南最近處

水皆瓊液如傾第一泉地偶乏水奉  
命於御厨取給

閑場遙在望虎旅若雲騰分隊旗雙引穿林騎一

層草迷傷箭鹿風送脫講鷹古禮三畝重書生見

未留

野日邊山白重圍合又分馬蹏宜淺草豹尾帶殘

澄懷園詩選卷五

七

雲木葉踰颺下溪流斷續聞不愁岐路晚身傍井

林軍

重九生日隨駕行圍於塞山最高處馬上

口占二首

重陽何處覓茱萸一夕嚴霜百草枯莫怪年年客

邊地懸弧原傍帝城隅

攬轡鳴鞭亦壯哉不須重憶菊花杯他年悉數登

高處絕塞奇峰立馬來

夢亡友姚別峰

夢中握手坐苔磯依舊清談玉屑霏何事匆匆輕

別去芙蓉城裏跨驛歸

丁亥元日

恩賜穀果酒醴恭紀二首

椒花獻頌正青陽  
荅舞衢歌國步康  
何幸小臣叨

異數九霄分與萬年觴

精微盈俎酒盈卮  
舉室歡騰感

聖慈尤喜元辰新  
試筆年年先賦紀恩詩

奉

命扈從南巡因奏請先歸里門觀省得 俞旨於

正月初七日出都

登懷園詩選卷五

八

多年蹤跡滯京畿  
夢繞江鄉白板扉  
幸許簪毫隨  
法駕更容懷  
橋觀庭闈乍離北  
闕心彌戀  
遙睇南  
雲意欲飛  
計日龍眠山下路  
早梅香裏愛春暉

山東道上夜行

孤客宵征覺路長  
暗塵殘月影微茫  
風寒不解鞭  
梢凍氣冷偏凝  
馬鬣霜遠火明疑  
攢列宿小車危  
若泛輕航雞聲喔  
喔柴門啟已有村翁喚賣漿

十五夜宿連城驛

暫解征鞍野店中  
寒生料峭夜簾風  
眼前皓月千  
峰白夢裏華燈萬樹紅  
恩賜穀果酒醴恭紀二首

境肅小村蕭鼓識年豐  
田家蘭卜留遺俗比戶歡  
聲笑語同

渡舒城七里河

一葉輕舟晚渡河  
半篙新綠動微波  
當年客路雞  
聲早曾帶星光策馬過

隨侍家大人過雙溪五首

暫脫征衫拂輭塵  
將車來訪午橋春  
幾年不蹋龍  
眠路池館驚看到眼新

峭壁巉巖谷口分  
披圖易見垂雲  
李公麟龍眠山莊圖藏內府中有垂雲

石家步障何堪數  
插地排空錦繡文

登懷園詩選卷五

九

手把魚竿穩泛船  
短篷收盡碧溪烟  
春江風浪知  
何限不到蘆花淺水邊

千樹梅開碧玉岑  
暖風晴日散春陰  
扶筇遙向長  
隄望雪滿空山月滿林

白氏爲園可息肩  
老年清興此中偏  
休誇謝傅東  
山事松籟溪聲勝管絃

過蘇州感憶亡友汪東山二首

惜別蘇臺僅二春  
重來不復見斯人  
從茲楊柳間  
門路一度維舟一愴神

冀北江南鴈到遲  
無因郵寄哭君詩  
春風宿草悲

何限況是山陽聽笛時

扈從西湖垂閒泛舟游覽得六絕句

好風吹面雨初收萬頃波光一葉舟慚愧西湖重  
作客偷閒今始得來遊

柳絲千縷拂波平中有春鶯出谷聲雨後一泓澄

碧影垂條新漲不分明

柳浪聞鶯

繁花飄雪點清渠中有文鱗錦不如脉脉相看無

限樂休言游客盡非魚

花港觀魚

短籬疏竹擁孤亭勝地長邀處士靈巖上梅花花

下鶴風流占斷越山青

放鶴亭

澄懷園詩選卷五

十

畫檻凌波四面風山光樹影若浮空何時泛月重

來此坐我冰壺玉鏡中

湖心亭

林巒佳勝未全攀底事匆匆放艇還始信看山臨

水客宜晴宜雨又宜閒

月夜舟行

櫓緩聲相續牆高影自雙燈光全在水月色半平

窗纔解驚栖鳥人喧逐吠虎扣舷歌倦後聊復倒

殘缸

六月六日扈從出都避暑

性同魚鳥本疏頑忝附金華侍從班繫艇纔辭江

郭路揚鞭又指塞垣山夢回荒戍雞聲裏身在甘  
泉豹尾閒歲歲紅塵忘伏暑涼風清露出重關

雨後出古北口

眾木吟風送晚晴振衣關口覺身輕螺尖滴翠千  
重岫雉堞蟠雲萬里城澗湧清泉珠錯落橋穿白

石玉琮琤昇平鎖鑰無勞設長許書生款段行

恩賜赤色馬駒一匹恭紀二首

名駒特錫荷恩光骨相權奇本驍驍喜傍

輿行蹀躞更煩天語問調良

臣乘賜馬隨行蒙恩問曰此馬果馴良否

疑染桃花汗赤喙猶含苜蓿香應有空羣千里

澄懷園詩選卷五

十一

志馳驅常願侍

君王

名重天閑孰與齊好裁宮錦作障泥牽來霧噴黃

金勒行處風生碧玉蹏隨輦新從沙磧外趨朝常

過月華西自慚驚鈍承恩澤伏慙無勞顧影嘶

雪霽隨獵

嚴寒一夜雪霏霏早起冰花點客衣千樹凍如瓊

藥斃四山環若玉龍飛雲銜曉日迎仙仗路絕

纖塵合御圍手挽角弓風力勁矢無虛發頌

天威

五月扈從出古北口二首 戊子

路出嚴關爽氣多諸峰巖嶭逼星河浮橋影裏波  
如鏡照我垂鞭四度過

烽火全消路坦夷塞垣無復事增埤書生來往如  
庭戶笑詠長城飲馬詩

庚寅春日過雙溪三首

綠野荒涼蔓草多兩年門鎖碧山阿萬松亭畔梅  
花路夢裏頻隨杖履過

遠樹遙峰望有無可憐雙眼淚模糊休言雙竹靈  
芝事砌草庭花已半枯

澄懷園詩選卷五

十三

焚香招鶴問山靈何日重來石上亭絕似援嘯三  
峽苦水聲咽咽不堪聽

河壑海棠詩次方鹿湖韻三首

露萼千枝向曉開輕紅薄粉映莓苔穠華雅稱名  
園好天遣春風用意來 鄭谷海棠詩春風用意勻顏色

爲訪名花赴考槃風微日暖久憑闌綠崖別有藤  
蘿徑更向紅雲頂上看 李白石壁看紅綻而  
上可憐幽絕花

幾樹仙葩手澤存記隨鳩杖歷庭軒十年重到有  
花地松長龍鱗竹有孫 昔年花時屢赴  
木崖先生之招

題方當時澹園三首

先生高致寄邱園小築池亭樂避喧絕似東湖居

士宅芙蓉遮路柳當門  
拂袖歸來抱膝吟不將軒冕易山林宦餘長物知

何有琴在牀頭鶴在陰  
北郊獨占峰巒勝窗牖都臨水石開尤喜城隅居

室近一節朝暮渡溪來

鱗魚二首

銀梭來自皖江邊手捧雕盤薦几筵再拜焚香淚  
如雨江魚入饌復何年

十年京洛乍歸人驚見霜鱗入網新

澄懷園詩選卷五

十三

聖主由來重民力久無飛騎蹋紅塵 鄒羅南方貢  
鱗十餘年矣

六月六日衣絮二首

披裘五月頗相宜不用陰江竹萬枝始信嚴陵本  
無意偶然相值夏寒時

陰雲重疊火雲空顛倒須知造化功當暑人人思  
挾纊不教執扇怨秋風

六月望日澹園主人貽木芙蓉二朵二首  
霧縠冰綃孰剪裁雙枝分自澹園來拒霜已識非

凡品更目炎風烈日開  
朱華粉纈映淪漪歲歲蒼葭白露時我欲翻新著

花譜木蓮開早水蓮遲白香山詩云水蓮開盡木蓮開今歲池水漲溢水蓮開花甚遲

幾與白詩左矣

苦雨二首

積雨經旬尚未厭茅齋頻見漏痕添頑雲不散濃  
如墨急溜齊傾密似簾蝸篆有時緣素壁烏饑無  
計出重檐檢書偶紀陰晴事注潦先從甲子占  
出郭登山願總違掩關終日客來稀徑泥漸欲埋  
雙屐湖水知應及半扉當暑忽驚秋到枕迎風聊  
免潤生衣阿誰能竊神仙術遙止零陵石燕飛  
喜願受谷來桐卽送其歸杭州四首

澹懷園詩選卷五

十四

故人把臂慰相思剪燭西窗夜雨時莫話年來顛

顛況相看俱著鬢邊絲

兩年蹤跡滯紅塵惆悵虛拋帝里春須識天公有

深意特教留作看花人

受谷擬就銓選已而不果

柳浪鶯聲麴院荷輪君小艇弄清波勞人未探湖

山勝慚愧西冷兩度過

歸思匆匆下水船秣陵雲樹太湖烟憐余夢逐蒲

帆去夜夜河汾講席前

謂翁維軒夫子

題三姊蠹窗讀書圖三首

香滿庭階桂萼舒蠹窗權當鹿門居綠蕉深處湘

簾捲六尺屏風萬卷書

新詩落紙燦雲霞筆墨堆中歷歲華頗笑昔人篇

什少一生惟說賦椒花

南面何殊領百城謝家詩思有餘清生綃特寫三

秋景柳絮風前畫不成

哭亡兒若霽四首有序

戊子七月扈從塞外聞先母訃音奏請回

里守制時兒方在孕比奉

諭旨日汝歸治喪一年仍來內廷編纂且朕欲時

得汝父起居消息眷屬留住京邸以待免身

澹懷園詩選卷五

十五

天恩深厚委曲周詳不啻家人父子也九月又遭

先公大變因具劄奏請終制並爲兩先人

營葬事蒙

恩俞允故兒以戊子十月生於京師迄今二年而

余未之見也七月以痘殤越月始得信歎

夢燕之虛徵驚掌珠之忽碎撫今追昔述

德感

恩爰賦短章以誌沈痛

春雛忽墮最高枝書信傳來痛不支記誦香山詩

句苦龍眠驚覺失珠時



死後生前總斷腸故衣懸架乳流牀兩年歲月匆  
匆過不及春宵一夢長

徒跣南奔泣路岐 恩綸在汝未生時而今不止  
西河痛誼等家人負

聖慈

西方何處問前因駒隙流光夢幻身頭角崢嶸性  
聰穎傳來空惹淚沾巾

壽天瑞上人四首

浮雲流水寄閒身一笑拈花值小春昨向香鑪峰  
頂望手栽松已作龍鱗

澄懷園詩選卷五

七

世機消盡萬緣空疏磬寒香丈室中何必去天三  
百尺精藍只在市廛東

花雨繽紛講席開每容閒客破蒼苔笑余不學淵  
明飲無事攢眉入社來

擁書索句幾經年一卷鑪峰集已傳我欲牀前拜  
詩伯瓣香不獨爲參禪

雪霽入山

畫裏山莊凍未消溪聲十里路迢迢巖陰冰結花  
千片樹外峰橫玉一條臥雪何人常閉戶騎驢無  
客肯過橋經營華表荒榛裏鶴在雲端或可招爲時

兩先人  
營葬事

澄懷園詩選卷五

澄懷園詩選卷五

七

澄懷園詩選卷六

桐城張廷玉硯齋

近體詩九十八首

辛卯正月將赴都門拜辭先人墓

重整輶車謁 帝閭詔書嚴急敢逡巡有生只作  
瞻雲客無計能爲守墓人嶺上松枝猶積雪溪頭  
草色又含春鶴歸華表知何日回首空山淚滿巾

別諸弟

居憂三載劇悲涼形影相依仗鴈行血漬麻衣朝  
負土夢酣姜被夜連牀斯時惜別情何極明日相

澄懷園詩選卷六

一

思路比長南北關心無限事不徒詩句詠池塘

別兩姊兼懷四妹金陵

謝庭才藻孰能過送我還廣柳絮歌此日開樽離  
緒重三年聚首淚痕多長貧安得舒眉日垂老其  
如善病何話到金陵愁更劇連宵清夢涉江波

正月十八日出門

剩有酬恩志未伸敢圖偃息負 君親雲烟漸隔  
雙溪樹衣袖新沾九陌塵身似寒蟲初啟蟄是日驚蟄  
心同寸草又逢春故人情比澄潭水珍重離亭酒  
數巡

出門之頃表兄姚虛槎以素扇索書因於途

次賦詩二章書寄

離緒千端話不窮臨岐折柳悵匆匆知君素篋懷  
藏意廉吏空餘兩袖風

挑燈旅館夜眠遲中表關情繫遠思便而書成特  
相寄卷舒須記合時宜

雨霽行鳳陽道中

磬石山前客路通又教蹤跡伴飛鴻連朝不斷沾  
衣雨一夜初回解凍風微露峰尖雲氣白遠銜林  
杪夕陽紅荷鋤野老攜筐女都在桑田麥壠中

澄懷園詩選卷六

二

渡黃河與友人洪維采姪季申夜話

斷岸長隄滾滾波十年六次渡黃河詩篇題向郵  
亭徧歲月消於塵土多牽客遠懷惟鴈序引人清  
夢是漁蓑生平懶作悲歌習偏在長安市上過

過滕縣

雙河南北夾孤城路踣晴沙似砥平水洄危橋無  
轍跡日斜破廟有書聲井田指點賢君蹟碑碣模  
糊長吏名立馬不須頻悵望嶧山含雨暮雲橫

二月抵都奉

命仍直南書房恭紀二首

屏跡窮鄉三歲久蓬萊高迴絕攀躋乍來紫禁神  
先悚重入仙源路已迷暢春園直隸舊在瀋陽  
之北今移於瀋南春色未  
闌花滿樹恩波無盡水平隄自慚野質同禽鳥天  
上瑤林得穩栖

雲霞五色護宸居淵鑑齋南啟直廬青嶂曲藏  
新院落碧紗長罩舊琴書風來斐几鑣烟裊日上  
花甌樹影疎珥筆好隨鸛鷺侶敢將清興託鱸魚  
扈從出口避暑

節近天中暑漸催又隨清蹕歷崔嵬關山忽作三  
年別行李今看五度來碧水一灣新雨足蒼山萬

澄懷園詩選卷六

三

疊曉烟開舊題欲訪前人句半沒征塵半長苔

初夏寒上聽黃鸝

夏木森梢集眾禽金衣公子試清吟野花香裏綿  
蠻語流水聲中睨晚音似笛乍調空谷應如簧初  
鼓翠屏深斯時立馬垂鞭客不減雙柑斗酒心

塞外對月

繚垣高不及藩籬地敞眞於看月宜塵匣初逢開  
鏡夜畫堂遙憶滅燈時娟娟最愛蟾光滿栩栩休  
嫌蝶夢遲涼透衣衫風露重此情惟許素娥知  
賦得綠樹陰濃夏日長

新篁解籜樹成林喜聽薰風入舜琴掃徑已無紅  
雨濕鎖窗惟覺綠雲深燕依畫棟營香壘鶯占高  
枝送好音把卷最宜清晝永昔人珍重是分陰

塞外寓齋卽事

望裏青山一帶斜地偏聊喜絕紛譁編籬不必全  
遮屋種豆惟期飽看花莎經露濃留戲蝶柳塘雨  
過聚鳴蛙菜根滋味難拋卻旅食還鄰老圃家

塞外初見茉莉二首

縵華珍重雨三枝姑射仙人冰雪姿斯景斯花兩  
清絕塞垣秋月正明時

澄懷園詩選卷六

四

柔條攜自木蘭船正值花時客遠天最憶晚涼風  
露裏半舒瓊葉鬢雲邊

不寐

展轉深宵夢不成擁衾支枕覺神清涼蟾雲際穿  
窗影老馬牀頭齧草聲香爲火殘縈復散燈因風  
過暗還明此時最羨南華叟栩栩身如蛺蝶輕  
召遊行宮後苑茶紀

澗草巖花映碧蘿五雲長護萬年柯迎涼樓閣依  
山迴避暑軒窗傍水多臥石幾重橫玉几飛流千  
尺瀉銀河誰言天漢無人到已許乘槎六度過是年

奉 恩命遊  
覽凡六次

中秋雨

秋寒釀就雨廉纖靜覺酸風透布簾獨客清樽慵  
對酒素娥明鏡怯開奩詩篇漸向深宵就鄉思多  
從令節添安得神仙問消息玉樓何處鎖銀蟾

十六夜對月

冰輪高挂碧峰頭渡水穿簾影欲流愛對清輝忘  
永夜直將今夕當中秋狂歌擬續吳融句逸興難  
尋庾亮樓臺客莫教頻望遠如霜曾動昔人愁

和勵南湖學士十六夜看月原韻

澄懷園詩選卷六

五

莫嫌佳節匆匆過且喜清光緩緩來一葉纔看黃  
葉落滿輪依舊桂花開宵吟頗似寒蟬苦鄉信驚  
間旅鴈回賴有枚皋同寂寞頻投錦字抵瓊瑰

偶同南湖西君垂釣山溪終日不得一魚戲

成長句

尋秋偶赴良朋約把釣空過野水濱不是臨淵忘  
著餌須知隨地有潛鱗何時共泛滄浪櫂鎮日同  
垂淺渚綸青笠綠蓑無限好勝他連獲六鰲人

偶過鄰舍見草花盛開二首

無數閒花繞砌生泉甘土沃倍敷榮空庭開落無

人間管領秋光絡緯聲

塵土全令倦眼遮尋秋何意向龍沙可知黃葉村  
中客別有茅檐淡薄花

朱子詩茅檐歸去無塵  
土淡薄閒花繞舍秋

四十生日二首

朝朝素筆擁陳編馬齒都忘歲月遷入局不須三

載後

黃魯直四十  
三歲入吏局

登壇休說十年前半生攬轡紅塵

裏五度題糕紫塞邊安得閒情似坡老每逢佳節

一欣然

東坡九日詩九日復  
何日欣然慨平生

驕客憑高無限情歸心早逐鴈南征望中桂萼深

秋信

時弟好應試  
南關方待信

夢裏松濤半夜聲三徑久拋鷗鷺

澄懷園詩選卷六

六

侶一枝遙隔鳳凰城遣懷重荷良朋貺滿貯香醪  
與共傾

是日同人置  
酒直廬相慶

壬辰仲春闌中對月四首

霜滿階除月在天重來鎖院擁青氊鼓聲燈影渾

如昨一瞬流光已七年

丙戌分校  
距今七年

兩度衡文知遇深品題慚說重儒林目迷五色何

能免不負

君恩是此心

暗室無欺古所難四知常凜寸心安簾前月色明

如畫莫作人間暮夜看

鈿雖自脫囊中穎焦尾須憐爨下材不是飲冰茹  
漿意如何此地得重來

西郊

春雲曉靄氣氤氳鄂杜風光絕點氛近水花翻紅  
綺色連畦麥皺綠羅紋柳陰分路牛羊隊池面浮  
波鵲鴨羣最愛遠山新雨霽橫林一抹露斜曛

偶過鄰園感賦二首

沿溪高柳接天青有客尋幽戶半扃深院久無人  
跡到藥欄猶繫護花鈴

密密花陰曲曲廊綠葺朱戶半迷藏舞衣歌扇飄

澄懷園詩選卷六

七

零盡風過惟聞簫粉香

扈從塞外蒙

恩召入行宮泛舟觀荷徧覽諸勝 賜宴於流杯

亭恭紀二首

經年未踴三山路此日同登太乙舟繡幃千重圍  
兩岸綵雲一片在中流空明潭影全消霧縵還泉  
聲總帶秋宛轉蘭橈向何處徧隨鷗鳥過汀洲  
橋藏深樹路穿花次第探奇到日斜廊廡高低因  
水石軒窗朝暮納雲霞重農特植連畦穀菲食常  
懸五色瓜何事 恩波太優渥遊仙還與飯胡麻

恩賜筆墨恭紀

職忝文林貴身依 黼座親懷鉛春復夏吮墨暮

還晨盡觀娜嬛祕還分 御案珍彩毫光燦爛烏

玉色玢璘栗尾雙枝重松烟萬杵勻濯宜秋水潔

傳休奕筆賦濯之以秋水製按歛川眞毛穎爲秦令陳元本絳人

夢花開五色問價值千緡錦繡函先啟珊瑚架早

陳遠勝雞距健常覺麝香新簪去趨華省磨時選

結鄰名硯照形如可鑑運腕若通神青鏤何堪數元

霜未足倫紀 恩書鳳簡稽古愧龍賓敢說臨池

好無勞畫荻頻願隨愔史後歲歲侍 楓宸

澄懷園詩選卷六

八

早秋夜坐偶憶京華

早秋涼露著衣輕獨坐階除夜氣清入戶漸知風  
有力出關眞覺月多情白詩誰謂月無情千里遠相逐貪看牛女河邊

影愁聽琵琶塞上聲昨夢遠尋京國路綠槐垂蔭

紫蘭生

爲西君題木筆花圖

仙葩應出紫琳房開早年年歷眾芳祗覺露垂犀  
管潤似聞風送麝煤香瑤篇欲續平泉詠粉本眞  
同御府藏笑我吮毫思賦物筆花零落不成章

塞外和南湖四首

秋雨

陰雲不散碧山阿幾陣廉纖暮雨過未覺風聲穿  
樹急但驚秋氣入簾多荒隄柳帶濛濛霧曲沼蘋  
浮淺淺波識取巴山驛客意西窗剪燭奈愁何

秋花

秋花綽約傍階墀葉曾從老圃移澹薄客偏憐  
野卉娉婷蝶亦戀疎枝託根幸得無塵地顧影偏  
宜有月時莫道敷榮後桃李東籬猶有菊開遲

秋蝶

漫說天涯芳草稀翩翾猶自戀餘暉愛尋淺渚蘆

滄懷園詩選卷六

九

花宿羞逐閒庭柳絮飛露冷不粘香粉翅風寒初  
試鏤金衣寫生休覓丹青手收得滕王畫本歸

秋蟲

唧唧秋蟲四壁聲悲秋憐爾亦含情難從落葉堆  
中覓偏向無人聽處鳴簾影逗光燈一點露痕如  
水月三更關心知有停梭女愁絕寒衣織未成

扈從進古北口

如雲千騎散高原扈蹕人歸自塞垣九折圖難分  
內外一重關隘隔寒暄新甯未改青林色宿雨猶  
滋碧蘚痕指點溪橋皆舊識不愁前路暮烟昏

寄祝表兄吳柳峰六十壽二首

標格超然鶴出羣高名清福并輪君四方每問羅  
昭諫三絕真傳鄭廣文不使緇塵侵素鬢可知白  
石勝青雲臨風欲寄南飛曲安得新聲笛裏聞  
履道幽居遠市譁一邱一壑鎖烟霞綠分鄰舍千  
重樹紅厓雕欄四季花曲水流香繞階砌假山移  
影上窗紗遙知此日稱觴客都向雲林訪謝家

癸巳三月恭進

萬壽無疆詩六首

欣逢

滄懷園詩選卷六

十

聖節共呼嵩瑞靄青陽淑景融六合梯航重譯貢  
兩階千羽萬年功 乾行不息天同健泰運方隆  
日正中咸仰垂衣臻上理四時洋溢太和風  
化成久道治功深

帝德巍巍冠古今海宴河清

天子澤宵衣旰食

聖人心好生頻見恢湯網解愠時聽鼓舜琴屏謝  
虛文崇實政謙光中外仰 宸襟

睿慮周詳徧八區恩膏何地不霑濡已看荒徼皆  
登穀更喜豐年屢賜租域外山川歸禹服田間耕

鑿盡堯衢諸蕃絡繹彤墀下王會圖成自古無  
聖學淵微達性天猶勤探索向芸編圖書道闢于  
秋上象數心通一畫前至治雍熙金石播鴻章璫  
璫日星懸廷臣拜手磨仙藻盡是箕疇錫福篇  
華渚流虹瑞應開星明南極巨昭回絳霄歌吹千  
門曉白叟歡呼萬里來湛露無邊滋草木卿雲有  
象繞蓬萊羣生共荷

君王賜仁壽休風徧九垓

薄海車書奉紫宸衢歌巷舞慶昌辰普天共樂  
舒長日大地都成浩蕩春

滄懷園詩選卷六

上

帝壽萬齡周甲始韶華三月逐年新微臣珥筆  
恩渥願效華封祝

聖人

暮春 暢春園直廬紀事六首

喧嘩初日照翠恩正是儒臣入直時煮茗烟生中  
使舍誦經聲在水神祠柳絲亂擲風前絮杏子低  
垂雨後枝九十春光天上度朝朝身傍影娥池  
清溪如帶泛蘭橈咫尺烟波入望遙風過柳絲堆  
畫檻雨餘花片聚紅橋簫簫新放千條玉芍藥橫  
陳五色綃小草託根良厚幸四時甘露近丹青

日暖庭階草木薰閒行常許挹清芬窗前選樹聞  
禽語籬外銜花過鹿羣和氣總成金掌露香風不  
散墨池雲綠蒲深處雙鴛宿長護南塘綺縠紋  
夜雨初過動土膏洗成新綠滿亭皋聲調鐵笛驚  
喉滑影掠珠簾燕尾高銀甕汲泉烹橄欖金盤和  
露賜櫻桃消閒更煮驚雷英碧玉甌中起紫清

玉霄銀漢接天家十二闌干帶水斜甲煎香飄

簾外影丁香枝亞鏡中花過橋偶見移蘭漿隔院  
時間響鈿車何必遠尋蓬島路迷人朝暮鳳樓霞  
樹依溫室倍丰茸信是瑤池湛露濃荇藻交橫新

滄懷園詩選卷六

三

漲水藤蘿直上最高峰風傳清唳來雙鶴路繞天  
香過六龍漫向挈壺詢早暮隔花遙聽白鳴鐘

西君宮允寓齋牡丹繁盛擇其種之尤異者

五種屬馬生南屏繪圖而自系以詩索和

原韻五首

佛面黃

恒河誰與鍊金沙鑄就芳叢傍砌斜一自天香來  
佛國不將穠豔說姚家最宜堂北護同色莫認籬  
東菊有花昨日侍臣歸院晚蓮燈徐引隔窗紗

紫羅囊

謝家新染紫羅鮮又見芳名左氏傳承露每依仙  
掌側承露見唐詩要鎖雲長在藥欄邊鎖雲見鄭雲寶見昭容神欲  
臨風舉上相袍宜映日妍共說主人詩思好應同  
古錦貼新篇

綠蛺蝶

花葉花枝一色翻春波爲骨玉爲魂舞衫當砌香  
微動積蘇穿簾月半昏莊枕夢回猶有影秦臺粉  
腿不留痕繪圖好與傳新樣洗盡胭脂素豔存

一捻紅

花白色上有微紅一線花譜以爲楊妃印痕也

手翻雕珮便傾城濃豔枝頭舊賜名香氣入春偏

澄懷園詩選卷六

七

故郁印痕經雨倍分明醉中粉暈三分淺鏡裏紅

消一點輕多謝天工費薰染令人千載說華清

大紅毬

一朵祥雲映畫欄推窗時見影團圓人間巧綴紅  
綃纈天上新頒赤玉盤齊捲錦帷迎曉日高張茜  
幄護春寒仙家湛露知多少香染緋衣仔細看

題王石谷畫杏花春雨江南二首

紅雲濃漾花溪水碧浪輕搖柳岸風無限江南好  
春色被他收入釣船中

鄉國頻年繫夢思繁花又發水邊枝那堪展畫疎

簾下正是春寒細雨時

題常熟邵甘來種瓜圖二首

紫薇亭館綠楊池中有仙人海鶴姿更與放翁同  
逸興鋤瓜還欲讀陶詩放翁詩臥讀陶詩未終卷又乘微雨去鋤瓜

採摘盈筐五色勻蔗漿石蜜遜芳新難將上界瓊  
芝味說與人間肉食人

扈從出口偶憩路傍茅庵見芍藥二首

多年曾未踞豐臺辜負將離錦繡堆誰識如來空  
色相好花偏向佛堂開

揚鑣滾滾逐風沙繫馬無人問物華絕似幽蘭在

澄懷園詩選卷六

西

空谷雙扉深鎖路傍花

扈從塞外蒙

恩特賜

御書澄懷二大字恭紀二首

琳瑯寶氣出華林義畫堯文重古今久沐恩波依  
帝座更將止水勵臣心宸毫直並雲霞麗

聖澤眞如江海深簪筆幾人叨異數同時拜舞禁

庭陰時內廷翰林七人同拜御書之賜

傳經天語昔欽承曾蒙恩賜傳經堂額又對澄懷永服膺

蓬華高騰千丈餞姓名難稱一條冰家聲清白期



無忝雅量汪洋愧未能竊願洗心遵

聖訓何時道岸許先登

恩賜

御製避暑山莊詩恭紀

紫塞天開避暑宮 六龍駐蹕豫遊同滋培稼穡

民依重圖繪山川 聖藻雄魚鳥歡如王在囿篇

章高邁帝歌風深慚下里巴人語也附瓊函玳檢

中臣廷玉同左都御史臣孫  
敘等奉 命跋於卷尾

塞外寓齋卽事二首

誰言邊境接龍沙地僻聊同處士家稽長籬根留

滄懷園詩選卷六

五

野豆蔓牽牆頂繫秋瓜門通細溜平橋水窗納餘

光遠岫霞一室掃除供偃息倦來頻啜玉川茶

早完公事罷傳呼聊把閒情付藥鑪寄信每憑新

到鴈繞枝深憫後栖烏空階葉墮秋聲早小徑花

繁土豚腴可奈羈人鄉思切酒樓徹夜聽吳歛

不寐

書卷堆中鼠暗行殘燈留影不分明寒侵枕簟人

無寐風過庭階草有聲蟋蟀近牀秋八月蟾蜍窺

戶夜三更靈臺淨掃空諸有不枉頻年學道情

題畫

岡巒層折水潺湲竹裏人家半掩門猶記秋風黃

葉路小詩吟過夕陽村

扈從度嶺行園

鞭影連雲度嶺東秋花如雪舞秋風山橫豹尾龍

旂外路在楓林樹葉中野兔避人依茂草飢鷹擊

雉上晴空書生見獵心先喜躍馬高原也自雄

隨

駕閱視羣牧蒙

恩面賜驄馬一匹恭紀

驄馬嘉名自昔傳今朝拜賜

滄懷園詩選卷六

六

聖人前龍髻鳳臆形皆具六印三花記宛然温

語敬聆知重德張隨敕賜三相馬詩爲性馴良勿憂奔逸也殊榮特錫愧求賢

因能致遠今日表求賢他年記取承恩處苜蓿秋風紫

塞邊

秋日隨獵紀事十八首

朝來寒氣透重裘一夕嚴霜萬木秋衰草不知深

幾許蕭蕭直欲拂人頭

穿林跨壑騎如飛健卒三千大合圍 龍馭遠從

山頂過丹楓高映柘黃旂

天上恩先侍從臣 御厨珍味賜頻頻更言邊地

風霜異多恐秋寒易中人

蒙恩諭云此地苦寒衣裘皆當加意

機務偶閒披萬卷健行不息愛三餘秋原射獵歸  
來晚帳殿張燈尙校書

獵罷歸營月未升四山如霧晚烟凝馬前錯落流  
星影萬帳齊明萬點燈

野水秋來隔塞河松橋留待六龍過澗泥滑滑  
行難渡蕃卒齊聲喚橐駝

布幕高懸俯碧溪夜深燈火望還迷向來此景無  
人道月白山空萬馬嘶

霜林深處獸成羣待合圍時日半曛一騎直追奔

澄懷園詩選卷六

七

鹿去控弦深入數重雲

萬竈炊煙暮色催終朝登陟馬虺隤忽聞鐵騎歡  
聲動又向前山殺虎來

聖朝威德徧遐荒紫塞天開畜牧場芻粟不需民  
力省養成牛馬谷難量

莫道書生款段遲天閑分與驢驢姿路人爭看牙  
牌上細寫蔣王入貢時

恩賜名馬項下懸牌記外蕃進貢年月

諸藩藉長遠迎鑾夾道焚香婦子歡布幕居中車  
四繞傍山新立小營盤

狂風未見卷寒沙信是陽和逐翠華共說今年天

氣暖中秋方見雪飛花

關山霜落草初齊周道偏逢野雉肥堪笑健兒愚  
太甚百人爭逐一禽飛

裁紉剪綺樹飄紅吹散霜林大漠風底事陰晴太  
無定漫天雪片日光中

興安嶺與碧雲齊徑路盤旋信馬蹏地勢漸高渾  
不覺直登峰頂萬峰低

馬蹏聲近枕南旁客夢初回夜漏長怪底重衾涼  
似水布帷低壓五更霜

坐擁青氍毹倦不勝寂寥渾似能參僧欲知帳外寒

澄懷園詩選卷六

六

風勁銀燭無光硯有冰

隨獵

珊瑚鞭指日東昇人在岡巒最上層逐電愛看千  
里駿摩空齊縱九秋鷹弓彎明月形常滿旗捲寒

雲影共騰慚愧年年扈清蹕長楊欲賦竟何能

澄懷園詩選卷六

澄懷園詩選卷七

桐城張廷玉倪齋

近體詩一百十三首

新編書

甲午春日侍直 暢春園卽事四首

侍直蓬山側春光又一年綠蕪酣宿雨紅杏破輕  
烟燕羽穿簾幕禽聲答管絃攤書忘晝永鐘漏隔  
花傳

靈臺風物好和氣自成春在藻魚吹浪荷芝鹿近  
人繁花迎翠輦芳草藉雕輪最愛尋芳蝶踟躕上  
釣綸

澄懷園詩選卷七

一

錦石橋邊路簪毫日日過柳陰春水曲花外暮山  
多雨洗檀欒竹風梳窈窕羅銀河天上瀉下界沐  
恩波

閒階容小立露草有餘芬松影團成幄花光散作  
雲遠霞高處見清籟靜中間徙倚窗前石衣沾紫  
鮮紋

霸州道中二首

野田雨過水痕新漸有扶犁荷鋤人莫歎風光太  
蕭寂柳條微露一分春

頻年斷跡滯天涯又見青青草茁芽苦憶也紅亭

畔路櫻桃初綻短牆花也紅亭先公種櫻桃處也

寒食

憑高指點暮雲遮客子愁心紀歲華春雨春風寒  
食節棠梨開徧墓門花

扈從水淀恭紀

春冰初泮水平川扈從湖鄉穩泛船繫纜每依仙  
仗側揚帆常在御舟前風來浪織綃紋細月出  
波澄鏡影同不用乘槎隨漢使置身眞近斗牛邊

水淀卽事二首

澄懷園詩選卷七

二

盡處曉烟不散雨晴時偶從淺碧迴蘭漿最愛輕  
黃上柳絲我本江南捕魚客枕流心事白鷗知  
滄波沾沾影溶溶疑與銀河咫尺通行處碧潭清  
見底望中低樹遠浮空湖寬舟認三叉路灘曲帆  
欹半面風安得春深理篙楫釣絲輕拂落花紅

扈從出古北口

不覺重關險頻年扈翠華千尋盤鳥道一綫接  
龍沙邃谷清泉湧巉巖灌木遮置身在何處馬足  
蹋雲霞

塞外寓齋卽事十六首

敢言邵子有行窩一榻臨窗且放歌陋室何曾無  
長物苔痕草色入簾多

殷勤治圃屋西頭種豆栽花遣旅愁何事欲爲長  
久計年年過夏又過秋

深掩雙扉避市囂南華在手愛逍遙私懷頗異平  
泉老不願人來訪寂寥

不羨連雲屋幾重此間聊喜膝能容况兼一事如  
人意枕上推窗見眾峰

窗燈火夜相親更愛窺簾月色新鄰舍吹簫余  
把卷不妨同作不眠人

澄懷園詩選卷七

三

偶移野卉傍疎籬怡值連晨小雨滋葉底花開人  
未見一雙蝴蝶已先知

片時雷雨過書窗添得桃笙一夕涼不願更爲莊  
叟蝶無知無識黑甜鄉

新茗愛烹蟬翼葉名香還熬鷓鴣斑勞人飽識奔  
忙味珍重斜陽片刻閒

螢粘小草鵲栖枝日日宮門退直遲莫道孤吟無  
伴侶蟲聲多在晚涼時

欹枕閒眠百慮空不將得失較雞蟲但能領取羲  
皇意處處陶潛北牖風

碧玉難求方岳菜紫綵空憶陸機尊家童似識懷  
鄉意學作栽蔬種豆人

晴明石色搖金碧霧雨峰巒擁髻鬢騎馬出門攤  
卷坐無時不看塞垣山

木架松棚分院落豆藤瓜蔓上階除但教牽去翔  
麟馬宛是柴桑處士居

蓬蒿不翦路難通仲蔚門庭訝許同剩有秋花似  
春色牆陰一簇小桃紅

鳳仙花  
名小桃紅

千絲步障張金谷百寶闌干護藥叢我與前人鬪  
豪侈豆花編作錦屏風

澄懷園詩選卷七

四

庭空盛暑迎風便地敞清宵得月先難免浮屠桑  
下戀此閒休夏已三年

釣突泉

在避暑  
山莊內

獨占邊垣勝還同濟水名伏流從地出靈液自天  
成錯落珠無類琮琤玉有聲三庚忘海暑長對雪  
霜清

恩賜毫筆恭紀二首

退筆如山詎敢誇拙書依舊縮秋蛇承恩遠勝

江淹夢親見毫端五色花

雕鏤不羨黃金管璀璨還分翠羽函珍重

君恩期許意學書須學楷河南裴行儉曰楷遂良非精紙佳筆未嘗輒書

和三姊春暉亭落成原韻

藥圃花籬手自營春暉亭子喜初成謝公別墅斜  
通徑潘岳幽居正面城佳卉每和珠露摘靈芽時  
就石泉烹多君占盡清閒福造物曾無吝惜情

疊韻懷三姊兼呈湘門姊夫

梁孟從無世俗營唱隨時有好詩成當階蘭玉誇  
雙壁充棟圖書抵百城此日慙同元豹隱他年休  
忘伏雌烹遙知北望增離思念我霜天出塞情  
同年筍雨圃以墨梅見貽並題佳句賦謝二

證懷園詩選卷七

五

首

掩關難避六街塵夢結空山野水濱多謝良朋憐  
寂寞毫端分與故園春

披圖習習起香風應笑徐熙筆未工松雪法書何  
遜句併成三絕尺綃中

聞故鄉荒歉口占寄弟姪輩二首

枌榆生計在田功翹首南雲祝屢豐何意桑麻雞  
犬地哀鳴一旦有飛鴻  
苦饑最憫空倉雀失水堪憐涸轍麟休說救荒無  
上策遂將秦越視斯人

乙未元日

恩賜穀果酒醴恭紀

宮壺瀉玉泉仙饌燦瓊筵拜 賜當元日承 恩  
第七年自丙戌至今凡在官之年皆蒙恩賜燭花凝異彩香篆霽祥烟  
舉室春溫裏都驚雨露偏

二月奉

命分校會閣恭紀二首

拜奉 絲綸入鎖闥

君恩重疊向來稀臣三與會試分校爲舊事所無最憐燭盡三條影  
癸雲成五色輝謝劣何堪居絳帳品題休說任朱

證懷園詩選卷七

六

衣矢將公道酬知遇屢見鵷鸞刷羽飛

棘院重來鬢雪侵依然燈火紙窗深三年再試持  
衡手午夜仍懷飲水心架上圖書翻舊帙門前挑  
李長新陰編修顧允敏乃臣壬辰本房所得士也今同與分校亦是佳話拂衣不學楊公巧  
或免譏嘲在士林

閨中夜坐漏下三鼓因憶壬辰分校於此有

對月四絕句約略猶記大概遂依原韻以

述鄙懷

料峭寒生二月天禦寒難覓紫茸氈閨中夜漏長  
如此漫道仙家日比年

擊鼓焚蕪鎖院深驚飛鳥鵲繞寒林夜闌把卷虛  
窗下惟有銀蟾識此心

自笑萍蹤預定難一枝隨處易爲安會經堂外春  
分月已得三回坐卧看

報國敢忘冰雪意求賢難覓棟梁材休矜鑒別全  
無爽曾說前人障眼來

出閨後既賦五言詩送三弟南歸再成三絕

句以余分後  
未得與試

憶爾來時雨雪霏南轅今見柳依依抱書空踟  
明路只當山陰訪戴歸

澄懷園詩選卷七

七

最好江南筍蕨春莫教枯寂負芳辰可知皂帽騎  
驢客不是長安下第人

遠客心懸去住中堪憐北鴈與南鴻何時風雨聯  
牀夕共賦新詩和長公

悲懷六  
七兩第

題孫書年小照二首

神遊貝闕虛無境身作金華供奉臣識取行雲流  
水意可知非幻亦非眞

好將松樹堅貞性証取蓮花不染心謾謾寒濤自  
朝暮天風吹作海潮音

恭和

御製水淀卽事元韻

省方春日駕輕舟畿輔湖鄉奉豫遊門外陂塘新  
過雨柳陰溪澗曲通流比鄰自結雞豚社卜築長  
依鷗鷺洲人在桃源歌

帝力天章還寫廟廊憂

雨後扈從密雲

清和時節豫遊辰一夕甘霖四野勻溪水乍添迷  
舊路柳絲齊浣絕纖塵千畦細麥初迎夏幾點殘  
花尙戀春何事揚鑣騎馬客閒情偏羨叱牛人

蒙

澄懷園詩選卷七

八

恩擢授翰林院侍講學士恭紀二首

帝德如天總未酬又邀遷擢拜恩優身依紫禁

無塵處名在清班最上頭濫以文章居玉署慚將  
圖畫玷瀛洲第三廳外槐陰滿天祿牙籤勉校讐

上諭大學士掌院學士有張廷玉供  
奉年久學問素優宜加遷擢之旨

報國多年矢寸衷祇慚薄技類雕蟲驚聞寵命  
重關外

塞外降旨遷  
除亦舊例所少

疊錫除書一月中

昨蒙恩擢授庶  
子距今未及一月  
臣父臣兄皆曾白

音澤九霄霑湛露冰銜兩世繼清風  
人最重青錢選鼓鑄難忘大冶功

塞外早起寒甚

久客重關外初寒八月中霜濃渾似雪氣冷甚於  
風一夕瓜藤萎千山木葉空硯池徐解凍日影射  
簾紅

四姪若震學畫偶圖秋林便面寄余賦此答  
之二首

書窗課讀有餘閒偶寄心情繪事閒回憶塗鴉如  
昨日濡毫今寫巨然山

知我逢秋鄉夢賒圖將秋色寄天涯何時攜爾龍  
眠路飽看霜林二月花

謝西君惠墨竹卷子

澄懷園詩選卷七

九

胸有渭川千畝竹偶然圖畫向生綃放梢直拂蒼  
龍尾解籜新抽碧玉條靜室疑聞風颯颯晴窗時  
覺雨瀟瀟知君持贈非無意勁節凌霜喜後凋

題西君花卉六首

雕欄花發三春蕊偃蓋枝橫百尺陰合寫生綃知  
有意天香國艷歲寒心

牡丹古松

雨過橫塘宿霧收亭亭玉立在中流騷人寫作餅  
花供從此紅衣獨耐秋

折枝荷花

天香疑向雲中出秀色還從砌下看苦憶空山明  
月夜晚風清露不勝寒

桂花秋海棠

臨窗伸取衡陽紙潑墨圖成楚畹芳但覺香風透  
簾幕不教清夢到沅湘

蘭

生平愛誦大蘇詩玉蘂橫斜竹外枝好手真能移  
造化暗香寒翠下簾時

梅竹

幾叢霜蘂隔籬斜蕭散偏宜處士家幸與此君同  
晚節甘將春色讓春華

菊花竹葉

題姚鐵華巨橋詩後二首

寒窗憶爾經年別好句耐人千日思盡掃綺羅鉛  
粉習等閒難識喻郎詩

吟壇自昔擅風流六籍沉酣力更邁愧我才非張

澄懷園詩選卷七

十

博士論詩數與武功遊

丙申初夏蒙

恩賜宴於暢春園無逸齋 命觀園中紅藥新筍  
及苑西水田茶紀四首

清時錫宴幾人同坐接班聯領上公飽饌瓊筵忘  
晝永鳥聲頻囀萬花中

婪尾春從舊譜聞上林佳種更繽紛鏤金錯采何  
能比一望蓬萊五色雲

信是瑤池雨露繁香苞解籜盡龍孫臨流一片瀟  
瀟影猶帶江南烟雨痕

青嶠甚有水鷺環親見農人粒食艱遠勝昔王崇  
稽事幽風圖繪殿庭間

詠懷八首

朝暮輪蹄紫禁邊漸將綠鬢換華顛關心邱隴三  
千里染指功名十七年高青邱句功名如美味染指亦云足底物未能開  
廣厦酬知空只守陳編微才敢說青錢選慚愧頭  
銜署集賢

四時都在五雲班寒暑平分內外間春冬入直禁中夏秋居從差外無  
語敢言温室樹有詩難狀塞垣山香飄銅鶴難書  
坐雪點花驄侍獵還多謝大鈞陶萬物特將鞭策

澄懷園詩選卷七

十一

勗慵頑

身同小草傍庭軒長沐雲雨露繁殿上圖書窺  
萬卷門前桃李種三番余三與南宮分校寸絲無補空糜祿

一飯難忘是感恩自笑愚誠同野老思因曝背獻  
微暄

學古慚言道義豐一材猶覺遜雕蟲臨池未得龍  
跳勢披卷曾無獺祭功身自病餘思倍澀景當佳  
處句難工惜陰重負陶公意歎息年光逝水同  
偶爾離家動隔旬自憐蹤跡比勞薪稚兒見面如  
生客羣犬當門吠主人用徐勉事酒暖不消髭上雪茶

清難洗肺中塵蛇珠報德知何日敢望樽前自在  
身

故鄉姊弟舊團圓自入春明路渺漫柳絮詩成難  
共和棣棠花發不同看園開五畝晴光暖山抱雙  
溪暮靄寒連袂過從多暇日定知繾綣說長安

治產願生計總疎貧猶可耐病難除未傳弘景燒  
丹訣且草真卿乞米書醫到勞人方少驗信憑征  
鴈望多虛何時歸卧山窗下自種黃精自翦蔬

靜觀天道識虧盈不向人間歎不平一味安心如  
止水百端防意抵危城高卑欲共鳶魚適旦暮休

澄懷園詩選卷七

十二

同燕蝠爭近讀楞伽除愛戀荀香潘簞亦忘情

夜夢故鄉水石之勝覺而賦此

頻年蹤跡滯間關紫塞烏城數往還久客幾忘林  
壑美勞人猶喜夢魂閒濤聲到枕門臨水黛色侵  
衣屋面山何日置身清絕境不教蓬閣隔塵寰

扈從過沈莊

停驂何處好官路近農莊麥穗雨餘綠棗花風過  
香山僧茶滿甕村女菜盈筐比戶安耕鑿都將  
帝力忘

卿如以引見工部員外郎至塞外信宿小寓



賦此爲贈二首

意外故人至開扉一笑迎相留客窗宿殊慰塞垣  
情談興如疇昔詩篇更老成馬駒邊地酒翦燭且  
同傾

十年登仕籍廉靜似君稀未受居官累誰言用拙  
非家聲自清白天語有光輝蒙天語詳問家世向後吾能  
料才名重粉闥

塞外與王麟照中允

伊人舍館近相望不歎蒹葭水一方風急秋聲同  
到枕夜深燈影互過牆養生頻接嵇公論驅瘴還

澄懷園詩選卷七

十三

吟杜老章時小恙初愈他日扁舟問三柳結廬期傍輞川  
莊

塞外久雨和王麟照二首

客裏何堪節序更秋窗聽雨倍淒清霜零短草寒  
蟬歇風響枯枝病馬驚小戶醉餘元亮酒壯心消  
盡退之樂斯時苦憶江南路籬有黃花樹有橙  
空階淅瀝暮連晨未許論詩過比鄰乍冷渾忘衣  
有絮久陰聊喜硯無塵藏雲月似離家客侵骨風  
如入幕賓何日卻拋官燭去瓦鑪簇坐夜然薪

題西君水墨花卉五首

粥香錫白記開時今向圖中覩異姿想是貞元題

詠後用元白詩中事墨痕留在曲江枝杏花

霧縠烟綃巧作團不教啼鳥怨春殘武陵別有神  
仙種爲報漁郎仔細看千葉桃

朝來一雨洗妍紅素豔含香立晚風自是剛心兼  
勁骨肯教脂粉污芳叢唐人於牡丹有剛心勁骨之稱牡丹

仙衣曾染鬱金黃逸韻翩翩近畫廊應怯曉寒風  
露重元裳換却道家裝秋葵

一枝疑出廣寒宮几席香生細細風苦憶龍眠看  
花處月明如水萬山空桂

澄懷園詩選卷七

十四

題西君畫二色芙蓉

好把玉堂垂露筆輕描瓊圃拒霜花恍疑開落秋  
風裏半帶朝烟半暮霞

題西君墨菊卽用卷中自題原韻四首

墨菊圖來色可餐東籬無復怨凋殘若教杜老當  
時見不賦庭前白玉團

塞山風物不成詩節序都令遠客疑忽覩秋容披  
畫稿晚香還詠魏公詞

冷豔疎枝傍砌斜不聞採摘向陶家可知五老崖  
邊種化作文人筆底花

垂露臨池信有神寫生還作詠花人金絲紫粉拋  
何處獨愛花中不染身

哭鶴田弟四首

卒於南  
川任

迢遞巴川路書來報汝亡乍聞渾似夢遙憶劇堪  
傷壯歲歸重壤高年痛北堂望南頻雪涕一夕鬢  
添霜

欲捧毛生檄聊彈宓子琴路經三峽險邑在萬山  
深未展鵬飛志難酬烏哺心那知天道酷圭璧永  
埋沉

器識原殊眾丰儀更出羣士曾依絳帳

先為臨  
淮廣文

人擬

澄懷園詩選卷七

十五

致青雲將誦遷鶯句俄傳賦鵬文猿啼共鵲血淒  
絕不堪聞

丁亥都門別寒風作雪時十年彈指速萬里達書  
遲夢草情猶苦焚芝慟不支孤兒扶櫬返火急寄  
余知

西郊寓齋夜坐

深宵翦燭待詩成坐覺茶烟分外清月上暗窗疑  
曙色風翻鄰樹作濤聲飛揚意氣消殘卷寂寞心  
情耐短檠一自屏幃香冷後更無人共數寒更

寄湘潭劉處士

早年蹤跡寄槃阿花甲初週髻欲瞞人仰高名瞻  
嶽麓自吟佳句對湘波先生三徑惟栽柳居士單  
衣只翦荷我賦兼葭倍神往襄陽耆舊古來多

題松溪兄詩集後二首

冰雪聰明一卷詩襟懷未許俗人知臨風遙憶高  
吟處都在看山對水時

優游蟹舍與魚莊惟把新篇答景光千古詩人同  
轍鹿門曾老孟襄陽

二女十二齡學琴頗得指法書此示之二首

弱女鳴絃有會心悒悒一曲夜窗深也知淩轍非

澄懷園詩選卷七

十六

琴德用意追尋太古音

逸韻都從指法傳高山流水豈徒然笑余兩手生  
荆棘不理徽絃二十年

丁酉夏日塞外和勵南湖僦居二首

羈旅安身處經營等卜居支棚因避日設架爲容  
書砌面苔猶淺籬根卉尙疎塞垣荒僻地卽此是  
精廬

但得閒庭趣休言廣廈居山青長近榻窗白好抄  
書鮮壁題詩滿筠簾映樹疎深慚張仲蔚寂寞掩

蓬廬

寓齋卽事疊前韻四首

敢望鶯遷木聊同燕借居虛齋纔設几行笥畧攜  
書隔院聞歌近當門過轍疎閒中一回首十載住  
官廬

插棘樊新圃誅茅葺舊居趁晴先曬藥避漏屢移  
書野豆牽藤密閒花著藥疎匡牀偶成夢迢遞到  
田廬

都無塵市鬧亦少比鄰居身懶常支枕童忙爲借  
書望鄉愁信隔覓句愧才疎每恐傳呼急衝泥上  
直廬

澄懷園詩選卷七

七

有弟來邊塞謂舍間相依慰素居樽傾獨馬酒帖仿  
換鷺書露坐聯吟數燈窗對影疎經句破岑寂不  
異在家廬

疊韻懷三弟都門

廿載名場困三年禁苑居敝車朝入直殘燭夜簪  
書性樸逢迎少心專嗜好疎一間容膝易不覺是  
蝸廬

疊韻懷六弟里門

阿弟藏修處牆東有舊居芊綿三徑草顛倒一牀  
書任事襟懷爽忘機禮法疎公車期又近切勿戀

田廬

疊韻懷大姪里門

不羨百尋屋長依五畝居克家承祖訓扃戶課兒  
書吉士言辭寡幽人款接疎竹林游衍日應念我  
穹廬

疊韻懷二姪嚴州

小阮官齋好嚴灘相近居山光青入座江色碧侵  
書飲水心應苦防川計莫疎時有督修海塘之役憐余懷遠意  
夜夜夢桐廬

澄懷園詩選卷七

七

澄懷園詩選卷八

桐城張廷玉硯齋

近體詩一百七首

恩賜

御書宮扇一柄恭紀

五明宮扇製玲瓏拜賜欣瞻 御墨融珠玉有光

眞世寶烟雲無跡本天工三庚似植迎涼草四座  
如披解愠風自愧飲和先萬物纖毫無力答蒼穹

猛雨

四山遙見黑雲稠猛雨翻盆久未休高鳳夢全歸

澄懷園詩選卷八

巨壑張融船已在中流寒生似失三庚暑風響如

聞萬木秋屋漏牆傾等閒事籬花飄蕩不勝愁

塞外寄三弟

自作龍沙客淹留夏復秋勞薪貽汝累索米代余  
愁有夢憐康樂無詩寄子由呼羣聞塞鴈偏在荻

花洲

空庭

空庭偃仰足清娛尤喜經旬轍跡無瓜蔓漸侵行  
藥徑松風頻起煮茶鑪草肥螢似燈光炯土瘠花  
如鶴影癯破寂不須聞鼓吹鄰歌相答鳥相呼

問三弟抱恙賦寄

溽暑侵肌病未除不知秋爽復何如日牽公事勞  
趨走難望官身慎起居衛氣固應頻餌藥養心須  
是躔拋書勿因愛誦東坡句欲作驪仙好伴余

東坡  
問三弟由疲詩相看會作雨  
驪仙遠鄉定可騎黃鶴

題西君墨荷二首

洗粧不染鉛華習照影常臨碧玉流猶記看花盪  
輕槳淡烟疏雨野塘秋

閒將墨瀋寫瓊姿太華峰頭第一枝百草千花讓  
顏色披圖還詠白家詩

澄懷園詩選卷八

題西君秋花草蟲

秋草秋花弄夕烟彩毫圖取韻天然知君雅有彈  
琴興只畫螳螂不畫蟬

和酉君詠內製木紙扇韻二首

新成便面影涵空不用三年刻楮功玉柄金花何  
足數龍皮鶴羽或應同從今舒卷雲霄上自昔滋  
培雨露中草木總含清淑氣可知蘋末起微風  
由來玉版重溪藤巧製人間見未曾輕似鮫綃涼  
影動薄於蟬翼暗香凝障塵若隔絲千縷映月疑  
窺霧一層炎暑偶搖風滿座早看簾幕絕飛蠅

塞外接稼書弟來書並詩文近作賦寄

三復新篇別思添潛脩憶爾正垂簾風飄細雨侵  
書幌樹透斜陽照屋檐把卷數行齊過目論文獨  
得每掀髯豐年美玉荒年穀未信螢窗久滯淹

哭七弟八首

猛雨摧殘玉樹枝生前死後不堪思寸腸斷盡何  
能續半載方成哭汝詩

翩翩鴻羽向燕臺寄我頻將尺素裁幾月郵筒斷  
消息手書偏共計音來

愁汝經年病未瘳書來惟說采薪憂傷心不遇羅

澄懷園詩選卷八

三

浮客安得金丹遺仲邱

崔家兄弟最情親池草空餘夢裏春莫話德星堂  
上事中年凋喪已三人

殞室荒涼蔓草封鴿原何日得相逢死生拋汝三  
千里五夜捫心愧魯恭

謝客終年閉戶居但將筆札送三餘可憐蛛網塵  
埋處幾曲花籬萬卷書

殷勤琢句掃陳言篋裏新詩幾卷存從此墨池春  
水綠更無人仿趙王孫

弟好爲詩出筆清脫書  
法師趙文敏頗得其神

剩有空巢育眾雛顛危事事賴人扶阿兄安得休

官去爲爾朝昏撫貌孤

題瑯聞弟新詩後二首

一編展讀夜燈紅按節舒徐琢句工頗得昌黎論  
詩意春雲靄靄在高空

垂髫早已愛臨池取法羲之與獻之弟聞自幼  
工書法向後  
有人求細楷好將新句寫烏絲

題西君畫熟蟹二首

紅殼登盤似酒卮寫生堪繼李延之笑君饕餮如  
坡老畫就還吟滿幅詩

紺甲金腴舊擅名輪芒正喜及秋成當年一櫛歸

澄懷園詩選卷八

四

來晚時見湖干夜火明

茉莉十韻

鬢華香色好辛苦費滋培聞道南荒盛遙從西域  
來條長柔似蔓葉滿碧如苔短架編枯竹清陰仰  
古槐藥當炎暑密花待晚涼開璞玉工雕琢冰綃  
巧剪裁乍舒珠半吐齊放雪成堆照影宜纖月攀  
枝絕點埃眞同蘭桂馥未許蝶蜂猜願借波斯種  
花田九里栽

秋夜讀郭于公塞外詩漫題二首

故人相見慰相思一帙還披庾鮑詞斜月半窗風

透壁不辭吟到夜深時

簪毫初奉屬車塵藻繪山川筆有神愧我篇章供  
覆瓿十年空作塞垣人

牛鳴雙村權歌爲郭子公賦四首

璧社湖梢水接空雙村分占水西東扁舟來往隨  
風便但有樵風總順風

抱甕幽人久息機杖藜隨處可忘歸綠楊隄畔烏  
篷舫紅槿籬邊白板扉

小樓高處獨憑闌吟罷新詩暮雨寒捕蟹燈明蘆  
葦岸采菱歌唱蓼花灘

澄懷園詩選卷八

五

蓬萊清淺隔塵凡問字人來許挂帆漫說仙家不  
可到芋紅亭是積書巖

芋紅亭村中  
藏書處也

送鄒環西編修視學粵西二首

之子聲華重藝林冰衡特賁主恩深遙知馬帳  
觀風日不改雞窗映雪心理璞好收和氏璧掄材  
先識蔡邕琴要令蜚雨蠻烟地盡變熙朝雅頌  
音

春明折柳惜分攜遙憶千旌過帶溪桃李陰連江  
左右詩書澤在粵東西

環西曾主粵東  
試有公明之譽

飽嘗錦荔吟新  
句手種黃柑和舊題三載功成報

天子待君高閣共然藜

送馮孟容編修請假還蘇州四首

纔看載筆趨丹禁便擬抽身卧白雲自是飛鴻愛  
寥廓不因蘿月有移文

秋氣微涼秋水新片帆朝發潞河濱從今不作紅  
塵客要與青山作主人

藥裏詩囊一艇俱靈巖山畔水縈紆高吟曲寫田  
園景重見風流范石湖

解組難於馬脫鞵尊鱸張翰願多違不知歲月拋  
多少見爾成名送爾歸

孟容余壬辰分  
校所得士也

澄懷園詩選卷八

六

題少司空阮于岳前輩羅浮香夢圖二首

夜遊仙境朝披卷總在羅浮香雪中欲把司空繪  
圖意倩人傳與趙師雄

展對生綃月滿庭恍疑疏影上窗櫺因君添我梅  
花夢不夢羅浮夢敬亭

司空自題言敬亭梅  
花之盛不讓羅浮也

寓齋錦葵秋晚經霜益茂題二絕句

翠葉紅綃朵深秋倍覺榮如何花譜內不載傲霜  
名

舉世慕春豔無人問晚叢也如奇節士埋沒冷曹  
中

塞外九日

十度題糕節都從塞上過官身忘歲久客況覺秋  
多籬菊舒金蕾山楓簇錦柯風光未蕭瑟得句一  
高歌

郝僧贈菊

不覩黃花久山僧忽見貽何妨將北塞權與當東  
籬汲水頻澆土開樽滿泛卮芳菲等閒事珍重傲  
霜枝

塞外深秋夜坐

雖把清樽破寂寥靜中惟覺漏迢迢月臨秋塞色

澄懷園詩選卷八

七

偏瘦風過夜窗聲愈驕書卷頻翻那有得燈花閒  
卜總無聊薰鑪香篆茶鐺火愁絕天寒更易消

偶集怡園

謝公別墅鳳城西十載重來竹徑迷碧蘚漸緣朱  
戶上青松高與畫樓齊樽前樂府翻新曲壁上華  
箋認舊題回憶燈宵陪杖履珠光千點玉輪低

燈節屢赴文  
靖公之召

四叔父水部公輓章四首

街哀揮涕向西風吾叔遺徽頌不窮廿載臨民心  
似水一身抗賊氣如虹

叔父判武昌值夏逆變被執不  
屈幾遇害以萬民號救得免

難益信才兼守出處能全孝與忠聚順堂前奉家  
督離和長在一門中

水曹遷擢荷新恩琴鶴蕭然過里門身病得偷

閒歲月官廉難保舊田園狄公桃李三春好召伯

甘棠幾處存不愧關西楊太守但留清白與兒孫

楚澤巴川信到時吏民罷社不勝悲

叔父歷官襄陽嘉  
州皆有惠政吏民  
思之

感恩定舉文翁祀墮淚重看叔子碑北海樽罍

春寂寞東山風雨夜淒其素車白馬龍眠路爭致

生芻拜總帷

骨月關情四十年兩心都向不言傳宦從遠去離

澄懷園詩選卷八

八

懷結書偶遲來望眼穿猶冀征輪趨北闕誰知靈  
馭返重泉可憐留滯金門客痛哭何時傍几筵

吾衰二十韻

行年四十六種種歎吾衰漸滿眉間皺頻添領下  
絲自憂神恍惚人說貌清羸旅館樽空設征囊藥  
不離沈腰旬日減秦痔百端醫倦倚通中枕閒拋  
賭墅碁吟詩多草草報札每遲遲浩博慵深討精  
微怕苦思眼愁朝霧重衣怯暮風吹卧或終宵醒  
行纔半里疲氣原虛腴理病卻在心脾室比栖禪  
地門多謝客時蕭閒身所便繁劇力難支猥以蓬

蒿質偏承雨露私黃扉眞忝竊紫禁復追隨 天  
語頻垂問瑤函許偏窺弱蚊慚負荷駑馬効驅馳  
蓮漏常先待花顛敢後期苦無蠲疾法難免曠官  
嘆慚懼何窮意惟餘方寸知

讀白香山題舊寫眞圖詩有感 有序

香山詩曰我昔三十六寫貌在丹青我今  
四十六衰頽卧江城豈比十年老曾與眾  
苦并一照舊圖畫無復昔儀形形影默相  
顧如弟對老兄況使他人見能不昧平生  
予今年亦四十有六情事與公相類三復

澄懷園詩選卷八

九

茲篇恍然自失爰賦二絕句

亦曾寫貌在丹青寄興花溪與柳汀

子有桃花流水小照寫於十七年前

何事年來藏篋底祇因不似舊儀形

三復公詩意惘然今年恰好是公年病姿衰相都  
相似獨少詩名海內傳

二月送元度弟之涇州判官任四首 戊戌

碧柳垂條正可攀歌驪送爾向秦關從今春草地

塘夢只在三峰二華間

雞窗燈火幾經秋作吏新將治譜求接物謙和心

坦易定無人怕有監州

甘棠舊蔭在西秦清白家聲啟後人記取趙公遺  
事好不教桑棧過比鄰

邊陲猶未靜烟氛愧我曾無喻蜀文到日勸民先  
買犢不須辛苦說從軍

喜三弟殿試第二

九霄閭闔彩雲生喜聽臚傳第二聲上第可知由  
積累純脩端不愧科名輿情久擬登殊選天意堅  
留到晚成五弟登第者惟弟  
最遲而名次最高獨恨高堂人不見一時悲  
喜淚雙傾

和天門兄詠懷原韻卽送其南歸四首

澄懷園詩選卷八

十

歸去休悲涸澤蛇林泉風月浩無涯陶公舊業存  
三徑謝傳遺書載五車枕上黃梁都是幻鏡中白  
髮易成嗟范鎮作白髮詠  
以自嗟見南史從今穩卧芸窗下不復驚心  
聽曙鴉

恬澹端由閱歷多不因豪氣盡消磨久忘簪組歐  
居士甘避郎君薛阿婆許我素心聯鴈序羨君清  
夢狎鷗波棣棠花發春江暮南望難磨折柳歌  
志和風義重吾宗繼美何妨自訓農鐵甕遠分江  
一派錫山遙指岫千重兄近下  
居常州四時竹色如雲暗三  
月花香似酒濃學稼勸耕無限好青疇紫陌自衡



從

流水年華良足惜浮雲事業不須論逃名且入雞  
豚社離俗常關薜荔門黃帽綠蓑隨釣侶青樽紅  
燭伴詩魂只愁公望難高隱沙路重尋曳履痕

夏日閒居卽事四首

早完公事閉門居一笑先將俗慮祛生意愛看三  
徑草陳編重整十年書夢邀莊叟同爲蝶食勝馮  
君獨有魚更喜午窗雷雨過盡消煩暑剩清虛  
六扇窗開一榻橫聊從咫尺寄遙情畫懸枯木寒  
鴉影琴譜平沙落鴈聲書卷遣懷還引睡詩篇紀

澄懷園詩選卷八

七

事不求名清泉盥漱神先爽也似滄浪詠濯纓  
官街頻聽柝聲傳貪受涼風減夜眠洗盞自傾初  
熟茗移餅先露未開蓮傳枝雙鵲驚還定墮草孤  
螢暗復然新月替人添韻事細篩花影竹牀前  
倦飛禽鳥慕投林頗似勞人此日心小憩何須營  
丈室偶閒眞欲惜分陰牆連御柳朝烟重門對宮  
槐晚翠深莫向西風頻舉扇元規塵遠不相侵

題方引除過江集二首

懷人難遣故鄉思正是驕陽蘊暑時忽覺清風生  
几席把君一卷過江詩

六朝陳跡尙依然二水三山句共傳不是方干詩  
思好更無人繼李青蓮

過玉河

天上清虛界肩輿向曉過菱荷含露重楊柳挾風  
多一艇遙依岸雙鷗宛在波我思謝塵鞅鼓枻枕  
漁蓑

送芝田弟之溧水廣文任便道歸省四首

君來正值柳舒黃今見槐花墮曲廊屈指廿年無  
此況七旬風雨得連牀

輕裝此日賦歸與絮語纏綿剪燭餘須識勞人辛

澄懷園詩選卷八

七

苦意秋風不暇憶鱸魚

殷勤捧檄慰慈顏雞黍鄉園許暫閒采采芙蓉涉

江水片帆東指六朝山

江北江南路不賒同時桃李爛如霞時蒙田弟  
司鐸應江王家

故物分明在依舊春風護絳紗七叔父初任靖江廣  
文屢膺循卓之選

送徐亮直編修奉使琉球便道歸省四首

使星輝耀指龍岡玉節金符出尙方海國已操戈  
櫓待先搖蘭槳過吳閭

鄉里爭看擁傳歸霞觴親捧拜慈闈勝他萊綵斑  
爛色宮錦新裁一品衣

海波五色接蒼旻  
鼇脊崢嶸屨氣新  
自是張華稱博物  
不將靈怪問舟人

直泛仙槎銀漢邊  
盡收風景入詩篇  
他時絕域人都說  
才思真如下水船

仲秋過玉竦橋有作

好景由來數月華  
龍池秋水浩無涯  
蒲梢風起響如竹  
荷葉露零香勝花  
曉日半銜丹鳳闕  
輕烟全罩白鷗沙  
天公假我蓬瀛路  
不惜衝寒趁早衙

小窗

小開窗牖薛牆隅  
淡薄秋光占一區  
瓜蔓作棚還

澄懷園詩選卷八

十三

作架草花如粉復  
如朱穿簾螢火時  
明滅咽露蟲聲半  
有無偃息更牽湖  
海夢屏風高展卧  
遊圖

大女自學爲詩余  
未之教也作此示  
之二首

敢言詠絮謝家才  
對景偏將短句裁  
吟罷新篇思往事  
聞詩曾否過庭來

三百篇爲萬古師  
周南女子類能詩  
須知溫惠醇良意  
不在風雲月露辭

爲奉律弟題大明湖圖四首

鵲華蒼秀甲寰區  
奉

召曾觀松雪圖

趙文敏鵲華秋色圖藏內府

又與齊州添勝蹟  
橫綃新寫大明湖

綠楊隄繞白鷗汀  
披卷神遊歷下亭  
檻外一泓秋水碧  
城頭九點暮山青

蘆葦叢中繫釣槎  
烟收風定月初斜  
欲尋蓮葉東西路  
萬頃湖光萬朶花

往事流傳濟水濱  
至今忠節氣如新  
義松貞柏無邊綠  
培護清陰賴後人

謂伯祖鍾陽公暨伯祖母殉難事

題畫

落花片片水溶溶  
柳線輕搖雨腳風  
我與游魚同樂意  
悠然相遇畫圖中

馬上望盤山

澄懷園詩選卷八

十四

朔風栗烈近重關  
風捲冰花點鬢斑  
笑我未忘邱壑興  
荒烟殘雪望盤山

歲晚接三姊書卻寄二首

貧家井臼費支持  
對雪還吟絕妙辭  
神往春暉亭子上  
早梅將發向南枝

官況蕭條歲欲除  
難將消息報鄉閭  
近來一事尤堪笑  
換米束鄰解佩魚

奉

命充省方盛典總裁恭紀

民莫民依厘

聖衷頻勞法駕出深宮五年巡狩符庚典萬世安  
瀾頌禹功此日幸分青鏤筆當時親傍玉花驄南北巡幸臣  
難將蕩蕩巍巍德寫入金泥玉檢中

過趙北口己亥

春水初生望渺茫長隄一帶水中央傍橋小艇收  
殘葦隔浦孤帆挂夕陽灘淺野鳬常作隊岸危疏  
柳不成行重來慚對波如鏡兩袖紅塵兩鬢霜

過景州懷魏君璧奉使嵩山

董子名猶在都無故蹟存炊烟起村落野水接城  
門破廟雙扉掩晴空一塔尊故人持節去相望暮

澄懷園詩選卷八

十五

雲昏

過德州悼同年李文仲

安德鍾豪士青蓮信異才看花當日共宿草至今  
哀暮雨助淒切春流空溯洄小詩同楚些難與寄  
泉臺

過苦水鋪感舊有序

丁卯臘月同業師劉練湖先生表兄江紹  
問姚華曾大姪若霖北上阻雪於此極逆  
旅之苦距今三十三年矣爰賦短章以紀  
往事

荒村饒有五鄉風猶記當時歎路窮大雪漫天寒  
透壁一燈明滅五人同

過東阿縣

穀城驅馬過高下路彎環西去有流水北來初見  
山綠楊懸酒幔紅杏掩禪關霸冢知何處荒烟宿  
莽間項羽墓在東阿  
土人呼爲霸冢

初至曲阜奉命告  
祭闕里

嶽陽東望樹陰森宗魯名區重古今泗水清澗新  
漲闕尼山蒼翠暮雲深弦歌猶見先民俗金石如  
聞古壁音不是邀恩持使節宮牆容易許窺尋

澄懷園詩選卷八

十六

奉使曲阜六弟偕三姪遠來省視連夕共話

喜而賦此

鴈行睽隔幾經年南望難禁別恨牽忽見風塵騎  
馬至居然夜雨對牀眠九峰掩映亭前樹遠峰亭乃  
先公讀書  
處也今三  
姪居之雙澗迴環墓下田手澤定知無恙在挑燈  
終夕話纏綿

隨八叔父遊大明湖時同往者兄篤山義峰

荆山弟榮懷瑄問奉律思齋姪若熾若潭

若震若峒姪孫鴻楫姪曾孫裕熙

大明湖水闊近在歷城隅皎潔銀花鏡空明碧玉

壺孤亭倚風柳雙漿入烟蒲往事頻回首相看涕淚俱

登北極閣

傑閣鬱崔嵬尋幽結伴過湖光臨檻碧山色隔城多出樹聞鐘磬登梯俯薜蘿高吟杜陵句聊復答漁歌

余從濟南北上六弟兩姪旋里賦此爲別二

首

弟兄分袂在天涯酌酒旗亭別思賒況是春烟春雨候馬前開徧棣棠花

澄懷園詩選卷八

七

龍眠深處問松筠杜宇聲中萬綠勻梅子正黃櫻正熟一樽相對話勞人

再示兩姪二首

濟水跳珠柳散絲南轅北轍此臨岐生平不作留連態難別豐盈犀角兒  
暮春春服稱身裁故里鶯花待舉杯料得襟期異流俗詠歌新自舞雩來

禹城道中

籃輿穩坐蹋晴沙擊壤亭邊四望賒  
禹城有擊壤亭見通志  
野渡曉烟籠柳色山村初日在桃花  
趁墟人遠爭挑

采抱甕僧閒自煮茶我本江南農圃客采風先與問桑麻

題張孔昭錦江泛舟圖二首

家住浣花溪畔詩吟濯錦江頭楊柳晚烟古岸桃花流水扁舟

意比醉翁載酒交如公瑾飲醕人謂蓬萊仙客自號江湖散人

納涼

浴罷得閒坐當階試葛衣饑蚊排闥入宿鳥見燈飛送雨雷聲隱驅炎風力微鼓琴憐弱女一曲是

澄懷園詩選卷八

六

忘機

玉簫橋荷花二首

垂虹蜿蜒玉河濱來往看花正嚮晨雲錦滿川香撲路不辭常作趁朝人

金羈玉勒馬交馳花落花開總不知獨我閒情似明遠五言高唱謝公詩

澄懷園詩選卷八

澄懷園詩選卷九

桐城張廷玉硯齋

近體詩一百一首

喜二姪若需以卓異 召見人都

竹林重聚鳳城邊銀燭青樽啟夕筵京國分襟剛

一載歷去年以公事入都明廷奏績恰三年喜看官擁雙旌貴

不負人稱萬石賢欲報

君恩須記取建甯風烈在芸編高祖大參公宰永康守建甯皆有異績載明史

循吏傳

秋日集怡園

澄懷園詩選卷九

一

三秋暇日訪平泉坐對林梢起夕烟落葉已飄幽

徑裏晚花猶艷曲欄邊窗臨薜石山爲障橋枕蘋

漪屋似船自是 聖朝深雨露故家喬木尙依然

寄吳鶴沙二首

故人別後最相思又是蒼葭白露時記得春明折

楊柳百端惆悵不成詩

南朝風雅重吳筠樹幟騷壇四十春勘破浮生蕉

鹿夢名山歸作著書人

題畫

扁舟曾泛莫愁湖獵獵西風動渚蒲遙望水天同

一色白鷗飛處片帆孤

晚秋過玉河作

華林西畔液池邊領略秋光又一年柳短不遮蘆

荻浦荷枯遙見木蘭船幾重金碧雲中屋一片空

明鏡裏天此景人間都未有新詩難寫畫難傳

過孫河渡

古渡秋深水半消垂楊無復最長條就中野趣堪

圖畫雙鳥窺魚立斷橋

湯山曉行

繁霜如霰集征轅古木號風月半昏官路行來剛

澄懷園詩選卷九

二

十里荒雞啼到第三番林中燈影村開店樓上鐘

聲寺掩門此際商量禦寒具黃絲襖勝白狐溫

送二姪之官瓊州便道歸省三首

天語褒循吏除書出禁林人言家法好我歎 主

恩深易了當官事難酬報國心門前驅五馬欲別

更沉吟

萬里珠崖郡休辭渡海勞艱難試盤錯忠信涉波

濤蜃戶知風候黎人望雨膏坡公祠宇在先與酌

香醪

爲念慈闈切衝寒先到家節纔看火樹春已綻梅

花毛微心應慰潘園路不賒開樽應憶我轍跡困風沙

題方繼溪梅花詩後二首

詠花新句十分工盡日閒吟味不窮頓使風塵騎馬客置身疎影暗香中

賞同幽谷高人意夢繞孤山處士家豈獨妍辭稱博物出羣風格似梅花

庚子春暮題戴雲奏種竹圖二首

素筆頻年侍禁林右丞片紙重南宮花苑柳看都徧徧繫山窗種竹心

雲奏以善畫供奉內廷

澄懷園詩選卷九

三

白石欄邊碧玉枝平安常報主人知祇今春雨春風晚正是新梢解籜時

午日篤素堂小集

夏淺風輕不起塵蘭湯浴罷葛衣新槐庭共倚雙株蔭蒲酒歡同四代人

是日叔父延慶公弟約齋瑄開姪若巖若冕若需姪孫鴻楫俱在坐

日莫教虛令節多年難得此閒身何時共舉凌波

權擷秀攀芳楚水濱

五月蒙

恩擢授刑部左侍郎恭紀二首

廿年驚馬効驅馳遲鈍徧蒙

聖主知北闕詔頒金鳳紙西曹官領白雲司半生總是懷鉛日垂老方爲讀律時莫道皋陶專執法秋霜春露本兼施

帝德如天法網舒儒臣承命掌刑書共遵約定三章後敢憚心勞五聽初嚴棘風迴聲慘切甘棠澤

在蔭扶疎

臣父昔嘗刑部事多所平反

不才難繼于公蹟慚說他年

駟馬車

詠道傍槐

愛此道傍樹也如生澗阿蟠根知歲久底物覺陰多絲竹何年奏輪躑鎮日過不妨聊倚徙無夢到

澄懷園詩選卷九

四

南柯

夏日卽事

欲避三庚暑無妨四壁空坐移槐蔭裏門掩市聲中潤借溟濛雨涼生方便風未忘澆灌事時復問

蘭叢

詠芭蕉扇

種自赤崖得形疑皓月同隔窗曾聽雨入手又生風雲母將焉用冰紈亦未工若令逢謝傳聲價重

江東

賀周策銘前輩生子二首

玉果犀盤小繡襦蘭湯新浴鳳凰雛昨宵夢裏分明見捧得仙人五色珠

天錫麒麟骨相奇承家接武未云遲明年六袞開筵日正是提戈取印時

題江魚依古道獨行圖二首

一雙蠟屐一筇枝原覺乾坤自坦夷對水看雲心不競不妨持贈少陵詩

餌菊餐芝飲太和行行只傍後彫柯也知獨往非君意無奈人爭捷徑多

題方鶴洲寄廬種花詩後二首

澄懷園詩選卷九

五

伯通廡下好栖遲樹植還吟絕妙辭頗笑梁鴻太蕭寂不曾留得種花詩

雨滌烟鋤意味長繁華舊夢付黃梁客來艷說姚江路潘令花圍召伯棠

鶴洲昔宰姚江有甘棠之頌

題楊又東觀敬器圖二首

公子才名重藝林丹青寫貌意偏深君如清廟明堂器更抱持盈戒滿心

日日趨承白玉除道裝甯許易華裾小童持抱知何物應是蓬山四庫書

汪杜林狀元祖母百歲詩二首

世壽堂前百福成泥金封喜下蓬瀛芝蘭色並金萱茂奎壁光聯寶婺明人說大魁由積累天教上瑞表昇平稱觴不用雲璈曲聞闔先傳唱第聲

千歲御苑花攀第一枝寰海疇能齊福履宸章親與祝期頤

御書期頤人瑞四字特賜

題詩欲紀興朝瑞不是尋常介壽詞

送王潤峰之官開封

五馬雙旌乍到時潁川父老恨來遲坐吟白雪詩千首起看青郊麥兩岐濟物鴻才推獨步傳家清

澄懷園詩選卷九

六

節畏人知芳名不愧循良舊醇酒頻過卓魯祠義峰兄久客濟南以詩見貽依韻奉答

燕山濟水恨離居憑仗雙魚達素書薄宦也如淹客舍倦遊一樣夢鄉間惠連春草詩頻寄張翰秋

尊願又虛多謝阿兄期許意皋陶明允愧難如

詩以皋陶相兄

送徐卿叔編修假歸四首

拜捧綸音下紫宸感恩翻覺淚沾巾烏私得遂臣何幸許作空山負土人

摒擋歸裝廩俸餘一肩行李短轅車蕭然不改儒

生舊添得芸香護 賜書

惜別旗亭酒一卮微涼先到綠楊枝心知不爲尊  
鱸去恰值秋風乍起時

萬壑千巖山水鄉盡收風景入篇章明年握手宮  
槐陌第一先開古錦囊

寄祝賈虛姪六十壽二首

小阮吾家秀才名四十秋竹林曾與共花甲喜初  
週偕隱成高致願生罷遠遊鹿車同挽處出郭卽  
丹邱

有志事能立無求道自尊筆耕全孝友書種付兒

澄懷園詩選卷九

七

孫淡薄存三徑雍和在一門采芝兼采菊歲歲佐  
開樽

題憚南田秋荷三首

殘葉殘花蘆葦洲冷香寒韻筆端收由來濃染春

光易難寫荒汀寂寞秋

山雲淪淪野烟霏侵曉無人問釣磯洛浦神仙原

耐冷不嫌風露濕紅衣

坐詠蒼葭白露詩思鄉難遣早寒時橫塘曲澗秋

深淺惟有銀鷗雪鷺知

題卿如飲酒詩後二首

竹葉綠浮玉筍蒲菊香泛瑤餅醉翁之意有在漁  
父何時不醒

賢聖不妨偶中醉吟却喜能兼君謂興如阮籍我  
言詩似陶潛

小憩野寺中

偶離官路扣禪堂繫馬荒庭有白楊僧老不除階  
上草寺貧常斷佛前香數聲饑雀頻穿樹一瞬斜  
暉易上牆我與昔人同此意願將行役問空王

荒村夜坐

霜風勢欲捲茅茨正是初寒釀雪時燈影動搖移

澄懷園詩選卷九

八

案近柝聲斷續過門遲驅愁難覓仇家酒作伴惟  
憑杜老詩何事號寒中夜起堪憐鄰舍飯牛兒

欲雪行密雲道中

雲重天將雪沙平路少泥風搜溪樹淨寒逼爨烟  
低易涸秋深水慵啼日午雞經過曾宿處老馬向  
門嘶

辛丑元日

恩賜穀果酒醴恭紀

閭闔雲開口敕宣欣看蓬華燦瓊筵 天厨列品  
人難識居第承 恩史罕傳五鼎禮從元日始一



家榮占百僚先濡毫欲獻無彊頌已過高宗享國年

賦送二姪之官梧州三首

葛洪勾漏古名區尤喜蠻風蠻雨無澹泊襟懷清

白訓珠崖何惜換蒼梧

二姪先授瓊州因制府題補他員改授梧州

一門三世荷恩施珍重龍樓引對時

顏色喜喜看喬木長孫枝

引見時蒙恩重問父祖天顏溫肅

官閒正好課耕桑春在枕櫺荔子鄉記取六爻山

下過瓣香先禮八賢堂

對雪懷二姪途中二首

澄懷園詩選卷九

九

昨朝騎馬去長安今見花飛六出寒知爾飲冰無

限意不妨風雪渡桑乾

春風計日到山城依舊書生款段行能守傳家清

白訓一琴一鶴勝雙旌

山左販鹽奸民聚眾為盜已就擒矣奉命

同都統陶

賴學士登德

訊鞠分別輕重置

之法於辛丑二月初三日出都口占示同

人

皇華載道騎駸駸奉使毋忘

帝訓臨暴亂有刑司寇職哀矜勿喜

聖人心但期湯網羅禽少敢說于門種德深敬舉詩歌告僚友每懷靡及是良箴

過雄縣感憶舅父姚耕壺公

公昔宰此多惠政至今歌思不衰近城有

橋邑人呼為姚公橋

循良不愧古人風留得甘棠在大雄潦洎更無人

病涉口碑來往說姚公

過趙北口

二月長隄路三年兩度行枯楊青未染野水綠初

生岸缺馬馳緩為傾僧補成半生辛苦意垂老怕

兼程

澄懷園詩選卷九

十

過河間二首

古木號風水作波瀛洲城下又經過由來陵谷尋

常事難向郊原問九河

獻王好學重當時博士傳經萬古師落日荒烟問

精壘輿中人正誦毛詩

時余奉命編纂詩經講義屬稿初就正在商訂

將至濟南馬上作

遙指層城烟靄間此行不似昔年間躊躇難了公

家事馬首匆匆過鵲山

宿奉律弟官齋

兩載歷山別相思濟水長夢中頻得句意外復聯

牀萬卷書充棟一聲歌繞梁天倫多樂事雙佛在

高堂

萬年寶祚詩四首

無疆寶祚慶延綿花甲初週六十年 厚德永貞

功配地 至誠不息道同天人遊禹甸堯衢裏歷

邁三王二帝前草木長春當令節卿雲糾縵照瓊

延

物阜民安託 聖朝

帝功巍煥治光昭守成創業經綸裕垂拱時巡雨

露饒重譯梯航來萬國兩階千羽格三苗自從府

澄懷園詩選卷九

十一

事修和後歌敘親聞奏九韶

宵密精神貫八荒猶勤 宵旰勅幾康先憂後樂

身彌健保泰鳴謙德愈光但欲農桑安作息不教

芝鶴獻禎祥 九重斂錫繁多祉日月升恆海嶽

長

雍熙奕禩慶昌辰環轉千支第一巡久道致成三

古俗太和分作萬家春欣逢仁壽休徵溥重會貞

元景福新拜手稱觥同野老載歌百祿自天申

題總戎楊公遺照二首

道參禪版蒲團外名在金堂玉室中青史更標功

第一天山早挂六鈞弓

有爲偏作無爲想濟世常懷出世心記拜丰儀向

何處凌烟高閣五雲深

苦旱書事三首

苦旱經春久甘霖入夏無西郊雲自密南陌草將

枯計地過千里呼天已再雩蛇醫銜水法常笑昔

人誣

展轉愁如結終朝望雨情徧徵觀候說時夢打窗

聲決獄將毋枉齋心恐未誠無聊看蟻垤幾度繞

廊行

澄懷園詩選卷九

十二

遙聞秦晉路瑣尾盡流離官守忘民瘼 天心切

已饑 綸音頒詔數肉食奏功遲飛輓尤堪念西

陞未罷師

喜雨

盡洗枯焦意銀河上界分遠勝天雨玉如觀稼連

雲重困甍黎庶殷憂慰

聖君耕耘知滿野休用勸農文

六月十七日

恩寵授吏部侍郎恭紀二首

六官首重是銓衡裴馬當年早擅名猥以樛材蒙

採擇愧無藻鑑佐休明營私敢有懷金事傲物宜  
防舉扇情例薄漸多胥吏滑選除何計得廉平  
頭銜新許署天官展轉私懷總未安潔己也知違  
眾易事

君終是得人難慚言地望龍門峻更沐恩波鳳沼  
例得兼翰林學士銜尤喜弟兄叨異數同宣綸綍五雲端

廷瑞同日奉敕  
命

吏部藤花詩三首 有序

吏部公署右廂藤花二株考之曰下舊聞  
以爲吳公匏庵爲少宰時手植也余六月

澄懷園詩選卷九

十三

到署花時已過而清陰滿院蒼翠逼人公  
事餘閒輒作小憩回憶癸未夏初授檢討  
因宣旨一至其下屈指十九年矣感流  
光之易邁愛佳卉之長新追昔撫今感恩  
述事爰成短句難寫寸衷

兩架疎藤覆苑牆我來未及賞穠芳可知爛漫須  
與事不及清陰耐久長

鬢髮蒼蒼歲月遷古藤青翠尙依然頭銜屢改  
君恩渥敢說虛拋十九年

身如小草傍丹楓報答春暉有寸衷坐對名花思

往昔風流端合讓匏翁

秋夜聽範治彈琴二首

七絃調對一燈青引我山林思窈窕不用覓泉來  
洗耳多年箏笛不曾聽

一彈休說五音和但覺庭階秋氣多月白水清江  
上句夜闌爲爾一高歌

五十生日

中年齒髮感蹉跎檢點生平愧若何無力服官恩  
愈渥有心學易過仍多身依天上青鸞隊夢繞江  
干白鷺鷥且插茱萸酬令節砌花開映醉顏酡

澄懷園詩選卷九

十四

讀香山詩不覺百年半何曾一日閒慨然賦

之

百年已半少閒時情事渾如白傅詩滿地嚴霜朝  
起早到門涼月夜歸遲簿書填委披難徧冠蓋周  
旋倦不支識字從來憂患始固難說與世人知

閩香山集有作 有序

香山年五十爲主客郎中知制誥五十六  
遷刑部侍郎余年五十由刑部侍郎遷吏  
部忝亞卿之長才力遠遜古人而恩遇  
過之書此以誌愧悚云

承 恩忝領貳卿班清夜捫心凜曠療才遜古人  
官過分展書慚對白香山

夢至元度涇州官舍覺後賦寄

冷官官舍有餘閒客夢乘風數往還我昔未諳秦  
隴路因君頻度六盤關

恭和

御製千叟宴詩 有序

康熙後壬寅正月二日瑞雪初霽特召在  
京職官年六十以上者二千餘人賜宴於  
乾清宮丹陛上鶴髮歡呼

登懷園詩選卷九

十五

龍顏怡悅

御製千叟宴詩一首以示羣臣 侍直內廷近依  
黼座目覩盛事賡和

天章亦千古榮遇云

卿雲糾縵雪光妍千叟承 恩集廣筵尙齒禮真  
超往古飲和人盡享長年

天顏有喜奎文煥民氣騰歡福澤延史職微臣逢  
盛事簪毫丹陛幸隨肩

雨後至西郊遙憶摩訶庵杏花

春郊一夕雨霏微塵土全消轍跡稀冶杏隔溪紅

在水垂楊常路碧侵衣紙鷺易展雲霄翼沙鳥全  
忘矰弋機遙憶香林花似海廿年無暇扣禪扉

田園雜興十二首

作客久淹閭市爲農苦憶深山人在羲皇以上家  
居廉讓之間

桃源絕境休擬栗里遺風尙存酌酒有人爭席催  
租無吏敲門

不識風塵勞擾但知雲水盤桓買畚偶來城市祀  
神一著衣冠

每趁斜陽曬網好乘春雨扶犁供客但將鱸膾祈

登懷園詩選卷九

十六

年只用豚蹄

課讀不妨春作禦寒自織冬衣門外兒童散塾窗  
間少婦鳴機

小橋流水村近疎柳長堤路斜車馬不聞叩戶雞  
豚自識還家

烟生茅屋雲白雨過菱塘水新今歲秋田大稔稻  
苗高過行人

竹屋正臨流水槿籬曲繞閒亭此是吾廬木色被  
人偷作丹青

作苦最憐田婦布衣椎髻無華飾兼攜稚子采

桑不摘開花

磐石供人小憩布帘招客閒行黃蝶菜花一色碧

溪松籟同聲

石色最宜晴雨溪聲自度朝昏野衲和雲出岫山

樵帶月歸村

濯足半灣流水納涼一枕清風菜把甘逾肉食豆

花香勝蘭蕙

柳陰書屋四首 有序

西郊新購小寓短牆矮屋聊供退直偃息

而已庭前老柳一株輪囷扶疎垂蔭一畝

澄懷園詩選卷九

七

因顏其書屋曰柳陰誌所好也並系以詩

門徑斜通官路隅自公退食息勞軀笑余欲學柴

桑隱分得陶家樹一株

安身何用屋渠渠猶勝牽船岸上居沉水一鑪書

一卷但容高枕卽吾廬

喬木何人手植成長條今見拂檐楹含烟含雨春

風晚動我湖千種樹情

朝來一笑謝鄰翁成毀須知造化功我比蔡邕良

厚幸先期收得未焦桐

鄰叟謂余曰此桐去年幾伐爲薪幸遇公得免

輓少宰湯西崖前輩二首

銜哀何止惜人琴木壞山頽痛不禁此日墨痕留  
鳳沼多年詩價重雞林

帝褒金鏡千秋錄土感冰壺一片心我愧趨承裴

馬後清風猶在紫藤陰

余繼公爲吏部侍郎中  
殿事告生藤花盛放云

文園顛顛鬢成絲日過花輒上直遲善病非關垂

老日苦吟常似少年時寢門月冷侵丹旌晏館風

淒卷素帷欲奠生芻向何處仙龕曾詠白公詩

澄懷園詩選卷九

澄懷園詩選卷九

六

澄懷園詩選卷十

桐城張廷玉硯齋

近體詩七十首

題廖桓素編修使蜀圖二首

子子千旌祝素絲  
看山臨水馬行遲  
菁莪頌滿西川路  
想見文翁化蜀時

峨眉高峙壁千尋  
雪霽松蟠太古陰  
斯境斯人恰相稱  
冰霜清節歲寒心

題宗人尚虞小照三首

仙客閒情寄畫圖  
求之往哲定誰如  
壺觴自酌陶

澄懷園詩選卷十

元亮邱壑堪容謝  
幼輿

浩蕩襟懷溟渤寬  
野麋林鶴共盤桓  
同心更有蒼髯叟  
勁節清標耐歲寒

花萼聯吟數往還  
臥遊頻話紫雲山  
他年春草池塘夢  
只在青松白石閒

夏日語客二首

難將薄俸買蘭蓀  
三徑空餘蔓草繁  
昨日肩輿花市過  
渾如饑客慕屠門

覓得緗蓮帶露華  
午窗留客賞紅葩  
吾廬好景君知否  
碧水方塘萬朶花

盆蘭有葉無花戲題絕句

秋蘭葉好未抽芽  
辛苦移從老圃家  
識取無絃琴上意  
賞心何必定開花

曉起入署聞範治讀書聲有作

車聲載道鵲辭枝  
涼露輕沾董子帷  
此事近來無復有  
讀書人起趁朝時

買蘭二首

多年蹤跡滯京華  
秀吮幽園結夢賒  
今日勞人添韻事  
俸錢分得買蘭花

澄懷園詩選卷十

山裏露冷風清月白時

題畫

隄柳烟籠百尺絲  
掠波雙燕羽差池  
一蓑一笠春江曲  
苦憶桃花水漲時

題畫冊十二首

森森萬竿玉掩映  
鬚眉綠豈但此中人  
雞犬亦不俗

石澗魚吹浪山家犬候扉  
林端夕烟起一老荷鋤歸

薄暮夕陽遲扁舟繫柳絲  
漁翁鼓櫂去想待月明

時  
結屋層巒巔間雲滿窗隔不堪持贈君此外夫何  
行  
牧子驅牛歸笛聲響前浦遲遲結伴行青蓑帶微  
雨  
山僧閉門後皓月一輪明萬籟此俱寂並無鐘磬  
聲  
水蓼一叢花霜楓幾株樹扁舟古岸閒夕照催人  
渡  
目涉烟波趣身忘風露寒後車不肯載只是戀漁  
竿  
澄懷園詩選卷十 三  
橫江一片石蒼翠濕人衣曾記秋風早維舟燕子  
磯  
船小不驚鷗隨風自去留白蘋與紫蓼一段野塘  
秋  
山上莓苔路山腰薜荔庵幽人採藥去一杖破層  
嵐  
鄰曲幾家住招呼路不遙月明來往處只隔小紅  
橋  
夏日閒居卽事十三首

十載身羈燕北片時夢到江南樹底鳩鳴乍歇階  
前蟻戰方酣  
把卷耽吟白紵臨池愛展黃庭流水聲傳玉軫故  
山影在瑤屏  
蓮葉半舒半卷蘭香時有時無久宦味如茶淡苦  
吟貌爲詩癩  
梁燕去來有意砌花開落無情萬事旁觀最好譬  
如一局楸枰  
芭蕉剪綺爲葉茉莉雕瓊作花童子垂涎秋果園  
丁誇口辰瓜  
澄懷園詩選卷十 四  
揮扇難消炎暑垂簾聊謝塵囂已斷經旬肉食家  
人笑比聞韶  
廿載人歸泉壤幾篇詩在屏風未必心如槁木卻  
無情顧花叢  
張網檐蛛何酷投火飛蛾太癡不用深求物理人  
情亦復如斯  
舊句看來草草新詩吟就遲遲古昔名言可佩寸  
心得失先知  
居位眞同竊位感 恩無計酬恩我對古人增愧  
一編青史休翻

惺惺和客劣，幸少機心偶。爾神遊謝墅，不求價重雞林。

葵朵放如盤，大蓼花高比人長。夢過一簾疎雨吟，殘半壁斜陽。

萬卷 賜書充棟一雙老樹當堦浴德祇遵 聖訓龍章高署澄懷

題胡表被索笑圖二首

興託孤山處士家，暗香浮動影橫斜。不須更化身千億，獨對檐前一樹花。

東閣詩人粉署仙，風流都向畫圖傳。因君添我羅

澄懷園詩選卷十

五

浮夢不見梅花二十年

中秋對月余素不能飲，近復小恙杯斝不入手矣。

涼蟾流影下藤蘿，未許芳時閉戶過。偶病不妨秋氣冷，獨醒偏覺月明多。層霄高挂瑤臺鏡，大地平浮碧海波。叢桂小山勞夢寐，隔鄰休唱竹枝歌。

題汪希趙虛舟圖二首

晚風初起白蘋洲，一櫂閒同浩蕩遊。自是虛舟了無忤，江湖隨處是安流。

搖艇新安詠謫仙，畫圖相對思悠然。他時好倩丹

青手卷尾添余訪戴船

爲友人題夜香秋翠圖三首

枝頭巧琢玉玲瓏，素艷亭亭立晚風。深院有香難辨影，露華如水月明中。

幽芳不屑鬪妍華，籬畔翩翩翠羽斜。奪得千峰好顏色，等閒陶鑄作秋花。

移從別圃知無價，寫入生綃倍有神。好補嵇含書，未載微之眞是惜花人。

寄祝表兄姚聚山六十壽二首

名重騷壇四十年，欣逢花甲啟瓊筵。篋中已富千

澄懷園詩選卷十

六

秋葉筆底仍傾萬斛泉，遊興漸闌身尙健。詩篇纔就世爭傳，不須更覓餐霞訣。嘯詠風流是列仙，令節稱觴賓從歡。駐顏遙指萬楓丹，陶公籬畔無非菊。謝氏庭前總是蘭，自挽鹿車青嶂裏。人瞻鴻羽碧霄端，臨風一曲南飛鶴。珍重裁箋附紫鸞。

題畫二十首

霜皮太古色長有，白雲封虬枝挾風雨。疑是六朝松

魚戲蓮葉風鷗沒，蘆花影薄暮山翁歸。疎籬掛笥簪



處	山路雪初消結伴尋梅去扶杖渡溪橋更向花深	水	牧笛傍山歸樵歌隔林起夕陽深淺紅染透前溪	往	松枝高似雲蕉葉大如掌踏破莓苔痕獨鶴自來	濕	一幅米家山雲烟可呼吸圖此幾何年至今墨痕	居	傑閣凭闌坐高歌振碧虛祗因愛山色不是慕樓	影	茂樹隱崇岡中有招提境孤塔望模糊一半寒雲	歸	薄烟生竹塢斜日照柴扉野老扶筇杖前村社飲	江行	孤艇乘風去春潮雪浪生急流不肯退偏作帆聲	看	一樹梅花雪千峰生暮寒山翁不畏冷終日捲簾	屋	門前場圃成柳陰臥黃犢兒童拍手看稻堆高似
---	---------------------	---	---------------------	---	---------------------	---	---------------------	---	---------------------	---	---------------------	---	---------------------	----	---------------------	---	---------------------	---	---------------------

澄懷園詩選卷十

七

空	我心湛然寂渾與止水同欲照並無影更比寒潭	落	山靜鳥不鳴水動魚知樂動靜兩無心閒花自開	笛	把酒一高歌江天萬籟寂強辨宮與商不如無孔	子	潑墨寫秋林木犀香滿紙是畫還是花試問安禪	衰	野店隔林樾前村路幾多漁翁沽酒返殘雪點輕	船	日暮罷炊烟漁人枕石眠溪邊雙白鳥飛上夕陽	宿	我欲遠塵囂結廬在空谷白雲何所避亦來檐下	茶	一帶垂楊岸松棚老衲家汲泉頻煮茗是否趙州
---	---------------------	---	---------------------	---	---------------------	---	---------------------	---	---------------------	---	---------------------	---	---------------------	---	---------------------

澄懷園詩選卷十

八

密雲道中

宿村莊久不成寐

展轉不成寐惺惺欲達晨有鐘知寺近無鼠識家  
貧挂壁燈分影穿窗月逼人靜中一回首老我是  
風塵

夜出西安門

早開魚鑰鳳城西馬蹏天街夜不迷邏卒傳聲如  
鬪虎春人高唱答寒雞月因風起先生暈路以冰  
堅淨少泥何日齋時容穩臥不教魂夢逐輪蹄

澄懷園詩選卷十

九

澄懷園詩選卷十終

澄懷園詩選卷十一

桐城張廷玉硯齋

近體詩九十四首

壬寅十一月十八日記

恩詩有序

上嗣位之初

特降諭旨念臣父宣力

先朝公忠勤慎敕部議贈宮保並

諭臣曰此體

皇考聖心也應至

澄懷園詩選卷十一

一

梓宮前申謝臣聞命之下感激涕零伏地不能起

恭紀斯篇

聖主乘乾百度新眷懷舊德首先臣禮加重壤

君恩渥秩晉三公

帝命申天上絲綸頻煥彩墓前松柏再生春

兩朝知遇超今古載拜瑤墀淚滿巾

十二月二十一日蒙

恩擢授禮部尙書恭紀二首

北斗南宮地望榮轡材承命寸心驚虞廷課職司

三禮周室分曹備六卿敢說休明資黼藻無忘夙

夜凜寅清盛朝不少夔龍佐竊抱區區遜讓情

兩紀光陰指一彈後先兩世領春官臣父官禮部最久已卯年由大宗伯

入政府距今二十四年升堂尙憶趨庭舊曳履恒思接武難願

守靖共先世訓長承禮樂萬年歡壁間遺墨煙雲

繞欲紹箕裘帶淚看公署對聯爲臣父手題云夙夜惟寅鼎

華光遵守典章明備靖共爾位借贊襄禮樂

癸卯四月初六日奉

命主順天鄉試恭紀二首

哲后龍翔日儒生豹變時持衡良有幸秉鑑貴無私未必符人望將何答

澄懷園詩選卷十一 二

主知贊襄雲漢治拜手誦周詩

籲俊 宸衷切觀光士氣歡風雲乘夏令桃李屬

春官四月特恩開科臣以禮部尙書主試故云報國慚三獻傳家愧二難時

弟廷鼎主闕試燕山與閩嶠同日羨鵬搏

四月初八日鎖闈試士蒙

恩特遣侍衛頒賜餅餌及龍井新茶恭紀三首時

同左都御史 臣 朱軾

擊鼓聲聲響若雷拜迎 天使棘闈開試官先沐

君恩渥頒賜紅綾餅飲來

如飲金莖露一卮煎茶試院日長時自慚學殖輸

蘇子難續松風蟹眼詩

珍品遙頒

帝澤深酬知無地重沈吟素餐詎免風人誚但勵

生平飲水心

試院端午憶三弟閩闈

佳辰無復計蒲觴拂案惟看艾葉長憶爾縱橫披

萬卷彩毫濃染荔枝香閩闈闕應試者萬人

鄉榜既發特蒙

恩旨優獎公明晉秩太子太保撫躬感愧恭紀一

章

澄懷園詩選卷十一 三

褒綸特錫五雲端欣沐 天家雨露寬未必菁莪

能造士已看列棘許遷官 恩深共識旁求切禮

重眞慚仰報難敢說進賢邀上賞虛公惟矢寸心

丹

五月二十一日室廬不戒於火仰荷

聖恩軫念慰諭再三 敕賜第宅一區白金千兩

叨蒙渥澤仍獲安居恭紀四首

一炬騰空勢燎原何曾芻狗夢三番徙薪不及前

人智 賜第重叨

聖主恩 手挽江波蘇涸轍面承

天語慰驚魂自慚宣力公家少偏以遷居厓至尊

漂搖風雨故巢迷又向瑤林得穩栖卻似晚鶯重選樹不勞春燕更銜泥御河一道紅牆隔宮柳千行碧瓦齊朝暮馬蹄尋舊路風光仍在月華西

兼金雙捧出彤除一室歡騰拜 賜初不惜重貲求典籍依然堆案擁圖書地衣簾額都非舊筆格琴牀綽有餘試問當年衛公子苟完苟美定何如陳編蠹簡付殘灰尤惜庭柯喪古槐德薄故居輕失守 恩深回祿不爲災貧家贏滿千金富暑月

澄懷園詩選卷十一

四

窗容四面開遭遇遠過王進士柳州應有賀書來

五月二十二日奉

命署左都御史事恭紀

自慚綆短汲偏長詎有嘉謀入皂囊信是九重

深雨露特教獨坐挾風霜遭逢直欲追唐介選舉

安能及孔光竊恐相君頻避路退朝日日待斜陽

唐制御史大夫午後三刻出迴避宰相如午前出宰相迴避御史大夫王忬內直每日退朝獨遲故云

恩賜

御書詩扇恭紀二首 有序

八月初十日蒙

賜御書詩扇一柄詩曰峻望三台近崇班八座尊

棟梁才不忝葵藿志常存大政資經畫訐謔待

討論還期作霖雨爲國沛殊恩末書

御筆賜尙書張廷玉八字 臣敬捧

天章驚承異數感愧並集不知所云恭紀斯篇

寶翰新承 賜殊榮昔未聞自天飛鳳藻入手耀

龍文筆染三危露身依五色雲仁風生扇底當暑

挹清芬

再拜聆

天語私衷愧轉深棟梁邀

澄懷園詩選卷十一

五

帝獎葵藿鑒臣心謬掌孫通禮難爲傳說霖

君恩期許意長奉作官箴

八月初十日奉

命兼攝翰林院掌院學士事恭紀二首

抱書簪筆侍花磚忝竊詞曹二十年鎖院掄才收

玉笋深宮退直撤金蓮已從畫省司三禮又向瀛

洲領眾仙喉舌腹心天下寄一身兼秩荷 恩偏

宋周必大謝尙書兼翰林學士承旨表云僕以尙書爲喉舌唐以翰苑爲腹心又云已極辭曩之量方隆天地之恩故次章用辭辭句

回憶先臣典石渠白頭猶掌紫泥書閣中藜火光

仍在窗外槐枝蔭有餘 臣父掌院事先後十餘年曾種槐十八株於院署今成喬木矣

冶承家慚任重餅疊溢量愧才疎鳳毛曾荷 褒綸寵欲繼超宗遜不如 昔年臣父告歸 上在藩邸賦詩 行有喜有鳳毛成五色相將阿閣舊

九月初六日奉

命爲會試正考官恭紀二首

文教光昌景運新普天率土荷陶甄羣儒爭獻山中璞

聖主旁求席上珍遙指雲光籠棘院親承

天語下楓宸波濤欲涉憑忠信未覺龍門是嶮津

拜 命之頃深切惶懼 上面諭曰汝與朱軾朕所深信必能副委任慰眾望也聞之益增慚悚

澄懷園詩選卷十一 六

鄉舉曾叨 簡命榮南宮又復掌冰衡兩番鎖院

秋兼夏一室掄才弟與兄 三弟廷瑞奉命分校 舉首愛看奎

影聚問心無愧月華明休言桃李公門事願贊菁

莪德化成

試院槐

首夏清和鎖院時綠槐雲擁最高枝重來不覺秋

風晚依舊清陰照髣髴

九月初七日蒙

恩特授戶部尙書恭紀

襄贊昇平典禮成度支新領荷 恩榮寸心祇愼

邀

天鑒百職綱維忝地卿敢說有才經國用多慚無力厚民生鎖闥深處絲綸賁一片葵誠向日傾 命 中間

試院重九

愛看北牖槐枝綠苦憶東籬菊蕊黃偏向闌中逢令節曾過重午又重陽

十月二十日

恩賜

御書世篤純勤四大字扁額恭紀二首

澄懷園詩選卷十一 七

珥筆趨丹陛 揮毫錫紫宸舉頭光萬丈運肘勢

千鈞龍鳳飛無跡雲烟妙入神捧歸瞻墨寶斗室

耀星辰

累世邀 天眷殊榮自古稀

君心懷舊德臣職愧前徽雨露恩偏渥箕裘訓敢

違山村堂構在千載有光輝

甲辰正月十五日

上御養心殿召同王公內大臣等三十六人賜食

於 御座前復賜東珠一顆紫貂二張

諭曰此雍正元年外番貢獻者特賜卿等恭紀二

首

喜值傳柑節，條風扇八埏。九霄頒玉詔，三殿啟瓊筵。  
草動新春色，梁簡文上元賦草含春而色動人歌湛露篇。堂廉眞一體，恩誼最纏綿。

既飽天厨饌，還分內府珍。驪珠光映月，貂珥暖生春。記事功無敵，章身寵莫倫。蓬廬藏重寶，未覺阮

家貧。

聖主躬耕藉田詩六首 有序

欽惟我

皇上躬膺寶曆，手握璇樞，合二曜以齊光，參兩儀

澄懷園詩選卷十一

八

而立極，厚生正德，殫至誠不息之功，重道尊師，創自古未行之典，雨潤日暘之風，教動罔不臧，宵衣旰食之精神，所其無逸，凡以致黎民之於變，總期冀實海於久安，邦有本以必先食爲天，而最重特勤穡事，肇舉藉田，堯年正值夫甲辰，軒日謹諏，平癸亥春，官視典京尹，清畿協風，應律於東廔，淑氣蒸膏於南陌，芝輿華蓋當壇，宇以星陳，豹尾龍旂，匝街衢而電轉，千官扈從，金根耀晴旭之光，兆姓觀瞻蒼馬。

蕩祥烟之彩璫宮，駐輦幄殿，凝鑾奏天

樂之屢豐，孚誠后稷展，皇虔於三獻，合

漠神農香靄金鑪爰，更衣於大次，雲移

寶扇遂，命駕於甫田，蔥蒨紺轅，綴橫車

之黛，耜嘉禾瑞麥，開貯種之青箱，於時四

野晴和，纖埃不動，百神翼衛，麗景無邊，一

發初移，發大地廣生之德，三推漸訖，動陽

春長養之風，仰帝力之維勤，軫宸衷

而未已，啟沈腴之土脈，用勸三農，運強健

之天行，欲周千畝，比前徽而倍越，遵古

澄懷園詩選卷十一

九

禮以有加，弭節從容，俟臣工之協力

升臺臨眺，欣氓庶之赴功，原隰滿塍，繡壤

紛披，於禹甸茅蒲，穰穰畫圖，儼繪於幽詩

迺警蹕以言旋，仍望耕而未遠，倚裳連

袂，爭躡踵以瞻雲，擊壤歌衢，盡觀光而就

日，從此五風十雨，天田登御廩之儲，仁

看兩穗雙岐，帝藉滿神倉之蓄，臣廷玉

職居司稼，心切課農，跪捧稔穰，方愧未分

於五穀，恭持耒耜，更叨承乏於九推，敬撰

蕪辭，肅將鄙悃，年豐人樂，長編大有之史

書地厚天高永享昇平之歲月詩曰

朱靄天垂萬井春勾芒應律慶芳辰 九重稼穡  
開民事四海耕桑仰

聖人寶輅光迎霞彩麗華旗翠拂柳條新 六龍  
行處乘時令甘露祥風遍八垠

深宮宵旦念民天丹陛頻聞鳳詔宣輿頌歡騰雙  
闕下

聖心勞在萬方先德符古訓崇無逸祀重農壇祝  
有年廣樂雍容金石播太和元氣溢垓垓

昀昀原隰候停 鑾輿耜耜擁百官一瓊恩流  
十

千畝外三推春散五雲端愛看田器  
君王喜得近 宸顏父老歡比歲賜租過十萬昇

平膏澤海天寬  
繡陌風光儼畫圖烏健黃犢散平蕪杏花舒萼天

時暢芳草抽萌地脈腴 睿慮悉同民隱合 神  
功潛與化工符倉箱有慶桑盛潔 仁孝兼成萬

世模  
九奏簫韶見鳳儀更聞三十六禾詞烟蓂雨笠終

千耦航海梯山貢兩岐率土正逢行慶日普天同  
是謝 恩時儒臣拜手書倬史彷彿豳風七月詩

薄植偏承

帝眷隆從耕欣得次羣公養民竊愧司農職勸稼  
曾無保介功親見南郊勞 玉趾久知東作厯

皇衷願隨鼓腹康衢曳載筆年年詠履豐  
夏日奉

命隨侍  
皇子讀書避暑於瀛臺卽景紀事得詩十六章

同事者協理大學士事徐元夢吏部尙書  
朱軾學士傅敏侍講蔡世遠

泛舟疑入水雲鄉天錫冰壺六月涼久向鳳池霑  
十

渥澤恩波新喜傍 銀潢  
帝子天成麟鳳姿分陰珍重日長時經旬不復窺

園囿佔畢儒生總未知  
縹囊綈帙燦如林與義微言日探尋更向 龍樓

聞 寶訓孔庭詩禮  
聖人心

恩綸特錫五雲端多恐衰慵步履難每到苑門纔  
繫馬扁舟先待藕花灘

叨沐 天家雨露私抱書兩世傍瑤池白頭老監  
相逢話細說先臣進講時

康熙己未庚申間 先帝避暑  
瀛臺臣父侍從每日進講老監

猶親見之

碧樹陰中紺宇開應時甘雨潤蒿萊 鑾輿祗爲

蒼生駕不是看花避暑來 苑中有時應宮祀龍神上兩次親詣祈晴雨皆立應

千重金碧參差影一片玻璃澈灩光曾向畫圖觀

勝蹟十洲三島水中央

畫屏山色層層見寶鼎香煙細細添几案何須勤

拂拭纖塵不到水晶簾

攤書坐愛北窗風珍果 恩頒自法宮露在金盤

香在室珠囊新擘荔枝紅 蒙恩頒賜鮮荔枝

冰盃風生玉雪濤浮瓜沈李興偏豪置身已入蓬

澄懷園詩選卷十一

十三

萊境更啖綏山五色桃

天孫昨夜試龍梭織就紅綃萬點荷曉露未晞烟

未散彩雲多處一船過

溪邊日日泛舟行溪鳥親人若送迎廊廟江湖兼

占取青鸞隊裏白鷗盟

丹巖百疊繡芙蓉奇石裝成宛轉峰石畔蒼松幾

千尺臨流直欲化虬龍

帝念民依重力田別開幽徑苑西偏稻畦百畝桑

千樹一幅幽風畫宛然

晚風習習下藤蘿白石橋邊振玉珂行過朱闌回

首望涼蟬高樹夕陽多

彎環月掛古槐枝歸去休嫌短櫂遲攜得芰荷香

滿袖綠楊磯畔下船時

八月初六日奉

命爲會試正考官恭紀二首

風雲騰士氣綸綍聽

王言再主南宮試難酬北闕恩掄材收杞梓采玉

識瑤琨臣職何能副躊躇出禁門

經國資儒術持衡重藝林幾番膺 特簡方寸凜

初心欲變浮囂習先除爛漫音夏卿人共諒無用

澄懷園詩選卷十一

十三

更揮金

試院中秋蒙

恩頒賜餅果恭紀

鎖院逢佳節瓊筵錫異珍膏環香馥郁珠果色珍

璘藝圃秋呈實 恩光月滿輪廣寒宮闕近慚作

握衡人

試院中秋夜坐同太宰朱可亭學士傅龍翰

少宰史鐵崖三先生

秋半寒猶淺宵深漏欲沈漸看丹桂影移過綠槐

陰玉宇層霄月冰壺一片心此中清興好休向庾



樓尋

送太宰朱可亭前輩奉命浙江勘視海塘

兩年形影共默默兩心同惜別對殘雪登程愁朔

風

帝憐將母意

恩許迂道歸省

人望障川功攬轡甘棠下親

聞歌召公

公昔撫浙多惠政至今感頌弗衰

賜硯恭紀

有序

十二月十八日奉

召至寶座前講論書史畢蒙

恩特賜

御用暖

硯一方

澄懷園詩選卷十一

十四

論曰此朕新製也賜卿為三冬視草之用廷玉拜

受恭紀一章

舖座陳書細討論親承

賜硯拜殊恩題經

御

筆朱猶濕

上方批答奏章研朱未乾

捧到寒窗火尚溫端石總含

蒼壁色古銅深刻寶錢痕玉堂新樣人爭羨

用丁寶臣製硯

至尊

石事 况復心裁出

庭前雜詩草花夏秋以來發生極茂戲題六

絕句

莊樗應老碧山岑雨露多年傍上林手植階除憐

小草欣欣也有向榮心

如蕉盡展冰綃纈似竹新抽碧玉枝最愛曉牕微

雨過一庭蒼翠撲簾時

澹妝濃抹倚東風無數深紅映淺紅曉露每防襟

袖濕側身穿過百花叢

層陰密護青苔徑疎影橫侵綠綺牕佳客並來如

不速黃蜂成隊蝶成雙

葉葉枝枝巧闢新頓教庭院斷紅塵小童攜取澆

花具走入深叢不見人

穿林習習晚風過紅雨繽紛點綠莎今日退朝差

覺早短牆偏愛夕陽多

澄懷園詩選卷十一

十五

送少宰傅龍翰前輩巡撫浙江四首

建牙特簡濟川才兩越人人笑口開共說

君王恩澤厚為霖新遣重臣來

東南名勝乍登臨桂子香時到武林白鶴湖邊青

雀舫一泓秋水映冰心

大雅風流宛在茲蘇公堤上白公祠知君辛苦求

民隱恐少餘閒更賦詩

形影相依兩載餘禁庭分手意躊躇萬家得荷餅

饅底不復私心怨索居

圓明園奉 召遊覽紀恩詩 有序

九月二十五日 召大學士馬齊徐元夢

公音德內大臣馬武額騰吉尙書朱軾法

海塞爾圖勵廷儀及 臣 廷玉十人同入

圓明園賜食於勤政殿之西廂既畢

上親率 臣 等登舟賜坐遍歷園中諸勝境一一蒙

恩指點誠異數也恭賦紀恩詩十二章

聖主含悽廢蓼莪離宮三載鎖烟蘿今朝幸傍

飛龍馭貝闕鰲峰次第過 皇上亮陰三年釋服之後  
始從羣臣請 駐蹕圓明園

仙饌調蘭抵八瓊朝朝分賜出蓬瀛素餐已抱終

澄懷園詩選卷十一 十六

身愧況說親賢享大烹 御題勤政殿扁  
額曰勤政親賢

紅雲一朵映扁舟文囿風光指顧收曾誦靈臺靈

沼什不聞親領侍臣遊

西山萬疊繡芙蓉雙槳前頭面面達到此始知天

地意安排邱壑養潛龍 此上潛邸舊園也西山  
四面環繞實占近麓之勝

好景先從遠望通樓臺分占水西東風廊月檻凌

雲樹都在冰壺玉鏡中

清溪如帶分還合列岫爲屏斷復連總得知仁山

水趣不施雕飾見天然

西南勝境敞平原籬落蕭疎竹樹繁多謝

君王親指點桃花塢接杏花村

輝煌禁扁燦金泥到處欣瞻 御墨題五色毫光

千丈欲舉頭星日近丹梯

楓林柏葉傍山斜老圃秋容爛若霞自是 天心

珍晚節玉階隨處有黃花

溪山依舊物華新永日歡遊奉 紫宸草木向榮

魚鳥樂太和元氣萬年春

銀河無處著纖埃一樞空明任溯洄說與世人渾

不信水晶宮裏蕩舟來

十八同作十洲行歷遍層霄碧玉城絕勝遊仙遇

澄懷園詩選卷十一 十七

花舫換除凡骨覺身輕

賜園紀事八首 有序  
丙午

雍正三年八月

變輿駐蹕圓明園 臣 廷玉等叨扈從之末蒙 恩

以戚畹舊園賜 臣 廷玉暨大學士朱軾尙

書蔡珽 內廷供奉翰林吳士玉蔡世遠

勵宗萬于振戴瀚楊炳八人同居之園在

御苑之東半里許奇石如林清溪若帶

蘭橈桂楫宛轉皆通而曲榭長廊涼臺煥

館位置結構極天然之趣蒼藤嘉木皆種

植於數十年前輪囷扶疎饒有古致尤負  
郭諸名園所未有也綠野平泉史冊相傳  
以爲勝蹟以今方之何多讓焉邇者春和  
景明百花爭發爛若披錦退食餘閒畧得  
遊覽爰賦紀事詩八章以示同人所以誌  
恩澤之隆述園林之勝而慶遭逢之不  
偶也

戚畹名園舊承 恩賜侍臣地依蓬島近花接上  
林新四季融和澤千山爛漫春將車思往事曾作  
問津人

昔年曾侍先  
公遊覽竟日

澄懷園詩選卷十一

七

烟波隨處好繞屋是春溪荇藻牽絲密桃花傍艇  
低霽潭清見底新漲綠浮堤賀監風流在休誇鏡  
水西

層層青玉案曲曲白蘋灣有石皆臨水無牕不見  
山竹新香墜粉苔古色成斑日涉多佳趣欣逢退  
食閒

林巒皆入畫亭館若相望樹杪千尋閣松陰百步  
廊嵐生峰滴翠花落水流香過客都欣羨新營綠  
野堂  
曲折多幽致經行不覺遙林深斜關徑水斷忽通

橘鳴鳥調歌管馴鷗引畫橈著衣渾似雨時有亂  
紅飄

攬勝憑高望層樓上半空西山來爽氣北牖納清  
風草色澹遙碧杏烟籠淺紅相期挈瓶榼徙倚月  
明中

喬柯甯易得欲買萬金無拂地三眠柳參天百尺  
梧棣棠紅組繡芍藥玉盤盂更有田園意瓜疇與  
芋區

勝境從天錫良朋選地居廉購清獻鶴樂對達莊  
魚泛月同移舫張燈各校書家家蘭蕙茂承露傍

澄懷園詩選卷十一

九

階除

同人皆攜  
子弟以居

和太宰蔡若璞前輩

門前無過轍花外有虛舟詩自偶閒得春因好句  
留山容供遠眺柳色動離愁

先生奉命  
將有遠行

退直陪遊

展斜陽半上樓

題勵滋大編修郊居圖二首

自理牙籤自詠詩澆花偏愛夕陽遲侍臣安得閒  
如此知是蓬山下直時  
香案清班孰與齊況兼三世繼然藜亭亭百尺龍  
門樹雛鳳還同老鳳棲

四姪若震以孝廉簡選學博蒙 恩特授浙

江縣令賦此勉之二首

志就青瑣冷 恩頒綵綬新可知膺 特簡憑仗

牧斯民清白承先業提撕啟後人 聖慈期許意

綸綍記重申 若震除授之日余與三弟以殿試讀卷入見於憲

愛養百姓觀此子器宇將來可望有成勉之勉之

祖德光青史開祥自永康敷榮憐小草垂蔭指甘

棠愛雉風猶在懸魚事莫忘傳家兼報國早晚奏

循良

送姪桐之浙江縣令任

澄懷園詩選卷十一

三

官方澄敘重親民 丹詔頻頒下 紫宸

聖主旁求先世胄小臣三接拜恩綸並無琴鶴隨

輕橐願以涓埃報大鈞瞻望越西懷祖澤甘棠陰

在浦江濱

上慎重邑令之選桐蒙 恩除授凡 召見者三特

遭遇若此 誠異數也

中秋卽事 有序

是日微雨午後奉 命退直拜賜 天厨

餅果而歸晚同十六弟廷璇長男若靄小

飲漏下一鼓中使叩門復蒙 頒賜御饌

八器洗盞更酌起視中庭雲收月朗遂由

長廊而西緣溪緩步延賞久之金波泛溢

碧水澄鮮長安百萬戶無此景光也飢瓊

筵居勝境均荷 殊恩自幸且自愧云

奉詔從容退食時載頒散核勝瓊枝 恩深未許

宵眠早坐久偏宜月上遲玉鏡仰矚光皎潔金波

低映水漣漪雲霄湛露蓬萊景展轉難成畫裡詩

歲暮檢點服飾器具皆 賜物也恭賦斯篇

尙方珍異悉駢羅不數唐家瑞錦窠百物總露

君賜厚萬言難述 主恩多盤盂勒就軒轅字組

綺分從織女校更擁嬋嬋千卷秘探奇疑向十洲

澄懷園詩選卷十一

三

過

澄懷園詩選卷十一

澄懷園詩選卷十二

桐城張廷玉硯齋

近體詩一百九首

以澄懷名所居之園恭紀二首

有序戊申

廷玉蒙 恩賜居戚晚舊園於今三年矣

閏初未署名因追憶康熙癸巳秋扈從塞

外蒙

先帝御書澄懷二大字以賜玉雖不敏願奉洗心

浴德之訓終其身茲所居之地碧水滌洄

不染塵滓於澄懷之義有會心焉敬以二

澄懷園詩選卷十二

字名園佩

聖誨誌景光

兩朝聖主知遇之恩微 臣 戴高履厚之悃與此水

俱長也

記捧 龍章燦紫泥澄懷兩字自

天題洗心浴德終身誦況對清漣碧玉溪

御墨榮光騰碧落 賜園風景傍丹青身居瑤島

瞻銀榜湛露恩深戴

雨朝

春日澄懷園卽事十八首

幽栖咫尺五雲居草木平泉遜不如淩淩紅塵騎

馬客萬花深處認吾廬

亭臺高下樹龍慈雲影溪光遠近同拔宅誰能得

仙術全家移入畫圖中

仙源分派自瀛洲曲曲清漪繞屋流我與香山同

一快臥牀腳繫釣魚舟

香山詩誰家臥牀  
腳解繫釣魚舟

蟹舍魚莊隔遠天新從輦轂得林泉家童學習操

舟事蕩槳回篙漸自然

晴嵐暖翠撲簾櫳高閣凭闌四望通多謝天公勞

位置西山橫展作屏風

澄懷園詩選卷十二

二

岡巒迴合路彎環總在苔痕樹影閒似入武夷溪

九曲一重水隔一重山

孤亭高峙碧雲岑收盡藤蘿四面陰奇石如林松

偃蓋恍疑身入萬山深

夾溪芳樹翠交加碧榭朱闌一帶斜特地閒行行

不盡長廊千步映桃花

細葉裁成碧玉條隨風輕颺拂蘭橈記曾繫艇西

湖岸萬綠陰中宛轉橋

不須遠作訪山行四面峰巒類削成玉質霞光千

片石捲簾朝暮看雲生

一水按藍幾許深錦鱗銜尾自浮沈三年只作臨

淵客不動垂竿結網心

空庭徙倚晚風和磐石鋪茵藉短莎遙指隔溪溪

上樹花光紅較夕陽多

新篁解籜雨晴初露粉風枝韻有餘添取一簾清

悶影渭川千畝在庭除

璿圃瑤林詎足誇倚山臨水爛雲霞一枝獨慙冰

霜節壓倒春風百萬花

春來綠戰與紅酣物外風光性所耽獨聽黃鸝坐

澄懷園詩選卷十二 三

深柳金盤昨夜賜雙柑

露坐看花夜未央何勞燒燭照紅桃花神用意君

知否皓月圓時放海棠

可憐稚子學塗鴉也賦新詞紀物華一壑一邱須

記取江南烟水是吾家

御書舊仰星辰爛別業新逢水石佳欲紀

兩朝恩澤厚園名珍重署澄懷

澄懷園泛舟和稼書弟韻二首

夕照停車候中流放艇時輕羅疊新漲纖縠縈春

漪地接披香苑泉分太乙池忘機自朝暮沙尾宿

鷗鷺

灼灼天桃色深紅閒淺紅幾行映疏柳千片聚迴

風草木霑恩澤烟雲顯化工高吟惠連句多謝起

予功

和三姊重至都門喜晤諸弟原韻

通州判官  
迎養入都

消息先傳遠道知弟兄凝望在天涯但期紅燭青

樽會遂忘炎風伏雨時四紀再尋京國路

聚皆君澤笑指當堦玉樹枝

澄懷園詩選卷十二 四

姚增鉉蒙 恩授通州判官詩以勉之二首

雪案螢窗本素襟分符新喜拜 綸音少年授職

才堪試末吏承 恩感倍深京庾好籌儲粟計潞

河常照飲冰心天家雨露深如海特許纖枝近上

潘輿遠駕自江鄉驛路風塵念北堂豈爲貧居希

祿養要將慈訓勵官方歡承鶴髮天倫聚情慰烏

私 聖澤長欲報 君親須努力名成忠孝達巖

廊

第三女適孫婿循編蒙

恩特賜白金千兩以成吉禮恭紀

貧家遣嫁費經營有俸猶無買犬情忽聽 龍墀

恩敕降頓看鸞鏡彩雲生光添蓮炬雙枝艷榮勝

桃夭百兩成拜 賜更爲嬌女誠休因簪玉忘釵

荆

送榮懷弟之官安陸二首

選才資吏治喜見爾分符劇邑非輕授 溫綸與

眾殊上自安陸難治極重邑令之選弟慈親嚴御鮮黎庶望

飛兒鄉路之官便秋帆一幅蒲

甘棠歌蔽蒨長在楚江濱先澤思廉吏清風啟後

登懷園詩選卷十二 五

人心惟期繼述身已歷艱辛好試栽花手河陽滿

縣春叔父曾判武昌襄陽二郡至今有甘棠之思

喜範治來京並感長姊相念之切二首

去歲秋風看著鞭今朝相見雁來天鬚無可白驚

子老屈指睽離只一年

錦萱花茂北堂春七十欣逢強健身多謝關心臣

遊者特教愛子作勞人

冬至前一日齋宿翰林公署夜坐偶成

漏轉銅壺候灰飛玉琯初火鑪陪寂坐冰署稍齋

居詩就慵瞻稿燈昏暫掩書音聲發喬木手澤在

庭除庭槐乃先公手植也

題三姊澄懷園泛舟圖四首

阿姊多年悵別離白頭重聚向京師洗塵好仗天

家澤放艇先從綠錦池

山城如斗萬山中舟楫曾無路可通轉向紅塵最

深處蘭橈輕泛落花風吾桐山縣出郭二十餘里始通舟楫故城居之人罕有鳴榔之適

萬綠陰中一櫂迴公餘長日好追陪謝庭情活平

泉景不爲滯輿也合來

全家棲託上林枝戴履無言頌 聖慈阿姊繪圖

兼作記勝予百首紀恩詩

題長姊冬夜課孫圖二首 六

訓子材成碧玉林課孫仍欲惜分陰篝燈便是舍

節樂依舊多年畫荻心

謝家庭滿蕙蘭叢圖寫全憑畫手工環堵書聲出

金石鳳鸞音在尺綃中

姚引淵表弟奉

命作令滇南賦此爲贈

紫泥綸誥 聖恩覃捧檄星馳柳外驂選駿一時

空冀北飛鳬三世在滇南官方廉慎期無忝客路

艱難夙所諳翹首昆明憶循吏點蒼山好正凝嵐

題汪師茗編修雨中趨直園二首

朝朝簪筆侍宸庭冒雨輕車不暫停柳色籠池最深處古槐遙指第三廳

聳壑凌霄梁棟委豈徒華國富文辭定知南畝爲霖意卽在西清視草時

三月十六日至澄懷園 壬子

尋春愛郊墅猶喜及時來砌草遙巡苗山桃容易開遠峰青似黛淺水碧如苔安得操漁艇沿溪一

溯河舊自小舟今微懷不可登矣

春日澄懷園看花詩八首

澄懷園詩選卷十二 七

碧水初生白鷺沙無邊春色似山家芳期小與江南異開罷桃花開杏花京師山桃花開於杏前

峰迴溪轉樹陰攢想見當時卜築難臨水種花尤有意一株都作兩株看

品居艷杏細梅次開並海棠穠李時草木江南千百種好花曾未見樂枝京師樂枝南方所無也

昔看穠艷錦成窠今見疏紅點碧柯別有一般丰韻好始知花少勝花多今年海棠開花甚稀別有一種丰韻

麝蘭香氣襲衣襟多謝春工薰染深含露一枝千萬結憑渠寫我報恩心元道山丁香詩一樹百枝千萬結更應薰染費春工

已看桃李著深緋又見荆花燦紫衣記得山村舊遊處一株開傍竹閒扉紫荆花吾鄉村落開往往見之

豫章珍木重南金俯仰曾聞古訓臨薄暮看花牆稚子不須遠訪北山陰園中梓花京師所少也

國香初綻魏家紅幾朵蕭疏媚晚風莫道繁華不如舊勝於插在膽瓶中向來園中牡丹繁盛今已零落僅存砌下二株開花數朵因憶十年前思一見牡丹不可得從友人乞得一枝插膽瓶中珍逾拱璧以今方之所得不已多乎

夏日澄懷園偶成

午餘初散紫宸朝深掩雙扉遠市鶯槐柳陰高風易透蕙蘭香靜暑潛消匡牀淨展冰紋簟內府新

澄懷園詩選卷十二 八

頽玉線綃遺興欲臨懷素帖呼童窗外摘芭蕉夏日澄懷園看花既作長歌再賦二絕句

南楹香滿蕙蘭叢北牖池蓮映水紅欲倩畫師圖小照百花環繞白鬚翁

閱遍千芳與萬菲難將寸草報春暉閒來頻向兒曹說此景江南見亦稀

三月初九日至澄懷園 癸丑

經旬塵土誤韶華忽對澄懷水一涯頻飲臘茶如飲酒飽看新綠勝看花風來雙燕依虛幌雨過單鳬立淺沙喧寂兩忘差自喜不妨歌吹在鄰家



題歸權圖送吳冠山編修假歸省觀四首

歸舟遙指碧蘿岑  
淡墨蕭疏用意深  
十幅蒲帆風力健  
圖君一片望雲心

才子高名動禁闈  
陳情暫許載書歸  
推篷香滿桐江路  
知是行箱有賜衣

冠山蒙御試高等拜文綽之賜

承歡此日遂烏私  
拜捧恩綸進酒卮  
第一人閒難遇事  
雙親猶是黑頭時

校書天祿待然藜  
轉盼春風送馬蹏  
念我臨岐頻致語  
荒齋懸榻鳳城西

致語荒齋懸榻鳳城西

題相國陳乾齋先生北征扈從圖四首

康熙丙子先生

澄懷園詩選卷十二 九

以詞臣扈從北征歸而寫此圖距今二十八年矣時先兄亦叨扈從故未篇并及之

聖祖恩威洽九垓  
天戈指處塞雲開  
披圖猶帶風霜色  
磨盾曾揮露布來

劍橐弓戢載筆行  
鏡歌隨輦奏昇平  
賞詩亦合標麟閣  
壓倒燕然勒石銘

司空圖詩體家亦有麒麟閣第一功名只賞詩

海鶴神姿玉籍仙  
未殊風度卅年前  
午橋矍鑠裴中令  
說著平戎尙躍然

丹青翰墨兩無倫  
拜展先公手澤新

卷中有先文端公題詠

外鴈行生舊感阿兄同是扈車人

和鄂穀庵少保八月十六夜獨坐對月有述

月夕此靜坐空庭  
人跡稀隔鄰聞梵  
磬望遠念戎衣但覺清光滿  
休言令節非更闌  
欲歸寢暗室有餘輝

賜假紀恩詩六首 有序

雍正十一年 臣父既蒙

恩旨崇祀於京師賢良祠復賜祭於桐城本籍

命撫臣徐本行致祭禮

特旨令廷玉回里舉行祀事率子若嵩姪

若宣若矩以行時弟廷璠司江蘇校士

之任亦給假暫歸

澄懷園詩選卷十二 十

賜臣父祠宇扁額曰忠純詒範對聯曰風度猶存

典禮煥千秋俎豆師模如在忠誠垂奕葉箕裘

諭祭文有曰爾端敬居心冲和成性三十載趨承

禁直講帷之啟沃弘多四十年敷歷清班綸閣

之贊襄允懋靖共爾位忠純克篤夫小心垂裕

後昆善慶彌彰大厚德

天章宸翰重疊褒嘉起程日期蒙欽選十月

十三日午時既拜乘傳之恩復命內府

大臣製安車選良騎以賜並諭沿途文

武官弁護衛送迎又賜內府書籍五十

二種令織造臣用官艘載送臣家至錫

子便蕃如御用冠帶珍裘文綺豐貂紫

團古玩雜佩之屬不可臚紀先期一日

陛辭

上手賜玉如意一柄諭曰願爾往來事事如意

復命中使賁酒穀果餌至邸寓酌以金

鼎傳

旨曰大學士明日啟行特頒酒筵餞送

聖恩高厚史冊罕聞凡臣所私願而未敢陳並意

念所未及者仰蒙

《澄懷園詩選卷十二

十一

皇上天地父母之心皆曲體而寵錫之臣廷玉感

涕悚惶莫可名狀自愧謫劣無文不能頌

述萬一謹抒樸陋之辭紀其梗槩以示子

孫俾世世感戴於弗諼云

卅年趨禁闥兩紀別山扉臣職慚無補

君恩許暫歸龍眠雲在望馬鬣夢遄飛忭舞登程

日心仍北闕依

肇舉賢良祀殊恩古莫倫先臣叨異數百世享

明禋開府旌旌蒞雕筵俎豆新馳書報同氣早作

渡江人

墨寶從天錫恩波似海寬臣心思傳說講學念甘

盤鐘鼎流傳遠箕裘紹述難師模瞻兩字感激涕

洟瀾

天閑遴上駟內府製安車文綺霞同麗珍裘雪不

如裝盈尙方器舟載石渠書直達粉榆里榮光燭

太虛

如意承

天語真同願復慈光分九華玉瑞應萬年芝詔

饒頒瑤席恩光溢寶卮都人胥歎羨殊寵冠當時

錫類恩無極非徒畫錦榮已酬烏鳥願更挈燕雛

《澄懷園詩選卷十二

十二

行子弟將車便官僚負弩迎歡聲騰祖帳回望隔

蓬瀛

十月二十六日滕縣道中見紅葉同吳若山

姪筠若宣若霽長男若霽賦

薛城南畔路秋色待行車霜染千層葉冬開二月

花荒村被文綺疏柳映晴霞屈指粉榆近雲深謝

朧家

十一月十二日拜先大人墓

二十三年客帝京遙瞻邱壠淚縱橫今朝倍覺

君恩渥得撫松楸一放聲

烟蘿無恙護苔磯手澤如新啟竹扉雙佛在天應  
色喜白頭有子荷恩歸

十一月十六日酌酒姚夫人殯所

酌酒荒郊最愴神曉風殘雪冷松筠重將不盡安  
仁淚寄與雞鳴戒旦人

彩鸞一去倏三紀遼鶴不歸空百年昨向粧樓檢  
遺墨班昭猶有未殘篇

從雙溪過 賜金園口占

萬松亭北水潺潺遙指方壺翠靄開泉石別開新  
徑路烟霞猶護舊溪山陰濃竹篠雲藏屋香冷梅

澄懷園詩選卷十二 十三

花雪閉關蘿月移文應不免倦飛禽鳥未知還

里居紀

恩詩四首

有序  
廷玉里居兩月餘每因請

安謝恩具奏必蒙 批答恩禮之篤厚慈注之纏

綿自古迄今無有倫比嘉平中辭特頒

御書福字春聯付 臣家人馳送於歲前抵里至寶

勝繡囊山珍海錯橘柚珍果之 賜絡繹

於道 臣祗承之下感愧並集敬賡里什永

誌

天恩

北望觚稜遠南來驛路長十行飛

御札五緯燦天章魚水情難喻堂廉分欲忘感深

增愧悚惟有淚沾裳臣抵里後初次具奏謝 恩蒙 御批

朕念吉人天佑理所必然朕即位十一年來在廷近內大臣一日不

留相藩者惟卿一人義固君臣情同契友今相隔月餘未免每思念

然於本分說話又何嘗暫離寸步也俟卿料理祭典畢明春北來握手

歡會可也所奏一路地方情形欣喜覽之都中得雪兩次直省各處奏

報大率相同 天恩似普一切內外事宜如卿在京光景頗覺相安特

諭以恩卿之繫念臣於梓 王音自願何人仰承 聖主殷肱腹心之

愛洋溢於 褒綸異命之中朝

夕循環跪讀不覺感涕漬衣矣

載拜瞻

宸翰龍箋盥手開日星光絢爛雲漢象昭回福自

仙毫降春隨 翰墨來堯天文炳煥翊贊愧非才

恩賜 御書春聯曰天  
恩眷浩濶文治日光華

寶勝宜春字珍饈尚食精敬將包匭啟先向几筵

呈子姓分嘗味鄉人競問名傳柑當令節倍覺月

華明

正月二十日起程入都

久客還家席未溫匆匆又復去鄉城生平不作留

連態垂老難忘繾綣情

帝念行程占吉日先期奉 恩旨正旦天憐征路放新晴

門前驛吏嚴裝待且聽山雞報午聲

語官吏迎送者

楊柳旗亭一宿程握衣投刺太多情願將迎送工夫省徧踏郊圻歡耨耕

答父老

政令無苛民不擾好勤耕作闢蒿萊休將飽暖看容易都日 宵衣旰食來

獻縣道中卽事有序

澄懷園詩選卷十二 十五

獻縣北二十里一水澄泓頗具烟波之趣

中有漁人挾網操舟隨流上下僕夫顧而樂之余曰此積潦未消農人改業謀生非得已也爰賦斯篇

頗具烟波趣扁舟寄水濱那知驅憤客權作捕魚人失業身飄泊浮家意苦辛休將中澤土錯認武陵春

還 朝紀

恩詩四首有序

臣 廷玉祀先掃墓事竣奏請於初春入都

蒙

恩選擇正月二十日午時

手批以示啟行之後屢傳在京家人到 宮門

詢問一路程期二月十六日駐宿蘆溝橋

特遣內大臣海望傳

旨慰勞並

賜珍膳餚果酒醴十七日清晨抵京詣 宮門請

安卽蒙 召見並令 臣 子苦肅 臣 姪若宣隨入

天顏溫霽慰諭纏綿並訓若需若宣以行已服官

之要是日又頒酒筵於邸寓伏思是行也

澄懷園詩選卷十二 十六

我

皇上之加恩於 臣 者皆古今未有之殊遇雖竭颺

頌之誠難述恩施之渥而非才鈍筆數寫

簡略詞不宣情感激之餘益自增其愧悚

云

敢戀還鄉逸猶慚赴闕遲 詔寬歸辭假 恩賜

啟行期月夕傳柑後春郊折柳時寸心葵向切早

荷

至尊知御批有途次不可食程從容而來之 恩旨

氣暖冰將泮風微雪乍晴客車初發軔 天語問

行程跡尚遲官驛書先奏 帝京連宵春夢裏

筆侍承明

馬首瞻天近雲端瑞色開敢當郊勞禮更遣重

臣來旅舍羅金盃宮庖送玉醅洗塵叨渥澤何處

著纖埃

拜舞瞻

龍袞鳬趨 御座前 霽顏恩篤厚 慈訓誼縈

綿禮已過三勞榮與踰九遷緡書求往事汗簡未

曾傳

偶讀高青邱漁樵耕牧詩仿其意各得二首

澄懷園詩選卷十二

七

漁

託跡紅塵外扁舟水一涯短篷低作屋淺渚穩浮

家風急權歌遠月高帆影斜武陵仙路近仔細認

桃花

雲水逍遙意烟波自在身癡憐綠木客狂晒釣鱉

人細織千絲網閒拋獨繭輪肯教嚴處士偏占越

溪春

樵

伐木操斤斧生涯託茂林祇因山路熟未覺嶺雲

深馴狎巖前鹿驚飛谷口禽一蓑兼一笠不畏雪

霜侵

愛此幽棲地誅茆結數椽出隨漁父後歸在牧童

先換酒過鄰舍觀暮遇洞仙興來歌棹橫長慶太

平年

耕

百室歌盈止端資力穡功西疇爲世業東作是家

風雞乳欣春早豚蹄祝歲豐秋田供社飲不放酒

瓶空

官吏無勞勸三時力作齊糞田成沃壤辱水就清

溪秋稼雲千畝春秋雨一犁耜耕呼伴侶只隔綠

澄懷園詩選卷十二

六

楊堤

牧

結伴驅牛去揚鞭度遠阡短蓑沾細雨一笛破晴

烟芳草綠如染野花紅欲然風光勝圖畫都在牧

場邊

也學忘機叟常依木石居但牽長縶不駕短轅

車近樹貪懷果唐劉駕詩牧童見客拜山果懷中落占年喜夢魚那知塵

市裏賣劒事何如

題折枝梅花

花中巢許留疏蕊冷香浸骨清如水宵來夢不到

羅浮只在前村深雪裏

卽事

涼風一夕過庭軒漸覺霜侵碧  
鮮痕多謝花神賈餘勇蕙蘭猶放第三番

正月十五夜口占二首 乙卯

一庭寒月上燈初樹影橫窗畫不如別有吾生行  
樂處喧闐時節閉門居

亦知令節休虛度其奈疏慵本性何天與人閒清  
靜福不能飲酒厭聽歌

二月下泮移居澄懷園適山桃將放喜賦二

澄懷園詩選卷十二

九

首

御苑東頭別墅開一溪清淺接蓬萊年年得傍雕  
梁住恰似尋巢燕子來

山桃破萼占春先此後花期總接連喜聽園丁報  
消息海棠不是歇枝年 海棠無花之年俗呼為歇枝南北同然也

題榮懷弟武陵勸農圖二首

問問生計在東菑勸課良憂力作遲一望犁鋤徧  
原野使君心事老農知

桑柘陰中款段行更無五馬與雙旌披圖想見田  
家樂畫出昇平擊壤聲

澄懷園海棠四株齊放爛若披錦京師所未

有也因用唐人春風用意勻顏色句作起

句賦詩賞之

春風用意勻顏色如綺如霞總爛然稽古客翻唐  
相譜 唐相賈耽著百花譜以海棠為花中神仙賞花人似放翁顛錦幃卷起

朝猶醉銀燭燒殘夜未眠不夢東都眾芳好承  
恩身得住平泉

個閒作

退食有餘暇虛齋偃仰時倦因閒始覺雨與睡相  
宜杳拾窗前果蘭尋葉底枝隔牆聞稚子正誦自

澄懷園詩選卷十二

十

公詩

荷池對雨口占

一池新水浸芙蓉葉葉花花錦繡鋪向夕微雲過  
疏雨綠衣紅袖捧珍珠

澄懷園納涼

洞開窗牖受風便笛簾平鋪一榻眠竹送微涼來  
枕畔月隨流水到堦前黃封 賜果冰霜冷 每夕拜御筵

素纈攢花壁玉妍喜沐 恩波消劇暑塵凡人  
作小遊仙

題少司農王麓臺先生漁莊圖二首

春水平堤沒舊痕幾家同占水邊村漁人放艇不知處楊柳桃花深掩門

司農遊墨未模糊珍此漁莊蟹舍圖素壁高懸頻指點松山山下有松湖

松湖吾家世業酷似此圖也

澄懷園詩選卷十二

澄懷園詩選卷十二

三

先文和公澄懷園詩選十二卷粵寇至板燬於兵紹棠求之三十年未有得也光緒辛卯秋同里蕭君敬孚攜此冊貽我白下謂得諸海上估肆紹棠拜而讀之若寶鼎出汾水神異不能自闕爰命歆氏復此舊觀公功被天下名播遐表無俟緒餘篇什載禪其輝光惟先澤所流蝕蠹猶將琛襲矧公所自訂者固巍然天壤閒哉紹棠文行無似末由窺盛美萬一而其詩旨趣讀者當自得之刻既成謹志其崖畧如此

光緒十八年仲夏月端午後十日來孫紹棠謹識

澄懷園詩選跋

一

澄懷園語自序

先公詩文集外雜著內有聰訓齋語二卷以示  
子孫廷玉終身誦之雍正戊申己酉間扈從  
西郊蒙

恩賜居澄懷園五姪筠隨往課兩兒讀書予退直  
之暇談論所及姪逐日紀錄得數十條曰此  
可繼聰訓齋語曰澄懷園語也子聞之慚慙  
不勝而又不欲違其請第哀集有限未爲完  
書自是厥後凡意念之所及耳目之所經與  
典籍之所載可以裨益問學擴充識見者輒

澄懷園語序

取片紙書之納敝篋中而日用纖細之事亦  
附及焉十數年日積月累合之遂得二百五  
十餘條因釐爲四卷不分門類但就日月之  
先後以爲次序命曰澄懷園語從姪筠之請  
也竊念通籍而後牽於官守職務繁多比年  
精力僊頓常有意所欲書而倏忽遺忘者不  
可勝數且自知學識短淺文辭拙陋較之聰  
訓齋語不啻霄壤又隨手掇拾本無所愛惜  
不過藏之家塾俾子孫輩讀之知我立身行  
已處心積慮之大端云爾然有能觀感興起

者是則是效不視爲紙上空談未必無所裨  
補或不負老人承先啟後之意也夫乾隆丙  
寅冬十月澄懷居士張廷玉誤

澄懷園語序

二



澄懷園語卷之一

桐城 張廷玉 硯齋

凡人得一愛重之物必思置之善地以保護之至於心乃吾身之至寶也一念善是即置之安處矣一念惡是即置之危地矣奈何以吾身之至寶使之舍安而就危乎亦弗思之甚矣

一語而干天地之和一事而折生平之福當時時留心體察不可於細微處忽之

昔我 文端公時時以知命之學訓子孫晏閒之時則誦論語曰不知命無以爲君子也蓋窮通得

澄懷園語卷一

失天命既定人豈能違彼營營擾擾趨利避害者徒勞心力壞品行耳究何能增減毫末哉先兄宮詹公習聞庭訓是以主試山左即以不知命一節爲題惜乎能覺悟之人少也

康熙庚子冬山東販鹽奸民聚衆劫掠郵莊渠魁六七人各率匪類數百人晝夜橫行南北道路幾至阻隔又有青州生員鞠士林者倡率邪教招集亡命肆行不法巡撫總兵官竭力捕治擒獲一百五十餘人時余爲刑部侍郎

聖祖仁皇帝命同都統陶賴學士登德前往濟南

會同該撫鎮嚴行審訊並

諭曰伊等俱係妄稱僞將軍名號謀爲不軌之人若照例由部科覆奏請旨則致遲悞又恐別生事端爾等可審訊明確其應正法者即在濟寧正法應發遣者帶至京師發遣余奉

命惴惴深以不稱任使爲懼且同事二公皆屬初交恐有意見參差猜疑掣肘之患途中偕行以誠信相與頗無間言抵東之日晝夜檢閱卷案廉得其緊因於大廷廣衆謂同事諸公曰此盜案非叛案也諸公皆曰若何余曰伊等口供內有仁義王

澄懷園語卷一

二

無敵將軍之稱又有義勇王飛腿將軍之稱觀飛腿二字不過市井混名耳凡所謂僞號者皆道路訛傳不足深究矣諸公皆曰然已而一一研詰作盜案歸結即時正法者七人發遣者三十五人割斷脚筋者十八人因殘廢疾病而免罪者七十二人審係無干即行釋放者二十五人先是盜首供某名下有四百人某名下有五百人合訊之已不下二千餘人之衆因思罪在首惡若將脅從附和之輩一槩株連非所以仰體

皇仁也於是止就臬司械送之一百五十餘人審

訊歸結外此未曾拘拿一人即到案衆犯中有供係某姓佃戶者有供係某姓家人者有供係某鄉紳富戶家傭工或賃居房屋者亦槩不究問至於失察疎縱之罪通省文武官自撫鎮至典史千把總無一人得免者因錄其捕賊之功予以免議亦體

聖主寬大之盛心也此案讞獄將定本地文武官進而言曰公等如此治獄寬則寬矣第若輩黨羽甚衆未到案者尚有數千人若不加以嚴懲使之畏懼公等還朝後仍復蠢動恐有經理不善之咎

澄懷園語卷一

三

奈何余笑曰我等但知宣布

皇上如天好生罪疑惟輕之至德若爲地方有司思患豫防草菅民命甚非鞠獄初意且以用法寬而得咎恐無此天理諸公不必爲余過慮既而余回京後訪察山左情形知匪黨漸次解散並無萑苻之警蓋

聖主德化之感人而治獄之不宜刻核也如此大凡烏合之衆必有一二巨惡爲之倡率果能殲厥渠魁則脅從者皆可使之革面革心不必以多殺爲防患之計也此案爰書定自余手願舉以告天

下之治獄者

周易曰吉人之辭寡可見多言之人即爲不吉不吉則凶矣趨吉避凶之道只在矢口間朱子云禍從口出此言與周易相表裏黃山谷曰萬言萬當不如一點當終身誦之

一言一動常思有益於人惟恐有損於人不惟積德亦是福相

文端公對聯曰萬類相感以誠造物最忌者巧又曰保家莫如擇友求名莫如讀書姚端恪公對聯曰常覺胸中生意滿須知世上苦人多又虛直齋

澄懷園語卷一

四

日記曰我心有不快而以戾氣加人可乎我事有未暇而以緩人之急可乎均當奉爲座右銘

向日讀書設小几筆硯縱橫卷帙堆積不免跼蹐之苦及易一大几則位置綽有餘地甚覺適意可知天下之道寬則能容能容則物安而已亦適雖然寬之道亦難言矣天下豈無有用寬而養姦貽患者乎大抵內寬而外嚴則庶幾矣

凡人病歿之後其子孫家人往往以爲庸醫誤投方藥之所致甚至有銜恨終身者余嘗笑曰何其視我命太輕而視醫者之權太重若此耶庸醫用

藥差誤不過使病體纏綿多延時日不能速痊耳若病至不起是前數已定雖虛扁豈能爲功乃歸咎於庸醫用藥之不善不亦冤哉

雍正八年八月京師地動兇輩恐懼憂煎覺宇宙間無可置身處余謂之曰天變當懼理所宜然惟是北方陸居之地震與南方舟行之風濤皆出於不及覺何從預知而逃避之爾等惟有慎持此心若果終身不曾行一惡事不曾存一惡念可以對余影即可以對神明斷無有

上天譴罰而加以奇殃者方寸之間我可自主以

澄懷園語卷一

五

此爲避災免禍之道最易爲力

世之有心計者每行一事必思算無遺策夫使猶有遺策則多算何爲不過招刻覈之名致衆人怨恨而已若果算無遺策則上犯造物之怒其爲不祥莫大焉

凡事當極不好處宜向好處想當極好處宜向不好處想

人生榮辱進退皆有一定之數宜以義命自安余承之綸扉無掌銓部常見

上所欲用之人及至將用時或罹參罰或病或故

竟不果用又常見

上所不欲用之人或因一言薦舉而用或因一時乏材而用其得失升沈雖君上且不能主況其下焉者乎乃知君相造命之說大不其然

爲善所以端品行也謂爲善必獲福則亦儘有不獲福者譬如文字好則中式世亦豈無好文而不中者耶但不可因好文不中而遂不作好文耳制行愈高品望愈重則人之伺之益密而論之亦愈深防檢稍疎則身名俱損昔聞人言有一老僧道力甚堅精勤不怠上帝使神人察之曰其勤如

澄懷園語卷一

六

初則可度世苟不如前則詐僞欺世之人可擊殺之神伺之以不得間一日僧如廁就河水欲盥手神曰余得間矣將下擊僧忽念曰此水人所飲食也奈何以手污之因以口就水吸而滌手神於是出拜曰子之心堅矣吾無以伺子矣向使不轉念則神鞭一擊不且前功盡棄耶語雖不經亦可借以自警

余近來事務益繁雖眠餐俱不以時何暇復問家務乃知古人所稱公爾忘私國爾忘家者非有意忘之也亦其勢不得不忘耳况受

思愈深職任愈重即本無私心而識淺才疎尚恐經理之未當若再存私意於胸中是乃有心之過豈不得罪於鬼神哉

大臣率屬之道非但以我約束人正須以人約束我我有私意人即從而效之又加甚焉如我方欲飲茶則下屬即欲飲酒我方欲飲酒則下屬即欲肆筵設席矣惟有公正自矢方不爲下人所窺一爲所窺則下僚無所忌憚尚望其遵我法度哉凡事貴慎密而國家之事尤不當輕向人言觀古人不言溫室櫺可見總之真神仙必不說上界事

澄懷園語卷一

七

其輕言禍福者皆師巫邪術惑世欺人之輩耳入宮見妬入門見嫉猶云同居共事則猜忌易生也至於與我不相干涉之人聞其有如意之事而中心悵悵聞有不如意之事而喜談樂道之此皆忌心爲之也余觀天下之人坐此病者甚多時時省察防閑恐蹈此薄福之相惟我兩先人忠厚仁慈出於天性每聞人憂戚患難之事即愀然不快於心只此一念便爲人情之所難而貽子孫之福於無窮矣

古人以盛滿爲戒尚書曰世祿之家鮮克由禮蓋

席豐履厚其心易於放逸而又無端人正士嚴師益友爲之督責匡救無怪乎流而不返也譬如一器貯水盈滿雖置之安穩之地尚慮有傾溢之患若置之欹側之地又從而搖撼之不但水至傾覆即器亦不可保矣處盛滿而不知謹慎者何以異是

吾人進德修業未有不靜而能有成者太極圖說曰聖人定之以中正仁義而主靜大學曰靜而后能安安而后能慮且不獨學問之道爲然也厯觀天下享遐齡膺厚福之人未有不靜者靜之時義大矣哉

澄懷園語卷一

八

人生樂事如宮室之美妻妾之奉服飾之鮮華饌之豐潔聲技之靡麗其爲適意皆在外者也而心之樂不樂不與焉惟有安分循理不愧不忤夢魂恬適神氣安閒斯爲吾心之真樂彼富貴之人窮奢極欲而心常戚戚日夕憂虞者吾不知其樂果何在也

余自幼體羸弱多疾精神減少步行里許輒困憊不能支兩先人時以爲憂余因此謹疾益力慎起居節飲食時時儆惕至二十九歲通籍後氣體

稍壯三十二歲蒙

聖祖仁皇帝召入南書房辰入戌出歲無虛日塞外扈從凡十一次夏則避暑熱河秋則隨獵於邊塞遼瀾之地乘馬奔馳飲食多不以時而不覺其勞猶記丁亥秋

聖祖仁皇帝以外蕃諸君長望幸心切

車駕遠臨遍歷蒙古諸部落窮邊絕漠余皆珥筆以從計一百餘日不離鞍馬而此身勉強支持不至委頓及

世宗憲皇帝即位叨荷

澄懷園語卷一

九

殊恩委任綦重雍正五六年以後以大學士兼管吏部戶部尚書翰林院掌院學士皆極綽要重大之職無以晨夕內直

宣召不時晝日三接習以爲常而西北兩路軍興旁午遵奉

密諭籌畫經理羽書四出刻不容緩每至朝房或公署聽事則諸曹司及書吏抱案牘於旁者常百數十人環立更進以待裁決坐肩輿中仍披覽文書入 紫禁城乘馬吏人輒隨行於後即以應行應止者告之總裁史館書局凡十有餘處纂修諸

公時以所疑相質問亦大費斟酌不敢草率每薄暮抵寓燃雙燭以完本日未竟之事並辦次日應奏之事盛著之夜亦必至二鼓始就寢或從枕上思及某事某稿未妥即披衣起親自改正於黎明時付書記繕錄以進每蒙

聖慈洞察垂憫再三因諭曰爾事務繁多至此一日所辦竟至成帙在他人十日尚未能也恐爾眠食之時俱少矣嗣後切宜愛惜精神勿過勞以負朕念

聖恩如此益不敢不努力圖報於萬一竊思五十

澄懷園語卷一

十

歲以後之情形與三十歲以前迥乎不同此皆仰賴天地祖宗之默佑而戒謹恐懼時時慎疾之一念亦未嘗無功焉

凡人耳目聽睹大率相同若能神閒氣靜則覺有異人處雍正癸卯甲辰間予與高安朱文端公兩主會試每坐衡鑒堂閱文子伏案握管未嘗停批而四座同考官彼此互相談論或開龍門時外場御史向內簾御史通問訊子皆聞之向朱公一一敘述朱公曰古稱有五官並用者子未遇其人今

於君見之矣子曰公言太過子何敢當此不過偶然耳今年逾六十迥不如前可知耳目之用亦隨血氣爲盛衰也

余近蒙

聖恩賜以廣厦名園深愧過分昔 文端公官宗伯時屋止數楹其後游登台輔數十年不易一椽不增一瓦曰安敢爲久遠計耶其謹如此其儉如此其刻刻求退如此我後人豈可不知此意而猶存見少之思耶

大聰明人當困心衡慮之後自然識見倍增謹之

澄懷園語卷一

士

又謹慎之又慎與其於放言高論中求樂境何如於謹言慎行中求樂境耶

人臣奉職惟以公正自守毀譽在所不計蓋毀譽皆出於私心我不肯徇人之私則甯受人毀不可受人譽矣

他山石曰萬病之毒皆生於濃濃於聲色生虛怯病濃於貨利生貪饕病濃於功業生造作病濃於名譽生矯激病吾一味藥解之曰淡吁斯言誠藥石哉

人以必不可行之事來求我我直指其不可而謝

絕之彼必怫然不樂然早斷其妄念亦一大陰德也若猶豫含糊使彼妄生覬覦或更以此得罪此最造孽

人之精神力量必使有餘於事而後不爲事所苦如飲酒者能飲十杯只飲八杯則其量寬然有餘若飲十五杯則不能勝矣

天下萬事莫逃乎命命有修短非藥石所能挽

文端公常言仁和顧山庸先生曾患疽發背醫藥數百金而愈同時有隣居貧人亦患此病無醫藥日飲薄粥亦愈其愈之月日與公同以此知命有

澄懷園語卷一

士

一定不繫乎療治也

余遷居不擇日或問之余曰天下人無論貧富貴賤莫不擇吉日者莫如婚娶然其間壽夭窮通不齊者甚多可知日辰之不足憑而吾生自有定命也擇日何爲乎

余生來體弱每食不過一甌肥甘之味畧嘗即止然生平未嘗患瘧痢亦由不多飲食之故世之以快然一飽而致病者豈少哉

處順境則退一步想處逆境則進一步想最是妙訣余每當事務業集繇冗難耐時輒自解曰事更

有餘於此者此猶未足爲餘也則心平而事亦就理即祁寒溽暑皆作如是想而畏冷畏熱之念不覺潛消

爲官第一要廉養廉之道莫如能忍嘗記姚和修之言曰有錢用錢無錢用命人能拚命強忍不受非分之財則於爲官之道思過半矣

臣子事君能供職者以供職爲報恩不能供職者即以退休爲報恩蓋奉身而退使國家無素餐之人賢才有登進之路亦報恩之道也

人之葬墳所以安先人也葬後子孫昌盛可以卜

澄懷園語卷一

三

先人墳地之吉祥若先存發福之心以求吉地則不可

貨悖而入者亦悖而出平生錙銖必較用盡心計以求贏餘造物忌之必使之用若泥沙以自罄其所有夫勞苦而積之於平時歡忻鼓舞而散之於一旦則貪財果何所爲耶所以古人非道非義一介不取

人家子弟承父祖之餘蔭不能克家而每好聲伎好古玩好聲伎者及身必敗好古玩未有傳及兩世者余見此多矣故深以爲戒

昔人以論孟二語合成一聯云約失之鮮矣誠樂莫大焉余時佩服此十字

子在仕途久每見陞遷罷斥事稍出人意外者衆必驚相告曰此中必有緣故余笑曰宇宙間安得有許多緣故而人往往不信予曰細思之却有緣故何也命數如此非緣故而何

夏月退食之暇閱津逮秘書頗足忘暑且可爲博物洽聞之助但其中鄙俚穢褻之語往往而有可知古人著書輕率下筆亦是大病讀者不可不擇也

澄懷園語卷一

十四

古來帝王避諱甚嚴唐明皇諱隆基則劉知幾改名宋欽宗諱桓則併嫌名九字避之高宗諱構則併勾字避之至改勾龍氏爲維氏惟我朝此禁甚寬

世宗憲皇帝時見臣工奏事有避嫌名者輒怒曰朕安得有許多名字非朕名而避是不敬也至乾隆元年

今上御極特降諭旨二名不偏諱即御名本字亦不避矣

聖人度量識見超越千古即此一事可見

宋太宗 呂端小事糊塗大事不糊塗西林相國

大事不可糊塗小事不可不糊塗若小事不糊塗則大事必至糊塗矣斯言最有味宜靜思之

世宗憲皇帝時廷玉日直 內廷

上進膳時常承

命侍食見

上於飯顆餅屑未嘗棄置纖毫每燕見臣工必以珍惜五穀爲訓暴殄天物爲戒又嘗

語廷玉曰朕在藩邸時與人同行從不以足履其

頭影亦從不踐踏蟲蟻

澄懷園語卷一

五

聖人之恭儉仁厚謹小慎微固有如是者

昔人言陸放翁詩吐納衆流渾涵萬有神明變化

融爲一氣予自幼讀陸詩數十年來不離几案其

妙處不可殫述即如七言絕句中遊近村一首曰

斜陽古柳趙家莊負鼓盲翁正作場死後是非誰

管得滿村聽說蔡中郎又夜食炒栗一首曰齒根

浮動歎吾衰山栗炮燂療夜飢喚起少年京輦夢

和寧門外早朝時以眼前極平常之事而出之以

含蓄蘊藉今人百回讀之不厭真化工之筆也

三百篇爲詩之祖 共知之而不知微言精義有

在三百篇之前者虞書曰詩言志歌永言聲依永

律和聲吾人用功於詩數十年果能心領神會此

十二字則詩自臻妙境不可以語言文字傳也

西林相國曰杜少陵胡馬詩云所向無空闊真堪

託死生此二語人知其妙而不知其所以妙蓋良

馬蹀躞奔騰之時步步著實所以說無空又步步

不越尺寸所以說無濶惟其如此所以堪託死生

也余扈從久見良馬甚多深知西林確論能發杜

詩之神髓也

虞書言樂作而百獸率舞鳳凰來儀此史臣極言

德化之盛不必實有其事也

先公言標梅之詩乃女子父母作非女子自作也

昔人曾有此解當從之朱註非也

先公曰民之失德乾餱以愆乃古人自檢之密非

輕量天下之人此解玉服膺不忘非此則詩人之

語病不小矣

余二十歲時讀陶淵明五柳先生傳以爲此後人

代作非先生手筆也蓋篇中不慕榮利忌懷得失

不戚戚於貧賤不汲汲於富貴諸語大有痕跡恐

天懷曠逸者不爲此等語也此雖少年狂肆之談

澄懷園語卷一

六



今思之亦未必全非

余向來所作詩多燬於火兒輩言及往往以爲憾  
一日讀竹坡詩話曰杜牧之嘗爲宣城幕遊涇溪  
水西寺留二詩其一曰三日去還住一生焉再遊  
含情碧溪水重上槩公樓此詩今榜壁間而集中  
不載乃知前人好句零落者多矣余讀至此呼若  
靄示之曰古名人尚如此何況於余爲之一笑

昔先文端公祈夢於呂仙祠夢遷居新室家人荷  
硯一擔玉感其祥因以硯齋爲號並刻圖章二上  
則硯齋下則以鈍爲體以靜爲用八字蓋取唐庚

澄懷園語卷一

七

古硯銘中語以自勉也

偶讀明人雜記曰今高麗鏡面箋中國無及之者  
吳越錢氏時浙江溫州作蠲紙潔白堅滑大畧類  
高麗紙供者免其賦稅故曰蠲紙至和年間方入  
貢以權貴索取浸廣而紙戶力不能勝遂止之今  
京中所用高麗紙質雖麗而堅厚異常遠勝內地  
者至高麗鏡面箋則不可得惟於董宗伯墨蹟中  
見之本朝以來彼國王用作表牋市肆中則無從  
購覓矣

竹坡詩話曰凡詩人作語要令事在語中而人不

知子讀太史公天官書天一槍格矛盾動搖角八

兵起杜少陵詩云五更鼓角聲悲壯三峽星河影  
動搖蓋暗用遷語而語中乃有用兵之意詩至此  
可以爲工也子偶檢書見此指以示兒輩古人作  
詩之妙讀詩之妙並見於此學詩者不可不知也  
偶閱韓魏公別錄公嘗曰內劄不可屈而外能處  
之以和者所濟多矣又曰以之遇則可以成功以  
之不遇則可以免禍者其惟晦乎又曰知其爲小  
人便以小人處之更不須校也又曰人能扶人之  
危賙人之急固是美事能勿自談則益善矣又曰

澄懷園語卷一

六

寡欲自事簡公因論待君子小人之際曰一當以  
誠但知其爲小人則淺與之接耳凡人至於小人  
欺已處不覺則已覺必露其明以破之公獨不然  
明足以照小人之欺然每受之而不形也嘗說到  
小人忘恩背義欲傾已處辭和氣平如說平常事  
以上數則語雖淺近而一段和平忠厚之意千載  
而下猶令人相遇於楮墨間因命兒輩抄錄以備  
觀覽

周書君陳篇曰爾有嘉謀嘉猷則入告爾后於內  
爾乃順之於外曰斯謀斯猷惟我后之德此數語

自宋儒以來多有以爲成王失言者余謂不然周公遷殷頑民於下都公自監之公殲成王命君陳代公是時頑民習染已深非動其尊君親上感恩戴德之心不能望其潛消逆志故令君陳宣布朝廷德意以爲化民成俗之助非以頌颺諛諛倡導臣工也觀下文曰殷民在辟予曰辟爾惟勿辟子曰宥爾惟勿宥惟厥中其以忠直匡正望君陳者與大舜子違汝弼之心又何間哉

虞書皋陶曰帝德罔愆臨下以簡御衆以寬罰弗及嗣賞延於世宥過無大刑故無小罪疑惟輕功

澄懷園語卷一

尤

疑惟重與其殺不辜甯失不經以上盛德古今來仁厚恭儉之主尚庶幾能之至於好生之德洽于民心茲用不犯于有司則所謂過化存神上下與天地同流者此固非帝舜不足以當之然亦必有此數語始足以見盛德之至與大聖人功用之全也予故曰唐太宗縱囚而囚歸此太宗之所以爲太宗也虞帝好生而民不犯於有司此虞帝之所以爲虞帝也

偶讀韓蘄王傳公嘗戒家人曰吾名世忠汝曹毋諱忠字諱而不言是忌忠也余名玉字易月而難

避生平見屬吏門人皆戒其勿以犯觸爲嫌後世子孫當知此意果能尊敬其父祖當以服習教訓爲先豈在此區區末節乎

向見同人詩中好句輒能記誦歷久不忘今老矣迥不如前所記者不過十之一二而已如院長揆公錄詠白杜鵑花曰三更枝上月如霜查悔餘行詠金絲桃曰偶分處士籬邊色仍是仙人洞口花鄂西林詠棗花曰林端暖愛初長日葉底香憐泰最小花趙橫山賦得柳橋晴有絮曰雪點朱闌暖未消此皆詠物之工者又見朝鮮詩集中載其

澄懷園語卷一

辛

國人咏漁父絕句有曰人世險巇君莫笑自家身在急流中亦自雋永可味

君子可欺以其方若終身不被人欺此必無之事倘自謂人不能欺我此至愚之見即受欺之本也天下有學問有識見有福澤之人未有不靜者天下矜才使氣之人一遇挫折倍覺人所難堪細思之未必非福

凡人好爲翻案之論好爲翻案之文是其胸襟褊淺處即其學問偏僻處孔子曰中庸不可能也請看一部論語何曾有一句新奇之說

不深知知人論世四字之義不可以讀史

澄懷園語卷一

三

澄懷園語卷之二

桐城 張廷玉 硯齋

雍正丙午秋蔣文肅公主順天鄉試時太夫人高年在堂

世宗憲皇帝恐其懸念起居命余索其平安信於降旨之便傳入闈中以慰其心

聖主錫類之仁優待大臣之恩誼至於如此千古所未有也

居官清廉乃分內之事每見清官多刻且盛氣凌人蓋其心以清爲異人之能是猶未忘乎貨賄之

澄懷園語卷二

一

見也

至誠而不動者未之有也問如何著力曰言忠信行篤敬

孝昌程封翁漢舒筆記曰人看得自己重方能有耻又曰人世得意事我覺得可耻亦非易事此有道之言也

讀論語覺得孟子太難且甚費力讀孟子又覺諸子之書費力矣不可不知

程封翁漢舒曰一家之中老幼男女無一個規矩禮法雖眼前興旺即此便是衰敗景象又曰小小

智巧用慣了便入於下流而不覺此二語乃治家訓子弟之藥石也

凡人看得天下事太容易由於未曾經歷也待人好爲責備之論由於身在局外也恕之一字聖賢從天性中來中人以上者則閱歷而後得之姿秉庸暗者雖經閱歷而夢夢如初矣人而不仁疾之已甚亂也熟讀全史方知此語之妙

乾隆五年正月燈節家庭閒話之際長男若靄曰凡占卜星相之事若深信而薦好之其人必有受

澄懷園語卷二

二

累處但大小或有不同耳余聞之甚喜蓋余幾經閱歷而後知之不意若靄少年能見及此也

本朝定制各部滿尚書在漢尚書之前廷玉以大學士管吏部戶部事特命在滿尚書之前雍正六年公富爾丹管部務富以公爵無尚書非他人可比玉遜讓再四

上仍命余居前又朝會班次大學士在領侍衛內大臣之下

上命玉在公侯領侍衛內大臣之上皆異數也

先文端公聰訓齋語曰子自四十六七以來講求

安心之法凡喜怒哀樂勞苦恐懼之事只以五官四肢應之中間有方寸之地常時空空洞洞朗朗惺惺決不令入所以此地常覺寬綽潔淨子製爲一城將城門緊閉時加防守惟恐此數者闖入亦有時賊勢甚銳城門稍疎彼間或闖入即時覺察便驅之出城外而牢閉城門令此地仍寬綽潔淨十年來漸覺闖入之時少不甚用力驅逐然城外不免紛擾主人居其中尚無渾忘天真之樂倘得歸田遂初見山時多見人時少空潭碧落或庶幾矣此先公生平得力處故言之親切若此玉常

澄懷園語卷二

三

舉以告人無論行者不可得即解者亦復寥寥吁難矣哉

註解古人詩文者每牽合附會以示淹博是一大病古人用事用意有可以窺測者有不可窺測者若必欲強勉著筆恐差之毫釐失之千里不可不慎也

歐陽公論詩曰狀難寫之景如在目前含不盡之意見於言外然後爲工此數語看來淺近而義蘊深長得詩家之三昧矣

憂患皆從富貴中來閱歷久而後知之

有不虞之譽有求全之毀在孟子則兩者平說究竟不虞之譽少而求全之毀多此人心厚薄所由分也孔子曰如有所譽者其有所試矣是聖人之心甯偏於厚其異乎常人者正在此

餘齋恥言曰名諫者忠之賊也因他人之過以市名長厚者不爲矧君子乎又曰實二而名一則名立而不毀矣行五而言三則言出而寡尤矣斯之謂有餘地又曰有家者莫患乎昧大體而聽小言夫覺啟於背語而禍烈於傳構若能結婦妾之口銅僕婢之唇宜家將過半矣又曰士大夫在鄉使

澄懷園語卷二

四

鄉之人敬之其次愛之若人可侮焉末矣然猶賢於使人惴惴而莫或敢侮者又曰仁生理也故卉木實中之含生者命之仁實即誠也物之終始也故卉木之既結而又傳生者命之實餘齋徐姓禎稷其名也江南華亭人明末官至副憲

開卷有益此古今不易之理猶記余友姚別峯有詩曰掩書微笑破疑團尤得開卷有益自然而然之樂境也余深愛之

後世取士舍科目更無良法但在主考同考官公與明耳雖所得之士不能盡備國家之用而司其

柄者能公正無私使天下士子安於義命則士心自靜士品自端於培養人才不無裨補余自通籍以來累蒙

三朝聖主委任三與會闡分校一典順天鄉試三爲會試總裁不敢云鑒別無爽而秉公之念則恪遵先人之訓可以對天地神明耳

女論語曰凡爲女子先學立身立身之本惟務清貞清則身潔貞則身榮行莫回頭語莫露唇坐莫動膝立莫搖裙喜莫大笑怒莫高聲內外各處男女異群莫窺外辟莫出外庭居必掩面出必藏形

澄懷園語卷二

五

男非眷屬莫與通名女非善游莫與相親立身端正方可爲人此訓女至言也凡爲父母者當書一通於居室中

康熙壬午春 先公 子告歸里諭廷玉曰嗣後可寫日記寄歸俾知汝起居近况以慰老懷玉遵命每日書之甲申四月奉

命入直南書房仰蒙

聖祖仁皇帝恩誼稠渥錫賚便蕃不啻家人父子且每歲扈從避暑塞外凡口外山川形勝風土人物以及道里之遠近氣候之涼燠草木之華實飲

食日用之微遊覽登眺寓目適情之趣悉載日記中越數日郵寄數紙以博堂上之一笑先公每接到輒命小胥繕錄之積之既久遂成四帙因以抄本及原稿寄廷玉曰好藏之他日載之集中亦著述中一種也廷玉受而藏之篋笥後因室廬不戒於火遂成灰燼每念先公彙集郵寄之意輒爲泫然而曩時所歷之境已閱三十餘年靜中思之不過得其彷彿欲舉以筆之於書不能矣撫今追昔慨惜曷勝

雍正十年山東省奏銷上年正賦紳士欠糧不完

澄懷園語卷二

六

者例應褫革該部照例具奏

上以問同官同官曰法當如此不褫無以警衆

上復問廷玉廷玉對曰紳士抗糧罪固應褫第山東連年荒歉輸將不給情有可原尚與尋常抗玩

者有間可否邀

恩寬限一年俟來歲不完然後議處以昭法外之恩

上惻然曰爾言誠是遂降寬限三年之

恩旨此次得免褫革者進士及舉貢生監凡一千

四百九十七人

上之矜恤士類從善如流如此偶舉一端以見如天之德誠古今所莫及云

余授館職後丙戌科奉

命分校春闈在闈中有同事人以微詞探余者余逆知其意因作闈中對月絕句四首中有云簾前月色明如畫莫作人間暮夜看其人覽之懷慚而退撤棘後士林頗傳誦之

聰訓齋語曰治家之道謹肅爲要易經家人卦義理極完備其曰家人嗃嗃悔厲吉婦子嘻嘻終吝嗃嗃近於煩瑣然雖厲而終吉嘻嘻流於縱軼則

澄懷園語卷二

七

始寬而終吝余欲於居室自書一額曰惟肅乃雍常以自警亦願吾子孫共守也先公之家訓如此因憶先室姚夫人幼奉端恪公之教長而于歸能體兩先人之心不苟言不苟笑一舉一動悉遵矩矱于肅之一字庶幾近之惜乎享年不永不能令子女輩親見而取法也

凡人精神智慮少壯之時則與年俱進漸衰之後則與年遞減

世宗憲皇帝初登大寶時年五十有一日侍左右凡

訓諭臣民之旨纏綿剴切委曲宛轉爲千古帝王之所未發玉恭聆之下敬謹嘿識退而繕錄於次日進呈

御覽少者數百言多者至數千言皆與原降之旨無少遺漏屢蒙

先帝嘉獎逾量同朝共事之人咸以爲難乃五十五歲以後記性漸不如前至六十以外又不如五十七八時今則六十有九又不如六十一二歲時矣精力日益衰頹而擔荷重任不能爲引年退休之計可愧亦可懼也

澄懷園語卷二

八

天理人情是一件不得分而爲二論語曰父爲子隱子爲父隱直在其中矣律文有得相容隱之條即從論語中來細玩夫子某也幸苟有過人必知之數語其妙處不可以言傳矣至孟子父子相夷數句則不免語病

韓魏公遺事曰公判京兆日得姪孫書云田產多爲鄰近侵占欲經官陳理公於書尾題詩一首云他人侵我且從伊子細思量未有時試上含光殿基看秋風秋草正離離其後子孫蕃衍歷華要者不可勝數以其寬大之德致然也 先文端公口

錄者

澄懷園語卷二

九

以遜讓訓子孫聰訓齋語往復數千言剴切纏綿即是此意從今日觀之從前讓人無纖毫虧損而子姓榮顯頗爲海內所推孰非積德累仁之報哉韓魏公判相州因紀宣尼省宿有偷兒入室挺刃曰不能自濟求濟於公公曰几上器具可值百千盡以與汝偷兒曰願得公首以獻西人公即引領偷兒稽顙曰以公德量過人故來相試几上之物已荷公賜願無泄也公曰諾終不以告人其後爲盜者以他事坐罪當死於市中備言其事曰慮吾死後公之遺德不傳於世也此魏公遺事載于別肺腑之言也

歐陽文忠公之子名發述公事蹟有曰公奉敕撰唐書專成紀志表而列傳則宋公祁所撰朝廷恐其體不一詔公看詳令刪爲一體公雖受命退而曰宋公於我爲前輩且各人所見不同豈可悉如已意於是一無所易余覽之爲之三歎每見讀書

人於他人著作往往恣意吹求以炫已長至於意見不同則堅執已見百折不回此等習氣雖賢者不免覽歐公遺事其亦知古人之忠厚固如是乎莊子曰愛馬者以筐盛矢以廬盛溺適有蚊蚋撲緣而拊之不時則缺銜毀首碎胸東坡詩曰莫將詩句驚搖落漸喜樽罍省撲緣歐陽公憎蚊詩曰難堪爾類多枕席狀緣撲是撲緣二字顛倒皆可用想歐公有所本也姑識之以俟考

余二十歲時見錢牧齋箋註杜工部洗兵馬以爲隱刺肅宗即大以爲不然蓋肅宗此時收復兩京

澄懷園語卷二

十

再造唐室故少陵作此詩以志慶幸豈逆料其將來有失子道而爲譏刺之語耶近見註杜諸家俱痛貶牧齋之說與余意同可見人心之公而持論不可以過刻也

全唐詩內載郭汾陽樂章二篇外此無他吟詠汾陽功業照耀古今不必以詩文見長即此二章料亦後人重公而爲此附會之紀載耳非公手製也又全唐詩內載李鄴侯詩三首鄴侯一代大文人其詩篇豈止於此可見古名人著作散逸而不傳者不知其凡幾也

余常與同人論詩戲爲麓淺之語曰杜少陵詩一團溫厚沈著之氣冬月讀之令人暖白香山詩一派瀟灑爽逸之氣夏月讀之令人涼同人頗以爲確不以爲麓淺而哂之也

歐陽公歸田錄曰臘茶出於創建草茶出於兩浙兩浙之品日注爲第一自景祐以後洪州雙井白芽漸盛近歲製作尤精囊以紅紗不過一二兩以常茶十數斤養之用辟暑濕之氣其品遠出日注上遂爲草茶第一歐公紀載如此余性最嗜茶四方士大夫以此相餉者頗多仰蒙

澄懷園語卷二

十一

世宗皇帝頒賜佳品一月之中必數至皆外方精選入貢者種類亦甚多器具亦極精緻可謂極茗飲之大觀矣然不聞有囊以紅紗養以常茶之說而暑濕不侵色香如故想古法不必行於今日也蔡條西清詩話曰詩家視陶淵明猶孔門視伯夷此最爲確論

元好問五歲德華小女詩牙牙姣女總堪誇學念新詩似小茶注曰唐人以茶爲小女美稱

杜少陵觀公孫大娘弟子舞劍器行曰先帝侍女八千人白香山長恨歌曰後宮佳麗三千人所謂



八千三千者蓋言其多耳非實指其數也合觀二詩可見

少陵詩夜足露沙雨春多逆水風香山詩巫山暮足露花雨隴水春多逆浪風不知香山何以全用杜句但改五言爲七言耳此亦古人之不可解者嘗讀高青邱梅花詩有曰春後春前曾獨探江南江北每相思又曰擬折贈君供寂寞東風無那欲殘時又曰春愁寂寞天應老夜色朦朧月亦香此數句集中皆兩見又元遺山詩中用古人成語甚多不以為嫌至其人自為詩句重見集中者更不

澄懷園語卷二

三

一而足想古人才思橫逸絲富不暇檢點以致彼此互見耳

偶與同人談古今最巧者何事余曰堯典中載之矣客問何事余曰以閏月定四時成歲千古節候被他算定不差纖毫非天下之至巧乎同人大笑廣雅曰玉延藹蓂莢也本草蓂莢生於山者名山藥秦楚之間名玉延朱子山藥詩曰欲賦玉延無好語羞論蜂窠與羊羹

人情好言夢而夢之徵驗不與者尤喜談而樂道之遂成信夢之癖余曰是逐末而忘其本矣人之

禍福既預見於夢可見有一定之數非人之所能逃矣與其信夢不如信數營營擾擾者又何爲乎高青邱志夢一篇讀之可以增長道心

宋制以內夫人六人輪日修起居至暮封付史館明時則內監紀之今則仍明朝之舊也

郭子儀字子儀其父敬之字敬之可見古人之以名爲字者不少也

明少師劉健登青柯坪顧其下白霧漲如大海時見霧中作煙突狀高低不一而仰視亦日當天下山始知大雷霹靂驟雨如注所見烟突即雷也每

澄懷園語卷二

三

思雷所起處得此豁然此見之明人記載者余素不信星命之說偶讀高青邱文曰韓文公詩有我生之初月宿南斗之句蘇文忠公謂公身坐磨蝎宮也而已命亦居是宮故生平毀譽頗相似焉夫磨蝎即星紀之次而斗宿所躔也星家者說身命舍是者多以文顯以二公觀之其信然乎余命亦舍磨蝎又與文忠皆生丙子青邱自記者如此由今觀之三公皆享文章盛名而遭值排擠謗毀甚至不克令終大槩相似然則星家者說古人不廢亦未可盡以爲渺茫耶

廬山志言蛇雉蚯蚓之類穴山而伏三十年則化而爲蛟常以夏月乘雷雨去之江湖三數年一次見筠廊偶筆

雲烟過眼錄曰李伯時貌天廡滿川花放筆而馬列蓋神龜精魄皆爲筆端取去實爲異事余謂此與張僧繇畫龍點睛即飛去事同一理也

聰訓齋語曰放翁詩倩盼作妖狐未慙肥甘藏毒鴆猶輕此老知攝生哉王謂此二語可作富貴人座右箴

澄懷園語卷二 古  
聰訓齋語曰余性不愛觀劇一席之費動踰數十

金徒有應酬之勞而無酣適之趣不若以其費濟困賑急爲人我利溥也余六旬之期老妻禮佛時念及誕日例當設梨園宴親友吾家既不爲此胡不將此費製綿衣袴以施道路飢寒之人乎次日爲余言笑而許之余意歸里時倣陸梭山居家之法以一歲之費分爲十二股一月用一分每日於食川節省月晦之日則總一月之所餘別作一封以應貧寒之急能多作好事一兩件其樂逾於日享大烹之奉多矣但在勉力而行之先公之垂訓如此玉生平亦不愛觀劇蓋天下之樂莫樂於閒

且靜果能領會此二字不但有自適之趣即治事讀書必志氣清明精神完足無障礙虧缺處若日事笙歌喧譁雜選神智漸就昏情事務必至廢弛多費又其餘事也至於畜優人於家則更不可此等輕儇佻達之輩日與子弟家人相處漸染倣效默奪潛移日流於匪僻其害有不可勝言者余居京師久見富貴家之畜優人者或數年或數十年或一再傳而後必至家規蕩棄生計衰微百不爽一嗚呼人情孰不爲子孫計而乃圖一時之娛樂貽後人無窮之患不亦重可歎哉

澄懷園語卷二

五

邵康節嘗誦希夷之語曰得便宜事不可再作得便宜處不可再去又曰落便宜處是得便宜故康節詩云珍重至人常有語落便宜事得便宜元遺山詩曰得便宜處落便宜木石痴兒自不知此語常人皆能言之而實能領會其意者非見道最深之人不足以語此也余不敏願終身誦之

余侍從西郊蒙

世宗皇帝賜居戚畹舊園庭宇華敞景物秀麗京師所未有也寢處其中十餘年矣而器具不備所有者皆簾重樸野聊以充數而已王公及友朋輩

多以儉嗇相譏嘲余曰非儉嗇也叨蒙

先帝屢賜內帑多金辦此頗有餘貲但我意以爲人生之樂莫如自適其適以我室中所有之物而我用之是我用物也若必購致揀擇而後用之是我爲物所用也我爲物用其苦如何陶淵明之不肯以心爲形役者即此義况讀書一生身膺重任於學問政事所當留心講究者時以苟且草率多所虧缺爲懼又何暇於服飾器用間勞吾神智以爲觀美哉

小築園亭以爲遊觀偃息之所亦古賢達人之所

澄懷園語卷二

六

不廢但須先有限制勿存侈心蓋園亭之設大以成大小以成小凡一二百金可了者用至一二千金而猶覺不足一有侈心便無止極往往如此白香山池上篇云可以容膝可以息肩何嘗不擅美於千古哉

澄懷園語卷之三

桐城 張廷玉 硯齋

凡人借書至日以遂藏匿不還或室中所有之書有所殘缺失落而不及早檢點尋覓均是讀書人之病

五色線曰侯道華好子史手不釋卷嘗曰天上無愚憊仙人子曰不獨此也自非大智大仁大勇不能爲仙仙豈易言哉

澄懷園語卷三

一

余二十歲外披閱書籍遇賞心怡情及不常經見者輒筆之於書名曰隨手錄至五十時得五帙約計千篇有餘不意回祿爲災遂化爲烏有自後不復再錄矣天下事難成而易敗大抵如此也

夢溪筆談曰茶芽古人謂之雀舌麥顆言其至嫩也今茶之美者其質素良而所植之本又美則新芽一發便長寸餘其細如針唯芽長爲上品以其質幹土力皆有餘故也如雀舌麥顆者極下材耳乃北人不識誤爲品題子有詩云誰把嫩香名雀舌定應止客未曾嘗不知靈草天然異一夜風吹一寸長余性嗜茶且蒙

恩賜絡繹於各省最上之品無不嘗遍每隨俗呼

嫩芽爲雀舌而不知其誤也特書以志之

李嶠平日卧青絨帳帝以爲太儉賜御用繡羅帳  
嶠寢其中達曉不安怪而生疾此等事人或以爲  
矯而以子素性論之則知其必然子蒙

恩賜衣冠器具之華美者對之實有跼蹐不甯之  
意惟有什襲珍藏以示子孫不敢輕自服用也

余幼年見婦有七出之條而惡疾與無子亦在應  
出之列竊疑焉以爲惡疾無子乃生人之不幸  
非失德也以此被出殊非情理祇以載在禮經不  
敢輕議蓄之於心久矣昨讀劉誠意所著郁離子

澄懷園語卷三

二

有曰或問於郁離子曰在律婦有七出聖人之言  
歟曰是後世薄夫之所云非聖人意也夫婦人從  
夫者也淫也妬也不孝也多言也盜也五者天下  
之惡德也婦而有焉出之宜也惡疾之與無子豈  
人之所欲哉非所欲而得之其不幸也大矣而出  
之忍矣哉夫婦人倫之一也婦以夫爲天不矜其  
不幸而遂棄之豈天理哉而以是爲典訓是教不  
仁以賊人道也仲尼沒而邪僻作懼人之不信而  
駕聖人以逞其說嗚呼聖人之不幸而受誣也甚  
矣哉誠意此論仁至義盡實獲我心覽之爲一大

快特命兒輩錄出識之

凡人於極得意極失意時能檢點言語無過當之  
辭其人之學問器量必有大過人處

歐陽文忠公出杜正獻公之門歐陽和杜詩有曰  
貌先年老因憂國事與心違始乞身杜甚喜一時  
傳誦之見竹林詩話

子生平登山遊覽祇至山半而不登其巔入寺登  
塔亦止於一二層而不躡其頂蓋身體羸弱不敢  
爲竭力事且承 先人訓時存知足之心切凜高  
危之戒也不意中年受 國家厚恩官階榮顯超

澄懷園語卷三

三

軼等倫嘗清夜自思汗流浹背歎曰竟造浮圖絕  
頂高出雲表矣是豈子之初心哉

樂道人之善惡稱人之惡皆出論語可作書室對  
聯觸目警心也

明儒呂叔簡先生 坤曰家人之害莫大於卑幼各  
恣其無狀之情而上之人阿其意而不之禁尤莫  
大於婢子造言而婦人悅之婦人附會而丈夫信  
之禁此二害而家不和睦者鮮矣又曰今人骨肉  
之好不終只爲看得爾我二字太分曉此二段語  
雖淺近實居家之藥石也

呂叔簡曰做官都是苦事爲官原是苦人官職高一步責任便大一步憂勤便增一步聖賢胼手胝足勞心焦思惟天下之安而後樂衆人快欲適情身尊家潤惟富貴之得而後樂子愛其語書一通於座右

宋有日應百篇科則一日作詩百首也太宗時得趙國昌一人然止成數十首率無可觀帝命賜及第後無繼者

明人萬歷野獲編云正德三年戊辰科場屆期司天者言熒惑守文昌不移闌中應爲之備甫畢末

澄懷園語卷三

四

場火發於內力救乃止遂促出榜期以二月二十七日揭曉纔畢事而至公堂被燼星占之驗如此又曰嘉靖丙辰己未二科不選庶常至壬戌已定議選館至期諸進士入內候試內閣擬題進呈御覽久之御札批曰今年且罷蓋諸進士貸金於中貴以賂首揆分宜爲其同儕密奏故降旨中輟耳偶見明人紀載以人臣一典文衡者爲遭逢之盛事永樂正統間錢侍郎習禮三爲會試同考官兩主鄉試三充廷試讀卷官又劉文靖健再主兩京鄉試四爲會試同考官一主會試六充廷試讀卷

官李文正東陽再主兩京鄉試兩爲會試同考官兩主會試八充廷試讀卷官楊文敏榮一典京畿鄉試九爲廷試讀卷官胡忠安漢十知貢舉士林皆傳爲美談余自通籍以來康熙丙戌壬辰乙未三科爲會試同考官雍正癸卯主順天鄉試雍正癸卯甲辰乾隆丁巳三主會試康熙辛丑雍正癸卯甲辰丁未庚戌乾隆壬戌六充廷試讀卷官其餘廷試諸年皆以子弟與試引例迴避惟雍正癸卯年胞弟廷璩堂弟廷珩姪孫若涵同登甲榜廷試時余不應讀卷蒙

澄懷園語卷三

五

世宗憲皇帝特降諭旨破格簡用尤異數中之罕見者董華亭宗伯曰結千百人之歡不如釋一人之怨余曰此長厚之言也凡人居官理事旌別淑慝乃其本職人不能有善而無惡則我不能有賞而無罰即不能有感而無怨矣鄉愿之事勢不能爲如管仲奪伯氏駢邑三百沒齒無怨言諸葛武侯廢廖立爲民徙之汶山武侯薨立泣曰吾終爲左袵矣如伯氏廖立者皆公平居心之賢人也彼世俗之人小不如己意則銜之終身矣若欲釋怨非枉

道廢法其何以哉

山東曹縣呂道人不知其年問之亦不以實告大約在百齡內外善養生修煉之術鶴髮童顏步履矍鑠終日不食亦不飢頂心出香氣如麝檀硫磺然此子親見者以鍼砭爲人療病輒效贈以財物不受曰天下之物那一件是我的人曰聊以表吾心耳答曰天下之物那一件是你的此二語予最愛之可以警覺天下之貪取妄求而不知止足者凡人度量廣大不妬忌不猜疑乃已身享福之相於人無所損益也縱生性不能如此亦當勉強而行之彼幸災樂禍之人不過自成其薄福之相耳於人又何損乎不可不發深省

澄懷園語卷三

六

明嘉靖自十三年乙未館選之後遇丑未則選遇辰戌則停終世宗之朝三十餘年遂爲故事其後丙辰己未壬戌連三科不選至乙丑始復考而穆宗御極二年爲戊辰以龍飛首科特選三十人至萬歷二年雖首科亦不選矣此後庚辰亦如之至丙戌次揆王太倉建議始復每科館選之例蓋自張永嘉丙戌摧殘以來至是恰一周天亦固運會使然也此載之萬歷野獲編者

宋史王文正公傳曰旦專稱寇準而準數短旦帝以語旦旦曰理固當然臣在相位久關失必多準對陛下無所隱益見其忠直此臣所以重準也帝以是愈賢旦後準以武勝軍節度使同平章事入謝曰非陛下知臣安能至此帝具道旦所以薦準者準始愧歎以爲不可及予曰文正公之盛德固已然古今來與此相類者未嘗無之惟遇萊公其人斯不負文正之盛德而成史冊之美談矣苟非其人則湮沒而不彰者豈少哉

澄懷園語卷三

七

曰喜傳語者不可與語好議事者不可圖事余歎曰此閱歷之言也歸語兒輩識之  
明朝名器之濫始於武宗世宗武宗寵用伶人臧賢至賜一品服世宗加恩道士如邵元節陶仲文徐可成蔣守約等皆賜至禮部尚書銜又憲宗時有太常卿顧珏者自陳願靈宮奉祀香火年久今妻王氏病故乞賜祭葬竟許之是道士之橫成化時已然矣世宗末年土木繇興而期限迫急不踰時刻木匠徐杲以一人籌算經營操斤指示俄頃即出而斲材長短大小不爽錙銖大工兩三月告

竣世宗眷注優異加尚書銜並賜金吾世隆亦往  
事之罕見者至唐莊宗入梁以伶人陳俊爲景州  
刺史王衍在蜀以樂工嚴旭爲蓬州刺史尤爲稱  
政矣

吾鄉左忠毅公舉鄉試謁本房陳公大綬陳勉以  
樹立却紅東不受謂曰今日行事儉即異日做官  
清不就此站定脚跟後難措手嗚呼不矜細行終  
累大德前輩之謹小慎微如此彼後生小子生富  
貴之家染紬袴之習何足以知之

姚端恪公曰夫子云至於犬馬皆能有養不敬何

澄懷園語卷三

八

以別乎聖人不輕下此等語子曰老而不死是爲  
賊亦論語中所僅見者學者當悉心理會之

朱子口銘曰病從口入禍從口出此語人人知之  
且病與禍人人之所惡也而能致謹於入口出口  
之際者蓋寡則能忍之難也書曰必有忍其乃有  
濟武王書銘曰忍之須臾乃全汝軀昔人詩曰忍  
過事堪喜忍之時義大矣哉

匹夫無罪懷璧其罪吾願購求古玩者深思此語  
自有書契以來以一書貫串古今包羅萬有未有  
如我朝古今圖書集成者是書也康熙年間

聖祖仁皇帝廣命儒臣宏開書局搜羅經史諸子  
百家別類分門自天象地輿明倫博物物理學經濟  
以至昆蟲草木之微無不備具誠冊府之鉅觀爲  
群書之淵海歷十有餘年而未就

世宗憲皇帝復詔虞山蔣文肅督率在館諸臣重  
加編校正其僞訛補其闕畧經三載而始釐定成  
書圖繪精詳考定切當

御製序文弁其首以內府銅字聯綴成版計印  
六十餘部未有刻本也比時玉蒙恩頒賜一部  
雍正十年給假南歸又賜一部令織造送至

澄懷園語卷三

九

桐城收藏於家其書爲編有六爲典三十有二爲  
部六千一百有九爲卷一萬裝釘爲五千本彙爲  
五百一十套外目錄二套計二十本實古今未有  
之奇書宇內讀書人求一見不可得而玉竟得兩  
部以貽子孫亦古今未有之幸事也自明時有永  
樂大典一書乃姚廣孝解縉王景等督率一時博  
洽淹雅之儒殫力編摩書成凡二萬二千九百餘  
卷共一萬一千九十五本藏之秘閣此書體例按  
洪武正韻排比成帙以多爲尚非有剪裁釐正之  
功當時即有譏其冗濫者以古今圖書集成較之

有霄壤之別矣此書原貯皇史宬雍正年間移遷翰林院于掌院事因得寓目焉書乃寫本字畫端楷裝飾工緻紙墨皆發古香明世宗當日酷嗜之梅賾乙覽必有數十帙在案願一日大內火災世宗夜三四傳旨移出始得無恙後命重錄一部以備不虞此見之明人紀載者

胥吏作奸自古有之然除之亦殊不易予初爲吏部侍郎時訪知有巨蠹張姓者舞文弄法人受其毒呼爲張老虎其人却有爲惡之才僚屬皆信用而庇護之子出其不意宣言於衆令所司重責遞

澄懷園語卷三

十一

還原籍比時頗有營救者予不聽及歸寓則知交中致書爲之解免者接踵至矣予答曰既已出示難於中止次日入朝有相契數人向予稱快曰君竟有伏虎力耶又一日在部披閱文書司官持一文來曰此文內元氏縣誤寫先民縣當駁問該撫予笑曰不必問該撫但問汝司書吏便知之司官請問故予曰若先民寫元氏則係外省之錯今元氏寫先民不過書吏一舉筆之勞略添筆畫爲需索錢財計耳汝何不悟耶司官恍然將書吏責而逐之

明神宗時孫公丕揚爲太宰患內廷要人請託難於從違於大選外官立爲掣籤之法一時輿論以爲公而譏之者則以爲銓衡重地一吏人爲之足矣何必太宰余曰進退人才果能至公至當自無暗中摸索之理苟不其然則掣籤亦救時之策未可以爲非故至今相沿不改也

偶讀明人穀山于文定筆塵有曰求治不可太速疾惡不可太嚴革弊不可太盡用人不可太驟聽言不可太輕處已不可太峻予持此論久矣不意前人已先我言之爲之一快

澄懷園語卷三

十二

周禮大司徒以鄉八刑糾萬民造言之刑次於不孝不弟古聖人之立法如此其嚴而青蠅貝錦之詩又何如之痛恨切骨也後世風俗日漓人心益薄造言之人比比皆是誅之不可勝誅漏網者既多而此輩益無忌憚矣然余五十年來留心默識彼語言不實之輩一時可以欺世而究竟飄蕩終身風鑑書所謂到老終無結果也若懷私挾怨捏造蜚語害人名節身家者厥後必有惡報以予所見可以屈指而數未可以爲天道渺茫在可知不可知之間也



伊川先生晚年作易傳成門人請授梓先生曰更俟學有所進嗚呼古人之虛懷若此今之學者偶有著作甫脫稿而即付剞劂亦知古賢人之用心否耶

放翁詩曰志士棲山恐不深人知先已負初心不須更說嚴光輩直自巢由錯到今此詩雖云翻案却是確論至今思之許由之洗耳子陵之共卧未免蛇足三復茲篇想見此老胸中天空海濶氣象高人數百等若巢許子陵有知未必不莞爾而笑以爲實獲我心也

澄懷園語卷三

士

魏叔子曰予少稟慙直多效忠於人而頗自好其文凡書牘必錄於稿吾友彭躬菴曰人有聽言而過已改者予文章傳於世則其過與之俱傳予不忍沒一篇好文字而忍令朋友已改之過千載常新乎予愧服汗下此語與古人焚諫草更自不同叔子集中載此一則余展讀再過歎服躬菴之箴規可謂忠厚之至矣以此施於朋友之間且不可何況君父之前有所敷陳輒宣播於外以博骨鯁之譽是何異幾諫父母而私以語人自詡爲直自詡爲孝此何等肺腸耶

余藏有惲香山山水一幅筆墨澹遠非近今人所及香山自題曰畫貴曲貴深貴著筆於人所不見處而又有於直中見曲者於淺處見深者於人所最見爲人之所不能見者石脾入水即乾出水即濕獨活有風不動無風自搖天下事不可以理求上智乃能知道此數語大有禪意嘗觀古來文人墨士未有不兼通禪學者

澄懷園語卷三

士

孫退谷宗伯益智錄有曰孔明讀書略得大意陶淵明讀書不求甚解皆其善讀書處非經生佔畢所能知孔明自比管樂謙詞耳杜少陵曰伯仲之間見伊呂指揮若定失蕭曹乃千古定論予向來管見如此不意與退谷先生吻合  
武侯戒子書曰君子之行靜以修身儉以養德非澹泊無以明志非甯靜無以致遠夫學須靜也才須學也非學無以廣才非靜無以成學惱慢則不能研精險躁則不能理性子嘗以靜字訓子弟今再益以靜以修身學須靜也二語其中義蘊精微非大有識見人不能領會  
柳誠懸性晚音律不好奏樂人問之荅曰聞樂令人驕怠此一語耐人千日思

東坡精於禪理爲古今文人之所罕見即如赤壁賦有云逝者如斯而未嘗往也盈虛者如彼而卒莫消長也此二句釋迦牟尼佛見之亦應莞爾而笑下文云自其變者而觀之自其不變者而觀之此則文人語氣佛家所不道

賈長沙一生學問經濟具載治安策中而太史公作傳祇載其弔屈原傷鵬鳥二賦古人用意當細思之不可忽過至於賈生之爲人則東坡所謂志大而量小才有餘而識不足數語盡之矣

今人于舊人著作往往好爲指摘以自誇其學問

澄懷園語卷三

古

其意蓋欲求名也不知指摘不當轉貽後人指摘之柄似此者甚多是求名而適以敗名矣又如注解古人之書往往於不能解者強解之究非古人之本意夫子云多聞闕疑奈何不以爲法哉

友人云君相造命此戰國遊說之士欺人語耳富貴窮通升沉得失皆天爲之君相何能爲哉子笑曰天又何能爲哉

偶與僚友閒談僉曰刻薄人不可爲刑官余曰固也聰明人亦不可爲刑官衆徐思之以爲然

孟子曰子豈好辯哉予不得已也吾人必深知孟

子不得已之苦衷方可以讀孟子不然則書中可疑可議者不可勝數矣

坡公與滕達道書曰近得筠州舍弟書教以省事若能省之又省使終日無一語一事則其中自有至樂殆不可名坡公此意予深知之而無如所處之境不能行耳言之惘然

坡公邇英進讀故事八說其一則張九齡不肯用張守珪牛仙客事古今來有執政之責者不可不深思之

明王弇州紀父子得謚者以爲盛事而三世得之

澄懷園語卷三

五

尤爲僅見惟餘姚孫氏第一世副都御史贈禮部尚書謚忠烈第二世南京禮部尚書贈太子少保謚文恪第三世吏部尚書贈太子太保謚恭簡竊有明三百年僅此一家耳

明弘治時庶吉士薛格閣試中秋不見月詩考居第一中一聯云關山有恨空間笛烏鵲無聲倦倚樓一時傳誦之子亦愛其有逸致也

蘇子由曰唐人工於爲詩而陋於聞道孟郊耿介之士雖天地之大無以容其身卒窮以死李翱韓退之皆極稱之甚矣唐人之不聞道也朱考亭曰

李長吉詩巧二公之論若此世之善學詩者不可不知

李義山馬嵬驛詩古今來膾炙人口余亦極愛之但記二十餘歲時讀結句如何四紀爲天子不及盧家有莫愁微有不慊於心以爲未免強弩之末然未敢輕以語人也及老年見胡荅溪詩話以二語爲淺近不覺掩卷而笑命兒輩識之

沈佺期詩海外無寒食春來不見飭劉夢得云爲詩用僻字須有來處春來不見飭嘗疑飭字因讀毛詩鄭箋說吹簫云即今賣飭人家物六經惟此

滄懷園語卷三

夫

注中有飭字後輩業詩即須有據不可學常人率爾而道也

桐江詩話秦少游咏牽牛花詩曰銀漢初移漏欲殘步虛人倚玉欄干仙衣染得天邊碧乞與人間向曉看此少游汝南作教官時於程文通會間席上所賦真佳作也詠物詩有澹永之味不即不離所以爲佳曹松詩曰澤國江山入戰圖生民何計落樵漁憑君莫話封侯事一將功成萬骨枯劉賁父詩曰自古邊功緣底事多因嬖倖欲封侯不如直與黃金印惜取沙場萬鬪懷曹劉二詩相爲表

裏讀之而不動心者非人情也劉詩所云古多有之當以爲儆戒

黃山谷題李伯時畫嚴子陵釣灘詩曰平生久要劉文叔不肯爲渠作三公能令漢家重九鼎桐江波上一絲風任天社云能令漢家重九鼎本汲黯曰夫以大將軍有揖客反不重耶此句蓋用此意也東漢多名節之士賴以久存迹其本原政在子陵釣竿上來耳

滄懷園語卷三

七

邵康節詩曰靜處乾坤大閒中日月長夫閒中日月長人所知也靜處乾坤大則人或未知也子一生好靜於此中頗有領會奈此身牽於職守日在紅塵擾攘中常爲設想曰若能改靜處爲閒處則有進步矣惜乎其不能也

明永樂時清江俞行之有能詩名其題清慎勤句有曰夜門無客敢懷金秋屋有情甘飲水一時傳誦之惜其不多見

韋蘇州滁州西澗詩曰春潮帶雨晚來急野渡無人舟自橫寇萊公春日登樓懷歸詩曰野水無人渡孤舟盡日橫是化七言一句爲五言兩句也當提筆時或有意耶抑無意耶不能起古人而問之

矣

司馬溫公曰受人恩而不忍負者其爲子必孝爲臣必忠又曰言不可不重也夫鐘鼓叩之而後鳴鏗訇鐘鎔人不以爲異若不叩自鳴人孰不謂之妖耶可以言而不言猶之叩而不鳴也亦爲廢鐘鼓矣又無爲贊曰治心以正保躬以靜進退有義得失有命守道在己功成在天夫復何爲莫非自然此數則皆格言中之淺近可行者當書之座右惟是受人恩而不忍負一語其中正自有道當受恩之時必審視其人可受而後受之若不可受而

澄懷園語卷三

六

亦受而時存不忍負之心必至牽纏局躋身敗名裂載胥及溺不可不慎也

溫公曰人情苦厭其所有羨其所不可得未得則羨已得則厭厭而求新則爲惡無不至矣涑水此訓何切中人情至於此耶

乾隆十一年四月楚撫題報江夏縣民湯雲山現享年一百四十歲

聖心嘉悅於定例賞賜外加賞帑金文綺又特賜再閱古稀四字命尚書汪由敦書扁額以旌人瑞誠史冊罕聞之盛事也

明人言方正學之忠至矣獨惜其不死於金川不守之初宮中自焚之際與周是修爲伍斯忠成而不累其族也余曰此論固在情理中然十族之禍乃劫數使然豈正學所能計及人力所能趨避哉有客問予曰士大夫好言學問經濟而往往失之偏其爲患孰甚予曰學問失之偏不過一膠柱鼓瑟之人耳其患在一已若經濟失之偏苟得志則民生吏治皆受其病爲患甚大不可同日語也然經濟之偏亦自學問之失來

澄懷園語卷三

九

明人紀載有曰憲宗皇帝玉音微吃而臨朝宣旨則琅琅然如貫珠後來許文穆國頭岑岑搖遇進講承旨則屹然不動出即復然君相皆有異稟非常理可測也

方正學題嚴子陵詩曰敬賢當遠色治國須齊家如何廢郭后寵此陰麗華糟糠之妻尚如此貧賤之交奚足倚羊裘老子早見機獨向桐江釣煙水此詩思致綿邈音節瀏亮乃弔古篇中之最佳者明時廷杖言官實屬裨政至有斃於闕下者尤爲殘虐其時直言敢諫之士冒死陳詞三木囊頭填尸牢戶亦所不恤何有於杖然其中矯僞立名者

忠愛本不出於至誠或極論細故或紛爭門戶以致激怒受杖而未流遂有以此爲榮者祇以好名一念動於中一二人倡之因相習爲固然此最人心風俗之害夫朝有直臣奮揚風采遇事敢言至於虧體受辱原非盛朝美事若賣直沽名戕父母之遺體成國家之虐政忠孝大節而有所損聖人所稱殺身成仁者固如是乎

澄懷園語卷三

千

澄懷園語卷之四

桐城 張廷玉 硯齋

明萬歷朝張江陵當國時迎其母趙太夫人入京將渡黃河先憂之私謂奴婢曰如此洪流得無艱於涉乎語傳於外其詞察者已報守土官復稟曰過河尚未有期臨時當再報既而寂然漸近都下太夫人問何不渡河其下對曰賜問不數日即過黃河矣蓋預於河之南北以舟相鈎連填土於上挿柳於兩旁舟行其間如陂塘然太夫人不知也其聲勢赫奕類如此又相傳江陵教子甚嚴不特督撫及邊帥不許通書問即京師要津亦不敢往還者其家人子尤楚濱最用事有一都給事李選雲南人江陵所取士也娶楚濱之妾妹爲側室因而修僚壻之禮一日江陵知之呼楚濱撻之數十斥給事不許再見告冢宰出之外爲江西叅政江陵當震主時而顧惜名義乃爾子故並錄之使知瑕瑜不相掩也

澄懷園語卷四

一

蕭琛與梁武帝有舊仕梁爲尚書侍中一日預御筵醉伏几上帝以東投琛琛取栗擲上正中面御史在坐帝動色曰此中有人不得如此不得如此

豈有說耶琛曰陛下投臣以赤心臣報陛下以戰栗此事見之梁書語雖談諧然識之亦可為清談之助

開元遺事載唐明皇在便殿甚思姚崇論時務七月十五日苦雨不止泥濘盈尺上令待制者擡步輦召學士來時姚崇為翰長中外榮之

元主語王恂以守心之道恂曰嘗聞許衡言人心猶印版然版本不差雖摹千萬紙皆不差本既差矣摹之於紙無不差元主曰善

柳公權有數十銀杯貯之筭中為奴海鷗兒所竊

澄懷園語卷四

二

柳問之海鷗云不測其所亡柳笑曰銀杯羽化耳荀子曰下臣事君以貨中臣事君以身上臣事君以人

唐中宗嘗召宰相蘇瓌李嶠子進見二子皆童年上近撫摩之語二子曰爾自憶所讀書可奏者為吾言之瓌子應曰木從繩則正后從諫則聖嶠子曰斯朝涉之脛剖賢人之心上曰蘇瓌有子李嶠無兒此見之松牕雜錄者由今觀之二子之優劣相去霄壤矣

萬歷野獲編曰今天下賭博盛行其始失貨財甚

則鬻田宅又甚則為穿窬浸成大夥劫賊蓋因本

朝法輕愚民易犯宋時淳化二年閏二月太宗下

令開封府凡坊市有賭博者俱處斬隣比匿不聞

者同罪此法至善蓋人情畏死自然止息洪武二

十二年奉旨學唱的割舌下棋打雙陸的斷手曉

圓的卸脚犯者必如法施行今賭博者亦當加以

肉刑如太祖初制解其腕可也賭博之為害不可

悉數故前人恨之切骨非好為此過激之論也

先公於賭具中最惡馬弔謂其有巧思聰明之人

一入其中即迷惑而不知返也曾刻一印章曰馬

澄懷園語卷四

三

吊淫巧衆惡之門紙牌入手非吾子孫時先公

官京師玉居里門命於寫家稟時用此印章於楮

尾觸目警心玉謹受教終身未嘗習此今年七十

有五矣吾知免夫願吾子孫共守之也

前明典史驛丞等俱准與鄉會試宣德八年癸丑

曹鴈以太和典史登狀元正統四年己未五十九

名李郁則係江西豐城縣承差成化十四年戊戌

一百五十三名譚襄則山東東阿縣驛丞正統五

戌一百二十一名鄭溫則直隸松陵驛驛丞皆見

野獲編

東坡與兄子明書曰老兄嫂團坐火爐頭環列兒女墳墓咫尺親眷滿目便是人間第一等好事更何所羨又曰吾兄弟俱老當以時自娛世事萬端皆不足介意所謂自娛亦非世俗之樂但胷中廓然無一物即天壤之間山川草木蟲魚之類皆足供吾家樂事也讀蘇公此數語覺家庭友愛至情溢於筆墨間然非至誠質樸渾然天理不能知此樂亦不能為此言也

吾鄉左忠毅公以忠直遭魏闖之禍被逮入都路過山東嶧縣縣有隱士米季子相傳有前知之學

澄懷園語卷四

四

左公弟潛往訪之米季子望見憮然曰汝兄可憐楊二哥謂大洪也可憐徐屏人語曰汝兄忠孝不宜死非命然得罪權臣死不救矣又問同難數人有一免否曰個個不免後果不爽

明萬厯甲辰科山陰朱大學士唐主會試首題不知命一章入闈時朱與同人約此題必三段平做不失題貌方可掄元若違式即佳卷亦難前列同人皆以為然既揭曉則元卷殊不然有人垂間問之公遴選榜首何以竟違初意朱驚起取卷讀之歎曰我繙閱時竟不覺也由此觀之可知功名有

定數體物而不可遺者鬼神也為主司者欲定文章體式而不能自主况取舍高下之間乎子司衡文之柄闡中情事往往如此益信朱公之事不謬也

我朝自

世祖章皇帝甲申定鼎燕京迄於今一百有三年矣漢人之為大學士者幾四十人其間居官之久暫不一或數年或十數年如先文端公則三年耳其中最久者無如高陽李公在任二十七年其次則廷玉於雍正三年乙巳七月蒙

澄懷園語卷四

五

恩入政府屈指今歲丙寅二十二年矣自知才識短淺不能有所建樹而承乏最久竟居高陽之次今年七十有五衰頹日甚益不能支屢次陳情未蒙

俞允其為慚惶愧悚豈筆墨所能宣述萬一耶張江陵在位時有人贈對聯曰上相太師一德輔三朝功光日月狀元榜眼二難登兩第學冠天下江陵欣然懸之廳事先是徐華亭罷相歸其堂云庭訓尚存老去敢忘佩服國恩未報歸來慚惶又葉福清堂聯曰但將藥裏供衰病未有

埃荅聖朝此皆二公自題覺謙抑之風  
荆州公安縣人劉珠故與張江陵封翁同為  
相友善江陵主會試劉始登第則年已古稀矣  
陵慶五旬劉祝以詩中一聯曰欲知座主山齋  
但看門生雪滿頭江陵為一解頤

明萬歷時京師正陽門樓燬於火內監與工部議  
重建內監屈指云當用銀十三萬營繕司郎中張  
嘉言怒曰此樓在民間當費三千金今天家舉事  
不可同眾不過加倍為六千金耳諸大璫忿極欲  
奮拳毆之時監督科道在列無一字剖析次年大

澄懷園語卷四

六

計張竟以不謹被斥後箭樓成報銷銀三萬兩蓋  
明時工程之浮冒動輒數十倍盡歸貂璫之私囊  
而朝臣無有敢言者今觀近京諸處前明內監平  
日不著名者亦造一墳建一寺窮極壯麗或費數  
萬金或十數萬金過於公侯家自非侵冒國帑剝  
削民膏何以饒於貲財若此哉

明懷宗在位十七年所用大學士至五十人之多  
誠所謂昔者所進今日不知其亡國事尚可問  
魏環溪先生曰有不可知之天道無不可知之  
事吾人能體會此二語為聖為賢不難矣

朱文公與徐廣載書曰放翁詩讀之興然近代惟  
見此人為有詩人風致如此篇初不見其著意用  
力處而語意超然自是不凡近報又已去國不知  
所坐何事恐只是不合做此好詩罰令不得做好  
官也放翁詩為考亭所推重如此予嘗讀考亭詩  
大雅從容溫雅敦厚不事雕飾蘊藉天然字字從  
性情中來是以與放翁有水乳之合世人但知陸  
詩之妙而不知朱詩之妙豈非所謂逸少文章字  
掩將耶

澄懷園語卷四

七

荆州張江陵故宅有人題詩云恩怨盡時方論定  
封疆危日見才難此語論江陵最為切當惜不傳  
其姓氏  
書曰政貴有恒昔人云利不什不變法害不什不  
易制此有恒之說也予幼時讀張君曾裕居之無  
倦制藝有曰古今無甚全之利持之數十年而不  
變即為蒼生之福矣古今亦無甚速之害行之不  
數年而即變即為黎庶之憂矣此數語可為有恒  
注解嘗讀李文靖傳公嘗言某居重位實無補萬  
一獨中外所陳利害一切報罷之惟此少以報國  
耳朝廷防制纖悉備具或徇所請施行一事即斯



傷多矣文靖此言乃名臣不磨之論予蒙 恩錄  
員政府二十三年矣不敢輕議更張一事蓋國家  
立一政凡幾經區畫而後定為章程若再行之一  
二十年則人情已便但覺其相安不見其煩苦矣  
此不愆不忘率由舊章所以垂訓於千古也彼才  
高意廣者往往矜奇立異以為建白萬一見諸施  
行其中種種闕礙不可枚舉或數年而報罷或十  
數年而報罷其未罷之先閭閻之受其累不少矣  
可不慎哉

明孝宗時劉忠宣公 大夏 為兵部尚書戴莊簡公

澄懷園語卷四

八

璚為左都御史一日奏對畢上令中使出白金二  
笏以賜且面諭曰卿等將去買茶果用朕聞朝觀  
日文官避嫌有閉戶不與人接者如卿等雖開門  
延客誰復有以賄賂通也朕知卿等故有是賜且  
命不必朝謝恐公卿知之未免各懷愧恥也玉蒙  
世宗皇帝擢用正卿旋登政府十數年間六賜帑  
金每 賜輒以萬計歷稽史冊大臣拜賜未有如  
此之優渥者玉惶恐懇辭

上諭云汝父清白傳家中外所知汝遵守家訓屏  
絕饋遺今侍朕左右夙夜在公何暇計及家事朕

不忍令汝以珠桂縈心也此一辭大非君臣一體  
之誼矣玉遂不敢再瀆

淵明責子詩曰白髮被兩鬢肌膚不復實雖有五  
男兒總不好紙筆阿舒已二八懶惰固無匹阿宣  
行志學而不愛文術雍端年十三不識六與七通  
子垂九齡但覓梨與栗天運苟如此且盡杯中物  
杜子美遣興詩曰陶潛避俗翁未必能達道觀其  
著詩篇頗亦恨枯槁達士豈自足默識蓋不早有  
子賢與愚何其挂懷抱子美之貶淵明蓋正論也  
獨山谷云觀淵明此詩想見其人慈祥戲謔可觀

澄懷園語卷四

九

也俗人便謂淵明諸子皆不肖而淵明以愁數見  
於詩耳余謂山谷此言得手情理之正淵明襟懷  
曠達高出塵垢之表大抵諸郎皆中人之資期望  
甚切稍不滿意遂作貶詞耳况雍端年甫十三通  
子方九齡過庭之訓尚淺未可遽以不肖目之也  
東坡云世傳桃源事多過其實淵明所記止言先  
世避秦亂來此則漁人所見非秦人不死者也坡  
公此論甚確余觀古今來前人偶為新奇之說後  
人往往樂為附會如身親見之者正復不少東坡  
著眼全在先世二字子細味記曰先世避秦時亂

率妻子邑人來此絕境不復出焉所謂邑人者黃石隱者流或十數家或數十家同心肥遯長子孫於其中日漸蕃衍遂為世業若謂同避亂之人皆不死一時安得許多神仙耶

王荆公鍾山官牀與客夜坐詩曰殘生傷性老耽書年少東來復起予各据槁梧同不寐偶然聞雨落階除蘇東坡宿餘杭山寺詩曰暮鼓朝鐘自擊撞閉門欹枕對殘缸白灰旋撥通紅火卧對蕭蕭雪打牕冷齋夜話云山谷嘗言天下清景初不擇貴賤賢愚而與之吾特疑端為我輩設觀荆公鍾

澄懷園語卷四

十

山夜坐詩與東坡宿餘杭山寺詩則山谷之言為確論也余謂天下清景無在不有但能領會則似專為我輩設矣此從道義中來不可強也

明朱忠莊公之馮字樂三大興人平日以理學自礪官至宣府巡撫李自成陷大同以身殉國其所著在疚記一卷語多精義新城王公採數條載池北偶談中余見而服膺因手錄於左 鳶飛戾天魚躍於淵即是仕止久速 古之人修身見于世非誠不能誠則貫徹通天人一世不盡見百世必有見者 聖人之死還之太虛賢人即不能無

澄懷園語卷四

十一

物而況眾人乎 實變氣質方是修身 士憎茲多口則何以故曰持介行者不周世緣務獨立者不協眾志小人相仇同類相忌一人扇謗百人吠聲子嘗身試其苦者數矣故君子觀人則眾惡必察自修惟正己而不求於人 待小人尤宜寬乃君子之有容不然反欲小人容我哉 中者不落一物庸者不遺一物 隨事無私皆可盡性至命而忠孝其大者 平日操持非實試之常境決難自信 隱惡揚善聖人也好善惡惡賢人也分別善惡無當者庸人也顛倒善惡以快其說謗者小人也 赴大機者連斷成大功者善藏 同是中庸而有君子小人之別微矣哉 予少時夜卧難於成寐既寐之後一聞聲息即醒先兄官詹公授以引睡之法背讀上論語數頁或十數頁使心有所寄予試之果然後推廣其意誦淵明詩采菊東籬下悠然見南山或錢考功詩曲終人不見江上數峰青或陸放翁詩小樓一夜聽春雨深巷明朝賣杏花皆古人瀟灑閒適之句神遊其境往往睡去蓋心不可有著又不可一無所著也理固如此

明華亭縣有民某其母再醮生一子及母死二年  
爭葬質之官知縣某判其狀曰生前再醮終無應  
子之心死後歸墳難見先夫之面令後子收葬此  
邑令判事固當而判語亦復修飾可誦

蘇門孫徵君奇逢孝友堂家規曰邇來士大夫絕  
不講家規身範故子孫鮮克由禮不旋踵而辱身  
喪家者多矣祖父不能對子孫子孫不能對祖父  
皆其身多慚德者也家中之老老幼幼夫夫婦婦  
各無慙德此便是義皇世界孝友為政政孰有大  
焉者乎徵君遭患難時語門人曰憂患恐懼最怕

澄懷園語卷四

士

有所一有所則我心無主古來忠臣孝子義士梯  
弟只是能自作主張學者正在此處着力此二則  
皆治家持身格言

各省督學之官最難稱職而在人文繇盛之省則  
難之又難蓋胥吏弊竇孔多人情愛憎不一而又  
歷三年之久偶或檢點不到則謗議隨之而衆口  
傳播矣予三弟廷璐為翰林時奉

命督學河南以生員阻撓公事約束不嚴罷斥後  
蒙

世宗皇帝鑒其誠樸宥過特用且昇以江蘇最繇

劇之任三年報滿有公明之譽蒙

恩嘉獎再留三年又在任稱職屢遷至少宗伯

今上即位又留三年前後三任共九年矣乃向來

所無之事閱二年江蘇又缺員

上仍欲命廷璐往玉再四懇辭遂

命六弟廷瑒往是兄弟二人四任此官誠異數也

王荊公詩云細數落花因坐久緩尋芳草得歸遲

歐陽公詩云靜愛竹時來野寺獨尋春偶過溪橋

昔人曰二公皆狀閒適之趣荊公之句為工信然

明刁蒙吉包邠州人隱居講學有格言曰為蓋世

澄懷園語卷四

士

豪傑易為懽心聖賢難又曰易言趨吉避凶蓋言  
趨正避邪也若認作趨福避禍便誤此二語當終

身誦之

明夏忠靖原吉與蹇忠定義同飲於所契家歸值

雪過禁門有不欲下馬者曰雪寒甚公曰君子不

以真寘情行公之盛德雖緣事納忠而其本則在

此敬慎耳說郭所載如此猶記吾弟廷瑒昔年往

祭

陵寢先期數日途次風雪大作同人欲沽酒以禦

寒弟以未曾行禮力持不可同人頗以為迂然

生平之不欺暗室大率類此可爲子孫法也

黃山谷曰詩不可鑿空強作待境而生便自工耳此至言也

陳搏曰優游之所勿以戀得志之地勿再往此二語愈思愈有味

邵子曰復次剥明治生於亂乎姤次夬明亂生於治乎時哉時哉未有剥而不復未有夬而不姤者防乎其防邦家其長子孫其昌是以聖人貴未然之防

富弼字彥國少有罵者如不聞人曰罵汝彥國曰

澄懷園語卷四

六

恐罵他人又曰呼姓名而罵豈罵他人彥國曰天

下豈無同姓名者乎告者大慚

陸象山曰名利如錦覆陷阱使人貪而入其中安有出頭日子

魏栢鄉相國希賢錄曰羅洪先作鼎元時外舅韓太僕趨告曰喜吾壻幹此大事羅面發赤徐對曰丈夫事業更有許大在此等三年一人奚足爲大事也

薛文清曰多言最使人心志流蕩而氣亦損少言不惟養得德深又養得氣完

陳眉公曰臨卦慎言語節飲食然口之所入其禍小口之所出其罪多故鬼谷子云口可以飲不可以言又曰聖人之言簡賢人之言明衆人之言多小人之言妄

伊川先生曰只觀發言之平易躁妄便見德之厚薄所養之深淺見人論前輩之短曰汝輩且取他長處

薛文清公曰在古人之後議古人之失則易處古人之位爲古人之事則難此處不可不深省

四本堂座右編曰太乙六壬奇門此三部書原本

澄懷園語卷四

五

於易但我輩知之不可習習之損安靜心兒輩見之尤不可習習之生務末心

祝石林曰身其金乎世其治乎或得或喪或順或逆或稱或譏或憾或懌無非煅鍊我者能受煅鍊者益不能受煅鍊者損

陸士衡豪士賦云身危由於勢過而不知去勢以求安禍積由於寵盛而不知辭寵以招福此富貴人之通病也

東坡云吾借王叅軍地種菜不及半畝而吾與子過終年飽菜夜半解酒輒擲菜煮之味含土膏氣

飽霜露雖梁肉不能過也人生須底物而乃更貪耶乃題其廬曰安蔬坡公此言淺近可味讀之令人增長道心

李之彥曰嘗玩錢字旁上著一戈字下著一戈字真殺人之物也然則兩戈爭貝豈非賤乎

魏栢鄉相國希賢錄曰嗜退菴語存云教人與用人正相反用人當用其所長教人當教其所短

唐介語諸子曰吾儔位政府知無不言桃李固未嘗為女等栽培而荆棘則甚多矣然汝等窮達莫不有命惟自勉而已唐公此語乃深於閱歷看透

澄懷園語卷四

太

人情而發非一時憤懣之言也可與陸氏荒莊語對照

呂叔簡先生曰余行年五十悟得五不爭之味人問之曰不與居積人爭富不與進取人爭貴不與矜節人爭名不與簡傲人爭禮節不與盛氣人爭是非

陳眉公曰醉人胆大與酒融洽故也人能與義命融洽浩然之氣自然充塞何懼之有

明正統時徐太醫彪曰藥性猶人也為善千日不足為惡一

調白性難

劉元明甚有吏能歷建康山陰令政為天下第一傳颺代為山陰問元明曰願以舊政告新令尹答曰我有奇術卿家譜所不載作令唯日食一升飯而不飲酒此第一策此語見之魏栢鄉相國希賢錄中其義蘊亦在可解不可解之間雖居官之善不止此一事然此事未嘗非居官之要領服官久而閱歷深者自知之

薛文清曰靜能制動沉能制浮緩能制急寬能制褊察其偏而矯之則氣質變

澄懷園語卷四

七

昔人云富貴原如傳舍惟謙退謹慎之人得以久居身在富貴中者當時誦此語

嗜退菴語存云晉書曰陶淵明讀書不求甚解蓋以兩漢來訓詁盛行拘牽繁碎人溺於所聞故超然真見獨契古初而晚廢訓詁其汎覽流觀者不過周王傳山海圖而已游好在六經豈真不求甚解者哉淵明之不求甚解予心疑之覽嗜退菴此語為之一快

楊相國一清曰當今為政之務在省事不在多事在守法不在變法在安靜不在紛擾在寬簡不在

煩苛

陸放翁作司馬溫公布被銘曰公孫丞相布被人曰詐司馬丞相亦布被人曰儉布被能也使人曰儉不曰詐不能也此語殊耐人思

朱子曰宰相以得士為功下士為難而士之所守乃以不自失為貴

雖豫章曰君明君之福臣忠臣之福君明臣忠則朝廷治安得不謂之福乎父慈父之福子孝子之福父慈子孝則家道隆盛得不謂之福乎俗人以富貴為福陋矣哉

澄懷園語卷四

太

安陽許勵齋曰吾道甚大孔孟單辭片語皆足括二氏之精微而去其偏

明道先生曰天地生物各無不足之理常思天下君臣父子兄弟夫婦有多少不盡分處吁人生天壤間三復斯言寧不發深省哉

陳眉公曰未用兵時全要虛心用人既用兵時全要實心活人又曰醫以生人而庸工以之殺人兵以殺人而聖賢以之生人

或問陽明先生用兵有術否曰用兵何術但能養心不動乃術耳凡勝負之決不待臨陣而卜

無此心動與不動之間

薛文清公曰富官不接異色人最好不止巫祝尼媼宜疎絕至於匠藝之人雖不可缺當用之以時不宜久留於家與之親狎皆能變易聽聞簸弄是非儒士固當禮接亦有本非儒者或假文辭字畫以謀進一與之款洽即墮其術中如房琯為相因一琴工董庭蘭出入門下依倚為非遂為相業之玷若此之類能審察疎絕亦清心省事之一助薛公此語切中富貴人之病然此等事習而不察者甚多及覺悟而後悔亦已晚矣

澄懷園語卷四

尤

象山先生曰學者不長進只是好已勝出一言做一事便道全是豈有此理古人惟貴知過則改見善則遷今各執己是被入點破便愕然所以不如古人先生此言乃天下學者之通病若能不蹈此病則其天資識量過人遠矣倘見此而能省察悔悟將來亦必有所成就  
古人云教子之道有五 其性廣其志養其材鼓其氣攻其病廢一不可

澄懷園語四卷皆聖賢精實切至之語修齊治平之道即于是乎在焉

太保太夫子本其躬行心得偶然流溢可以覺世  
編民非僅家庭義方之訓已也樹德伏誦之餘有  
深入心坎欲言而不能者有切中學者隱微深痼  
之疾身亦有之而不覺者有為公之實事向所未  
知今聞之而足以感發興起者閒談風雅亦堪為  
博物之資非公之學公之識公之量俱臻其極不  
能有此語也蓋他人之語語焉已耳公之語公之  
為人也天下後世得讀公此書者豈曰小補之哉

澄懷園語卷四

三

幸居閣下平日既得親炙公之格言至行有  
在此書之外者茲又得反復此書復廣益于曩所  
見聞之外抑何幸也第自愧學識量三者與公賈  
不相及未能效法萬一然龍門不云乎高山仰止  
景行行止雖不能至然心嚮往之今于公亦云乾  
嘉丙寅小春月歸安門下晚學生沈樹德拜跋

澄懷主人自訂年譜序

廷玉自少服習先公庭訓於立身行己之道  
兢兢繩檢罔敢踰越及壯歲成進士備員侍從  
游陟卿貳中年濫邀

恩遇遂參大政與朝列者幾五十年而冰淵自涼  
有如一日今年屆耄臺祇以

天眷慰留

諭旨諄至未遂懸車之請而筋力衰頹神智恍惚  
不但建樹有所不能即小有著述亦以心血虧  
耗不能辭思而止既而思之古之篤於自修者

澄懷主人自訂年譜

日有課月有程於己之一言一動輒記錄以備  
省覽而應事接物出處進退之大端尤斤斤致  
詳焉若玉遭際

昌時蒙

上天之錫佑至厚祖宗之積累至深受祿

三朝叨沐

寵榮為古今人臣罕有之遇使毫無紀載任其湮  
沒而無傳則將來子孫無所考據必至以訛傳  
訛愈久而愈失其實豈非我生之憾事歟曩者  
於五十歲以前之事曾略記梗槩存巾笥中癸

卯歲室廬不戒於火遂爲灰燼退食之餘迫錄  
 記憶存者不過十之五六五十歲以後則於每  
 歲冬月總一年之事而籍記之雖較前追錄者  
 稍詳而年既垂暮機務日繁案牘瑣冗公私不  
 能兼顧卽近事亦多遺忘不無挂漏然傳諸他  
 日猶愈於一無所徵信也於是手自編次訂爲  
 年譜若干卷以七十七歲爲斷自後若天假以  
 年當歲歲編之以終予志嗟乎予老矣固無時  
 不惕惕於持盈履滿之防而有歉於進忠補過  
 之義於是編成滋愧悚焉吾子若孫其善體此

澄懷主人自訂年譜序

意以識予生平出處大略足矣筆載未詳者存  
 而不論可也乾隆十三年十二月張廷玉書

澄懷主人自訂年譜卷一

六世孫紹文重校

康熙十一年壬子

是年九月初九日辰時生於京師

十二年癸丑 二歲

十三年甲寅 三歲

十四年乙卯 四歲

十五年丙辰 五歲

十六年丁巳 六歲

十七年戊午 七歲

澄懷主人自訂年譜卷一

是歲始就外傳受業於同里倪伯醇先生

十八年己未 八歲

是歲受業於宜興唐起裁先生

十九年庚申 九歲

是歲唐先生歸倪先生復至

二十年辛酉 十歲

是歲讀尚書毛詩竟且粗通大意 先文端

公喜賜詩二章題曰玉兒十齡能誦尚書毛

詩詩曰駒齒初齠髮覆眉可憐聰慧異羣兒

已通典誥兼風雅遠勝而翁十歲時退直疎



慵畏簡編每呼稗子向燈前老夫茶熟香溫  
候愛聽幽風無逸篇

二十一年壬戌 十一歲

是歲 先文端公請 假歸里廷玉隨歸於  
三月出 都七月抵桐城誦經書之暇始學  
爲詩

二十二年癸亥 十二歲

是歲受業於表兄劉伯願先生秋月隨 先  
文端公遊龍眠別業屢賦詩 先公喜有詩  
曰喜看玉兒剛十二也能捉筆詠寒蓉又曰

漢美身書卷

二

璐兒先賦詩誇我池中蓮玉兒才思多逡巡  
出兩篇憶兒學語時一字亦可憐況今成七  
字琅琅若珠蟻

二十三年甲子 十三歲

二十四年乙丑 十四歲

是歲七月 先文端公奉

召赴闕 先太夫人留里門廷玉隨侍家居

二十五年丙寅 十五歲

是歲三月隨侍 先太夫人入 都

二十六年丁卯 十六歲

是歲正月與劉先生大姪若霖同歸里應童

子試四月督學李醒齋先生臨皖首題足躔

如也捐所與立諸生頗棘手廷玉文深蒙嘉

賞拔置縣學第六名以試卷傳示太守廣文

及應試生童輩秋闈擬應鄉試 兩大人諭

止之十一月與劉先生大姪若霖同入 都

二十七年戊辰 十七歲

是歲七月南歸時姊夫姚鶴山先生及長姊  
居於存誠堂舊第子歸因相依以居十月親  
迎於姚氏爲大司寇諡端恪公第六女

漢美身書卷

三

二十八年己巳 十八歲

是歲歲試一等

二十九年庚午 十九歲

是歲科試二等八月應鄉試於江甯被放薦

素堂新第成移居其中

三十年辛未 二十歲

是歲遵 恩例捐納歲貢生

三十一年壬申 二十一歲

三十二年癸酉 二十二歲

是歲八月應鄉試於江甯被放

三十三年甲戌 二十三歲

是歲九月入 都觀省

三十四年乙亥 二十四歲

是歲二月從 京師旋里

三十五年丙子 二十五歲

是歲四月以歲貢生錄科督學遂甯張公設

置第三名八月應鄉試於江甯出闈後患病

幾殆賴宗兄文璽醫治得無恙九月榜發中

式第二十五名主考湖廣張公 明先河南

呂公 振同考河南楊公 奕紳試卷解禮

卷八

四

部廷王文傳誦 輩下安溪李文貞公評為

通場第一十二月病漸愈起程入 都除夕

抵山東之任平

三十六年丁丑 二十六歲

是歲正月抵 京師二月會試屆期 先文

端公奉

命為總裁官廷玉迴避不與試八月旋里六弟廷

璩二姪若藩隨歸是冬先兄宮詹公奉

命祭告南嶽事竣入 都取道里門相聚一月

三十七年戊寅 二十七歲

是歲二月四弟廷璩入 都省觀秋冬間先

室姚夫人得弱疾醫療半載病勢轉劇

三十八年己卯 二十八歲

是歲正月姚夫人遣人赴金陵代聘側室吳

氏燈節後 京師家信至得四弟凶問悲慟

弗勝三月初五日姚夫人卒夫人賢孝端莊

奉 兩大人命總理家政十二年年事合禮

法余倚之如左右手一旦失賢內助顛倒傍

徨不止安仁之恨也信至 京師 兩大人

傷感備至 先公親製哀辭以表婦德八月

卷八

五

宮詹公主試山左廷玉於九月從里門起行

至濟南同入 都十一月 先公拜文華殿

大學士之

命

三十九年庚辰 二十九歲

是歲二月應試南宮榜發中式第四十五名

總裁孝感熊公 賜履沁州吳公 典興化

李公 相華亭王公 九齡同考官仁和翁

公 嵩年三月

殿試三甲第一百五十二名四月引見新科進

士於

保和殿蒙

聖祖仁皇帝選授翰林院庶吉士旋奉

旨派習清書冬月眷屬入京

四十年辛巳 三十歲

是歲十月 先文端公蒙

恩予告令俟春煖啟行 先公奏請交還內城

賜第蒙

恩諭曰此屋卽賜卿兩子居之朕見卿子如見卿也

澄懷美言詩集卷一

六

四十一年壬午 三十一歲

是歲二月 先文端公南歸廷玉奉

旨隨行侍奉三月抵里四月仍回京師賁先

公奏摺詣

宮門謝

恩蒙

溫旨慰問自後依宮詹兄居篤素堂研究清書幾忘寢食館師每試輒取第一蓋庭訓嚴切且得清書奧妙同習之人實無出余右者十月宮詹公捐館舍兄弟相依爲命一旦遭此慘

變五內摧裂時兩姪俱在南未至余忍慟經

紀喪事幸無缺憾然心力殫竭矣

四十二年癸未 三十二歲

是歲正月

聖祖仁皇帝南巡閱視河工 先公迎

駕於淮安三月隨入京師恭祝

萬壽四月

陛辭南歸時庶吉士散館屆期廷玉蒙

御試清書一等第一授翰林院檢討

大語嘉獎並有伊父爲翰林掌院多年善於教習

澄懷美言詩集卷一

七

之

恩旨恭遇

萬壽覃恩敕授徵仕郎妻姚氏贈孺人是年奉

旨充

親征平定朔北方略纂修官三月初二日長女生

四十三年甲申 三十三歲

是年四月蒙

恩召至

暢春園

詢問臣父家居近況廷玉一一奏對

命賦詩廷玉賦七言律二首進呈蒙

恩嘉獎

命交與大學士陳廷敬載入皇清文穎中本日奉  
旨侍直南書房自後辰入戌出以爲常

御候頒賜無虛日又奉

特旨帶數珠此四品官服色也五月奉

命充

御選詠物詩佩文韻府二書纂修官十二月奉

命充日講起居注官

賜御書大福字又

澤懷美自署謄

入

賜對聯日晚漏迤趨青瑣閣晴窗檢點白雲篇

四十四年乙酉 三十四歲

是歲二月扈從

南巡閱視河工奉

命在御舟前行 先公迎

駕於清江浦得覩慈顏比時紀

恩詩有今朝大慰晨昏願

御舸前頭拜老親之句侍直揚州

行宮蒙

恩面諭曰汝父遠來迎駕不久便歸汝當隨侍左

右以盡家人之歡不必頻入內直也

駕幸天甯寺命賦詩於

御榻前稱

旨

駐蹕蘇州

賜白金

駐蹕江甯

賜內府宮紗他如

御饌茶果方物之

賜日再至馬四月

澤懷美自署謄

九

回鑾 先公恭送於揚州三汊河之東岸

上在御舟遙見

溫語慰勞復

呼廷玉曰可善送汝父登輿五月

聖駕出口避暑復叨扈從蒙

賜御書傳經堂扁額又

賜御書扇二柄數奉

召賜宴行宮徧觀苑中諸勝境七月扈從行圍塞

外山雅安嶺烏蘭哈爾哈至上都必拉岡視

羣牧古人言谷量牛馬不足喻其盛蒙

賜上駟院良馬一匹九月回 京是年納側室李

氏

四十五年丙戌 三十五歲

是歲元旦蒙

賜御筵設果四十器上酒一罇遣膳宰頒至私寓

自後元旦歲以爲常二月會試奉

命爲同考官闔中閱書經卷得士十六人如浙江

失廷案俞光晟江南顧開陸山東高攀嵩韓

允恭皆一時知名之士五月扈從出口避暑

七月扈從行圍九月回 京是年六月初六

澤懷天自聖鑒

十

日二女生

四十六年丁亥 三十六歲

是歲正月

聖駕南巡閱視河工

命廷玉扈從因奏請先歸覲省於正月初七日起

程二十一日抵家拜見 兩大人二月隨

先公迎

駕於清江浦

召登御舟

詢問先公及先妣年齒若干有子幾人桐城距此

路幾何

霽顏溫語恩誼篤厚

駕幸蘇州杭州松江甯甯皆扈從

錫資駢蕃四月二十九日 先公送

駕於揚州瓦窰廠廷玉隨侍於舟中拜別五月抵

京六月扈從出口避暑七月

巡行諸蒙古部落遠歷邊塞廷玉皆珥筆以從

賜赤色馬駒一匹十月回 京是年十月初一日

三女生

四十七年戊子 三十七歲

澤懷天自聖鑒

十

是歲正月側室李氏卒李蘇州常熟人第二

女生母也五月扈從出口避暑六月初十日

病遭 先太夫人大變七月計音至口外時

廷玉正抱危疾蒙

恩日遣御醫診視南信至同人勵大司寇輩密奏

以

聞蒙

恩諭曰張廷玉正患病不宜遽以凶問告俟稍愈

告之可諭伊家人此朕旨非爾等擅專也越

十日病稍間家人始告五內迸裂實不欲生

蒙

恩特遣內侍李玉至私寓傳諭曰汝病小愈又遠隔南方可體貼親心勿過悲慟汝到家傳朕旨問汝父起居年踰七旬之人可善自調養不可過於傷感聞汝有第三人可以在家侍奉汝於一年後仍來京師在內廷編纂行走照勵廷儀例不算俸不與朝會朕便於詢問汝父近況也汝尚未生子聞已有孕眷屬可留住京邸以待免身

聖慈憫恤周至不啻家人父子七月杪徒跣回

漢天自訂謄

主

都親故之賜弔者踵至弱疾纏綿疰瘟特甚八月受弔畢九月初三日力疾南奔先公於七八月間常有小恙時作時止每有信至京皆不令廷玉知但言眠食如舊至九月中旬忽添脾泄之症數日元氣大耗至十七日未刻遂捐館舍時廷玉方在途次於二十四日抵里竟抱終天之恨淚盡血枯殞身莫贖勉偷祝息經理喪事遣家人至京賁送先公遺本並廷玉謝

恩奏摺奏到之日

聖心震悼

恩卹有加並

詢問廷玉病狀

諭令加意調攝十月京師家信至知生子因命名若需是秋縣東鄉陳家洲被水貧民困苦赴縣覓食者甚眾與三弟六弟大姪輩及鄉人好義者議賑恤之計是秋二姪若需舉於鄉

四十八年己丑 三十八歲

是歲二月設粥廠於西郊太霞宮募邑人捐

漢天自訂謄

三

米以賑陳家洲貧民之來就食者延常熟堪輿傅晉公至桐爲兩大人卜宅兆時時往來山澤間未敢遽定因具奏懇請終制庶得從容畢葬事蒙

聖慈鑒允

四十九年庚寅 三十九歲

是歲秋舉行

諭祭典禮二次藩司馬公逸姿來桐肅將祀事隨具奏恭謝

天恩先公在日以龍眠山水深秀而雙溪更占

龍眠之勝欲就小園後峰爲窳窳計見於詩  
文者屢矣廷玉等以宅兆事大未敢遽定因  
徧歷山澤間相度得數處虔誠卜筮並請命  
於先靈皆以雙溪爲吉敬於十二月初一  
日舉合葬大事是月服闋治裝將入都納  
側室蔡氏蔡吾里人八月京師家信至若  
霽以痘殤

五十年辛卯 四十歲

是歲正月奉先公主崇祀鄉賢祠十八日  
起程二月抵都詣

涇陽夫人墓

古

宮門請

恩奉

行仍直南書房五月扈從出口避暑屢蒙

賜宴行宮並

賜御書九月回京十月奉

旨充日講起居注官

五十一年壬辰 四十一歲

是歲二月會試奉

特旨爲同考官闈中閱春秋卷得士十六人如浙

江徐雲瑞徐杞江南潘允敏馮昌陶貞一鮑  
開福建何騰三山西田嘉穀皆知名士四月  
蒙

恩陞授司經局洗馬掌局事兼翰林院修撰五月  
扈從出口避暑

錫賚駢蕃屢奉宴賞之

召九月回京是年六月十九日第四女生

五十二年癸巳 四十二歲

是歲三月恭遇

萬壽覃恩

涇陽夫人墓

圭

詔授奉直大夫賜蟒緞文綺妻姚氏贈宜人江南

恩科榜發三弟廷璠六弟廷璩同中式五月  
扈從出口避暑

御製避暑山莊詩刻成

命左都御史揆敘及廷玉等跋於卷尾各拜

賜一冊又

賜御書澄懷二大字七月扈從行圍遠歷蒙古部

落閱視羣牧蒙

賜驄馬一匹

面諭曰此馬德性馴良勿憂奔逸也九月杪回

京是月子若霽生與余同月同日亦罕見之事

五十三年甲午 四十三歲

是歲二月

駕幸畿輔閱視河堤廷王奉

命扈從每日抱書珥筆登侍奉舟與

御舟相去咫尺中使傳

旨且數至膳饈茶果之

賜無日無之五月扈從出口避暑九月回京

五十四年乙未

四十四歲

漢書大傳

七

是歲二月會試奉

特旨爲同考官 本朝向來無三次分校會闈者

自廷王始闈中閱易經卷得士十五人如福

建蔡衍誥浙江吳應棻沈繼賢滿洲博山山

東丁續曾皆知名士榜下有張洗馬潔已奉

公之謠三弟廷璐以余分校迴避不與試因

代奏願在修書處編纂効力奉

旨俞允四月吏部將遷轉翰林官數員引

見請

旨

上諭大學士掌院學士曰此皆論俸陞轉者如張

廷玉學問素優在內廷供奉年久其勤勞數

倍於外廷翰林宜加遷擢以示獎勵爾等查

議具奏隨據大學士等查奏現有左庶子乃

廷玉論俸應陞之缺應於陞授庶子後再以

應陞之缺用奉

旨俞允五月陞右春坊右庶子兼翰林院侍讀六

月陞翰林院侍講學士相距月餘兩拜遷除

恩命洵異數也夏秋扈從口外避暑

恩資優渥九月回京十一月子若甄生

漢書大傳

七

五十五年丙子 四十五歲

是歲五月扈從出口避暑七月側室蔡氏卒

於京師生子若甄亦一歲而殤九月從口外

回京十二月蒙

恩擢授內閣學士兼禮部侍郎時廷玉任侍講學

士俸一年有餘俸次最後乃蒙

恩旨越眾入而擢用之仰見

聖主嚮用之意逾于恆等間

命感激益深愧悚不知所報時

駕行圍塞外因赴



行在謝恩蒙

賜御饌

五十六年丁酉 四十六歲

是歲正月得七弟廷璿凶問邸寓爲位而哭

五月扈從出口避暑

賜御書宮扇一柄七月奉

召遊避暑山莊

命李大學士光地乘輿廷玉與蔣學士廷錫乘馬

凡山莊內高峻曠遠之勝境無不周覽九月

回京冬月奉

遼懷太子自註詩卷一

六

命充經筵講官

五十七年戊戌 四十七歲

是歲四月

殿試三弟廷璿蒙

恩拔置甲第二廷玉謝

恩蒙

諭曰汝兄弟皆能如此不愧家風矣五月

聖駕出口避暑廷玉例應扈從因學士有批發紅

本之貢奉

旨留京在內閣辦事十月奉

命充武

殿試讀卷官十一月扈從謁

孝陵是年十一月二十六日子若雲生

五十八年己亥 四十八歲

是歲因

皇太后祔廟禮成廷玉奉

命祭告少昊金天氏帝堯陶唐氏陵及孔

子闕里於二月出都三月復

命五月

聖駕出口避暑廷玉奉

遼懷太子自註詩卷一

九

旨留京批本六月納側室施氏順天人

五十九年庚子 四十九歲

是歲五月

聖駕出口避暑廷玉奉

旨留京批本本月奉

特旨陞授刑部左侍郎仍兼內閣批本蒞任後仰

體

聖主慈祥欽恤之至意殫心竭力務求平允不敢

一事疎忽同官皆深鑑愚忱每有重案必披

情愫以相商惟十月

回鑾廷玉迎

駕於古北口外

上遙見笑諭曰爾來太遠矣是日隨至行宮蒙撤御饌以賜十一月長婿姚孔鋹入贅

六十年辛丑 五十歲

是歲二月有山左察審之

命先是庚子冬山東販鹽奸民聚眾劫奪村莊渠魁六七人各率醜類數百晝夜橫行每日劫鹽店富戶或數家或十數家行人之往來南北者皆畏縮不前道途幾至阻隔又有青州

濰縣志

手

生員鞠士林者倡率邪教招集亡命煽惑平民黨羽亦甚眾巡撫總兵官竭力捕緝就擒者一百五十餘人奏到之日

聖祖仁皇帝命廷玉同都統陶賴內閣學士登德前往濟南會同撫鎮嚴審治罪並

諭曰伊等俱有偽王偽將軍名號匪黨實繁有徒若不卽行正法仍照例由刑部法司覆奏請旨則稽遲時日久恐別生事端爾等到彼可審訊明確其應正法者卽於三月以前在濟南省城正法示眾再行奏聞應發遣者帶至

京師發遣廷玉等奉

命於二月初三日出都私心惴惴幾廢寢食以不稱任使爲懼且同事二公皆爲初交未曾共事恐有意見參差猜疑掣肘之患一路同行以誠信結之漸知廷玉之心迹矣抵東後窮日夜之力檢閱卷案因於大廷廣眾謂同事諸公曰此盜案非叛案也諸公曰何以言之廷玉曰日來詳看若輩口供內有仁義王無敵將軍之稱又有義勇王飛腿將軍之稱觀飛腿二字不過市井混名誇其善走耳凡所謂偽號者皆道路訛傳不足深究矣諸公皆曰然已而一一研究作盜案歸結卽時正法者七人發遣者三十五人割斷腳筋者十八人因殘廢免罪者七十二人審係無干卽行釋放者二十五人彼時據盜首自供某名下有四百人某名下五百人以此合計之已不下二千餘人矣因思罪在首惡若將脅從附和之輩拘提質審則株連者甚眾通省無甯宇非所以仰體

皇仁也於是就臬司現在解送之一百五十餘人

審訊歸結外此未曾查捕一人卽到案眾犯中有自供某係某姓佃戶者有自供某係某姓家人者有自供在某鄉紳富戶家傭工或賃居房屋者亦概不究問至於疎縱之罪通省文武官弁自撫鎮至典史千把總無一人得免者因錄其捕賊之功予以免議亦體

聖主寬大之盛心也方其將定案時本地文武官弁進而言曰公等如此治獄寬則寬矣第若輩黨羽甚眾多未到案者尚有數千人若不加以嚴懲使醜類畏懼公等還朝後仍復蠢

澤懷天恩

三

動恐有經理不善之咎奈何廷玉笑曰我等但知宣布

皇上如天好生罪疑惟輕之至德不能爲爾等有司思患預防草菅民命也若以用法較寬而得咎恐無此天理諸公不必爲余過慮余當手書告示諄切勸諭感發其天良公等再勤加告誡不時稽查防範未必人人皆怙惡不悛者旣而玉回

京後訪察山左情形知盜夥暗中解散無荏苒之警於此見

聖主德教感人之深大凡烏合之眾必有一二巨奸爲之倡率果能殲厥渠魁則脅從者皆可使之革面革心不必以多殺爲防患之計也是役也往返僅一月辦理甚稱

旨四月奉

命充

殿試讀卷官五月

聖駕出口避暑廷玉以部務留京仍兼內閣批本六月奉

特旨陞授吏部左侍郎管右侍郎事兼翰林院學

澤懷天恩

三

士是時銓政不甚肅清

上屢加申飭以廷玉小心謹慎故有是

命廷玉蒞任後屏除請託杜絕苞苴與堂司各官

動色相戒勉以道義胥吏之作奸者懲治數

人一時輩下翕然稱服十月

回鑾廷玉恭迎於古北口外蒙

恩駐輦慰問隨

賜御饌於行宮是月奉

命充武

殿試讀卷官十二月初六日子若澄生

六十一年壬寅 五十一歲

是歲正月二日瑞雪初霽

特召在京職官年六十以上者二千餘人賜宴於

乾清宮丹陛上

命廷玉等贊襄盛事鵲髮歡呼

龍顏怡悅

御製千叟宴詩一首以示羣臣

命廷玉等和韻五月

聖駕出口避暑廷玉以部務留 京九月

回鑾十月

《清高宗實錄卷一百一十五》

十四

駕幸南苑行圍

命廷玉扈從十一月

駕回暢春園

聖躬不豫十三日

龍馭上賓普天哀慟廷玉匍匐

乾清宮號泣累日夜則齋宿於吏部

世宗憲皇帝繼承大統十五日

特頒恩旨大事典禮繇多文章關係緊要侍郎張

廷玉爲人老成著兼學士銜協同掌院學士

阿克敦勵廷儀辦理翰林院文章之事是時

梓宮在乾清宮

上以東廂爲苦次席地而坐晨夕涕泣羣臣入奏

事則忍淚裁斷凡有

詔旨則命廷玉入內

口授大意或於

御前伏地以書或隔簾授几稿就卽呈

御覽每日不下十數次皆稱

旨蒙

恩諭曰朕在藩邸時不欲與廷臣相接是以未識

汝而曩者奉

《清高宗實錄卷一百一十五》

五

皇考命會同大學士辦理公事汝以學士趨蹌其

間朕見汝氣度端凝應對明晰心甚器重之

詢之旁人知爲吾張師傅之子朕心喜曰吾

師有子矣後聞汝官刑部吏部皆有令名更

爲喜慰今見汝居心忠赤辦事敬誠益知爲

天

祖所篤生

皇考所教養成茲偉器以輔翊朕躬者也汝其勉

之廷玉感激叩謝涕泗不能止閱數日奉

特旨以臣父宣力

先朝教誨皇子恪勤端謹歷久不渝著追贈太子

太傅以示恩眷廷玉叩謝

天恩蒙

諭曰此朕仰體

皇考聖心也爾可至

梓宮前叩謝本月欽逢

恩詔賜予二品封誥授資政大夫妻姚氏贈夫人

廕一子十二月

特賜

聖祖仁皇帝所遺數珠雜佩器物廷玉拜受之下

清獻公集卷三

美

嗚咽不能自勝旋奉

特旨陞授禮部尚書廷玉謝

恩蒙

諭曰正常大禮舉行之時秩宗一官所關綦重朕

再四思維非汝不克勝斯任越數日又奉

旨允

聖祖仁皇帝實錄副總裁官

諭曰汝世受國恩又係

皇考多年侍從之舊臣當年

聖德神功無不親知灼見今膺纂修

實錄之任紀載詳確惟汝是賴汝其勉之是月子

若雲以痘殤

清獻公集卷三

三

澄懷主人自訂年譜卷二

六世孫紹文重鐫

雍正元年癸卯

五十二歲

是歲正月奉

特旨朱軾張廷玉徐元夢嵇曾筠著爲諸皇子師

傳令欽天監選擇吉日進書房課讀屆期廷

玉等四人入書房謁見 皇三子

皇四子 皇五子

上遣內侍總管傳諭曰皇子見師傅禮當拜廷玉

等固辭不敢當遂行揖禮是日

澄懷主人自訂年譜卷二

一

賜有饌餅果各一筵蟒緞文綺各九端並筆墨硃

牋之屬越日進見

上諭曰皇子課讀事關重大當教以立身行己進

德修業之要若徒尋章摘句記誦文辭一翰

林能爲之非朕所望於卿等者廷玉拜受

命二月恭逢

恩詔賜予一品封誥授光祿大夫妻姚氏贈一品

夫人三月

上親送

梓宮赴山陵廷玉扈從四月初五日

回鑾將抵京師蒙

恩令履郡王傳諭曰已用汝爲順天鄉試主考官

矣可於今晚先回明日卽入闈之期也廷玉

因請見奏事蒙

恩召入帳殿面諭曰科場乃國家掄才大典而北

闈歷科以來每多物議不但有傷於士習文

風亦大有關於國政國體今當雍正開科之

始特簡朱軾與汝使主試事料汝二人必能

矢公矢慎議拔公明俾士論翕然羣情悅服

不蹈從前覆轍也廷玉奏曰

澄懷主人自訂年譜卷二

二

聖上不以臣爲不肖簡於諸臣之中畀以順天主

試之重任敢不竭乃心力以副信用之

深恩臣有子弟數人在京應試者例應迴避無庸

貢奏惟是翁婿向無迴避之例臣有長婿姚

孔振在京鄉試骨肉至親臣請一體迴避以

免嫌疑因與往例不符不得不貢奏

天聽

上沈思久之諭曰此汝過於謹慎處朕允汝請將

來迴避官生朕擬另行考試拔其佳者賞賜

舉人不使若等有向隅之歎廷玉奏曰此乃

聖主格外天恩非<sub>也</sub>所敢企望者入闈後同高安  
朱公與同考官焚香告天共勵精白以襄鉅  
典外簾呈送士子試卷六千一百有奇悉心  
披閱焚膏繼晷不敢稍懈

上兩遣侍衛頒賜肴饌果餌新茶又蒙

恩諭曰卿等當愛惜精神切勿過於勞瘁若校閱  
不及不妨奏請展期也本欲常賜食物因鎖  
院開門不便故未頻賜鎖闌月餘照額數取  
中二百九十三人先將元魁十卷恭呈

御覽蒙

溫懷人自昇鑾

三

殊批嘉獎十卷皆好第一名是留心性理人必是  
端方之士撤棘後

輦下有公明之譽

聖心甚喜特頒

諭旨曰國家大典首重掄才必主司鑑空衡平內  
外簾官協心共事加意釐剔放榜後得士心  
悅服京師首善之地關係尤重朕於雍正元  
年特行開科並廣額數欲振興文教俾單寒  
積學之士人人自奮今順天主考朱軾張廷  
玉公慎自矢細心搜閱盡拔佳文內外簾官

亦各能自淬勵屏除弊端發榜之日輿論翕  
然朕心深爲嘉悅其酌加議敘用示優獎兼  
使嗣後考官咸知激勸以副朕興賢育才之  
至意廷玉等聞

命惶悚叩首懇辭曰秉公校士乃<sub>臣</sub>等職分當然  
仰荷

溫綸獎許已深感愧斷不敢再邀議敘之曠典  
上曰朕欲肅清科場端自今歲恩科始凡奉命主  
試之人優者必賞劣者必罰乃關係國家勸  
懲之公政汝等安得以私意辭隨經部議奉

溫懷人自昇鑾

四

旨張廷玉著加太子太保越數日奉

旨署理都察院左都御史五月蒙  
恩考試迴避官生取中四名堂弟張廷珩胞姪張  
若震堂姪張若涵與焉廷玉具奏謝

恩蒙

諭曰一門同時獲傳者三人乃事所罕見此皆汝  
祖宗積德累仁汝父公忠任事之報是月十  
一日夜室廬不戒於火次早

上聞遣人慰問

頒賜白金一千兩

諭內務府總管大臣速查官房一所以賜遂遷居

於舊居之東相距里許與三弟分居自此始

二十三日

皇太后升遐

聖心哀慕悲切廷玉晨夕哭臨夜則齋宿於禮部

自去冬十一月至今兩遭

大事

皇上大孝性成儀章備舉如加上

列祖尊諡恭上

聖祖仁皇帝尊

溥儀皇帝尊

五

廟號

仁壽皇太后徽稱及

大喪儀

山陵

升祔

郊壇配享一切鉅典隆禮皆儀曹專司時履郡

王兼管部務蔣大學士廷錫爲侍郎廷玉與

之悉心商榷博考典章參摺經籍幸無隕越

然內外趨走

宜召不時實心力殫竭矣七月二十五日奉

旨充纂修明史總裁官先是康熙四十年冬月

先文端公蒙

聖祖皇帝隆恩予告旋里是時

上在藩邸特賦七言長律一章以寵其行至是廷

玉遵例恭繳蒙

皇上惓惓念舊至意並嘉廷玉宣力微勞

親題數語仍復

頒賜

恩誼之篤厚古未有也

御題曰此朕在藩邸時送大學士師張英歸里詩

溥儀皇帝尊

六

也雍正元年七月尚書張廷玉循例恭繳朕

追念舊勞並嘉廷玉克紹家聲親題數語仍

復頒賜俾世守之八月卸署理都察院事初

九日奉

旨兼管翰林院掌院學士事廷玉以謫陋不能稱

職辭

上曰汝學問優長器量雅重克堪斯任何以辭爲

旋奉

旨允日講起居注官因掌院學士例應兼起居注

官也蒙



御製詩一章親書宮扇以賜詩曰峻望三台近崇

班八座尊棟樑才不忝葵藿志常存大政資

經畫訂謨待討論還期作霖雨爲國沛殊恩

末書

御筆賜尚書張廷玉八字廷玉拜捧

天章知

望心之期望者厚矣感激愧悚不知所云九月

初六日奉

旨與尚書朱軾爲會試正考官三弟廷璐爲同考

官初七日奉

澄漢公自序卷三

七

旨特授戶部尚書閱日奏事欽奉

手敕入場時卿二人皆有微恙閣中閱文當愛惜

精神量力爲之不可過勞若欲展限不拘日

期多少皆允卿等之請也閱兩旬又奏事並

謝

聖恩垂注鴻慈欽奉

手敕朕深爲卿二人繫念今覽奏知精神俱佳大

慰朕懷卿等此種公忠之誠自然邀神明之

默佑誠所謂爲善日強也朕實爲欣悅廷玉

等鎖闥月餘悉心校閱遵照

欽定額數取中一百八十名先將元魁十卷恭呈

御覽蒙

硃批嘉獎又奉

特旨將闈中佳卷之溢於額數者一併進呈內外

考官子弟之迴避者悉行補試另

命大臣閱卷

欽賜中式九十人而胞弟廷璩堂弟廷珩堂姪若

涵三人俱入選十月

殿試開列讀卷官廷玉以子弟應試例不列名

上曰爾公正無私不必引嫌迴避仍著讀卷隨與

澄漢公自序卷三

八

諸大臣秉公校閱取定甲乙照例以前十卷

進呈

御覽

上閱至第五卷大爲嘉賞曰此卷應置一甲奈何

擬爲第五廷玉奏曰此臣弟張廷珩卷也

上遂開視彌封意欲拔置一甲廷玉奏曰張廷珩

乃從迴避官生中續取中式者正榜無名不

應居一甲

上點首命置二甲第一次日廷珩奉

特旨授翰林院檢討入直南書房是科廷璩若涵

俱蒙

恩選授庶吉士一門之內三人同與清華之選

輦下相傳以爲制科未有之盛事本月奉

旨充

四朝國史總裁官十一月仲堦姚鉉入贅十二月

欽奉

恩詔曾祖贈太子太保父晉一階母晉贈一品

太夫人妻姚氏贈一品夫人是年納側室吳

氏吳吾里人

二年甲辰 五十三歲

遼懷太子墓誌

九

是歲正月條奏江西浙江等省棚民一事其

略曰浙江之衢州等府江西之廣信等府與

福建連界江西之贛州等府又與廣東連界

閩廣無籍之徒流移失業者荷鋤而來墾山

種麻搭棚居住深山之中或數家爲一處或

數十家爲一處呼朋引類滋養生息日久愈

多既不可驅令回籍又不聽編入縣冊去來

任意出入無常偶遇年穀不登輒結黨盜竊

爲地方之害江西之袁瑞等府尤甚臣愚以

爲親民之官莫如守令請

敕下江浙督撫查明有麻棚之州縣秉公揀選才

守兼優之員保題補授庶平時撫馭有方流

民奉其約束臨事捕緝有法匪黨不至蔓延

至安插之後善爲撫綏並取具五家連環互

結又嚴行保甲之法不時稽查其中若有脅

力技勇之人與讀書向學之子許其報明本

縣印詳上司分別考驗加恩收錄如此則雖

欲爲非而不敢雖能爲非而不願矣臣管見

如此未知當否並請

敕令督撫悉心籌畫因地制宜詳議具奏二十一

遼懷太子墓誌

十

日奉

硃批該部發與江西浙江督撫詳議具奏又條奏

定例開載婦人二十歲守節年至五十者准

予旌表臣思未至五十而身故者乃享年

之不永非守志之不終應請

特恩凡已故之孀婦生前守節已歷十五年者一

體准

旌亦推廣

皇仁表揚節義之一端奉

旨將此條入於恩詔中三月初一日

皇上詣大學釋奠

先師孔子廷玉奉

命分獻四配是月

上躬耕籍田廷玉以大司農從耕四月南闈榜發

三姪若潭登鄉薦五月奉

旨爲大清會典總裁官六月

上以闕里文廟火災親詣國子監文廟告祭

命廷玉分獻四配九月會試

命朱軾及廷玉爲正考官福敏史貽直爲副考官

廷玉竊念兩年之內三秉文衡遭人臣不世

清懷集自聖訓卷二

十一

之遇深懼無以仰副任使與同事諸臣共相

戒勉晝夜搜閱除額數取中外復遵

旨將溢額佳文選得九十卷以進

上另遣廷臣閱取是科共得士二百九十人士論

翕然閭中具奏恭請

聖安欽奉

硃批朕躬甚安好卿等閱卷月餘過勞矣都好麼

十月奉

旨充文武

殿試讀卷官

三年乙巳 五十四歲

是歲二月奉

旨充

聖祖仁皇帝治河方略總裁官三月

上躬耕籍田廷玉以大司農從耕夏日奉

命隨皇子讀書避暑於瀛臺每日午前入內辦事

午後至苑中課讀游幕始散七月十八日奉

旨署理大學士八月十八日

大壇

祈穀壇內

清懷集自聖訓卷二

十二

太祖

太宗

世祖

聖祖配享之神位修整禮成廷玉奉

命同大學士嵩祝掃青行禮是月

上以三年服制期滿始舉經筵廷玉進講博厚所

以載物也一節

上稱善閱日從羣臣請

駐蹕於圓明園以苑東成晚舊園

賜廷玉與大學士朱軾及南書房翰林吳士玉等

居之園在

御苑之東相去半里許奇石如林清流若帶曲榭

長廊涼臺煥館之屬無不備具園未署名因

憶康熙癸巳秋扈從塞外蒙

聖祖御書澄懷二大字以賜今所居之地碧水連

漪不染塵滓於澄懷之義有會心焉敬以二

字名園所以誌

兩朝聖主之恩示子孫於不忘耳十月奉

旨於紫禁城內騎馬

賜內殿良馬一匹十一月

溥儀美自年鑒

三

賜元狐端罩十二月第四女歿時廷玉扈從郊居

聞女信薄暮回內城邸寓適奉

宣召馬大學士以賓對次日進見蒙

恩面詢亡女年齒病症爲之嗟歎廷玉惶悚叩首

以謝

四年丙午 五十五歲

是歲二月二十八日奉

旨實授內閣大學士仍兼理戶部尚書翰林院掌

院學士事務吏部奏請兼銜奉

旨授爲文淵閣大學士兼戶部尚書三月奉

旨充

聖祖仁皇帝實錄總裁官本月京察屆期遵例自

陳懇

賜罷斥奉

旨卿才品優長簡任機務正資料理著照舊供職

八月

上親祭 文廟

命廷玉祭崇聖祠九月初九日

召諸王大臣九卿翰詹科道賜宴於

乾清宮賦柏梁體詩各賜一韻

溥儀美自年鑒

占

命廷玉宣

旨授簡總領其事廷玉獻梯航萬國歌永清之句

是秋姚瑩孔鋹應順天鄉試中式

五年丁未 五十六歲

是歲二月因黃河澄清奉

恩旨加一級四月奉

旨充

殿試讀卷官五月偶抱恙

上遣御醫診視並遣內侍詢問寢食狀

諭令加意調攝越數日痊可入內謝

恩

上面加慰問且

諭曰朕前日向近侍曰朕連日臂痛汝等知之乎

近侍驚問故朕曰大學士張廷玉患病非朕

臂痛而何廷玉免冠叩謝曰

皇上實以股肱視微臣愧謝劣不能當不知何

以仰報

聖慈於萬一是月二姪若需計音至京

上覽該撫本章甚爲憫惻

召廷玉面諭曰汝姪張若需居官多年勤慎小心

澄懷美自詩讀卷三

五

本欲用爲按察使因一時無缺著加按察使

銜以示優卹其旅櫬回時著廣西督撫酌量

照看廷玉叩首謝十月十六日奉

旨張廷玉著爲文華殿大學士十一月奉

旨爲武殿試讀卷官十二月 怡親王傳

旨賜典鋪一所本銀三萬五千兩廷玉再四懇辭

上面諭曰汝父一生廉潔無餘蓄以貽子孫汝今

爲朕辦事身兼數職夙夜在公朕常以汝眠

食俱廢爲慮更有何暇問及日用衣食事耶

今以官物賜汝俾汝用度從容盡心公務獎

勞賞功之道固應如是汝當體朕心勿固辭

是年八月初四日子若淑生

六年戊申 五十七歲

是年三月十三日奉

旨張廷玉著爲保和殿大學士四月仲堦姚鉉蒙

恩授通州州判三姊就養官署便過京師老年

姊弟相見甚歡六月恭拜

御書十體字墨蹟之賜謹再拜薰沐跋於紙尾其

略曰我

皇上問學深微聰明天縱闡揚性道擴千聖之微

澄懷美自詩讀卷三

六

言訓迪臣黎匯六經之奧旨而乃

宸衷乾惕

聖度謙冲於幾政之暇更取古人之嘉言偉論擇

其尤粹者

親灑宸翰鐫諸屏風置之座右以備朝夕觀覽此

卽古帝王銘戶闢而箴盤盂之至意也文採

十條書備各體

堯章義畫神運天成直如化工元氣網緼融結而

莫能狀其妙鐫刻旣成以

御書墨寶宣示廷臣諸臣肅容敬觀莫不目眴神

棟以爲書契以來之所未有復宜

恩命以臣忝與機務兼司文翰有供奉之微勞卽以

頒賜用昭嘉獎臣感激悚惶稽首頓首拜而受之

伏念自古人臣叨受御書之賜不遇幅縑片楮卽已詡爲殊榮傳爲盛事況以

御屏之鄭重仰

天翰之神奇集書法之大成觀雲章之輝映遐稽

簡冊洵千載所未聞叨被

恩榮實百生之厚幸故當什襲藏之奉爲子孫世

澄懷堂自訂年譜卷三

七

世之寶豈僅天球弘璧稱希代之珍已哉八

月奉

命致祭 文廟九月第三壻孫循編入贅蒙

恩給假三日賜白金千兩爲吉禮之用時

上以吏部尚書事務無人管理

特召廷玉面諭曰銓政最關緊要必得公正無私

朕所深信之大臣始可委任汝職掌繁多日

無甯畧朕本不忍再以銓部之事累汝但再

四思維無有出汝右者汝第總領大綱不必

躬親細事卽偶有忽略處朕皆原諒不汝督

也廷玉載拜受

命是年八月二十七日子若淳生

七年己酉 五十八歲

是歲二月奉

命致祭 文廟三月京察屆期廷玉遵

例自陳懇

賜罷斥閣臣擬票進呈

上不用

御筆親批發出奉

旨卿和平端正學問優長自簡任機務夙夜匪懈

澄懷堂自訂年譜卷三

八

協贊朕之不逮正資倚任著照舊供職廷玉

恭讀協贊不逮之

恩旨惶悚靡甯急詣

宮門懇情收回

成命以安愚分

上諭曰朕之嘉獎臣工一字一句不肯假借必實

有是善而後加以褒美之詞豈於卿而轉以

不誠相待耶卿實當此無愧何以辭爲七月

上以廷玉舊居湫隘

特賜第宅一區在西安門外並賜白金千兩爲遷

移之費移居之日

御書調梅良弼四大字

遣內侍捧賜又賜肴饌餅餌果核四筵上酒一罇

八月遣長男若鬻回里就婚於姚氏長婿長

女同歸十月奉

上諭張廷玉協贊朕躬忠誠宣猷爲國家辦理政

務勤慎奉職甚屬可嘉著加少保十二月內

開奏請

欽定

聖祖仁皇帝實錄監修總裁官奉

溥儀自訂年譜卷三

九

旨張廷玉著爲監修總裁官是月子媳婿女同來

京

八年庚戌 五十九歲

是歲三月奉

命暫理戶部三庫事務四月奉

命爲殿試讀卷官本月蒙

賜白金二萬兩廷玉固辭

上諭曰此朕藩邸之物今無用處特留以賞有功

汝非大臣中第一宣力者乎當體朕心不必

再辭廷玉拜受以千金寄三弟廷璐爲督學

課士之用以二千金寄里門置公田歲收穀

以資族人之貧乏者所以廣

君賜也自春徂秋

聖躬違和

命廷玉與大學士馬爾賽蔣廷錫辦理一切事務

並與御醫商訂方藥間有

密旨則

命廷玉獨留七月十一日奉

上諭國家效忠宣力之臣勲績茂著者必膺崇報

之典令其世享烝嘗雍正二年朕已敕建昭

溥儀自訂年譜卷三

三

忠祠自開國以來致命立功盡忠報國之儒

皆得春秋妥侑世世血食顧念古者大烝之

祭先法施於民以勞定國者皆得並列祀典

永受明禋則我朝名臣良弼其經邦佐治備

載昇平者皆祭法所必登朕欲爲之建立祠

宇久矣卽如怡賢親王之精白一心忠誠體

國勲在社稷澤被生民其功德隆盛又豈一

切效忠宣力者之所可比倫乎洪惟

太祖

太宗創業垂統厥有一德佐命之良

世祖撫綏萬邦實多裔庸熙載之彥迨我

聖祖臨御六十餘年其間良臣碩甫後先相望據

朕所深知者舉其一二如大學士公圖海大

學士張英尚書顧八代馬爾漢趙申喬河道

總督靳輔齊蘇勒總督楊宗仁巡撫陳璘等

持躬正直奉職公忠或垂節鉞之勳或勵冰

霜之節俯仰無愧爲朝野所共欽始終不渝

無瑕瑜之可指似此等清恭爾位不愧古大

臣之風者正不乏人旣樹羽儀於一世宜隆

俎豆於千秋且使世世爲臣者觀感奮興知

所效慕羣以早夔稷契共相期待則明良喜

起之盛朕於斯有厚望焉著於京城內白馬

關帝廟之旁選擇吉地特建廟宇命名賢良

祠春秋以時展祀其應入祠之員著內閣會

同該部確查本朝滿漢文武大臣才德著聞

完名全節者詳慎開列具奏請旨將來繼起

之臣亦併得沾被恩光永爲盛典八月十九

日 京師地動次日

上面見詢問民間疾苦廷玉一一陳奏隨降

旨遴選科道官員多人分路查勘省視賞資安插

無令一人失所又奉

旨賞八旗人等銀四十八萬兩蓋每旗六萬也地

動之夕不敢入寢室合家露處於外次日

上賜御用蒙古包一座

命武備院官員親資安設於庭院中帷幕璫席之

屬無一不備寬廣精潔目所未視雖王公之

家不能得也越數日

賜白金一萬兩爲修葺屋宇之用是月卽三庫事

務十月

聖躬全安本月十九日特頒

上諭馬爾賽張廷玉蔣廷錫自簡任綸扉以來祇

遵朕訓仰體朕心懋著忠勤恪恭奉職今年

夏秋之間朕躬偶爾違和馬爾賽張廷玉蔣

廷錫贊襄機務公正無私慎重周詳事事妥

協一片至誠之悃方之史冊所載一心一德

之風洵屬無愧數月之中朕躬得以靜養調

攝者實賴伊等翊翼之力今朕躬已經全愈

自宜加恩錫以褒良佐以勵臣工馬爾賽張

廷玉蔣廷錫著各給一等阿達哈哈番永遠

承襲仍各加二級其所賜世職伊等或帶於



本身或給與伊子聽其自便廷玉等聞

命惶悚懇辭再四

上諭曰汝之功勳在疆場汗馬之上朕意已定不

必固辭十一月初三日又奉

恩旨世職准長子張若霽承襲仍准入場其應得

恩廕照例移給次子張若澄

上以部統兼侍郎莽鵠立傳神逼肖

特命爲廷玉繪像以賜俾藏於家

九年辛亥 六十歲

是歲正月二十五日

遼懷集自序卷三

三

御書贊猷碩輔四大字

命內廷良工製龍扁以賜又

賜御書不染心含清暉二額又

賜對聯曰綠荷池畔吟新句翠竹林中披異書舊

冬十二月及本年六月西北兩路大將軍用

兵失機賊人屢擾邊境

聖心焦勞指授方略廷玉日侍內直自朝至暮不

敢退間有待至一二鼓時至九月軍務始定

十二月

聖祖仁皇帝實錄聖訓纂修告成禮部詳議恭進

實錄儀注欽天監選擇二十日吉期奉

聞廷玉忝居監修總裁官之首同在事大臣官員

等遵照儀注敬謹舉行屆期函簿大駕鼓樂

全設王以下文武官員齊集恭迎

實錄聖訓滿漢蒙古文三百四十二函計一千二

十九卷安奉於

保和殿廷玉等至

乾清門恭進表文

上具禮服出宮至

保和殿拜受

遼懷集自序卷三

舌

實錄聖訓行三跪九叩禮禮畢恭請

實錄聖訓收藏

大內

上御太和殿百官慶賀鳴贊官宣

制詞禮畢

上還宮隨頒

上諭欽惟我

皇考聖祖仁皇帝聖神首出臨御萬邦六十餘年

至德豐功際天蟠地自昔史冊所載無有比

倫雍正元年朕命大臣等督率官員敬謹纂

修

實錄昭垂萬世迄今九載編輯成書朕心嘉慰應

加恩議敘以獎勤勞監修總裁官副總裁官

及纂修提調收掌繙譯謄錄等員與執事人

等作何議敘之處著該部查康熙十一年之

例斟酌妥議具奏其筵宴賞賚亦著該部察

例具奏廷玉次日具奏懇辭議敘

上面諭曰纂修

皇考實錄雖出諸臣之力然汝功實爲居首朕心

極不忘本欲格外加恩方嫌朕意今奏辭議

澤懷人自訂謄卷二

重

敘情詞懇切容朕再思之

十年壬子 六十一歲

是歲二月廷玉以去冬懇辭議敘摺未蒙

允發又復具摺其略曰 臣蒙

皇上格外隆恩洵膺極品何敢以載筆微勞更叨

議敘況追思

聖祖仁皇帝優待 臣父子天高地厚之鴻慈卽捐

糜頂踵未足仰酬萬一 臣非惟不敢受實不

忍受倘邀

恩准免敘之光榮視優加爵賞爲更重欽奉

諭旨

皇考聖祖仁皇帝實錄告成監修總裁官積多年

之心力敬謹纂修勤勞懋著允宜加恩以示

褒嘉乃張廷玉等具奏懇辭情詞誠切朕若

允其所請於心實有未慊若不允所請又似

不察其懇摯之情展轉躊躇留中許久究未

能定今將原摺發出著諸王九卿會議具奏

隨經諸王九卿議覆張廷玉等既稱世受

國恩至深至渥若以纂修

實錄微勞仰邀議敘非惟不敢亦且不忍此奏實

澤懷人自訂謄卷二

美

出真誠應准其所請以安臣子之忱倘奉 人

蒙

恩俞允

賜宴禮部賚鞍馬白金文綺如制三月京察屆期

具疏自陳懇

賜罷斥蒙

特頒諭旨卿誠恪純謹公忠體國簡任民務兼管

銓曹贊襄密勿澄敘品流正資倚用著照舊

供職閏五月

賜白金一萬兩六月初六日 先文端公蒙

恩入祀京師賢良祠並

諭嗣後春秋祭祀時各大臣之子孫有官職者皆

可入祠陪祭又於本籍

賜祭一壇

諭廷玉曰汝離家鄉二十餘年矣將來舉行祀典

之時給汝數月假期歸掃先人之墓亦從來

罕有之佳話廷玉感激涕零免冠叩首是月

大姪若霖卒於桐城聞信之日爲位而哭八

月若霽應順天鄉試九月榜發廷玉清晨入

內直

清獻公集卷三

主

上見題名錄遣內侍傳諭曰張若霽中式矣廷玉

叩首謝

恩少頃內侍捧松花石硯一方傳

旨曰此硯賜張若霽三冬可用心讀書朕望其聯

捷廷玉載叩謝是日北路將軍報至大敗賊

眾於額爾得尼昭地方殲賊將及萬人軍聲

大震

聖心慰悅

澄懷主人自訂年譜卷三

六世孫紹文重鐫

十一年癸丑 六十二歲

是歲正月二十五日

聖駕往馬蘭峪恭謁

陵寢命莊親王果親王大學士鄂爾泰及廷玉在

京管理一切事務夜宿紫禁城內二月初七

日第五子若澹生三月會試榜發若霽中式

第三十名長壻姚孔鋹中式第八十八名本

月二十七日

清獻公集卷三

一

殿試四月初一日

上御懋勤殿閱卷因

諭讀卷官曰爾等所擬名次未爲允協中擬第五

卷策語懇摯識見老成非經生家可比字畫

亦端楷爾等須再加詳閱商定之隨將諸卷

授讀卷官公同再酌因以原擬第三卷改爲

第一原擬第五卷改爲第三及啟彌封則第

一係會元陳倌第三則張若霽也

上大嘉諭曰此大學士張廷玉之子策內議論確

有識見想其習觀習聞稟承家訓得大臣忠

君愛國之意是以敷陳之言切當懇摯如此  
張廷玉佐朕多年居心行事比諸古人皐夔  
稷契信可無愧且自伊父張英累世厚德繩  
繩相繼宜其後人克肖賢才蔚起以副國家  
之用朕於爾大臣等深願人人如此乃嫌於  
懷耳是時廷玉在直廬辦事

上遣內侍傳諭曰爾子張若靄取中探花矣特告  
大學士知之廷玉聞

命驚懼失措免冠叩首懇辭曰臣子張若靄幼年  
初學侍中進士若蒙

漢書卷一百一十五

二

大恩置之二甲已屬厚幸一甲斷不敢當萬望

聖慈鑒允內侍轉奏復傳

旨曰此汝家世德之報朕秉公閱卷暗中摸索定

此名次汝安得以私意辭廷玉復叩首固辭

仍不允隨將卷面批定令讀卷官捧出填榜

聖駕回宮廷玉奏請面見啟事蒙

召入

上手持玉如意一柄笑諭曰汝大喜將此賜汝願

汝父子諸事如意廷玉叩謝仍免冠叩首無

數繼以泣下

上意仍不允廷玉又奏曰天下三年大比合計應  
鄉試者十數萬人而登鄉薦者不過千餘人  
以數科之人來京會試而登春榜者亦只三  
百餘人是此鼎甲三名雖拔於三百餘人之  
中實天下士子十數萬人之所渴望而不可  
得者臣家世受

皇恩無所不極其至若臣子又占科名最高之選  
臣實夢寐難安

上曰汝子之文應如此位置奈何廷玉奏曰在臣  
子一日之長應居前列而臣之私衷情願以

漢書卷一百一十五

三

此讓與天下寒士惟我

皇上憐而許之

上見廷玉情詞誠迫深加贊歎

特命傳諭讀卷諸臣將張若靄改爲二甲第一並

將前後情節繕寫

上諭進呈候朕覽定頒示中外

上諭曰今日諸臣進殿試卷朕閱至第五卷字畫

端楷策內公忠體國一條云僚采之際善則

相勸過則相規無詐無虞必誠必信則同官

一體也內外一體也文武亦一體也廣而至

於百司庶職何莫非臂指手足之相關也此則純臣之居心可以不負千載一時之遭逢而贊襄太和之上理數諸極爲懇摯頗得古大臣之風因拔置一甲三名諸臣皆稱爲允當及折號乃大學士張廷玉之子張若靄朕心深爲嘉悅蓋大臣子弟能知忠君愛國之心異日必爲國家宣力大學士張英立朝數十年清忠和厚始終不渝張廷玉朝夕在朕左右勤勞翊贊時時以堯舜期朕朕亦以皐虞期之張若靄秉承家教兼之世德所鍾故

澤懷美自訂聖鑒

四

能若此非獨家瑞亦國之慶也因遣人往諭張廷玉使知朕實出至公非以大臣之子而有意甄拔乃張廷玉再三懇辭以爲普天下人材眾多三年大比莫不相望鼎甲臣蒙恩現居政府而子張若靄登一甲三名占寒士之先於心實有未安倘蒙皇恩名列二甲已爲榮幸之至朕以伊家忠盡積德有此佳子弟中一鼎甲亦人所共服何必遜讓張廷玉跪奏云皇上至公諸臣亦無私曲以臣子一日之長叨蒙恩取但臣家何等恩榮未備只

算臣情願讓與天下寒士求皇上憐臣愚衷若君恩祖德庇佑臣子留其福分以爲將來上進之階更爲美事陳奏之時情詞懇至朕不得不勉從其請著將張若靄改爲二甲一名卽以二甲一名沈文錦改爲一甲三名以表大臣謙謹之誠並昭國家制科之盛事朕下士子共知之次日廷玉率若靄叩謝

天恩比蒙

召見並令若靄隨入

澤懷美自訂聖鑒

五

上一見卽贊曰此子又聰明又穩重不愧家教特賜御用東珠涼帽一頂松花石硯一方又諭若靄曰汝能學汝父一半便一生受用無窮因汝祖積德累功故生汝父汝父又好故生汝汝其勉之廷玉與若靄叩首敬謝是日

賜餽饌果品二筵傳

旨曰汝子傳臚特賜筵席告祭祖先五月初二日

新科進士選拔庶吉士引

見於圓明園之正大光明殿

上見若靄卽降

旨張若靄原取中鼎甲著照榜眼探花例授爲翰

林院編修長增姚孔鋹亦蒙

恩選授庶吉士次日又奉

旨張若靄鄂容安鄂倫著在辦理軍機處行走隨

伊父教導自然成人鄂容安乃鄂大學士之

長子鄂倫其胞姪也一日在

上前口奏刑部事宜二條

上命具摺次日具摺進呈

上稱著即將原摺發與九卿會議其摺曰謹奏爲

分別監禁之例詳慎引律之條以免濫禁以

成信誠事竊惟

國家之設監獄原以收禁重罪之人是以各省

人犯罪重者收監罪輕者或令人取保或交

人看守本人亦自知所犯甚輕無潛逃私逸

之事獨有刑部衙門遇八旗部院步軍統領

衙門以及五城御史等交送人犯不論曾經

奏

聞與否亦不論情事之大小與罪犯之首從一經

鎖送刑部而該部即收入囹圄之中聽候質

審以致獄卒之需索欺凌吏胥之恐嚇訛詐

備極困頓百弊叢生甚至有傾家殫斃者及

至定案時而斬絞軍流重犯原無多人其餘

不過徒杖笞責之罪且有偶爾干連審係無

辜應行釋放者如今年二月間刑部清查案

件省釋者二百幾十人即此類也臣細求其

故

國家定例原不如是祇因陋習相沿彼拘送之

衙門初不計其到部之苦而刑部官員又以

憲嚴無縱可告無過遂至常行而不改也似

應

特頒

諭旨令九卿悉心妥議凡各衙門奏

聞交送刑部及自行鞫送刑部之人何等當收禁

監獄何等當取保看守分別定例詳慎遵行

如此則濫禁之弊可除而於刑名不無裨益

再者律例之文各有本旨而刑部引用之時

往往刪去前後文詞止摘中間數語即以所

斷之罪承之甚至有求其彷彿而比照定擬

者此間避重就輕避輕就重司員之藉以營

私吏書之高下其手皆由此而起臣思都察

院大理寺與刑部同爲法司衙門若刑部引  
例不確應令都察院大理寺駁查改正倘駁  
而不改卽令題參如院寺扶同朦混或草率  
疎忽別經發覺則將都察院大理寺官員一  
併加以處分如此或亦清理刑名之一助此  
愚見倘我

皇上以爲可採亦請頒發

上諭令九卿妥議具奏旋經九卿議覆悉照廷玉  
所請行廷玉侍

皇上左右十一年矣內直趨承無日不蒙

澤澤人自訂讀卷三

八

召對每有芻蕘一得之見或口奏或具摺皆請

皇上特頒

諭旨宣播於外從來未留片稿於私室惟此次奏

摺

上命發九卿集議廷玉雖欲焚稿而不可得因附

載之於此 先公蒙

恩賜祭於桐城本籍

諭祭文曰翊熙朝之泰運端重良臣稽冊府之鴻

猷宜崇元祀蓋成勞懋著生平之風槩如存

斯盛烈昭垂奕世之寵褒益篤載申綸綍式

薦牲醪爾張英端敬居心冲和成性三十載  
趨承禁直講帷之啟沃弘多四十年敬懋清  
班綸閣之贊襄允懋靖共爾位忠純克篤夫  
小心垂裕後昆善慶彌彰夫厚德於戲流芬  
竹帛卓然一代之完人樹範巖廊允矣千秋  
之茂典列豆籩於祠宇渥澤攸隆布筵几於  
里閭湛恩疊沛靈其不昧尚克歆承

御書祠宇扁額對聯

特賜扁額曰忠純詒範對聯曰風度猶存典

千秋俎豆師模如在忠誠垂奕葉箕裘

澤澤人自訂讀卷三

九

內閣部院諸臣奏事畢

上開諭舊事因

諭曰大學士張廷玉侍朕左右敬慎小心十一年

如一日其爲人外和平而內方正足辦國家

大事前歲朕躬違和凡有密旨悉以諭之彼

時在朝臣工中祇此一人今大學士鄂爾泰

來京朕得兩人矣九月十六日奉

上諭朕已降旨諭祭賢良祠大學士張英於本籍

大學士張廷玉著給假數月於十月十三日

起身回家舉行典禮張若壽著隨去其族中

子弟若有在京閒散職銜可以暫假者准其  
隨回襄事江蘇學政張廷璐亦著給假暫回  
本縣其學政印務照例交與督臣代管俟事  
竣仍回本任隨具奏族中子弟在京居閒散  
之職者有刑部司務張若宣又有新授廣西  
永安州知州張若矩懇

恩給假隨回本籍贊襄祀事奉

旨俞允本月

賜白金一萬兩爲祠宇祭祀及長途資斧之用二  
十日長孫曾效生十一月初六日又奉

上諭朕賜祭賢良祠大學士張英於本籍著安徽

十

巡撫徐本前往致祭大學士張廷玉請假回  
里著給與驛遞夫馬其所過地方派撥弁兵  
護送并文武官員迎接之處悉照上年大學  
士鄂爾泰進京之例至明年回京之日亦照  
此遵行又

諭內務府總管等大學士張廷玉暫假回籍可將  
內廷歷年所刻書籍五十二種悉行頒賜交  
與江南織造高斌從官腹運回送至桐城縣  
又

諭內務府總管製安車一輛選良騎四匹以  
賜至

錫資便蕃如

御用冠帶珍裘文綺豐貂人參玻璃磁器古玩雜  
佩之屬不可臚紀起程日期

命內廷精於選擇者選得十三日午時上吉先期

一日

陸辭

上手賜玉如意一柄

諭曰願爾往來事事如意復

上諭朕賜祭賢良祠大學士張英於本籍著安徽

十

命使資酒肴果餽四筵至私寓傳  
旨酌以金帛曰大學士明日起行特頒酒筵餞送  
廷玉遵

旨於十三日午時由京啟程姪筠表姪吳若山

同回途次行二十七日於十一月初十日抵

里展拜家廟與骨肉子姪至戚輩相見甚

歡蓋自辛卯年入都離家二十三年矣十

二日清晨詣雙溪拜兩先人墓十五日三

弟歸自江寧十六日酌酒姚夫人殯所十八

日恭懸



御書扁額對聯於 先公祠堂二十日奉 主入

祠十二月初八日安徽巡撫徐諱本賁捧

諭祭文至桐城縣延王率合族人等恭迎於郊外

初九日撫臣率文武官弁至先臣祠舉行

諭祭大典禮儀鄭重俎豆輝煌更喜久雨初晴天

氣和霽凡白叟黃童紳衿士庶以及四方之

觀禮者闐衢塞巷駢肩累跡莫不歡忻歎羨

以為

聖天子之加恩禮於世家大臣者如此其隆也初

十日撫臣至姚端恪公祠行

諭祭禮先是廷王抵家之次日即具摺恭謝

聖恩又一摺陳奏北直近河州縣被水情形至是

賞摺人回蒙

賜天廟食物果餌橘柚共十餘種其謝

恩奏摺蒙

御批曰覽卿奏謝知卿一路如意抵家深慰朕念

吉人

天佑理所必然朕卽位十一年來在廷近內大臣

一日不曾相離者惟卿一人義固君臣情同

契友今相隔月餘未免每每思念然於本分

說話又何嘗暫離寸步也俟卿辦理祭典畢

明春北來握手歡會可也所奏一路地方情

形欣幸覽之都中得雪兩次直省各處奏報

大率相同

天恩似普其內外事宜如卿在京光景頗覺相安

特諭以慰卿之繫念其陳奏北直被水州縣

一摺奉

旨著大學士鄂爾泰寄信與直隸總督妥議料理

奏摺大略曰 臣經由北直州縣知今年豐稔

之處居多惟近河低窪之地遭值水患仰蒙

天恩賑濟窮黎得以存養黃童白叟無不感頌

皇仁但被水地方輕重不同其中有偏重之處積

潦未消難以佈種二麥竊料明歲二三月間

青黃不接民食自倍覺艱難倘蒙

聖恩敕令督臣詳確查明仍照從前江南山東等

處之例於明春加賑一月或四十日再

救督臣河臣查該地方若有應修之工程酌議舉

行俾窮民得以備工餬口更屬

聖恩浩蕩之鴻施矣廷王此奏既蒙

頒發故附錄於此十二月半後率子弟徧至 諸

祖塋祭埽二十八日六弟廷瑒姚瑄孔鉉遣

家人馳回賁捧

御書福字並

御書對聯及寶勝繡囊珍味鮮果十數種傳

旨曰此賜大學士過節者務於節前賁送到家廷

王九叩祇領又奉

硃批

諭旨曰擇得正月二十日丁酉黃道上上大吉之

辰宜用午時卿可於此日起身路上不可貪

程從容而來可也又因戶部題銷錯誤一案

澤漢大員訂筆

占

廷王例應罰俸疏入欽奉

恩旨大學士張廷玉日在內廷所辦事件甚多此

等部內細事何暇料理不必罰俸廷玉隨具

摺謝

恩欽奉

硃批曰此情理之所應然者何謝之有復何愧悚

之有又因纂修

大清會典告成蒙

恩議欽加二級

十二年甲寅

六十三歲

是歲正月二十日午時遵

旨起程赴都路經江北山東北直郡縣見地方

寧靜百姓安居雨雪應時麥田廣種城郭村

莊之父老子弟皆遮道歡迎口稱數年以來

感戴

聖主錫租賜復捍患恤災之大恩莫由上達祈求

轉奏羣情懇切異口同聲實出忱悃益徵

皇上教養之渥澤感人深厚如此也途次賁賀

元旦奏摺家人從京師回恭捧

硃批曰新春同禧南北一如元旦立春時都中

澤漢大員訂筆

五

天恩賜盈尺之瑞雪實罕遇者特諭卿喜之廷王

登程後內大臣等遵

旨屢傳在京家人詢問一路程期二月十六日

駐宿蘆溝橋

特遣內大臣兼戶部侍郎海望前來傳

旨慰勞並

命膳宰賁天廚肴饌果品酒醴以

賜次日清晨抵京詣

宮門請

安謝

恩卽蒙

召見並令子若霽姪若宣隨入

天顏溫霽慰諭縷繇兼

訓若霽若宣以行已服官之要是日又

遣膳宰賁捧酒筵果品餅餌

頒賜於邸寓是行也

皇上之加恩於臣者皆古今未有之殊遇清夜自

思感激慚悚莫可名狀一日

上諭曰有江南僧人奏云桐城投子山舊爲大同

禪師祖庭香火極盛明嘉靖時有豪紳盛姓

李懷天自訂年譜卷三

七

者圖謀風水遂奏毀古刹而占爲塋地至今

邑人爲之不平盛姓子孫亦自此零落朕已

令莊親王內大臣海望傳諭安徽巡撫王紘

織造高斌飭令盛姓遷移墳墓重建祖庭於

舊址以續大同禪師香火並慰同人心廷

玉奏曰投子山離城三里許在縣治之北爲

桐城之北障此地建叢林有礙於桐城風水

城居之人皆爲不寧自明嘉靖間毀寺以後

邑人始得安居明末流寇屢至閉城固守不

受殘害人文亦自此始盛此幼年得之見

問而考之傳志無不符合者近日桐人之受

國恩登仕籍者甲於天下益信風水之說爲不爽

且自今觀之天生投子山實專爲桐城之屏

障並非祠廟墳塋之吉壤若風水果佳則旣

建之叢林不應復毀而建塋之盛姓其子孫

亦不應衰微若此也

上曰汝言甚爲明晰近日桐城人文之盛實海內

所少況汝父子相繼爲國家賢宰輔卽求之

史冊中亦所罕見非風水極佳不至此若重

建投子祖庭微有礙於縣治朕豈忍爲之但

李懷天自訂年譜卷三

七

僧家旣以毀寺爲悵恨倘他日有議復叢林

於舊址者豈不仍爲桐城之後患不若此時

另擇善地於桐城風水有益而無妨礙者建

立叢林以復興大同禪師之祖庭斯爲盡善

汝可同內大臣海望將前旨撤回傳諭王紘

高斌令其遵照此旨辦理廷玉祇承

恩命感激歡忭免冠叩首曰桐邑萬萬人荷

聖主丕冒之德於無疆矣四月間四姪若震奉

特旨補授浙江布政使廷玉入見叩謝

天恩

上諭曰此子一派天良其才具亦好汝可時時寄信教導之朕望其大有成就也五月初五日

上御勤政殿辦事畢

召見滿漢文武大臣諄切

訓飭後復降

諭曰大學士鄂爾泰張廷玉實我朝之賢大臣朕見伊兩家後起人材蔚然可觀是以屢加擢用有甫經數年而卽至大員者朕之用舍一秉至公必視其人可用而後用之初不因兩大學士之親屬而曲爲加恩彼夫識見卑鄙

清高宗實錄卷三

六

之人未必不私心竊疑而謂朕之暱其所好不知朕欲厚待兩大學士何必在於登進其子弟而兩大學士每見朕擢用伊之子弟則必恐懼退讓有欲辭之不能者又豈以子弟之陞遷爲光寵乎如伊兩家子弟才具平庸未克勝任而朕必欲逾量擢用是非所以愛之而實以害之豈朕所以待兩大學士者耶然朕之樂於用伊兩家子弟者亦自有朕之意在一以兩家之先人培植深遠方獲生此賢哲爲國家之股肱心膂而積厚者流光諒

不僅鍾秀於兩大學士之一身而已一以兩家子弟素聞家教與眾不同必不至負國恩而忘家訓一以兩大學士如此忠誠雖天下之人尚思教育成就之其所以訓勉於一門之內者必更加肫篤可以代朕之提撕訓導令其有成爲此三者擇人而用隨材器使朕雖有意實無意也萬一兩家子弟不率父兄之教有忝職守朕自重加譴責豈肯曲宥姑容以弛國法卽如鄂爾泰獨非大學士鄂爾泰之胞弟乎今日爾等滿漢大臣齊集於此

清高宗實錄卷三

七

若子弟中果有卓越之才可卽於朕前舉出候朕明試而登用之惟其妄度朕之獨厚於兩大學士而致疑夫兩家子弟以僥倖而取榮則人心既正而識見亦廣矣六月五日

第五子若澐薨七月間

上以西北兩路用兵于準噶爾業已數年將士勞苦此時或應乘我兵力直進賊境以結軍務或應遣使往彼諭以利害俾其醒悟二者未能遽定特召兩路將軍來京與王公滿漢文武大臣公會議是時主用兵之策者居多

廷王則主遣使宣諭之議手創一稿諸大臣

中隨王列名者十數人次口具奏蒙

上俯從遣使宣諭之議其疏曰爲遵

旨議奏事雍正十二年七月二十日奉

上諭西北兩路用兵已經數年將士效力戎行久

在邊外朕心深爲不忍再四思維或應乘此

兵力全備直進賊境俾軍務早定以息將士

或應遣使往彼諭以利害俾其醒悟二者未

能遽定特召兩路領兵將軍來京與辦理軍

機之大臣悉心計議伊等意見亦不盡一朕

漢文皇帝集

三

思軍務關係重大應博採眾論詳慎籌畫著

王公滿漢文武大臣公同會議各抒己見據

實具奏欽此該臣等議得準噶爾本一邊遠

部落噶爾丹策凌本一微末台吉世濟其惡

擾害生靈按其罪狀早應遣發大兵直抵伊

里掃穴犁庭立加屠滅惟是我

聖祖仁皇帝如天之仁於策妄阿拉布坦狂悖妄

行猶蒙

特賜包容不卽加兵誅戮但於邊境駐兵彈壓並

屢次遣人前往示以

聖意待其悔過來歸而我

皇上繼志述事仰體

聖祖仁皇帝天地爲懷包涵萬類之

聖心於伊使根敦來時開誠布公面加

恩諭隨將大兵撤回釋其疑貳又遣使前往議立

邊界永息紛爭而賊人巧詐支吾惟事遷延

朦混及噶爾丹策凌繼其部落我

皇上知其狂肆兇頑甚於乃父恐伊孟浪輕舉騷

擾蒙古是以仍於邊地駐兵以爲防範而兩

路大將軍屢請進兵俱

漢文皇帝集

三

特頒諭旨令其停止更可仰見我

皇上以

聖祖之心爲心原不欲毀其巢穴滅其醜類收其

地土海爲王者之師有征無戰準噶爾果然

悔悟求和卽可寬其罪惡矣從前賊人風竊

狗偷偶爾得利者非賊人之得計乃我領兵

將軍違背

聖訓失機之所致賊人自額爾得尼昭大敗以後

固已勢窮力竭漏網餘孽苟延殘喘潛匿不

出聞風遠遁本年春間我北路襲擊直越額

爾溪斯賊夷驚惶不敢迎戰遊牧俱各遠徙  
人人震恐節據陸續投降被獲之人皆稱準  
噶爾之人生計疲憊牲畜傷斃人人怨恨不  
得休息眾心離散是準噶爾於額爾得尼昭  
大敗之後固已窮蹙難支矣第噶爾丹策凌  
當此敗逃窮蹙之時而猶強自支撐者蓋由  
罔識

聖心之寬大自以負罪深重不可復追加以前年  
特疊回時又捏造言詞恐嚇其下彼意必以  
中國遣發大兵駐劄邊界定欲毀我巢穴滅  
我醜類收我土地計惟有積集屬下之人日  
死抗拒否則遠避潛藏遷延歲月因此迷而  
不悟日益冥頑今蒙我

皇上如天好生俯念邊疆士卒久歷戎行  
特命等公同定議等竊思噶爾丹策凌雖屬  
冥頑無知然既具有人面料亦具有人心若  
蒙

欽命大臣前往諭以

聖度之優容

聖心之仁厚

天恩浩蕩總在愛養生靈罷兵息民先必安邊定  
界明白剴切曉以利害禍福之分聽伊自取  
寬其以往之愆予以更新之路噶爾丹策凌  
審度勢力實不能支既蒙

聖主仁慈遣使開導自必豁然醒悟誠心悔過俯  
首求和從此安我藩籬寧人息事即準噶爾  
人民亦得安居樂業共慶生全實於我

聖祖仁皇帝特賜包容之聖心允為符合而我  
皇上愛養羣黎不冒萬方之聖德與天地同其廣  
大哉若我

皇上如此施恩而伊仍執迷不悟則  
天怒人怨是伊自速危亡彼時我軍再議征討之  
計更覺事易而功倍也等愚見如此是否  
允協伏乞

睿鑒施行九月二十五日辦理軍機大臣入見奏  
事畢

上各賜洋漆匣端硯一方廷玉拜受訖

上又取一硯

諭曰將此賜汝子張若需廷玉復拜受

上顧諸大臣曰大學士之子張若需器量好朕甚

嘉之冬月

上念廷玉年逾六旬職掌繁多恐精力不逮冬令嚴寒凡

郊

廟大祭

上親詣行禮時俱不必陪祭十二月奉

命充校對

三朝實錄總裁官二十五日

上御安寧宮召公侯大臣二十餘人入見並

命內廷供奉之翰林隨入

漢書自序

五

上親書福字以賜第一幅

賜廷玉以後諸臣依次受賞若需得最後一幅

上大笑謂若需曰今日乃寫福字第一日也汝父

得第一幅汝得最後一幅無意中有此恰好

事豈非吉祥之徵乎

十三年乙卯 六十四歲

是歲正月初六日

上以孟春時享親祭

太廟廷玉以新正祀典之始虔誠陪祭五鼓趨往

黎明排班

駕時

上遣侍衛傳

旨今日五鼓有風天氣寒冷張大學士不必入班

行禮可尋溫暖處避之大宗伯兼管太常卿

三奉遂遣官送廷玉坐於太常齋宿煖室中

一時班聯欣聞

恩旨者無不以爲

聖主垂念老臣篤厚至此至私衷感激莫可狀

是月二十六日奉

命充皇清文穎總裁官三月京察屆期廷玉遵

漢書自序

五

例自陳懇

賜罷斥閣臣擬票進呈

御筆更改發出奉

旨卿忠敬寬平練習政務簡任綸扉總領銓政兼

掌司農正資倚用著照舊供職都察院議吏

部堂司官誤將暫停銓選之州判孟炳引

見文選司郎中應罰俸一年堂官應罰俸三箇月

上曰此案吏部堂官處分俱著寬免至於大學士

張廷玉實無應處分之處卽寬免二字朕亦

不忍出諸口伊與大學士鄂爾泰二人辦理

事務甚多自朝至夕無片刻之暇以一身之精神豈能於部中一切細事悉行查到從前曾降諭旨鄂爾泰於旗務公錯不必入議今應照此例嗣後鄂爾泰張廷玉兼管部務凡堂官公辦之事有似此處分者伊等俱不必入議六月二十四日若霽蒙

恩署日請起居注官廷玉入見叩謝

大恩

上諭曰此予少年聰慧朕欲令其早習禮儀也八月二十日

欽定大清會典事例

吏

聖躬偶爾違和猶聽政如常廷玉每日進見未嘗有間二十二日漏將二鼓方就寢忽聞

召召甚急疾起整衣趨至

圓明園內侍三四輩待於園之西南門引至

寢宮始知

上疾大漸驚駭欲絕莊親王果親王大學士鄂爾

泰公豐盛額納親內大臣海望先後至同到

御榻前請安出候於階下太醫進藥罔效至二十

三日子時

龍馭上賓矣

今上哀號仆地廷玉等五內迸裂慟哭失聲廷玉

與鄂爾泰告二王諸大臣曰

大行皇帝因傳位大事親書密旨曾示我二人外

此無有知者此旨收藏宮中應急請出以正

大統王大臣曰然因告總管太監總管曰

大行皇帝未曾諭及我輩不知密旨之所在廷玉

曰

大行皇帝當日密封之件諒亦無多外用黃紙固

封背後寫一封字者卽是此

旨少頃總管捧出

欽定大清會典事例

吏

黃封一函啟視之則

硃筆親書傳位

今上之密旨也王大臣同捧至

今上前廷玉於燈下宣讀

上伏地大慟良久王大臣等叩頭敦勸再三

上始載拜受

命此

旨雍正八年九月曾密示廷玉雍正十年正月又

密示鄂爾泰廷玉兩人比時

聖諭曰汝二人外再無一人知之少頃



上令內侍傳諭曰遵

皇考遺旨令莊親王果親王大學士鄂爾泰張廷

玉輔政廷玉等痛哭受

命遵照康熙六十一年十一月十三日之例敬備

黃輿恭請

大行皇帝還宮

上前導以行廷臣隨侍左右倉卒中得官廄驚馬

乘之幾至蹶路

上於路哭不停聲至隆宗門跪接親扶

黃輿而入安奉

《清聖祖實錄》

三

大行皇帝於

乾清宮至申時大斂

上自夜徹晝號哭不止廷玉一晝夜水漿不入口

至二鼓後方退至養心殿造作處假寐一時

許四鼓即起五鼓入內自後以爲常八月二

十四日奉

上諭雍正八年六月內欽奉

皇考諭旨張廷玉器量純全抒誠供職其纂修

聖祖仁皇帝實錄宜力獨多每年遵旨繕寫上諭

悉能詳達朕意訓示臣民其功甚鉅鄂爾泰

志秉忠貞才優經濟安民察吏綏靖邊疆洵

爲不世出之名臣此二人者朕可保其終始

不渝將來二臣著配享

太廟以昭恩禮欽此朕欲將

皇考此旨入於

遺詔內頒發大學士鄂爾泰張廷玉履行固辭朕

惟知遵奉

皇考聖訓復再三降旨而鄂爾泰張廷玉懇切奏

請稽古典禮朕意以爲必應入於

遺詔鄂爾泰張廷玉既以稽古典禮奏請著總理

《清聖祖實錄》

三

事務莊親王果親王會同徐本慶復鄂善魏

廷珍備查古典詳議具奏隨據莊親王等議

覆內稱伏查帝王升祔太廟必有配享之臣

所以表德酬勳垂諸不朽也我

大行皇帝統御寰區勤求治理深仁厚澤萬國均

霑至於優恤大臣尤爲篤厚凡有寸長足錄

無不仰叨

恩獎而至於公忠體國之臣尤必錫之殊榮隆以

曠典如大學士鄂爾泰張廷玉者久在

聖明洞鑒之中是以特書

諭旨密封內廷 臣等伏思明太祖洪武二年降旨

以李善長等七人入太廟祀享再查歷代遺

詔史不備載而當洪武之時卽命李善長等

七人從祀自必倣倣前代之成規理合謹遵

諭旨繕入

遺詔 臣等愚見如此是否有當伏候

聖訓八月二十五日奉

旨王大臣等所議是大學士不必固辭廷王等聞

命之下伏地鳴咽不敢復行陳奏越日廷王同二

王大學士鄂爾泰奏稱 臣等不敢當輔政之

名請照前例稱總理事務蒙

三

恩俞允本日奉

旨凡宮門一切陳奏事件先告知總理事務王大

臣再行進呈九月初三日

上卽位陞太和殿頒詔天下廷王蒙

覃恩得正一品封誥曾祖祖父俱贈少保兼太子

太保保和殿大學士父贈太傅兼太子太傅

文華殿大學士長男若需以頭等阿達哈哈

番署日請起居注官翰林院編修封通議大

夫生母吳氏妻姚氏並封淑人第三子若淑

應五品官越日以

先帝所遺珊瑚數珠寶硯眼鏡法瑯鼻烟壺荷包

雜佩等件於

梓宮前頒賜九月十三日奉

上諭莊親王果親王大學士鄂爾泰張廷玉朱軾

在

皇考時宣力多年朕卽位以來總理事務敬慎周

詳夙夜匪懈今

皇考梓宮已安奉雍和宮辦理諸事俱屬妥貼應

加恩以示酬庸之典莊親王果親王俱著永

名請照前例稱總理事務蒙

三

遠賜與親王雙俸鄂爾泰張廷玉俱著賞給

世襲頭等阿達哈哈番朱軾著賞給世襲拜

他拉布勒哈番該部卽遵諭行廷王等懇辭

不獲隨經吏部議稱大學士張廷玉於雍正

八年蒙

大行皇帝特恩賞賜頭等阿達哈哈番世職准長

子張若需承襲今蒙

皇上特旨又賞頭等阿達哈哈番世職應照例歸

併與伊子張若需授爲三等精奇尼哈番世

襲罔替等因具奏奉

旨依議若霽竟明一品勳爵之榮賞延於世合家

頂戴

天恩跼蹐惶悚不知所報九月十四日

賜

大行皇帝御用冠一頂四團龍烏雲豹褂一件狐

裘蟒袍一件天馬皮褂一件十五日奉

上諭朕思

皇祖時年久大臣如原任大學士張英謹厚和平

公忠奉職原任侍郎勵杜訥恪勤恭慎練達

老成原任尚書顧八代人品端方學問充裕

《溪樓集》

三

昔侍

皇考讀書朝夕講論有裨

聖學

皇考臨御時特降

溫綸將張英加贈宮傅勵杜訥追贈尚書顧八代

加贈太傅三人並入祀賢良祠又侍衛海青

侍從

皇祖多年勤勞極著仰蒙

皇考聖恩授爲一品今朕卽位之初篤念前勞追

思舊學張英著加贈太傅勵杜訥著加贈宮

傅顧八代著加贈太師海青著加贈宮保其

作何加恩之處該部察例議奏隨經禮部議

稱原任大學士張英已蒙

恩加贈太傅應照例交與工部按品級給與碑價

令本家自行建碑並於本家致祭一次祭文

由翰林院撰擬等因具奏奉

旨依議九月二十日若霽奉

旨入直南書房

上念廷玉等內直時多

命內務府總管於紫禁城內築室數楹爲直宿之

《溪樓集》

三

所踰月告成別有院落軒窗靜潔器具畢備

同拜賜者莊親王果親王大學士鄂爾泰及

廷玉四人十二姪若渠中順天副榜六姪若

泌舉於鄉十月初四日六弟廷璩奉

旨補授工部右侍郎仍兼管起居注事務是月更

換各省學政三弟廷璐奉

旨仍留江蘇之任廷玉以廷璐在任已六年奏請

另簡賢員

上面諭曰江蘇學政緊要甲於天下張廷璐久於

此任聲名甚好已著有成效矣朕卽位之初

豈肯舍此可信者而另用他員耶廷玉不敢  
復辭一門內受

恩深重若此惟有感悚十月十五日內閣因纂修  
大行皇帝實錄奏請

欽點大臣奉

旨著大學士鄂爾泰爲監修官大學士尹泰張廷  
玉朱軾尚書三泰爲總裁官尚書任蘭枝傅  
爾甘汝來左都御史福敏侍郎徐元夢張廷  
琢班第爲副總裁官十月十八日奉

上諭大學士張廷玉所辦事務甚多不必兼管翰

林院事

語

十一月初八日冬至

上祀

天於圜丘廷玉陪祭十二日恭上

大行皇帝

尊謚

廟號於

几筵前大學士鄂爾泰捧冊廷玉捧寶

皇上接受拱獻率諸王大臣致祭行禮次日頒詔

天下二十一日恭上

孝敬皇后尊謚於

几筵前大學士鄂爾泰捧冊廷玉捧寶

皇上接受拱獻率諸王大臣致祭行禮次日頒詔

天下十二月十四日恭上

皇太后尊號是日

皇太后陞慈寧宮寶座大學士鄂爾泰捧冊廷玉  
捧寶

皇上接受拱獻率諸王大臣行禮次日頒詔天下

廷玉以

覃恩加一級若需以精奇尼哈番

誥授光祿大夫生母吳氏妻姚氏并封一品夫人

進明史纂修多年稿本今得告竣但卷帙繁多恐

呈

二十七日廷玉同明史館總裁及纂修官恭

進明史本紀二十四卷志七十五卷表十三

卷列傳二百二十卷目錄四卷共三百三十

六卷奉

旨明史纂修多年稿本今得告竣但卷帙繁多恐

其中尚有舛訛之處著展半年之期該總裁

率同纂修各官再加校閱有應改正者卽行

改正交與武英殿刊刻陸續進呈其在事大

臣官員生監等著交部議敘

澄懷主人自訂年譜卷四

六世孫紹文重校

乾隆元年丙辰 六十五歲

上以亮闇元旦停止陞殿清晨

親詣雍和宮

梓宮前行禮廷玉等隨往午後

駕回宮

賜如意一柄初七日上辛

上所設於

上帝先期

澄懷主人自訂年譜卷四

論鄂爾泰張廷玉曰昔年

皇考念卿二人年老事繁寒天不令陪祭可仍遵

前

旨行十四日奉

旨大學士鄂爾泰張廷玉著爲總裁官同平郡王

纂修

玉牒舊例

玉牒總裁以親王郡王爲之此則異數也本月奉

旨著大學士鄂爾泰張廷玉朱軾左都御史福敏

侍郎徐元夢邵基爲皇子師傅著欽天監擇

日開學旋據欽天監擇得二十四日吉是日

清晨

皇長子 皇次子到學總管太監傳

旨皇子應行拜師之禮廷玉等固辭遂長揖

賜資文綺筆硯之屬與雍正元年同少頃

召皇子及廷玉等六人進見

面諭曰皇子年齒雖幼然陶淑涵養之功必自幼

齡始卿等可殫心教導之倘不率教卿等不

妨過於嚴厲從來設教之道嚴有益而寬多

損將來皇子長成自知之也

澄懷主人自訂年譜卷四

上願皇子曰師傅之教當聽受無違二十五日

上親往馬蘭峪謁

陵奉

旨著果親王大學士鄂爾泰張廷玉朱軾尙書海

望在京總理一切事務二月初六日六弟廷

璩奉

命爲會試副考官三月初六日因加上

列祖列后尊謚更換

太廟

奉先殿神牌

命廷玉掃青行禮初十日會試榜發三姪若潭於

考試迴避官生卷內蒙

恩取中五十六名榜後

命廷玉方苞會同四主考檢閱落卷續取中三十

五人准一體

殿試四月十三日前科修撰編修及庶吉士教

習期滿奉

旨考試散館若需蒙取一等第三名長壻姚孔鋮

取一等第七名授翰林院編修五月初一日

引

澤漢美身軀護卷四

三

見新科進士於

養心殿

上命廷玉總理其事是日三姪若潭蒙

恩選拔庶吉士六月若需奉

旨實授日講起居注官又御史條奏世職精奇尼

哈番等官向來止有滿洲官名未定漢文名

色請

勅交八旗志書館總裁妥擬字樣以垂永久奉

旨俞允旋據總裁等奏准精奇尼哈番係古時子

爵漢文應稱爲子嗣後若需官銜漢文寫三

等子 先公蒙

恩頒賜祭文一道

御製碑文一道謹具奏摺爲恭謝

天恩並陳下悃事臣父原任大學士臣張英仰荷

聖主隆恩晉階太傅載

頒諭祭

勅樹豐碑本月初九日翰林院頒示

諭祭文一道

御製碑文一道

綸音輝煥宣之鹵鬯而增榮

澤漢美身軀護卷四

四

宸翰褒嘉垂諸金石而不朽被至渥極隆之

聖澤重壤歡瞻沐有加無已之

恩光一門感涕謹率臣弟臣張廷璩臣子臣張若

需臣姪臣張若潭泥首

廷陛恭謝

天恩至

諭祭先臣典禮擬於秋間在籍舉行臣廷玉與臣

弟張廷璩俱供職京師不能遠離官守惟有

臣弟張廷璐現任江蘇學政其按試之地與

臣鄉相去不過五六百里仰懇

天恩於本年八月鄉試後

賜假兩個月就近回里舉行

諭祭大典其學政印務照例暫交督臣署理俟承

祀既畢卽當呈回本任辦行考事凡此

殊恩異數追揚其祖父卽光賁其子孫欣承

鳳篆龍章申錫之几筵更永傳之碑版是先

十載報效

天家之忱惻經

晉藻而常新

聖主億萬年鼓舞臣子之典章勒桐岡而並壽

五

等生生世世莫罄銘心鏤骨之誠子子孫孫

永矢就

日瞻雲之志矣謹

奏奉

旨知道了著照大學士張廷玉所請恭錄

論祭文

皇帝諭祭經筵講官文華殿大學士兼禮部尚書

贈太子太傅加贈太傅諡文端張英之靈曰

翊贊昇平瞻良臣之宣力褒崇耆舊頒異數

以酬甫式隆展祀之儀用示推恩之厚爾張

英端謹居心公忠奉直純修素履謙謙裕君

子之風雅尙清標休休有大臣之度綜生平

之令德講筵之啟沃惟勤延身後之寵光泉

壤之榮施疊賁朕紹膺大統追念成勞晉太

傅之崇階遣專官而告奠特申優禮聿稱獎

章於戲緬舊德於

先朝嘉謨勿替沛新恩於翼世茂典丕昭爾靈有

知尙其歆昌

御製碑文

恭承

六

先烈聿思左右宣力之勞瞻念前徽肅懋夙夜兢

其之誼曠典特頒於奕世殊恩載賁於重泉

式示褒嘉用彰優禮爾張英秉性和平宅心

忠厚文章爾雅恒領袖於清班品行端醇久

趨承於紫禁入直三十載純勤懋著於初終

服官四十年雅望從容於進退

聖祖之加恩既篤

先皇之眷注尤深酬啟沃之勳宮銜晉錫秩賢良

之祀祠宇加隆屢被恩施脩蒙寵沃朕紹承

基緒緬想儀型懷舊德以維殷考冀章而從

厚進階太傅肅展芳筵於戲琬琰流輝疊沛

三朝之雨露絲綸煥彩不昭百禩之榮光尙垂庇

乎後昆俾永延夫世澤七月初九日奉

旨纂修三禮著鄂爾泰張廷玉朱軾甘汝來爲總

裁楊名時徐元夢方苞王蘭生爲副總裁九

月南閣榜發七姪若霍九姪若霽十姪若需

堂姪若本俱獲中式姪孫曾敷中副榜極一

門之盛向所罕見追思先澤頂戴

國恩不勝感慶是月

命廷玉同大學士鄂爾泰吏部侍郎邵基閱看博

清漢人自聖訓

七

學鴻詞卷取一等劉綸等五人二等楊度汪

等十人奉

旨分別授翰林院編修檢討庶吉士以纂修明史

告成蒙

恩議敘加二級十月三弟延璫信至知里門於九

月二十日舉行

諭祭先公大典廬鳳道范諱璨率領屬員肅將祀

事典禮輝煌儀文隆備是日天氣晴明人心

歡悅廷玉遂率六弟廷璩三姪若潭長男若

嵩具奏恭謝

天恩十月初二日奉

旨邵基著補授蘇州巡撫其翰林院掌院事務仍

著大學士張廷玉兼管越日奉

旨充日講起居注官是月十一日

皇上親送

世宗憲皇帝梓宮奉移

山陵留廷玉在京辦事宿紫禁城內十日十月二

十五日和碩莊親王等與廷玉奏辭總理事

務略曰爲敬陳下悃恭請

聖鑒事竊臣等荷蒙

清漢人自聖訓

八

世宗憲皇帝高厚深恩同於覆載恭遇我

皇上紹登大寶思慕方殷欽奉

恩旨令臣等祿臣允禮臣鄂爾泰臣張廷玉總理

事務並令臣福彭臣訥親臣海望臣徐本協

辦總理事務受

命之下深切悚惶維時伏念

世宗憲皇帝龍馭上賓而我

皇上悲哀正切未便卽以下情陳奏懇辭一年以

來一切事件俱蒙

皇上訓誨指示祇遵查辦幸免隕越今



世宗憲皇帝梓宮已經奉移

山陵考諸典禮

皇上正當御門聽政之日而我

皇上欽明廣運宵旰勤求舉凡用人敷治悉以

聖祖

世宗之心爲心以

聖祖

世宗之政爲政固已時措咸宜中外悅服臣等雖

隨事竭誠匍匐查辦然識見短淺實不能襄

贊萬一

欽定大清會典事例

九

皇上務宵旰勤求之政而臣等受總理事務之名

則於義既屬未協而於心尤切難安伏乞

皇上俯鑒愚悃矜賜成全准解總理事務之任俾

臣等各循職守庶臣心得以少安而遵奉

聖恩指訓亦易以勉副矣爲此謹

奏請

旨本日奉

上諭今日王大臣奏辭總理事務朕臨御以來已

經一載敬念

皇考付託之重兢兢業業凡敬

天勤民之大端不敢稍有意忽一切政務幸無大

過但庶務繁多朕豈能事事熟悉正賴賢王

大臣共相贊助以成邦治況

皇考當日登極年已四十有五在藩邸日久國是

民情無不洞晰尙飭用總理事務王大臣怡

親王等協辦三年然後報罷朕之才識遠不

逮

皇考之萬一王大臣正當竭力抒誠仰佐朕躬何

可遽辭總理事務若辭奏之心出於至誠又

不若公忠體國和衷辦事凡朕政事有失卽

爲規諫思慮未到代爲籌畫以克盡股肱心

膂之任較之辭解總理不更善乎著照常辦

理不必再辭十一月十一日廷王蒙

恩賜御書台表元臣四字扁額拜受之下愧悚靡

甯十二月除夕前一日

賜御書福字春聯及

御製喜雪詩墨刻

二年丁巳

六十六歲

上以亮間元旦停止陞殿清晨

親詣

壽皇殿行禮廷玉等隨往辰刻

召王大臣入見賜茶並賜內造甯綢二端二月

四姪若震以浙藩遵

旨入覲二十二日

上奉

孝敬憲皇后梓宮奉移

山陵廷玉與若震若霽皆從三月初二日

世宗憲皇帝

孝敬憲皇后梓宮安奉地宮 啟肅皇貴妃附葬

上親送至地宮命平郡王鄂爾泰張廷玉隨入

澤懷美貞聖謚

十一

上攀戀呼號叩首無算廷玉等伏地痛哭因請數

十次

上始出盥洗更衣於

隆恩殿點主先期降

旨命大學士鄂爾泰張廷玉恭點

世祖憲皇帝神主協辦大學士事三泰禮部尚書

任蘭枝恭點

孝敬憲皇后神主並降

諭旨諭點主大臣鄂爾泰張廷玉三泰任蘭枝點

主大禮攸關必取其人品望素優老成端慤

耆俾之敬謹將事方克稱尊奉之隆儀卿等

皆國家大臣夙荷

皇考恩遇倚任有年名望素重故藉卿等襄此鉅

典其體朕哀慕惻忱齊莊儼恪靜慮凝神以

對越

皇考在天之靈庶得仰邀

皇考歆鑒朕有厚望焉特諭初二日 時點主禮

成

上恭奉

神牌回京於初五日奉安

澤懷美貞聖謚

十二

太廟初六日禮部奏請

欽點恩科會試等官奉

旨張廷玉福敏著爲正考官索柱姚三辰著爲副

考官廷玉等卽于本日拜

命入闈與同事諸臣共相戒勉悉心校閱務拔真

才以襄盛典是科多士雲集

輦下者較曩時爲盛上科應試者四千五百數十

人今則增至五千四百餘人鎖闈一月有餘

遊

旨取中三百十七名四月初九日放榜赴

乾清門詩

安蒙

恩召見問閣中事廷玉等一一奏對十姪若需於

迴避卷內蒙

恩中式廷玉奏謝

天恩越數日

上而論曰科場榜後外間毫無異詞良可喜也二

十二日長婿姚孔銀請假偕大女南歸祝北

堂八十壽三婿孫循編偕三女還里經紀家

務五月初七日

漢大自呈覽

主

御試翰林詹事官員九十人於

乾清宮清晨引見

上親出三題首題爲君難爲臣不易論次題藏珠

于淵賦以藏珠于淵南華妙蘊爲韻三題賦

得薰風自南來七言排律十二韻限來字韻

本日交卷

上親自覽閱定其甲乙取一等三人二等十人三

等二十人餘俱四等若謁蒙

恩取二等第六比卽降

旨陞授翰林院侍講廷玉進見謝

恩

上諭曰若鵠詩賦頗佳朕是以特置優等爾等大

臣子弟能勉勵嚮學無膏粱怠惰之習乃朕

所深嘉者向後勉之一月之內若渾以庶吉

士散館引見奉

旨授爲檢討若需以新進士引見蒙

欽點庶吉士一門長幼登清華之上選荷遷擢之

殊榮正不知如何仰報於萬一六月內開奏請考

試各省薦舉續到之博學鴻詞二十四人奉

旨著張廷玉孫嘉淦閱卷隨於史館校閱取萬松

漢大自呈覽

吉

齡爲一等朱荃洪世澤張漢三人爲二等將

原卷進呈奉

旨萬松齡著授爲翰林院檢討張漢著授爲翰林

院編修朱荃洪世澤著授爲翰林院庶吉士

十一月

上以二十七月服制期滿於十五日親詣

泰陵告祭釋服奉

旨著平郡王大學士鄂爾泰張廷玉留京辦事若

需以起居注官

欽點隨駕二十二日

回鑒二十七日莊親王同廷玉等合詞奏辭總理

事務奉

上諭莊親王等奏辭總理事務朕思

皇考御極之初命王大臣等總理事務至二十七

月釋服之後准其解辭者蓋

皇考春秋已逾四旬且至聖至明於天下政務及

一切情事無不周知洞悉在朕今日豈敢與

皇考比擬正賴王大臣等輔弼贊襄期臻上理何

得援例懇辭但覽王大臣等所奏情辭懇切

請各歸本職辦公仍是靖其佐理之忱惻朕

大清高宗純皇帝

主

只得勉從所請此二十七日之內王大臣等

匡贊朕躬一切典禮敬慎周備凡所交政務

莫不悉心辦理甚屬勤勞總理事務莊親王

果親王大學士鄂爾泰張廷玉著交宗人府

吏部從優議敘協辦總理事務平郡王大學

士徐本公訥親尚書海望亦著議敘欽此廷

玉等免冠叩首懇辭議敘不蒙

俞允二十八日奉

上諭昨莊親王等奏辭總理事務情辭懇切朕勉

從所請但目目前西北兩路軍務尚未全竣且

朕日理萬幾亦間有特旨交出之事仍須就

近承辦

皇考當日原派有辦理軍機大臣今仍著大學士

鄂爾泰張廷玉公訥親尚書海望侍郎納延

泰班第辦理欽此二十九日與鄂大學士同

進

見奏辭兼管部務奉

上諭大學士鄂爾泰奏辭總理兵部事務大學士

張廷玉奏辭兼管吏部戶部事務情詞懇切

至於再三卽數年來亦屢有人陳奏大學士

大清高宗純皇帝

主

不應兼管部務者此乃就常例而論不知國

家委用大臣隨時變通祇期有裨政治難以

拘執成規亦多有與例不符而出於不得已

者諸臣未能盡知也

皇考當日命鄂爾泰張廷玉兼理部務迄今多年

朕御極以來亦知兼攝爲難二臣亦屢以爲

請而其中實有難於更易之情勢蓋兵部尚

書訥親雖年力精壯實心任事而蒞任未久

諸事尙未諳練吏部職總銓衡關係甚鉅非

謹慎練達者未易勝任此二臣者實爲朕心

之所倚賴今乃辭解部務將來之繼二臣辦理者其事之妥協與否朕尙未能預知豈肯遽從所請在二臣受國家厚恩當視公事如已事亦不當以任事簡少易於盡職而忽視部務往復瀆陳也俟數年之後朕酌量再降諭旨大學士鄂爾泰仍著兼管兵部大學士張廷玉兼管兩部事務實多難於兼顧准其解退戶部仍兼管吏部其他兼管部務之大學士邁柱徐本不必兼管工部刑部欽此十月初四日

澤漢大員

七

册立  
册后  
册封

貴妃 嫺妃 純妃 嘉嬪奉

旨著鄂爾泰張廷玉三泰徐本任蘭枝爲正使海望索柱岱奇春山吳家驤爲副使持節行禮

十六日吏部遵

旨議得大學士鄂爾泰張廷玉總理事務三年應

照雍正二年之例各賞一騎都尉蒙

恩俞允二十日廷玉具奏臣長子張若雷已疊荷

皇恩身膺三等子世職不敢再有加增請將此次恩賞騎都尉世職給與次子張若澄承襲蒙

恩遣內侍垂問曰大學士鄂爾泰將所賞騎都尉歸併授爲三等伯何以大學士張廷玉不歸併授爲三等伯廷玉奏曰鄂爾泰原有世職是一等子今將騎都尉歸併應爲三等伯廷玉原有世職是三等子今若將騎都尉歸併只應到一等子隨奉

旨大學士張廷玉在內廷宣力多年輔弼贊襄勤勞茂著朕之視大學士鄂爾泰張廷玉一切

澤漢大員

六

恩眷均屬一體今鄂爾泰因賞給騎都尉已出一等子照例歸併授爲三等伯張廷玉亦著加恩由三等子從優授爲三等伯仍著伊子張若雷承襲欽此廷玉聞

命之下感激惶悚萬不敢承免冠叩首懇辭者數次不蒙

恩允兼傳諭曰此事張廷玉應迴避著鄂爾泰繕寫旨意頒發鄂大學士因奏曰張廷玉既授爲三等伯則服色官銜應從伯爵伊子原係子爵食俸今奉

旨承襲三等伯當食伯爵俸祿奉

旨知道了伏念廷玉受

三朝聖主天高地厚涓埃未報今復

逾格隆施錫以封爵身沐躬圭之寵世邀極品之

榮人臣遭遇至此罕有倫比悚懼惶恐之心

實非筆墨所能宣寫萬一也是年七月內故

鄉信至知東門外石橋告成里人以廷玉獨

力建造呼爲良弼橋蓋取

世宗憲皇帝賜額調梅良弼之義玉深自抱愧其

始末詳良弼橋記中

清溪白石橋記

九

附錄良弼橋記

秋七月里門書來知東門石橋於六月訖功  
行旅往來稱便予心喜之吾邑沿山溪爲城  
城之東門爲七省孔道而大溪當其衝舊有  
石橋傾毀近百年矣自康熙戊申邑令胡公  
建木橋以利涉每山水大至輒輒壞凡樵蘇  
之出入城市及驛使宦遊商賈之有事於江  
楚閩粵者往往阻絕不得渡予爲諸生時見  
而心傷之蓄願作石橋以利行人願工費浩  
鉅力有未逮徒時時往來胸臆間雍正十一

年蒙

世宗憲皇帝念先太傅文端公舊學積勳

命祀於京師之賢良祠又

賜祭於本籍

命廷玉歸里躬襄祀典復

賜萬金爲祠祀費

恩隆禮重無與爲比祀事旣畢尙餘

賜金之半因念所以廣

君恩惠行旅而慰夙願者莫若東門之橋矣乃囑

弟姪外甥輩經理其事並擇方外人之精修

清溪白石橋記

三

苦行及僕之服勤嚮義者贊襄之今閱來昔  
云從前之橋所以易毀者由僦身悉淤沙積  
礫檣下不得深每雨猛蛟起輒隨波以逝今  
則掘沙見土深入地中丈許悉以檣銜巨石  
奠其成上建石磯六磯壘石爲層鑄鐵軸以  
鍵上下石交處又爲鐵錠以合之並融樹汁  
米藩雜黃壤白堊以實其鑄橋身長十五丈  
廣一丈五尺左右周以石欄東西建二亭以  
憩民之避風雨施茗漿者谿之兩涯壘巨石  
爲岸高一丈西長十有六丈東長八丈用礮

水衝兼以衛橋經始於雍正乙卯年正月落成於乾隆丁巳年六月爲期三年爲費六千三百里人樂之名橋曰良弼蓋取

世宗皇帝賜書調梅良弼之額以爲予功予念非聖主恩賜之便蕃則費無所資非先太傅之崇祀則予無由經始非親族子弟暨在工之人同心共力則橋未易成卽成亦未必其堅緻若此今旣訖功而獨歸美於予予實赧焉因記一時之好善樂施鳩工庀材之人以見茲橋之成非予一人力也其相度形勢籌畫機

欽定四庫全書

三

宜總司工費者則吾弟廷琬吾姪若灃若嵩若泌若霍姪孫曾啟外甥姚孔綱也指示匠作勸課工程三年如一日者則僧品山秀峰也不避寒暑奔走督察俾各工踴躍趨事剋期告竣者則史興老僕詹人吾家世僕方大之力居多旣成而吾姪若震又立四石柱於上流以殺水勢吾姊姚太恭人及吾姪婦姚恭人共捐千金沿溪築堤以衛民居是又好行其德而爲茲橋計久遠之美意也爰詳爲之書

三年戊午 六十七歲

是歲正月十六日

賜大學士尙書侍郎京卿及開坊以上並內廷翰林等宴於

闕明園各

賜

聖祖仁皇帝御批通鑑一部蟒緞一端貂皮二張廷玉廷璩若需與焉二十八日奉

上諭朕此次恭謁

泰陵著大學士鄂爾泰張廷玉在京總理諸務

欽定四庫全書

三

月十二日次子若澄畢姻請假三日以成

吉禮是月京察屆期廷玉遵

例自陳懇

賜罷斥閣臣擬票進呈

御筆更改發出奉

旨卿誠恪和平公忠敏練簡任機務兼總銓曹正

資倚任著照舊供職京師夏月雨澤愆期奉

命同大學士鄂爾泰尙書納親海望及刑部堂官

清理刑獄六月初五日甘霖普降次日

特召大學士及內廷翰林入

圓明園泛舟遊覽廷玉與長子若靄與焉至蓬

萊洲小憩

賜茶果

御製七律一章親灑

宸翰頃刻而成命諸臣面賦以誌一時勝賞廷玉

獻七言截句四首

上嘉獎曰到底是老手若靄獻七言律二首亦稱

古越日

上以御書勒石令學士梁詩正錄諸臣詩附鐫於

後策爲一冊誠藝林未有之盛事而廷玉父

登懷人自注

圭

于同被

殊恩其榮幸更何如乎石刻既成蒙

賜二軀自世王座當永寶之八月初二日奉

上諭朕此次恭謁

泰陵著牛邵王大學士鄂爾泰張廷玉在京總理

諸務十月二十日先賢有子升配十一哲廷

玉奉

命祭告

先師孔子是月二十九日具奏懇辭兼攝吏部事

蒙

恩召見慰留不允其奏曰謹奏爲敷陳下情仰冀

聖慈垂鑒事 臣蒙

聖祖仁皇帝

世宗憲皇帝暨我

皇上天高地厚之恩至優至渥求之史冊罕有比

倫縱殫竭駑駘未能仰酬萬一何敢畏難就

逸自蹈推諉之愆惟是量力捫心實有萬不

容已之下情不得不上陳於

君父之前者雍正六年冬月因吏部滿漢尚書俱

無在任之人蒙

登懷人自注

圭

世宗皇帝命 兼行署理比時原有西署二三年

之

青嗣後 屢次懇辭仍以堂官缺員未蒙

俞允且

諭若有差誤寬免處分

恩旨纏綿非臣下所能承受 臣每一跪誦涕零如

雨我

皇上新政之初 臣不敢遽以私情固請上年冬月

始敢瀝抒固陋 臣蒙

溫諭慰留 臣恭聆之下漸感無地伏念 臣自兼管



吏部以來已十有一年從來大臣兼攝別部  
未有如臣之久者今大馬之齒六十有七自  
覺精神思慮迥不如前事多遺忘食漸減少  
夫以望七之衰年而兼繁劇之鉅任又不能  
時常入署檢閱稽查竊恐錯誤擔延在所不  
免在臣身固無足惜而公事所繫匪輕言念  
及此汗流浹背現今滿漢尚書俱備正愚臣  
可以言情之時倘蒙

皇上聖慈俯垂鑒照保全其末路矜惜其衰顏載  
降

澤溪大馬年譜

奏

補官解退部務則減一兼官即減一分責任少一  
職誤之件即輕一分慚惶恐懼之心不世臣  
力寬徐無憂竭蹶而於本職應辦之事更得  
專心致力不至有顧此遺彼之虞頂戴  
聖主始終覆轡之仁恩永永無極矣為此具

奏請

旨十二月六日廷璩奉

命前往奉天督修

福陵工程

四年己未

六十八歲

是歲正月初二日

召集王公卿尹翰詹臺省官於

乾清宮賦柏梁體詩用一先韻

上首倡洪鈞氣轉叶韶年廷玉分得宣字恭獻身  
依

丹陛

皇仁宣之句若靄分得畋字恭獻石渠圖史供蒐  
畋之句

上又御製七言律詩一首示羣臣廷玉敬步

元韻進呈十五日三弟廷璩江蘇學政報滿回京

澤溪大馬年譜

奏

蒙

恩召見是月廷玉蒙

恩賜宴二次二月初十日若靄奉

特旨陞授侍讀學士三月間故鄉米價昂貴窮民

乏食寄信南回將莊租減價平糶以濟里人

四月二十一日奉

旨新科進士著莊親王和親王平郡王張廷玉訥

親尹繼善照上科例分別揀選具奏五月二

十八日內閣奉

上諭朕御極以來內外大臣中數人實能體朕敬

天勤民之心輔弼襄贊抒誠宣力有功於社稷有

益於蒼生勞績茂昭宜加優獎大學士伯鄂

爾泰張廷玉大學士福敏俱著加太保大學

士徐本查郎阿吏部尚書公訥親俱著加太

子太保吏部尚書甘汝來戶部尚書海望兵

部尚書鄂善刑部尚書尹繼善尚書銜徐元

夢直隸總督孫嘉淦雲南總督公慶復俱著

加太子少保廷玉等具奏懇辭再四不蒙

俞允六月二十四日因八旗志書纂修告成蒙

恩議敘加二級八月二十日內閣以纂修明史綱

欽定大清會典事例

卷

目奏請派員奉

旨著鄂爾泰張廷玉爲總裁官趙國麟陳惠華尹

繼善楊起曾爲副總裁官九月初九日奉

上諭朕此次奉

皇太后謁

陵著怡親王大學士鄂爾泰張廷玉在京總理諸

務十月二十八日奉

上諭朕駐蹕南苑部院八旗等衙門著照圓明園

之例輪班奏事天氣寒冷吏兵二部輪班之

日大學士鄂爾泰張廷玉不必前往十一月

皇上大閱回鑾

賜廷玉內廐良馬一匹十二月廷玉率翰詹諸臣

恭進

南苑大閱詩冊

五年庚申 六十九歲

是歲正月蒙

恩賜宴二次二月間故鄉信來知歲歉米貴貧民

乏食紳士有散賑之舉子馳信回里捐倉穀

一千石並囑弟姪輩實心舉行成此善舉聞

六月初一日若需等生母

欽定大清會典事例

卷

誥封一品夫人吳氏病故享年五十有八持家四

十二年養育子女俱各成立疊受

榮封賢淑之聲內外無間一旦溘逝悲愴不勝子

請

假十五日在寓治喪仰荷

天恩念玉年老忽遭此戚

特遣侍衛五十七到寓宣

旨慰問玉公大人及合京僚友俱往弔奠九月二

十四日若需扶柩從陸路回里擬停厝於北

郊之古塘啟行之日送者塞途益增哀感七

月初四日

恩賜

御製詩一首詩曰喉舌專司歷有年兩朝望重志

逾堅魏公令德光問里山甫柔嘉耀簡編調

鼎念常周庶務勞謙事每效前賢古今政績

如懸鑑時爲蒼生啟惠鮮

御筆親書大幅首行書賜大學士張廷玉末書

御筆二字廷玉敬承之下恐懼悚惶跼踖無地次

日入

見面陳謝個

溥儀大日記卷四

无

上諭曰朕詩字字皆卿實蹟但恐嘉獎未盡耳廷

玉免冠叩首謝曰

天章褒獎逾量臣實愧不敢當也九月二十四日

上諭朕此次恭謁

泰陵行禮著怡親王大學士鄂爾泰張廷玉在京

總理諸務十一月江蘇學政缺員

上以三弟廷璐曾經三任歷九年之久無忝厥職

欲仍用之玉以廷璐現在患病辭

上曰張廷璩可用也玉再辭

上曰廷璩爲人謹飭兼能閱文必稱任使十一月

恩命允

若鵬信來知扶母櫬於十月二十日抵里十  
二月長婿姚孔鋐以母年八十有四告請終  
養予與滿大學士管掌院事福公具奏蒙

溥儀大日記卷四

手

澄懷主人自訂年譜卷五

六世孫紹文重校

六年辛酉 七十歲

是歲正月蒙

恩賜宴二次初九日次孫曾詒生二月若雷白桐

回京三月京察屆期廷玉遵 例自陳懇

賜罷斥奉

硃批諭旨卿誠恪和平公忠敏練簡任機務兼總

銓曹正資倚任著照舊供職六月三弟廷璐

奉

澄懷主人年譜卷五

命主試江西七月二十六日

聖駕出口行開奉

旨著展親王和親王大學士鄂爾泰張廷玉在京

總理諸務輪班值宿紫禁城內九月九日廷

玉七十生日蒙

恩於行在頒賜

御書扁額曰調元錫祉

御書對聯曰忠誠濟美三台麗弼亮延麻百福申

御製詩曰歷掌絲綸佐斗樞心依行在想晨趨最

欣佳節當初度要識元衡半老儒潞國晚年

尤雙鑠呂端大事不糊塗緘詩並寄黃花酒

看取瀟瀟湛露濡首行

書賜大學士張廷玉七旬壽詩末

書乾隆辛酉秋九月行在御筆並

賜御用冠一頂蟒袍補服各一件數珠一串寶帶

雜佩全副八寶如意一柄無量壽佛金像一

尊膳饌餅餌珍果佳蔬八筵上酒一罇

命詹事鄂容安總管內侍王太平率內務府官員

資至邸寓宣

旨酌以金輦曰今日大學士七十生辰特賜壽酒

澄懷主人年譜卷五

相慶廷玉載拜領受次日具摺謝

恩奉

硃批覽卿奏謝矣九月二十日

聖駕回圓明園次增姚銓來京引

見蒙

恩實授青州運同十二月具奏懇辭兼管吏部事

務奉

旨著照舊兼管是月纂修

世宗憲皇帝實錄告成 臣等奉表恭進

皇上具禮服出宮至保和殿拜受復

御太和殿百官慶賀鳴贊官宣

制詞一應典禮照雍正九年之例次日降

旨將任事諸臣交部議敘越日臣廷玉等具奏懇

辭奉

旨交部一併議奏二十一日次媳姚氏病故媳賢

孝性成事上接下恭敬和順于歸四年一舉

一言悉合禮法歿之日舉室無不悲傷予告

假五日在寓治喪

七年壬戌 七十一歲

是歲正月蒙

漢人自訂年譜卷

三

恩賜宴二次二月十五日奉

上諭朕此次恭謁

泰陵著怡親王大學士鄂爾泰張廷玉在京總理

事務四月

殿試奉

命充讀卷官五月初四日奉

旨新科進士著莊親王和親王怡親王大學士鄂

爾泰張廷玉尙書訥親驗看分別等次具奏

是月因總裁吏部則例告成蒙

恩議敘紀錄三次七月四姪若震以母老懇請終

養奉

特旨俞允八月奉

旨朕於九月十一日前往馬蘭峪恭謁

祖陵著和親王怡親王大學士鄂爾泰張廷玉在

京總理諸務十月初一日若霽持母服期滿

初十日余率同詣

宮門請

安奉

旨張若霽著仍在南書房行走十二月十六日奉

上諭我朝文臣無封公侯伯之例大學士張廷玉

漢人自訂年譜卷

四

伯爵係格外加恩彼時伊奏請給與伊子張

若霽承襲之處不合今著帶於本身伊子張

若霽不必承襲欽此是月因鄂大學士父子

奉

嚴綸議處並降此

旨

八年癸亥 七十二歲

是歲正月十一日蒙

恩召至

重華宮賜宴聯句以浮園子爲題卽食品中元

宵也燈夕又

賜宴聯句三月若霽奉

旨補授翰林院侍讀學士四月

御試翰林詹事官於

國明園正大光明殿若霽詩賦蒙

恩嘉獎取置二等第三名奉

旨陞授通政司右通政若澄繼娶嘉興朱氏編修

諱奎女也六月欽奉

上諭本年七月內朕恭奉

皇太后前往奉天叩謁

清聖人自昇鑒

五

祖陵著履親王平郡王大學士鄂爾泰張廷玉在

京總理諸務此次三弟廷璐奉

旨隨駕七月初六日若霽蒙

恩陞授光祿寺卿仲壻姚鏞告 假養母偕二女

南歸十月

聖駕回鑾奉

上諭車駕東巡數月在京總理事務王大臣稽查

妥協安靜無事著照恩詔內扈從王大臣例

履親王平郡王紀錄二次大學士鄂爾泰張

廷玉加一級時 朝官有條奏取士之法不

當專用制科試士之法不當專用制藝者予

力持以爲不可更張當以仍舊爲善又有爲

均田限田之請者予深知事屬難行徒滋擾

累 廷議時動色力爭均蒙

聖明鑒察而從之十一月初八日奉

上諭大學士鄂爾泰張廷玉年齒俱老難於久立

朕陞殿視朝不必侍班又奉

上諭大學士鄂爾泰張廷玉年老難於騎馬著乘

輿入紫禁城

九年甲子 七十三歲

清聖人自昇鑒

六

是歲正月十六日奉

上諭朕於正月二十五日恭謁

泰陵著莊親王和親王大學士鄂爾泰張廷玉在

京總理事務三月初三日若霽蒙

恩陞授通政使司通政使是月京察屆期廷玉遵

例自陳懇

恩罷斥並舉協辦大學士事務吏部尙書劉於義

代大學士掌院學士之任奉

旨卿公正和平才品敏練簡任機務兼總銓衡正

資尙任著照舊供職該部院知道三弟廷璐

蒙

恩予告歸里四月二十日孫曾謚生若澄出五月

六弟廷琛轉補內閣學士旋奉

命主試江西七月初八日三子若淑畢姻同里

誥封招勇將軍陝西副將孫諱曰注之女也

請假二日以成吉禮九月順天榜發若澄中

式五十四名二十六日奉

上諭朕於十月十二日恭奉

皇太后前往湯山著莊親王大學士鄂爾泰張廷

玉尚書公訥親在京總理事務是月南書房

漢書大自註卷

七

先期承

古重齊翰林院落成車駕臨幸錫宴送大學士掌

院事鄂爾泰張廷玉進省以張說東壁圖書

府五律字爲韻賦東字首字二首勅廷臣三

十八人各分一字賦詩廷玉得圖字若霽

得美字

御製詩曰撫序權居北占星壁在東斯干歌翰苑

於樂宅儒風改殿當年昇登瀛此日同三台

司道筵二老亮天功樂具卿雲奏筵開湛露

融底希光舊史長此贊微躬

木天臨翠輦駕侶集華簪廣學心常切因文

道可尋橫汾陰豈昔來泮水猶今禮樂於斯

盛觥罍取次樹詩慚詞尙戲官箴返

轡重城暮猶聞歌繡音

廷玉詩曰卿雲籠玉署

黼座啟蘿圖碑影迎

天步金聲仰

聖謨

龍文成五采虎觀拜諸儒襄贊臣何有廣颺

帝曰俞宴歌魚在藻詩叶鳳鳴梧兩世桓榮席捫

漢書大自註卷

八

心感愧俱臣父曾掌院事十二年臣又蒙

御書稽古論思集賢清秘二額

賜臣鄂爾泰臣張廷玉卽懸於翰苑中堂二十七

日

駕發自乾清宮由午門出至翰苑先

詣祀

孔子祠肅穆如禮爰

升座羣臣次第上謁畢各就位樂作

賜宴酒三巡樂闋

天顏怡暢因舉十八學士登瀛洲事謂臣爾泰臣

廷玉曰卿二人誠無愧唐之房杜顧朕弗及  
太宗耳又曰翰林之職非獨文詞已也因文  
可以見道爾諸臣當深體此意臣爾泰臣廷

玉惶恐謹避席謝奏曰

皇上過唐太宗遠甚臣等謏薄亦思上佐

堯舜與中天之治然材分不逮竊自愧出房杜下  
上又倡柏梁體首句曰重開甲子文治昌命與宴  
百六十五人各賦一句以志盛典廷玉獻以

聖繼

聖垂經常句若謂獻仙豪雄健擺確碩句既撤宴

澄懷大旨詩卷五

九

上起如清秘堂羣臣趨出候

駕於沙隄之東未移晷尚書公訥親恭捧

御筆七言長句四首宣示諸臣則又

上於更衣次援筆立成者也羣臣跪誦之下歡喜

讚歎以爲亘古所未有隨

頒賜諸臣樂善堂文集性理精義各一帙文綺名

茶筆墨諸物有差是日宴罷

車駕由翰苑幸貢院遍觀堂所周隨號舍軫念士

子風檐矮屋之辛苦

御製七言律四首親麗宸翰刊刻於至公堂之中

羣臣等因請摹勒頒賜各省舉場從之

十年乙丑 七十四歲

是歲正月初四日奉

召同內廷詞臣宴集

重華宮聯句長男若謏亦與二月 日奉

上諭朕此次恭謁

祖陵著莊親王平郡王大學士張廷玉尚書公訥

親在京總理事務欽此四月十一日會試榜

發次男若澄中式第六十七名次日詣

昭明園宮門謝

澄懷大旨詩卷五

十

恩是月十九日四男若淳畢姻同里浙江處州府

同知夏諱啟珍女也告 假二日以成吉禮

二十六日

殿試五月初一日傳臚若澄名在二甲第十六

十九日

保和殿朝考蒙

恩拔取第十七名四月二十二日西林鄂相國爾

泰仙逝五月二十二日奉

旨以訥親代之次日廷玉面奏我

朝舊制內閣係滿大學士領班臣謹奏聞越日



內閣以班次請奉

旨著訥親居首訥隨具奏大學士張廷玉參贊繪

扉已歷二十餘年臣初膺

恩命卽在大學士班首臣心實有未安等語奉

旨訥親所奏亦是但我朝舊制內閣係滿大學士

領班張廷玉早已而奏若以任用之先後爲

次序則當日鄂爾泰卽不應在張廷玉之前

嗣後內閣行走列名訥親在前吏部行走列

名張廷玉在前欽此二十八日揀選新科進

士奉

漢美貞聖鑒

士

旨派出莊親王和親王平親王大學士訥親張廷

玉尙書來保分別等次具奏若澄名在一等

六月初六日一等二等進士引

見若澄蒙

恩選入庶吉士習清書是月二十四日奉

旨七月內朕出口行圍著履親王平郡王大學士

訥親張廷玉在京總理諸務所有七八兩月

文武大選官員著照乾隆八年之例文員內

之通判州縣等官武員內之八旗護軍校驍

騎校及各省送到之補放水手官驍騎校等

官並年滿千總俱交王大臣驗看其中若有

年老才庸不勝繁劇之缺者酌量調補隨具

本奏聞可卽傳諭該部知之欽此七月二十

日孫曾調生若靄出九月十六日桐城家信

至驚聞三弟訃音哀慟欲絕次日設位於東

書齋小方壺率子姪合家祭奠告假三日公

卿僚友皆往弔唁十月十七日若靄奉

特旨陞內閣學士兼禮部侍郎王奏辭

上不允父子兄弟姪姪同在綸扉乃舊事之所無

舉朝以爲榮玉益滋愧悚十八日側室吳氏

漢美貞聖鑒

士

病故三男若淑生母也柩停於東書齋予告

假三日若淑以

恩廕授五品官生母例應候贈宜人

十一年丙寅 七十五歲

是歲正月初十日

召集王公大臣內廷翰林錫宴

重華宮聯句廷玉偕長男若靄與焉十五日奉

召瀛臺觀煙火十六日

上奉

皇太后瀛臺觀烟火

御製卽景燈詞八章第六章有殿前底事金蓮撤  
歸第羣看相是張句注云大學士張廷玉自  
雍正年間至今與上元燈火之觀凡二十餘  
年故以張說故事比之二月十七日四男若  
淳舉子曾謐是月六弟廷璩以病求退奉  
旨解任回籍調理三月恭

進三禮蒙

恩議敘加二級閏三月

御撰綱目三編告成蒙

恩議敘加二級是月六弟束裝歸里七月奉

上諭本年九月朕恭謁

主

泰陵並往五臺著莊親王平郡王大學士訥親張

廷玉在京總理諸務其月選文員內之通判

州縣等官武員內之八旗護軍校驍騎校及

外省送到之補放水手官驍騎校等官並年

滿千總俱著在京之王大學士照從前之例

驗看可卽傳諭該部知之又奉

上諭各部院帶領人員引見朕降滿洲旨意處居

多替

皇祖時凡遇滿洲尙書出差俱係滿洲侍郎領進

班第現已出差今日兵部引見人員著照舊  
例今舒赫德居首領進嗣後卽照此遵行至  
於吏部則大學士張廷玉年久其進退熟嫻  
滿洲儀節著仍在前行走八月二十一日奉  
上諭康熙二十年七月我

聖祖仁皇帝駐蹕瀛臺特召大學士以下各部院

衙門官員賜宴命內大臣傳諭慰勞賞賚有

差至今稱爲盛事朕臨御以來仰賴

上天眷佑海宇乂安今歲京師雨暘應候百穀蕃

昌畿輔共獲有秋各省亦多收穫

上諭

古

天庥滋至我君臣應額手慶成今當秋風薦爽景

物咸和念茲宗藩瓜戾誼屬本支大小臣工

宣猷効力宜循往典錫之宴享以昭君臣一

體之情叶笙簧酒禮之歡著於瀛臺設宴本

月二十七日宴王公及近支宗親二十八日

宴大學士九卿堂詹事科道載考古昔君

臣有賞花釣魚宴飲賦詩之事諸臣內或文

學侍從或翰墨素嫻者著入宴賦詩以效賡

颺喜起之風是日廷玉與若雷並侍宴於

含元殿

上首倡金風玉露慶西成句諸臣以次分賦廷玉賦曙光銀漢橫庚庚句若霽賦淑清萬卉園芳勝句

上復用唐李嶠甘露殿侍宴詩字爲韻賦月字霞字五言律各一首

命大臣及內廷翰林三十八人分賦廷玉得字字若霽得霽字

上又製七言律四章令廷玉賡和第二章有三世方明陪宴賞從教佳話冠螭頭之句注曰大學士張廷玉之父曾侍

清懷大旨

去

皇祖西苑宴賞今與其子若霽共陪此會亦盛事也筵宴既畢泛舟至流杯亭諸臣卽事聯句各

賡詩賡繚帛嘉魚珍果而歸九月因

巡幸五臺奉

諭大學士張廷玉今在京總理事務朕念其年逾古稀若照例直宿未免過勞著每日進內辦事不必直宿三子若淑四子若淳各照本身品級捐請生母及本身妻室

封典十月十八日奉

上諭大學士張廷玉服官數十年日侍內廷勤勞敬慎夙夜靖其靡間寒暑今年逾古稀每日晨興赴闕未免過勞朕心軫念古大臣有於居第視事數日一至朝堂者嗣後可仿此意不必向早入朝或遇炎蒸風雪或自度宜於少休亦不必勉強進內其有應辦事務可以在家辦理俾得從容頤養精力自加強健以示朕優眷老臣之意十九日大學士訥親傳旨大學士張廷玉步履微覺艱難吏部引見月官時不必勉強帶領九月初十日

清懷大旨

去

聖駕恭謁

泰陵卽由易州前往五臺長男若霽奉

首扈從途次承

命賦詩作畫皆蒙

嘉獎拜

賜御饌果餌無虛日

上登清涼山

命諸臣留駐王塊惟若霽與內廷近臣從行歸次保定忽感寒熱之症

聖慈屢念諭令先歸並

賜珍藥遣太醫院護視及

上回宮屢承

垂問至病勢轉劇一日之間

詢問數次並切

諭廷玉寬懷顧養若霽問

命猶於枕上叩首謝恩十一月十七日申時溘然

長逝易簣之時惟以未報

君恩爲恨語不及私嗚呼痛哉

上聞特降諭旨內閣學士張若靄在內廷行走十  
餘年小心勤慎能恪遵伊父大學士張廷玉

溘然天自殞

七

家訓深望其將來尙可有成今秋屢從於途  
次患病隨遣御醫調治且令其先回冀卽痊  
可以慰伊老父之心不意遽聞溘逝深爲憫  
惻伊從前曾襲伯爵因其與定制未符是以  
令在本任供職今著加恩照伯爵品級賞銀  
一千兩料理喪儀大學士張廷玉年逾古稀  
遭此傷痛殊難爲懷可傳諭令節哀自愛勉  
副朕軫念之意十八日

上遣內大臣戶部侍郎傅恒至寓看視宣

旨慰問諄切周至並

賜糜粥諭令加餐越一日或二日必遣侍衛詢問

食狀廷玉告假二十日在寓治喪王公卿

尹寮案友朋皆枉弔奠十二月禮部覆奏卹

典蒙

恩賜祭一壇十七日奉

旨大學士張廷玉在內廷行走年老需人扶掖伊

子庶吉士張若澄著在南書房行走

溘然天自殞

六

澄懷主人自訂年譜卷六

六世孫紹文重校

十二年丁卯 七十六歲

是歲正月初七次男若澄蒙

特旨授職編修是日四男若澄舉第二子曾誼十

二日

上召集王大臣內廷翰林錫宴聯句於

重華宮以爆竹爲題廷玉偕若澄與焉二月初

一日大女白桐抵都因傷若靄之棄養遠來

省視初四日奉

澄懷主人自訂年譜

十

上諭朕此次恭謁

祖陵著莊親王和親王大學士訥親張廷玉在京

總理諸務欽此初七日七姪若霍到京初八

日若澄奉

旨隨駕謁

陵十四日巳時

諭祭長男若靄於邸第禮部侍郎鄧鍾岳率執事

司官太常寺官捧

諭祭文至靈樞前舉行

典禮牲禮香帛祭品俱如儀太常官宣讀

祭文禮成次日廷玉具摺資

行在謝

恩三月初一日京察屆期廷玉遵 例自陳懇

賜罷斥並舉協辦大學士事務吏部尙書劉於義

代大學士任刑部尙書汪由敦代翰林院掌

院學士任閣臣擬票進 呈

御筆更改發出奉

旨卿老成忠厚才品優長簡任機務兼總銓曹正

資倚任著照舊供職該部院知道初二日具

奏爲若澄請 假護送兄櫬回籍蒙

澄懷主人自訂年譜

二

恩賜假三個月本月初七日長孫曾效扶柩從陸

路旋里次男若澄護送啟行之日在京僚友

姻親送者俱設路祭益增哀感大女亦同歸

十九日若澄舉第二子曾誼四月初七日若

澄抵里信來途次平安於十六日在籍受弔

十九日安厝於古塘五月十三日奉

上諭本年七月內朕出口行圍著莊親王履親王

大學士訥親張廷玉在京總理事務其月選

之文員內通判州縣等官武員內八旗護軍

校驍騎校及外省送到之補放水手官驍騎

校等官並年滿千總俱著王大學士照從前之例驗看可傳諭該部知之欽此十八日廷玉承

旨派翰林十人中書十人繕寫李善注文選一部校對翰林一人開局於澄懷園之麗景軒大官傳餐上方給札間日賜肴饌果品閱四十日書竣裝潢進

呈蒙

賜宮紗人各四疋二十一日吏部帶領各部院衙門

大清美貞集卷八

三

京察一等官員引

見奉

旨賽尙阿額爾登額圖起榮德步登廷覺羅甯永安蘇傳和何其膺郭肇鑽錢琦葉酉程恂陳大聆程景伊朱佩蓮西成吳自高諄泰色明覺羅鄂岱恒昌德源七十六特屯克爾圖積善諾穆渾書章阿常泰孫琦賦恒薩哈泰覺羅吳勒三瓦爾達佟崙福興阿俱准其一等加一級吳紱朱荃金姓文敏伍秀覺羅七八俱著改爲二等吳紱年老朱荃金姓不過

稍有聰明學問均屬平當金姓年分亦淺皆不稱保薦若此等得列薦舉則翰林院可保之人尙多何以服眾且今次翰林院保舉一等人員比上次較多著將掌院學士交部察議欽此吏部議覆照例降二級有加級抵銷奉

旨依議六月十三日次男若澄長孫曾效回京次日廷玉率若澄詣

宮門銷假謝

恩十五日奉

大清美貞集卷八

四

上諭馬端臨文獻通考一書綜貫歷代典章制度由上古以迄唐宋源委瞭然學者資以考鏡明王圻取遼金元明事蹟續之煩蕪算要未足與三通並且至今又百五十餘年矣我朝監古定制憲章明備是宜搜擇討論以徵信從其自乾隆十年以前會典所載令甲所布金匱石室所儲與夫近代因革損益之異上溯宋嘉定以後馬氏所未備者悉著於編爲續文獻通考大學士張廷玉尙書梁詩正汪由敦經理其事惟簡惟要所有纂輯事宜酌

議以聞欽此七月二十日

上行圍出口廷玉遵

旨總理事務不直宿九月初十日尙書傅恒字寄  
總理事務王大臣內開奉

上諭朕至湯山王大臣等前來接駕時大學士張

廷玉年逾古稀湯山距京尙遠看其精神可  
來則來不可稍有勉強在京接駕亦同一體

著傳諭王大臣等酌量之欽此廷玉聞

命不勝感悚因步履尙可勉強仍赴湯山接

駕蒙

澄懷美自訂集

五

召見行宮慰問良久十月初七日若澄奉

旨任懋勤殿行走十一月初四日若澄奉

敕臨文徵明谿山深雪圖蒙

御筆題詩云居然鍊雪舊齋邊

御筆注曰張若靄有鍊雪齋印記若澄其弟也

格書禪肖脫懸爲仿停雲瀟灑筆玉峰高欲

倚瑤天鍊雪齋亡兒若靄讀書處也越日若

澄又奉

敕畫秋林疊嶂圖復蒙

御題云底事林巒愛寄情每看文筆灑然清生秋

庭裏詩爲書鍊雪齋中弟繼兄隔歲榮懷吟

且置一番觸目興偏生碧雲天在高山外寫

作排空雁字橫伏思若澄新進小臣以塋鴉

薄技蒙

恩獎賞

宸翰親題並念憶若靄不置悲感咸集涕泗交頤

廿九日若澄蒙

恩賞貂褂一襲十二月初三日奉

敕纂修詞林典故書成進呈

御覽蒙

賜序文又

澄懷美自訂集

六

御製詩四章賜廷玉詩曰儘有研京並練都導言

何用但吹竽便將翰苑登瀛譜喚作卿家世

系圖 日影花磚鈴索靜春風芸署榜題雙

寶山自古稱佳話事業何人繼曲江 韻集

燕公四十賢

御筆注曰劉長卿云五言律如四十個賢人

晨星數罷一悽

然 御筆注曰朕幸翰苑廣吟者如大學士郭爾泰尙書張照燕不數年皆物故矣 卽看壁府良成

帙重憶柯亭劉井邊 見說房公獨善謀幡

幡長領鳳池頭更兼兩世桓榮席誰不云然

勝一籌奉

旨發武英殿刊刻頒賜

十三年戊辰 七十七歲

是歲正月初二日四男若淳舉第三子曾諒

初九日

上召集王公大臣內廷翰林宴

重華宮聯句廷玉偕若澄與焉初十日扈從

上駐蹕圓明園十六日

賜大臣宴廷玉蒙

賜如意端硯水晶花瓶諸珍器十八日奉

上諭本年二月內朕恭謁

孔林著履親王平郡王大學士訥親張廷玉在京

漢書

七

總理事務二十九日

上以幾暇召對廷玉瀝陳年力衰邁實難供職懇

求解退以免隕越蒙

恩慰留廷玉免冠叩首者再雪涕陳情不蒙

俞允

特頒諭旨千言往復諄至大日

臨軒廣集諸臣又申

諭命廷玉不勝感戴惶悚

諭旨曰大學士伯張廷玉年來屢於燕見之大以

衰老乞休朕輒宣諭慰留但因年齒既高時

加軫念前後數頒溫旨令其盛暑祁寒不必  
勉強赴直隨時量力以資調護每見其神情  
矍鑠深用愜懷以爲邦家祥瑞昨緣召對復  
力以年近八旬請得歸榮故鄉情辭懇切至  
於淚下朕向諭以卿受

三朝厚恩且奉

皇考遺命將來配享

太廟豈有從祀元臣歸田終老之理而伊昨奏引

宋明配享之臣曾有乞休得請者舉數人爲

証且稱七十懸車古之通義又引老子知足

漢書

八

不辱知止不殆爲解朕不以爲然昔人久處

要地恐滋譏謗將致貪戀貽譏勢必迫於殆

辱故易云見幾而作不俟終日要豈所論於

與國家關休戚視君臣爲一體者哉設令昏

耄龍鍾不能事事瘝官曠職於治體有妨亟

當避賢者路在朝廷亦不得不聽其引退然

昏耄龍鍾者固將神明憤然其於去留已瞢

不知使其心尙知覺則日日同堂聚處之人

一旦遠離雖屬朋友尙有不忍況在君臣豈

竟漠然書曰天壽平格又曰耆壽俊在厥服



秦穆霸王尚猶詢茲黃髮使七十必令戀車  
何以尚有八十杖朝之典卿精采不衰應務  
周敏不減少狀若必以泉石徜徉高蹈爲適  
獨不聞武侯鞠躬盡瘁之訓耶若如卿所奏  
武侯遭時艱難受任軍旅生逢熙洽優游太  
平未可同日而語朕又謂不然臯夔稷契與  
龍逢比干所遇之時不同而可信其易地皆  
然其心同也設臯夔稷契無龍逢比干之心  
必不能致謨明弼諧之盛龍逢比干無臯夔  
稷契之心亦必不能成致命遂志之忠遭遇

漢書卷一百一十五

九

雖殊誠蓋則一夫既以一身任天下之重則  
不以艱鉅自諉亦豈得以承平自逸爲君則  
乾乾不息爲臣則蹇蹇匪躬所謂一息尙存  
此志不容稍懈朕爲卿思之不獨受

皇祖

皇考至優至渥之恩不可言去卽以朕十餘年眷  
待之隆亦不當言去卽令果必當去朕且不  
忍令卿遽去而卿顧能辭朕去耶卿若恐人  
議其戀職因有此奏則可若謂人臣義當如  
此則不可朕嘗謂致事之說必古人遭逢不

偶不得已之苦衷而非士人之盛節爲人臣  
者斷不可存此心何則朝廷建官命職不惟  
逸豫惟以治民而人生自少至老爲日幾何  
且筮仕之年非能自必設令預以此存心必  
將漠視一切泛泛如秦越人之相視年至則  
奉身以退耳誰復出力爲國家圖庶務者此  
所係於國體官方人心世道者甚大我朝待  
大臣恩禮薦至而不忍輕令解職大臣苟非  
隆老有疾不輕陳請恐不知者反議其貪位  
戀職而謂國家不能優老全其令名是不可

漢書卷一百一十五

十

以不辨故因大學士張廷玉之請舉朕所往  
復曉譬者布告有列其所陳既未允行重違  
其意所有吏部事務不必兼理俾從容內直  
以綏眉壽大學士來保著兼管吏部尙書事

二月初四日

上啟駕東巡若澄以

內廷翰林

欽點扈從三月十三日廷玉於總理事務直廬接

奉

詔諭驚聞

大行皇后於十二日德州舟次崩逝駭痛欲絕伏地不能起十四日趨赴通州迎

駕十七日隨

鑾回宮是日安奉

大行皇后梓宮於

長春宮親王以下及有頂帶官員制服舉哀每

日三次齊集四月初十日奉移

大行皇后梓宮安奉 景山內

觀德殿每日照舊齊集廷玉蒙

恩垂念年齒衰頹不必遵照定例但於大祭之期

欽奉大皇帝聖訓

上

與祭行禮十一日會試榜發姪曾孫裕榮中

式第十二名二十六日廷玉奉

旨充殿試讀卷官五月十八日奉

旨莊親王和親王大學士張廷玉協辦大學士傅

恒刑部尚書達爾黨阿揀選新科進士分別

等次引

見裕榮蒙

恩選拔庶吉士二十九日

御試翰詹諸臣八十七人於

乾清宮

欽命賦題竹泉春雨以有斐君子終時務疏一道洞庭不可謬令為韻

張樂詩限和字七言排律八韻

欽取一等三人二等十人三等二十人餘俱四等

若澄名居二等第六六月初七日引

見若澄陞授詹事府右春坊右贊善是月四男若

淳遵東賑事例捐納主事閏七月初八日奉

上諭朕此次前往盤山著莊親王平郡王大學士

張廷玉來保協辦大學士尚書陳大受在京

總理事務二十九日十姪若需服闋進京供

職八月初三日奉

欽奉大皇帝聖訓

上

上諭朕此次恭祭

泰陵著莊親王履親王大學士張廷玉來保協辦

大學士尚書陳大受在京總理事務初十日

七姪若霍以九卿保送國子監學正等官吏

部帶領引

見奉

旨張若霍著補授國子監學正九月初八日校對

皇清文穎進

呈奉

上諭文穎館所進刻本就朕御製詩中偶一披閱

訛繆甚多御製尙然不知該館所稱校對者何事雖魯魚亥豕不能必無而累牘連篇豈宜屢見書館事例幾如套寫之譏翰苑聲華總無校讐之實惟遲其事鮮赴厥功編纂冀久饜餐錢告竣復冒叨議敘魚雅諸臣能不白媿耶總裁官張廷玉梁詩正汪由敦并編校人等著交部議處嗣後各館有錯繆失於勘正者視此隨經部議奉

旨張廷玉著銷去紀錄一次免其罰俸十月初八日廷玉等奏爲請

欽定奉

旨

旨事查大學士行走班次應行請

旨今協辦大學士尙書傅恒奉

旨補授大學士其行走班次前後伏候

欽定奉

旨嗣後御門陞殿一應外面行走列名傅恒在前

內廷軍機處行走列名張廷玉在前閤日大

學士傅恒具奏本月初八日內閣奏大學士

行走班次奉

旨令臣在張廷玉之前竊念大學士張廷玉參贊

綸扉已歷二十餘年卽以滿漢而論尙有來

保高斌簡授在臣先臣初膺

恩命卽在大學士班首臣心實有未安伏乞

皇上睿鑒命臣在各大學士之末則愈感

皇恩於無既矣奉

旨不必辭二十日奉

上諭朕閱翰林院撰擬

孝賢皇后冬至祭文內有泉臺字面此二字用

之常人尙可卽王公等亦不宜用豈可加之

皇后之尊乃漢文旣已誤用繙譯亦不校正大

學士張廷玉等全不留心檢點草率塞責殊

欽定奉

旨

失敬謹之義張廷玉阿克敦德通文保程景

伊俱著罰本俸一年三十日奉

上諭雲南巡撫圖爾炳阿續參趙州知州樊廣德

虧空一本例應撫參督審今內閣所擬票簽

仍交該撫審擬經朕看出查詢始據改正且

請交部察議夫察議者不過降罰了事而已

然以五人在閣似此尙有定例之事竟至辦

理錯誤使朕萬幾之煩尙須審詳至此於心

何忍豈有不愧張廷玉來保陳大受均在軍

機處行走尙有交辦事件或係一時疏忽而

陳世倌史貽直則終日在內閣專辦票簽並無餘事而錯誤至此溺職殊甚張廷玉來保陳大受著交部察議陳世倌史貽直著交部嚴察議奏隨經部議張廷玉應降二級查任內有加級應准抵銷奉

旨依議

十四年己巳 七十八歲

是歲正月初四日

上召軍機大臣入內面咨機政畢

特垂問廷玉年齒以近來容貌稍覺清減恐不任

勞瘁令四五日一入內廷備顧問

五

溫語纏綿保護曲至廷玉免冠叩首仰戴

天恩不勝感泣

諭旨曰大學士伯張廷玉

三朝舊臣襄贊宣猷敬慎夙著朕屢加曲體降旨

令其不必向早入朝而大學士日直內廷寒

暑罔間今年幾八袞於承旨時朕見其容貌

少覺清減深為不忍夫以尊彝重器先代所

傳尙當珍惜愛護況大學士自

皇考時倚任綸扉歷有年所朕御極以來翊亮天

工久近一致實為勤勞宣力之大臣福履所鍾允為國家祥瑞但恭奉

遺詔配享

太廟予告歸里誼所不可考之史冊如朱文彥博十日一至都堂議事節勞優老古有成模大學士紹休世緒生長京邸今子孫繞膝良足娛情原不必以林泉為樂也著於四五日一人內直以脩顧問城內郊外皆有賜第可隨意安居從容几杖願養天和長承渥澤副朕眷待耆俊之意且令中外大臣共知國家優崇元老恩禮兼隆而臣子無可已之日自應鞠躬盡瘁以受殊恩俾有所勸勉亦知所安心盡職初五日具摺謝

恩蒙

召入諭曰

蒙

親灑宸翰書

御製詩一章卽直廬以賜前書大學士張廷玉年幾八袞猶日趨朝念其勤慎夙著特加優禮命五日一入內廷脩顧問如朱文彥博故事

因成是什賜之並勸有位詩曰職曰天職位  
天位君臣同是任勞人休哉元老勤宣久允  
矣予心體恤頻潞國十朝事堪例汾陽廿四  
考非倫最茲百爾應知勸莫羨東門祖道輪  
後書乾隆己巳正月五日御筆廷玉拜捧之  
下仰見

皇衷愷摯特眷衰遲

天寵崇褒實逾涯量

親抒膚藻高古淵深尤非前代帝王所能及

聖澤優隆

澄懷園全訂年譜

七

宸章炳煥實爲史冊所希聞不僅一身之光寵延

玉齒德不逮古人而榮遇過之撫躬循省咸

愧交并又

命內廷翰林恭和

御製元韻聯爲巨軸歌詠以榮老臣尤爲廣颺盛

典自是仰遵

聖諭在邸寓休沐四五日一入內直焉

澄懷園全集三十七卷

通政司使張  
若淳刊本

國朝張廷玉撰廷玉字衡臣號硯齋桐城人康熙庚  
辰進士官至保和殿大學士諡文和是集爲廷玉  
所自編凡文存十五卷皆乾隆戊辰以前作詩選  
十二卷皆雍正乙卯以前作載廣集六卷皆乾隆  
丙辰以後作澄懷園語四卷則所作筆記也

# 秋江集六卷

〔清〕黃任撰

吉林大學圖書館藏清乾隆刻本

附《四庫全書總目·秋江詩集

六卷》提要

## 秋江集詩序

閩中故多詩人作者代出至今日而論詩則舍吾莘田誰歸哉莘田弱冠登賢書高步翰墨場宦粵之四會有惠政罷官歸貧不能自存而獨耽於詩清詞麗句錯落於弓衣羅帕間莘田負異才終日閉門手一編自經史子集以及稗官百家無所不窺采其菁華朝涵夕咀浸灌醞釀於胸中而於詩日事參會源流正變間皎然如辨澠淄矣性伉直介然獨立不能隨俗爲委蛇

秋江集

詩序

遇四方才俊爲聲勢氣力者所激賞一時名籍甚更或挾其一家言片然負重望當世靡不翕然推服以爲宗範者視之蔑如略不一當其意也後見余詩而異之始披數餘篇意聳然繼乃遍觀各體歌行樂府則嘆其風骨興象之超密詠長吟一字一擊節爲之斂衽折屐云我當北面予聞之慙且駭掩耳而走蹙然不敢當者累日昔人云得一知已可以不恨吾何以得此於若哉至今心搖搖未能自信然以爲平生之知

已則誠是矣庚戌予重至三山一見定交相得  
歡甚無間蓋相感在風塵外爲世俗交者弗識  
也隨手錄其詩相屬近復數千里寓書爲之細  
加決擇七古出入於韓蘇棄婦詞有樂府遺意  
五言古築基賑粥諸篇愷直悱惻香山之秦中  
吟也七律以大歷爲宗時得劉盧張李諸家境  
趣無題數章則造義山室矣至於七言絕句寔  
兼玉溪金荃樊川之長有妙思有新色有跌宕  
之致有虛響之音一唱三嘆深情流注於其間

秋江集

詩序

二

令人讀之悄焉以悲怡然以悅黯然魂銷而不  
自持詩之感人一何若是其深乎哉天地一有  
情之區也詩生於情故無情者不可以言詩人  
生而情具之固未嘗一日而絕於世也則是詩  
之傳也奚疑焉時

乾隆甲戌秋七月東吳學弟許廷鏞

秋江集詩序

閩士多文尤篤於朋友之誼蓋其俗厚而縉紳先生  
風示使然也庚戌辛亥間余以新進士觀政閩中奉  
大府檄入叅志局因獲交於編修謝古樵道承行人  
劉隣初敬與之二公學老文鉅卓冠一時而分修諸生  
十許輩亦復推激風騷彬彬如也顧皆不以余謏陋  
見輒投分若平生歡論詩賭酒往往至夜分未已一  
日瞥見壁間越王臺詩磊磊塊塊如山鎮帑益以書  
法疎秀稱其文章不覺失聲詫曰是所謂建大將旗

秋江集

陳序

一

鼓八面受敵者惜乎阻於地卒不可得見其人衆笑  
曰公欲見之乎旦暮且來是籍永福而家會城詩人  
黃二者也余聞大喜就枕不能瞑雞三號卽披衣起  
步至光祿坊訪之莘田方沐遣僮奴報客且堅坐以  
待少選曳革履而出則見其鬚眉如戟瞳子如點漆  
面白皙口若懸河適稱向者壁間所見意中所擬之  
人遂與訂交自是莘田數見過志局余亦數至其家  
歷二年每誦其詩覺胸中輒有長進蓋余書因謝以  
變而余詩因黃以力朋友之益也莘田以康熙壬午

舉於鄉屢擯禮部中間流寓姑蘇頗事聲色不自顧藉大病而歸踰年宰粵東四會兼攝高要高要故傾端溪三洞而莘田有硯癖喜過其望又長於吏幹爲上官所器高要本劇邑迎外以解四會慨慨耳風草雅措譽聞日隆遂有忘之者讒於當時以懶慢不親政罷去莘田既廢而嗜硯益篤家居構精舍榜曰十研軒招三數密友歌嘯其中然終以負冤謗未究施設爲恨故多託於美人香草繚戾抑塞之音抑或禪榻茶烟撫今懺昔往復折挫情辭哀到而韻彌長方

秋江集

陳序

二

以林鴻二玄曹謝之徒有過之無不及矣別二十年莘田從子惠成進士訪余邸舍袖出莘田詩且傳命見督爲序挑燈讀之大率皆曩所見者間有所益亦不多而其他視舊帙減十之五夫與其過而汰也寧過而存之如莘田所爲雖賸句小篇皆有可寶而芟夷至是過矣昔楊子雲悔其少作德祖非之韓杜之詩後人多求之集外且須收名廢什如追適亡母令後人嗟唏也且夫百工伎術形骸之役多以老廢文士則不然是故病而猶呻老而更成方余初交莘田

時年纔三十有二而莘田已五十今余年視向者莘田之年且過之則莘田當復益衰而古梅由編修累遷閣學卒官隣初未改官遽引疾去志局諸生十許人中存者裁一二數每從南人訊莘田近狀輒云黃二丈頗健在善飲猶昔貧則有加焉而所謂十研齋者已別售移居聞齋中所貯亦銷磨過半流光如此人事如此豈不痛哉謂宜懷人感舊一寓於篇而集中踵入者顧不概見何也毋亦頽然自廢任其散失而不自收拾耶抑鈔謄簡畧吾見之不廣也如前之

秋江集

陳序

三

說棄者宜藏如後之說缺者應補莘田且以爲何如也進士惠告別期促未有以報會其年家子李霖邨雲龍州牧需次吏部俾附入家郵達焉嗟乎甲寅之秋與莘田別洪山橋舟次且泣且嘆如昨也諸公見贈金石文及周彝漢俎二十年來類爲見者偷奪殆盡而其依依見愛之意故不忘也長逝者不可復作矣幸而存如吾與莘田隣初或者可復得相見爲茲集中增一老友聯吟之作此則存乎強有力之天而非我與君之所敢望也錢塘學弟陳兆崙謹



客春子應道山書院之聘別雷學使翠庭學使閩人  
手條列其鄉之雋哲姓名盛推黃君莘田予心異焉  
汪徵士槐塘夙遊閩亦向予津津齒君爲是中之鉅  
才長德而詩之駸駸及古匪今所多有予至之日卽  
訪君廬怪石嶽蹲老籐蟠蔭烏几尊敦斑斑然蕉葉  
之研墨氣未乾君古須眉啜茗吟其中兀然山澤  
之臞也促席論詩一見卽成衿契予出戶必詣君相  
得如老昆弟君善病予亦中海嶠嵐瘴右臂幾不仁  
急辭歸別君帷榻間依依不能舍予酷愛君詩惜無

秋江集

桑序

書人繕錄君輒舉平生所著作秋江集授予屬訂定  
予歸事箴砭病良已秋走南岳歲暮抵舍今年江右  
主濂溪書院攜君詩行笈中至是乃得卒業閩詩派  
導自二藍林膳部高翰籍與王皆山輩號十才子力  
仿唐音鄭少谷以矯峭變之而高霞居傳前邱與屬  
和其後曹石倉謝小草仍操其土風君才思滔滔多  
師爲師清麗絲芋而風骨凝然獨超衆嫫其縑杼性  
靈自溢其清真於灑落之餘不樛陶韋而合蓋如其  
標格以爲聲詩杰然足振南中風雅之緒蓋有以見

君翠庭槐塘之不輕推許而名下士之無虛若是也  
君撮皮皆真相對俱見肺腑自爲孝廉頻上公車不  
肯趨逕途卒踏蹬不得志其時長安要津莫不傾倒  
君而持節嶄嶄如是牽絲出粵東強項倦折腰敝屣  
一官固宜而爲粥食餓者不敢出嗟來之聲舊愛至  
今在人口集中惻憫時艱彷彿元道州春陵之作吾  
有以知君之爲政不負夙昔之志也旣歸田貧且老  
生事益微風雨獨吟不問戶外事而名公之知君者  
擁節至是邦必式廬鄭重邀吟唱陳蕃昌黎以欵接

秋江集

桑序

孺子玉川爲華而二三老成皆童時釣游之侶琴歌  
酒賦相與徜徉於山椒湖潏之間信足以破岑寂之  
孤踪治衰遲之清興已予獨悵不得常與君數晨夕  
共賞析數千里外聊寫此素心序而歸之乾隆丙子  
季夏桑調元

秋江集卷一

永福黃 任 莘田

秋來

斜日銀床涼高梧墜一葉何來遠籟聲千林與之接寂寞將何言蕭散固所愜

夜坐

坐久月未出微風吹我襟星搖夜窻動露下秋堂深衆響倏以寂遠生天外音冷然不可寫傳與朱絲琴

初秋同許雪邨遊清園

所立最閒曠能將遠意收高風獨鳥下古木斷雲流寂寞清難暑空山響易秋翛然來暮景添得桂松幽

秋江集

卷一

郭書禪至再用前韻

故人有冰雪殘暑忽然收結夏曾幾日又當大火流一菴松下墮孤磬水邊秋共此石床坐無言心轉幽

游心水夜話

驥尾龍鱗會有期著鞭偏早積薪遲照鄰合讓居前輩德祖何應屈小兒鑄就浪仙呼古佛繡他公子買新絲升沉臭味酸鹹外此意吾曹只自知

冬日雜詩

北風吹床帷明星照牖戶中庭起浩歎抗懷不得吐出門車馬喧賓朋冷尊俎油油伸笑言脈脈各肺腑虛譽翻見嫉繆茶勝於侮不如鍵一室臥歌雜起舞慎莫秋蟲號隣

人厭吟苦

擯鼻曝一竿柴門縛兩板詩書塞我坐縱橫恣心眼其餘數家具筆瓢亦苟簡室人倚寒機不言其色赧一笑勸勞之乞米正修束由來負郭田不是土恒產所恨乏稻秫何以謀一盞

天寒日易夕夜房響刀尺鄰機買餘布斗粟不可易開篋理舊衣斷縫百罅隙大女如母長紉針倚床席小女不解事嬌啼索金碧嘈嘈環我旁誰能卽呵斥索我征衣裳寬樣改雙積縑塵不堪著教人作泝澣猶有春風泪斑斑見舊蹟

曉起南窻下一編哦清新古人不可作語言日夕親於義

秋江集

卷一

二

有感發志意多所伸而後之出處非復同古人文字遂我欺使我增酸辛置書不欲觀古意難重陳

灼灼籬東菊婉孌芳自保嚴霜萎其英棄置墻下道豈不稱晚香遲暮亦凋槁東隣征戌婦對此痛懷抱結髮登君堂二十不爲早三十長別離四十顏已老晚色奉君歡雖憐不言好寄聲桃李姿春輝以爲寶

除日戲作

市廛聲亦到窻紗藥價賈逋酒價賒晚稻半輸官稅庫春衫還典子錢家暖蒸碗匣圍爐火香染衣篝滿榻花猶有吟篇餞殘臘夕陽牆角袖雙叉

元夕觀小兒擎紙燈各題一詩

紅鱗出沒六街潮點額擎來尙動搖且伴兒童一場鬪起  
渠頰尾不曾燒 鯉魚燈

繡翼雕翎出苑墻夜街來逐寶釵香畫屏不是生花樹錯  
向春宵夢一場 蝴蝶燈

社日集紫藤花菴 周蓮峯五丈藍采女三丈高話山  
一丈許梅岩陳梅谷游心水陳廷

誰忍芳菲寂寞中詩情春遣過墻東坐侵細草袍分翠行  
碍欹枝幘落紅酒力漸消斜去日茶烟輕裊晚來風與君  
重率頻頻會莫惱三廳李社公

題畫

雲外飄然獨往還層菲絕壑不開關秋風捲盡千林葉臥

秋江集

卷一

三

看床頭一尺山

小苑

小苑城邊路高樓柳下屏玉釵行酒起金勒折花歸大氣  
飄歌扇風情捲畫衣豈知題錦泪迴轉上春機

雨散

雨散千山未破青粗雲斑駁細雲零小樓今日開生面十  
扇南宮潑墨屏

園

重九前一日同許梅崖游心水林渭雲陳廷樞登清  
青山白社醉登臺預向城南載酒來風撼竹門推夜葉泉  
疑松聲浸秋苔殘陽背闌斜邊落獨鳥遙天去盡回消得

浮生最清曠暮砧寒角莫相催

宿漁梁旅舍見三友陸鄰書壁上題詩愴然於懷  
和其韻

故人不可見拂壁一潸然大雅老猶客浮生散似烟醉闌  
荒古月吟答隔山泉繞柱君知否淋浪墨尚鮮

漁梁嶺觀積雪歌

漁梁嶺頭風颺颺裂肌刮面無遁逃藍輿百盤到絕處振  
眼眩燦驚譁號店突無烟屋脊沒萬瓦皆以琉璃陶簷牙  
倒掛白玉筋欲折不折猶堅牢松杉十圍受約束虬枝不  
得生怒濤老篁被壓仍崛強已僵忽起喧噉嘈昨傳瑤宮  
傾一柱琳瑯破碎堆長臯大者琪花小楮葉分明剪刻瑩

秋江集

卷一

六

纖毫紛紛百卉闢異狀各以縞帶飄縷縈須臾扶桑啓朝  
旭藍田暖烟銷鷺毛磴道堅凝凍至痛結股放踵連雕尻  
蹣跚趑趄駐不得滑溜千仞填坑壕我家炎鄉少積雪雪  
景轉苦艱相遭此來豈不嘆觀止玉樓銀海敢告勞一囊  
琴調鼓逾壯一匣劍氣寒生豪主人開門息登屬意索十  
千沽葡萄

江郎山

天半三峯挿千尺何年混沌神工劈江家兄弟傳飛昇幻  
形三片江郎石一片延袤垂天紳衆竒孤撐挺翼翼三片  
兩片皆肩隨嶄然排立見項脊刻削乃能含蘊秀離奇仍  
不乖氣脉嶽嶽表裏雙透通三條界破遙天碧鴻濛洞洞

還厥初時有烟雲補罅隙誰皺膚寸雕鑿痕無乃仙翁  
發積至今廟像荒山阿猶肅冠裳拱圭璧冷苔香火啼鸛  
鵒殘日靈旗鬬蜥蜴神仙豈必爭血食村巫亦不祈利益  
風塵過客強好事手酌寒泉薦蘿薛神山何不飛縹緲三  
島十洲隱靈跡何苦嵯峨大道傍閱盡往來利名客華表  
千年飛雪霜化鶴歸來頭亦白

元夜宿伴城

故國笙歌夜微明好風何處夢來聲唯將一片香街月萬  
里隨人宿伴城

十四夜宿塚庄

上元好時節連夜宿孤邨往事知何限誰人與共論壁燈

秋江集

卷一

七

敬照席獄月冷當門明發又驅馬高歌過古原

泰安遇雪

巖巖膚寸亦模糊壓折秦封五大夫此是王濛真粉本岱  
宗密雪寶新圖王叔明知泰安州嵩泰山圖始成適陳汝  
言至值大雪汝言得粉筆張弓彈之噴粉  
滿袖叔明呼絕題  
爲岱宗密雪圖

曉發張夏途中示雪邨

晨鷄喔喔齊宵與信人嘈雜催點燈僮僕床頭促我起迴  
轉苦戀衾綢綾起來不櫛亦不沐十指排籤呵氣蒸濁醪  
一椀傾到口關元透入深三層蕭蕭鈴鐸各上騎昇出竹  
轎如畧習兩驂跳躑不可律十夫縛輓乃服乘僮僕磨肩  
入對坐如以板屋懸空繩又如震澤駕小艇狂濤怒撼翻

泮淵與君且喜不漫膚君差容膝我曲肱時或偃仰或叫

嘯有時寂寞都曹騰幕然傾歛壓欲覆羊腸折坂相矜兢  
廳搖破乘如破壁冷風射鱗尖生稜惟時山月猶皎皎棗  
林柳影讀溝塍因話桐院少年事梅花紙帳窗裂冰香爐  
宿火闌殘酒愛看曉月牆西升松風謾謾花灼灼不顧衣  
露寒光凝嗣後長揚各獻賦頻年驢背霜浸凌板橋茅店  
俱見慣翻把曉景生畏懲裂肌僵凍靡不有十四年事我  
已曾君才何止我十倍亦復三度來擔簦阿婆勸人莫貧  
相其實面目亦可憎飛蓬滿頭塵滿鏡東塗西抹猶誇矜  
花顏老女不得嫁厮養卒婦皆羞稱長安卿相好齒牙餘  
論往往聲價增結客北海孔文舉招賢東閣公孫弘敦槃

秋江集

卷一

八

濟濟大盟會齊楚亦不遺曹滕况我光祿結一軍余與雪  
邨諸同  
社有光祿  
坊派之稱登孤猶足周麾登君正專場誇嘖距許我驢尾  
附青蠅寄聲歷塊過都客無徒坎塲嗟峻嶒語罷捧腹各  
抵掌矐矐朝旭東方昇

贈方扶南

玉樹根荖玉水源廿年生長舊朱門菱歌一曲人爭聽十  
斛明珠未許婚  
迴車爭認水邊邨繫馬來穿老樹根稅院客來長滿座不  
勞皇甫大書門  
小軒如斗不移花滿貯詩瓢挂畫叉牽得米顛船上岸軟  
紅塵裡有浮家

我來同借一枝棲詩話軒中警露西只隔子雲居十步不

愁載酒沒春泥

扶南僦屋顏日詩話軒余僑寓警露軒爲林鹿原先生所居

過圓教寺贈素堂上人

抖擻征衫掛遠公怡逢跏坐暖簷東到門便與詩篇讀  
素堂以詩稿逐客羞將姓字通一片月團千澗雪數聲雲板亂

花風綠楊紅杏無窮恨証與真如色色空

題雪邨墨梅與素堂

紙帳雲千疊芒鞋雪幾層美人高士外絕好配詩僧

僧房

春風春色太輕欺自放花來日日吹我亦無心較開落僧  
房看寫歲寒枝

秋江集

卷一

九

出都留別房山公

巍巍司寇公嶽寺南川流陟巔到泰岱千仞皆崕嶺觀瀾  
到滄海萬派皆滄溝公昔登巖廊敷政劑剛柔三入白雲  
署平反無競綵垂紳四十載元老稱壯猷功成謝珪組把  
卷歸林邱公學有根底精實非華浮六經會旨要百氏窮  
羅蒐經緯得貫串九鼎函全牛所以十丈談惟其沃膏油  
春暮公命駕梁園事唱酬賤子拜床前乃一識荊州剪燭  
聽論古三峽傾源頭雷霆驟擊燕雀驚咽啾天葩倏怒  
發濯濯春芽抽造化之精華宣洩難闕收我生拾牙後誦  
讀皆贅瘤金丹忽換骨腹眩疾見瘳天風豁塵夢恍恍遊  
十洲我祖中允公著述鮮匹儔刳灰半漫滅什一遺先疇

鷄林少紙本傳聞多繆悠公乃親口授如身經校讐五千

註道德繕草艱雕鏤公特書一通貯之文選樓不肯私帳

秘將就剞劂謀別有莊生篇雷同遭巧偷公言我固疑序

例殊不侔終歸鄣謹田公心夷則休我聞感涕泪五內私

鑄鏤文章交有神同時列枚鄒誰能將臭味異世來相投

固知公好古高義真無公賤子抱一經荒落慚弓裘讀書

學千祿知貽長者羞况復無簡鍊十上不一售平生少干  
謁自省何怨尤丁窪水潺潺千巖折以幽槃阿奉杖屨永  
矢言從遊衣食迫奔走牽率難自由敝裘躡簷屬立馬空  
離憂前程涉何許太業期千秋結托良在茲行矣何所求  
出蘆溝橋車行泥濘中百餘里顛覆是懼詩以紀之

秋江集

卷一

十

邦畿一夜熟梅雨濁泥便深三尺許蘆溝以南驅征車一  
車兩輪如犁鋤力疲上襄不得服終日長鞭及馬腹客子  
脅肩蹲板屋僕夫泥首叱碌碌兩騾乃如池塘蛙跳躑不  
離濁淖窪乍可危梁折板奔峻險安能離驚駕速輟下埋  
泥沙自從周行遭沒滅深淺陷人不一轍狂波白日汙長  
街就使驂騑亦蹶跌由來平地翻波瀾蜀道休歌行路難  
慎爾脫輻顧爾僕前車乃是後忠告

河間

渤海名邦屬地靈九河故道滙滄溟草荒董相祠堂暮柳  
拂條侯壁壘青五葉賢王能好古一家遺老共傳經小儒  
立馬斜陽裡孤陋無由見典型

扁鵲廟

越人能生人不能自保身乃知奇技者多與死爲隣一飲  
上池水奇術通鬼神五臟見癥結察微知其因是亦不祥  
器美好不可頻良田四萬畝何必西入秦遂令見妒嫉秦  
醫殊不仁咄哉長桑君禁方非良珍

潯沱河

王郎竊邯鄲光武固薊城倉皇起大駕百萬奔命兵臨流  
不得濟六軍皆震驚桓桓王功曹恫喝呼先聲波臣竟効  
順頃刻堅冰行假令背水戰死地當能生要知天所授不  
假人力爭我來冰已泮流漸何盈盈草店大河濱一飯空  
復情山川不戰伐野渡舟自橫

秋江集

卷一

二

豫讓橋

刺客不成事秦皇趙襄子其志誠較然不在生與死趙襄  
實天幸心動馬驚起一赦已高義自計豈得已慷慨請擊  
衣君子成人美倉皇危急中論說極可喜一死安足辭讐  
人亦知已千年橋下道悲風激汾水

邯鄲

長平四十萬興尸趙鼎千鈞繫一絲危急誰怜公子姊英  
雄合讓魏王姬才人每嫁窮厮卒仲父能生好市兒貨得  
贏家兩夫婦鼓臺臺下合居奇

弔虞卿

當年說客取功名口舌猶能見性情解印逃亡爲朋友攜

孫談笑得公卿悞依公子捐千戶苦勸君王保六城後世  
窮愁有生活學他論著得芳聲

過樂毅墓

蓋世雄才樂望諸一生事業恨權輿自從魏始來傳質片  
向王前去曳裾出處最高諸將上功名竟墜二城餘暮年  
不市千金骨伏櫪悲鳴作報書

反間能令嗣主驚英雄心事最分明負恩果有留齊志報  
怨何難入郢兵再世鐘鐻歸播棄兩邦冠劍枉將迎行人  
一掬金臺泪又上荒墳再拜傾

銅雀臺

千霄銅雀昔嵯峨貯盡文章與綺羅才士拾將殘瓦琢耕  
人檢得斷釵磨深春倘鎖雙喬住長日其如賣履何誰上  
西陵勞悵望君王七十二墳多

秋江集

卷一

三

淇水

橋下水潺湲橋上車歷鹿埋頭十丈塵一川淨新沐此水  
出共城百泉所注蓄衛女每懷歸沂流不可復珮玉巧笑  
時紋波曳綺縠籊籊持一竿美人立濠濮逝者長如斯風  
景宛在目我來春已暮渴馬奔泉逐奚奴及下處曉葉煮  
初熟好風東南來鳴綠鱗鱗蹙惆悵大道旁無人卜小築  
此邦不好事不種漪漪竹行矣慎好修搖鞭誦淇澳

汲冢

此地相傳古竹書太康時代發邱墟能同魯壁光芒出得

免秦坑刼燼餘束哲有才研豹鼠安釐何意葬羶魚探可  
志怪知無用今日人爭誦子虛

陳橋

夾馬營中火光起香孩兒生雀兒死倉卒黃袍何處來殿  
前檢點作天子比肩北面環千軍家人晚食傳紛紛英雄  
平昔蓄大志負罪慚德皆虛文潘家幼子勿驚哭他年厓  
山一塊肉

夷門懷古

大梁道上遊俠客咄咤風雲圖奇策委身事主不盡年性  
命長遭肝胆迫贏也托跡微賤倚黃金白璧何所求關門  
睨立枉車駕公子愈恭市人罵邯鄲瓦震長平焚三千賓

秋江集

卷一

三

客徒紛紛單車從死去不顧老臣不語迴三軍鬪肉幾曾  
投餒虎半資女子半屠戶功成一劍剌秋風擊柝揮椎俱  
黃土修身潔行誰過存何苦垂老煩深恩敝衣破履一上  
座可憐授首魏王孫魏家宮闕寒雲昏冷烟衰草成荒原  
惟有烏啼古時月高高還照城東門

屠戶墳

卽朱亥墓

信陵公子亦何恩車騎區區一過存可惜晉將軍養士不  
曾搜索到屠門

救趙扶梁却暴秦一椎奮擊有精神後來不善傳卿法博  
浪沙中悞中人

蔡中郎祠

名落權奸手全身未可知微書如不就討賊亦何悲冠蓋  
傷文獻英雄嫁幼嫠典刑誰貌似殘日下空祠

與許三雪邨夜話

異鄉永今夕有此對床眠每別皆多事何歡比少年雨沉  
殘鼓寂風急數鐘連剪盡西窗燭荒鷄欲曙天

曉行

出戶無所見北風鳴颺颺倉皇起蓐食顛倒披征袍破月  
遙天掛寒鷄上樹號力耕曾早作不似此塵勞

道旁小憩見田父

去去感行役仰天開鬱陶過岡關樹小立馬嶽雲高日月  
不相待驛亭何太勞嗟君能食力予亦返東臯

秋江集

卷一

四

汴中晤宮允吳崔學先生感舊賦贈

鄒枚去國感迷津二十三年侍從臣垂老客來梁苑路行  
吟家住楚江濱先疇子弟談膏澤後死文章詒刼塵莫怪  
逢君倍惆悵山陽耆舊更無人

大王父中允公曾令山陽與君尊甫先生有通門之誼中允公文集皆淮上諸公所梓刻行世今遺集未刊尙多君輒引爲憾事云

屈指邱園雅集年荊蘭佩帶拜床前

君入閣至於余張軍家余年十二

阿買教書字走馬冬郎學肇賡老大長卿惟賣賦清華平  
子已歸田淮陰是我酬恩地早晚君行合執鞭

生有偕行造謁之訂

元聖祠

荒祠古木拜阿衡傳說空桑此篤生五就爲斯民重任三

年率乃祖攸行殷商聘幣先田父鄉里鷄豚但割烹却上  
幡然臺一笑誤人畝畝不終耕祠內有幡然臺

沐州東藍采飲三丈

一卷東京紀夢華行人驢背夕陽斜鞭絲帽影樊樓路吟  
遍宣和舊酒家

雪香亭下月朦朧金縷衣追起朔風好和遺山俳體句梨  
花小住即春空

上舍風流六百年市碑相國寺門前近來好事君能否曾

脫春衫典幾千采飲寓相國寺

廟緱一劍又何之舊國青山未有期頭白孝王臺下路滿

天風雪獨行時

秋江集

卷一

五

楊花

行人莫折柳青青看取楊花可暫停到底不知離別苦後  
身還去作浮萍

黃昏

亂鴉繞樹雀爭喧寂寂墻陰小院門人自離思花自發  
庭秋色近黃昏

虛堂

虛堂一榻千章木獨夜三更萬里人知入全家幾重夢苦  
吟燈下未休身

夢歸

夢歸初欸欸夢破忽騰騰急鼓家何處呼燈僕不鷹紙聲

無題

千把雪含泪一條冰此恨誰消得重追亦弗勝

蓬場縱博每無功拍案呼盧又擲空千鏌躍津通夜碧珊  
瑚沉網隔年紅已香梅忍孤更月縱好花禁幾信風慚謝  
窺牆舊鄰女年年惆悵宋家東

春風不識武陵溪未脫塵緣便墜泥出霧碍回盤起翻闕  
雲吹斷駕虛梯探沉桂葉孤蟾影逐蹶桃花八馬啼只隔  
銀河一條水望來縹緲到來迷

捷徑何曾嘆路窮壯夫原不事雕蟲三酬拜賜終良將再  
復前驅總賤工織錦已非坊樣杼穿楊別有楚人弓秃尖  
成塚還成陣未抵靈犀一點通

秋江集

卷一

六

浮沉踪迹總堪憐孤賤生來與百便毛紙投於殘蠹篋廟  
綴彈向破魚筌誰家抱布來謀婦若個吹簫便得仙知被  
街西桃李笑野人何苦事春田  
強將此事索知音得失何憑有寸心翻借微瑕完趙璧競  
持朽骨市燕金淋浪墨瀋留磨盾焦爍桐材莫破琴十斛  
明珠千點泪驪龍歸去睡沉沉

秋晚

秋晚客京洛緇塵衣裳單朔風起暮色潏潏吹天寒飛鳥  
投故林浮雲歸舊巒如何奔馳子欲往無羽翰置腸轆轤  
索轉折千百盤置心機杼絲促織千萬端常恐瘦形骸高  
堂夢裡看昨來雙鯉魚勤劬問眠餐知我未歸去老泪不



肯乾器業無成就強慰其實難明發不得寐結愴摧心肝

撥悶三十四韻

積思空若莽狂呼向沈寥窮惟言可達勞即事成謠一夜  
摧豐羽三年託遠條歸應嘆燕雀借亦倦鷓鴣斷梗棲猶  
繁開花落更漂鴛鴦聞聽蹤跡伏看扶搖班馬方齊駕王  
盧足並起鳳鸞辭枳棘翡翠戲蘭若靜女將誰獻勞媒祇  
自嬌絲絲裝趙勝金粉鑄燕昭素貌乖青盼紅粧笑白描  
齒牙珠可唾骨相石勞彫過眼唯紛擲迴頭更苦撩半生  
誇虎畫入口悞蟲雕懸磬因裝劍拋田爲買躬空夸皆失  
爲何注更呼鼻峭壁千山立微波一水遙行藏雙躑躅去  
住兩飄蕭多累疵爭指卑栖悔易招夢來猶有恨閒去竟

秋江集

卷一

七

無聊寂歷亭臺暮蒼涼水木朝饑鷹呼客飼疲馬看奴調  
露蓼垂紅重霜荷壞綠饒開籠盤警鶴墜葉抱鳴蜩賦別  
多牽柳騷魂幾莫椒尋過曾署寺錄遍舊題橋眼比鯨魚  
俊腸同賣鴨焦枿風街半鼓砧月夜闌蕭冷篆灰飛撥殘  
缸爐落挑酒多楊子汨瘦過沈郎腰鋒礪翻成缺膏明却  
白燒客心摧落日歸思羨迴潮野老分三畝溪僧寄一寮  
馬蹄心事了了的去耕樵

看雨

秋陰不散滿庭烟盡日無人看雨眠作響檻鳴新破紙斷  
縫衣冷舊裝棉牛歸廢壠喧寒葉鴈入層雲叫暝天寂寞  
閒門吟又晚便無離恨亦悽然

臥病

漳濱臥病在天涯魂轉銷深瘦更加肺渴斷來長夜酒眼  
狂穿過少年花荒原落照嘶羣馬獨樹寒烟鎖亂鴉正值  
隴頭人寄泪玉璫緘札問秦嘉

別許貞翁舅氏明府

烏衣門巷感銅駝衰薄其如酷似何三世崔盧姻婭厚兩  
家鍾李弟兄和山堂燭影圍鷄黍古巷書聲出薜蘿薜蘿書聲皆舅氏名今日風塵兩行淚魏舒恩受外家  
多余與中表共讀書處

雙忠祠

裏創飲血獨登陴寶馬名姬並命時溝壑孤軍當保障江

秋江集

卷一

大

淮諸鎮擁旌旗七旬絕粒知無援百戰空城遂不支將欲  
有爲何速死可憐南八好男兒

彭城道中

小沛新豐酒一尊大風歌罷忽蒼茫君王何不憐弓狗留  
取韓彭守四方

戲馬臺邊日又殘名雖欲返故鄉難江東父老空惆悵不  
得君王畫錦看

將軍射雉錦連錢幕府能歌帶箭篇今日符離離水道毳  
塲春草綠如烟

被冷香銷不散愁白楊終日響城頭行人競愛斜陽路爲  
照張家燕子樓

看月黃樓醉未眠羽觴玉笛會羣仙對床一夜傷飄泊誰過彭城不惘然

滔滔江漢自流東薄命篇章哭最工辛苦閉門陳正字名香一瓣禮南豐

醉翁亭

醉翁亭子古今傳下馬來看六一泉誰撫無絃琴一曲泠泠響入沈遵篇

清流關

溝壘空屯十萬兵五千巷戰下滁城至今西澗潺潺水日爲南唐咽幾聲

將軍面縛亦英雄不肯金創裹一重南北兩朝千百戰環

秋江集

卷一

九

除只博數聲鐘

浦口旅次

栖栖何爲者多病又長途到日不可計久程何事無夜鈴開驛早秋劍渡江孤歸去柴門閉灰心謝遠圖

富春江上

萬頃平如鏡揚舠好扣舷高峯長見日澗水晚生烟京洛縑衣重江湖白眼鮮西風發長嘯驚鴈下霜天

滄波逢個個歲晚幾人還名利都經過鳬鷖不得閒鐘聲江近寺塔勢縣遮山好傍漁家宿澄潭月一彎

夜泊次許梅崖見貽韻

野宿一尊酒襟期兩洒然對床江上約剪燭夢中篇

梅崖

得詩有清尊煮酒再論文之句謂余與雪邨纖月墜遙水暗禽飛遠烟他年齊泛宅湖海小遊仙

閒居雜興

辛卯冬余自汴中抱病歸里今春不得與計偕北行掩關寥落觸緒興懷輒成詩若干首聊志起居

安適云爾

困人病渴日初長午睡盤餐不耐嘗慈母苦心謀一飯晚廊親剝蛤蜊香

儉歲何因有厚儲潮船未到釜生魚厨頭赤脚無情理花底來催乞米書

巷口腥風海市張江瑤馬甲玉膚香乍歸亦似初來客鄉

秋江集

卷一

二十

味時新取次嘗

兒女穿窻鬧未寧幾年羈館泪零丁思量爭忍嫌嘈雜徹夜嬌啼亦好聽

陌頭楊柳逐春期歲歲紅塵足別離慚謝閨人傳好語今年相見杏花時

白板雙扉竹院深藥爐香杵搗花陰靈方經月無錢合又典春奩半臂金

寒宵香鼎熟提壺宿火殘鐘沸酪奴傳得五更行氣訣錦衾斜月學跣跡

今年百計少相關終笑投閒未是閒十載姬岩拋不上借人亭館看烏山

余別墅在姬岩山中去年去郡城二百餘里別十年矣

茉莉

剪雪鏤冰帶月籠湘簾斜捲影空濛色迷縞袖潛踪過香  
辨烏雲暗面通粒粒綴來珠的縷絲絲穿去玉玲瓏貪涼  
好並閒庭立消得依稀扇底風  
纔種瓊姿護綠苔紛紛白碎粉墻隈最宜玉手纖纖摘愛  
上香鬟細細開茗枕半分貽鈿盒棕藍小貯報奩臺枕邊  
一朶含風露簪向西廊拜月來

新稿

纔脫香泥出水邨銀塘猶浸一彎痕漣漪長養成風骨冰  
雪聰明與吐吞半臂乍舒絲已繫並頭初放節先存怪他  
滿口田田味知有青蓮在舌根

秋江集

卷一

三

水晶盤貯碧泱泱帶得荷風齒上涼切去仍煩初採手嚼  
來猶噴乍開香精瑩竟體冰無汗沆瀣通津玉有漿好與  
文園消酒渴斷魂滋味是新嘗

紙鷁

各色胚胎各徑途九霄一樣去搏扶假威便嚇籬邊鷁錯  
愛曾推屋上烏萬里前程懸掌握霎時翻手卽泥塗惟應  
木偶逢相請雨打皮毛脫落無  
整翮梳翎動隔年剪裁又是一番鮮何人不荷吹噓力滯  
汝多應骨格堅好手飛揚矜跋扈出身輕薄轉踟躕架鷹  
籠雀看惆悵束縛無由送上天

癩

曉起腥風海市添玉螯雙祈雪霜甜膏肥稻葉潮初落沫

吐蘆根港半淹細雨草泥聽郭索高台花月選團尖與君  
嗜好酸醃外白菊黃柑臭味兼

紺匡紫甲縛青蒲勃窣時聞竹裡厨菊露穆美調玉液椒  
醕沃屑點冰酥餽餽半殼含沙膩摒擋雙盤擘雪粗珍重  
靈魚風雅客過江幾悞蔡司徒

星石 陶船分賦

圓潤驚看璞玉非誰移一片舊支機架來紙閣芒冲劍塢  
向銀河爛揭衣硯磊滿胸羅象緯欽欽壓坐閃光輝南宮  
不敢藏衫袖袍笏墻東拜少微

耕欄

秋江集

卷一

三

蒲衣劍佩絲續紛瘦骨扶疎挺不羣自愛廉隅森似束巧  
將條理密成紋編簣慣獵千山雨截竹時穿絕磴雲好戰  
西風鳴策策酒醒池館夜深聞

白菊

簇簇叢叢臥晚涼鶴翎陸地雪堆墻淡交不語心俱素縞  
袂相將酒亦香粉壁乍搖三徑月銀盤新剪一籬霜風尖  
露重催將別腸斷斑駁送陸郎陸郎面菊名

集謝古梅二梅亭分賦 得九佳

送菊

欲採不盈袖因之傷遠懷白衣人不到杯酒又天涯冷圃  
霜千本空籬月一堦挂巾閒處士蕭瑟臥秋三

迎梅

美人抱冰雪契濶水之涯芳訊頻頻折佳期故故垂布帟  
裁野店紙帳挂山齋驛使來消息殷勤報玉釵

芥納上人九十

九十年塵迹滄桑見遠公老松千劫雪孤磬一江風秘榻  
經龕滿吟床佛火紅山南滿禪臘圓照月初東

春夜宿北阡草廬爲林洞雲珠雲賦得尖字

春露三間屋風燈出樹尖松楸來里社拜掃列圖籤野水  
鳴琴匣山花亞帽簷他年丙舍帖留我一行添

蘆花被

暖絮撲一簾軟雲鋪一洞誰裝千港秋聲向匡床送十載

秋江集

卷一

五

江湖眠騷殺風吹動一枕上岸船猶疑淺水弄蕭蕭少扶  
纖雅製濟貧空嬌兒踏裏裂惡睡莫爭閑紙帳梅花宵與  
汝託同夢持結冰床緣鄂君用不中

湘簾

九疑一束魂夢作千門飾參差十二樓巧把泪痕織間以  
鴛鴦紋串以蜻蜒翼五字雜亞字宛轉轉新式花窻垂沉  
沉幾几淨新拭梳烟千罇輕界影萬絲直遲移關日痕軟  
揭花風力華堂設春宴傾城隔消息盈盈雙眼穿深深半  
笑匿翻以遮隔些轉令親切極一層花霧封五步衣香逼  
畫簷月未上一桁罩深黑拳鉤敲了又冒釵篸偏仄三更  
香夢熟半鏡千金刻花影搖雙旌千枝寫淡墨幽人寤長

夏高掛紙窻北卓午驕炎威四面開不得噴垂乳燕窺翅  
入青蠅側唯有簾紋波相親舊相識漸冷當秋齋罷謁下  
門闌玲瓏螢照穿迤邐蛩吟唧有時文酒散細雨籠塔滴  
殘局棋未收短檠燈半炮哀含帝女情體具君子德彼亦  
有條理况乃不差戒動靜顯晦分舒卷剛柔克庭院誇蝦  
鬚惟茲麗以則千古垂情根箇箇江邊植

李陽冰般若臺篆字歌

海山夜黑風雨吼鯨吞鰲擲蛟螭走快劍斫斷牛盤拳挂  
上神峯大如斗陳倉石鼓多差訛岫嶠磨崖難晰剖史頤  
銷沉史籀死六國破體紛芻狗上蔡丞相變簡易嶧山之  
罌小蝌蚪永元諸儒競祖述說文獨推許祭酒後來歇絕

秋江集

卷一

五

六百年紛紛作者誰其偶有唐大歷李少監千秋擅名掛  
人口斯翁之後直小生李陽冰云斯翁此言不忤亦不苟  
君家侍郎三墳記片石人間重鼎由外此落落難購求傳  
者十遺其八九我邦薛老峯頭石虬龍二十四纏糾石上  
十四圍以徑尺深徑寸量度不實見者狂骨屈肉強無折  
波長戈短刃屹相受玉筋雙垂折釵脚金鼎半沉露鐵鈕  
何年飄忽鑱高青牛鬼蛇神脫跟肘天教班駁南山阿不  
作盤敦狎座右我來換眼苦畫肚翻恨摩挲不及手敲火  
礪角敢嚮邇山鬼呵之野狐守華岩勒以增寶光香臺銷  
歇亦無有山川終護靈魚文雨淋日炙不得朽文字千秋  
面壁青此是西來無量壽

林大蒼巖以瑯琊王碑刻見貽因同周二瑞峯謝一

占梅瑯琊王廟觀碑歸賦長句酬蒼巖并示瑞峯

占梅

海濱淳風伴結繩書契乃肇三唐興要荒金石考不到蒐  
羅一二文獻徵有唐末造艱難際雄藩強鎮爭驕矜瑯琊  
乃心事尊獎包茅職貢來頻仍其民凋瘵易見德荏苒不  
警秋穀登誕敷聲教訖閩土蚶田蟹戶生鬱蒸遂揚不績  
無愧詞路文伐石高邱陵天祐三年六月立祠章煥采聲  
含宏大書深刻九百載至今鸞翥蛟龍騰葭葭草堂見紙  
本心摹手追空目瞪乞歸十幅掛屋壁環繞百匝趨踏承  
琅琅雜誦手畫肚家人怪訝呼不謬九月涼秋好天氣結

秋江集

卷一

五

伴訪古巡郊塍城隅廢廟破四壁香火闕祀無供僧巍然  
大牌露節角出墻突兀青半層負以蠹鼠盤以螭膚理細  
膩無癢癢五陵三輔足碑碣往往往蚪蚪磨丰稜惟茲荒遠  
少物色弃置翻以完好稱慶城寺東跡罕到健兒調馬奴  
臂鷹千遭蹂躪不隕越馨香呵護神實憑使我弔古二三  
子臭味潛與通降升傍徨睨立不得去痴若瑟縮凝寒蠅  
歸來展紙重賞玩秋堂風露挑榮燈解衣盤礴酌大斗如  
此古懽殊不恒人代蒼茫那可問一本吾寶琳琅增

石井闌歌 并序

塙東二石井闌爲吾族聚飲之所滴穿溜斷不知

鑿於何代偶諦視隱隱有文可辨因剔辭細讀一

云女弟子陳三娘與男黃七三爲亡夫四十四郎  
捨錢修造井闌上資生界靖康元年丙午記一云  
弟子黃瑾同男大壽闢恭造宣和 年 孟冬

朔旦記按家譜大壽公余二十四世祖而四十四  
郎卽闢公余二十四世從祖也蓋黃氏聚居白雲  
山麓七百年於茲矣自大王父中允公以滄桑僑  
居金陵播遷之後譜帙散失近雖粗輯一篇而世  
次荒遠惴惴焉恐不足徵也今日則能徵之矣斯  
刻也又非碑版金石好古好事者之所可比類而  
齊觀也詩云維桑與梓必恭敬止可飲水不知源  
乎是用作歌俾告我後人同行者八叔二十一叔

秋江集

卷一

五

二十二叔二十六叔二十七叔康熙丁酉四月十  
日

石形圓鑿空彭亨蟠腹縮頸無嵒嶠濯磨歲久積滯溜位置  
貼妥渾天生春天百口汲晨爨拖屐了髻羣誰爭瓦瓶寒  
甃滴深響隔墻曉枕敲丁丁土花暗漬雙題記誰辨宗公  
舊制置手澤封苔七百年斑斑剔出靖康字靖康灰剗都  
滄桑帝力鑿飲鑄銀床山家不識秦漢代二十八葉傳構  
堂脈脈磨穿僅一綫豈知瓜瓞今蕃衍源遠唯留汲綆長  
年深不覺銘文淺何必洞庭神何必勾漏尹一泓汪濊涵  
無盡石亦不爛字不泯百尺絲繩接圓緊子子孫孫勿替  
引

食骨凍作 卽石鱸魚

井底原同類，谿間獨異名。不能喧鼓吹，空復脹彭亨。潤色烟嵐凍，苔香濺沫清。的應下鹽豉，千里敵鱸羹。

列炬空羣掩，臨淵失足顛。殺機輕一飽，履險值千錢。舊穀家家換，傳餐頓頓鮮。此來多且旨，時候插秧天。

白雲家山呈諸叔父

金書赤榜照邨墟，華表峩峩走荷鋤。先世只知安誦讀，後人何必問田廬。夕陽衰草連天判，舊廬盡燬於大業名山明季山寇

棟爲中允公藏書處棟架書環翠樓前，一輪月夜深還照。子雲居，椒漿時享拜宗親。往事滄桑百感新，白筆未埋家國恨。正

間人士多以論事下諸侯遂移家金陵青袍寧救子孫貧，亂松插塚標遺老。

秋江集

卷一

七

喬木當門識世臣，時有耕漁二三叟。烏衣巷口話前因，

名門阿大共中郎。蠟屐乘涼共一堂，載酒賭棋過別墅。隔花垂釣立孤岡，冰盤切雪尊絲嫩。水碓春雲稻粒香，知笑

少年空射策，蘭成憔悴十秋霜。

生聚多年半玉成，一羣頭角正崢嶸。要教世族皆由禮，特恐諸昆不好名。巨室衣冠先德教，彼都臺笠亦風情。夜涼

吟徹東西屋，樹影燈光遍誦聲。

豐年便慶小倉箱，處處魚鰕換稻梁。稱貸農人謀補給，催租縣吏迫醫瘡。沃區每許鄰壘授，通力寧教瘠土荒。夜夜

花村散鷄犬，太平時世鄭公鄉。

十年三度返家山，猿鶴都應笑鈍頑。百畝野田裝寶劍，五

花名馬賣柴關，乖腰亂石寒雲願。流落紅塵紫陌，班何日

獨遊上帶溪二絕句

翠壁千層磴道低，樵人歸塢日初西。山花數片吹落石野

鳥一聲飛過溪。

跳珠漱玉響丁零，萬溜琤琮一個聽。置我長康好邱壑，世

永陽寓齋雜詩

間無此妙丹青。

牆頭梅子雨絲絲，白袷輕寒睡起遲。忽記春齋琴榻伴，香

秋江集

卷一

天

篝無火亦多時。

巷道奔流東復西，斑斑屐齒菌濺泥。雨餘背郭千山晚，又

手欹橋不過溪。

夕陽深巷帶山斜，柏葉青青屋角遮。何處暗香香不斷，出

牆一樹馬纓花。

賣將新穀與新絲，剗肉何瘡得盡醫。剩有孤舟江上月，一

編袁虎運租詩。

乘涼日日水邊邨，選坐盤拳老樹根。誰共投竿騎歸馬，獨

教聽鼓入城門。

盡脫春衫換綵絺，我來北阮借生衣。家人不寄新羅帳，錯

算端陽節底歸。

遊福善庵和陳驥仲題壁韻

過雨千峯霽色開，禪門草徑獨徘徊。水苗十頃花風軟，傳

得棋聲出院來

最宜薄酒參諸偈絕好殘鐘和暗吟阿最不留群玉去一  
龍燈火亂峯深

黃彈一名黃皮果

爽辣誰同調芳甘獨擅場金丸林下落珠弩日邊張顆顆  
心能綠纍纍葉亦香美人搓玉手池上打鴛鴦

橄欖

此果亦佳境微甘漸漸添韻同吟句峭味比諫書嚴棄去  
猶堅骨生來便出尖可憐醇酒後顛倒手中拈

暑雨後坐月

雨洗月逾潔氣寒光轉幽露螢不自夜風樹欲先秋烹茗

秋江集

卷一

五

簾遙起拂琴泉暗流清宵不成夢心迹兩虛舟

入秋

入秋纔半月連夜有西風節候感涼至暮天多鴈鴻故人  
日以遠落木楚江東一夕生華髮蕭蕭似斷蓬

秋日卽事

節序纔暄又變涼晝餘漸短似初長幌風偏嫋瓶枝弱簾  
日斜烘硯瀟香秋暖忽飛花蛺蝶午晴猶換苧衣裳沉沉  
紙閣無消息也學陽春困一場

病起作

吟肩如削眼如焚帶孔頻移又幾分衰脫尙遭催惡札編  
裏生怕說新聞茶聲隔竹千巡沸花氣垂簾百和薰贏得

摧顏洗毛羽今年強半落鷄羣

買菊花

紙帳銅瓶事幽小齋新買一籬秋野翁十日酬幽約莫  
打柴扉喚出遊

一間紙屋能斗大野夫半間花半間重簾落日雀聲墮人  
與黃花相對閒

月暗百疎舊有期書床搖影上燈時年年欠汝秋宵債三  
鼓無眠尚詠詩

持螯雅結餐英社漉酒新裁折角巾好共鄰翁隔籬飲不  
勞來往白衣人請許梅崖及令子思進思養

宿竹崎官舍贈朱豹南三首

秋江集

卷一

三

之子來從事江干好謫居家家香橘柚戶戶食耕漁吏散  
搖孤艇官閒荷小鋤汀雲與山鳥日日伴公餘

莫稱簿尉宅只似短長亭岸葉紅雙櫓江峯綠一聽急帆  
窗下落別酒水邊醒最記銷魂夜遮門老樹青

津吏傳燒燭殘更到野航全家歡出拜漁火上琴堂夜饌  
魴鱸膾春醒橄欖湯衙齋分一榻難得在江鄉

送游心水入都

海濱來上國况瘁此求名精至白無敏合違非所爭苦心  
事場屋直道見公卿穩穩驂騑步天街看一鳴

不得奉鞭弭臨岐暗自傷向隅多難日失約少年場雅頌  
三條燭嘉隆一瓣香君家新錦樣自製嫁衣裳乙未余上春官心水

贈余詩自題取官家新樣錦袍  
年留贈嫁衣裳之句從增愧耳

### 宿天寧寺

黃葉南朝地松風不可尋

寺爲李忠定松風堂故址

雙江興廢眼一榻

古今心山磬和潮落船燈入竹深影堂禪寂夜誰與話銷

沉謂芥納師

### 題林氏山庄

十頃秋畦外高人結一庄野花紅繡壁叢竹綠編牆池落

橋痕出泉通井味香退心不可見空谷滿斜陽

時訪主人不值

### 再題林氏山庄

一松間一梅縞綠紛紛迎終日色香裡唯聞風水聲楊飛

乾葉響泉浸倒峯明以此結幽隱尋君夢亦清

## 秋江集

### 卷一

### 三

### 古意

得合歡囊密密裂頭繫儂繡鴛鴦絲郎寫芙蓉字

將儂桃花面描上湘竹扇泪點不曾乾與郎親眼見

儂脫紅羅襦郎從窻外入道儂懷袖香春風透消息

出簾忙致聲郎饑莫便去牽郎汚郎衣爲郎製寒具

儂纏五色絲續命待郎面郎是菖蒲花但開難得見

郎來不出迎隔簾空復情強呼小鬟至故使郎聽聲

## 秋江集卷二

### 江上言別

永福黃任莘田

江上旌旗向水飄廿年故國但魂銷關河亦厭供搖落骨

肉何因免寂寥蓬鱗草香春近岸渚邊沙沒晚平潮征帆

目斷夢亭遠烟鎖洪山十里橋

### 重遊白雲寺

不到禪關十七年老松盤頂鶴歸天路依曲折泉聲轉門

對參差竹勢偏聽鳥客攀幽磴葉送茶僧踏出林烟浮生

又逐征帆去半日溪橋結淨緣

### 舟中敝裘征袍忽遭竊兒之厄遂成四首

## 秋江集

### 卷二

### 一

一領蒙茸伴幾年客裝是物比青氍早知不戒江邨夜恹

不爐頭當酒錢

縫掖安能濟汝曹穴鑽不算綠林豪要教范叔春寒甚又

累何人更贈袍

熨貼吳棉半斷縫舊衣情與故人同獨憐補綻春闌手枉

費臨岐一夜工

誰料熏籠失舊恩開箱無復故香存牽襟省記春風恨不

見啼痕與酒痕

萬石灘 卽阿彌佛灘

萬石灘頭石環抱十丈懸崖折以與柁師峴嶮取徑道機

不敢觸矧敢躁衝濤滅頂心口告乞靈願効寸進報是時



夢秋正淹滂傾盆建饒恣爲暴十夫工力比夏尋一纜竟  
搜狂瀾倒石幢我我漸漸導導中有大石柱刻南無阿彌陀佛六字此中大  
有津筏造舟子再拜神所勞酌酒江天誦佛號

猿

此地非巫峽哀猿亦夜鳴自然能下淚不必到三疊廢驛  
霜初重高灘月正明鄰舟齊不寐一一起鄉情

晚泊

炊烟盪蘊起邨家晚泊橋竿接尾斜酤店綠遮官堠草釣  
篷紅落驛墻花穿雲古路僧挑笋過雨春山客賣茶獨上  
崗頭縱吟眺暮天驚散欲棲鴉

渡嶺

秋江集

卷二

二

歇亭矮屋四山幽樹下春泉瀉瀉流十里草香人帶塵午  
風吹出畫牆頭村名

層巒疊嶂鎖巖疆回首真驚驛路長十八朝程山水縣這  
程纔不算家鄉楓嶺爲閩浙交界處

嶺頭疆界出新裁分得潺潺兩派開溪水也知傍門戶引  
人流出浙東來一路水皆南下過嶺來水忽北流矣

孤山

西湖人物都佳麗孤潔唯君占十分生有橫斜傳絕唱死  
無封禪頌遺文半亭野水迎歸鶴五畝山梅種斷墳千載  
頭銜林處士栽栽苦惱護秋雲

葛嶺

平章負國事幽探百戰襄樊酒正酣玉枕琳瑯名士韻金  
龍蟋蟀美人愁綺羅忽散花間蝶樓閣都沉雨後嵐春水  
兩湖秋一壑不知天外木棉巷

表忠觀

十四州雄一百年下戈負販據東偏千秋享祀長懷土五  
世山河但畏天碑碣字殘苔沒草廟門花落雨和烟六陵  
湮沒無消息不及分茅有片椽

西湖雜詩十四首

珍重遊人入畫圖亭臺繡錯與茵鋪宋家萬里中原土博  
得錢塘十頃湖

聖母湖山孝養多旃車信誓竟如何可憐太乙官王祝早

秋江集

卷二

三

已無他望九哥

魚羹宋嫂六橋無原是樊樓舊酒壚宣索可憐停玉食官  
家帶泪話東都

旗歌板有終南  
旗歌板有終南

荷花十里桂三秋南渡衣冠足臥遊爭唱柳屯田好句沐  
州原不及杭州

明月香風十二層半間亭子晚來登內家五夜虎高望指  
點湖山正上燈

梅花亦作黍離看野水荒墳遠一灣腸斷黃金臺下客更  
傳天語到孤山

珠襦玉匣出昭陵杜宇斜陽不可聽千樹桃花萬條柳六  
橋無地種冬青

畫羅執扇總如雲細草新泥簇蝶裙孤憤何關兒女事踏  
青爭上岳王墳

梨花無主草青青金縷歌殘翠黛凝魂斷蕭蕭松栢路滿  
天梅雨下西陵

金籠玉版買秋壑藥鼎砂床葛稚川一片初陽臺上月照  
他富貴與神仙

不獨微飲事可憐艱難英廟仗公賢他時不怨藏弓禍自  
見天朝復辟年

刺史笙歌學士禪倪迂楊鐵竹枝篇只今耆舊無新語風  
秋江集

卷二

四

月銷沉四百年

頗慢無心上畫橈青旗沽酒不曾招不知細雨裊腰草綠  
遍春風第幾橋

西湖七夕

碧天如水夜悠悠別有銀河一帶流連葉衣香吹鏡檻柳  
絲燈影出針樓亭臺十里星光動砧杵千門露氣幽好是  
錢塘蘇小地玉鈎紈扇不勝秋

虎邱中秋詞

寶霧空朦月正東千門宵火四山風樓臺金翠知多少人  
在陳屏李鏡中

溫飛卿詩屏裡樓臺曉后王  
鏡中金翠李夫人戲用其語

昏崖老樹落朱藤漏出紅紗隔葉燈不畏霓裳有風露吹

笙樓上坐三層

千點琉璃八角亭劍池寒水浸華星天生一片笙歌石留  
與千人廣坐聽

畫鼓紅牙節拍繁崑山法部闕新翻順郎年少何殘老海  
燕亭前較十番

樓前玉杵倚綺牙簾下銀燈索點茶十五當壚年少女四  
更猶揀滿頭花

藕絲衫子剪冰紋新配霓裳月色褰五夜西溪伐叢桂盡  
供吳女插烏雲

短簿祠東古木幽聲聲絡緯咽還流墻陰半折無燈火一  
段山門本色秋

秋江集

卷二

五

綵樹斜牽繡幔低燈船高並酒樓齊歌聲吹到真娘塚應  
有香魂上白堤

繡帶流蘇夾水香隣橈三十六鴛鴦屏窓扇扇剛剛對只  
托微波一尺長

寶月華星七里遙香街如堵水如潮笙歌盡捲山塘路閒  
殺姑蘇四百橋

元墓

異代衣冠塚清秋酌桂觴何年此埋骨萬樹與生香名挂  
遊人口魂招禮佛場斷碑無處覓三尺假山旁

四宜堂

架構因危石迴環結淨菴片幢禪榻轉雙樹講庭叅桂露

淋僧帽湖波染佛龕樓臺金碧外一半抹秋嵐

橫塘

高舫平於掌橫塘十里空社亭圍稻綠秋寺隔林紅塔勢  
啣孤日江紋縐薄風誰家響機杼一簇翠微東

寄李鹿山觀察

油幢畫戟水精簾燕寢凝香對玉蟾陶冶暗將羣類鑄楷  
模潛被百僚瞻湖迴北固涼琴匣山列南朝綠印奩聞道  
鄭侯有清課公餘長是觸牙籤

駕湖舟次晤鄭二端山判官率贈

使君從政多風雅不肯低眉事折腰領郡唯裝太湖石分  
司來煮浙江湖最宜苗苗園行署難得魚鹽亦美謠今日

秋江集

卷二

六

相逢更相賞高樓烟雨木蘭桡

避暑七松草廬贈朱夢汀姨丈

四五年前此地經再來不改舊臺亭竹聲便促煩襟解水  
氣能催急酒醒紗幌樛桐葉榻朱簾絲管藕花汀冷灰  
殘燭裁詩夜老大冬郎愧性靈

七月十二夜作

是日立秋

銀蟾初湧海東頭十二湘簾盡上鉤一葉忽飛遊子榻千  
砧爭響美人樓關河夢寐鄜州夜詞賦悲哀楚國秋紈扇  
無情珍簾怨西風卽夕等閒休

吳門懷歸

十載萍踪暗自驚春塘放掉闌闔城興同霸氣銷沉盡愁

逐江湖蕩漾生落日寺門昏劍色暖風花市響簫聲仲宣  
莫縱登樓目懷古思鄉兩不平

哭貧意舅氏

一夜華星隕上台東南治行失風裁少曾結客稱名士老  
尚爲郎困盛才畫紙不供高位乞舅氏晚年不作畫歿之日當輔爭索片紙不可得  
殘花猶戀散衙開始蘇城外西州路腸斷羊曇醉後來  
晤翁蘿軒先生感舊賦贈

脫了朝衫十七秋畫師詞伯五湖舟一床絲竹供陶寫百  
斛觥船笑拍浮安石堦除盡蘭蕙河汾門士半公侯殷勤  
贈我珊瑚架猶是靈洲鐵網收是日承惠珊瑚筆架公曾視學嶺南故云  
苦記春明二月天蘭成射策拜床前子公車入都公邸舍珠盤錯

秋江集

卷二

七

落二千牘玉版雕鏤九萬牋

公藏買秋盤玉版十三行高珍秘不多相送有偽本

會南皮都宿草通家年少亦華顛靈山散盡靈光在綠酒  
紅燈一惘然

題薛生白磨劍圖

要與誰家劍術商滿潭秋水浸干將專諸門巷要離塚消  
受文人一瓣香

金陵別館遲姬人渡江不至

玉笛誰家向晚飄閒門空掩可憐宵秦淮渡口無消息又  
阻瓜州兩信潮

石頭城下夜烏啼料得停桡月已西誰與江邊報桃葉官  
奴迎接下青溪

吳文獻太守以天發神識碑本見貽題於其後

符瑞爭誇記誦才東吳功德格天開獨憐段石崗頭字曾  
見降幡一片來

臨春玉樹散無踪天璽金題士尙封一種銷沉亡國恨巖  
山還勝景陽鐘

荆臺鼓殘霸業空夜燈遺恨滿江東米家船上牛光怪片  
紙金陵氣未終

潤州謁韓蘄王廟

形勝江淮控敵騎三吳天塹仗安危鐵鈎水底千艘沒玉  
帶山頭隻騎馳江上鼓鼙親命婦帳前鏡凱報偏禪只今  
畫壁三更月時有靈風響戰旗

秋江集

卷二

八

百戰中興第一流清涼居士早歸休功高得保山河誓身  
退終貽社稷羞戮力有人分禍福比肩無主判薰蕕汴州  
不及杭州好驢背湖西醉十秋

山塘口占

斑竹薰籠有舊恩湘妃節節長情根吳娘酷愛衣香好個  
個將錢買淚痕

十二金釵粉面新琴川春店綠楊津最宜色相相奈印真  
美人看假美人

新裁衫子越溪綾雅樣梅花間裂冰微帶幾分香汗濕蓮  
朝天氣木樨蒸

吳人呼八月天  
氣爲木樨蒸

湘簾畫楫趁新涼衣帶盈盈隔水香好是一行烏柏樹慣

遮朱舫坐秋娘

同許三雪邨宿長慶寺

千層石磴露華凝六月禪門夜夜冰好是廣廊僧定後荔  
枝風颭佛龕燈

與君且住爲佳耳也等浮生半日間他日天涯聽秋雨不  
知何地話巴山

夏日山行見村婦持麥草扇成詩一首

輕於楚竹薄於紗草草裁團致自佳省落班妃哀怨泪一  
生風味野人家

春日雜思

百折紅闌不見人小池風縐綠鱗鱗夕陽大是無情物又  
秋江集

卷二

九

送墻東一日春

橋花和露落青苔鏡檻無風暗自開涼月不知人已散殷  
勤猶下畫簾來

半覆薰籠半疊箱熟梅時節舊衣裳口痕不散經年暈一  
領春衫噴水香

又帶三分酒病餘櫻桃花下閉門居日西春盡簫聲寂不  
寄秦臺一紙書

春江

扇影簫聲淺水烟畫船多繫綠楊邊板橋別後無消息圓  
首春江一惘然

初夏偶成

去歲黃梅雨可憐清和第一筭今年佛桑如石榴如火斃  
絕牆頭四月天

堆盤苦笋雜櫻桃節序匆匆又一遭市上晚涼傳好語今  
年米價不曾高

曉起銀床露氣清梧桐樹下剪刀聲遙知漸近菖蒲節紅  
綠羅紈染早成

窻風策策響牙籤盡日無人午夢添夢到江南好天氣玉  
簫絛扇水精簾

建溪舟行

卓午駕篷沙渚邊榜人跂脚枕樓眠鷓鴣一聲干苦竹繫  
着米家書畫船

秋江集

卷二

十

亂灘急響不成眠古帖時攤在枕前恰似趙吳興渙本河  
聲如吼過淮年

晚涼過雨洗差峨更比平時紫翠多好是湘夫人出浴髻  
鬟新綰兩三螺

舟行阻漲不得發晚晴與雪邨亦暫登岸坐亂石小

飲醉後口占長句

麥秋行潦浪如吼榜人牽船岡之阜苦竹斷港沙挾溜長  
年三老振柁守十日篷窻苦甕牖立則折腰行掣肘今日  
新晴百昂首上岸有如脫窻曰奚奴剪竹縛作帚選坐岩  
石刮瘳醜平者如盤凸如紐曰透縐瘦匪不有星列碁布  
左或右席設茵鋪紛且糾排比瓶爐及尊自餽來斗酒藏

之久維魴及鯉貫以柳衍行蹲蹲樂吾友其日四月十有

九四山月黑時在酉須臾舉頭淡牛斗銀蟾掣電金波抖

童子吹簫雜擊缶風聲水聲引合和以石鐘山幾叩鳴

舅翻飛竹鼉走驚起樵兒及漁叟飲不停留歌在口此地

爲懽殊不偶溪山醉汝一杯酒千年今日落吾手我歌且

舞爲汝壽他年就汝托十畝某水某邱無恙否歸去來兮

曉發大竿嶺

曉月初沉一半嵐千林淡薄亂峯啣溪聲滴滴鷄喔喔知  
有人家眠翠巖

月過前溪影半昏竹房不見舊僧存分明巾子山頭寺二

秋江集

卷二

十一

度吟詩惱任翻

自清湖鎮乘小舟至三衢城下作

篷窻恰三板布帆剛兩褶鱗鱗水次居泛泛波心唼伏天

衆溪涸僅此可利涉難免入甕蒸敢擬揚舠捷我正苦礧

藏未登心已懾須臾坐蓬底躬鞠而有脅半截鋪枕簟半

截頓囊篋其上偃月形可與清風接終日偃僂間意境頗

妥貼因思吳閭遊舳舻比雉堞屏窻三十扇扇扇金泥貼

朱櫺碧紗簾掩映坐桃葉畫楫飄輕裾粉板踏響屨佛手

藕花圍銀箏玉笛摩此味已饜飫此景儘涉獵况我少年

行長安琴策挾雕鞍并繡轂馳驅亦蹉跎有時河隄上歷

鹿車輪跌有時灞橋道蹇驢風雪怯苦樂參差間不獨一

舟楫以茲暫踟躕等級不必躡巨艦涉大川利濟即日駛  
古來畫高人多舂舂艤艤蠓蠓木兩三章奇峯千萬疊心曠  
地自寬身安意即愜遂遽日卓午一枕飛蝴蝶

蘭溪

如畫山城潑水濱樓臺一半枕通津縱然不達瀟湘路香  
草名溪便感人杜牧之蘭溪詩云楚國大夫憔悴  
後應從此路去瀟湘借用其語

叢祠

千章灌木綠陰涼樹下叢祠露粉牆日暮萋萋滿江芷不  
知何客奠椒漿

七里瀧

終日嵐光濕畫幢有時松露滴蓬窗一聲櫓發千巖響知

秋江集

卷二

士二

在諸峯未出瀧

釣臺

雲臺籍籍總公孤生面曾開一個無盡道將軍多掛客可  
教天子少狂奴

渭水嚴灘兩釣鄉各行其志亦何傷羊裘老子熊羆叟誰  
敢人間較短長

謁謝臯羽祠

悔不淪胥以早亡將身投鼠在何方空餘兩眼蒼茫泪又  
上西臺哭一場

天荒地老亦何情絮酒招魂一慟傾敲碎雙臺竹如意西  
風啼髮楚歌聲

嚴州

驛樓人語呼村渡野店鷄聲下板窗五里荒城看不見錦  
峯繡嶺睦州江

富春江

螺峰如髻水如油七里灘連九里洲落盡辛夷飛盡絮數  
聲鴉舅送行舟

孟家堰

草店危扶老樹腰江頭沽酒布旗招一帆細雨西興渡正  
趁錢塘未落潮

吳門感舊

旗亭不復見名流河市蕭條又十秋瑟二部頭零落盡青

秋江集

卷二

士三

衫無泪濕伊州

細蟬金馬過溪居舊是侯門小校書誰識宣城張好好司  
勳吟斷十三餘

贈顧二娘

一寸干將切紫泥專諸門巷日初西如何軋軋鳴機手割  
遍端州十里溪

沈塘灣觀競渡

組練三千賈勇初水嬉猶習水犀餘天教十里吳爲治擊  
鼓吹簫賽伍胥

湘簾畫楫簇烏雲扇影釵光兩不分貪看健兒賭身手不  
知波濤石榴棗

客亭看月

別來十七回圓月每到圓時只獨看偏是離人愛良夜不  
曾辜負好關干

初東坐看到斜西不管人愁只管低唯汝一團知我事照  
曾權笑照曾啼

病後夜不能寐枕上口占

一夜狂飈打葉聲幢幢背壁暗燈檠杜陵客睡何曾病已  
怨秋天不肯明

衾棉薄薄裏崢嶸瘦骨都無一把擎還要將身作砧杵泥  
人勤搗到天明

殘月橫窗素壁虛幾條檣照幾行書五更欹枕聞打鼓知  
秋江集

卷二

西

是曉江人賣魚

昔年亦是深秋病病後殘宵別有情睡醒鄰房還未寢半  
憲寒月誦經聲

今年臥病在吳閭霎颯秋風夜正長一事不相宜病客西  
亭翠被但餘香

正月八日泊舟維揚城下懷雪邨

中年兄弟傷哀樂賴汝同消去國愁纔入新春即背面偏  
於勝地不同舟

初二日子與雪邨在丹陽城下分手香風一笛歌樓墮落日  
千帆估舶收江上無因照顏色二分明月滿揚州

題李容齋太守板輿圖

封胡遇末王精神翟第并珣礪麴塵圖與南朝朝士見定

教袍笏謝夫人

母訓官方兩不誣陶家辛苦鞠諸孤明年父老牽羔酒先  
擁轡軒拜湛姑

延陵季子廟

故宮遺廟枕山阿芳草王孫綠更多十五國風觀樂遍獨  
教吳楚不工歌

采石汪謝李太白廟

騎鯨汗漫大江邊小謝青山好墓田誰信沉香亭醉後錦  
袍沾汨夜郎天

賈婦詞

峩峩賈船急帆飛少婦高樓正上機忽奉朱簾知錯謬浮

秋江集

卷二

五

梁夫婿買茶歸

淮陰舟中閱宋史偶述

楊柳梧桐事可哀新川無恙雪川災朱門忍放繒流入蓬  
爲天家結禍胎

虜賊區區一李全廟堂無勇但周旋梨花槍手東歸去塗

炭江淮已七年

許謹齋夫子留宿話舊率呈二首

稅院城西瀾海棠官花諫草滿匡床每逢賈誼徵前席亦  
遣彭宣到後堂待漏鳴珂還刻燭應官聽鼓更飛觴滄江

一臥金臺冷回首春明二十霜

草堂卜築養微病爲我新吟十硯歌師弟一燈文字飲令

離雙劍雪霜磨爲山覆質瞻高嶽用世投膠止濁河明日  
酬恩兩行淚清江酒向渡頭波

山東道中口號

齋魯占名邦夙稱沃野區如何今異昔心目無權娛道旁  
流亡者蠟纍如貫珠一擔載家具釜飢輒瓢壺瘠婦逐行  
乞面垢衣泥塗孩提走且僵裸體無片襦彼纔離襁褓已  
學饑寒呼店北老禿翁致辭先歎吁比者歲不登游歷七  
稔徂聖主苦宵旰議蠲議寬租大官賑饘粥入口後  
來蘇春耕稍優沃秋禾又槁枯安能官府庫長此充噉哺  
終令榆柳樹歲歲無完膚我因思古制溝洫眞良謨以備  
蓄洩用早潦兩不虞茲不通水道千頃平疇鋪雨陽一不

秋江集

卷二

六

時汗穢成荒蕪陰陽既乖錯黔黎亦儒愚此邦產梨棗杞  
柳栝棧需輪蹄大道旁芻秣供馳驅力役并力作皆足營  
錙銖如何輕去鄉轉徙爭逃遁是在長人者教養諄諄俱  
發陳實倉廩乞糴勤轉輸體國足經野利濟功非迂誰爲  
鄭監門一繪流民圖

都下東張六雪樵游三心水許三雪邨謝二古梅

半床碑版疊巾箱市得瓶花供古香來日大難勤把手居  
知不易感離腸騎驢上廟春如海沽酒長街月似霜終遜  
少年文字飲添些惆悵減些狂

春明門外柳參差二十年來對影慚少不及人今漸老樹  
猶如此我何堪雲泥屢隔新傾蓋車笠重逢舊蓋簪怕說

牽絲稱製錦此身已似再眠鸞

聚散升沉十載強京華還逐少年塲書門對僦東西屋秉  
燭來分上下床傾國有時兼寵怨名山何日定行藏粗酬  
世事安心事莫負英靈舊草堂

余田生廉察赴任山左予出都偕行途次德州分別

賦贈

京國相尋破寺居當年強項習難除九重命召疑蜚語  
萬口爲碑定訟書名重藤廳甘拂袖誇興匏子悔徵車  
天王明聖斯民直毀固無加譽有餘

累臣前雪卽廢歌異數新膺錫命多漢帝自然憐汲黯趙  
人終日望廉頗三年棠蔭添新葉萬井河流沐舊波聞道

秋江集

卷二

七

舉幡諸子弟壺漿遮路舞婆娑

栢臺肅穆領羣工淑問無慚在泮中元氣總兼冬夏日人  
言難測吐茹躬但於節屋精誠合遂與楓宸夢寐通

聖主宵衣免東顧從今杆柚不教空

古屋洪塘老樹邊塔湖春盡水連天每招泉石來垂釣却  
逐風塵去執鞭恩重敢吟招隱賦飾高難辦買山錢與君  
獻策升沉夢驢背鷄聲二十年

鄒縣

亞聖祠堂地征驂半日停塔標孤鳥白山陞一城青松日  
冠裳肅花風俎豆馨七雄空百戰最爾獨鍾靈

泰安道中山行



透迤百折上層坡嶽色嵐光瘦馬馱當晝炎威驕不得奇  
峯更比夏雲多

巖巖典則魯干峯玉檢金泥拜秩宗七十二君消歇盡夕  
陽驢背話東封

曉月堅冰十八盤十年前此上高巒至今恨事唐銘頌未  
竭磨崖一字看乙未正月十六夜予與雪邨登岱嶽達旦至絕頂今十年矣

倡條冶葉拂青驄帽影鞭絲困午風十里棗花香不斷行  
人五月出東蒙

棗林癯婦晨綵繭蒙頂邨僧午餉茶一笑顚與彈丸地春  
秋負固季孫家

驕陽赫赤困殘黎汗雨如珠滴夏畦願與嶽雲乞膚寸不  
秋江集

卷二

六

辭泥淖沒輪蹄

露筋廟

紅顏何代女廟祀在江湄野月穿珠帳湖風捲桂旗成雷  
當日畏行露至今疑精絕墻匡石南宮幼婦碑旁有米元章題記

秦淮送別

露涼江月初弦魄風動秦淮正頂湖春水方生君早去不  
教同倚木蘭橈

臺城

架有珊瑚便絕塵芙蓉霧夕露侵晨度郎年少誇宮體何  
限臺城應教人

長干曲

白紵青驄曉出城折花沽酒不通名小姑居處青溪上誰  
道無郎却有情

歸舟

歸舟小月印眉痕十里朱樓燭影昏慚謝興丁立官渡慣  
肩殘酒入城門

自西湖緩步入城

湖船初散口初昏緩步嚴城柝已喧無故羈人忽魂斷一  
鉤新月十三門

赴嶺南以便道抵家示家人二首

銓注教乘島外槎君恩移種嶺南花殊方久困萑苻患  
巖邑難供悉索奢芻牧牛羊知報主甘棠父老望承家

秋江集

卷二

七

世筮仕皆木棉翠羽誇如錦豈有閒心玩物華

在粵東廿年琴劍困輪蹄八口聊爲枳棘棲黃綬拜恩趨鯉對  
檄書捧淚痛烏啼田園邇日皆陵谷珪組縈身易水泥骨  
肉不知爲計左挑燈促席話提携

秋江集卷二

永福黃 任 莘田

萬安橋

拍岸洪濤跨半空中七十四垂虹人騎鰲背千層浪衣  
捲潮頭萬里風襟帶幾邦山海會梯航終日島夷通端明  
善政綿金石詞翰風流兩絕工祠內有蔡端明萬安橋碑

木棉巷

片石長懸萬古羞旁有石碣書鄭虎臣贊賈似道處當年來路賈循州樓  
臺無地營三窟蓬顆何心問首邱落日狐狸官道晚空山  
蟋蟀野田秋會稽小尉真強意爲復中原萬姓讐

拜石齋先生墓下

秋江集

卷三

一

明季將板蕩盈廷正紀綱維公起南服義勇舍風霜國是  
既委靡士氣多沮傷公思力挽之勁弩千鈞張明體乃達  
用所重扶綱常是時急功利樞輔謀不臧公不稍寬假廷  
諍多激昂折檻一逆鱗竄逐棲江鄉雷霆未息怒中外申  
救章遂興黨錮獄幾罹不測殃株連數十人我祖同琅璫  
大王父中允公以石齋先生堂廟同下詔獄囹圄箋楚騷與公相訂商載之序  
例中考據得悉詳其後各賜環事勢殊倉皇大厦非一木  
公身與俱亡公留心經術爲後學津梁周易與孝經大義  
多闡揚所傳十二書存大滌講堂詩歌盡散失家不什一  
藏曾貽我祖詩斷墨雙纖細一字一涕泪至今留耿光豐  
碑何義義松楸何蒼蒼繫余添子姓匪徒梓與桑典型肅

再拜立馬空傍徨王程迫明發蕪詞代椒漿浩歌北風起  
落日吹昏黃公貽先中允公詩二章其一章云心可知無  
怨途窮未倒行陰晴隨小鳥毒瘴共蒼生故  
事經開眼留人別點晴江河終日計豈有不澄清又一章  
云瘴無清曉通途得雅春舊冠誰合度扁帶若爲容  
國看元兇遊師恣赤松驚  
心非一事且晚又秋登

宿海陽縣先中允公舊令斯邑

清白兒孫過問津昔年膏澤瘴江濱先疇尚可爲廉吏舊  
德猶能說國人富庶漸馴驕悍習魚鹽幾變調絃新烹鮮  
亦有家雞例慚愧鄰封接後塵

歲暮奉檄至開建廣寧二邑錄囚歸舟無事成詩四

首

策馬鳴雞困曉征今宵喜聽榜人聲仍圍案牘身非暇乍

秋江集

卷三

二

對溪山眼暫明遠燒殘旗光破驛暗潮寒鼓打荒城十年  
紙帳梅花夢清福今應折半生

蒼梧一抹滿蓬烟雲氣時侵衣袂邊歸客澆荒廟酒赴  
墟人市別朝錢肇郡各邑皆用古錢誅茅椎髻圍編柵抱甕蕉裙坐

汲泉羣笑長官異鄉縣此中辛苦度殘年

建饒高潮夜郎西奔入羚羊勢漸低斜日側帆波浪響亂

山苦竹鷓鴣啼近坑不雨岩常潤入峽無雲岫自迷慚負

小軒顏十硯滿船簿領下端溪十硯軒余家中齋名

歷盡山岡與水邨羊腸折坂叱王尊清時廊廟頻開網卒

歲黔黎忍戴盆情有可原唯勿喜生求不得本無冤我來

敢學疎狂掾舉版看山出寺門元微之錄四詩有舉版支  
願看山色無暇精心滿縣

四之句

宿蓮塘

騎火千山臘月天  
操刀越俎去烹鮮  
布衾如鐵風如剪  
身在蓮塘破寺眠

時代隣邑識訟

勸農

暖風晴日卷雙旌  
立馬來聽布穀聲  
一事最饒田畯韻  
木棉花下看春耕

今年轉餉逼徵輸  
播種方新要緩紓  
願汝上農吾下考  
催科斷不擾耕鋤

看汝耘田我舍田  
舊山魂斷插秋天  
行官亦是扶犁侶  
蕪廢春耕又一年

秋江集

卷三

三

貪巡阡陌土膏肥  
幾點新泥污袷衣  
贏得滿城知履畝  
帶將春雨一犁歸

署院橘花

橘花滿地月生涼  
雨過千枝濕更香  
忽記十三年子夜  
一鉢崇讓宅邊牆

高柳

高柳雙行對檻栽  
朱欄剛拂綠絲開  
枕痕恰漏如規月  
知是濃陰缺處來

雨過

隔堤林葉洗精瑩  
猶透殘陽幾點明  
睡足不知涼雨過  
高齋五月便秋清

夜來香

丁香粒粒搖輕綠  
金粟纍纍折嫩黃  
恰比小官人入道  
絕無濃色有濃香

粉牆竹架水精簾  
一棧新泉浸玉纖  
好個通家女兄弟  
珍珠蘭蕊素馨尖

前身原是瞿曇種  
幻作香嚴色界看  
宜插女郎倭墮髻  
祭星時節禮齋壇

湘簾無月影空濛  
忽地鮮香一陣通  
知隔碧紗帷暗坐  
謝娘頭上過來風

賣花聲上秣陵舟  
舊夢依稀八九秋  
桃葉渡頭明月出  
照他粒粒顛釵頭

予於己亥秦淮舟中初見此花

秋江集

卷三

四

題廳壁二首

訟庭東折兩柴扉  
疊石臨流作釣磯  
燒筍野妻供退食  
揀香蠶女學熏衣  
牘清小几堆書滿  
草長閒廊候吏稀  
爲報在公多野興  
海鷗相見莫高飛

要知升斗亦懷慚  
金甌菜蕪我所甘  
健僕散如秋樹葉  
冷廳枯比定僧龕  
寒天里媪呼收蜜  
廢圃場師教種柑  
不爲淳龐牽幸住  
野夫何戀未抽簪

偶作

放衙行藥立東牆  
葵扇蕉衫特地涼  
高嶂散雲諸檻綠  
晚花過雨一城香  
簿書少判因齋日  
井稅多輸爲築場  
小摺硬黃試新研  
闌風吟寫兩三章

簾鼓

東安大簾峽水際生大簾其大數合圍相傳妖祟憑能助  
催符虐盡沉夜則升鄉人斬伐之如箭如弩督蒙皮作兩  
鼓鼓聲非凡恒一鼓置藩署已施山寺僧一鼓緩水縣至  
今廳事登端州亦簾鼓此鼓分兩層靜夜百里中響應雙  
鑿鑿我時下車初父老相誇矜以彼纏糾物乃能摻搗勝  
剝中暗其腹截腰挺其膺猶苞乾蘚文朽蝕偏堅凝空堂  
合古木逢逢千聲磨歷官數百年不毀相沿承其事頗妄  
誕其言有考徵在昔雷門鼓驚鶴中飛騰彼蓋取精多壯  
承能含宏夏后鑄古鼎以象神奸稱此鼓亦魑魅山林逢  
可憎懸之聽治所使人生畏懲越俗好荒怪淫厲多自興

秋江集

卷三

五

聊爲簾鼓詩齊諧一篇增

五銖錢

五銖始漢制在元狩五年權奸廢壞之莽述相後先王莽公孫  
述黃牛白腹謠再復寧非天其後七八姓不改相因沿各  
不書朝代唯以兩字傳點畫頗漫滅肉好多完全周郭仄  
一線厚薄磨半偏遙青霽晚嫩碧涵深淵摩挲掌握間  
古耀斑斕鮮昔見古玩肆數枚彝鼎邊欲購不計直願以  
一當千及來此蠻鄉古貝紛市廛此錢充朽貫數見無留  
連兒女強好事揀選朱絲穿繡篋不輕簪杖頭不輕懸阿  
爺癖好古置爺几案前八代一貫串煥爛鋪青瑣左有兩  
漢書右有六朝篇與錢各同時相見知相憐兒女一笑散

使我心凜然冗牘集如蝟窮簷炊無烟安有閒心情而爲  
玩物遷此錢闕去思該云使民去思如思五銖官其無徒好古娛此錢

端硯

羚羊峽暗秋月高紫雲一片沉江臯欲散不散能堅牢風  
紋水紋相周遭窮淵蘊結而甄陶石工下絕斤斧操誅求  
窟穴驅鯨鯨熬羊肝鮮割微腥臊拊不留手濡其膏白葉芭  
蕉青葡萄中有浮動千溪毛紗帷畫靜松風颭琉璃匣底  
鳴嘈嘈夜郎之波泔荆濤百川砥柱歸宣毫廢金石聲寧  
非豪

宿羚羊峽

馮夷幽宮鳴鼓鐘老蛟吟嘯吹逢逢十洲徹夕擊竿籟一

秋江集

卷三

六

氣呼吸千萬峯風號水戛聲不了後聲飄壓前聲小雲颿  
蓬窻雨又敲竹雞啼破春山曉

題游心水紀行詩後

蠻烟瘴雨行行濕珠浦花田字字聲吟到嶺西巡管地免  
教勞吏借圖經

辛苦爲郎君所知唯君志業古人期從今不寫閒風月多  
賦春陵數韻詩心水赴銓選

舟過金利墟

鷓鴣飛上古祠啼蕉葉墻高竹路低惆悵相思不相見木

棉花發日初西

珠江夜泊

五羊城下十洲通樓閣宵涵蜃氣空百越女牛星拱北二  
門笳鼓水歸東戈船潮暗琵琶月珠寺沙香茉莉風回首  
可憐偏霸地漁燈幾點浸鮫宮

花田一名素馨斜種素馨花  
數十畝南漢葬宮人處

花田曾此葬如花南漢風流有內家埋骨化為蘭麝土返  
魂開作雪霜葩含香裊裊風吹蕊弄粉娟娟露洗芽小扇  
輕羅人定夜一鈎初月素馨斜

以沉香念珠寄人並繫以詩

吹蘭含麝領巾邊玉腕雙條一串纏終日惹香來指上幾  
年生結在胸前氤氲粒粒搓金粟旖旎喃喃轉妙蓮愛數  
霜鐘初月下招他一百八聲圓

秋江集

卷三

七

三君祠

任鸞

荒服威名最上頭東南一尉領諸侯陸梁鎖鑰歸三郡蓬  
島旌旗擁十洲誰使流民資霸畧可憐開國爲人謀屠雕  
爲暴君爲德合得千秋俎豆酬

趙佗

雜霸乘時據海濱風雲草昧長文身築臺北面能朝漢  
國南荒不帝秦子弟春秋榮守塚蠻夷冠帶謹稱臣當年  
寡女誅求盡羸氏推君一罪人

陸賈

書生專對勝專征寸舌強於十萬兵鴟鵂聲中馳使節枕

柳影裏築降城歸貽令子非空橐去縛夷王不請纓絳灌  
可憐無用武因君髀肉一時生

酬張六雪樵郎中游三心水員外許三雪邨郎中謝

二古梅編修

一行簿領困蠻烟霜滿髭鬚雪滿顛行義艱難居下位別  
情哀樂感中年鴈鴻沙暖飛無力橘柚香多命不遷非是  
懶於嵇叔夜報書難上大羅天

秋堂

桃笙八尺瘴溪簾翠被餘香睡未嘗天氣已涼宵漸永秋  
堂三鼓有青燈

題十二星硯

秋江集

卷三

八

踏得窮淵割紫英濡毫猶聽溜泠泠夜光一壑西巖鐫斜  
浸秋天十二星

題硯陰

雨暗羚羊半壁昏何年浸着紫雲根野夫割去山窻玩認  
得蠻溪舊漲痕

余在端州十閱月未嘗得一硯其冬端之人伐東西

巖羣採取焉餽予片石予製爲井田形因系以詩

雍正三年十二月八日

他山半畝佃秋烟琢得方形井地連自笑不曾持一硯留

他片石當公田包孝肅在端  
州不持一硯

偶成

郵符郡牒日紛紛盛氣何應不見聞未免花間開折看恐  
藏半指北山文

愁潘毛髮閒居易瘦沈腰身束帶難三十六鱗天外至美  
人書札勸加餐

### 夢遊仙

真珠密字寫芙蓉私夾雲謠寶笈中記與觀香諸姊妹受  
書年少紫清宮

霧縠冰絲幅幅存故香猶染舊帷痕彩鸞歸去文簫別徹  
夜西風寫韻軒

銀漢初傾月漸斜匆匆苦語迫臨霞餘杭酒盞何曾醉辜  
負麻姑到蔡家

### 秋江集

#### 卷三

九

錦屏青雀載神仙鄂渚春風見裊烟自與樊姬江上別玉  
京朝會又何年

神光離合乍陰陽江水長流笑語香交甫夙因銷不得一  
生玉佩在衣裳

補屋牽蘿滿院苔花村別自有鸞臺宓妃新築芝田館坐  
待東阿秣駟來

一紙鸞函郭密香阿環又隔五秋強露幽風冷穿針夜白  
共銀河訴短長

又寬帶眼幾分多駐景神方可奈何生受杜蘭香一語退  
閑長日事消磨

好風吹汝出瀟湘薦盡荆臺一瓣香私刻薜蘿題小字第

### 三神女玉卮娘

自廣利墟踏月歸署

芭蕉影裡見斜垣葉葉人家睡掩門猶踏勞塵未歸去滿  
衣風露過前村

竹林高月滿禪關破衲開門去復還秋露一甌香一縷自  
公忙了共僧閒

綠槐人散夜街涼衙鼓逢逢滴漏長歸到三廳清不寐一  
床如水地如霜

柑會邑產紅柑  
爲嶺南之冠

小圃都能十畝寬家家紅繡與黃團何當簿領抽身去別  
署頭衙作橋官

### 秋江集

#### 卷三

十

鼎鼎紅重一村長帶葉兼枝綠亦香記在運租船上看退  
潮殘日滿江鄉

右軍帖子韋郎句惆悵微酸亦未黃朶我饒頤三百顆炎  
方不待滿林霜

夢回酒渴齒生津玉手香苞半破新想到含酸樊素口一  
雙羅帕遠分珍

讀始皇本紀

七雄爭戰事豪奢誰并誰吞莫慢誇六國未亡秦已滅却  
歸商賈作天家

黔首何曾識字驕學書項氏亦無聊焚坑枉放燎原火却  
把咸陽一併燒

秋夜不寐因檢昭陵石蹟十二冊成詩四首題於其後

十八瀛洲十亂才數行劫墨起悲哀九嶷山下英雄骨一叢殘紙上來

神駒百戰玉關西紙背猶飛帶箭蹄應上讀書床踐蹂破窻風雨夜聞嘶

際會風雲未足難始終恩禮羨貞觀漢家多少韓彭將不得銘旌一字看

芭蕉影裏颺孤燈異代書生睡未能手把一編千載事濁醪兩碗醉昭陵

戲示寮友

秋江集

卷三

七

常參班裡說歸休都作寒暄好話頭恰似朱門歌舞地屏風偏畫白蘋洲

築基行

築基本護田賣田爲築基哀此眼前瘡却剜心肉醫綏邑之井稅兩圍大藩籬隄防一以潰千頃皆汙池今年困淫潦衝決勢不支粒食望已絕預算金錢糜縣帖昨催築先相度土宜原隰測深淺形勢分險夷其間腰底而高厚額定規按田派力役多寡等有差遂令計稅畝疆界爭毫釐仍有不均怨弱肉強食之亦有遊惰民而舍鋤以嬉里正來下狀喋喋相警警董之宜朴作欲朴還沉疑出虫子來前長吏勤致辭長吏實不德灾害余所貽古風有讓畔汝

忍相凌欺好德好風雨與汝蒼天祈三冬急春鍾過此便失時上官有嚴限羽檄催紛馳勞汝乃活汝未可生怨咨基長冬日短促迫憂稽遲夜役以繼晷及老羸妻兒或有募壯夫傭直傾家貲堤上月皎皎堤下水潄潄綿亘百千丈官誇如京坻豈知一九泥千萬人膏脂築基復築基築完亦傷悲今年筋力竭歲修無了期田園斥賣盡安用築基爲擬上河渠書言高嫌位卑誰是采風者爲吾陳此詩

賑粥行

今年米價高乃自二月始其時東作人尚未及耘籽綆短井水深轆轤接不起展轉七八旬十室濱九死苟活始自今登場十日耳相傳此十日艱苦更無比譬彼行路人九

秋江集

卷三

七

十半百里一春發倉廩賤價實倍蓰奈今已懸磬一錢亦坐視甦我三閔月難免須臾斃此語痛至隱使我抱愧鄙急令煮餠粥謹呼遍邨市其日正赤午千百若聚蟻大半老羸多肩摩足跛倚叟叟與浮浮津津干頰齒長吏未朝餐先汝嘗旨否次乃恣蠶食流歎等波靡癡姬強其兒不肯輟箸七老翁不量腹哽咽額有訛僉曰傷飢腸徐徐乃可爾明發當復來漸漸平瘡痂揮之不卽去不去察其旨問官賑幾日好共妻兒止官卑俸錢薄能辦幾斛米官云汝無慮餅馨之恥計較兩歲祿兼旬供食指亦有懿德士告乏助爲理待汝刈穫聲此舉我乃已東郊一以眺堅好惟糜芑望歲如望梅額變色喜歸衙持簞瓢餘瀝飽

稚子

酬范秀才

君是清華萬選錢相逢舉舉更翩翩芙蓉東府舍初日楊柳西州濯晚烟公子所思多遠道美人未嫁正芳年龍泉莫惜殷勤淬一拔沉埋便倚天

綏江除夜

進本無營退更寬將心不必遣人安歸持一硯非空橐坐享雙柑亦素餐綏邑產名柑疾病幾時田里計閭閻明歲度支難何人竹屋青燈夜風雨高歌正好歡

雜詩

梨花杏葉雨濛濛小扇疎簾又不同今日蒙茸昨綸綌炎

秋江集

卷三

三

涼卽在一宵中

昏蛙閣閣噪春池雨過千林月上枝無理一場荒闊罷韓黎蛙詩無更何心與問公私

折斷春風第幾枝滿城高價賣將離羅虬親手摧殘後枉比紅兒百首詩

一春潦旱苦相仍入夏還教未耜停爭忍杞人便高枕穴窗頻起看三星

禿翁菜色足泥塗野寺相逢再拜扶牽着老夫垂一泪去年今日已來蘇子出野寺納涼見寺外村翁數輩飢色可念因語子去年賑粥存活之事初不識子爲舊吏也寺僧相告遂假饑來乞食亦何慚我比柴桑丁未饑長物尚供三日飽家

人計較賣朝衫

又與殘編續舊情伊唔深夜一燈明侍兒竊指乃翁笑四五年來無此聲

流行坎止適相遭鄙意何曾着一毫睡起開窗成獨笑碧天無際鶴飛高

不曾邀結不逢迎直得人稱懶慢名今日始知嵇叔夜斷無書札答公卿

猿啼鶴怨不多時叢桂於今喜可知出去本遲歸又早小山只當不曾離

席上咏蘭花豆限韻

村家蚕月平疇風千隴萬隴吹芄芄落箕半菽歡野翁行

秋江集

卷三

十四

厨餽客盤餐豐好事剪刻開玲瓏叮咛幻作湘沅叢野氣乃與國香通腰鋤大笑當門空一頃九畹饒腸充素心臭味將毋同

感興六首

懿彼孤生松結根南山阿獨立不爲好膠枝施女蘿族類欣有托不在雨露多嘉樹不得所斧斯及樵柯掩抑無復達乃怨春陽和微情感信芳因風托微波徘徊雲路長揚靈意若何

嵯峨者易缺皎皎者易汙方枘納圓鑿其勢必齟齬高明坐一室鬼瞰生揶揄君子矯自好豈能貶意趨盛氣招重尤寒情畏厚誣埋照匿光彩被謁懷瑾瑜先民亦有言深



藏貴若虛

天桃無修幹芳桂無直枝世人悅心口翻以屈曲奇緬彼  
百尺桐高聳凌雲姿攀折無傍依菁華空爾爲聲色兩俱  
淡况復搖落時不惜焦作琴爲君理朱絲牙曠不可作千  
秋誰與期

巨鱗潛深池好鳥鳴高枝物性無改移安知彼是非化聲  
不相待和之以天倪青蠅止樊棘白璧生瑕疵良由勢使  
然扁石履斯卑何不矯健翮高舉盤天嬉冥冥千仞岡弋  
人何慕之

四序驟回薄陰魄互虧滿義和傾其輪陽戈不得挽蹇運  
鷗退飛危機車下坂去者日以多道里阻且遠絕徑無通  
秋江集

卷三

五

身岐路不顧返感歎楊朱子慟哭亦已晚  
蒼莽意所適駕言東出遊離心不可寫日夕結幽憂夙昔  
秉微尚厚期無薄酬浮沉失志氣艱虞集憐尤及今未喪  
寶貲勉敦前修逝將息塵慮長揖歸林邱

久不得諸故人消息

朋舊都無信一行更疎踪跡到韋郎料無本末難明苦翻  
省紛紜作答忙日月幾時供聚散山川何處問行藏羈人  
歸去加餐飯瘴海雙魚免寄將

偶成

數莖華髮理朝興蒼狗如飛野馬升半世畫成名士餅何  
人語與夏蟲冰荷花小艇裝逋客芥菜疎簾欵定僧記得

樊川詩句好清時有味我無能

對床舊雨幾晨星孤館飄蓬又散萍須友每懷南北巷夢  
歸多數短長亭香銷燈灺歌初罷院冷樓寒酒半醒自唱  
春風腸斷句五陵並不要人聽

已酉七夕

迢迢又值一年秋六載全家嶺外遊兒女不知身是客要  
修故事上針樓

朱斑漢馬焚生結名香冰裂哥窰浸素馨喧徹三廳無睡起  
枕椰樹下看囊星

露涼風嫋曝衣樓楊柳千絲月一鉤深院笑聲還燭影十  
年前事到心頭

秋江集

卷三

六

題姜雪園悼亡詩後

向月爲雲未可知的應留命在花枝小桃歲歲春風面便  
是崔郎再見期

卽事

關風伏雨瘴烟深動便山城匝月陰古帖又殘新蛀字春  
衫都爛舊雲襟妻兒異地供多病弟妹經年斷好音嶺樹  
千重萬重隔羈人何處寄歸心

村寺偶作

寂寂禪門客到稀軍持無水磬聲微本棉千尺紅如火照  
着山僧壞色衣

破壁封泥草未除半間僧借老農居村僧錯聽誰傳說勞

紙濡毫乞我書

別龔廣文

幾年心緒一窮完未卜勞生可閉門每共晨昏知已道太難一二外人言畏途是我時宜拙巨室唯君古處敦便掛孤帆從此別江山句地不銷魂

新年

炎方霽景入新年百卉千枝已闢妍占定別人花月地撥開連日瘴雲天光生研几清無汗暖入莎汀綠有烟又是一犁東作近野夫如此誤春田

浴日亭和東坡先生韻

可是羲和別有天甘泉湯沐此江灣一輪烏足踏翻浪半

秋江集

卷三

七

夜燭龍啣上山夸父力難追赤影魯陽戈不挽紅顏朱明門戶無多路一捧咸池指顧間

三月三日遊鳳臺山

千山爛漫吹杜鵑晴霞晚燒開木棉三叉路口立破衲邀我竹院歡留連春郊四澤新水滿上田決決流下田千枝野花數點雨濕雲屋角黏炊烟念我一春不出戶振衣縱眺岡之顛野厨摘蔬具脫粟荒澗拾葉烹清泉山僧粗解作禪語語我大小二乘禪我本鈍根不了了倏忽解脫千縛纏因思俊遊昔少壯如雲勝友嘶連錢綠楊樹下縱襪飲狼籍杯竿喧管絃烏絲紅袖擁刻燭蘭亭帖寫溱洧篇十年萬里一俛仰如此陳迹殊可憐嶺南七載意寥落邈

答令節惟高眠今日之遊曷不樂何必感慨情事遷我今

萬緣足閒散淡乃不厭情所便譬彼草衣木食客轉飢藜藿憎腥羶人生雪鴻印指爪明歲何處春風天

別梅花二首

余手植細梅一株於靜鏡堂西既罷職仍居此堂三載似與梅有夙因未了者今將歸里放花倍甚索笑之餘不勝離思焉題廳壁

飛花落盡簿書堆能得巡簷笑幾回悔不空山流水去托根悞汝作官梅

橫斜東閣百千枝寂寂鐘殘月落時記得揚州何遜否縱無遺愛有相思

秋江集

卷三

六

棄婦詞

結髮爲君婦采葑復采菲鳴雞事戒日德音期無違貧家操作無停時豈能膏沐描修眉荒厨無米炊不得羣小尤慍姑嫜疑高堂漸漸有煩言謂妾不堪主蘋蘩妾身營蒨輕遭棄妾心日月光無異三年紡織坐春機去時還着嫁時衣翠羽明璫妾不取出門椎髻單車歸歸時環抱諸兒女痛我劬勞和泪語寄聲兒女不須啼汝別有母如我齊歸舟雜詩自綏江至南雄道中作

閒人不放去投閒日日尋閒是強顏今日野夫闕得否一帆鸞眼萬千山

古處還應見此群離心翻把去心降談都廟下多情水也

送輕舟出觀江

候糧糞家供三宿妻子琴書共一船便作浮家三漁父的

應拔宅小遊仙

江鷗拍浪好丰標飛過船頭不可招我豈不如卿格調一

羣相見莫相驕

峽山漸近古宣溪峭壁高高苦竹低爲報先生正傾耳歸

途不畏鷗鴟啼

落帆去陟飛來寺半日聽泉亦夙因不爲歸舟寧有此溪

山何負退休人

巖扉曉對峽流開數片溪雲入竹來美殺禺山雙帝子海

棠花落讀書臺寺有軒轅

秋江集

卷三

十九

歸猿洞口月微明碧玉連環有舊情行客聽來腸欲斷三

生啼徹第三聲歸猿洞在飛來寺後唐孫格同妻袁氏至

僧方悟卽向所蓄之猿

其玉環爲繫頭舊物云

香爐峽在亂峯顛盡日無雲亦噴烟桂權莫辭三百曲與

燒心字禮真仙

金戈第織好蛾眉百戰靈風響桂旗擬作武溪深一曲踏

歌椎鼓惠妃祠香爐峽有虞惠妃祠英德人與黃巢戰沒

殁能制岡蠻之寇封爲

正順夫人祠碑於廟

一層崖束一層湍忽豁江天眼界寬纔出峽來重入峽要

誇好手在狂瀾

湓陽峽盡是英州山更玲瓏水更幽峯影墜于孤艇晚濕

聲散作亂鐘秋

高低螺髻照江潭倒插千條碧玉簪好是殘陽新雨後看

他染黛與拖藍

似劈如懸欲動搖兒孫林立丈人招南宮不惜千行拜如

此峯峯合折腰

一峯千百小岡巒要把峯峯向背觀何術縮成拳子大卓

來端石硯頭安

至今山水不知名半向舟人口授聽莫怪當年韓吏部殷

勤入境借圖經

翠羽明珠此要津蕭蕭一舸暮江濱官行莫渡三龍水瀧

吏輕狂慣笑人

秋江集

卷三

二十

重華昔日南巡狩斑竹蠻江種得無三峽愁如九疑恨應

從此路去蒼梧韶州有

九成臺下傳韶石曾奏韶音響碧空千載行人能解慍滿

江斜日鼓薰風韶石山舜南

城闕悠悠不嗣音袈裟半幅亦銷沉曹溪水口餘香在不

見南能直至今

千秋金鑑委塵埃不信漁陽是禍胎直至雨淋鈴道上萬

山一騎捧香來張文獻

香風酒氣吹荷葉冷露棋聲落桂花誰繼風流許丁卯驛

樓觴咏月初斜許渾宴韶州驛樓有詩云露墜

秋河遙挂亂峰西巖桂斜飛片月低不用針樓憶惆悵全

家都在飲牛溪是日逢七夕

仙侶同舟入翠微琴尊安穩片帆飛也應笑向張公子謂張

東木表弟七歲思歸此日歸

穿窬曲曲聽鈞輶不厭蓬窗足滯留破驛紅梅問消息計

程明日到雄州梅嶺有紅梅驛

便掛竿帆半月餘故人秋夢近何如南風黎辟灘頭夜與

報平安一紙書舟泊南雄燈下作書寄綬江諸子李義山詩云黎辟灘聲五月寒南風無處報平安

按黎辟灘在南雄保昌縣

滕王閣

畫棟珠簾跡未荒至今帝子有靈光落霞閣染千門紫殘

月江昏九派黃燕飲幾人關氣運山川終古托文章王郎

秋江集

卷三


三

不作韓公歿無復詞華更擅長

秋江集卷四

賁居

永福黃任



烏衣巷口夕陽天舊壘新巢兩變遷垂老居人鳩鵲屋幾  
時歸我鄉鄰田殷勤謝客難旋馬早晚携家自刺船傳語  
丹陽諸好事研山不作買菴錢

題松梅圖壽袁純一廣文

興邦自昔上庠先教育如君邁古賢到處講經都有席長  
年好客並無種半杯松葉銷程雪數片梅花落鄭箋爲報  
絳紗諸子弟稱觴但誦歲寒篇

九日同林渭雲林興井陳師顏劉鄰初謝古梅何其

秋江集

卷四

芬廖天瑞集越山

高天無雲流蔚藍千峰潑染空青涵秋山亦復愛我輩故  
遲霽爽招朋簪在昔越王初啟宇石樽九日供醉酣越王  
已歿越山出越山山上瓶壘擔遊人指點越王墓一坏靈  
爽空門參魚燈滅來照佛火松柏伐盡生優曇冷池劍氣  
亦銷寂干將一去空寒潭二十九勝沒秋草三十六樓沉  
暮嵐諸古嶺頭人跡少十圍老樹松榕楠華林廢剝剝紅  
壁但有鐘簷無經函就如茲辰競登覽此地什百終二三  
裴履絲竹衆年少選勝都在烏山南山前山後挈梓榼如  
潮如堵如叢蠶而我輩子愛涼踞銷歇何有來搜探雁鳴  
寒葉蟬咽樹平淡中有絢爛含譬彼法物半殘缺古音古

色吾則耽王氣夕烟消半醉霸圖廢蝶圍高談嗟我十年  
墮世網羈縲有如轅下驂歸來蓬首復繭足如此束縛非  
所甘一把茱萸兩把菊強健不減狂猶堪天風慣落短髮  
帽蕭蕭霜雪吹鬚參平生好古到此晚往不可救來豈慚  
山石犖确暗歸路芒鞋乍踏何由諳涼颼入樹月滿地何  
處清磬飄暮庵

題施澍巖虞部歸樂圖二首

雨隴歸犁

短簑圓笠有新泥如綫如酥雨一犁正是東臯好時節杏  
花牆角勃鳩啼

柳村歸牧

秋江集

卷四

二

三百九十羣停喧戢戢濕濕歸柴門野翁倚杖日之夕何  
處笛吹烟柳昏

雪山歸獵

彎弓盤馬雪紛紛血雨毛風下獵羣暫輟青門種瓜手教  
人來識故將軍

苦記

芙蓉寶劍柳絲鞭苦記蘭成射策年小字暗呼朱檻裡新  
詩先到絳脣邊自移暖褥兼花坐不脫春衫帶酒脰今日  
東風太欺負吹霜吹雪上華顛

花朝陳德泉編修招同施澍巖虞部葉芸山明府林

玉伯孝廉陳紫山侍御林肅齋明府張雪樵郎中

李磁林編修陳少峯明府李梅亭郎中陳君豐進  
士陳若蟠上舍學圃雅集分韻

韋杜家家醉到無嬉春折柬又招呼人如洛社耆英會  
年七十七芸山年七十五玉伯年七十五紫山年七  
一三肅齋年七十雪樵年七十一磁林年六十一地是  
西園燕集圖墨綠竹光浮浣硯酒香花氣入提壺歸來深  
巷郎當路明月垂楊影裡扶

陳紫山侍御招看牡丹和韻

第一林泉第一花最幽深處最繁華粉牆蕩影燈前覺彩  
筆傳書夢裡誇雪色臨霞金盞酒天香承露玉盤茶永嘉  
水際誰能賞倚竹蕭蕭數朶斜謝東樂集云永嘉  
和李磁林太史春盡夜對花詩八首

秋江集

卷四

三

猶有繁花未盡飄酒闌銀燭更高燒故應不放紅粧睡一  
刻千金只此宵

秦臺吹管到來遲禪榻茶烟鬢已絲蝴蝶不知春色去殘

紅猶認乍開枝

朱銷粉褪看無多其奈將離午夜何記在孟珠家裡別半

牆殘月一聲歌

佳期遠道兩悠悠一夕韶華不可留落盡深紅繁盡綠街

西小村到湖州

花信誰家棟樹叢已吹二十四番風金鈴繡幄渾無緒只

合挑燈賦惱公

未必芳菲一夜空花顏無主即飛蓬從今不得東風力辜

負深紅與淺紅

半畝閒庭爛似霞十分春色一宵誇劉郎明日思前度便是玄都去後花

不須惆悵惜芳叢把酒看花興未空看到秋江好顏色芙蓉原不要東風

初秋過陳德泉編修學圃閣元明人墨跡忽風雨交

作几席翛然清歡竟日歸賦四首奉柬

秋來苦熱相過少今日高齋見早涼心跡雙清無一事對床開卷看瀟湘

清虛事業調誰同冷淡生涯筆最工一卷墨王一杯酒與君消受玉樓風

秋江集

卷四

四

君踏京塵我瘴江十年心爲故人降今朝舊雨清風裡珍重西窗與北窓

灑竹鳴蕉打井梧園喧能辨半聲無與君便是雲林畫一幅秋堂聽雨圖

題秋山讀書圖

寒巖古木日初斜接瀑來煎雨後芽未免衣裳費渲染半沾雲氣半沾霞

祇圖童子欠山僧布襪青鞋事事能想到秋聲起天末山風微颭讀書燈

一條春瀑瀉山池捲卷苔階立又移每濺吟身三兩點潺湲打着古松枝

題林涪雲陶觴硯銘冊後

片石爭求月旦知不經題品不稱奇何人得似余京兆葉葉芭蕉幼婦詞謂余田生京兆

玉箸金釵間八分朝朝銘志奉陶君研名陶淵先生免受劉叉侮不比人間諛墓文

紫微內史絲綸硯遺墨雙行見典型今日奎光拱珠璧天章還照子雲亭鹿原先生有奎硯銘

記共慈仁寺裡回手持數片重瓊瑰廿年拭眼摩挲認曾看研朱滴露來甲午都中余與鹿原先生慈仁寺購硯今披閱銘詞猶歷歷在目也

巖分上下洞西東丁卯詞人鑒最工苦記清秋池館靜銀鈎鐵畫對離蟲雪邨硯銘皆予與同寓吳門三山會館時所刻

秋江集

卷四

五

四十年來硯席情相期研背互題銘木棉花下音塵絕此意千秋竟不成予在嶺南寄雪邨一硯雪邨書來以余未互題銘詞以志久要予未歸而雪邨已逝三復遺文不勝人琴之感

青花白葉吐奇芬噓氣能蒸几上雲北隴情農無一事石田歲歲事耕耘渭雲研背自署北隴情農

古梅健筆寫銘文硯榻人稱比練裘從此謝家團扇上流傳不畫敬亭雲

右軍風字青璫物個個官奴有品題我亦長林香一瓣豈徒公輩愛家鷄謂林氏諸昆

唯君雅製最新標奇字佳銘自琢瑯一寸能兼書撰刻要誇三絕上芭蕉涪雲硯銘皆手自篆刻

自嗤採錄來寒陋凍井山房十研軒若與端人論取友聞  
東井山房十硯軒  
風我亦薄夫敦  
皆余藏硯齋名

後礫巖連北壁開丁丁採遍結鄰才愛鐫小印端溪吏管  
領東西兩洞來

三載衙齋麗澤工枕椰樹下看磨礪董生老病楊生矧誰  
復他山我錯攻  
余友董滄門楊洞一皆善製硯兼工篆刻  
客子署中三載今滄門病出老而洞一宿  
草矣

古欵遺凹積墨香纖纖女手切干將誰傾幾滴梨花雨一  
灑泉臺顧二娘

巧偷豪奪恨何如無器存辭譽亦虛我與南宮同一厄可  
憐滴泪玉蟾蜍  
予失去二研銘  
辭尚存冊中

秋江集  
卷四  
六

亦有銘文未受裁尙煩東哲補遺才如何十八東林社康  
樂柴桑不入來  
尙有數銘未  
錄當續入之

展開一卷盡琳瑯解佩題襟集滿堂恰似洛妃乘霧出通  
辭爭寫十三行

誇多鬪靡各爭奇如見羣賢畢至時合作端溪名士傳青  
雲巖穴盡交期

疊前韻奉東余田生京兆  
風流幾字滿城知寸石人爭走問奇縱使徐陵誇筆架可  
無一硯奉清詞

卽此床應上下分硯銘首首不如君端溪一字稱知已何  
必還貪九錫文

平生好古耽墳典幾字聲牙亦舊型鐫遍支機天上石星  
棧真合縛斯亭  
京兆別業  
有星棧亭

寶山誰肯手空回排比家珍玖與瑰鑿破三坑吾不稱矜  
羊倒峽待君來

迴盡狂瀾障盡東一行使見琢磨工論交如水兼如石此  
意如何語夏蟲

聲聞由來耻過情每煩剝啄慕虛名林亭標榜殊多事累  
我柴扉掩不成

葭湄日日吐清芬  
京兆有葭  
草堂書盡紅霞與紫雲一語故應  
君絕倒人田多過已田耘  
蓄研者多向  
京兆乞銘

佳銘好石質兼文銘硯強於寫練裘我欲爲君吟五字匹  
秋江集  
卷四  
七

如河漢淡微雲  
余有硯書微雲  
淡河漢五字

問人以硯爲忙事冷淡生涯感舊題記被端江津吏笑鬱  
林滿載趁潮鷄

爲愛端硯好格標行藏都記硯頭雕年華心力銷磨盡一  
笑相看是鹿蕉

歎識偏旁缺復完行行金確婉義軒斑斕列作文房寵古  
處惟君好最敦

風氣因君漸漸開硯銘羣見一斑才固應尺寸人爭搨是  
割磨崖片段來

豈徒美璞是良工獵碣居然掌上確他日陳倉歌石鼓乞  
君一首比車攻  
予有石鼓硯  
乞京兆書銘

案頭拂拭字流香是我前年遠寄將予在端州曾五色煉  
來供絢爛慘磨遍越珠娘黃岡製硯數千

韓潮蘇海較何如箕口才人困不虛不可飲揚惟貯墨玉  
川吟寫蝕蟾蜍予有箕硯似爲先生而製者

操觚誰不仰風裁二洞雲霞亦愛才鴝鵒朝朝具青眼看  
君搥筆上巖來

芙蓉選下割琳瑯帶得蠻烟上草堂日暮硯洲飛翡翠至  
今斜滴兩三行

唯君知我此緣奇得硯先於作令時京兆十硯歌終始有神交  
有道琅玕金石話心期

歲暮感懷

秋江集

卷四

八

乘除似織去如飛又送堂堂一歲歸聚鐵固應難鑄錯行  
年何不早知非余今年正五十琴絲掛壁蟲粘遍梅蕊侵簷雀啄  
稀天運悠悠苟如此嘆衰亦是未忘機

北風四壁響飄蕭釀雪凝雲不自聊面藥口脂干澤日紙  
窻竹屋讀書宵競工媚竈難爲福大笑燒船反見招車馬  
不來來不應野夫窮巷正宣驕

首春八日東梅崖

紙窻消受嫩寒天楫櫓爐移竹榻邊梅片乍沾磨墨汁雪  
花微濕煮茶烟孤懷如坐千峯上舊緒潛生百草先擬共  
衝泥沽一斗隔年可剩典衣錢

雪中口占示家人

謝家庭館黨家嬌一種春寒兩種銷呵凍侍兒安筆硯忍  
寒稚子踏瓊瑤女誇沸鼎茶鎔熟妻喜裝盤菜甲饒不合  
時宜供汝笑老夫潑墨寫芭蕉

題桃花流水畫冊

桃花灼灼水潺潺隔斷千山與萬山生怕漁郎漏消息不  
流一片到人間

贈泉州太守葉虞封四首

治行爭推第一流刺桐城又借宣猷使君真作三河表杯  
酒親爲七邑酬宋王文惠公守泉州時有今日黃堂一杯酒使君端爲庶民斟之句似竹官  
方高節見如茶民隱苦心求兒童快說遮留日重拜并州  
郭細侯虞封曾爲晉江令

秋江集

卷四

九

文人典郡似東坡案牘何曾廢嘯歌風雅共知吾輩少賢  
勞偏較友邦多每灌吐茹非沽直但豁胸襟卽飲和羣聽  
萬安橋下水潺湲終日響恩波

焚香燕寢了公餘官閣如水自掃除床上泉聲琴拂席案  
頭苔跡鶴窺書三廳魚雅圍珠履五馬斑斕御板輿文采  
勲勞兩隻絕教人不敢做樵漁

全家船泊訟庭前牛渚清秋月滿天去歲中秋余自嶺南歸停舟順昌城下與  
君話舊共話鹿蕉過半夜便分霄壤未經年旌麾亂我無  
三徑未耜從君受一廛免得誅茅浣花叟騎驢過乞草堂  
錢

壽泰安趙中丞



崧嶽何年誕甫申南天淑氣轉鴻鈞四維繫處憑雙手八  
柱排成仗一身表裡梯航歸鎖鑰要荒惟結受陶甄惟公  
張弛無聲色一個休休社稷臣

持平無競亦無絲元老經營克壯猷事父事兄唐僕射允  
文允武漢通侯戈船下瀨鯨鯢靜佩犢環村稭稭收祚席  
已登耕鑿適但承帝力卽天庥

薇垣榕葉滿堂陰節鉞嚴疆簡再臨寄託似山明主意澄  
清如水老臣心坐來玉帳圍金石行處牙旗擁鶴琴袖得  
嶽雲膚寸至海天無際散爲霖

早年講席擅龜蒙鹿洞鵝湖在泮中出處每關天下重誦  
紃要立後儒功萬邦城闕尊壇坫百代鐘鐺振瞽矇環海

秋江集

卷四

十

祇今能不變可知鄒魯帶來風

旌幢遙拂十洲東幕府時時紫氣通鈴閣皎懸烏嶂月戟  
衣紅捲荔支風元公玉瓚黃流裡弟子絃歌絳帳中多福  
自求純嘏集天教平格答膚功

瘦鶴

一辭雲路落江邨丰采都消骨相存航懼有時還起舞峻  
嶒不稱去乘軒孤桐爨下陪焦尾叢桂山中憶病猿莫怪  
邇來眠食減青天碧海正銷魂  
孤行峭立合樓幽痼疾烟霞未易瘳藥仙童過弱水休  
糧道士上扁舟數聲仍徹千尋漢幾步能高萬里秋却被  
羣鷄軒舞笑此君不解稻粱謀

昂藏瀟落一長身惟有蘭巖好寫真高竹叢邊看骨格古  
松枝下見精神查牙祇養丹砂大稊稊猶標白雪新昨夜  
緱山書信至芝田飲啄話前因

不論華表與華亭多是清癯合相經斜月半墻時引吭夕  
陽深竹自梳翎莫嫌露肘棲貧院亦學吟肩聳夜廳休戀  
朱門願養厚輕身正好上高冥

送女歸永陽

日年婉孌足承歡今日辭家事伯鸞看汝和鳴齊比翼一  
雙飛上汰王灘

一官牽累汝遲歸貞吉臨岐莫泪揮帶去女兒香一片蠻  
烟曾爲我薰衣

秋江集

卷四

十一

吟哦慣學乃翁癡專事琴書亦未宜井日餘閒女紅暇不  
妨遙寄一篇詩

似汝王郎亦自佳珊瑚翡翠兩堪誇獨憐過未封胡輩不  
共閒庭咏柳花

山城此去正春寒到卽緘書報我安愁汝又因愁汝母汝  
能眠食母加餐

中年容易傷哀樂兒女牽襟劇可憐汝更生成賢且慧爭  
教別泪不漣漣

爲趙中丞題山水畫冊十首

雨霽陽景升層巒爭新沐無雲氣自蒸未葉山已綠匝匝  
千萬峯潑染八九屋何來幽谷聲丁丁響伐木

山阿有嘉樹葛藟其纍之涼颺急吹葉散落江之湄欲瞑  
山更寂淺渚生漣漪蒲稗見唼喋遂起投綸思得失安可  
知一竿聊復持

蕭灑幾莖竹槎枒一株木怪石蹲其旁懷抱各穆穆古色  
兼古心持此媚幽獨

灌木碧逾靜新柳綠可數春風江上村殘日水西路樵人  
負且趨宛宛危橋度極浦一帆飛知投何處霧

籬竹鳴颺颺楓林落撼撼霜風晚逾響草屋口之夕遠燒  
昏始紅高月淡未白牧笛忽飛聲斷續前坡隔柴門各家

食燈火出樹隙古路寒烟平何處見人跡  
清曉開荆扉知有款門者過橋聞葉聲相見寒林下竹風

秋江集

卷四

三

吹我書迎君行未把君能少住佳共此傾盃竿流水宜抱  
琴冷冷我心寫

隔河種桑柘藹藹浮晴烟芳芷繡平楚餘霞媚遠天前邨  
曲澗斷荒徑長橋連東臯急農事晚食遲歸田野渡無人

喧一篇斜照邊

結茅秋樹根樹聲響策策高天無片雲一室照虛白遠籟  
喧更靜落葉掃還積孤興每獨往涉趣愜所適豈敢生遐

心吾廬千竹隔知無載酒人吾非楊子宅

千巖窮攀躋絕巘非人境豈知六七家卜築在翠嶺天紳  
奔石梁雲氣出丹井策杖入浮嵐微茫濕衣領何當笠澤

遊湖天霽萬頃七十二峯青峯峯浸倒影

四山暗同雲天地一何肅衰柳凝寒烟凍禽靜且伏悄然  
孤篷底能否斗酒足近邨無燈火冥濛此焉宿喔喔天鷄  
鳴晨光啟東旭

又題折枝畫冊十八首

芝田半畝托根多冉冉盈盈見襪羅誰繼十三行拓本通  
辭一爲寫微波水仙

伊人原在水中央流落人間嘆國香好作通家蘭芷伴伴  
他生長在瀟湘

翠濤小院千釵雨絳雪高樓一笛風落在華光韋偃手色  
香長伴歲寒翁松梅

寒天翠袖照流霞薄酒銀燈隔綠紗誰駐雙株顏色好一  
秋江集

卷四

三

冬霜雪是丹砂  
一枝斜壓宋東牆和暖烟笑艷陽種到仙家尙牽引解  
將消息漏漁郎桃花

昨夜風開露井邊紅塵曾占一時妍玄都觀裡思前度不  
獨劉郎看可憐

萊州郡守丹青癖酷愛徐熙寫折枝持此歸來堂上賣累  
他琴瑟恨多時牡丹

此花宜在玉闌干移入生綃寫倍難好去玉溪僧院裡粉  
牆蕩影點燈看

牆東半畝爛明霞贏得長鬚老圃誇秀色請君餐一飽春  
風開到米囊花罌粟

菰米蓮房熟有香名花亦復號倉箱鸚哥莫但貪紅豆如此含英好稻梁

一棚千穗綴繁香蔓引闌干葉接牆誰散餘霞天尺五紫絲步障紫雲娘紫藤

垂垂婀娜侵書幌顆顆零星落筆床昨夜詩脾中酒沁銀匙輕點送茶湯

小葉如拳大如蓋差差柄柄相遮俱滿池新漲乍歇雨出水一枝紅未開荷花

方塘似鏡見澄空一陣遊魚咬好風藻荇亂穿如汝樂田田誰復辨西東

曾被吳剛玉斧刪一枝傳植到人間廣寒宮裡無栽處只

秋江集

卷四

十四

合連蜨入小山

桂花

紛紛金粟照金波醉唱姮娥一曲歌不得意人聽亦得斷無易葉改寒柯

九日他鄉生白髮十年故國負黃花不辭把酒殷勤看汝正開時我到家菊花

誰採金英落筆端東籬曾佐我加餐野夫無徑先秋飽日日吟看與畫看

三月十六夜作

露重風輕逼晚寒海棠花浸水晶盤更無人共瑤臺立敲遍亭亭十二闌

金鋪屈戌玉丫叉密炷爐烟暗捧茶幾夜不來床上坐蟲

聲已迫綠窻紗

漏鼓微聞第幾敲垂楊不綰可憐宵牆頭斜上千千影知是長條是短條

傳語吳棉半臂添疎花風到曉來尖如何香霧濛濛濕愛忍春寒不下簾

無題八首和徐懶雲并序

不解風詩何以有草蟲雄雉每憐樂府大都爲囉嘖懊憹以王伯輿之梟雄猶曰當爲情死如江文通之風雅輒云僕本恨人從來名士必悅傾城其奈參軍難諧新婦溫太真戮力西征曹大家間關遠宦鳳鳥致辭忽報氤氲之使葛蘿繫木反孤燕

秋江集

卷四

五

婉之求惜荆璞之輕沽何緣韞匱駭浦珠之復返祇對空盤山上有山藁砧終飛破鏡夢中說夢空篋不辨朱書可憐暮雨牆頭窺臣竟去豈料好風江上吹女出來叙葛藟之纏綿申桂堂之禮分中門動鎖何嗔桃葉迎人後院煎茶不避鸚哥喚客朝暮峽雲飛來屋後東西溝水流到門前晚風楊柳齊牽長板之橋初日芙蓉不隔橫塘之路洛川曹植旦旦通辭漳浦劉楨朝朝平視幸緣情以不靡每防禮以自持掬水中之月只接清輝雨天上之花但聞香氣然而思未敢言誰能遣此亦復心同所願苦喚奈何我不卿卿君真卿卿有誰知己

如汝可人願脫臂金半鈎鑄我浪仙私繹色綾千  
條繡伊公子磨翠黛半丸之墨淋漓豆蔻長箋吮  
絳唇一滴之珠點染櫻桃小扇洗硯簪花玉腕作  
學書弟子拔釵載酒朱顏爲問字門生筆床茶臼  
都經薌澤摩挲藥裏詩囊盡出葱尖裁剪深巷賣  
花聲香車載至短牆殘月影急鼓催歸冰玉壺中  
笑言何避蘼蕪山下信誓弗諼願長齋繡佛以酬  
因亦小字烏絲而寫恨紫釵盡典竟不逢馬上黃  
衫綠綺空彈豈敢效爐頭橫鼻下絲蠶繭只緣再  
世朱繩七尺珊瑚枉結三年鐵網此日悲酸廟將  
蕪火他時慟哭玉定成烟未卜相思樹上可許青

秋江集

卷四

去

鸞紫鳳之棲定知連理枝頭不負鈿合金釵之約  
大約神仙眷屬現來居士道場無聊筆墨因緣權  
當姬人服散云爾

花花相對葉相當但采靡蕪莫采桑別鶴離鴻來錦瑟青  
溪白石上金堂鴛鴦待闕迷芳牒烏鵲填橋失報章只合  
單棲風水畔枕屏夜夜夢瀟湘  
埋骨成灰恨未灰非關鴆毒恨良媒瓊漿自不擎犀合寶  
鏡何緣托玉臺上掌明珠拋去轉出牆紅葢拘來開銀屏  
卽是銀河路青鳥空勞探幾回

賣珠補屋浣溪紗鈿轂迎來月已斜臺上斷雲空出峽江  
頭飛絮竟無家夢迷宿粉雌雄蝶泪滴同心姊妹花擁髻

可憐談往事十年上計累秦嘉

理髮熏衣出畫廊珊珊愛上讀書床自抽翠鈿藏湘帙暗  
解明璫結佩囊蓮子有心生太苦藕絲無力繫偏長兒家  
已落桃花片溪水水流來悞阮郎

新剪鰈絲浸殺紋六銖襟袖九華裙香臺曉月三珠樹錦  
字西風五朶雲簾押欹斜鐘欲動露盤涼冷漏初分可憐  
碧海青天夜隔斷銀牆不見聞

斑斑哀怨至今存湘管湘簾總泪痕一世秋蘭憶公子頻  
年春草送王孫文章麗則能防禮宴寒荒唐亦感恩但得  
一朝金屋住不勞詞客賦長門

儂家七尺好珊瑚得作徐陵筆架無舊壘已非空語燕出

秋江集

卷四

七

門何處但啼烏腸成寸寸迴文錦泪是星星記事珠總待  
平湖風月滿杏花壇上鬪撈蒲

柳幙花驪可憐春纔帶歡餘便帶嚬終日惹風來約額一  
生啣雨上歌唇水絲浸月彈湘女羅襪凌波繡洛神爲報  
西川章節度玉簫恩重是前身

陳句山咸渭艇林渭雲郭威子劉隣初謝古梅陳師  
顏何其芬張立仲廖天瑞各賦詩索子菊花酒予  
餽以一甌戲作九言長句奉答

相傳酒材釀法不一足葡萄柑桔松桂皆清佳後來梨花  
竹葉亦好品或不得法苦硬成茆柴我昨新造菊醞出名  
手云能駐顏明日舒筋骸浸以玉液沆瀣之露汁搗以金

英鬚屑之霜荻鵝黃鳴綠花蕸冰雪怨何可淺斟低酌無  
朋儔其時黃封未破巾未漉要待花辰穀旦精于差鄰翁  
邀我對飲習池上何來長鬚束筍雙眼指乃是糟邱一篋  
訪書至長篇短牘怒詈兼俳諧彷彿田灌罵坐席未散林  
連波及疑忌相傾排怨乃地翻天漏學詛楚忽乃遷怒唐  
哭來嬌娃大約愆期宿諾我所致唇乾吻燥一日如年捱  
我思美祿飲啄亦前定好事往往到眼生睨乖豈其遷延  
旬日不可耐便至旋磨熱蟻流涎蝸況我貧家篋床能幾  
滴寧有舳舻如渾如長淮公等一斗一石苦無量安能供  
汝羅倒車茵哇自從索郎耶筒入我室室人三句差免沾  
金釵又復耽耽逐逐虎視我生見餅盤壘耻寒庭指轉是

秋江集

卷四

六

謀婦婦言頗可聽謂我只當二十九日齋破屋謾藏萬一  
我不戒甕空厄漏尤悔無涖涯不如束縛一饒遣之去由  
來荷鍾隨地隨人埋俾我抱甕後車與俱載麴車歷鹿浮  
蟻香長街高陽徒侶迎門各拊掌解衣拍浮大叫公榮偕  
頽然各各雷鳴響鼻息對床風雨不聽鷄啼喈

題秋林放鶴圖

我在林泉汝在陰空山流水結知音一聲清唳一長嘯各  
有丹青萬里心

秋日劉隣初招同張雪樵林渭雲陳德泉林興井陳師  
顏陳句山謝古梅許石泉集羅山堂話榕城舊勝  
各賦二律

提封漢代古諸侯百越巖疆百雉樓旗鼓對開天半壁女  
牛分拱海東甌山藏城內皆三島水到門前卽十洲多少  
衣冠來避地至今名勝擅風流

霸國荒服足稱雄千步毬場草棘中城角曉吹榕葉月塔  
燈雪颭荔枝風石幢有字銘唐觀銅漏無聲滴宋宮往事  
銷沉那可問秋山莫放酒杯空

八月十三夜許石泉招同張雪樵李磁林陳德泉集

紫藤花庵限簾字

寒霧空濛掛玉蟾菱花猶未盡開奩一聲別院繞飛笛何  
處高樓不上簾風急暗蟲流去響露多翻鵲滴來霜袁宏  
牛渚磯頭夜只少吾曹此會兼

秋江集

卷四

七

秋日田園雜興二首

衙門生計在篝車抱甕携鋤望更奢吾道尊嚴惟賦詠神  
仙世界亦桑麻連耨滯穗園千耦接竹分泉灌幾家何遠  
不如農圃老柴桑稻秫邵平瓜

閒閒北隴又東阡幾派寒流幾簇烟月白亂春爲黍夜風  
高餘布授衣天門前乾葉歸牛響水面殘霞落雁鮮添得  
袁宏好吟興橘柑香上運租船

余在綏邑日曾植紅梅於廳事偶成長句寄憶

誰把冰廳點綴工樹了父靠石玲瓏闌干弄遠聲增豔院  
落燒燈色借紅殘雪影添窗紙月夕陽香度閭鈴風故園  
何限相思處不在梨雲曉夢中

讀楚詞作

無端哀怨入秋多  
耿耿愁予遠道何  
明月竹枝湘浦夕  
西風木葉洞庭波  
美人環佩惟蘭杜  
公子衣裳在芰荷  
千載靈均有高弟  
江潭能唱大招歌

叢祠

松篁臺殿向江湄  
寂寂椒漿日落時  
何德馨香留此像  
欲徵朝代更無碑  
爐邊鼠跡綠珠帳  
壁上蟲絲罨桂旗  
亦有村巫賽神至  
山花猶插在軍持

廢營

刁斗無鳴鼓罷過  
霜天細柳叫寒鴉  
陣圖布石堆猶在  
星象占臺勢已斜  
風響四山驚草木  
月高千帳起蟲沙  
多時

秋江集

卷四

三

井甕揮鋤盡與故將軍  
去種瓜

殘陽

芙蓉小苑柳長堤  
萬葉牆頭影剪齊  
霽岫遠含窻紙媚  
荒原橫射客衣低  
事都過去關珊立  
睡欲醒來晚曉迷  
如畫層樓三十級  
兼霞帶月露盤西

初月

如鈎猶未上  
荳時愛掛桐梢與  
柳絲一抹樓闌初  
漏轉誰家裙帶北  
風吹菱花露匣呈  
邊葉桂樹藏宮出  
小枝牆角不辭香  
霧濕貪他新樣印  
雲眉

送周二通參奉 命還朝

辭冠未脫 簡書頻  
塞寒樂雨苦辛  
磨監痛無將母慮

加餐慎有致君身  
推篷雪色沙灘曉  
拂柳梅花嶺路春  
青瑣朝班知有待  
可能歲晚卧江濱

封事趨朝夜未央  
御爐烟惹滿衣香  
九重辰告司喉舌  
百辟嚴言總報章  
大道虛懷存政體  
小心孤立避名場  
只今衮職無煩補  
惟有皇華肅對揚

二年清絕一條水  
走馬關臺聽鼓興  
疆理兩川田賦治  
激揚三晉法廉繩  
歸來難免炊烟薄  
別去彌教紙價增  
夢到西窗清夜否  
朝大銀燭宿齋燈

視席追隨二十年中  
間出處壤霄懸  
故人勲業方當路  
逋客犁鋤好力田  
離合獨沉孤劍在  
行藏雙照短檠前  
直廬清暇能相憶  
諫紙題詩寄幾篇

秋江集

卷四

三

春江垂釣圖

篙鳴綠漲兼潮小  
港新淹柳半腰  
簷簷竹竿春晝寂  
愛他潑刺一聲跳

笙

懸匏截竹奏玲瓏  
換羽移宮又不同  
三十六簧嶺嶺響  
瓊花樹上過來風

落花和張乾夫作

三花帶去上清遊  
阿母紅雲宴未收  
誰唱舞山香一曲  
京風卽在帽簷頭

萬縷春魂散紫烟  
啼鶯寂寂草芊芊  
秦宮一夕胭脂雨  
腸斷東歸沈下賢

玉鈎亭聞歌

十年舊恨觸來新  
珠串珠圓字字真  
一曲分明四行泪  
隔簾知有共聽人

二更

一簾風露半床波  
獨自思量往事多  
不醉不眠來又去  
更無奈月明何

秋江望仙祠

頃刻將飛亦未翔  
神光離合在斜陽  
分明冉冉凌波鏡  
猶托清塵一水香

桂旗影裡拜湘靈  
五十條絃響已停  
聽水聽風都不見  
可憐江上數峯青

秋江集

卷四

三

瓶花

粉蝶來尋亦未通  
柔枝深避隔簾風  
珊瑚架畔無人動  
時復烏皮落一紅

橫斜插亦有工夫  
紅萼須兼綠葉扶  
留作徐熙新粉本  
生綃渲染折枝圖

媽紅媚紫亞枝長  
裁剪春風寸寸香  
簾下有人偎檻看  
學他顏色配衣裳

鏡臺分插到哥瓷  
粧點文窓伴彩絲  
可記城南騎馬日  
酒旗歌板拘來枝

自開自落在荒邨  
杜曲無緣與托根  
不怨爲君攀折去  
得登視席是承恩

轉因摧折轉憐傷  
手掬新泉養更香  
不去垂簷貪結子  
故應比並衛莊姜

綠易成陰粉易銷  
去年今日總無聊  
膽瓶便算黃金屋  
一朶春風貯阿嬌

得插軍持勝出牆  
落紅猶作墜茵香  
不辭供養維摩去  
禪榻茶烟好道場

半夜

半夜出明月  
高高照粉牆  
牆頭千竹葉  
盡汝白衣裳  
簾暗波無影  
釵光露有香  
莫行曲池上  
驚動宿鴛鴦

二月十五日

秋江集

卷四

三

誰牽鈴索護芳辰  
又幾番風到麴塵  
亞字疎簾丁字檻  
十分明月五分春  
紅來人面濃於酒  
綠上裙腰軟似茵  
相約百花生日日  
玉釵不折一枝新

暮春

如醒如夢困多時  
似與韶光舊有期  
燕子又尋前度壘  
杏花其奈出牆枝  
香生研席飄風片  
暖濕樓閣散雨絲  
近日瑣窗心緒懶  
醉醺開遍不曾知

當年到處乞花顛  
走馬城南尺五天  
小扇慣翻紅袖酒  
輕衫多染綠楊烟  
狂消杜牧千秋夢  
病對維摩一榻禪  
動買青春春不住  
滿階狼籍沈郎錢

楓亭荔枝

一肩火齊簇零星  
簪笠蒲筐插葉青  
長慶寺門剛摘盡  
滿

街斜日賣楓亭長慶寺慈子已盡而楓亭始到

紅塵一騎驛途長  
零損朱顏未減香  
恰似玉人來遠道  
冰肌只著舊衣裳楓亭離省郡三百餘里兼程以至色退紅而香不減耳

縐絲薄薄裹瓊漿  
細骨輕軀十八娘  
怪底紅苞生小結  
箇中粒粒是丁香

露盤一斗凍金莖  
玉腕銅奩擘水精  
送與文園消酒渴  
冷風殘月未天明

爲戚涓艇題藍采飲醉松圖

盤擎不碍拂雲高  
醞醖微含謖謖濤  
能在歲寒中屢舞  
可知霜雪是醇醪

松葉眞宜浸醪醖  
松枝亦復帶微醒  
我今麴蘖傳新法  
只

秋江集

卷四

五

向天台廟茯苓

送許石泉表姪之官嶺南

看君綰綬越江湄  
風土殊方我所知  
火米畬田登歲早  
蠶珠賈舶候風遲  
羚羊峽濶開蕉葉  
牡蠣牆高壓櫓枝  
縱有炎蒸知不畏  
神君冰雪冷偏宜

印床策策響牙籤  
吟草時將判牘兼  
爭肯賢勞廢風雅  
自然夢寐在閭閻  
木棉露濕宵征旆  
沉水香縈退食簾  
夢到故園三徑否  
年年五柳憶陶潛

六年晨夕快論文  
賃廬鳴春亦共聞  
雙院書聲深巷合  
一門山色對樓分  
外家行輩同咸籍  
垂老纏綿託紀羣謂尊甫梅庵  
無奈王程催迫去  
沉淪何日得從君

題釣艇圖旁有美人持機

拔得珊瑚作釣竿  
美人輕機楚天寬  
湘江何限思公子  
蕭葉蘆花即澹閑

題陳德泉編修學圃觀梅圖併送還朝

高絮都無半點塵  
一條冰是此花身  
馬蹄花路推鞭遍  
又占孤山處士春

紙帳銅瓶暖不冰  
科頭選石坐崢嶸  
無言似夢何人見  
隔竹穿松水一泓

幾年身被白雲封  
卧定瓊瑤第幾峰  
喚醒曉霜殘月夢  
一聲聲是早朝鐘

帶將冰雪上金臺  
入直時時把卷開  
滿圖繁香留不得  
玉

秋江集

卷四

五

堂調鼎要君來

方竹

天教換骨滑川陰  
別有丰裁世所欽  
圭角未圓終勁節  
廉隅自愛本虛心  
如稜合製匡床整  
中矩宜栽斗室深  
若使伶倫曾作管  
定吹從律八風音

如磋如切結根新  
淇澳遙通玉水濱  
與我岸然宜取友  
此君卓爾本端人  
失身忍作規圓杖用李衛公事  
吹簫眞成折角巾  
不信龍鍾蕭散客  
却修邊幅上嶙峋

舊族簪簪谷裡移  
別垂典則到孫枝  
森森介石溫而栗  
步步周行矩且規  
方竹圖  
遮定門牆轉高峻  
嶄然頭角便岐嶷  
月明要看如圭樣  
斜上闌干界影時



林鳳溪司馬給假歸觀出獄中吟草見示爲題四詩

才人箕口困相逢得譽雖多謗亦同讓汝韓潮蘇海去一  
生磨礪坐身官

字字波瀾見老成他年天語卽詩評鳳溪引見時獄上有老成之褒

吟便是唐歌喜臣罪終身荷聖明

幾人蒙難見吟才溫厚偏從感憤來今日斷無舒李輩不  
妨詩案紀烏臺

燃灰只爲報春暉恩到庭闈許暫歸豈敢勞人貪畫錦

可知當寧正宵衣

酬林容齋司馬四首

十年巖邑遍來旬文采勲勞兩絕倫魯國諸儒善從政海

秋江集

卷四

三

那多士快親仁鳴琴響答雙橋水放鶴歸啣十鳥春吏道  
可憐君不愧字人原要讀書人

三橋如市官如水司權何人似此賢服賈亦隨騎竹隊留  
賓仍出典衣錢霽光氣比秋山爽澄澈心同夜月鮮誰唱

隔江囉嘖曲青衫司馬未曾眠

今年米價貴如珠官廩難充屢空厨乞糴令先嚴我輩持  
籌聞亦較銖銖由來畫餅成名士豈有傳餐與腐儒得免

餓饑君土地累他金甌范滂燕

華門深巷靜無塵君枉旌麾不厭頻垂老忽逢同調友還  
鄉新作受厘氓文章豈敢勞車馬市井何妨恣隱淪怪底

鶴猿驚動甚小山連日響朱輪

七夕

夢穗蓮房掉綠璽巧棚喧笑接層城誰能令節都無負未  
免今宵最有情月榭揀香衣帶冷露盤凝簾若甌清樓頭  
少婦天邊客齊看銀河坐到明

題陸包山白燕圖和袁海叟韻

雕梁色相已全非朱雀橋邊見亦稀曉月蘭房通夜夢春  
風珠館幾時歸梨花院落迷芳徑柳絮池塘誤點衣要與  
藐姑仙比並玉闌干外一雙飛

不寐

悄然不得寐巡繞兩廊陰半夜牆上月十年花下心笑聲  
深巷柳露氣對河砧自共何人說銷沉直至今

秋江集

卷四

三

題謝古梅編修蘭陔圖

昔君年十五能吟春草詞我初識君面濯濯春華姿我友  
林蒼巖爲我聯交期如以乳投水如以珠貫絲背面三四  
日夜則夢見之登君之高堂再拜瞻母儀八齡君失怙母  
訓垂今貽愛我比猶子亦不我棄遺君來款吾門壇坫分  
鼓旗遂縱文字飲深杯君不辭紅燈照牀帷阿母寢膳時  
上堂恐訶責街鼓來歸遲未告所遊處母言我固知君家  
二梅亭金石堆纍纍我來對賞翫心摹兼手追郭香察未  
定枵腹日已歎餽餽難贈脯是母親手治刻燭滴殘漏母  
樂殊不疲明年君領解初與庭闈離遂留金馬門我亦趨  
京師稅院對衡宇桂玉同囊炊有車必同茵有馬必同馳

惟抱寢門苦南望摧肝脾我既嶺南行君歸乃決疑引疾  
得請告竟遂烏鳥私色養歷九載終天哀始羅我適友田  
里樂樂還肩隨侵曉登我樓紗牕滿晨曦手捧一圖卷未  
語先漣洏乃是母遺像漆眼豐其頤笄珈不華飾鶴髮沉  
垂垂阿子立膝旁孺慕神色怡飄飄太真裾乃作老萊嬉  
玉樹何皎皎九畹何猗猗令子撫遺體竟體芳蘭枝封胡過  
未輩芽茁於階墀紉佩母縫綫餐英母舍飴采采以供御  
馨香長在茲爲君歌南陔因致平生辭非襲東廣微君家  
之笙詩

秋江集

卷四

三

秋江集卷五

贈王樓山按察

永福黃任 莘田

玉節南荒策治安外臺秉憲肅千官文章命代尊燕許勲  
業名儒踵范韓五夜法星干氣象百川擎柱障波瀾錦江  
水沛珠江澤碧海春生萬里寬

春秋決獄董江都二百餘條世已無在泮幾人稱淑問戴  
盆此地慶來蘇殊方明弼非刀筆一念哀矜卽典謨每執  
爰書宵不寐栢臺霜冷聽啼烏

十載巖廊秉上鈞閣門誰不識平津力扶大雅歸先進勤  
引羣蒙接後塵心是千問寒峻屋手爲萬類冷陶人雄詞

秋江集

卷五

一

峻望都靈絕誰敢花紅唱好春

寸筵懷抱亦何增欲叩黃鐘恨未能凡鳥忽瞻三島鶴濁  
沉驚照一壺冰珊瑚沉網空遲暮芝菌枯株尙鬱蒸暫別  
小山吾不悔龍門千仞幾人登

同麗石州觀察許子遜明府卽席咏塵二首

每伴遊絲十丈餘亦曾穿隙亦凌虛美人小閣懷清路公  
子長楸奉屬車紫陌乍消疎雨後朱門頻起曉風初獨憐  
京洛緇衣重拂拭何堪再曳裾

趁風高颺逐風低每傍車輪撲馬蹄避汝可堪頻障扇辟  
伊何處覓靈犀濛濛最愛迷當路滾滾終教踏作泥惟有  
潔身歸去好斷無一點到幽棲

贈龐石州觀察

保障分陝奠巖疆一柱雄擎鎮陸梁表裡山河歸衽席東  
西襟帶走風霜寒帷雅愛賓僚集入座惟聞翰墨香長飲  
珠江江上水琴書通價鶴通糧

凝香燕寢夜霜天揮塵啣盃更擘箋任事要關天下重論  
詩不讓古人先河濱苦窳難承冶檻下虺虺不受鞭知己  
一言忘不得酬恩歸告桂松邊

送顧月田明府遊西粵卽次其留別原韻

華髮春來漸漸催更將衰泪滴離杯南方日飲無何甚君  
去知能醉幾回

垂老蠻鄉作斷萍一官贏得是飄零五陵唱徧春風曲玉

秋江集

卷五

二

白花紅不再聽月田昔宦秦中詩名最著

猶剪西窗燭未銷片帆明發便迢迢對床莫厭廉纖雨舊  
雨他年話此宵是夜同宿王斗南觀察齋中連床聽雨

愁心離緒恰當春怕見江橋柳色新省得長條再攀折送  
行人是欲行人將歸里時余亦將歸里

題樓山先生瑟齋課子圖

新池鳳跡舊沙痕滿室青箱世業存好聽琅琅金石響聞  
鈴聲靜誦聲喧

三珠寶樹照冰壺法護僧彌集一圖有個縹緗堆裡坐攤  
箋搦管是官奴

不美裁詩走馬成喃喃吐記劇聰明可知瑟個能精義最

合高齋此命名昌黎詩云召令吐所記解摘了瑟個

石渠金匱是家珍掌故都教式穀新不獨傳經兼報國廟  
堂要用讀書人

題傅閔林編修蓬山望闕圖

曉月西風十二闌集靈臺上不勝寒分明渴疾承恩日高  
捧金莖露滿盤

羣娥沾酒到餘杭認得當年沈侍郎向晚崑崙山下立滿  
衣猶帶五雲香

名標千佛最高層紫府光寒見寶鐙知有謫居人住近蓬  
萊山下一條冰

十八年來事武皇侍臣惟有懷東方碧桃歸宴無多路不

秋江集

卷五

三

隔銀河但隔牆

黃楊老樹歌爲傅玉箴編修作

摩霄翠蓋何童童千葉萬葉吹天風日精月華靈氣通輪  
囀吐納撐鴻濛閱歷運會七百載群祥肺肺東牆東古幹  
鱗鱗枝屈鐵散作盤擎合糾結枯株老去猶梯華生意春  
來尙萌蘖一年長養惟寸量厄閭退縮還相償盈虛剝復  
足氣數乃能鍊形受命康而長相傳佑聖觀舊是建王宮  
當年植潛邸此樹方蓊蔥太液池頭變滄海江草江花不  
相待汝獨歸然喬木存葉葉不凋柯不改六陵哀痛移冬  
青留汝孤根盤錯在碩果匪同荆棘傷靈椿得免斧斤逮  
要知材與不材間千秋改火鑽無烟轉因閒散歷塵劫由

來藏用叨天年玉局仙人愛懷古誅茅穿徑臨江府秦松  
晉槍落吾土朝昏吹簾伴吟苦古貌古心轉媚嬖主人高  
歌樹起舞樹乎樹乎無旁皇千年今日樓鸞鳳

王樓山方伯署中新構葵亭招飲賦詩

閣鈴風裡散幽襟小結虛亭野圃深誰見數弓休沐地誅  
茆還是向陽心

戟門亦自有宮功雅意綢繆小葺工燕寢何來喧策策維  
垣長日樂郊風

四面當空敞不局曉山環郭潑來青故將萬里屏藩手自  
縛薰風一草亭

嶺南千畝栽葵扇一遇東山價便增從此朱門競乘屋連

秋江集

卷五

四

雲不獨拔茆升

高京道中

南郊四郡首高涼穠穢衝炎入瘴鄉何可不尋風土看古  
來名輩半投荒

此邦望闕已酸辛南去珠厓更幾旬莫怪絳紗諸子弟平  
泉何處問音塵

寇丁往事莫參商海角亭邊聚一場想得蒼頭攘臂出應  
從此路餽蒸羊

壞床支石寐難安破壁封泥濕未乾草店竟成三宿戀邨  
僧無處借蒲團

草澤炎蒸足畏途厲深揭淺又乘桴太平巖邑資良牧聲

教如今遍海隅許石泉時  
宰電白縣

與傅玉筍顧月田夜話聯句時余將歸里

又作河梁別衰年能幾經月田風塵俱老大莘田金粉半

零星荆渚悲王粲王筍遼東憶管寧他年懷舊雨莘田柳

外一燈青月田

別潘補堂按察

蓬觀聲華粉署光鳴騶擁節到炎荒一鈴懸處庭如水片  
牘飛時筆有霜山瘴夜消烏府冷海雲春暖栢臺香惟君  
執法通經術能使殊方淑問彰

又拜征麾海色天荆州曾識十三年自埋見末叢中穎誰

鼓希聲愛後絃詞賦豈堪居客右齒牙直欲論王前東塗

秋江集

卷五

五

西抹蓬飄去何日重登玳瑁筵

別麗石州觀察

握芳蘭與芷仰止斗與山薄遊尋舊踪投契諧新歡矯矯  
青田鶴翮翮高崗鸞皇路升崇階垂天青雲端

涼颺感秋暮將返閩江海攬衣悵行役涉彼川塗深還登  
大雅堂一聽高山音離心不可寫三嘆情豈任

僕本江海人早被儒冠誤歸田無良謀懷古多遠慕誰憐  
偃仰足深荷方歎顧秋風吹柳條繁霜肅前路

舟泊韶州城下高蓋田太守以四詩見貽次韻奉答  
老手何難劇郡臨所矜餘力事豪吟我來亦學才江叟賈

佛喃喃合鑄金

江頭急雨熟黃梅暴漲真成澆源堆倘有新詩寄逋客不因阻水亦徘徊

灰心宜証小乘禪貪去栽花誤種田今日鬢絲春不管天涯淪落杜樊川

升堂相見無餘論誦我楊花七字詩豈有驚人佳句在乃公性癖亦詭癡

南雄旅店

往事分明隔十年全家度嶺此間眠今宵獨客重經宿濕草吟蟲月滿天

中宵不寐循牆走一事歡心似到家明日梅關關下路故人爲郡有水衙時游心水守南安郡余別心水十五年矣

秋江集

卷五

六

喜晤游心水作

一麾君亦厭承明籍籍爭稱阮始平動便襲水持此志早曾莘渭話平生山圍玉枕旌旗色水繞金鰲帶珮聲爭擁使君行部去梅花國裡看春耕

故人相見喜啣杯江上新涼小雨催城勢東歸章貢水葉聲吹滿鬱孤臺時心水攝郡虔州水霜不入炎關去夢寐曾飛過嶺來離緒紛紛無處說笙歌叢裡簿書堆

梁月江雲十五年水廳有此對床眠菊松我已荒三徑未相君應授一廬譽望豈勞餘子重風塵惟受故人憐深慙邇日雲龍語汨汨何由逐上天

朱紱青衫俱等閒所嗟分袂兩衰顏亦知草色傷南浦其

奈猿聲怨北山官燭獨明懸榻夜客帆遙指落星灣歸與便作終焉計霧豹何應露一斑

宿江東橋懷許石泉

便隔遙山一萬層依稀語笑出孤燈海雲亭上如規月華燭清樽睡未曾

溪聲涵涵月黃昏野店新寒獨掩門盡是同君對床地十程何夜不銷魂

以端硯贈李霖邨并鐫一詩

秋水冷冷浸一泓下巖西洞第三層與君細膩風光寫麗澤如斯得未曾

恭頌惠獻貝子功績詩并呈制府鎮國將軍

秋江集

卷五

七

秉鉞登壇世統兵折衝尊祖舊威聲鑄鐘豐鼎藏金冊猗矢彤弓出玉京鏡吹連山摧伏莽樓船橫海戮長鯨宗臣名將垂勲少半壁東南萬里城

三葉方苞起蜩毛中原慘澹沸波濤專征元帥歸龍種制閩將軍握豹韜下瀨真成迎刃勢九泥空詔守關勞降王已入遊魚鼎笑語迎門餉濁醪

鞠躬盡瘁髮如絲寒塞王臣逐尾箕新息瘴生茹嶺日卧龍星殞丈原時勤民定國馨香重丹荔黃蕉陟降思不獨閩官瞻奕奕道山亭比峴山碑

天潢貽燕溯淵源嶺海重瞻榮戟門周召勲庸綿帶礪開平禮樂莫屏藩治臻累洽重熙日人受三朝再世恩歲

歲祠堂春草綠杖藜騎竹擁王孫

初春

晨曉微灑上窗紗漸覺銅餅暖氣加今歲芳菲春較早試  
燈時節滿城花

小紅初破綠猶稀懶病心情獨掩屏腸斷牆東見垂柳當  
年張緒最依依

過舊遊

葉覆牆頭草上階花邊橋板水邊齋一泓碧練靴紋縐百  
疊紅闌亞字垂舊夢亭臺好天氣新聲歌管病風懷蘼蕪  
遮斷王孫眼何處樓簾倚玉釵

苦憶

秋江集

卷五

人

苦憶春庭院單衫卸薄綿手牽初月下人立落花前硯匣  
摩紅袖簾鉤掛翠鈿瑣窻何不見日暮碧雲天

高樓

仙子愛縹緲高樓夙所耽浮雲起西北初日出東南昔歲  
思蘭芷終朝采葛藍如今爲誰綠芳草但愁穠

過紫藤菴懷許石泉

青粉牆高日未斜開門放盡一籬花主人何處栽花去不  
憶潛夫合憶家

春宵

斷無消息絕無聊寂寂香魂黯黯銷牆內櫻桃牆外柳可  
憐各自度春宵

二月十二日林容齋太守同涇雲思敬承明集余香

草齋看藤花賦詩十首

誰把餘霞細剪裁葳蕤掛滿艷陽臺謝家子弟嬉春日染  
得羅裳作佩來

錦棚繡架滿天香爛熳盈門又接牆恰似桃源初嫁日阮  
郎看着紫衣裳曹唐小遊仙詩玉皇賜妾紫衣裳交與桃源嫁阮郎

春蚓秋蛇任屈舒盤擎委曲結繩如粉牆斜日離披影紫  
詰行行寫草書顧况詩云委曲結繩文離披草書字

曉霞初染露初乾第一鮮明隔柳看桃葉太紅梨太白愛  
他間色竹闌干

垂垂簇簇出牆頭牽引柔條上小樓酒力不禁風力軟帶

秋江集

卷五

九

香和笑傍簾鉤

花氣薰人二月時櫻桃如豆柳如絲可堪禪榻茶烟裡看  
女輕盈不自持

垂老風情得幾分賞花便當醉紅裙樊川刺史狂吟慣酩  
酊防他乞紫雲戲容齋太守

客來爲甚酥相餉寒具相傳設饌非無奈清貧饒太守要  
餐秀色療朝饑時以藤花和酥爲饌

滿架支離倒復枯芳菲亦要有人扶今朝深巷城南曲可  
比韋家尺五無

根株只合結槃阿蕭散惟應伴薜蘿無故朝華顏色好惹  
他紫陌看人多

春遊歸路作

青旗竹裡迥相招斜日歸途酒已消柳葉綠遮朱檻面菜  
花黃上練裙腰揮鞭驚動鴉翻樹挈榼爭先慣過橋知隔  
郭西門不遠女牆深巷有吹簫

王樓山中丞以望雨詩屬和次韵奉呈

清和忽作蘊隆深萬井生烟正望霖梅氣幾時來柱礎鳩  
聲終日喚桑林笠簑半染虹霓色旌旆長懸霖霖心佇待  
我公孚格後繡衣青蓋有高吟

連日得雨再疊前韵奉呈樓山中丞

天瓢傾入土膏深良弼從來解作霖待稿豈期逢翼翼更  
生真合慶林林寸忱甘澤流千畝萬溜寒簷滴一心只有

秋江集

卷五

十

長生堪報東閭問何地不謳吟

龜圻還須灌注深喜逢三日沛新霖已看滴滴流卑隰更  
聽潄潄響密林幸荷天休期爾德得歌帝力本臣心憂勤  
猶自儲荒政中澤飛鴻早忘吟

歲暮奉寄容齋太守

一麾歲晚下江波退食羔羊見五純蒿日寒簷生計少關  
心窮巷故交多朱幡梅信香金瑣畫戟霜光凍玉珂烏石  
螺洲教管領奈他三十六峰何

容齋以建州太守來攝吾郡

殊方周弊苦屯膏借得君來是飲醪卒歲蒲城歌有袴暮  
年與子賦同袍長街漏柝尖風急遠寺霜鐘缺月高記共  
寒宵燒燭否凝香燕寢獨抽毫

去歲容齋集余香草齋各賦寒宵詩四首

哭謝二古梅學士

誰排閭闔叫巫陽萬里魂招道路長上界由來足官府西  
風何處哭文章金莖不療相如渴玉粒難充曼倩腸汗漫  
便騎箕尾去帝鄉卽是白雲鄉

薇省衆知詔乍除成均重領六堂居鴻名久播東西序樂  
句猶傳大小胥胄子執經悲杖履容臺掌故失詩書誰知  
半世娛金石石鼓歌中痛有餘

聲華逼許亦凌燕砥筆和鉛孰比肩嘆舌每爲天子勤  
文章長在聖人前後塵敢逐風雲末沒齒難攻壁壘堅今  
日長年還後死挑燈拭泪校遺編

今子徵雲以古梅遺集屬余編定

一房山下對床眠

一房山古梅內舍

投老相期守墓田西掖五遷

秋江集

卷五

十一

催八座東山再出未三年豈知桂領臨岐泪已滴金臺永  
訣先

戊午秋子適粵古梅入都子先就道古梅過執紼無子齋夜話至三鼓洒泪而別遂成永訣矣

從磨鏡拙江干號慟夕陽天

硯席周旋三十春相期扛鼎共扶輪吾衰努力嗟何及君  
去遺音孰與陳風雨可憐無叔伯敦槃從此少精神獨存  
季重妻涼泪哭盡南皮幾故人

余田生張雪樵林渭雲林白岩周瑞峰許雪邨及謝

古梅屈指十年皆相繼下世矣

題許子遜南山射虎圖

橫槊曾誇少壯時桓桓上馬傳修期只今五字長城下誰  
與文房作貳師

鼻端出火耳生風猿臂能彎十石弓如此雄心好標格不

知何苦事雕蟲

渡河往事舊知聞沒石猶教到十分傳語武溪諸子弟披

圖來認故將軍

子遜前爲武平令

馳騁垣場老此身庾郎不怕有春塵歸來畚筆秋燈下還是南窗繡虎人

微尚

老於身世少相關機智都忘興盡刪到處差池成獨笑一生襟韻在投閒疎狂氣習非聞道擗搗虛聲亦強顏微尚至今酬不得野人無計住深山

子以雲月硯寄泰安公公爲鐫銘揭一紙寄示賦詩

奉呈銘云萬里龍沙石獲雲月天作我硯伊誰鐫副件几顏軒匪朝伊夕黃公幸田水巖仙客

秋江集

卷五

三

床頭寶藏遠寄此石有月有雲題曰結隣庶幾偕之無汨我真銘以誌焉示我後人乾隆辛酉桂月拙庵跋

翁銘

幾年修斧屬吳剛帶得蠻烟上玉堂一握忽生雲五色蓬萊新署兩三行

三洞驚傳煥紫泥亦分典策到端溪丁丁官漏絲綸筆特爲寒巖一品題

嘉名偶合在平津應象天章信有神得作西園結鄰客勝他東府掃門人

公齋名雲月硯軒子寄硯適相符合故銘詞及之

巖穴何緣到玉除十年曾此伴窮居但將膚寸供霖雨不上昌黎宰相書

立秋

一夕得秋氣商聲颯幾迴西風不可觸千巖萬山來百感起遙集流年驚暗催井梧何太急展葉上平臺

幾陣疎疎雨殘荷尚發香秋衫天與健午榻竹先涼露洗明河白雲卿落日黃蕭齋一蟬噪光景似林塘

和林蒼巖秋懷詩卽次其韻

今日天氣佳微風響疎竹琅琅讀書聲孫曹曉上塾老夫不櫛髮巡簷看采菽衰柳絲向搖殘荷柄初禿其時暑未殘連日氣已肅觀化識盈虛乘機悟倚伏華臚亦無因枯悴匪所獨咄哉奔馳子如獸之走麓待兔啗守株教猴去升木黠者能率鳥巧者解由鹿我無遷鶯才一世不出谷桃以不言芳蘭以無人馥前事本易明此意亦以暴豈敢

秋江集

卷五

三

誇肥遯躬耕足代祿小信猶見疑不材寧非福賓館食無魚屠門嚼有肉乃知五侯鯖不及一孟粥乞食倚孤松加餐摘叢菊君才富詩篇清言散炎燠如湧百斛泉如碎千條瀑一鼓君作氣十禽我請復張軍懸執鞭登壇愧推轂早之無甚高思之已爛熟好和秋蟲鳴嚶嚶山草屋

送李霖邨別駕入都謁選

舉舉聲華滿日邊爭看從政發硃先閭闔每倚監州重化理全資佐郡賢萬石里門歸衣錦九天雲路去搖鞭羨君踐蹠翻惆悵鄰笛山陽二十年

謂算南文中

牽蓬繫纜柳絲長淺瀨高難好納涼書畫船中裝傲吏菱荷風裡送仙郎渚田鷺影飛殘雪山驛蟬聲滿夕陽此去



循良應奏績野夫愚谷亦輝光

送藍植三守戎之鷺門

通侯聲威舊家聲弱冠爭誇蓋榜英粉署含香辭待漏  
以京秩改柳營騎馬出談兵先公部曲多專閫壯歲風雲  
受今職自請纓今日鷺門遮道看千夫長是一書生

送劉鄰初行人入都

十年寂寞老楊雄重入承明侍從中別鶴自應歸太乙  
鸞依舊戀梧桐津亭細草停車綠野館濃花映綬紅肯念  
潛人秋巷裡一叢籬菊卧西風

秋日同雷翠庭官諭登道山謁范公祠堂小憩僧院

城隅東折女牆陰百尺飛樓出翠岑松勢健於三島鶴蟬

秋江集

卷五

十四

嘶韵比七絲琴地存正氣秋能肅人有幽談徑便深莫戀  
滄江遠青瑣暫拋簪級事登臨

癸亥長至前二日雪邨內子廖恭人六十壽令子雍

乞言余爲詩以祝之時雪邨歿十四年矣

如君淑德合光榮少小魚軒即遠征事舅河陽製萊錦從  
夫興慶聽官鶯笄珈必謹蘋蘩節翟第彌深井臼情鄉黨  
至今宗禮法與他鍾郝共芳聲

朝迴紅藥影翻堦梁案居然寶晉齋金石每和琴拉雜繚  
細都共鏡安排佐夫結客捐珠佩爲子求師典寶釵今日  
獨餘書卷在少時手澤老來偕

油幢畫戟十年徂明月揚州入夢無椎髻支持報廉吏和

九辛苦鞠諸孤水壺舊養雙珠樹寶錄新參五岳圖猶爲  
孫曹響刀剪縱橫紫鳳與天吳

而夫與我同生長四十餘年內外兄每共鐘殘兼月落必  
煩酒旨與茶清銷沉各負因依願衰老惟增洽比情一事  
撫膺慙到骨艱難何以答朱生

一陽初轉律初回花甲纔週淑景催繡架喜添朱綬綬華  
簪閒插玉堂梅觀香小妹紅雲至許掾全家紫氣來不獨  
步虛詞奏響錦囊齊侑紫霞杯

悼亡二十八首 哭內子莊孺人作

小樓前後鎮相携就暖支羸兩兩齊今日忽成無告苦春  
風行坐老無妻

秋江集

卷五

十五

燒燈未散催歸世滴漏纔停判隔生泡影隙光無此幻急  
離煩惱亦何情 正月二十夜孺人與諸女伴燒燈角采笑語極權忽酒半疾作倉皇歸房天明即逝  
井桃剛對汝粧臺笑指高梢兩朶開開到全時君不見雙  
枝折供總帷來

金鎖金鋪澀一層紅紗猶掛上元燈流蘇帳影千聲喚敲  
斷闌干再不磨

設君奩具好沉檀薈澤摩挲抄濕未乾我亦南州磨鏡手捧  
他菱匣泪闌干

自鋪枕簟影堂邊時復挑燈撥篆烟莫恨葢棺扶不起匹  
如風雨對床眠

每燕嘉賓整豆觴老饕加飯必先嘗從今食性無人會腸

斷桐桑皂筴湯

有時歌咏到宵深君起持壺我淺斟今夜哭君詩已就枯腸斷盡獨哀吟

端江共汝買歸舟翠羽明珠汝不收只裏生春紅一片至今墨瀟汨交流子宰端江日孺人蓄一硯膚理細鳳紫翠煥發硯背刻生春紅二字蓋取小窗書幌

相想娟令君曉夢生春紅之句孺人摩挲不去手通來硯匣塵封昨開硯光尚津津欲滴也痛何可言

紅藥翻塔香滿庭一甌春茗睡初醒櫻桃花下無些事自屑金泥乞寫經

苦將心力事華嚴合十喃喃漏正添每到齋期君不寢小樓殘燭隔風簾

庭花多是手親栽無主花偏爛熳開寂寂舉家寒食坐在秋江集

他紅紫滿青苔

馬鞍山下奠壺漿麥飯多應減舊香爲叩墓門申一慟今年不是婦親將

而夫都不營田舍羸紉支持汝獨艱龜勉可憐登記在去時遺墨滿窻間

爲儒盼至爲官後依舊辛勤百事乖錯嫁文人更誰怨詩書貽累到裙釵

當年遊俠散黃金錦字緘愁念已深早聽婦言寧至此又因往事泪涔涔

每爲逐客滯天涯萬里寒更髮有華沒齒一言忘不得七年除夜五離家子已丑下第出都復客汴中三載孺人除夕寄詩有萬里寒更三逐客七年除夜五

離家之句時孺人歸予七年矣

艱難育子已中年盼得孫枝亦可憐孫女扶床孫襁褓牙牙傍母視靈筵

教星替月傍餘明葛藟無因得再縈每抱衾裯沾一泪江沱江汜不勝情

繡幡金磬禮高僧新結齋壇接汝登泪點經聲殘月落歸魂自照佛前燈

飛來寺下思前事盡室船窻看月明無故峽山聽猿夜三生腸斷第三聲

鹿門卽是白雲鄉浪向紅塵約一場多少寒盟言在耳不堪閒坐細思量去歲孺人約同往白雲家山宿姬巖環翠樓爲家累不果期以今年必行而孺人逝矣

秋江集

卷五

七

一從懲熱吹蠶後却聘辭徵尼我行早識不諧偕隱願不如萍梗過餘生

妻京舊事散如雲感逝傷離到十分屈指連年知已盡閨門何可再無君

若論謙約宜遐福得享期願未過情長汝十年還健在不應汝便薄浮生

一靈未散諸緣斷百事都非舉目傷醉裏不知人換世夢回可忍月侵床

亦知此事人多有其奈昏昏撥不開出去無聊歸又悶等閒振觸上心來

殘燈欲滅未明天病骨衰顏照獨眠早晚急營三畝地遲君同穴不多年

題寄愚川飯牛圖

短褐單衣牧事多晚涼荷笠下層坡前村一笛風吹斷途和高人扣角歌

生計唯應念獵漁英雄田蓄意何如一壺添在蒲羈上牛背由來有漢書

題畫龍

山齋不讓禹門高萬里翻騰出素毫爲囑僧繇加畫鎖防他風雨起波濤

題畫蘭 盆中有綉石

秋江集

卷五

六

何來爾室香四壁卽空谷一拳古而媚美人伴幽獨  
沉澁多所思遠道我心殤紙窗招香魂貌之不敢佩  
磁斗養綺石源清者香遠君從朝川來而得此粉本

何人

如蒸如炙午輪停剝啄何人履我庭我有玉壺冰一片不應語與夏蟲聽

病中

病中何計生歡喜祇有繩床日日親叩戶每來難記客他邦偏住所思人鶯花已懶無新語風月都非換舊鄰閒看斜曛一回首不堪往事盡前因

慵

斷盡知聞少過從已衰因病更添慵寂如古井無波水枯比寒巖歷劫松看去輒忘應廢卷寄來不答懶開封唯將粒食關心事時復占年學老農

病起

一秋藥裹鎮相親病起生衣不上身草莽豈知天下事詩書相見古之人柴門種柳陶元亮谷口耕田鄭子真執友淪亡知己散白頭何慕到龍津

晚晴

最宜返照生牆角虛白能明滿小軒便倚好天花逞媚亂穿深竹鳥爭喧遠風盡捲聲歸樹斜日遙收影上門却比方中心更賞已殘光景未黃昏

秋江集

卷五

七

沈學子以王樓山先生笠屐圖遺照寄示懷恩感舊  
奉題四詩

虎賁貌似知無用裙屐風流見典型傳寫鰲峰諸子弟辨香合供道山亭

蒼生不許遂初衣瀟灑知公意所希脫了繡裳穿野服勸耕春暖樂郊歸

五年尸祝滿離閩丹荔黃蕉合有神父老披圖齊一涕分明赤舄袞衣人

黃金宜鑄絲宜繡此意令人極不忘誰是征南恩舊客秋風秋雨沈東陽 謂沈學子

八月十五夜

露寒風定絕纖塵燭暗香殘獨愴神如此便消通夜月可知非復去年人平分苦樂千家影歷照悲懽六袞身說與素娥渾不管任傾銀漏自迴輪

東方慕齋

常參班裡獨遲行不記旗門鼓一聲貪訪潛夫有何好悞他手板見公卿

聞君早晚要休官我亦沉吟意不懽萬一滿天風雪大有誰衝冷看袁安

題集成館纂修圖

藏珠府接大羅天握槩懷鉛各並肩不比蘭亭修禊事群賢畢集永和年

秋江集

卷五

干

雅雅魚魚儼受經五雲深處子雲亭縹緲亦有麒麟閣一丹青是汗青

文章誰不羨西崑一代間平典籍尊遺老白頭愛漁獵得司獺祭是君恩

清夜西園譙集圖中人盡食天厨他年收入宣和譜可有蕭梁跋尾無顧長樂清夜遊西園梁朝諸王跋尾云圖中若干人盡食天厨

題林輪川滌硯圖

美人之鏡名士硯入手摩挲日幾遍托君照耀生光華詎忍文房受垢面春潮上硯梅氣蒸麝煤滑作松膏碾凍膠宿瀋粘其毫伸紙疾書墨屢澱怒噴擲筆起即當一壑澄波比爭練玻璃匣底黑雲翻翻血手與蛟螭戰昏晦何來

閃爍光垂虹掣起流金電須臾過雨蔚藍天捧出芭蕉葉一片葉中噴沫浮青花欲諦視之目已眩霏霏如霧如微塵每以清泉濯之見元氣淋漓濕不乾斜陽天際和風扇君從何來得粉本一一追摹最工善畫師寫形兼寫意規撫畧同法小變臭味潛通五百年遂與元明妙相擅桃花菴接水晶宮陶舫分明後身現我家十匣多塵封見獵因君起遙羨倘許圖添滌器人爲役爲傭我自薦

送許思敬東遊

秦川公子本翩翩舊澤今應守舊毡悞汝負薪廉吏後教他彈鋏故人前津亭藉草遲歸歸渡嶺路飛花拂去鞭身上征衣衣上綫慈闈昨夜手中牽

秋江集

卷五

圭

桂旗

桂旗分散洛川濱再到芝田不見人形管幾年無悅懌白頭終日有風塵似搖環珮朱簾暗曾拂裙裾碧草新敲徹玉釵只如此冷灰殘燭悟前因

庭前櫻桃

籐蔓牽長竹簾粗滿庭繁綠摘花無粉光墻角濃陰合誰掛珊瑚一串珠

曉霞初染日初烘粒粒圓勻又透通却被粧臺笑素學他唇上一星紅

綵天傳火照紗帷小字呼來豔絕時誰唱石家新樂府明珠十斛鄭歌兒鄭櫻桃石虎歌兒名

枝頭小鳥閒啣香火齊生津  
生紅豆作餘糧

當年手種愛垂簷今歲纍纍子漸添  
曉露千枝紅泪滴更無人捲水晶簾

樹爲室人所植已沒再遇矣

題阿羅漢圖

雲門設像教丈六雕旃檀始作畫圖供摩騰竺法蘭後來  
吳道子擅絕能濡翰莊嚴間妙麗瓔珞垂華鬘龍眠工白  
描不施青與丹一百八尊者變幻窮毫端能事競祖述不  
惜願力殫各現光明性狡獪人天寬六根與四大如以沙  
聚搏或縮短布袋或抽長竹竿或枯如古木或寂如涅槃  
或如老苦病悲憫顏不惟麗眉一尺長火死而灰寒五峰

秋江集

卷五

五

起頭角稜稜如遭剗又如鈍鐵椎四面無孔鑽腰腹者長  
老蟠腹殊廣胖無垢亦無淨頭面皆疵癢打包行脚漢肩  
和壞色單忽吐白毫光光中翔鶴鸞蓮花一葉渡銀海千  
尋澗咒鉢起雲霧卓錫飛嶺岼是皆大智慧菩提枝滿壇  
由來千手眼都無手眼看齊參不二門萬象無殊般恒河  
與化城同歸一蒲團相傳僧賈休十五尊寫完却于第十  
六自寫添懶殘欲以自在身位置七寶闌可知無有是只  
作如是觀不如空卽色無鏡無臺安非非與如如吾亦何  
讚歎

燭花

火樹叢叢發異葩金蓮多放五侯家銀臺穗重愁風逼錦

帳春濃愛霧遮漸欲銷來剛送曙未成灰去尙生華笙歌  
散後簾櫳暗十二樓闌月半斜

得氣都從熱裡過最光華是最銷磨焰方高處心偏暗開  
到濃時泪轉多蘭蕊吐芬妨玉剪麝煤含燼落銅荷獨嫌  
老眼繙書夜其奈長檠細字何

香烟

脉脉霏霏裊裊中似凝還散結還融薰蒸不使此痕着臭  
味全禿一氣通寶帳溫磨宵有霧紗窓掩霽午無風博山  
亦復生膚寸看取晴嵐變幻工

要是微煎與細焚教他宛轉又續紛每縈畫軸疑雲能愛  
裊經聲結篆紋縷縷怕掀簾去颺濛濛笑接袖來分誰知

秋江集

卷五

五

荀令春衣上已帶橋南十里聞

騰騰嫌直渴嫌焦小玉聰明最解燒白結氣爲沉水咽一  
絲魂與美人招金猊慣吐籠雲鬢么鳳來收上翠翹別有  
氤氲吹不散分明心字佛前飄

藕絲

誰浸蓮塘紆一絢繭房蛛網較全殊纖爲洛浦盈盈襪穿  
得鮫宮滴滴珠玉臂愛纏千萬縷水綃終縷兩三銖晚涼  
送入菱歌口縹緲牽腸得斷無

已割還留斷復連最玲瓏處最纏綿夙根不剪他年緊密  
緒先縈滿眼穿並氣縈縹緲藏脉脉一靈牽引上田田若爲  
續得芙蓉命較比春蠶更可憐

鈍根

芭蕉白葉黛青螺苦累惹尖日日磨綺語不應屏障遍哀  
齡眞悔練裙多一生喪志因文采末路宣驕尙嘯歌終愧  
鈍根聞道淺只除慧業未除魔

嶺南中秋婦人以柚燈圖勝剝其瓢而鏤其皮龍鸞

花草匪所不具予在滇江日多有餉予署中者今  
年十五夜兒女輩記其遺俗倣而製之因作柚燈  
詩

綠苞閃鏤作朱明一夕秋光滿洞庭每愛斜陽懸點綴忽  
驚寶月透瓏玲千枝霜後還流火小技雕來亦汗青記得  
滇江誇女手星毬簇簇掛水廳

秋江集

卷五

三

菊花

愛他弱植到秋堅翠袖天寒色轉鮮絕艷竟能稱晚節孤  
芳何必上長筵敷華已發偏難謝受氣惟深不在先一夕  
羣眞會瑤圃只爭標格未爭妍

漉酒初裁野葛巾不煩餽餉白衣人金英照耀交偏淡霜  
鬢飄蕭插又新一月掩閨秋富貴二更燒燭夜精神讀書  
床上扶疎影氣味無如我最親

老去歡情盡改移天教食色在東籬徘徊欲采未盈掬遲  
暮始開還自持淡蕩襟懷秋水照馨香骨節早霜知看他  
靜志和顏立惆悵春蘭不並時

叢叢爲壽繞闌干服食成仙本不難鍾乳三千惟白露金

釵十二盡黃冠離披祇寄陶家傲搖落還供楚客餐此節  
自甘非苦意一泓秋井照人寒

湘纍汝亦稱香草葉葉都應麗則誇靜女何曾辭粉黛幽  
人原自足英華故標綠色矜霜力特發金精與露葩看遍  
羣芳開落盡高寒獨殿一年花

題張乾夫南坪修竹圖

聲名轉大閒應少倚仗方多靜未能誰信勢塵清絕處檀  
欒如玉石如水

了無留贖亦何忙剩有清陰覆印床判筆吟箋相對好不  
妨移入小簷簷

酒鐫書帙綠成陰風響琅玕月照襟記共南坪晚涼坐一

秋江集

卷五

五

編時和稗龍吟

題許武田晴湖秋棹圖

秋水伊人溯舊踪裁花猶記採芙蓉丁丁殘漏三廳夢夢  
上巢湖四頂峰

先人丙舍好林邱何止披圖作卧遊忽記故山寒食近簿  
書堆裏見松楸

題許武田鏡塘圖小照

碧練平鋪見淨明出山不改在山清但教尋得源頭着何  
必滄浪始濯纓

淵淵森森涵無盡萬有由來是一空去便不留來便照了  
然只在寂然中

鳳尾蕉

何年丹穴移來種修尾扶疎尙動搖日暮秦臺吹管寂翠微宮裡響蕭蕭

六州悉產此珍木一名怪底嘉名喚屢差若到高岡尋小劫前身時合是桐花

雙鳳

三層阿閣兩和鳴飛上桐花曉露清連日五雲多處舞女床山下有簫聲

贈鍊師

露槃一斗凍金莖遠寺宵鐘第幾聲好是風簾殘燭夜砂床丹篆話長生

秋江集

卷五

美

寶笈雲謠一卷書幾時携我鶴林居敦槃零落笙歌散投老唯思禮玉虛

送官保西昌公總制南河

巍巍豫章材千尺凌雲姿雨露滋輪囷日月互蔽虧上以支天柱下以盤坤維廣廈千萬間梁棟皆藉資巨川作舟楫利濟長風馳是乃篤生物締造那家基覆庇不可極似仰蒼穹垂孳孳春復秋襟冰知誰爲

河海不擇流日月不偏照安能私一方光被獨嶺嶠至人鼓洪爐賦形鑄各肖有如秉橐籥吹萬歸一竅大哉幹運力彌綸在握要我公出砥柱不遑坐廊廟九德隆三師卽兼分陝詔造化無停機女牛有連曜小儒何拘墟乃貽

秦越笑

昔人苦巢窟今人利溝洫唯河所司命漕渠兩効職遷徙失故道古訓不盡式昔公巡南河萬姓際艱食帝曰汝作义噉噉哀雁息公上河渠書天子動顏色遂膺三錫命再簡往釐飭此事關神功樞樞窮涉陟零茭下置權遠取淇園植順性行無事不專疏鑿力魚鳥旣咸若蛟龍亦遁匿攬轡何澄清調元不愆忒萬福來宣房千年頌明德

鳴鳳升高岡飛鴻遠遵渚天眷在淮陽衮衣不我與耕農釋耒耜蠶婦息機杼負戴紛市塗倉皇共告語自從我公來精誠格禾黍米價不曾高百錢滿筐筥公今移節去

秋江集

卷五

毛

此事可復許蒼赤環牙門乞公少延佇就中有白叟揮手告其侶南河億萬竈宵肝切當宁公方急對揚於汝祇信處明年公秉鈞宅揆總時叙萬邦詞誠和遠邇靡不舉公當捨汝去汝仍活汝

宿李霖邨金峯山庄

平時直接畫闌東窳窳堂深野氣通硯沼滴來松葉露牙籤翻過稻花風當窻稽事供朝食過嶺書聲出遠叢不獨傳家好邱壑羨他場圃有官功

去天尺五占南隅不及岡阡結一區丙舍帖臨盤谷序幽風詩寫輞川圖小山氣色歸叢桂平楚英華散短蕪消受在田二畝半蒲城風雨正催租

青粉牆高野徑低，開門肅客在山蹊。飭來厨傳惟雞黍，下了盤輿卽杖藜。紅日半竿眠未起，黃雲一片剪初齊。前岡是我松楸路，霜露壺觴好共携。

四十餘年暗自驚，霓裳同詠大羅情。青山埋骨無知已，紫陌尋春有隔生。斗酒隻鷄三歩痛，亂峯殘日半床明。交羣交紀何窮意，魂斷鄰人夜笛聲。謂李璠峯同年

### 菜花

西郊決旬開菜花，高隴低隴黃雲遮。金英照耀望不極，平鋪爛熳無等差。其時川原已繁綠，秧針麥浪芹蒲芽。汝乃繡錯於其間，鵝黃蜂黃提分拏。大爲草野作氣色，不與絳白爭豪奢。金谷旣不擁步障，玉樓亦不簪髻鴉。平疇遠風

### 秋江集

#### 卷五

天

送斜照練裙綺，袂紛交加要知食色有本性。天然美好生邨家，我賞此花別有說。菽粟臭味非凡葩，人言此根頗厭苦。豈知發外生英華，露鮮日麗色則正。但有綺縠無天斜，道旁桃李不自愛。雕鞍競折枝，了又抱甕丈人顧之笑。町畦得免來鞭撻，薄言采之薄言掇秀餐。亦足供咄嗟香生七種人，日蒞艷比五色青門瓜。賣花不及我老圃民之質矣，言非誇沃土如此斐然好文章。大塊歸桑麻。

### 墜硯詩

齋頭寶一硯，滑膩可愛偶失手。墜地微有傷痕磨，以墨了無掛碍益幸非瓦裂可比也。作墜硯詩。

美人好肌膚，生長芙蓉邇。村之不留手，偶然失一蹉驚魂。

裂微痕，抱置案旁坐。踰糜濡其膏，幸牢不至破。有如梅花斷百衲，琴所佐又如蛛絲紋。諦視拭以唾，試磨無間然。不以毫挫轉，令極護惜。無一日厭情，我家管城子雖禿未受餓，磨煤剩半段。其鋒尙可到，蕭齋老棄物與汝成二個坐廢，仍有用短歌爲汝賀。

### 贈硯行寄呈西昌公

鵝首鵝尾搖火精，南離炎德司文明。羚羊峽接芙蓉邇，端江橫亘鍾淑清。旁有東西兩巖洞，風水吐納春研甸。青虹貫巖月，紛壁孕育美璞山。之瑛遂爲陶泓美窟宅，每割徑寸矜連城。黃龍浮動羊肝紫，火捺所結多精英。殘霞一抹掛不散，界出卯色秋天晴。青花白葉紛爛熳，一點兩點鸛

### 秋江集

#### 卷五

无

鵝睛最上一種比玄玉，其神穆穆其質瑩瑩。拊不留手，稍用腕已有膩瀦淋漓，傾是其利用在潛德發矌，都不大色聲。茲石百不一到手，無有福慧無由擎我。昔命工鑿兩洞，谷斤竟日空丁丁，捧持一片天。所與褐夫懷璧恒恐驚，西昌制府癖愛研勤買，慘淡干經營。公有燕許大述作，要選好硯資歌賡。至寶原待至人用，苟非其人天不生其人。求之而不得，必有感召先將迎。公詩遠道辱寄我百四十字，鋪瑤瓊山水元音公所寫，已與抱璞通其誠。公來詩有携將寫山水歸元音之笑，我茅齋枉位置終歲，但伴秋蟲鳴。不如相需慶相遇，錦綈什襲昇之行，非我愛好失本性。一旦棄汝鴻毛輕，是中趨舍有至理。巖穴要附青雲榮，有材在



楚實用晉得出于谷還遷鶯南河萬竈膏托命公之大智  
泰生成安瀾砥柱本無事咸若魚鱉逃鯢鯨鈴閣風微晝  
日永琉璃匣底鳴琤琤吮毫潑墨頌明德捧硯歌與宣房  
爭請公一日三拂拭毋咄處士虛聲名

東鄂夫人詩

夫人黑龍江將軍務諒先生之女故陝臬覺羅萊  
菴先生之媳也夫隆德以哭弟過哀而殞夫人喪  
葬既畢遂經以殉年二十耳時五月二日也陝臬  
之弟樗亭先生陳臬閩中屬予作詩因歌以記之

五月榴花司火令五絲不續冰霜命將軍淑女華胄高珩  
璜琚瑤垂兩髦關雎治化首麟趾相攸嬪得宗潢喜鳴珂

秋江集

卷五

三

戚里喧歌鐘爛其盈門何彼穠公子挽強讀書暇有時鳧  
雁城南射歸來琴瑟鳴中庭庭中淑慎如禮經荆花一夕  
同根債合歡條忽成孤忿大叫巫陽不返魂鞭鸞自去排  
天關綠雲急剪從君薦裂帛猶遲旬日見君家間氣不可  
當俾我巾幗扶三綱蕙折蘭摧乃如此孤凰甘爲哀鴻死  
郎殉秋風棠棣枝妾抱枯松縈兔絲死生大義劇了了何  
必孤燈對昏曉地下人多地上人團樂所欠惟一身既聚  
且順貞且固紫泥高照黃泉路

述德陳情呈中丞潘補堂先生

清切清華碣石開 帝資匡濟出金臺東南府事經營遍  
嶺海提封節鉞來旗鼓二山對高迎八座女牛分照拱三

台天教荒服傳名世韓范勲庸董賈才

巖疆來築太平基造化權歸好手持束濕何須煩節制調  
元全在合機宜連岡斥堠花傳箭橫海戈船月照旗曉鼓  
未與宵柝寂我公鈴閣坐書思

湛深如水穆如春色正芒寒語要倫猷猷早曾斯道任廟  
堂真用讀書人要荒品物鐫鑪手表裏山河鎖鑰身一柱  
南天功不細鯨波雁澤足經綸

南指滄溟北枕岡無多沃壤與耕桑梯航已分難輪輓斤  
齒安能厚蓋藏惠保 九重方旰食効靈千島不波揚元

公體國兼經野天庾教分海滄嘗泉州米價騰貴公踰請  
截漕航海而至全活無

秋江集

卷五

三

丁戌山排使院邊戰衣紅照荔枝鮮廬陵折節惟延士清  
獻焚香每告天賓客芙蓉分講席謂沈山川疆理相流泉  
公精形家言于會賊水道多議疏繫羽書裁決風行後依舊鉛丹手一編  
戟門中有綠莎廳劍履清標上畫屏鼎食共嘗冰氣味袞  
衣惟表鶴儀形三千弟子敦儒行六十諸侯受政經如保  
如傷心力瘁二年絲竹不曾聽  
宛宛飛橋絕徑通嶮巖千仞接孤踪可能消得逢人說多  
恐難爲悅已容是處觀瀾應到海此生禮嶽在何峯老夫  
大笑旗門立顰顰頻來聽鼓鐘

繞樹飛鳥涸轍鱗十年門館託平津要知詞賦稱賓客不  
及田疇作子民衰老豈期逢此日皈依眞使悟前因我家

五月新絲在留繡平原莫賣人

毘陵潘中丞重落西湖余暇日出遊感今追昔成詩

二十首殊愧鄙俚聊當掉歌漁唱云爾

杖藜去踏城西路一碧空明浸遠天四十年來無此景故應日上湖船

濃黛初開乍霽天一航衝散過湖烟帶來玉女峯頭葉銀

鹿當風煮謝泉謝庭柱鑿井湖邊廿列不竭石欄鐫謝泉二字

扇扇荷亭折檻低四邊蒹葭抱長堤褒忠祠外人如織不

上山南到水西祠祀范忠貞公

樂遊散後霸圖空漁唱菱歌起晚風大夢山頭一輪月夜

深曾浸水晶宮閩主王延鈞城西造水晶宮與其後陳金鳳采蓮湖中后製樂遊曲宮女倚聲歌之

秋江集

卷五

三

複道張燈夜未收冬郎垂老到閩州玉消珠盡長春冷誰

伴荒遊上綵舟韓偓長春宮詩云汨滴珠難盡容殘玉易銷爲金鳳作也

三山別島署孤山一碧琉璃四面環我欲另開香雪界亂

梅花照亂流灣孤山在湖中明太守江鐸結亭署三山別島四字

半薰花氣半蒸嵐又蘸波光上佛龕粥鼓魚鐘一聲響此

間何可少精藍開化寺舊在城中已廢孤山建寺仍其舊名

丹荔千枝壓殿牆每來開化寺先嘗雪霜肌肉丁香骨傳

說當年十八娘荔子十八娘瘦腰細核纍纍一串數十粒相傳王氏十八娘手種故名

櫟園舊築詩人塚水次泉聲好在無趙十五同陳叔度吟

魂還傍小西湖趙十五名璧陳叔度名鴻皆工詩貧窮以死周櫟園侍郎爲葬于小西湖之側書石云明詩人趙十五陳叔度合墓叔度有詩云一山在水次終日有泉聲石倉先生最賞之見閩小紀

擬築伊人宛在堂葉葭秋水但蒼蒼傳高合配曹徐謝待

我來分上下床傳汝舟與高澂約偕隱西湖有擬築宛在堂詩

湖西要度高低勢築堰關心在溢乾解識勤民趙忠定一

篇鴻筆記澄瀾趙汝愚建澄瀾閘尋燬明徐瑯琊拓國夾城開遂使三湖半草萊六十九渠忠惠力辛勤曾復五塘來東西湖汙塞蔡端明開六十

當時易費水銜錢水利曾興六百年一萬四千餘畝地可

能艱食到桑田西湖水利民田閩縣三千五百九十八畝西湖水利民田閩縣三千五百九十八畝

草沒南湖跡亦銷通仙門外不通潮熊兵湫塞泥門閉剩

有濺濺出柳橋熊兵泥門二橋皆導西湖之水入南湖者今南湖已塞二橋亦廢惟柳橋尚通舟西

秋江集

卷五

三

西湖東斷到龍腰只隔琴亭二里遙每到浮倉山下望無

人能識十三橋浮倉山在東湖水中樊紀述十三橋以通嶺北諸溪水于東開琴亭其一也

荒京安國寺門局品石猶懸翠楚亭不得磨崖第一字是

誰開社此箋經安國寺在東湖之北品石翠楚亭箋經臺俱寺前舊蹟巖上鐫字極多皆剝蝕不可讀

落霞孤鶩看飛齊起廢新銘換舊題一自河陽滿桃柳邦

人不美白蘇堤

都無所出租庸調力役非征見子來但把精誠寄涵泳便

留膏澤在亭臺

土功荒度到湖田遠左英聲姬昔賢重見無諸嚴太守行

人能說太康年謂太守三韓王公

菱灣藕蕩一竿絲欸乃聲中和竹枝我亦掛他筇簪去小人樂利作漁師

六月四日官紹寧招同傅王笥杜松風林蒼巖劉鄰

初李霖邨趙敬山集荷亭泛舟西湖至開化寺噉

荔歸賦長句一首

羲輪亭午驕陽烏赤雲不密奇峰孤翻漿白汗不出戶誰鼓遊興城西湖主人揖我謂我好執熱要濯千冰壺荷亭折檻三十扇扇扇皆浸漣漪區南風吹面不問斷盡蘘苗茵飄座隅茲湖汗萊四十載裙屐久歇觴咏無河陽中丞顧之嘆是豈不足與利乎大者瀦洩潏畎澮次亦蘆葦菱菱租經營畚鍤四泱月泳游鯉鯉飛鷗鳬十步一桃五步

秋江集

卷五

五

柳煥爛秋實春華俱公之沛澤不在此此已我輩沾歡娛此時炎燄漸斂退殘日樹杪斜半哺開化寺門十字水水晶明滅琉璃鋪四圍朱荔爛照眼如放閃燦光浮屠紫纍倒垂萬火齊粒粒碎剪千珊瑚僧言殿角一株好此林種與凡殊殊當時王氏十八娘至今遺掛紅羅襦宋香陳紫遜此品可惜不繪丹青圖類亂散卵細不正丁香結核焦半枯老饕百顆未饜足爭棟瘦骨豐肌膚最後一株翠岡上懸崖摘噉心胆粗玉筍仙人勇過我振衣直躡無顛扶二三老友興不淺此會河朔真吾徒一痕纖月掛歸路城頭暮笛吹鳴鳴

重晤沈學子賦贈

籍籍聲華萬選錢水南水北最稱賢儒生草檄多新論幕府談經補舊箋文字留爲知已用衣裳作與嫁人穿讀書吾老嗟何及悔不從君早十年

終日看雲滯所思睽違已是十年期莫嫌檠戟當閑隔猶勝鱗鴻過嶺遲白首再來彈鋏地朱門閒話吐茵時不圖東府平池水重見紅蓮庾杲之

題杜松風抱琴圖

秋水第一條秋山展幾兩誰囊三尺桐抱入千重嶂大化在調元一氣宣以暢襟抱忘華簪獨往愜微尚是籟皆希聲無絃亦高唱要識絃外音散在松枝上

七月七日杜松風招同傅王笥林蒼巖雅集

秋江集

卷五

五

伏雨初收霽散烟盞簪筵比巧棚鮮美人隔水瞻靈匹名士叩杯賦望仙涼葉暗飄燒燭院故香新發曝衣天輕羅小扇針樓夜回首橫塘二十年

中秋同傅王笥編修集河陽公使院賦詩奉呈

秋色正佳興馬軍叩柴局招我五花館折柬無淹停公言稍休暇人生嗟轉萍及此會合好臭味同惺惺通識在豁達脫去畦畛町一語能起予勝於座右銘公學在經術嶽嶽而淳淳有時發藻思振翰凌青冥論必窮其源高瀉如建瓴窮理先蒼萃次乃分渭涇西山讀書記義類所著形公言宜熟玩入德之門庭石齋注九書暗室燈熒熒公最賞精義周易與孝經特加以考訂招揭同日星王笥老玉

局阜比尊典型公與議文體先正唯式刑翻沈學與王

海鶴梳其翎共公發緒論玉屑罪罪零豈知畫戟門中

有奇字亭公治不聲色初無事發矧豈弟神所勞和平神

所聽所以延天庥黍稷惟德馨萬寶納千疇公心休則寧

是日天氣佳卯色涵空青乃命文字飲勸我斟醪醑我每

趨旗門毛帚奔輿丁再拜何所求濁腑來乞靈所恨老而

贖提耳煩轟霆公有覺民責豈得遺衰齡黃鐘懸我前我

乃持寸筵叩必竭兩端曾不嫌罄餅就如藜藿腸來飲侯

鯖腥日暮宜夙退晚風喧閣鈴庾樓何皎皎牛渚何泠泠

令節有樂地何必絲竹聆歸來神骨爽如豁塵夢醒銀箭

滴遠漏寶月穿疎櫺點鼠暗窺缸疲僮昏觸屏鐘動不就

秋江集 卷五 美

枕壁昏哦寒廳

送張乾夫歸里

名那管領屬仙郎海國蒹葭憶早霜每度女螺江上望青

山一髮是吳航

落葉黃花滿徑鋪秋聲秋氣不曾孤蓬門關酒無人到剩

有君詩主客圖人閑酒一梯落葉客登樓為荒齋作圖也

有時吟卷束行旌貪過茅齋緩出城鄉里皆知使君在小

樓深竹有詩聲

倉皇竹馬痛慈烏河內知能再借無無數邦人懷舊德重

來不獨為潛夫

正月十二日傳玉筍翰編招集鰲峰書院同上瞻斐

司馬潘健君明府

春色三分上絳紗裁紅暈碧漸催花拍浮激灑籌爭下射

覆紛拏燭半遮雅興固應推老輩衰齡何忍負韶華六街

燈火千門月照我郎當醉到家

沈學子以金石經眼錄見貽賦詩八首錄為鄧陽褚

王虛舟徐

香草齋中一物無烏皮几上見龜趺分明具體而微處再

補洪家隸續圖

何殊位業寫真靈方寸能生五微形袖得窮荒諸碣至卧

遊宗炳不曾經

魯王墓上石雙入精絕琳瑯刻滿身歐趙可曾收集古也

秋江集 卷五 三

應古貌見無因魯王墓上二石人狀極古朴其半身

巍巍二室東西闕搜剔遺文剝復斑牛鬼蛇神義何取大

都夏開象神妍

方形上谷府卿龕非闕非碑類石函奇絕蕭齋無此種是

誰縮地到窻南

金題玉躐零星檢燕尾蠶頭漫漶鏤見說永興書一紙房

邨二字芋千頭

河南高士稱靈絕渤海真君獨寶藏俱是不曾經眼物良

常吏部跋雙行余家藏歐陽信本太陽真君祠記癸卯携

刻為集古所未見余家有褚河南高士贊亦世所罕觀

此可稱雙絕惜莘田行急不及令其一見今虛舟已逝

年矣因此錄之

舟序文並及之

故人知我就金石縮本無嫌細剪裁贏得中郎典刑在匹如相見虎賁來

惠昭傳玉筍輪編賦贈

華髮三朝侍從臣最高千佛列簪紳少持玉尺量多士老把金針度別人二西鄉媛存大業五湖詩酒乞閒身東南膏馥多沾被又挹餘芬到海濱

九仙山下坐談經爭向黃鐘叩寸筵鑄物惟憑善陶冶染人全在好丹青杯鐺蘊藉都矜式裙屐風流亦典型我與侯芭分一席花時載酒上揚亭

記共南荒醉巨羅黃鷄白日易銷磨幾聲檀板催花出一曲玲瓏奈老何青幕每朝圍履舄絳紗終日響笙歌河汾

秋江集

卷五

美

散去西州別說着羊城涕泪多謂王樓山中丞時樓山公適至粵西閣燕會日在酒籌歌板中今樓山公已逝十年矣

長守林泉亦未能他邦誰不拜陳登到來滿眼惟蕉鹿老

去迴腸有炭冰舊雨巴山今日話晨星魯殿幾人稱與君臭味兼踪跡白首重逢感倍增

附和韻

傅王露

直遣衙官作外臣風騷凌轡冠纓紳平生未敢輕餘子頭地終須讓此人巢父行藏有仙骨玉溪生世本花身

見西溪叢話只今白髮招携處猶說初逢瘴海濱

黃陵廟裡識曾經擬索蘼茅當折筴詩卷但留芳草碧書寫長對遠山青離憂自昔兼風雅寥濶于斯見典型

却憶香銷燈炮後聽歌吟斷玉鉤亭余在嶺南嘗過君草堂有玉鉤亭聞歌之作

浮雲交態薄于羅肝膽誰將古劍磨千仞龍門人有幾龍門千仞幾人登十年泉下事如何采風真見棄輅客

知已新成下里歌余嘗爲君作歌感思知已歌賸有南陔華黍在儘容東哲補亡多謀補刻大集

自笑嫫嫫謝國能三神山近許重登空勞刻玉思爲楮敢說雕蟲學鏤冰丁戊高風千載並高宗目歲號爲丁戊山人太康

名蹟有人稱無諸城畔憑幽討好事因君日漸增君新在堂屬余爲記

喜惠姪成進士歸里

秋江集

卷五

弄

我家本儒術名山開舊藏力學如力穡土物維心賦逢年未可知不敢荒其庄豈可詫朱紫先疇服所當於汝遵六葉墜緒曉微茫汝年十有五食餼於上庠家貧富圖史拄腹撐餓腸籍籍高才生謂汝能文章遂有延臯比書幣來遠方脯脩代菽水亦足歡高堂有時事客作稍稍充稻粱舍田而芸田其實亦可傷韓公示符爽訓誨詩琅琅要不離利祿導之以名揚我老墜學殖簿領羈南荒安能汝砥礪是汝自激昂七度踏省門乃選舉于鄉春官不省錄襍被無歸裝京國六千里庠屨兼糗糧雖免十上勞八載衝冰霜今趨金馬門白哲成老蒼汝祖中允公少壯能穿楊捧檄三令尹晚乃登巖廊汝當需銓注勿輕視爲郎

聖主愛蒼赤，循良書賈長。承家在報國，不獨紹書香。汝父老  
書生，我亦貧。柴桑門戶恐衰替，宗族希寵光。且莫厭闕短  
家尊名，亦芳索。汝新錦樣分汝舊衣裳，團團樂拜家慶盤。殮  
羅醴漿，我老不痛飲，因汝傾巨觴。

題畫東傳玉笥

腰懸玉索小提壺，除却南宮識意無。唯有六朝人好事，寫  
他載酒問奇圖。

東林蒼巖游心水陳德泉劉鄰初小飲

荷鋤把釣皆虛願，蠟屐藍輿亦倦遊。向老但思朋友樂，雖  
貧不必子孫憂。鐘聲愛遠還宜夜，酒價頻高幸有秋。唯我  
同懷二三子，每逢佳日卽句留。

秋江集卷六

永福黃任

辛未九日登烏石山

高臺宜曠壑，宜幽盡把遙。天爽氣收萬井遠，烟松外暝千  
岡平。照鴈邊秋衰容綠，酒還酖面短髮黃。花不揜頭齊把  
茱萸香，蒲手海風吹嘯上林邱。  
山南山北轉紆徐，筋力雖衰興有餘。濟勝豈須尋蠟屐，探  
幽祇合坐籃輿。踏殘黃葉前朝寺，剔遍青苔過客書。懷古  
登高兩憂絕，不應虛度閉門居。

題吳未一先生扶杖觀太平圖

住近松陵五里遙，愛尋桑苧老翁招。垂虹宛宛東南路，一

秋江集

卷六

杖鏗然曳過橋

題吳林塘明府板輿圖

化日長如太古春，板輿卽用鹿車輪。兩行樺燭三廳月，愛  
照桃源一洞人。

許石泉擢崖州牧以入 觀便道歸里喜晤有作

琴書暫卸卽朝天，算別家山十一年。幸荷 君恩來上冢，  
仍牽民望未歸田。談多往事驚蕉鹿，醉帶離聲入管絃。莫  
怪老夫歡更戀，每嗟衰病見無緣。

杭柳葉底啓衙齋，沉水烟中判訟牌。毒瘴消因冬日暖，奇  
峯密與夏雲排。投荒自昔多名輩，謫地於今是晉階。能使  
海隅聲教訖，雕題爭拜許珠崖。

題鄭荔鄉太守鄭圖

通德榜在門夾深書在室復此十畝居微尚亦已畢珪組  
三十年爲圃憂廢失敷榮非所欽結念在秋實繪此灌園  
圖蔬菓列一一紅綠與黃圃瓜壺維柚橘稚子勝雍端何  
止識六七已解摘瑟僂不肯覓梨栗階下阿對泉輒輒湧  
而滴修綆何瀾翻一汲千畦溢咄哉漢陰翁息機殊不必  
齊民有要術資生之用遍種樹如字人不言美利見烹葵  
及萸菽退食亦充薦是卽陶風圖可使魯一變散衙巡町  
畦十畝繡芳甸厥苞何纍纍雜花尙抽艷棚下涼風吹解  
帶冷然善

望雨

秋江集

卷六

二

黍苗無葉汗翻漿何處轉轡響阿香自我西郊終日看奇  
峰但作密雲涼梯航不易籌荒政斥鹵由來莫狹鄉見說  
大官齋宿切上天一笑卽倉箱

哭河陽公八十四韻

昔歲在丙午攝官端州城公來嶺西遊會面齊心傾索我  
縣齋詩謂有姚合清自此締石交啣杯縱豪情迨公守雄  
州余已歸柴荆相思不相見嶺雲千萬層及余重客粵使  
節來自瓊清風灑端瀧憲職歷漕刑齊年王大夫謂樓山先生  
其時亦合并遂飲五侯鯖宴飲還頻仍流連出篇什和鳴  
春谷鶯經年翡翠洲數倒雙玉瓶秋風起天末布帆懸前  
汀戩子歸故鄉辱公餞葵亭粵山何蒼莽粵江渺盈盈慈

恩不卽發意氣偏縱橫後公藩於浙仙霞隔陵嶒每墜雲  
端札招我遊西陵六橋藕花風爲我儲香醴我老怯遠征  
登頓殊未能戊辰公移鎮嶺嶠臨謁旌旌父老仰常哀弟子  
瞻李膺况余別公久懼忤何能勝因同林故尹鳳山尹東林葵  
帶偕前迎維舟困關西笳鼓方喧旬將吏謁未遍出憲延  
舊朋積忱不盡吐江天斜玉繩公言自分攜魂夢纏短檠  
今此復握笑良覲快平生我輩素心交夙昔忘骸形不妨  
繼此見酒掃東頭廳惟有一尊酒可以歡公榮我足苦蹣跚  
狂奔走實可憎鄉里當引嫌踪跡希公庭或月不一接靜  
午喧閣鈴公必速我至咄嗟觴爵行啖我楓亭荔壁我增  
城橙非我老而饕惟公愛則誠庚午之二月公當朝 帝

秋江集

卷六

三

京送公閩王祠迴車勤叮嚀七月公還鎮賓興歌鹿鳴公  
時屏延接我得歷堦升示我紀行作鏘鏘響敲鐸府中沈  
東陽學問沈詩筆凌金莖風騷互推激奉公爲持衡我郡  
稽掌故方志湮不營斷手慨萬歷蒐羅無全明公雅重文  
獻開局事汗青嗟余最衰鈍亦令陪俊英竊恐辜見屬晨  
興夜挑燈脫稿幾竄易細字塗秋蠅昨夏天苦旱望望禱  
群靈齋居苦焦灼寢饋無刻寧以茲感脾疾鬲膈腹結瘕  
福安繼洪水督賑行不停旋往巡泉章戈船浮滄溟眠食  
苦未遑重以沾海腥歸遂成沉疴肌削骨露稜余每入問  
疾挈書童子凭自嘆我何恨所釋易未成正月初三夜新  
霽拓窓櫺屬我寫帖子懸之牆東楹又索畫長松素壁寒



清聽辛盤堆筍韭大饒更而羹公已不能飲要我飛巨觥  
嗟嘆駒隙人容易此重經我坐殊黯然聞語心暗驚詎謂  
大期迫遽化傳說星卅年風雨思一夕途冥冥臥榻臨永  
訣於邑不成聲公語不及私君親念交縈屬我謝邦人  
西湖水清冷雖瞋不忘聞魂魄戀編氓嗚乎公大賢所嗜  
惟六經空廳皮書史外此無餘羸哀哀驚峯士梁木傷典  
型顧我支離叟壯歲托蘭盟交久情益摯忘分同弟兄今  
公棄我去何以周頽齡驅車走牙門五內空怛怛殘客二  
三子淚眼無春晴人生具風義亦公能感興聰明而正直  
爲公書誄銘柳車日以遠躑躅長淚零

舊事

秋江集

卷六

四

老人懷舊事舊事亦依稀夜月積歡怨春風生是非閒因  
難東帶病至不勝衣禪榻茶烟裡吾思杜紫薇

庭前三花樹詩

新柳

絲絲直欲訴前因纔吐眉來便帶顰尚未能勝攀折手爭  
教去管別離人籠烟漸密隋堤曲弄日初搖漢水濱家在  
永豐坊裏住上頭三日試腰身

小桃

似醉如蒸二月天玉鉤新咏浣溪箋  
箋息嬌宮裏愁長日崔護門中憶去年  
流水空山新世界舞衫歌扇舊烟緣  
秦淮渡口天台洞半屬嬋娟半屬仙

藤花

小桃初放柳初舒斟酌衣裳染不如瓊瑤愛垂疎檻外  
葳蕤多掛出牆餘殘霞一老青衫坐二月全家紫府居  
爭忍茶烟禪榻畔白頭拋汝去傭書時有文  
字之役

鼓山寺僧每春餉牡丹數枝花期已屆詩以探之  
十二瑞臺百寶閣當年載酒騁雕鞍如何老病棲禪榻猶  
有狂心問牡丹茗枕房櫳消午倦熏爐簾箔護春寒幽齋  
不作穠華夢祇乞僧寮一朵看

次日寺僧送牡丹至

雪積烟封暖乍開曉鐘十里下山來紅苞尙滴巖前露綠  
萼猶粘水際苔繡被錦幃參色界染衣酣酒出香臺維摩  
亦要天花散蛺蝶牆頭莫浪猜

秋江集

卷六

五

題月鹿夫人蛺蝶圖

塗金傅粉簇霏微百褶飄搖染縐綸惟有南朝周昉識前  
身原是美人衣

似較花房宿倍香絳唇親爲染衣裳又來筆底蘊蘊活脂  
粉儘邊夢一場

綠楊影裏啟朱局寫韻工餘寫繡翎攏着六朝金粉筆小  
樓深巷事丹青

二月二十三夜

四更缺月一痕斜照到紗櫺竹又遮似有人行驚起看滿  
天涼露滴梨花



題林蒼巖一研歸耕圖

林亭子弟總能文阿買都知寫八分白首歸田作家督他山之石課耕耘

少同講塾從師日老共吟臺對宇春七十年來齊健在石田還作耦耕人

題朱竹

此叟支離尚渥丹簣簞谷在絳河干渭川日晚垂垂動誰把珊瑚好釣竿

飄然

飄然歌唱入層雲風急天高忽斷聞難解亂絲唯勿理善藏餘焰不教焚事當路口三叉誤人便江頭九派分今日

秋江集

卷六

六

始知吾左計枉親書劍負耕耘

雜詩十七首

不曾佞佛不求仙不會牽車不力田每執兩端動計較微名身後酒生前

不鮮到處莫數見立論卑之無甚高乞兒稱販但如此擗捨真教笑汝曹

上床高踞下床低流品平分本不齊精絕張參軍一語王孫女勝買臣妻

隘巷何知大道旁有時異夢亦同床安能子面如吾面刻木牽絲聚一堂

雞蟲得失無時了枘鑿方圓各性成戴笠乘車黃白馬本

來吾法不同卿

率鳥由鹿總飛奔刺繡何如倚市門道上釜鬻爭奪後相看一笑是牢盆

錐刀作色矜豪舉紈袴連帷逐貴游促迫老夫無處立九仙山上嘯來秋

鶴怨猿啼我嘆嗟恥將標榜作聲華水南水北山人笑辜負韓門處士牙

未必鳴時盡不平疎蟬秋至最能鳴但餐曉露何曾飽底戀斜陽不惜聲

縹緲無價竈無烟貫月長虹照夜眠明日蕭齋標一勝新牽上岸米家船

秋江集

卷六

七

濃嵐每向紗帷滴響瀑時從紙壁流我亦無錢買山去畫圖高掛李營邱

十笏纔安曲尺床床前惟掛一奚囊槐根个个誇盤錯新築三間審雨堂

物情顛倒至於斯世故推移那得知稊稗充糧曾勝穀干將補履不如錐

少年遊俠記吾曾博進屠沽我亦能入手黃金隨手散白頭惟對短檠燈

筑筑二十五年身只當東風未嫁人少繡平原多繡佛下簾房老過殘春

郭田不足餘夫畝班祿難沾下士恩賣菜賣漿無不可西

風一慟孟嘗門

應劉飛蓋因公子屈宋摘詞爲美人便算一生閒事業可憐如此費精神

雨歇

簷牙餘溜滴纔休樹杪殘雲掛未收率性廉纖深巷寂稍晴剝啄到門稠前溪漲落寒猶在小閣香銷暖尙留耐過沉寢兩三日楊林東渡上扁舟

題曹娥碑後

孝女江頭江水清至今碑冢表精英暗中摸索猶能誠心折山陽度博平

偶然瘦語落雄猜遂有機心撥不開輪過小兒三十里可

秋江集

卷六

八

知魏武亦粗才

題張旭觀公孫大娘舞劍圖

張顛濡墨本通靈草聖還資舞女成玉貌錦衣零落盡祇應傳得太湖精

渾脫瀏灠看擅場杜陵懷舊劇悲傷紅妝弟子誇身手誰

寫夔州十二娘

題唐明皇訓儲圖

宣和御筆

花萼樓前有執經春宮詩禮尙冲齡一從靈武爲天子不得朝元再過庭

豈知天性亦恩讐三子何嘗得一留留得中興儲訓好不應西內洎交流

太平機暇講齊修畫出天家禮法周他日何人在圖本高將軍亦去巫州

老聽張微一曲歌淒涼還勝靖康多可憐粉本留殷鑒庭訓何曾到九哥

題元人褚士文臨摹詛楚文冊後

篆刻周秦久失傳從聲假借識偏全能摹詛楚文三石重見宣和董廣川

題沈石田二十七松圖

圖爲石田壽靈巖長老作石林松下兩函經一時妙語

雲歸天上露歸瓶參佛由來不在經二十七松千澗水有何言語費師聽

秋江集

卷六

九

題沈石田做倪雲林疎林圖

石田題云平生最愛雲林子能寫江南雨後山

疎林斜日有無間

從來意匠說能事十日一水五日山此翁何止千邱壑心折雲林尺幅間

又題一首

能於簡淡見淋漓此意惟翁解寫之想是傳衣趙同魯疾呼火候過來時

董思翁云石田臨倪雲林畫其師趙同魯望見大呼曰火候過矣石田大悟

題素言冊後

覺羅八姑中丞樗亭先生之妹遺腹疾不字中丞鎮兩浙八姑奉母來使院年二十八而逝所著素言一冊皆幾乎道者中丞寄示賦二詩附題其後

清時治化本精華况沐徽音有靜嘉世教大昭闡闔地坤  
靈自淑帝王家鳴鐘待母能聞道冰雪從兄去建牙女誠  
已兼儒行錄斑斕彤管又何誇

家訓尊聞即守先豈知巾幗得薪傳芝蘭便足吟風月金  
粉何煩上簡編見性已明休伎佛葆真自去不求仙天教  
內則增新語撒手全歸廿八年

### 題硯

元氣淋漓劈乍開如何膚寸墨兼苔破窻徹夕驚風雨飛  
入磨唯一片來

### 題月硯

曾浸銀河濕不乾支機濡染徹宵寒誰偷砍桂吳剛斧琢

### 秋江集

#### 卷六

#### 十

出文窻七寶團

貫虹美璞育蟾蜍長養珠胎滿又虛怪底津津流欲滴的  
應此水是方諸

八月十二日東范浣浦侍御吳林塘明府沈浴鳧筦

庫施北亭上舍林蒼巖判官游心水太守陳德泉

京兆吳茹原侍講李霖邨別駕廖敦軒主政香草

### 齋小集

高天霽爽絕塵氛縱愛孤踪亦樂群淪落置身期寡過空  
虛求友要多聞飛來劍有雌雄合謂浣浦林塘北老去床  
亭浴鳧諸先生  
無上下分能共一杯文字飲銀蟾初吐照微醺

答范浣浦吳林塘見貽仍用前韵

秋深還是困炎氛冷淡生涯可以群駐景自知閒有過  
人翻幸老無聞小門忽署高軒過剩馥都沾雅派分滿座  
琅琅金石響不須絲管勸人醺

### 香草齋雜咏四首

#### 古銅器

癸父丁公蹟未湮丹砂出土綠生津休嫌樸魯惟求舊縱  
愛斑斕莫亂真沐浴先疇流故澤溫恭古貌伴陳人客來  
四壁蒼然坐笑說茆齋不似貧

#### 壽山石

儼白妃青又比紅洞天生長小玲瓏怡情到老同燕玉好  
色於君似國風神骨每凝秋澗水精華多射暮山虹愛他

### 秋江集

#### 卷六

#### 七

冰雪聰明極何止靈犀一點通

#### 硯

青花白葉蔚藍天古歛新銘小篆鐫每日摩挲三兩遍共  
君上下百千年含潮細膩呵能滴聚潯淋漓啜亦鮮記在  
端江誇管領冰廳水洞冷澗澗

### 漢唐碑刻

剝蝕惟聞舊磨煤斷乾裂脆不曾灰床堆諛墓千年字壁  
染磨崖半截苔玉毀金題諸刳散蠶頭燕尾古香來貧兒  
暴富殊僥倖伴薦福門前有殷雷

### 題郭復齋秋景小照

秋原風物淨高懷發遙想平遠何蕭森攬之不盈掌斯人

悟懸解偶駐蘊真賞山空不逢人微聞脫葉響十年吏淮  
甸蠟屐費幾緡每當小搖落幽意成偃仰歸來掩柴關散  
秩息塵鞅期水復期山得性非外獎

人日招林蒼巖游心水陳德泉劉鄰初陳浴齋郭復

齋鄭紹巷魏濟川李霖邨施北亭香草齋小集

晨曦激灑入簾櫳已有韶光淑氣通剪綵又粧挑菜節試

燈輕颺落梅風舊儲紫蠟供浮白新製青鞵踏軟紅七十

二迴過人日還招老輩一尊同余與蒼巖心水德泉  
鄰初皆年適七十矣

送施北亭歸錢塘即赴荊州幕

四載言歸又遠征聲華那許臥柴荆壯遊難得還稽古大  
業何曾不好名別去定深秋後感夢來猶共月中行要知

秋江集

卷六

三

八尺長檠夜未抵西窗剪燭明

先朝文獻未全湮二百年來討論新前歲與北亭同  
修福州郡志衰老

慚爲文字役編排翻得友朋親分曹漁獵歸何晚會食房

廊迹又陳詩酒隨君驅使去有誰料理白頭人

當時

當時不早審行藏袍絮蓬飄二十霜夢寐易醒原短睡中  
邊無味已粗嘗老來淮海交遊盡貧後田園展轉荒我幸  
年過何子季三旬四斗太餘糧

深情

了不相關百不管無懷時復有深情醉來似記前身事老  
去空爭後世名風月千家歸杖屨斗山百代上燈檠三旬

九食吾何慍蟬蠹編中飽此生

所得

所得乃清氣世喧難與言文章蓬巷老霜雪布袍尊萬態  
竟何有一靈能久存自家金石響不必出柴門

送廖敦軒祠部服闋入都

秋拜清華選人瞻上國光衣裳多捧日箋奏亦含香每重  
春卿望能持漢典詳他年有論著莫負曲臺郎

送爾趨青瑣臨岐一惘然繫心思往事分手况衰年朱旆

明殘雪滄江鎖暮烟勲名宜早立行矣祖生鞭

寄朱幼芝明府

大雅爲邦好勞歌亦性霧君詩道州派一字一華星易俗

秋江集

卷六

三

桃源美相思澧水馨幼芝家  
武陵幾時飛鳥便來欸我柴局

首春二日心水以江南名酒見餉賦此奉酬

小雨長街膩似膏故人十里餉蒲桃渴羌不顧重城隔只

當牆頭過濁醪

千里黃封海舶來椒盤未列麇先開晚風料峭春寒重恨  
不朱提對舉杯

我家栗里小簋輿不道今朝作麴車想是流涎兒輩覺急

肩紅友到庭除是日兒子度出南臺心  
水以酒納其輿中載歸

又成二首

落托江南醉幾場錫山春釀滿船香二更殘雪江尖道猶  
逐紅燈索酒嘗

風味依稀二十年白頭誰共綠尊前  
順郎散去楊枝逝  
一盞梨花一惘然

許竹素以新詩寄示賦此奉酬

昔時分手兩華顛別後爭禁十四年  
過嶺人來知汝健新詩老去與誰傳  
敦槃狎主耆英會風雨乖睽叔伯緣  
我亦蝨蟪似叢桂白頭吟望小山篇

早起

早起意不樂如作數日惡仰觀天無雲  
高懷忽有托我生坐悔各動輒得乖  
錯寡營愛獨立在困不爲忤有客泥我  
飲雕盤傾鑿落新知雜舊好良厚不爲  
薄所惜真性情乃付與酬酢一語不稱  
意悔不守離索時還讀我書古人呼

秋江集

卷六

十四

可作

玉塵

是物稱風調流傳自晉書光輝夷甫手  
墜落茂弘車疊疊供驂肩霏霏發緒餘  
松枝殊不惡標格較何如

沉香筆架

旖旎山頭木能將大雅扶天教管城子  
棲托海南隅染翰重迷迭濡毫滴鷓鴣  
江東徐孝穆只解愛珊瑚

肺疾

肺疾肥甘百不宜芳鮮未免朶吾頤  
老饕一病連三月誤了鰾魚又荔枝

對晚香玉有感

曾逐雲娥向月奔天風吹下立黃昏  
可憐玉殞香銷後今夕何緣汝返魂

半分冰簟半瑤簪吹氣都教上枕函  
記得無燈無月夜滿身暗麝白秋衫

明璫翠羽有神光小草猶能感信芳  
我欲通辭到羅襪銀鈎玉板十三行

偏仄吟

欽寄歷落行路難後有溝瀆前嶺岨  
相逢狹路不敢揖君乃掉臂吾躊躇  
雄飛雌伏各動色此邦器量本來窄  
大魚乃在沮洳居一尾掉搖便抑塞  
閉門動輒呼古人餘子體醜難具陳  
高山酌汝一杯酒汝豈難容骭髀身  
丈夫命存

秋江集

卷六

十五

百無害何遽身名不俱泰此子宜置  
邱壑中我躬雖小乾坤大

病起偶書

兩月不到西偏屋接葉抽梢滿叢木  
今日無風好天氣家人勸我稍櫛沐  
一領敝衣笑曷辭幾條凋髮又新禿  
微聞卓午厨無烟又過寒食一百六  
貧米豈望監河侯斷葷免作閨仲叔  
生客敲門記頗難小兒文選讀未熟  
杜陵阿翁共阿段平原剪綠與銀鹿  
傍砌烹來半銚泉隔花擎出一甌粥  
濡濡竅竅潤蛩喉揜住龜腸果蟬腹  
造物將以予拘拘變滅浮雲一瞬目  
跼蹐鑑井還歸房紅日上墻風滿竹  
夏日香草齋卽事同朱六幼芝作

柴門日有小平肩  
襤襪來敲卓午天  
攜得瀟瀟風滿袖  
借入高枕北窗眠

玉屑霏霏滿簾雪  
零不揮一塵已無蠅  
夏蟲竊指乃翁笑  
長日炎歊但語冰

鴻都隸法滿城間  
阿買都來乞八分  
好與王家添故事  
鸞頭燕尾滿羊裙

幼芝精隸書

銀鈎幅幅寫纖細  
麗句何因發古香  
辛苦揮毫王次仲  
烏絲紅燭夜初長

蓬蓬采采一微吟  
此趣唯應味外尋  
不獨朱紘發三嘆  
候蟲唧唧有元音

與幼芝論詩

手把君詩過兩句  
如君才調竟無倫  
誰添主客圖中句  
我

秋江集

卷六

七

是張爲一解人

酒壘詩城昔張軍  
冷灰殘燭痛離群  
南皮散後風流歇  
臨老襟懷盡在君

君去還能幾日留  
友聲無伴苦相求  
秋江正長蒹葭水  
怕聽伊人說買舟

竭來小聚無多日  
待得重逢亦判年  
我寄相思托芳芷  
流他沅水到門前

送杜松風入觀

越朝擁傳響鳴珂  
廿載巖疆費撫摩  
地比寇恂河內瘠  
詩如元結道州多  
杜陵人地稱三輔  
南國羔裘愛五紵  
我亦伴他騎竹隊  
白頭來唱袴襦歌

高軒門巷有輝光  
垂老交情極不忘  
買艇西湖吹蘼醉  
題襟北巷曝衣香  
幽棲衰白疎今雨  
小別輕紅話夕陽  
皂蓋他時肯來訪  
野梅留待折和將

送朱幼芝奉諱歸里

何處可爲別秋雲黯  
不開期君似潮水  
早晚去還來嶺樹  
慈烏叫湘篁孝笋  
哀衡陽有歸鴈一  
帑越王臺

悼辭

哀怨從來屬水仙  
湘靈瑤瑟滿江天  
九歌便是離騷譜  
廿五絃彈廿五篇

水邊玉珮不須要  
天上香魂不可招  
遲我緩山王子晉  
香花壇上共吹簫

秋江集

卷六

七

靈藥初偷便絕塵  
青天碧海獨傷神  
桂花樹下誰閒話  
記得吳剛是舊人

天風吹去不吹還  
知落銀河第幾灣  
如珮如襟水兼月  
夢君時上小敷山

擔簦解珮兩心降  
海色西風捲畫幃  
從此丹楓是紅泪  
一生不敢上秋江

半夜風花落衲衣  
經年禪榻不開扉  
一條深巷寒如水  
持鉢何門乞食歸

寄許竹素

與子俱衰極遐心  
空嘆嗟不知誰後死  
天肯數年加暮齒  
猶謀食殘春尚發花  
傳經諸弟子宜拜伏  
生家

竹素爲婁東山長子

不欲其衰  
年遠出也

放言

勞者不可無歌謠悲者不可爲纍欬亭毒芸芸各妍醜誰  
敢擬議生褒譏大地發育遍百穀何必長養西山薇夜光  
顧兔照八極何必熠燿光輝輝豈謂子面如吾面沈約瘦  
損張蒼肥豈謂卿法卽我法侏儒飽死東方飢桂堂絲竹  
夜燈燦茆屋蛩螢秋月輝誰人偃仰發叫嘯若個憂畏長  
脂膏或言冰炭各喜懼其實木鴈無是非乃知天工要變  
化苟不參錯將息機一夫不獲乞位置天最權度於寒微  
畀以虛靈益以餓文采絢爛寒無衣是中豐嗇有至理乃  
所願者從之歸公等長才不貧賤亦本賦予非我希人生

秋江集

卷六

大

志業各有向仰天大笑浮雲飛

斗室

斗室都無十笏寬得來閒坐便清歡半簾薄日雀聲暝深  
院急風花色寒處士加餐惟晚菊騷人雜賦是秋蘭月圓  
月上宵無睡齊看高天白玉盤

李太白詩字月圓子摩詰  
女字月上時老姊兩女在  
坐

題磨崖碑後

活溪碧水流穀紋嵒臺巖嶮千秋雲漫郎宅後勒半壁字  
語瑰瑋高皇墳天寶欲末邁喪亂兩都鼎沸崑崙焚鑿輿  
倉皇入蜀棧父老遮道要儲君干戈叢裏踐天位何曾尺  
土銷妖氛掃除非仗郭與李誰奏匡復巍巍勲蒙塵但得

返宮闕興慶甘露誰區分五千甲士擁遷徙可憐雪刃光  
續紛李父我家廐奴耳厲聲攏馬空千群至尊顛蹶在毫  
髮此時可少高將軍春秋八十天下養何至玉食無茹葷  
西內不遑問寢膳中宮不樂增憂勤事有至難累聖德道  
州哀痛非深文雨淋日炙九百載大書深刻溪之濱杜陵  
再拜莫卒讀此本中有帝鵬聞

丙子元日

熙熙又見一回春自喜閒人是幸人生長太平無一事  
三朝七十四年身

正月初六夜

新歲見新月銀鉤淨似磨紙窻飛漏點粉壁寫霜柯凍色

秋江集

卷六

尤

春猶淺衰微夜更多遙知上元近隣巷有笙歌

偶成

水天閒話好風多榻有茶聲幕有波燕燕鶯鶯飛去盡一  
龕燈火病維摩

所思

舊時節序舊亭臺散盡歡娛獨自哀我亦譬如騎竹日所  
思人本不曾來

栽花

社雨初收穀雨連分苗折甲種秧天老夫東作無筋力只  
好栽花當種田

題月鹿夫人藕花圖

蕭蕭折葦伴疎蒲風起湖西日半晡一幅曹夫人粉本臨  
平五月藕花圖

桑孝勇先生旌門詩二首 併序

先生名天顯字文侯生於餘姚父病反胃手熬肉  
粥羊脂以進及歿抱鎗哀毀取精忠反團練鄉兵  
感遠祖神兵退海寇力辭元戎之薦遊錢塘得旌  
于 朝余友駿甫之考也

尙有羊脂在悲啼血滿巾空然抱鎗夕無復舉匙晨特筆  
榮褒字終身儒慕人聞風師顧養濱海俗還淳  
一旅團鄉勇三年靖海氛先公遙立馬練長本能軍麾下  
終辭爵田間早策勳靈旗空際閃縹緲下重雲

秋江集

卷六

二十

寄陳句山奉常二首

女牀千二百鵲鸞爭看鳴皋一鶴盤 帝選雅南司禮樂  
天開壇坫領衣冠能昭黼黻鴻圖燦爛網珊瑚海水寬自  
上卷阿矢音好不知人世有郊寒

廿年譽望滿巖廊豈有漁樵混末行學問早曾僊籍凝詩  
歌時復數山王操絃不棄箏琶響覆瓿猶沾翰墨香 公爲拙集  
序舊雨晨星銷歇盡獨教衰夢接清光

歲暮陶叔載明府饋米詩以謝之

白粲雕胡粒粒香貧家囊缶卽倉箱冰廳鶴怨君知否分

去芝田半畝糧

清廚見說釜生魚遠道傳餐與腐儒我本監河侯處貨不

應累到范萊蕪

簷石居然有厚儲明朝鳥雀滿階除帟窻竹屋青燈夜免  
作平原乞米書

過姚邨答李老

善人豈敢勞虛譽鄉里多應愛不材下澤車兼欸段馬遙  
遙認得少游來

寄雷翠庭憲副視學浙中

聖代崇文治儒林必重膺手持三尺法心凜一條冰有斐  
威儀著於論禮樂興吳山山下路城闕看雲蒸  
表裏冰壺照高低鐵網懸身同寒士列夢在聖人前大雅  
歸先覺維風屬厚權衡文功不淺載道卽薪傳

秋江集

卷六

又二十

海國文明會千川障一隄三吳江上下百越浙東西盡鼓  
鍾鑪遍能吹橐籥齊孤寒最矜色大路上丹梯  
寤寐十年縈攀躋萬里情不曾離畝畝何地見公卿碧漢  
波無極高天鶴有聲他年營綠野樽酒話平生

今日

莽鹵到今日苦辛難具陳此生殊可惜終老作何人有恥  
方爲貴無聞不稱貧所欣存本性爛熳與清真

菊

百卉已搖落向榮當此時秋心在香草一一發華滋淡蕩  
嫌人賞高寒足我師依然弄顏色不畏曉霜欺

菊影



幾枝清供傍琴尊位置唯幽跡便存浮動可餐微有暈離披欲采了無痕屏風愛爲陶家景紙壁能招楚客魂好待燒燈涼月照霜籬移上玉真軒時在瓦壺分賦

秋深

秋深筋力稍輕強便覺閒門氣味長老似嬰兒防飲食貧如禁體作文章鐘聲屢動天難曉花色雖寒午尚香向暖可知衰太甚熏籠已疊舊衣裳

九藥

已成齒豁頭童日豈有腸肥腦滿辰少小便嬰消渴病衰頹何補苦吟身花間杵白芳馨發簾下梧捲錯落勾休怪老翁多服散後房尤怨更無人

秋江集

卷六

圭

題杜松風太守西征圖

十年提劍走風塵一諾酬恩萬里身莫道書生非俠少青雲原屬激昂人

芙蓉出幕水平池落日孤城照別離東府西州衆年少爭看上馬傳修期

緹衣韎韐帶吳鉤萬里關山不解愁南腦剛戎西髓醜饒歌同飲月支頭

陟盡巉巖不到顛佳名亦得上窮邊如何十二闌干倚一劍千盤是倚天

斷橋那復說輿杠一索懸腰百浪撞鐵鎖千尋有何意此行奇絕溜筒江詳在藏行紀程中

瀾滄葱嶺到人稀絕域都無野鳥飛唯有達摩杭一葦傍他孤履便西歸

蒲桃苜蓿滿山多此地曾經博望過若遇乘槎應大笑幾人汗馬到天河

番語都稱曉葉桑如何絕域識牛郎遙知烏鵲皆青鳥好爲征夫達報章

肝腸如雪鬢如絲三十年前好健兒怪底風流賢刺史至今談笑却熊羆

姓名三注御屏前玉白花紅五十年寄語從軍莫投筆西征圖是勒燕然

寄陳補堂山長

秋江集

卷六

圭

談經嶽嶽腹便便誰與先生送酒錢垂老還禁三歲別披顏恨不十年前人如彛鼎唯求舊習有詩書卽守先揭不歸與秋正好茱萸時節菊花天

送桑崱甫還錢塘

君自浙東來浙人謂我賢君席不暇煖相見施我先上堂捧縞紵一尺束筍編貫以明月珠中以萬選錢我聞不自今我見殊過前染茲好臭味及此權流連我老苦疲瘁每疾難遽痊君來入我室執手何纏綿自言患卑濕支體如拘攣急宜買歸棹兼旬上水船我聞殊不寧未語先泣然各以疾病廢都未同食眠瞥然舍我去不如不見便君有向平志掛冠嶽之巔平行脚不掉骨躋神完全所以方寸

閒位業真靈懸造化之小兒何足爲拘牽君其靜攝之御  
風飄飛仙素心托邂逅分手揮雲煙何以照千里皎月明  
高天

玉壺冰

一片心相照清能與潤俱交光雙激射比潔絕沾濡表裏  
真如一聰明本末殊至虛渾所有不蔽化爲無元圃凝雲  
液凌陰追座隅固應瞻凜凜何止作歡娛

春水綠波

澄潭初汎漾一碧到天河森森川如練汪汪水始波太虛  
浮浩蕩元氣溢清和霽日開明鏡微風縐薄羅靜能涵嶺  
樹流亦帶汀莎冷翠千峰滴輕藍一掬挾濯來衫色好染

秋江集

卷六

孟

得剡藤多歸去裁春服臨沂足詠歌

壽山石

壽山距城七十里夙產美石稱神皐山中產石各門戶爭  
奇競秀分儕曹月尾巖西牛角北墩洋奇良高山高峯洞或  
如凝脂或淡墨嫩黃蜜蠟紅櫻桃天半朱霞挂一抹間以  
綠艾青葡萄唯有水洞在澗底四時暗溜鳴嘈嘈其間結  
窩不可覓覓得一線羣誰號晝然一片光在手不大鑪錫  
而沙淘是名津津魚腦凍欲滴不滴凝爲膏藍橋雲漿凍  
不飲結作冰片能堅牢名門市門俱罕覩一兩半兩皆倖  
遭大如姆指小枝指半粟塵垢千爬搔雕人睨視不敢琢  
審曲面勢爭分毫間作小印古篆刻揀選好手工操刀沉

檀爲匣謹什襲裹以古錦縈以緙何來掌上此燕玉天與

暖老吾溫叨邇來田石踴高價居奇不肯輸強豪豪家意

在索必得牙僧弋獲無遁逃朱提論斤買一握要閭金壁

充鴈羔物情俗尚有如此遂視壽山輕弁髦壽山精華亦

衰竭山氓旦旦斤斧操以茲剝削少生理啜醢不過相與

糟吾之所實在求舊元氣灌注同甕陶蓋其肌理久逾膩

其色絢爛其光韜今之發剝卽瓦裂非不愛好旋訾警形

家之言亦可聽此地所重關城壕戕其脉絡剝至骨得不

刻露傷天炭天生尤物有得失我歌此詩非貶褒

感春

壓牆楊柳千萬絲出牆桃杏三五枝三月初頭二月尾倡

秋江集

卷六

孟

紅冶綠爭紛披城南裙展衆年少駢駢百匝相徵追嬉春

討春劇不了我乃寂歷甘迷離舊人百不一到眼化作花

氣香風吹何來語笑出深巷半聲飄去無還期魂銷目斷

不解說忽忽吾曾親見之誰喚喚醒醉眠夢謂我嚙語生

酒悲明明景光現復滅是我初地無人知

銀河篇

閨闔排雲雲散開白榆滿月中天臺誰家砧石有牛斗擣  
練竊取支機來牆遠花繁燭影小何苦啼蜚訢不了此時  
有聲如無聲洞戶悄悄閉碧城淨洗吹無煙三更破  
鏡飛上天開扉寒峭不可立銀河直瀉永牀邊欲往從之  
問清淺掬與銅壺作漏點金鎖鯨魚愁夜長莎廳六扇屏

風掩

購得玉虎一具爲案頭清玩繫之以詩

猗猗琢出小琳琅好伴蟾蜍古硯旁記得梧桐晨露滴牽絲汲井上銀牀

題古鏡匣

菱花滴滴綠於苔何代精靈發出來想見秦宮梳洗日王魚金梳滿粧臺

初月

已去還留落似升茗香琴寂露如水更無人到惜惜坐不下疎簾不上燈

偶作

秋江集

卷六

美

病來瘦鶴還思舞秋盡寒蟬尚解吟骭髀已非庸峭換僧鍾卽是雍門琴

酬訥齋按察卽次其見貽原韻

吾宗望重柏堂春礪教何人不畏神全力仔肩天下事高懷抗論古之人林泉有福能終老文獻無徵要此身我亦名山收拾去蕭蕭行篋未全貧時余有溫陵郡乘之役

小門

小門兩板啓何遲隘巷長條陋可知樹下蒼頭嬌納刺廚邊赤脚絮停炊花當已落猶開候火是初銷未冷時我比飄風年更大退身房老亦何辭

新葺小齋

衆香國裏半牀書紙閣蘆簾鎮日居快意鄉還用卿法低頭吾亦愛吾廬雖輸陶岷三舟樂却較維摩十笏舒一一琴尊排比好不曾家具借人車

九月二十三夜

百二十刻宵不眠今宵沽酒無酒錢短檠細字強把卷眼暗不得終其篇黠鼠翻盆百作惡怒噴拍案燈花落以茲綽虐昏上牀布衾藤簟如有霜蒲牢已動蓮漏急缺月半牆光蒲廊遽遽忽領黑甜趣人在華胥景中駐是因是想皆我欺噉杵乘車都不知家人竊怪曉還宿喚起着衣食早粥我乃惜騰還縮胸拭眼秋窓滿炎燠

東蘭女

秋江集

卷六

老

藤花堆紫柳拖青接葉牽絲綠一廳上已清明都過了不論時節好歸寧

老人情性多傷感到處歡場總不宜賓客漸稀兒女審汝來知有柳花詩

春歸

冰廳料峭簾初下寶鼎溫磨燼未收不信春歸冷如此棟花風裡尙羔裘

萬有

去而不滯藏無盡虛則能靈感卽通解道一空皆萬有本來色相不曾空

壬午九月十三日卽事六首

佩觿佩鞞佩羅裳弟子員中注未行往事尋思正何限不堪振觸到槐黃

露香風冷廣寒幽舊夢分明六十秋昨夜吳剛書信至寄將月斧話前修

得染新香本舊栽桂花重與故人開蟾宮不是元都觀亦學劉郎去又來

雲階月地事如何誰共霓裳咏大羅未免被他猿鶴怨小山連日有笙歌

窮居老齒敢稱尊多謝公卿禮數存白髮簪花齊一笑帽簷紅重是君恩

六街傳看舊嘉賓已是龍鍾八十身聽了笙簧沾了宴荷秋江集

鍾長作太平民

卷六

三

八十生日漫成長句十首自感自嘲不知工拙也

忽忽浮生八十齡亦曾猿鶴亦蓬萍已併世上緣皆各枉賦人間性最靈臘雪有情頭其白春山無伴眼雙青楞嚴在左南華右洗手焚香誦二經

集蓼茹荼亦可憐形神知不及從前鮮民未死至今日老

淚翻流於少年去年元孫年十九而殤四海賓朋書契濶一燈兒女

話纏綿衰齡不必傷哀樂世味無如道味堅

金泥金薤玉蟾蜍若飲爐熏午睡餘休畫南朝名士餅愛乘下澤善人車殘陽返照如初地宿習重新是舊書不信膏粱能養老野翁靈府本清虛

有時佔畢亦吁喁搖落高秋一腐儒到底短檠爲世棄便能扛鼎要人扶寒蟬澁縮難鳴葉老馬虺隤豈識途安得在田二畝半打門吾不厭催租

看盡浮雲與逝波百年人世竟如何慄慄再到王承福種樹重來郭橐駝消息早曾吾輩覺盛衰偏在故人多唯應薛老峯頭去般若臺西好放歌般若臺在薛老峯之旁李陽冰篆書二十四字

曾懸小像供西齋玉躋金題取次排魯殿千官瞻粉壁昭陵六馬上苔階古香噴薄凝焦墨廢紙叢殘露折釵腸斷

二梅亭散後與誰燒燭看磨崖古梅二梅亭子家十研軒各貯漢隸唐碑百十本每持翠相過從考訂題識已亥予生日懸小像於西齋羅列清供古梅梅香載拜縱飲高歌是日適有携涪溪磨崖碑舊本來售古梅拍案叫絕浮大白至夜分不覺後西人各官遊南北升沉聚散垂二十年兩家所藏金石皆雲散

秋江集

卷六

三

烟銷無有完本而古梅亦宿草芊芊矣感何可言

畫幘雕鞍選勝忙習家池館杜家莊笙歌每沸珠盤會筆研多安錦瑟旁失學可憐今既耄知非真悔昔方剛不材枵散終無用便竊長年亦感傷

賓館從容十一秋芙蓉東府柳西州故人丹旆靈車去殘

客青衫廢劍休謂太原河陽二公藜藿豈應金石固稻粱不向鼎

鐘求盤殮未免懷恩舊苦記莎廳禮數優公飲子於使

院撰文爲壽座客皆賦詩

草堂朋酒亦交歡其奈龍鍾再拜難疾病連綿天予壽殤殮斷續命能安少曾莽鹵三條燭老不希圖九轉丹五斗敢忘君賜食况叨重宴作家餐今年壬午秋聞揭曉日諸賞輒延予修重宴鹿

鳴之盛典  
予滋愧耳

太平時節老農家獻曝懷暄晚更佳樓閣已懸離海月桑榆猶燦滿天霞詩書世業箕裘在耕鑿編氓樂利誇餘筭餘糧君莫問杖藜去探早梅花

喜晤吳鄭公太史再到閩中袖出雋玉笥官贊臧札成詩二首并寄玉笥

小門忽報高軒過穀雨花風正嫩寒丁戊山邊諸弟子趁栽桃李未春殘

餘杭一紙到南閩且喜都成健在身八十六旬話眠食致書八十一旬人

插秧

秋江集

卷六

三

杏花屋角啼鳴鳴勃鳩喚侶倉庚呼何來饁餉一擔過驚起查查雙畢畢通田家感召春窠早先受發育之榮敷氣蒸脉煖土膏動高下唯壤唯墳壚大小町畦作罽布銳者圭角方者觚其時亢陽失雨澤畝澮涸滴瀝痕枯遂有龜坼未破塊決渠引溜爭涵濡老農浥注有疆理流潦不肯私其區由來同井好通力是穰是獲何分殊芊芊如櫛列密比剡剡如毯吹平鋪里正倉皇忽告誅官府勸相紛載途簞瓢筐筥滿阡陌已有旌旄呵前驅觀者如堵立不正無路但擁三义隅我亦肩摩塞其內安得襁褓充步趨我昔行官東南土行田四體能露塗還家決計秉耒耜粒食兼以輸庸租豈知筋力就衰歇每對亞旅增嘆吁雖我饔殮

僅握粟亦忝倖食生愆虞今日之遊喜見獵策杖履坦無顛扶平疇遠風送清聽秧歌猶嫺聲干喁人生土物足愛好歸去吟寫幽風圖

偶作

亭毒何莽莽人代何茫茫藐躬駐其間泰山一毫芒人生貴適意駒隙寧久長所愛陶與孟不知金與張簞瓢與鐘鼎懽樂其何常讀書與博塞臧穀俱亡羊嗒爾無何有呼童傾一觴

無事此安坐坐看微雲起雲飛意亦適據梧復隱几雀啁蟻行柯悠然風日美澄心欣所遇靜觀有妙理

半夜春水生春江多釣蓬日午紛紛炊烟散入蘆花叢盤針

秋江集

卷六

三

擘粒餌持竿白髮翁鱗鬚未滿尺振鬣筵筵紅跳躑在何所不記蓮葉東

君子貴自然寧靜以致遠本無孳孳念安得有益損馳驚竭智慮所遭每相反盛氣未聞道遂爲所牽挽卑之無甚高往者不可返吾思已爛熟君何見之晚

今夕

今夕亦何夕無心賦惱公冷齋紅豆月秋恨白楊風簾箔溫磨暗衣裳絳綵空人間與天上都在宋家東

飲蘭女齋頭

小女亦衰鬢愁因與病俱家風勤教子夫婿喜爲儒筆硯知多廢田園已半蕪篝燈鳴軋軋門巷有催租

質無非他族連枝且托根時蘭女僑居在舍第子會屋東偏苔痕兼竹色  
浮綠滿青樽洗腆還將父肩與每過門南宮無箇事來往

大姚村

酬余寶岡郡守

公才公望重巖阿表率唯尊倚仗多明鏡何曾疲屢照堅  
冰猶足泛餘波公攝三山郡守每持簡要無邀譽但矢精誠已養  
和豈敢緇衣稱好我時以東間閭齊唱袴襦歌

桃源雜詩

桃源場記至今留每讀遺編識故邱十二帖銷無處問祇

應低首盛昭州盛均昭州刺史廣六帖爲十二帖

命代文章信有靈他年措置在朝廷建州鎖院三條燭半

秋江集

卷六

三

夜傳衣與考亭

蔡茲桃源人晦翁爲蔡所得士

竊國南荒勢已分霸才無主起孤軍留安山下多田父誰

捨耕鋤去策勲留從効故宅

高岡上畫一古松系之以詩

嶽嶽歷落少行踪矯矯盤根一老松生受孤寒君莫怨此

身要上最高峯

題張南坪太守滇獨園

十年壇坫不無情雅派何人最擅名爲政爲詩兩清絕故  
應低首謝宣城

忽登燕寢凝香席與坐西窓剪燭人長慶又添新句子春

陵還恤舊州民

淵淵嶽嶽又申申不待添毫已寫真見了大賓亦如此端  
居爾室更無人

習靜沉幾一事無靈臺長日浸冰壺遙知廣廈千間屋都  
在三廡慎獨圖

題沈蘭友二空圖

非非是假如如幻無鏡無臺始是空若要色身多變現大  
家齊住屢樓中

龍峰晤沈叔園廉訪先生賦贈

二十年前誦子虛干旌今喜到貧居忽逢異地多聞客如  
讀平生未見書魚雅執經皆接席龍鍾問字亦停車一編  
東筍攜歸去繞柱循牆樂有餘廉訪公以尊集見示

秋江集

卷六

三

偶得壽山一石紅綠各半賦詩一首

一寸珊瑚劈乍開紅於火齊綠如苔前身墜在西施網曾  
浸三年海水來

題唐六如畫卷

絲管千場酒百尊天涯芳草憶王孫衲衣持鉢何方去不  
在禪門卽院門

偶作

香臺鏡檻三千牘帽影鞭絲四十年無可思量無可說東  
風吹夢夕陽天

夢猶談蕩醉猶歌隨懺隨因可奈何到老不知吾短處名

心未淨愛根多



ZW 21101000583137

以漢隸數種寄朱幼芝明府系之以詩

入皇三代際熙昌海嶺何緣發古香珍重河南韓叔節三

斷乾裂脆已叢殘通韻猶能作古歌寄與故人王次仲臨

行阿買尚開看

李元度國朝北正事

華田姓黃氏名任永福人康熙壬午舉人官四會知縣以  
詩名天下享大年著青草齋集其詩排側能移人  
情乾隆壬午里賦鹿鳴廷宴閣人士推為選光馬

天啟國主康十里補錄

國朝黃任撰定四庫全書總目提要卷一百八十四別集部十一

秋江詩集六卷

黃任撰任字莘田永福人康熙壬午舉人官四會知縣

杭世駿榕城詩話稱其工書法詩實客談諧談笑一座喜頤爾官歸里歷舉  
惟疏淡石數枚詩末兩牛腰而已其詩源出溫李往對感清新則深憶記  
如楊花絕句云到底不知離別苦後自遠去作浮萍春日稊思云夕陽大  
是無情物又送墮東一日春所為緣情綺靡殆於近之而低徊宛轉亦  
或闌入小詞大致古體不如今體大篇又不如小詩故榕城詩話獨稱其  
七絕蓋才分各有可長云 天啟國主康十里鈔附集後

秋江詩集六卷

福建巡撫  
採進本

國朝黃任撰任字莘田永福人康熙壬午舉人官至  
四會縣知縣杭世駿榕城詩話稱其工書法好賓  
客詠諧談笑一座盡傾罷官歸里壓裝惟端溪石  
數枚詩末兩牛腰而已其詩源出溫李往往刻露  
清新別深懷抱如楊花絕句云到底不知離別苦  
後身還去作浮萍春日稊思云夕陽大是無情物  
又送墮東一日春所為緣情綺靡殆於近之而低  
徊宛轉亦或闌入小詞大致古體不如今體大篇  
又不如小詩故榕城詩話獨稱其七絕蓋才分各  
有所長云